



TOURNELY  
DE  
ECCLESIA  
CHRISTI  
T.V.P.II.

A

20-186









0  
1    2    3    4    5    6    7    8    9    10    11    12    13    14    15    16    17    18    19    20    21    22    23

14761953 X





i 1764902X



917950

(A)

P R A ELECTIONES  
THEOLOGICÆ  
DE  
ECCLESIA CHRISTI,  
Quas in Scholis Sorbonicis habuit  
HONORATUS  
TOURNELY,  
Sacræ Facultatis Parisiensis Doctor,

Socius Sorbonicus, Regius & Emeritus Professor, Sacro-  
sanctæ Capellæ Regii Palatii Parisiensis Canonicus.

*Editio Postrema juxta exemplar Parisiense, quamplurimis Additionibus ac Notis nunc  
primum locupletata, quibus Doctrina Auctoris illustratur, ac defenditur.*

TOMUS QUINTUS PARS PRIMA.



P A R I S I S , M D C G L X V .

Sed prostant V E N E T I I S  
Apud N I C O L A U M P E Z Z A N A .



REPLICA



# THEOLOGIÆ CANDIDATIS

## P R A E F A T I O.

**Q**uas hodie, dilectissimi Candidati, de Ecclesia Christi Prælationes vobis offerimus, nisi consuetum Scholarum ordinem immutare religio nobis fuisset, melius fortasse, convenientiusque aliis omnibus præmittere oportuisset. Habetis enim in illis quasi contractam compendio, sed promptam, faciem, nec minus vi ac robore naturaque sua plane decretoriam, quam denique tradi a Christo Domino decebat, omnium de quibuscumque fidei rebus controversiarum definitionem; itaut, quod de moribus vitaque sancte instituenda dictum est, *Solutio omnium difficultatum Christus est*, idem aptissime & convenientissime de rebus credendis, de Ecclesia dici possit, *Solutio omnium difficultatum Ecclesia est*.

Enimvero in tanta Hæreticorum multitudine quibus tñdique fides impugnatur, nullus est qui non ad hunc scopulum allidat & confringatur. In tanta disputationum varietate nulla reperitur, quæ non ad hanc unam, quæ de Ecclesia est, revocari, eaque sola decidi ac ultimo terminari debeat. Est quippe Ecclesia fidei custos ac vindicta, controversiarum, quibus illa impetratur, Judex supremus. *Est columnæ & firmamentum veritatis, adversus quam portæ inferi nusquam prævalebunt: quam proinde ducem ac magistrum qui audire ac sequi noluerit, vel ipsorum Christo pronunciante, sicut ethicus & publicanus habendus est; atque, ut ait S. Augustinus, Libro de utilitate credendi, cap. 17. Ecclesiae nolle primas dare, vel summae profecto impietatis est, vel præcipitis arrogantiae. Quin & ipse Sanctus Doctor se Ecclesiæ auctoritate ductum Evangelio credere profitetur: Ego vero, inquit, Evangelio non crederem, nisi me Catholice Ecclesiæ commoveret auctoritas.*

Hac una Ecclesiæ loquentis auctoritate, omnem de fide quæstionem finiri posse ac debere asserebat Hieronymus cum Luciferianis disputans: *Poteram, inquietabat, omnes propositionum rivulos uno Ecclesiæ Sole secare. Verum quia jam multum sermocinati sumus, & prolixitas concertationis audiendum studia lassavit, brevem tibi apertamque animi mei sententiam proferam: in illa esse Ecclesia permanendum, quæ ab Apostolis fundata usque ad diem hinc durat. Et vero non solum brevis & expedita, sed etiam necessaria prorsus est omnem de Religione disputationem decidendi via, Ecclesiæ judicantis ac decernentis sententia, qua simul & veritati consistitur, & tolluntur difficultates examinis immensæ, atque infinitis propemodum Fidelibus omnino insuperabiles, rudibus dico & imperitis, quos, ut ait apposite Tertullianus, Lib. de Præscript. capite 14. fides salvos facit, non exercitatio Scripturarum. Auctoritati quippe credere, magnum compendium est, ac nullus labor.*

Novatoribus Lutheranis & Calvinistis displicuit semper suprema hac ac decretoria, quam nos Catholici in Ecclesia agnoscimus, de rebus fidei pronunciandi potestas; ex qua una plane conclamatam esse intelle-

*1. Tim.  
3. v. 15.  
Matth.  
16. v. 18.  
Marth.  
18. v. 17.  
T. 8. p.  
69. B.  
L. contra Ep.  
Fand. c.*

*Ibid. p.  
154. A.  
T. 4. par.  
2. p. 306.*

*p. 207.  
B.  
S. Aug.  
Lib. de  
quæm-  
tit. ani-  
me c. 7.  
n. 12.  
T. 1. p.  
406. F.*

xerunt, suam, & quorumcumque aliorum Hæreticorum sectam, certaque novarum opinionum ruinam ac perniciem, quod illa auctoritate uno quasi iœtu omnes errores simul corruerent ac funditus convellerentur. Quapropter omnes, quasi manu facta, ad eam auctoritatem impugnandam quidquid virium haberent, converterunt, falso non minus, quam invidiose Catholicis objectando, malle illos hominibus auseculare, quam Deo ipsi, ac humanas conjecturas sequi, quam verbum divinum.

Verum a fraude illorum ac mendacio diligenter præcavete, dilectissimi Candidati. Ludunt illi in ambiguo, vel, ut ajunt, in æquivoco; atque ut simplices & imperitos decipient, duo callide ac frauduleanter confundunt, quæ sedulo distinguunt Orthodoxi: nempe Judicem, qui sententiam inter litigantes pronunciat, & Legem seu regulam, ad quam exigere sanctiones suas sententiasque debet. In omni etenim Communitate sapienter ordinata non solum extant Leges quæ suum unicuique officium præscribunt, sed etiam Judices, qui legem interdum obscuram interpretantur, & ad singulares causæ circumstantias accommodant & applicant. Scripturam sacram pro lege sua, pro regula fidei & morum, ad quam omnis de Religione excitata quæstio expendenda, & ex cuius oraculis dirimenda sit, omnes summo consensu Catholici profitentur: sed cum Scriptura in multis plerumque obscura sit & implicata, neque seipsam satis evolvat & explicet, necesse prorsus est Judicem aliquem sedere, qui ab omni errandi periculo tutus ac securus sensum illius aperiat ac terminet, dissidia & lites de fide & doctrina exortas componat ac finiat, discordes animos conciliet, ne fluctuantes sint & circumferantur omni vento doctrinæ in nequitia hominum, in astutia ad circumventionem erroris.

Ephes. 4.  
v. 14.

An vero in civili ac politica societate privato cuilibet permittitur publicas leges ad privatum suum judicium ac sensum torquere, ac interpretari ut libet? An in propria sua causa quilibet judex & arbiter se debet? Quanta inde rerum civilium in Regno confusio ac perturbatio! Ut publica lex est, ita publica auctoritate interpretanda.

Quis porro in Religione Christi agnoscendus Judex supremus controversiarum fidei? An humana ratio? An sola Scriptura? An spiritus privatus, seu privatis verum Scripturæ intellectum intus manifestans & aperiens? Quam hæc insulsa & absurdæ! Soli Sociniani, quos Lutherani ac Calvinistæ nobiscum pariter infectantur, humanae rationi ac Philosophiae primas in caussis Religionis conferunt, vel ipsam tota reclamante ac reluctante sana ratione, quæ dictat in rebus facti ab una Dei revelantis voluntate dependentibus, solam auctoritatem, non humanaam Philosophiam audiendam esse. Beatus es Simon Barjona, dicebat Christus Petro fidem ejus commendans, quia caro & sanguis non revelavit tibi, sed Pater meus qui in cœlis est. Et Apostolus: Arma militie nostræ, ajebat, non carnalia sunt, sed potentia Deo ad destructionem munitionum, confilia destruentes, & omnem altitudinem extollentem se adversus scientiam Dei, & in captivitatem redigentes intellectum in obsequium fidei. Quam infirma & in omne absurditatis ac insanæ genus præceps est humana ratio, nisi vinculo auctoritatis superioris colligata in officio continetur?

*Acteth.*  
16. v. 17.  
*2. Cor.*

## P R A E F A T I O.

iii

etur? *Inferna ratio videri potest*, ait Sanctus Augustinus, Lib. 1. de mori-<sup>T. 2. p.</sup>  
bus Ecclesiae Catholicæ, cap. 2. num. 3. quæ cum reddita fuerit, auctorita-<sup>688. C.</sup>  
tem postea, per quam firmetur, assumit.

Scripturam quidem agnoscimus omnes ut certam fidei legem ac regu-  
lam, sed quæ si sola fuerit absque certo & infallibili interprete, non  
iussicat dirimendis, quæ in dies succrescunt magis de fide, ac de Scri-  
ptura ipsa, dissensionibus. Non dissimulat vel ipse Sanctus Petrus, esse  
in Epistolis Pauli intellectu difficultia, quæ indecl. & instabiles depravant,<sup>2. Petri  
3. v. 16.</sup>  
sicut & ceteras Scripturas, ad suam ipsorum perniciem.

Juvat, dilectissimi Candidati, præmunire statim ab initio animos  
vestros, atque ex iis quæ fusi postmodum dicturi sumus, excerpere  
jam nunc, atque anticipata controversia præoccupare pauca, quibus  
certo vobis innescat, & quam stolidus sit Novatorum error de Ju-  
dice controversiarum, & quam necessaria suprema Ecclesia auctoritas  
in fidei caussis dijudicandis, sine qua nihil in Religione fixum & con-  
stans, nihil certum esse oportebit.

Novatores nostri ad unam Scripturam Judicem fidei provocant: at  
provocarunt pariter alii omnes, quotquot haec tenus extitere non minus  
a se invicem quam a Catholicis discordes, Hæretici. Nullum est tam  
insulsum ac ineptum erroris figmentum, quod a Scriptura præsidium  
aliquid non repetierit. Neque enim, ait Sanctus Augustinus, Lib. 7. de  
Gen. ad litt. cap. 9. num. 13. non omnes Hæretici Scripturas Catholicas le-<sup>T. 3. par.  
1. p. 2. 15. G.</sup>  
gunt; nec ob aliud sunt Hæretici, nisi quod eas non recte intelligentes, suas  
falsas opiniones contra earum veritatem pervicaciter afferunt. Et Vincentius  
Lirinensis in Commonitorio, cap. 2. Scripturam sacram, ait, pro ipsa sui Bibl. PP.  
altitudine, non uno eodemque sensu universi accipiunt; sed ejusdem eloquia T. 7. p.  
aliter alius, atque alius interpretatur, ut pene quot homines sunt, tot illinc<sup>T. 7. p.  
259. D.</sup>  
sententiae erui posse videantur. Alter namque illam Novatianus, alter Sabel-  
lius, &c. exponit. Atque idcirco multum necesse est propter tantos tam varii  
erroris anfractus, ut Propheticæ & Apostolicæ interpretationis linea, secundum  
Ecclesiastici & Catholici sensus normam dirigatur.

An porro in tanta interpretationum Scripturæ varietate ac discre-  
pantia; in tanta errorum & errantium licentia & contrarietate in Li-  
bris sacris tum discernendis, tum exponendis, una Scriptura judex es-  
se potest? An secum ipsa pugnans simul idem affirmare & negare, er-  
rorem tueri, veritatem damnare? Quis dissentientes inter se Hæreticos  
conciliabit? Scriptura? at illa varias in partes ab illis trahitur. Muta  
silet ac veluti mortua lex est, quæ patitur se in sensus varios ac dis-  
crepantes torqueri.

Et vero duo in Scriptura spectanda sunt, textus ipse seu littera, &  
sensus.

De textu, quot controversiae? An is quem nunc habemus præ ma-  
nibus, & Scripturam vocamus, genuinum fit Dei verbum? An auto-  
graphis Prophetarum & Apostolorum conformis? An purus & integer  
ad nos pervenerit, vel Judæorum aut Hæreticorum fraudibus ac mali-  
tia depravatus? An hujus textus versiones, qua pars est fide, legit-  
imum primigenii autographi vel exemplaris sensum referant? An deni-  
que hi vel illi Libri Canonici sint, vel non? Nemo nescit de hisce  
Tournely de Ecclesia. Tom. V. Pars I. \* 3 omni-

*Lib. de omnibus jam diu lites excitatas fuisse. Ista hæresis, dicebat Tertullianus, non recipit quasdam Scripturas; & si quas recipit, non recipit integras:*  
*Praef. c. 17. pag. ad affectionibus & detractionibus ad dispositionem instituti sui interverit; & si aliquatenus integras præstat, nihilominus diversas expositiones commentata converit. Tantum veritati obstrepit adulter sensus, quantum & corruptor stylus..... Ergo, concludit, non ad Scripturas provocandum est, nec in his*  
*B. C. constitendum certamen, in quibus aut nulla, aut incerta victoria est, aut par incertæ.*

At, ne rem altius repetamus, nemo ignorat Lutheranos & Calvinistas inter se digladiari de nonnullis sacrorum Codicis Libris, quos isti tamquam Canonicos admittunt, illi vero tamquam spurios rejiciunt. Unde varietas illa & discrepantia? Non ergo unus & idem fuit spiritus, non una & eadem interior unctionio, sed discors ac diversa, quæ Lutherum ac Calvinum docuit, & sensus adeo distonantes utriusque inspiravit. Ubi ergo sunt illi tam splendidi ac conspicui Divinitatis radii, quibus Librorum sacrorum origo cœlestis ac plane divina omnibus, ut ipsi volunt, statim esfulget? Necesse prorsus est ad Splendorem illum cœcutiisse vel Lutherum, vel Calvinum; atque alterutrum ea interiori Spiritus unctione destitutum fuisse, quæ modestos & humiles docet, ut Libros Canonicos a non Canonicis, veram a falsa & supposititia Scripturam discernere valeant. Sit autem illis defuit, aliisque pariter eam se habere, eam se experiri ac sentire firmissime credentibus, quis potest illam sibi certo adpromittere? Quis sibi adesse existimare? Quis metuere sapienter non debet, ne suus illum sensus, suaque opinio decipiat? Ergo in dignoscendis genuinis Scripturis nulla illi certa & fixa regula dirigi unquam possunt: ab una igitur Ecclesia, quæ depositi custos est fidelis, repetendus est verus ac genuinus Scripturæ textus. Scripturarum etiam a nobis tenetur veritas, ait S. Augustinus, Lib. 1. contra Cresc. cap. 33. cum hoc facimus, quod universæ jam placuit Ecclesiæ, quam ipsarum Scripturarum commendat auctoritas; ut quoniam sancta Scriptura fallere non potest, quisquis falli metuit hujus obscuritate questionis, eamdem Ecclesiam de illa consulat, quam sine ambiguitate sancta Scriptura demonstrat.

Verum longe graviorem inter illos discordiam exardescere de sensu & interpretatione Scripturæ, vel ex una ista Christi sententia in sensum plane contrarium adducta, *Hoc est Corpus meum*, demonstratur. Lutherani, ad sensum præsentia realis; econtra Calvinista, ad sensum præsentia dumtaxat metaphoricæ ac figuratae verba Christi adducunt. Ista pariter, *Ego & Pater unum sumus*, Calvinus interpretatur de unione tantum morali affectus & voluntatis, assertique Patres Nicenos perperam ex iisdem verbis unionem substantię ac naturę comprobasse; attamen interpretationem illam tamquam falsam & periculosam vulgo rejiciunt Calvini discipuli, atque in primis Joannes Mestrezat Parisiensis Ecclesiæ, ut appellabant, Reformatæ Administer Tractatu gallice scripto de Scriptura sacra. Denique, ut alia hujuscemodi pene infinita omittamus, sollemnia hæc Christi verba, Joan. 8. v. 58. *Antequam Abraham fieret ego sum*, quibus Catholicæ omnes aduersus Arianos tum veteres, tum recentiores, invictè demonstrant Christum quantum ad divi-

P R A E F A T I O .

divinam ejus naturam præextitisse prius, quam ex Maria Virgine nascetur, verba, inquam, illa, nonnulli ex Calvini discipulis explicant de præexistencia quantum ad destinationem, seu decretum Dei, eo ipso sensu quo Christus dicitur *Agnus occisus ab origine mundi*; non quidem quoad realem Sanguinis effusionem, sed quoad destinationem, premium & applicationem meritorum Sanguinis Christi, qui definito tempore pro salute hominum effundendus est. Hæc porro expeditio quantum Socinianis faveat, quantum illis arrideat, nemo in oratione scriptis vel leviter versatus ignorat. Eo dicit cœca illa & præcepis licentia interpretandi Scripturas ad privatum uniuscujusque sensum, seclusa Ecclesiæ auctoritate, quæ sola tamquam judex & magistra consuli debet & audiri. Quis enim, rogo, inter illos judex erit? Quis illos contentiones componet; ac verum Scripturæ sensum definit? An Lutherus? An Calvinus? An spiritus ille privatus, seu, ut ipse dicit, spiritus privatis revelans? Quis non rideat spiritum illum pro certa & publica interpretandi Scripturas regula posse assignari, qui privatus est, occultus, incognitus, incertus, dubius, qui tam varius ac multiplex, sibique ipsi contrarius? Quam patens & apertus sic aperitur campus ad ridiculum fanatismum inducendum, & ad quamlibet Religionem promiscue recipiendam vel tolerandam!

Dicant nobis Lutherani & Calvinistæ, qua tandem via Socinianos revincere, ac se se ab eorum laqueis expedire unquam possunt? Isti quippe ex eorum visceribus nati, iisdemque cum ipsis innutriti ac innixi principiis, Scripturam judicem audire non recusant. Quid porro juris arrogare sibi possunt Lutherani & Calvinistæ ad Scripturam in sensus figuratos ac metaphoricos detorquendam, quod sibi pariter assumere non possunt Sociniani, ubi contendunt Christum sensu figurato Deum appellari, ab auctoritate scilicet ipsis a Deo concessa, quomodo Judices Dii etiam nuncupantur? Quo argumento perversam illam explicationem Lutherani & Calvinistæ confutabunt? Quam in Socinianos rationem afferent, quam non in ipsos eodem jure, ac vi etiam maiore retorqueant? Quam, rogo, disparem causam afferent? Scripturæ apertam lucem & claritatem? hanc in causa sua laudabunt & ipsimet Sociniani. Spiritum privatum, ejusque internam unctionem? & de ista pariter illi gloriabuntur. Collationem unius, vel plurimum locorum Scripturæ cum aliis? at in ista plurimum & ipsis confidunt. Criticam & grammatical in verborum significationem? at in ea vim fere totam argumentorum suorum illi collocant. Traditionem? at istam communis consensu Novatores omnes rejiciunt. Imo ne ipsis quidem Sociniani, nonnulla, quæ nobiscum pariter agnoscunt fidei capita, v.g. resurrectionem corporum, creationem mundi ex nihilo, certo asserere ac vindicare possunt adversus eos a quibus illa impugnantur. Unde enim certam & invictam probationem deponent? Ex ratione? at unusquisque in sensu suo abundat. Ex grammatical verbi, *creare*, significatione? at fatentur hebraice periti, verbum hebreum, quod Vulgata nostra reddit per verbum, *creare*, ex æquo significare, facere, producere, formare, sive ex nihilo, sive ex præjacente materia. Ergo seposita Ecclesiæ auctoritate, ad quam pertinet veram & genuinam verborum.

rum Scripturæ significationem determinare ac figere, ipsum creationis dogma defendere, atque illud evertentes certo arguere ac confutare non possunt Sociniani: adeo verum istud est, excusso semel auctoratis Ecclesiæ jugo, nihil amplius constans ac certum esse in Religione, & ad uniuscujusque arbitrium ac libidinem divina temere moderari, aut potius incerto fluctuare.

Erit-ne igitur tam perditæ mentis quispiam, qui a Christo Domino Ecclesiæ sponsæ suæ, quam proprio Sanguine acquisivit, tam male prouisum fuisse suspicetur? *Ipsa est Ecclesia sancta*, ut egregie D. Augustinus admonet, de Symb. ad Catech. cap. 6. num. 13. *Ecclesia una, Ecclesia vera, Ecclesia Catholica, contra omnes heres pugnans: pugnare potest, expugnari tamen non potest. Hereses omnes de illa exierunt, tamquam sarmatae inutilia de vite præcisa. Ipsa autem manet in radice sua, in vita sua, in charitate sua. Portæ inferi non vincent eam. Ipsa est communis Christianorum omnium mater, quæ omnes ad salutem invitat & expectat.* Ut enim navis gubernatori cursus secundus, Medico salus, Imperatori Victoria, sic Ecclesiæ gubernatriæ una beata Fidelium vita proposita est. Eum ita finem curam & sollicitudinem suam ad omnes circumquaque diffundit: *ipsis etiam omnibus errantibus utitur ad proiectus suos*, ait Sanctus Augustinus, Lib. de vera Relig. cap. 6. num. 10. *Utitur enim gentibus, pergit Sanctus Doctor, ad materiam operationis sue, hereticis ad probationem doctrinæ sue, schismaticis ad documentum stabilitatis sue, Judæis ad comparationem pulchritudinis sue. Alios ergo invitat, alios excludit, alios relinquit, alios antecedit: omnibus tamen gratiæ Dei participandæ dat portæ statem.*

Quam vero feliciter in his omnibus sese exercuerit & elaboraverit Ecclesia, eventus ipse manifeste combokabavit.

*Utitur gentibus ad materiam operationis sue*, nempe ut gentes ipsas ab Idolorum insaniam ad veri Numinis notitiam cultumque perducat, idola destruat, ac demonstret illum plane stolidum & insulsum esse, qui venerationis quidpiam eis persolverit, qui non erubescit, ut festive dicebat Salomon, cum illo loqui, qui sine anima est, & pro sanitate infirmum deprecatur, & pro vita rogat mortuum, & in adjutorium inutilem invocat, & pro itinere petit ab eo qui ambulare non potest; & de omnium rerum evenientia petit ab eo qui in omnibus est inutilis... *Qui navigare cogitans & per ferocius iter facere incipiens ligno portante se, fragilius lignum invocat.*

*Utitur gentibus ad materiam operationis sue*, ut unus ac supremi Numinis honorem confirmet, veram Christi Religionem ubique diffundat, cælestes ac plane divinas, quibus undequaque Ecclesia refulget, dotes aperiat ac demonstret, ex splendore miraculorum quibus confirmata, ex miro ac stupendo modo quo propagata fuit a duodecim hominibus illiteratis, pauperibus, omni humana ope destitutis, tota licet fremente ac reluctante natura; ex invicta inter acerbissimos crucifixus Martyrum constantia. Quid dico constantia? Suavissima voluptate. *Vincimus, clamabant illi, cum occidimur . . . . Crucitate, torquete, in Apol. damnate, atterite nos, probatio est innocentie nostre iniqüitas vestra . . . .* *Eccl. p. Nec quidquam proficit exquisitor quæque crudelitas vestra, illecebra est magis secta. Plures efficiuntur, quoties metimus a vobis. Semen est Sanguis Christianorum.*

norum. Hoc invicto arguento Ecclesia Gentilibus demonstrabat divinam plane esse Religionem, quæ hac ipsa via crevit & amplificata est, qua penitus atteri & extingui debuisset, nisi divina fuisset; in qua nec inanis gloriæ spes, nec fama nominis, nec divitiarum aut voluptatis amor, sed unius æternæ felicitatis in Deo assequendæ præconceppta cogitatio laborem leviorum reddit, & mortem ipsam vita longe jucundiorem. Quam merito igitur exclamabat Sanctus Augustinus, Lib. 22. de Civit. Dei, cap. 8. num. 1. *Quisquis adhuc prodigia ut crē-*  
*das, inquirit; magnum est ipse prodigium, qui mundo credente non credit;* *qui miracula facta esse non credunt, nobis hoc unum grande miraculum suffi-*  
*cit, quod terrarum Orbis sine illis miraculis creditit.*

Vitetur gentibus ad materiam operationis suæ, ut ex ipsa, quam proponit, Christianæ Religionis doctrina pura & cælesti, Imperatores, Reges, ac Principes demulceat sibique conciliet, quorum legitimæ potestati nulla magis favet Religio, quam Christiana; quæ docet omnem animam potestatibus sublimioribus subditam esse debere, non tantum propter iram, sed propter conscientiam; omnem potestatem a Deo esse; & eos quæ potestati resistant divinæ ordinationi resistere: nunquam fas esse adversus Principem rebellionem movere; persecutionibus vexatos ad alia arma confugere non debere, nisi ad preces & supplicationes: demum pro incolumitate ac felicitate Imperatorum etiam fœde ac injuste persequentium, solitos vota nuncupare Christianos. Nos, inquiebat Tertullianus in Apologia pro Christianis, pro salute Imperatorum Deum invocamus æternum, Deum verum, Deum vivum .... Oramus ut illis vitam prolixam, imperium securum, domum tutam, exercitus fortes, Senatum fidelem, populum probum, orbem quietum, & quæcumque hominis & Cæsaris vota sunt.

Vitetur Hæreticis ad probationem doctrinae suæ: Oportet enim, ait Apostolus, hæreses esse, ut qui probati sint, manifesti fiant. Cum autem foris sunt (Hæretici) pergit Augustinus, Lib. de vera Religione, cap. 8. plurimum prosunt, non verum docendo, quod nesciunt; sed ad verum querendum carnales, & ad verum aperiendum spirituales Catholicos excitando ... Utiamur ergo Hæreticis, non ut eorum approbemus errores, sed ut Catholicam disciplinam adversus eorum infidias afferentes, vigilantes & cautores sumus, etiam si eos ad salutem revocare non possumus. Qua porro ratione Ecclesia doctrinæ veritatem adversus Hæreticos tuetur & confirmat? Verbo Dei, cuius illa fidelis custos est; Ecclesiarum Apostolicarum, quas consultit ac sequitur, in una eademque fide retinenda firma & constanti consensione. In ipsa etenim Catholica Ecclesia magnopere curandum est, ut id teneamus, quod ubique, quod semper, quod ab omnibus creditum est. In illa Ecclesiarum unitate ac conspiratione firmissimum & invictissimum habemus veritatis argumentum & præsidium: omnes enim illæ Ecclesiæ unam & eamdem efficiunt Christi Ecclesiam, quæ una est & indivisa. Tot & rante Ecclesia, ait Tertullianus, una est illa ab Apostolis prima, ex qua omnes. Sic omnes prima, & Apostolice, dum una omnes probant unitatem .... Proinde omnem doctrinam quæ cum illis Ecclesiis Apostolicis matricibus & originalibus fidei consiperet, veritati deputandam .... omnem vero doctrinam de mendacio præjudicandam, quæ sapiat contra veritatem Ecclesiarum, & Apostolorum, & Christi, & Dei. Communicamus cum Ecclesiis Apostolicis, per ibid. Eccl.

T. 7. p.  
663. A.  
ib. c. 5.  
p. 660.  
A.

Rom. 13.

Apolog.  
c. 30. p.  
27. A. E.

I. Cor.  
11. 19.

T. 1. p.

733. C.

Vinc. Li-

rin. Com-

monit.

cap. 3.

Lib. de

Prescr.

c. 20. p.

209. D.

P. 209. Al

git adhuc Tertullianus, *boc est testimonium veritatis ... Ex ipso ordine manifestatur, id esse Dominicum & verum, quod sit prius traditum; id autem extraneum & falsum, quod sit posterior immisum.* Ab hac Ecclesiarum unitate qui recedunt Hæretici, ipsi se se interimunt, mutuisque ac intestinis dissidiis inter se collisi, varias in sectas misere scinduntur. *An non, De Pres.* ridendo dicebat Tertullianus, *licuit Valentianis, quod Valentino; idem c. 42. p. Marcionitis, quod Marcioni, de arbitrio fidem innovare?* Vix fœtus suos primi hæreſeon parentes procrearunt, cum filios jam tum distractos inter se ac discordes viderunt. Simoniani statim divisi in Saturnianos & Basilidianos: Marcionites in Lucianistas, Apellianos, Severianos: Montanista in Pepusianos, Artotyritas, Phrygastas: Massaliani in Martyrianos, Sathanianos, Enthusiastas: Ariani in Acacianos, Macedonianos, Eunomianos. Quid de Lutheranis & Calvinistis, quorum in doctrina variations ac vicissitudines tam docte ac copiose prosecutus est memoria nūquā interitur? Illustrissimus Bossuetius, dum viveret Meldensium Episcopus?

Una est Christi Ecclesia quæ sibi semper constans ac similis, novitatis ac dissensionis inimica doctrinam, quam Ecclesia ab Apostolis, Apostoli a Christo, Christus a Deo accepit, firmiter ac constanter retinuit, ac retinebit semper .... *Hujus unitatis præcidenda nūquā justa esse potest necessitas*, ait S. Augustinus, Lib. 2. contra Epistolam Patrem. cap. II. nu. 25. quia nempe justam secessionis causam Ecclesia dare nūquā potest, in fide non minus infallibilis, quam sancta in moribus Schismatis ergo reus illico convincitur novator quilibet, qui Ecclesiam deserit. Quam enim Ecclesiam deserit? nisi eam in qua ipse antea versabatur. Hæc vero nonne Ecclesia Christi erat? Ergo vera, una, sancta & impolluta, iisque omnibus instructa dotibus quæ veram Christi Dei sponsam decent: Ergo nullum ipsi vitium imputandum, quod (proh scelus) in Christum ipsum illius Caput ac parentem redundaret: Ergo nullum vitæ spiritum, nullam spem salutis habere ille potest, qui ab Ecclesia secedit. Ecclesia, inquit more suo eleganter Cyprianus, Lib. de unitate Ecclesie, una est .... unitas servatur in origine.

*Avelle radium Solis a corpore, divisionem lucis unitas non capit: ab arbore frange ramum, fructus germinare non poterit: a fonte præcide rīcum, præcüssus arescit .... Qui relinquit Ecclesiam Christi, alienus est, profanus est, hostis est. Habere jam non potest Deum patrem, qui Ecclesiam non habet ma-*

*S. Aug. trem ... & postea: Deus unus est, & Christus unus, & una Ecclesia ejus, lib. quest. & fides una, & plebs in solidam corporis unitatem concordie glutino copulata. Evangel.*

*Vitetur Schismaticis ad documentum stabilitatis sue. Hæc porro stabilitas Matthi tota in firmissima petra fundata est, adversus quam portæ inferi non q. 11. t. 3. prævalebunt. Schismaticos non fides diversa facit, sed communionis disrupta jart. 2. societas. Quamquam, ut advertit S. Hieronymus in caput 3. Epistolæ ad Tom. 4. Titum, v. 10. nullum schisma est, quod non sibi aliquam hæresim configat, part. 1. ut refle ab Ecclesia recessisse videatur. Firmitatem ergo suam adversus p. 439. Schismaticos comprobat Ecclesia, ex intima illa communione & societate quæ retineri semper debet cum Petro ejusque successore Romano*

*Tom. 13. Pontifice, qui verus est Christi Vicarius, totiusque Ecclesie Caput, & omniū Christianorum Pater ac Dux, cui in B. Petro pascendi, regendi, ac gubern-*

gubernandi universalem Ecclesiam ( idest , universas Ecclesias ) a Domino nostro Iesu Christo plena potestas tradita est , quemadmodum etiam in gestis Oecumenicorum Conciliorum & in sacris Canonibus continetur . Verba sunt Concilii Florentini in definitione fidei .

Ad hanc ( Petri Sedem seu Romanam Ecclesiam ) propter potiorem principaliatem , necesse est convenire omnem Ecclesiam , dicebat S. Irenaeus Lib. 3. nu. 2. cap. 3. Est enim illa omnium Ecclesiarum mater ac magistra ; Cathedra principalis unde unitas Sacerdotalis exerta est , vinculum unitatis , centrum Catholicæ communionis , ac publicum veræ fidei professionis argumentum . Hanc Ecclesiæ unitatem qui non tenet , tenere se fidem credit ? Qui Ecclesiæ remittitur , qui Cathedram Petri , super quam fundata est Ecclesia , deserit , in Ecclesia se esse confidit ? Frustra sibi blandiuntur , pergit S. Martyr , Epistola 69. ad Florentium Popianum , ii qui pacem cum Sacerdotibus Dei non habentes obrepunt , & latenter apud quosdam communicare se credunt , quando Ecclesia quæ Catholicæ una est , scissa non sit , neque dividisa , sed sibi utique connexa & coherentium sibi Sacerdotum glutino copulata .

Ego , dicebat S. Hieronymus scribens ad Damasum , Beatitudini tuae , Tom. 4. idest ; Cathedra Petri , communione consocior : super illam petram ædificatam part. 2. Ecclesiam scio . Quicunque extra hanc domum agnum comederit , profanus est . p. 19. .... Non novi Vitalem , Meletium respuo , ignoro Paulinum . Quicunque tecum non colligit , spargit .

Non alio autem certiori arguento comperta esse potest cum Romana Ecclesia ejusque visibili Capite conjunctio , quam ex consensione in eadem cum ipso doctrina . Si Damasi communionem amplecteris , o amice , inquiebat Flavianus Paulinum alloquens , doctrinæ nobis manifestam similiudinem ostende .... Ostende consensionem doctrinæ .

Qui ergo hanc dogmatum concordiam ostendere non possunt , an cum Pontifice communionem saltem internam habere dicendi sunt ? An non Romanus Pontifex universæ Ecclesiæ Caput est ac Rector , cui Christiani omnes obedire debent ? Nonne , ut cum Ecclesia Parisiensi , Praeside Stephano loquar , Romana Ecclesia Fidelium omnium mater est ac magistra , in firmissima Petri Christi Vicarii confessione fundata , ad quam velut ad universalem regulam Catholicæ veritatis pertinet approbatio & reprobatio doctrinarum , declaratio dubiorum , determinatio tenendorum , & confutatio errorum .

Notum est quod observat S. Cyprianus , Epistola 55. ad Cornel. non aliunde hereses obortas fuisse , aut nata schismata , quam inde , quod Sacerdoti Dei non obtemperatur , nec unus in Ecclesia ad tempus Sacerdos & ad tempus judex vice Christi cogitatur . Cui si secundum magisteria divina obtemperaret fraternitas universa .... nemo dissidio unitaris Christi Ecclesiam scinderet ; nemo sibi placens ac tumens seorsim foris heresim novam conderet .

Denique Ecclesia uititur Iudeis ad comparationem pulchritudinis suæ : quæ scilicet radios suos circumquaque cum summa gloria diffundit ; tanto Synagoga præstantior , quanto veritas figuræ , magistra ancillæ , libera servæ antecellit .

Sed vultis , dilectissimi Candidati , omnes Ecclesia dotes , beneficia , & doctrinam uno quasi intuitu cognoscere , audite Augustinum Ecclesiam ipsam sic alloquentem : Tu pueriliter pueros , fortiter juvenes , quiete senes , prout cujusque non corporis tantum , sed & animi ætas est , exerves ac doces .

Lib. i. doces. Tu feminas viris suis, non ad explendam libidinem, sed ad propagandam prolem, & ad rei familiaris societatem, casta & fideli obedientia subjici. Ecl. c. 30. 2. i. Tu viros conjugibus, non ad illudendum imbecilliores sexum, sed sinceri amoris legibus praeficias. Tu parentibus filios libera quadam servitute subjungis, parentes filiis pia dominatione præponis. Tu fratribus fratres Religionis vinculo firmiore atque arctiore quam sanguinis, necis. Tu omnem generis propinquitatem & affinitatis necessitudinem, servatis naturæ voluntatisque nexibus, mutua charitate constringis. Tu dominis servos, non tam conditionis necessitate quam officii delectatione doces adhaerere. Tu dominos servis, summi Dei communis Domini consideratione placabiles, & ad consulendum quam coercendum propensiores facis. Tu cives civibus, gentes gentibus; & prorsus homines primorum parentum recordatione, non societate tantum, sed quadam etiam fraternitate conjungis. Doces Reges prospicere populis, mones populos se subdere Regibus. Quibus honor debeatur, quibus affectus, quibus reverentia, quibus timor, quibus consolatio, quibus admonitio, quibus cohortatio, quibus disciplina, quibus objurgatio, quibus supplicium, sedulo doces, ostendens quemadmodum & non omnibus omnia, & omnibus charitas, & nulli debeatur injuria.



# I N D E X

## QUÆSTIONUM.


	Pag. 1.
<b>Q</b> UÆSTIO PRIMA. De natura Ecclesia.	ibid.
ARTICULUS I. De nomine Ecclesia.	ibid.
Quid significet nomen Ecclesia.	
Quæ sine præcipua nomina quibus in Scripturis Ecclesia designatur.	4
Quibus figuris adumbrata fuerit in Scripturis Ecclesia.	5
Figure Ecclesia in veteri Testamento.	ibid.
Figure & Parabola quibus designatur Ecclesia in novo Testamento.	6
ARTICULUS II. De definitione Ecclesia.	8
Definitiones Ecclesia ab Hereticis consistunt.	
Pelagiani.	ibid.
Novatiani.	ibid.
Donatisti.	ibid.
Vivieles.	9
Lutherani.	ibid.
Calvinisti.	10
Catholicæ Ecclesia definitio.	ibid.
<b>C</b> ONCLUSIO. Rette definitur Ecclesia: Cætus hominum unius & ejusdem fidei Christianæ professione, & eorumdem Sacramentorum communione conjunctus, sub regimine legitimorum Pastorum, ac præcipue Romani Pontificis.	13
ARTICULUS III. De auctore & antiquitate Ecclesia.	18
Quis sit auctor Ecclesia.	ibid.
<b>C</b> ONCLUSIO. Solus Deus est auctor Ecclesia, potestate independentia & suprema auctoritatis; & solus Christus potestate excellentia & ministerii principalis.	20
Origo & antiquitas Ecclesia.	21
<b>P</b> RIMA CONCLUSIO. Ecclesia Christi non tantum natalem Christi antecessit, sed etiam ita floruit tempore Legis nature & scriptæ, ut tunc temporis veros exitijs se Christianæ Religionis cultores asseri merito possit.	22
<b>S</b> ECUNDA CONCLUSIO. Probabiliter dici potest, Ecclesiam sensu exposito initium habuisse in ipso Abel.	24
Solvuntur Objectiones.	ibid.
<b>Q</b> UÆSTIO SECUNDA. De notis seu characteribus Ecclesia.	29
ARTICULUS I. De notis Ecclesia in genere.	30
Utrum felicitas temporalis defensorum, & infelix exitus hostium Ecclesia sint vera Ecclesia nota.	32
<b>C</b> ONCLUSIO. Nec felicitas temporalis defensorum Ecclesia, nec infelix exitus hostium ejusdem, videntur, recenseri debere inter veras & proprias Ecclesia notas.	
ibid.	ibid.
Utrum doctrina veritas, ac legitimus Sacramentorum usus sint vera ac propria Ecclesia Christi nota.	33
<b>C</b> ONCLUSIO. Neque vera Christi doctrina, neque legitimus Sacramentorum usus sunt vera nota, quibus certo dignosci possit Ecclesia Christi, & discerni a quacunque alia falsi nominis Ecclesia.	
Solvuntur Objectiones.	ibid.
ARTICULUS II. De unitate Ecclesia.	38
Status questionis cum Novatoribus Lutheranis & Calvinistis:	45
<b>P</b> RIMA CONCLUSIO. Vera Christi Ecclesia ita est una, ut prorsus excludat quascumque alias Societas, quarum fides diversa est & erronea in articulis etiam non fundamentalibus & extra ipsam nulla sit speranda salus.	46
Solvuntur Objectiones.	48
<b>S</b> ECUNDA CONCLUSIO. Ecclesia Catholicorum illam habet unitatem que nota est ac character vera Ecclesia Christi, non autem Ecclesia Reformatorum.	54
Solvuntur Objectiones.	57
TER-	59

<b>TERTIA CONCLUSIO.</b> Nulli umquam licet sese separare ab unitate Ecclesia ; hincque merito Schismati <sup>i</sup> esse convincuntur Calviniani & Reformatores nostri .	62
Solvuntur Objectiones .	65
<b>ARTICULUS III.</b> De sanctitate Ecclesia .	65
<b>PRIMA CONCLUSIO.</b> Ecclesia Catholicorum est sancta ex sanctitate que vere Christi Ecclesia propria est ac singularis .	71
Solvuntur Objectiones .	ibid.
<b>SECUNDA CONCLUSIO.</b> Societas Protestantum non est sancta ex sanctitate que vere Christi Ecclesia propria est ac singularis .	73
<b>ARTICULUS IV.</b> De Catholicitate Ecclesia .	81
<b>PRIMA CONCLUSIO.</b> Ecclesia Christi vere Catholic <sup>a</sup> est .	83
<b>SECUNDA CONCLUSIO.</b> Catholicitas vera est ac singularis Ecclesia nota .	85
<b>TERTIA CONCLUSIO.</b> Ecclesia Romana est Catholic <sup>a</sup> ; non autem societas Protestantum .	86
Solvuntur objectiones .	89
<b>ARTICULUS V.</b> De Apostolicitate Ecclesia .	90
<b>PRIMA CONCLUSIO.</b> Ecclesia Christi vere est Apostolica , tum propter originis & doctrina ab Apostolis derivata antiquitatem , tum propter Pastorum suorum legitimam missionem ac successionem non interruptam .	97
Solvuntur Objectiones secundam & tertiam Conclusionem .	104
<b>ARTICULUS VI.</b> An vera Christi Ecclesia sit Romana .	108
<b>CONCLUSIO.</b> Ecclesia Christi Catholic <sup>a</sup> vere Romana est , ac esse debet .	ibid.
Primum momentum . Sedes Petri Roma .	109
Secundum momentum . Necesitas communionis cum Romana seu Apostolica Sedo .	112
<b>ARTICULUS VII.</b> De visibilitate Ecclesia .	117
<b>PRIMA CONCLUSIO.</b> Ecclesia Christi ita est visibilis ex natura sua , ut semper oculis omnium conspicua fuerit .	119
<b>SECUNDA CONCLUSIO.</b> Predicata visibilitas que vera Christi Ecclesia propria est & singularis , convenit societati Catholicorum , non vero Protestantum .	125
<b>ARTICULUS VIII.</b> De perpetuitate seu indefectibilitate Ecclesia .	127
De perpetuitate seu indefectibilitate Ecclesia quoad durationem temporis . An aliquando defecerit , vel sit defectura .	ibid.
<b>CONCLUSIO.</b> Ecclesia Christi visibilis nunquam defecit , nec umquam est deficta .	128
Solvuntur Objectiones .	131
<b>QUÆSTIO TERTIA.</b> De autoritate Ecclesia in rebus ad Religionem pertinenteribus .	131
<b>ARTICULUS I.</b> An & quis sit supremus Judex controversiarum fidei .	138
Status controversia cum Hereticis .	ibid.
<b>CONCLUSIO.</b> Neque sola Scriptura , neque privatus spiritus , neque Princeps secularis , sed sola Ecclesia supremus ac infallibilis est controversiarum fidei Judex .	140
Probatur 1. Solam Scripturam non esse Judicem controversiarum fidei .	ibid.
Probatur 2. Privatum spiritum non posse assignari tamquam Judicem controversiarum fidei .	148
Probatur 3. Principem seculari <sup>m</sup> Judicem non esse controversiarum fidei .	150
Probatur denique , solam Ecclesiam esse supremum & infallibilem Judicem controversiarum fidei .	152
Solvuntur Objectiones .	154
<b>ARTICULUS II.</b> Qua via , quibusve modis Ecclesia suam in rebus fidei & Religionis dijudicandis autoritatem exercuerit .	159
Ecclesia interdum per solos Romanos Pontifices statim judicat .	160
Ecclesia per Episcopos dispersos judicent sine Conciliis .	164

<i>Tacitus Episcoporum nonnullorum consensus.</i>	166
<i>Nos quibus certo constat, ex silentio Episcoporum definitiones Apostolicas vim &amp; auctoritatem infallibilem habere,</i>	169
<i>Objectiones contra tacitum Episcoporum consensum.</i>	170
<i>Ecclesia per Episcopos judicat in Concilis sive particularibus sive generalibus.</i>	175
<b>ARTICULUS III.</b> <i>De infallibilitate seu inerrantia Ecclesia in causis fidei &amp; morum definiendis.</i>	179
<b>CONCLUSIO.</b> <i>Ecclesia, sive per orbem universum diffusa, sive in Contilitis generalibus congregata, errare non potest in causis fidei &amp; morum definiendis.</i>	180
<i>Solvuntur Objectiones.</i>	195
<b>ARTICULUS IV.</b> <i>An maior Episcoporum Summo Pontifici adhaerentium numerus, paucis admodum ex adverso reclamantibus, in fide aberrare aliquando possit, &amp; de facto aberraverit.</i>	214
<b>CONCLUSIO.</b> <i>Fieri non potest, vi promissionum Christi, ut in causa fidei multitudine Episcoporum simul cum Romano Pontifice, paucis admodum ex adverso reclamantibus Episcopis, errorem definiet ac pertinaciter defendat.</i>	216
<i>Solvuntur Objectiones.</i>	221
<i>Expenditur factum Concilii Ariminensis &amp; Seleuciensis.</i>	224
<i>An omnes Episcopi Ariminensis &amp; Seleuciensis Synodi in heresim Arianam lapsi fuerint.</i>	225
<b>CONCLUSIO.</b> <i>Patres Ariminenses subscribendo formula sibi ab Arianis oblate, in Arianam heresim intus &amp; animo lapsi non fuerunt.</i>	226
<i>Utrum Patres Ariminenses numero longe plures fuerint, quam ceteri Episcopi per Orbem universum dispersi.</i>	231
<b>CONCLUSIO.</b> <i>Patres Concilii Ariminensis numero longe inferiores fuere aliis Episcopis tune temporis per Orbem dispersi.</i>	ibid.
<i>Solvitur Objectione ex S. Gregorio Nazianzeno.</i>	237
<i>Solvitur Objectione ex Sancto Hilario.</i>	239
<i>Solvitur Objectione ex Sancto Augustino.</i>	241
<i>Solvitur Objectione ex Vincentio Lirinensi.</i>	242
<i>Solvitur Objectione ex Theodoreto.</i>	245
<i>Solvitur Objectione ex Marcellino &amp; Faustino Presbyteris.</i>	ibid.
<i>Solvitur Objectione ex Socrate &amp; Sozomeno.</i>	247
<i>Expenditur factum Honorii Summi Pontificis.</i>	249
<i>Utrum Honorius in errore Monothelitarum lapsus re ipsa fuerit.</i>	ibid.
<i>Utrum Epistola Honorii ad Sergium vim &amp; auctoritatem habuerit dogmatica &amp; Apostolica definitionis.</i>	251
<i>Utrum major pars Episcoporum, tum Orientis tum Occidentis, Epistolam Honorii cognoverit, &amp; probaverit expresso vel tacito consensu.</i>	254
<b>ARTICULUS V.</b> <i>An &amp; que unanimitas suffragiorum in Episcopis necessaria sit ad firmam &amp; inconcussam ferenda vel late definitionis auctoritatem.</i>	259
<b>CONCLUSIO.</b> <i>An robur &amp; firmatatem dogmatica definitionis necessaria est ac sufficientiam Episcoporum unanimitas, quam non impedit paucorum resistantia. Distinctio vero unanimitatis antecedentis &amp; consequentis, sensu exposito, novum est figuratum.</i>	260
<b>ARTICULUS VI.</b> <i>Quale sit a Christo institutum regimen Ecclesie.</i>	264
<b>CONCLUSIO.</b> <i>Regimen Ecclesia pure monarchicum non est, sed Aristocratis temperatum; atque usus Apostolica potestatis moderandus est per Canones Spiritu Dei conditos &amp; totius mundi reverentias consecratos.</i>	266
<i>Solvuntur Objectiones.</i>	279
<b>QUÆSTIO QUARTA.</b> <i>De Membris Ecclesie.</i>	282
<b>ARTICULUS I.</b> <i>An soli predestinati sunt vera Ecclesia membra.</i>	283
<b>CONCLUSIO.</b> <i>Nec omnes, nec soli predestinati sunt in Ecclesia Christi.</i>	ibid.
<i>Solvuntur Objectiones.</i>	285
<b>ARTICULUS II.</b> <i>An soli justi &amp; perfecti sunt Ecclesia membra.</i>	288
<b>CONCLUSIO.</b> <i>Non ex solis perfectis &amp; justis constat Ecclesia, sed etiam admixtos habet homines imperfectos &amp; peccatores, etiam manifestos.</i>	289
<i>Solvuntur Objectiones.</i>	290
<b>ARTICULUS III.</b> <i>An Hæretici sive publici sive occulti sint in Ecclesia.</i>	298

## INDEX QUÆSTIONUM:

<b>PRIMA CONCLUSIO.</b> Heretici publici ac manifesti nullatenus sunt in Ecclesia, in qua una salus haberi potest.	ibid.
<b>SECUNDA CONCLUSIO.</b> Heretici occulti sunt in Ecclesia, sed imperfecte dumtaxat, & quantum ad corpus seu partem externam & visibilem.	299
<i>Solvuntur Objectiones.</i>	301
<b>ARTICULUS IV.</b> Utrum Schismatici sint in Ecclesia.	308
<b>CONCLUSIO.</b> Schismatici nullatenus sunt in Ecclesia.	309
<i>Solvuntur Objectiones.</i>	311
<b>ARTICULUS V.</b> Utrum Excommunicati sint in Ecclesia.	319
<b>CONCLUSIO.</b> Excommunicati vere non sunt in Ecclesia.	ibid.
<b>ARTICULUS VI.</b> Utrum Infideles sint in Ecclesia.	321
<b>ARTICULUS VII.</b> Utrum Catechumeni sint in Ecclesia.	322
<b>CONCLUSIO,</b> Catechumeni non sunt alii & perfecte vera Ecclesia membra,	ibid.



PRÆLECTIONES  
THEOLOGICÆ  
DE ECCLESIA.  
QUÆSTIO PRIMA.

*De natura Ecclesie.*

TRIA præsertim sunt, quæ rei alicujus naturam aperiunt, nomen sci-  
licet, definitio, & origo.

ARTICULUS PRIMUS.

*De nomine Ecclesie.*



Ria hic paucis exponenda.

I. Quid significet nomen Ecclesie.

II. Quæ sunt präcipua nomina quibus in Scripturis Ecclesia  
in signitur.

III. Quibus figuris adumbrata fuerit in Scripturis Ecclesia.

*Quid significet nomen Ecclesie.*

Ecclesiæ nomen græcum est derivatum a verbo, ἐκκαλέω, quod est  
evoco, conGrego. Ecclesia igitur juxta litteralem & grammaticalem signifi-  
cationem, est evocatio. Apte, inquit S. Cyrillus Jerosol. Catechesi 18.  
*Ecclesia* vocatur, quasi dicas convocatio, propter omnium convocationem &  
congregationem.

Atque hoc generali & grammatical sensu, quilibet conventus seu con-  
gregatio etiam civilis ac politica, Ecclesia vocatur. Sic Psal. 25. v. 5. David  
ait: Odivi Ecclesiam malignantium: & Psal. 106. v. 32. Exaltent eum  
in Ecclesia plebis. Quo postremo in loco, Ecclesia pro conventu civili &  
politico usurpatur, sicut & Act. 19. v. 32. Conventus Ephesinus vocatur  
*Ecclesia confusa*: de quo rursus v. 40. dicitur, *Dimitit Ecclesiam*.

At vero usu Ecclesiastico Ecclesiam hic usurpamus ad significandam  
fidelium societatem seu congregationem: quo sensu ab Apostolo sumitur  
Rom. 16. v. 16. cum ait: Salutant vos Ecclesiæ Christi, & v. 23. Salutat vos  
Gaius hospes meus, & universa Ecclesia.

Tournely de Ecclesia, Tom. V. Pars I.

A

Ali-

Ed. Par.  
1650.  
pag. 222



Aliquando etiam in Scripturis Ecclesiæ vocabulum significat ipsum locum in quo congregantur fideles ad preces fundendas & sacra Deo facienda. Quo sensu sumpsit Apostolus, cum 1. Cor. 11. vers. 18. dixit: *Primum quidem convenientibus omnibus in Ecclesiam*; ac subinde addit v. 22. *Numquid domos non habetis ad manducandum aut bibendum? aut Ecclesiam Dei contemnitis?* & Judith. 6. v. 21. *Convocatus est omnis populus, & per totam noctem intra Ecclesiam oraverunt.*

Stricte ac proprie nomen Ecclesiæ hic significat societatem seu cœtum vocationis. *Quia*, inquit Bellarum. Lib. 3. de Ecclesia cap. 1. *nemo ad hunc populum se adjungit per se & suo proprio instinctu*; sed omnes quoiquot veniunt, 43. C. a Dei vocatione præveniuntur. *Est enim vocatio primum beneficium quod Sancti a Deo recipiunt.* Quos vocavit, inquit Apostol. Rom. 8. *bos justificavit: quos ibia. D. justificavit, bos & magnificavit.* Observat ibid. ex Augustino in Psalm. 81. quod etsi eadem sit Ecclesia veteris Testamenti & novi, quoad essentiam; tamen quia status Ecclesiæ novi Testamenti est longe excellentior; ideo etiam nomina sunt distincta. Nam populus veteris Testamenti propriè dicitur *Synagoga*, idest, congregatio; populus novi Testamenti nusquam dicitur *Synagoga*, sed semper Ecclesia, idest, evocatio. Congregari enim commune est hominibus cum bestiis: at evocari proprium est hominum.

Hoc utriusque nominis discriminem assignat auctor antiquus apud S. Hier. Ed. nov. Comment. in cap. 5. Proverb. *Ecclesia & Synagoga*, inquit, græca nomina T. 5. p. sunt, & unam eamdemque rem latine significant; idest, conuentum plurimorum ad 533. invicem. Si autem subtilius distinguantur, Ecclesia convocatio, & Synagoga congregatio interpretatur. Et *vetus quidem Dei populus utroque nomine vocabatur: nunc autem gratia distinctionis, ille Synagoga, noster Ecclesia dicitur, merito scilicet fidei & scientie majoris: quia & irrationalis creatura potest congregari.*

Jam vero Ecclesiæ nomen pro congregatione multarum usurpatum, aliquando in malam partem sumitur, ut Psal. 25. ver. 5. *Odivi Ecclesiam malignantium.* Aliquando vero ac frequentius in bonam, ut Psalm. 149. v. 1. *Laud ejus in Ecclesia Sanctorum.*

Hoc posteriori sensu Ecclesiæ nomen ad certam fidelium societatem determinatum, pluribus modis sumitur:

I. Pro iis fidelibus qui in una eademque domo & familia commorantur: sic Apostolus Rom. 16. v. 3. & 5. jubet salutari Priscam & Aquilam, & domesticam eorum Ecclesiam.

II. Pro ea fidelium societate qui certa quadam in Parochia sub cura Pastoris & Parochi degunt: ita passim apud Scriptores Ecclesiasticos.

III. Pro cœtu fidelium qui totus in una Civitate uni subjicitur Episcopo. Quo sensu loqui videtur Apostolus 1. Cor. 1. ver. 1. & 2. Paulus vocatus *Apostolus Jesu Christi per voluntatem Dei, & Sosthenes frater, Ecclesiæ Dei quæ est Corinti.* Videtur enim ibi intelligere Ecclesiam Episcopalem & primariam totius Civitatis ac Diœcesis, quæ simul cum pluribus Ecclesiis inferioribus & subditis, unam constituit Ecclesiam Episcopalem sub uno & eodem Episcopo: in majoribus enim dumtaxat Civitatibus Episcopi constituebantur.

IV. Pro ea fidelium societate quæ pluribus in Civitatibus ac Diœcisis, adeoque in una Provincia, vel etiam ampliori ditione & regione, natione, aut Regno, aut etiam amplissima totius terrarum orbis parte,

parte, uni & eidem Episcopo superioris gradus, qualis est Archiepiscopus, Primas, aut Patriarcha, subjicitur. Talem Apostolus innuit Ecclesiam Christi in Creta fuisse: sive in ea Insula, quæ satis ampla est, & centum Civitates olim habuisse dicitur, se Titum instituisse & reliquise, non ut simplicem Episcopum, sed veluti Primatem & Archiepiscopum, ut ordinaret per Civitates Diaconos, Presbyteros & Episcopos. Ad Titum 1. v. 5. *Hujus rei gratia, inquit, reliqui te Cretæ, ut ea quæ desunt corrigas, & constitutas per civitates Presbyteros.* Quo loco Presbyterorum nomine intelligendos esse Episcopos, patet ex vers. 7. ubi ait: *Oportet enim Episcopum sine crimine esse.*

V. Sumitur interdum Ecclesiæ vocabulum pro ipso Tribunali Ecclesiæ, seu pro ipso Präfule & Pastore Ecclesiæ, cuius est regere plebem sibi a Deo commissam, juxta illud Christi Matth. 18. v. 17. ubi agitur de correctione fraterna: *Si autem non audierit, dic Ecclesiæ.* Quo loco non significatur ipsa populis fidelis congregatio, sed ea dumtaxat Ecclesia penes quam postea dicit esse potestatem ligandi & solvendi: illi autem sunt Pastores Ecclesiæ, quibus datum a Deo est regere subditos fideles. Act. 20. v. 28. *Attendite vobis & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit Sanguine suo: quem textum de Episcopis intelligit Synodus Trid. sess. 23. cap. 4.*

VI. Denique, sumitur Ecclesiæ nomen ad significandam universam Christianorum gentem, seu quoquo versum diffusam atque inde distributam, seu coactam & in unum Concilium congregatam. Sic enim solemus loqui, cum referimus Ecclesiæ sensum, vel aliquam ejus definitiōnem: Ita tenet Ecclesia, scilicet ubique gentium diffusa: Ita definit Ecclesia, scilicet Synodice congregata.

Unde non immerito Conc. Oecumenicum vocamus Ecclesiam; siquidem universalem Ecclesiam repræsentat; quandoquidem Episcopi qui eo convenient, ex universo orbe Christiano sunt vocati, ibique non privato suo nomine agunt, sed publicas sustinent Ecclesiæ suæ partes, cujus ipsi loco sunt. Sicut enim, ut ait Philosophus Ethicorum 9. cap. 9. civitas id esse maxime dicitur, quod est in ea principale; inde enim quæ Principes ac Gubernatores civitatis faciunt & sentiunt, ea civitas ipsa facere & sentire dicitur; ita quod Episcopi in Conc. Oecumenicum coacti decernunt, ea Ecclesia ipsa universa decernere dicitur. Episcopi etenim testes sunt ac Judices fidei & traditionis quæ in suis viget Ecclesiis; adeoque communem totius Ecclesiæ per orbem diffusæ referunt, quando in Conciliis Oecumenicis congregantur. Hanc ob causam Concilium Hierosol. Act. 15. v. 2. asseritur fuisse ex omni Ecclesia; quamquam ei non interfuerint singuli Christianam Religionem tunc professi, sive ex urbe Roma, sive Antiochia, sive aliunde: imo ex Apostolis quinque dumtaxat adfuerint præsentes, nempe Petrus, Jacobus, Joannes, Paulus & Barnabas. Placuit, inquit S. Lucas, *Apostolis & senioribus cum omni Ecclesia.*

Hinc Synodicæ Constitutiones a tota Ecclesia dimanare censentur. Hinc etiam Synodus Constantiensis & Basileensis suas definitiones ab his verbis inchoant: *Sacrosancta Synodus Ecclesiam universalem repræsentans.* Atque hoc sensu, Conc. totius Orbis dici solet tota Orbis Ecclesia: Nationale, tota Nationis illius Ecclesia: Provinciale, tota Provincia Ec-

D E E C C L E S I A.

clefia : Diœcesanum , tota Diœceseos Ecclesia : hoc etiam sensu , Concilia Nationis Gallicanae dicimus Ecclesiam Gallicanam . Hoc sensu a nobis sumetur Ecclesiæ nomen in toto hujusc Tractatus decursu ; nempe pro societate eorum qui veram Christi fidem profitentur , & in unum Religionis corpus coeunt ; sive complectatur omnes fideles per totum Orbem dispersos , sive Pastores & Episcopos alicujus gentis , Nationis , Provinciæ vel Regni .

*Quæ sunt præcipua nomina quibus in Scripturis Ecclesia designatur .*

Varia hæc nomina quibus per metaphoram ac periphrasim in Scripturis passim designatur Ecclesia , eo dumtaxat tendunt , ut ipsius dignitatem , excellentiam , aliasque eximias dotes illustrent , oculisque nostris veluti subjiciant .

Dicitur :

I. Domus Dei . 1. ad Tim. 3. v. 15. *Ut sciat quomodo te oporteat in domo Dei conversari , quæ est Ecclesia Dei vivi .* Domus quidem , propter aptam fidelium inter se dispositionem : Dei vero , quia Deus in ea colitur , & speciali modo inhabitat , juxta Psal. 25. v. 8. *Domine , dilexi decorum domus tuæ , & locum habitationis gloriæ tuæ .*

II. Castrorum acies ordinata , & quidem eo nomine terribilis . Canticorum 6. v. 10. Quæ nempe adversus omnes Christi ac veræ Religionis hostes , immota & inconcussa semper permanebit .

III. Civitas Dei , juxta illud Ps. 47. v. 2. *Magnus Dominus & laudabilis nimis , in Civitate Dei nostri , in monte sancto ejus .* Dicitur autem Civitas , propter unitatem & conjunctionem inter fideles : dicitur Dei nostri , quia scilicet fundavit eam Deus in æternum , non ad tempus , sicut Tabernaculus Mosis .

IV. Civitas supra montem posita . Matt. 5. ver. 14. *Civitas in quadro posita .* Apoc. 21. v. 16. quibus significatur Ecclesiæ visibilitas ac firmitas .

V. Regnum Dei , sive Calorum , ut saepe dicitur Matth. 13.

VI. Templum Dei . 1. Cor. 3. v. 16. *Nescitis quia templum Dei estis , & Spiritus Dei habitat in vobis ?*

VII. Tabernaculum Dei . Apoc. 21. v. 3.

VIII. Semen Abrahæ . Gal. 3. v. 29. *Omnes vos unum estis in Christo Iesu . Si autem vos Christi ; ergo semen Abrahæ estis secundum promissionem heredes .* Ex quibus verbis infert S. August. in Expositione hujus Epistolæ , non modo Christum esse semen Abrahæ , verum etiam ipsam Ecclesiam .

IX. Corpus Christi . Sic eam vocat Apost. ad Coloss. 1. ver. 25. *Pro Corpore Christi quod est Ecclesia , cuius factus sum ego minister secundum dispensationem Dei .* Dicitur autem Corpus Christi , non tantum quia Christus regit Ecclesiam & ipsi præest ; sed quia etiam in eam influit occulta quadam subministracione Spiritus & gratiæ .

X. Ovile Christi , quia continet oves Christi , quas ipse pascit verbo doctrinæ & Sacramentis .

XI. Sponsa Christi . Cantic. 4. v. 8. *Veni de Libano , sponsa mea , veni ;*  
ED:Mat. 1690.T. 1. pag. 1505.C. *quia scilicet Christo juncta est indissolubili amoris vinculo , juxta illud .* Canticor. 2. v. 16. *Dilectus meus mibi , & ego illi . Quid sponsa , ait S. Bern.* *Quid ipsa , nisi generatio qua-*  
*rensum Dominum , quærentium faciem sponsi ?*

Qui-

*Quibus figuris adumbrata fuerit in Scripturis Ecclesia.*

Variis figuris expressam legimus Ecclesiam in veteri & novo Testamento.

*Figurae Ecclesiae in veteri Testamento.*

Ex veteri Testamento referemus primum eas quae contigerunt ante Legem, deinde alias quas contigisse legimus stante Lege.

Ante Legem prima Ecclesiae figura fuit Paradisus terrestris, cum quo Paradi-  
quanta sit Ecclesiae affinitas & similitudo, explicat S. Aug. Lib. 4. de sus.  
Baptismo contra Donatistas cap. 1. *Ecclesia*, inquit, *Paradiso comparata*, <sup>Ed. nov.</sup> <sup>T. 9 pag.</sup> <sup>121. E.</sup>  
indicat nobis, posse quidem ejus Baptismum homines etiam foris accipere, sed salu-  
tem beatitudinis extra eam neminem vel percipere, vel tenere. Nam & flumina  
de fonte Paradisi, sicut Scriptura testatur, etiam foras largiter manaverunt. No-  
minatim quippe commemorantur; & per quas terras fluunt, & quia extra Para-  
disum constituta sunt, omnibus notum est: nec tamen in Mesopotamia vel in Ä-  
gypto, quo illa flumina pervenerunt, est felicitas vitæ quæ in Paradiso commemo-  
ratur. Ita fit, ut cum Paradisi aqua sit extra Paradisum, beatitudo tamen non sit  
nisi intra Paradisum. Sic ergo Baptismus Ecclesiae potest esse extra Ecclesiam,  
munus autem beatæ vitæ non nisi intra Ecclesiam reperitur.

Secunda fuit ipsa Eva: quo pacto autem ipsa Ecclesiam expresserit & <sup>Eva.</sup>  
repræsentaverit, explicat S. Aug. Tr. 9. in Joan. *Dormivit*, inquit, *Adam* <sup>T. 3. par.</sup>  
*ut fiat Eva: moritur Christus ut fiat Ecclesia. Dormienti Adæ, fit Eva de latere:* <sup>2. p. 365.</sup>  
*mortuo Christo, lancea percutitur latus, ut profuant Sacraenta quibus formetur* <sup>C.</sup>  
*Ecclesia. Cui non appareat quia in illis tunc factis futura figurata sunt?*

Tertia fuit Arca Noe; cui in eo præsertim similem fuisse Ecclesiam <sup>Arca</sup> <sup>Noe.</sup>  
affirmat S. Aug. Lib. 12. contra Faustum Manichæum cap. 14. 15. 16. &  
17. 1. Quod quemadmodum temporibus Noe extra Arcam nulli patebat  
ad salutem aditus; ita nec quisquam extra Ecclesiam possit ad vitam  
æternam pervenire; 2. Sicut in Arca simul erant munda & immunda  
animalia, ita in Ecclesia probi sunt simul & improbi; 3. Sicut in Arcam  
non nisi a latere ingressus patebat, ita non nisi a latere Christi, a quo flu-  
xerunt Sacraenta, in Ecclesiam quis ingredi potest. Eamdem Ecclesiæ  
figuram in Arca Noe expressam refert S. Hier. Epist. 14. alias 57. ad  
Damascum.

Quarta figura fuit in veterum Patriarcharum uxoribus; in primis Sara  
uxore Abrahami, Rebecca Isaaci, Rachele & Lia Jacobi: atque in eo  
principue positam esse comparationem observat S. Aug. Lib. 1. de Ba-  
ptismo contra Donat. c. 15. & seq. quod sicut matronæ illæ insignis &  
magne gentis matres extiterunt, & liberos non tantum ex sinu suo pepere-  
runt, sed etiam ex ancillarum utero, in quo jus habebant; sic & Ecclesia  
non tantum in sinu suo parit filios, sed & de ancillarum sinu, hoc est,  
in ipso Hæreticorum gremio. *Ecclesia*, inquit c. 15. n. 23. *omnes per Ba-*  
*ptismum parit, sive apud se idest, in utero suo; sive extra se de semine viri sui:* <sup>T. 9. pag.</sup> <sup>91. E.</sup>  
*sive de se, sive de ancilla.* Unde infert S. Aug. in Donatistas, aliquos nasci  
Ecclesiæ filios in hæretica secta, & Baptismum Hæreticorum valere, atque  
in iis, qui ab Hæretico aliquo baptizantur, nonnullos esse Aser similes,  
qui unitaris studiosi deserunt sectam in qua iniciati sunt, & revertun-  
tur in Ecclesiam quam per Baptismum ubicumque tandem perceptum in-

gressi fuerant: alios vero Ismaeli similes esse, qui quamvis Ecclesia fuissent nati ex haeretica societate, sicut natus fuerat Ismael ex Agar ancilla, quia tamen in fraterna discordia perseveraverunt, idcirco fuerunt hereditate paterna privati, atque in servili conditione remanserunt.

Tempore autem Legis Mosaicæ, duæ insigniores præcesserunt Ecclesia figure.

Prima fuit in Templo Jerosolymitano, ad quod Judæi omnes ex Legis præcepto accedere tenebantur, ut celebrarent Pascha, & sua Deo Sacrificia offerrent, adeo ut profanus haberetur, quicumque extra urbem Jerosolymam Paschalem Agnum ederet, aut alia sacra faceret: quo quidem Templo significabatur Ecclesia Catholice unitas & amplitudo, in quam gentes omnes undequaque confluenter; & extra quam nulli esset speranda salus. Ita passim explicat S. Aug.

Secunda legitur Danielis cap. 2. v. 35. ubi lapis, tum primum tenuis, magnum tandem in montem excrescit, totumque in orbem diffunditur, & universam terræ faciem implet. Quod de Ecclesia diffusione in omnes gentes intelligendum esse observat S. Aug. passim scribens contra Donatistas, & præsertim Tract. 4. in Evangelium Joannis.

#### *Figuræ & Parabolæ quibus designatur Ecclesia in novo Testamento.*

Non tantum in veteri testamento figuris expressa fuit Ecclesia Christi, sed etiam in novo; quibus & parabolæ jungemus, per quas ipse Christus Ecclesiæ suæ caræteres & dotes delineavit.

*Vas quod vidit S. Petrus.* Tres autem figuræ hic solum referemus.

*Piscatio.* Prima fuit vas illud ingens linteum quod vidit S. Petrus, ubi ipsi ostendit Deus gentes esse ad fidem divinam admittendas: qua quidem in imagine exprimi Ecclesiæ amplitudinem & diffusionem in totum orbem, & ejus aditum omnibus gentibus patentem, multis in locis asserit S. Aug.

Secunda figura fuit piscatio jussu Christi facta, quæ quidem duplex refertur in Evangelio. Altera ante Christi mortem, Lucæ 5. Altera post ejus resurrectionem, Joan. 21. Ecclesiam utraque illa punctione significari observant passim SS. Patres. Inter alios S. Aug. Ser. 248. alias 148. de tempore: in Psal. 49. & Tract. 122. in Joan. Et S. Greg. Hom. 24. in Evangelia. Priori quidem punctione, in qua specialiter non jubetur in quam partem mitti debeat rete, præsens Ecclesia designatur, quæ bonos simul & malos colligit, nec eligit quos trahat; quia quos eligere posset, ignorat quæ schismatibus obnoxia est, seu ex qua recedere possunt aliqui disrupta unitate. Posteriori autem exprimitur Ecclesia jam in Cælis triumphans, in qua & multi pisces & magni capiuntur, & rete non rumpitur; quia scilicet Sancta electorum Ecclesia in continua auctoris sui pace requiescens, nullis jam dissensionibus agitatur aut turbatur.

*Vestis Domini.* Tertia figura fuit Vestis Dominica, seu tunica Christi inconsutilis, quam de Ecclesia interpretatur S. Aug. Tr. 118. in Joan. ubi explicans illa verba Psal. 21. v. 19. *Diviserunt sibi vestimenta mea, & super vestem meam miserunt sortem,* querit quid significet vestimentorum in tot partes facta divisio, & ipsa tunica sortitio. Ad primum sic respondet: *Quadripartita vestis Domini nostri Jesu Christi quadripartitam figuravit ejus Ecclesiam, toto scilicet, qui quantum*

tuor partibus constat, terrarum orbe diffusam. Ad secundum sic: *Tunica vero ibid. illa sortita, omnium partium significat unitatem, quæ charitatis vinculo continetur.* Et postea... Merito ergo vestis, qua( charitas) significatur, desuper contexta *Ibid. F. perbibetur. Inconsutilis autem, ne aliquando diffuatur, & ad unum pervenit,* quia in unum omnes colligit. Idem ante S. Augustinum scripserant SS. Hier. in Psal. 21. Cypr. Lib. de unitate Ecclesie, Tertull. Lib. de Orat. cap. 2. & Lib. ad Martyres cap. 1. Atque hæc de figuris: nunc de Parabolis qui-Parabolæ bus Christus Ecclesiam adumbravit.

Quinque sunt numero.

Prima parabola est Agri; in quo crim Paterfamilias zizania & im-  
mundas fegetes cum critico permisceri animadvertisset, noluit avelli a  
servis, sed permittit simul crescere usque ad messem, ne forte bonum  
simul cum malo tritico evelleretur. Extat hæc parabola apud S. Matth.  
cap. 13. v. 24. Hanc autem interpretatur S. Aug. de Ecclesia, Serm. 88.  
alias 18. de verbis Domini, sub finem: vultque per agrum qui præfert  
mundum, significari Ecclesiam totum in orbem diffusam; atque vel ex  
eo unico momento convinei putat Donatistas, non extare apud ipsos  
Ecclesiam Catholicam, quandoquidem eorum Ecclesia in totum orbem  
diffusa non sit, sed in Africæ angulum sit redacta; ipsique præterea  
profiteantur, sceleratos & peccatores ab Ecclesia sinu arceri, cum ta-  
men parabola illa demonstret eos in ea etiam includi, sicut malum cum  
bono tritico in agro permiscetur.

Secunda parabola est Sagenæ, quæ missa in mare pisces ex omni ge-  
nere congregat: atque hoc exemplo sapissime D. Aug. consultat Do-  
natistas, inde probans in Ecclesia malos bonis esse permixtos, nec sepa-  
randos nisi in consummatione sæculi, sicut pisces a pescatoribus in littore  
separantur. Ita S. Aug. Tr. 122. in Joan. Serm. 241. alias 4. de diversis.  
Collatione 3. cum Donatistis. In Psal. 94. & L. 83. quæstionum, q. 81.

Tertia est Pascuorum, Matth. 25. ver. 32. & seq. ubi sunt hirci simul Pascua.  
cum arietibus, & hædi cum ovibus, quam quidem explicat S. Aug. Ser. 47.  
de probis & improbis qui simul in ejusdem Ecclesiæ sinu existentes, iis-  
dem cibis, scilicet Sacramentis, eodemque Dei verbo fruuntur, & qui  
aliquando in extremo die ab invicem sunt fecernendi.

Quarta est Convivii nuptialis quod describitur Matth. 22. ubi per re-  
gnūn cælorum Ecclesiam intelligi vult S. Aug. in quam adscribi potest  
quisquis voluerit; & in qua idcirco improbi sunt simul cum probis, do-  
nec absolute tandem cena, hoc est exacto hujus vitæ mortalis tempore,  
qui inventi fuerint sine ueste nuptiali, hoc est, charitate vacui, sege-  
rentur ab aliis & mittentur in tenebras exteriores, scilicet in infernum.

Quinta est Area quæ proposita a S. Joanne legitur Matth. 2. v. 12. Area.  
& Lucæ 3. v. 17. ubi Christus dicitur habere ventilabrum in manu sua,  
quo mundaturus est aream suam, ut frumenta recondat in horreo, pa-  
leas autem comburat.

Quidam e Sanctis Patribus, ut S. Irenæus Lib. 3. de hæresib. cap. 3.  
Tertull. Lib. de fuga in persecutionibus cap. 1. intelligi volunt hanc pa-  
rabolam de Tyrannorum persecutionibus, quæ Ecclesiam exerceant, &  
viros constantes ac firmos in fide secernant ab aliis.

At S. Aug. & alii intelligunt per illam aream, ipsam Christi Ecclesiam,

Sam, quæ bonos & malos habet simul, sicut area frumentum & paleam: cum autem ventilationis tempus advenerit, tunc palea grano permixta, hoc est, boni a malis, Christo ipso pronuntiante, sunt fecernendi. Lege Augustinum lib. 7. Quæstionum super Judices, q. 40. lib. 13. contra Faustum cap. 32. lib. de unitate Ecclesiæ cap. 5. in Psal. 45. prope finem, Serm. 132. alias 2. de verbis Apostoli cap. 9.

Has quinque Parabolas hoc distico expresas habes.

*Ecclesiam Christi parabola quinta figurat:*  
*Area, convivium, retia, pascua, ager.*

## A R T I C U L U S I I.

*De definitione Ecclesiæ.*

*Definitiones Ecclesiæ ab Hæreticis confitæ.*

**N**ON unam & eamdem sibi efformarunt Ecclesiæ notionem & ideam Hæretici tum veteres, tum recentiores, de quibus Bellarm. lib. 3. de Ecclesia militante cap. 2.

## P E L A G I A N O.

**P**. 3. p. 4.  
**L**. 1. 6. D.

Relagiani Ecclesiam definiebant, Congregationem hominum perfectorum, nullum habentium peccatum. Ita refert S. Aug. lib. 2. de hæresib. cap. 88. *In id etiam, inquit, progradientur, ut dicant vitam justorum in hoc seculo nullum omnino habere peccatum, & ex his Ecclesiam Christi hac mortalitate perfici, ut sit omnino sine ruga & macula, quasi non sit Christi Ecclesia, quæ in toto terrarum orbe clamat ad Deum, Dimitte nobis debita nostra.*

## N O V A T I A N I.

Novatiani dicebant Ecclesiam esse cætum hominum eo saltem sensu justorum, quod nunquam lapsi fuissent in graviora peccata circa fidem confessionem: quamquam non ita perspicuum est quos illi ab Ecclesia excluserint, an eos omnes qui in aliquod grave peccatum impegerant, an vero eos solum qui in persecuzione a fide defecerant.

Quod negaverint Ecclesiam lapsi in persecuzione, idest Sacrificatis & Libellaticis, indulgere posse, atque a gremio Ecclesiæ prorsus eos excludi, patet ex S. Cypriano Tract. de lapsis, & Epist. 57. ad Cornelium, ex Eusebio lib. 6. Hist. cap. 35. & Socrate lib. 4. c. 23.

Quod etiam quælibet delicta post Baptismum commissa Ecclesiæ auctoritate remitti posse negaverint, docet expresse S. Epiph. hæresi 59.

Verum an eos quoque, qui istorum criminum erant rei, voluerint ab Ecclesia amandari, non ita certum videtur.

## D O N A T I S T A.

Non aliis volebant illi Ecclesiam constare, quam probis & ab omni crimine saltem graviori alienis. Videntur enim eos tantum ab Ecclesiæ exclusisse, qui in persecuzione lapsi fuerant, Idololatras, Libellaticos, &c. non alios, v. gr. fraudatores, mœchos & similes. Unde S. Aug. sa- pius adversus illos argumentum istud, ad hominem, ut ajunt, contorquebat:

Qua-

Quare rebaptizatis baptizatos ab haereticis, non vero baptizatos ab improbis, adulteris, fraudatoribus, &c. ? Iste enim, ut & alii, Spiritum sanctum non habent, nec consequenter communicare aliis possunt. Ali quando tamen videntur omnes malos exclusi ab Ecclesia: unde inferbant eam angustam omnino esse & ad plagas Africæ coarctatam; nec perspicuum & visibilem, cum probi sint numero pauci, eorumque numerus lateat, plerisque oculos fallentibus, qui videntur pii, in quibus tamen mea est pietatis umbra & vana penitus effigies; atque in hoc maxime posita erat Donatistarum haeresis. Quod enim de rebaptizatione, reordinatione & iterata Confirmatione asserebant, ipsorum proprium non erat, nec ab iis primum excogitatum; unde in Collatione Carthaginensi, de ipsa Baptismatis innovatione nihil attigerunt Catholici, sed unam de Ecclesia questionem proposuerunt.

## WICLEFUS.

Non alios agnovit in Ecclesia quam praedestinatos; neque aliud vinculum quo partes Ecclesiarum inter se colliguntur, quam praedestinationem; ita ut omnes & soli praedestinati essent de Ecclesia. Ita refert Thomas Valdensis Tom. 1. doctrinalis fidei antiquæ L 2. c. 8. & 9.

Eundem errorem fecutus est Joannes Hus, ut colligitur ex Concil. Constantiensi sess. 15. ubi referuntur & damnantur ejus articuli, in quorum primo sic legimus: *Unica est sancta universalis Ecclesia, quæ est prædestinatorum Universitas, & in s. Præscitus etiæ aliquando sit in gratia secundum To. 12. dum præsentem justitiam, tamen nunquam est pars sanctæ Ecclesie; & prædestinatus semper manet membrum Ecclesie, licet aliquando excidat a gratia adventitia sed non a gratia prædestinationis.*

## LUTHERANI.

Lutherani Ecclesiam definitur Sanctorum congregationem. Ita diserte Articulus septimus Confessionis Augustinæ. *Una sancta Ecclesia, inquit, perpetuo mansura est. Est autem Ecclesia Christi proprie, Congregatio membrorum Christi, hoc est Sanctorum qui vere credunt & obediunt Christo, etiæ in hac vita huic Congregationi multi mali & hypocrita admixti sunt usque ad novissimum judicium.*

Hoc ipsum ab Anabaptistis ætate sua doceri testatur Calvinus Lib. 4. Institutionis, ubi illos Haereticos Catharos & Donatistis assentiri ait, quod improbos ab Ecclesia arcerent.

Distinguunt autem duplē Ecclesiam, alteram veram, ad quam pertinere ajunt tot encomia & privilegia quæ referuntur in Scripturis sacris; & in hac dicuntur contineri dumtaxat eos qui vere & sincere obediunt Deo; at nonnisi fidei lumine visibilem illam esse. Alteram externam, quæ nomen tantum habeat Ecclesia; hancque describunt. *Societatem hominum in doctrina fidei & sacramentorum usu convenientium: Atque in ista docent occurrere bonos simul & malos.* Ita inter alios Philippus Melanchthon & Brentius. Eadem est quoque Lutheri sententia L. de Conciliis & Ecclesia parte 3. ubi ait, *Papam & Cardinales idcirco non esse de Ecclesia, quia Sancti non sunt.*

*Corpus  
Confess.  
Geneva  
p. 13.*

## C A L V I N I S T Æ.

Distinguunt etiam veram Ecclesiam ab externa, voluntque eam constare ex solis justis & prædestinatis. Inter alios ita sensit Bucerus L. 1. de regno Christi c. 5.

Quænam vero sit Calvinii sententia, non ita facile deprehenditur; adeo vera & Catholica falsis immiscet, ac non pauca afferit, quæ sibi invicem adversantur.

Aliquando enim agens Catholicum aut fingens, 1. agnoscit Ecclesiam visibilem, & externam extra quam nulla sit speranda falus, quamque idcirco nosse omnibus maxime necessarium sit; 2. afferit eam esse conspicuum verbī divini prædicatione & Sacramentorum administratione; 3. eam esse quæ dicitur ab Apostolo I. ad Tim. 3. v. 15. *Columna & firmamentum veritatis*; 4. etiamsi nonnihil vitii in Ecclesiam obrepat, seu circa doctrinam, seu circa Sacramentorum praxim, in ea tamen semper standum esse; modo nec communis Religionis capita lèdantur, nec in Sacramentorum colatione violetur auctoris Institutio. Ita L. 4. Instit. circa initium.

*Ed. Ge-**nev.**1559.**p.**370.**&**seq.*

Aliquando vero contrarium huic doctrinæ docet L. 4. Instit. c. 1. ubi dicit Ecclesiam constare ex solis prædestinatis; ejusque characterem unicum esse divinam electionem, quæ cum homines lateat, solique Deo sit nota, ipsam quoque aliquando latitare.

Claudius apud Calvini discipulos Parisienses olim minister, eamdem Ecclesiæ notionem sequitur, ut patet ex Libello quem inscripsit, *Defensio reformationis*. In prima parte illius Operis c. 6. sic loquitur: *Sciendum est, inquit, quid sit vera Ecclesia visibilis. Neque enim est quod quis existimet eos omnes qui hanc societatem constituant, esse veram Ecclesiam. Soli vero Christianæque fidei cultores, qui externæ illius professioni sinceram adjungunt pietatem, re ipsa sunt Christi Ecclesia: alii vero, improbi scilicet, profani & hypocrita, specie tenuis & non revera sunt Ecclesia; quia ipsis deest interna voluntas, quæ in fide & charitate sita est.*

Jurius alter ejusdem Sectæ Minister, ab ea communī & apud suos recepta Ecclesiæ notione recedere videtur in eo Tractatu quem scripsit de unitate Ecclesiæ, Roterodami an. 1688. Cum enim demonstrandum sibi proponat veram Christi Ecclesiam complecti omnes Christiani nominis Sectas; necesse est doceat, eam non solis constare prædestinatis; sed bonos & malos simul in finu suo continere.

Marcus Antonius de Dominis eamdem cum Calvinistarum vulgo sibi finxit Ecclesiæ ideam L. 7. de Republica Ecclesiastica c. 10. ubi dicit duplēcēm esse distinguendam Ecclesiam: aliam præsumptivam vocat, eam scilicet in qua videmus sub legitimis Ministris & Sacramentis fieri professiōnem fidei in Christum: aliam vero appellat veracem, quæ nempe electorum est, ac solos probos complectitur. *Præsumptivam*, inquit, *videmus; veracem credimus: neque enim possumus illam nisi per conjecturam indicare. Reprobū, occulti heretici, mali Catholici sunt in Ecclesia præsumptiva; soli autem prædestinati & probi sunt in Ecclesia veraci. Sic ille.*

Quotquot hæc tenus ex Novatoribus definitiones Ecclesiæ adductæ sunt, videntur in æquivoco hærere. Quippe si loco duplicitis Ecclesiæ, duplēcēm illi cum Catholicis Ecclesiæ partem, animam scilicet & corpus, vellent agno-

agnoscere, facile foret eos nobiscum in concordiam hac in parte venire. Scite omnino Bellarminus L. 3. de Ecclesia c. 2. *Notandum*, inquit, T. 2. p. ex Augustino in Breviculo Collationis, Collatione tertia, Ecclesiam esse corpus<sup>44</sup>. vivum, in quo est anima & corpus: & quidem anima sunt interna dona Spiritus sancti, fides, spes, charitas, &c. Corpus sunt, externa professio fidei, & communicatio Sacramentorum. Ex quo fit, ut quidam sint de anima & de corpore Ecclesiae, & proinde uniti Christo capiti interius & exterius; & tales sunt perfectissime de Ecclesia: sunt enim quasi membra viva in corpore, quamvis etiam inter istos aliqui magis, aliqui minus vitam participant, & aliqui etiam solum initium vitae habeant, & quasi sensum, sed non motum, ut qui habent solam fidem sine charitate. Rursum aliqui sunt de anima & non de corpore, ut Catechumeni, vel excommunicati, si fidem & charitatem habeant, quod fieri potest. Denique, aliqui sunt de corpore & non de anima, ut qui nullam habent internam virtutem, & tamen spe aut timore aliquo temporali profitentur fidem, & in Sacramentis communicant sub regime Pastorum: & tales sunt sicut capilli, aut ungues, aut mali humores in corpore humano. Hæc Bellarminus.

Demus igitur Novatoribus solos electos ac justos ad nobiliorem Ecclesiae partem, quæ anima ipsius dicitur, & in virtutibus consistit; reprobos vero & malos ad illius dumtaxat corpus, hoc est, externam fidei professionem ac eorumdem Sacramentorum participationem pertinere; id quod maxime volunt, obtinebunt, ac tota evanescet circa istud caput controversia. Porro Catholici Ecclesiam vulgo definiunt per id quod in ea externum est ac visibile: non quod internas negligant aut non requirant virtutes; absit tam crassa calumnia: sed quod externa fidei professio & eorumdem Sacramentorum participatio ad minimum requiritur, ut quis possit dici esse pars visibilis Ecclesia.

#### Catholica Ecclesiae definitio.

Nonnulla hic præmitenda sunt, ut intelligatur quænam sit vera & legitima Ecclesiae definitio.

Observandum I. dupli modo posse considerari Ecclesiam; scilicet in genere, & quatenus abstrahit ab hoc vel illo statu in quo posset attendi; vel prout est collectio fidelium qui Christi fide & Sacrementis iniciati sunt.

Juxta primam considerationem definiri potest, Cœtus seu Societas sanctorum sub uno capite Christo servientium Deo.

Dicitur 1. Societas sanctorum, sed aequivoce; non enim eodem modo sancti sunt omnes qui sunt in Ecclesia: alii enim perfectam habent sanctitatem, quales sunt illi de quibus loquitur Apostolus Heb 12. v. 23. qui nempe in celis degunt clara Dei visione fruentes; alii inchoate tantum sancti sunt, quales sunt omnes qui sunt in Ecclesia Christi militante in terris & peregrinante a Domino: alii denique sola professione exteriori sancti sunt; sive quia speciem sanctitatis habent, virtutem autem negant; sive quia nomen sanctum & professionem Christiani tenent, qui propterea una cum aliis sancti vocantur. *Gens sancta, populus acquisitionis.* I. Petri 2. v. 9. *Populus sanctus.* Isaïæ 6. v. 12.

Dicitur 2. sub uno capite Christo, ut expresse habet Apostolus ad Ephes. 1. v. 23. *Ipsum dedit caput supra omnem Ecclesiam quæ est corpus ejus.*

*ejus. & c. 5. v. 23. Vir est caput mulieris, sicut Christus caput est Ecclesia.*

Dicitur 4. servientium Deo: hic est enim primus & adæquatus finis totius Ecclesiae, sive militantis in hac vita, sive jam triumphum agentis in patria. Non enim sumus hospites & advenæ, sed cives sanctorum & domestici Dei, ideoque Deo servientes, ut habet Apostolus Eph. 2.v.19.

Observandum II. Ecclesiam juxta secundam considerationem, esse quodam totum constans ex corpore & anima; ut mox dictum est, corpus nihil esse aliud, quam *externam professionem fidei, Sacramentorum communio-nem & legitimis Pastoribus exteriorem subjectionem*: animam vero esse ipsa Spiritus sancti dona interiora, nempe fidem, spem, & charitatem: adeoque Ecclesia juxta diversas illas partes exterior est & interior; visibilis & invisibilis: exterior & visibilis secundum corpus; invisibilis & interna secundum animam.

Observandum III. Ecclesiam hoc modo sumptam considerari posse vel adæquate secundum corpus & animam: sub qua consideratione essentia-liter complectitur & professionem externam fidei, & internam Spiritus sancti charitatem, quæ duo consequenter explicari debent in ejus defini-tione, vel inadæquate, hoc est, vel secundum corpus, vel secundum animam. Si spectetur secundum animam, nihil aliud est quam Societas fidelium interna fide & charitate Christo conjunctorum: si autem secun-dum corpus, nihil aliud est, quam eorum Societas qui Christi fidem exterius profitentur, & iisdem Sacrementis, iisdemque Pastoribus utuntur: atque pro varia illa consideratione Ecclesiae secundum animam vel se-cundum corpus, varia leguntur apud scriptores Ecclesiasticos Ecclesiae definitiones, quas immerito nobis opponunt Novatores, quasi secum in-vicem pugnarent, quæ re ipsa non pugnant, quia variam Ecclesiae par-tem exponunt.

Observandum IV. eorum qui sunt in Ecclesia hoc modo considerata, alios pertinere ad ejus corpus tantum; quales sunt hæretici occulti: alios ad animam tantum, qui fidem & charitatem interius retinent, sed vel nondum sunt Ecclesiae Sacramentis initiati, ut Cathecumeni, vel sunt ab Ecclesiae corpore exterius injuste præcisi: alios denique ad ani-mam simul & corpus pertinere; & ex iis quidam ad animam Ecclesiae perfecte pertinent, quales sunt ii qui internam fidem & charitatem sim-  
ul jungunt cum externa fidei Christianæ professione, & participatione Sacramentorum: alii ad animam Ecclesiae minus perfecte pertinent, quales sunt peccatores in quibus remanent fides & spes, & deest ipsa cha-ritas. De his Bellarminus loco mox citato.

Observandum V. Ecclesiam vel triumphantem esse, vel hic in terris militantem: neque idcirco, ait Catechismus Conc. Trid. part. I. art. 9. n. 9. duas esse Ecclesias censendum est, sed ejusdem Ecclesiae partes duas, quarum una antecessit & cælesti patria jam potitur; altera in dies se-quitur, & contra immanissimos hostes, mundum, carnem, satanam di-micat; unde militans nuncupatur.

Militantis & visibilis Ecclesiae definitionem hic querimus.

Richerius Parisiensis Theologus in Apologia pro Gersonio, initio hanc 125. toti Operi suo prefigit Ecclesiae definitionem. *Ecclesia est Politia Monar-chica, ad finem supernaturem spiritualem instituta, regimine Aristocratico om-nium*

nium optimo & naturæ convenientissimo temperata a summo animarum Pastore Domino Iesu Christo,

Verum ista definitio 1. videtur paullo involuta; 2. nullam facit mentionem professionis fidei, & communionis eorumdem Sacramentorum, nec Romani Pontificis, qui Pastorum primus est ac caput; 3. non Ecclesiam, sed ejus dumtaxat regendi modum seu rationem definire videtur Richerius, quando ait eam esse *Politiam Monarchicam*: Politia enim Communitatem non tam apte denotat, quam gubernandæ Communitatis modum.

Alia igitur statuenda nobis est Ecclesiæ definitio: sit itaque

### C O N C L U S I O.

Recte definitur Ecclesia: Cœtus hominum unius & ejusdem fidei Christianæ professione, & eorumdem Sacramentorum communione conjunctus, sub regime legitimorum Pastorum, ac præcipue Romani Pontificis.

Launojus Epistola ad Nicolaum Gatinæum, quæ est in parte 8. hanc definitionem, congestis, ut afflolet, bene multis SS. Patrum & aliorum Scriptorum testimoniosis, impugnare conatur, tamquam novam & ante Bellarminum ac Canisium inauditam. Istud vero in ea definitione Launojum maxime offendit, quod mentionem faciat Pastorum a quibus regitur Ecclesia, præcipue autem Romani Pontificis, de quibus, ait, siluere, quotquot a Christo ad Conc. usque Tridentinum, & a Tridentino ad ætatem usque Bellarmini & Canisii, Ecclesiam definire aut descriplere. *Istud e-* P. 419. *nim Pastorum regimen*, inquit Launojus, *ad statum Ecclesiæ pertinet*, non vero ad Ecclesiæ naturam & essentiam.

Nihilominus rectam esse ac retinendam adductam definitionem,

Probatur 1. quia in Ecclesia Christi duo essentialiter requiruntur, unio scilicet eorum qui illam constituant, & subordinatio seu dependentia eorumdem ab iis qui societatem moderantur & regunt; cum enim in Scripturis Ecclesia vocetur Civitas, Domus, Regnum, Ovile, Corpus, non potest sub his titulis & imaginibus concipi sine unione membrorum & dependentia ab iis qui præsunt: atqui in definitione adducta hæc duo expllicantur, unio scilicet, quæ fit per eamdem fidei professionem & eorumdem Sacramentorum communionem: & subordinatio, per dependentiam a legitimis Pastoribus ac præcipue Romano Pontifice.

Præterea certum est, ut postea ostendemus, esse in Ecclesia activam iuridicii, doctrinæ, ac regiminis auctoritatem plane indefectibilem ac infallibilem: sed hæc auctoritas Laicis non competit: ergo Ministris a Deo institutis propria est, quos qui audit, Christum ipsum audit. Ergo concipi non potest nec recte definiri Ecclesia, sine illis Ministris legitimis, quorum jure divino primus & Caput est honore ac iurisdictione Romanus Pontifex. Hinc etiam non minus certum, esse in Ecclesia Pastores, qui doceant, & populum fidelem qui docendus est: de quibus Christus Matt. 18. v. 16. *Si te non audierit ... dic Ecclesiæ: si autem Ecclesiam non audierit, sit tibi tamquam ethnicus & publicanus:* & Act. 20. v. 28. *Attendite vobis & universo gregi in quo vos posuit Spiritus sanctus regere Ecclesiam Dei.*

Probatur 2. quia illa definitio legitima est, quæ complectitur omnes partes Ecclesiæ, & ab ea removet quidquid ab ea est removendum: atqui

Tom. 8.

Ed. Pa-

rij pag.

353. &

seq.

P. 414.

e-

P. 419.

seq.

P. 414.

seq.

qui talis est prædicta definitio. Tria enim illa notantur, quorum si unum desit, non potest quis censeri de corpore & de gremio Ecclesie; scilicet professio fidei Christianæ, Sacramentorum communio, subiectio legitimis Pastoribus.

Defectu primæ conditionis, excluduntur omnes infideles & hæretici.

Defectu secundæ, excluduntur vel qui nunquam fuere ad communio-  
nem Sacramentorum admissi, quales sunt Catechumeni; vel qui per Ec-  
clesie censuram ab eorumdem communione sunt præcisi, quales sunt  
excommunicati.

Defectu tertiaæ conditonis, excluduntur schismatici, qui tametsi fidem  
habeant & Sacraenta, legitimo tamen Pastori non obtemperant, atque  
idcirco foris extra Ecclesiam fidem profitentur, & Sacraenta recipiunt.

Probatur 3. quia nova non est, ut fingit Launojus, Ecclesie definitio  
aut descriptio, in qua mentio fiat Pastorum quibus regitur, & obtem-  
perare debent fideles.

*Ed. Ri-*  
*galt. p.*  
*148.*  
*Ibid.*  
S. Cyprianus in Epistola 69. ad Pupianum. Illi, inquit, sunt Ecclesia, plebs Sacerdoti adunata, & Pastori suo grex adhaerens. Quibus paucis verbis  
evertit sanctus Doctor prætempitam Launoii traditionem. Pluribus vero ibi-  
dem urget necessitatem quæ omnibus fidelibus incumbit, subiiciendi se legiti-  
mo Pastori. Scire debes, pergit, Episcopum in Ecclesia esse, & Ecclesiam  
in Episcopo; & si quis cum Episcopo non sit, in Ecclesiam non esse; & fru-  
stra sibi blandiri eos, qui cum Sacerdotibus Dei pacem non habentes, obrepunt  
& latenter apud quosdam communicare se credunt; quando Ecclesia, quæ Ca-  
tholica est, scissa non sit, neque divisa, sed sit utique connexa, & coheren-  
tium sibi invicem Sacerdotum glutino copulata.

Frustra vero notat Launojus S. Cyprianum de Ecclesia simpliciter &  
absolute non loqui, sed comparare, habito nempe respectu ad Ecclesiam Ro-  
manam, tempore schismatis, quando propter institutos simul Antistites duos,  
schisma excitatum fuerat. Tum quia id a vero alienum videatur: et si enim occa-  
sione Ecclesia Romana illa scripsiterit S. Cyprianus, non tamen de Ecclesia  
Romana speciatim. Tum quia si occasione schismatis Romana Ecclesia,  
recte S. Cyprianus in definitione illius Ecclesie meminit unius ejus Pa-  
storis; cur Bellarmino contra hæreticos, qui ab Ecclesia Catholica de-  
sciverant & Ecclesiasticam hierarchiam negabant, nefas fuit Ecclesiam  
Catholicam ita describere, ut subjectionis legitimis Pastoribus, ac præ-  
sertim S. Pontifici, mentionem facheret?

Nec juvat quod addit Launojus, subjectionem illam legitimis Pastoribus ad statum & conditionem Ecclesie præsentis, non ad ejus essentiam  
pertinere: namque ut jam observavimus, militantis in præsenti statu Ec-  
clesie definitionem afferre nobis & ceteris Theologis animus est; vitiosa  
igitur non est mentio Pastorum legitimorum, in hac præsertim circum-  
stantia qua scribebat Bellarminus. Cum enim Lutherani & Calvinista suis  
coetibus Ecclesie descriptionem a plerisque Scriptoribus Ecclesiasticis alla-  
tam accommodarent, necesse fuit ad distinguendam verorum fidelium  
Congregationem a Synagogis satanæ, ut aliquid adjungeretur, per quod  
ab illis posset discerni. Potuerunt alii Ecclesiam iis verbis definire quæ  
huic designandæ sufficerent; Bellarmino necesse fuit definitionem pone-  
re, quam ejus adversarii suis Conventiculis adaptare non possent.

Aliis,

Aliis in locis passim inculcat S. Doctor, communionem cum Romano Pontifice & dependentiam ab eodem necessariam esse ad unitatem Ecclesiae conservandam. Lib. de unitate Ecclesiae, postquam retulit verba Christi ad S. Petrum Matth. 16. v. 18. & 19. & Joan. 21. v. 16. & 17. sic pergit: *Super illum unum ædificat Ecclesiam suam, & illi pascendas mandat oves* P. 18a. *suas. Et quamvis Apostolis omnibus post Resurrectionem suam parem potestatem tribuar ... tamen ut unitatem manifestaret, unam Cathedram constituit, & unitatis ejusdem originem ab uno incipientem sua auctoritate disposuit: & postea: Primatus Petro datur, ut una Christi Ecclesia & Cathedra una monstretur.* *Ibid.* *& Epist. 45. ad Cornelium, de Cathedra Ecclesiarum Romanarum sic loquitur: Scimus nos hortatos eos esse, ut Ecclesie Catholicæ radicem & matrem agnoscerent ac tenerent:* *Pag. 59.* *& Epist. 55. ad eundem, Cathedram Petri* *Pag. 84.* *vocat Ecclesiam principalem, unde unitas Sacerdotalis exorta est.*

Ante S. Cypriannum S. Irenæus L.3. adversus hæreses c.3. successionis Pastorum in Ecclesia, præsertim vero Romana, mentionem facit. Postquam enim dixit, optimum inveniendæ veritatis modum esse ipsam Traditionem Apostolorum in omnibus Ecclesiis manifestatam, & posse annumerari ippos ab Apostolis institutos Episcopos, qui nihil unquam simile Hæreticis docuerunt, addit: *Quoniam valde longum est omnium Ecclesiarum enumerare successiones; maximæ & antiquissimæ, & omnibus cognitæ, a gloriöfissimis duabus Apostolis Petro & Paulo Romæ fundatae & constitutæ Ecclesiae, eam* Ed. nov.  
P. 173.  
col. 2. *quam habet ab Apostolis Traditionem & annuntiatam hominibus fidem, per successiones Episcoporum pervenientem usque ad nos indicantes, confundimus omnes eos, qui quoquomodo, vel per sibi placentia, vel vanam gloriam, vel per cæcitatem & malam sententiam, preterquam oportet colligunt. Ad hanc enim Ecclesiam propter priorem principalitatem necesse est omnem convenire Ecclesiam, hoc est, eos qui sunt undique fideles, in qua semper his qui sunt undique, conservata est ea, qua ab Apostolis est, Traditio. Deinde seriem & successionem Episcoporum Romanorum subjungit usque ad Eleutherium, qui tunc temporis sedebat; qua finita, sic concludit: *Hac ordinatione & successione, ea que* *Ibid. p.* *est ab Apostolis in Ecclesia Traditio, & veritatis præconatio peruenit usque ad* *176. col.* *nos. Et est plenissima hæc ostensio, unam & eamdem vivificatricem fidem esse,* <sup>2.</sup> *qua in Ecclesia ab Apostolis usque nunc si conservata, & tradita in veritate.**

Tertullianus L. de Praescriptoribus c.31. referens argumenta quibus via præscriptionis errores hæreticorum evertuntur, postquam istud statuit principium, *id esse Dominicum & verum, quod sit prius traditum; id autem extraneum & falsum, quod sit posterius immisum.* Ceterum, inquit, si que audiunt interserere se ætati Apostolicæ, ut ideo videantur ab Apostolis traditæ, quia sub Apostolis fuerunt, possumus dicere: *Edant ergo origines Ecclesiarum suarum: evolvant ordinem Episcoporum suorum, ita per successiones ab initio de currentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habuerit auctorem & anteceßorem.* *Hoc enim modo Ecclesie Apostolicæ census suos deferunt: sicut Smyrnæorum Ecclesia Polycarpum a Joanne collocatum refert: sicut Romanorum Clementem a Petro ordinatum itidem. Perinde utique & ceteræ exhibent quos ab Apostolis in Episcopatum constitutos Apostolicæ seminis traduces habeant. Quibus verbis successionem Apostolicam in veris & Apostolicis Ecclesiis requirit Tertullianus, adeoque existimabat ad rationem vera Ecclesiarum necessariam esse*

Pastor.

Pastorum legitimam successionem, iisque debitam obedientiam; quos, nisi Apostolis, aut Apostolicis viris succedant, tamquam legitimos & veros Christi sponsæ Ministros ac Pastores non agnoscit.

S. Optatus L.2. contra Parmenianum, postquam descripsit dotes & caræteres Ecclesiæ Catholicae, subjungit & dependentiam a legitimis Pastoribus in quibus occurrit illa successio, & præsertim ab Episcopo Romano qui sedet in Cathedra Petri; & postea refert eos omnes qui a S. Petro usque ad Siricum hanc Sedem occupaverunt. In qua una Cathedra, <sup>Ed. Pa-  
ris. 1700.  
T. 28.</sup> inquit, unitas ab omnibus servatur ... ut jam Schismaticus & peccator esset, qui contra singularem Cathedram alteram collocaret, & paullo post: Vestræ Cathedrae vos originem reddite, qui vobis vult sanctam Ecclesiam vindicare.

<sup>T. 4. par.  
2. p. 19.</sup> S. Hieronymum in Epist. ad Damasum: Ego, inquit, Beatitudini tue, id est, Cathedrae Petri, communione confocior: super illam petram edificatam Ecclesiam scio. Quicumque extra hanc domum agnum comedenter, prophanus <sup>ib. p. 20.</sup> est ... Non novi Vitalem, Meletium respuo, ignoro Paulinum, quicumque tecum non colligit, spargit.

S. Augustinus Epistola 55. alias 165. ad Generosum, inter argumenta quibus probat veram Ecclesiam non esse apud Donatistas, illud potissimum affert, quod petitur ex successione Episcoporum, præsertimque Romanorum, quorum quoque seriem text a Petro ad Anastasium usque qui tunc temporis hanc regebat Ecclesiam. In hoc ordine successionis, inquit, <sup>T. 1. p.  
121.</sup> nullus Donatista Episcopus invenitur. Sed ex transverso ex Africa ordinatum misserunt, qui paucis præsidens Afris in Urbe Roma Montensum vocabulum propagavit.

<sup>B.  
Donati-  
ste Mö-  
renses  
diceban-  
quod Ec-  
clesiam  
Rome  
primam  
in mon-  
te habe-  
re cepe-  
rint.</sup> Hanc a Veteribus ad se transmissam doctrinam retinuere posteriores Summi Pontifices: inter quos Gregorius IX. s. 13. Epist. 198. Lib. 13. sic loquitur: Licet plures populi in cultum sint Catholicae fidei congregati, omnes tamen una censemur Ecclesia, dum uni Capiti Christi Vicario & B. Petri successorи cervice reverentiam exhibent. Reliqui vero qui ejusdem Capitis se non membra constituant, quasi monstra sine capite in viam perditionis abscedunt: quia sicut nec Christus dividitur, nec in se Deitas separatur; sic etiam Christus ascendens in celum unum reliquit in terris Vicarium: sic necesse est ut ei omnium qui Christi esse cupiunt subdantur capita populorum. Sed nec ex hoc fratribus & Episcopis nostris debitum honorem subtrahimus, quos in partem sollicitudinis vocatos, vices Dei gerere minime dubitamus.

<sup>Epistol.  
ad Gati-  
num  
T. 8. p.  
416.</sup> Falso igitur asserit Launojus, Conciliorum, Patrum, tractatorum & Theologorum ac Jurisperitorum fuisse neminem, qui ante Canisium & Bellarminum in Ecclesia definienda vel describenda mentionem fecerit legitimorum Pastorum quibus illa regitur, & quibus obsequium a fidelibus debetur.

Dices 1. Manca est ac imperfecta adducta definitio, in qua nulla fit mentio fidei, spei & charitatis, in quibus tamen maxime posita est Ecclesiæ pars nobilior seu anima; atque definire Ecclesiam per sola exteriora ipsius attributa, perinde est ac si quis hominem per solum corpus definiret, multa facta mentione animæ seu rationis.

Resp. fidem, spem & charitatem essentialies quidem esse Ecclesiæ, & ad ipsius animam pertinere, quæ proinde præsupponuntur in definitione adducta: sed clare non exprimuntur, quia Theologis per eam definitionem animus est definire dumtaxat partem Ecclesiæ visibilem, seu societatem illam exteriorum quæ corpus Ecclesiæ dicitur, & constat exterio-

teriori fidei professione , Sacramentorum participatione , & subjectione legitimis Pastoribus , quæ omnia continentur in nostra definitione . Neque urget exemplum quod adducitur : cum enim Philosophi hominem definiunt , totum , non partem ipsis definire sibi proponunt ; unde omnino imperfecta foret ea definitio , in qua vel tantum corporis , vel animæ tantum fieret mentio . At , ut jam diximus , non totam Ecclesiæ essentiam , sed ejus dumtaxat partem exteriorem ac visibilem , seu corpus , adducta nostra definitione describere voluimus ; a qua absit ut virtutes excludamus , quas præsupponimus , et si eas non exprimamus : quemadmodum in vulgata definitione hominis , quia dicitur animal rationale , non omnia quæ ad hominem essentialiter pertinent exponuntur ; quippe qui non tantum ratione , sed & voluntate & libertate præditus sit , quarum tamen nulla mentio fit in pervulgata & communī apud Philosophos hominis definitione .

Instabis . Sequitur ex nostra definitione , eos qui ad animam Ecclesiæ non pertinent , quod nempe aut fide interiori , aut charitate sint destituti , posse dici Ecclesiæ membra : atqui hoc est absurdum ; ergo , &c.

Resp. dist. maj. eos posse dici Ecclesiæ membra imperfecta , arida , mortua , concedo : perfecta , viventia , nego . Porro quicumque visibili societati fidelium colligatus est externa professione fidei , &c. si interius aut fide vera , aut charitate sit destitutus , ille membrum quidem est corporis Ecclesiæ , sed imperfectum , aridum , aut mortuum ; cum interiori anima Ecclesiæ non informetur .

Instabis 2. Membrum mortuum non est verum membrum ; quemadmodum corpus ab anima hominis separatum non est vere corpus hominis ; ergo qui ad Ecclesiæ corpus dumtaxat pertinent tamquam membra mortua , vera non sunt Ecclesiæ membra .

Resp. membrum quod mortuum est , modo non sit a corpore hominis præcisum , esse verum hominis membrum , licet imperfectum : hominem vero non amplius existere , ubi anima separatur a corpore , quia nihil potest esse sine sua essentia : at corpus & anima constituunt hominis essentiam : ita quoque Ecclesia secundum se non potest esse sine corpore & anima , hoc est , sine professione fidei , Sacramentorum participatione & subjectione externa legitimis Pastoribus , sine fide & charitate interna , alioquin perire posset Ecclesia ; quod est contra stabilitatem & perpetuitatem ipsi a Deo promissam : at fieri potest ut aliquod membrum Ecclesiæ sit sine anima Ecclesiæ ; si nempe cohæreat & colligatum sit tantum cum corpore Ecclesiæ per externam communionem : quo casu , membrum quidem est imperfectum , aridum , mortuum ; sed tamen membrum .

Dices 2. Hæreticorum societas habet & professionem fidei externam , & usum Sacramentorum , & subjectionem legitimis Pastoribus .

Resp. Jactant quidem Hæretici has Ecclesiæ suæ notas convenire ; sed quam immerito suis locis demonstrabimus . Profitentur illi exterius fidem ; sed non integrum , nec fundamento certo & invariabili subnixam : habent Sacra menta ; sed inutilia , sed non omnia : habent Pastores ; sed non Apostolicos & legitimos . Quilibet legitimus Pastor debet habere missionem vel ordinariam , vel extraordinariam ; at postea ostendimus Pastores Reformatorum utraque caruisse . Carent etiam suc-

cessione non interrupta ; quæ requiritur in omni missione ordinaria : quia scilicet ubi semel extincta est , per seipsum nasci & excitari non potest , nisi Deus extraordinarie novum missionis & successionis fontem suscitaverit .

## A D D I T I O .

(\*)

**D**Ices 3. cum Richerio : Ecclesia est *politia Monarchica ad finem supernaturalem spiritualem instituta, regimine aristocratico, quod omnium optimum & naturæ convenientissimum est, temperata a summo Pastore Dominino nostro.*

Resp. cum Charlasio de *Libert. Eccles. Gallic.* lib. 9. cap. 2. hanc Richerii definitionem in multis peccare . Primo enim incertum est , quid Auctor intendat definire . Nam Ecclesiæ nomine universos fideles cujuscumque sexus , status aut gradus complecti videtur numero primo , ubi Ecclesiam , cui convenire ait totam jurisdictionem Ecclesiasticam primario , proprie , ac essentialiter , distinguit a Romano Pontifice , atque aliis Episcopis , quibus illam facultatem nonnisi instrumentaliter , ministerialiter , & quoad executionem tantum concedit , & luculentius numero primo , ubi Ecclesiam explicat de *cætu fideliūm, sive de Christiana Republica, cuius unicum, & solum caput, ac fundamentum esse Christus Dominus.* Et adhuc magis expresse in fine numeri quarti , ubi Ecclesiam sic explicat , *idest universos Christianos: numero autem secundo, Ecclesiam ad solum ordinem Hierarchicum, Episcopali, & Sacerdotali ordine constantem, restringere videatur; aliquando autem, ut num. 15. & seqq. modo unum, modo alterum indiscriminatim significat.*

Secundo non Ecclesiam , sed ejus regendæ rationem definire videatur Richerius , quando ait , quod est *politia Monarchica* . Politia enim communitatem , non tam apte denotat , quam gubernandæ communitatris modum .

Tertio Monarchiam Ecclesiasticam explicat respectu Christi . Statim enim post definitionem , de ipso addit ; *Qui Rex est, Monarcha, Dominus minus absolutus, Fundator, Petra, & caput esse Christi; ac absolutum, sive pure Monarchicum in eam habet imperium.* Quasi vero possit aliquid regimen etiam Aristocraticum , aut Democraticum , non esse Monarchicum in eo sensu , cum universus mundus , etiam prout complectitur Angelos , unicum habeat Rectorem , Deum , qui est Dominus absolutus , Creator , Conservator , Gubernator , Rex , Monarcha , absolutum in omnia imperium obtinens . Sed , dum de poliarium differentia tractatur , queritur , quis sit communitatis Rector immediatus , ac intra communitatem ipsam , an unus , an plures ? Dum igitur de politia Ecclesiastica est quæstio , a quo visibilis Ecclesia visibiliter regatur , inquiritur . Itaque perperam concludit Richerius ; *Isthinc vero inducimus, hunc fidei articulum, credo unam Sanctam Ecclesiam Catholicam, esse veritatis sempiternæ: propterea quod lege Evangelica stante, Christus divortium cum Ecclesia sponsa facere non potest.* Si enim unitas Ecclesiæ ab unitate ejus Sponsi Christi dumtaxat peteretur ,

,, ruc-

„ ruerent argumenta Sanctorum Patrum adversus Schismaticos: isti enim „ a Christo nequam recedere se profitebantur, sed vel a Romano „ Pontifice, vel ab Ecclesia, cuius erat ipse caput visible. Quamobrem „ illi etiam, qui Romani Pontificis dignitatem, & auctoritatem minus „ explicuisse videntur, B. Petro, & ejus Successoribus primatum a Chri- „ sto collatum docent ad constituendam in Ecclesia unitatem, & tol- „ lendum Schismatis occasionem. Nec obstat, quod objicit Richerius, „ Sedem Apostolicam aliquando tres, aliquando septem annos vacasse. „ Non enim tanta est capitinis moralis, quanta naturalis necessitas. Re- „ secto capite naturali, ne uno quidem momento corpus vivere potest: „ at vero non perit corpus civile, deficiente Rectore; imo nec statum „ suum proprie amittit. Mortuo enim Imperatore, vel Rege per ele- „ ctionem creari solito, non statim desinit Monarchia, sufficit enim „ quod communitas per Imperatorem aut Regem gubernari soleat, ut „ ejus politia Monarchica censeatur, & dicatur; etiam in illo inter- „ vallo inter prioris Imperatoris, vel Regis mortem, aut destitutio- „ nem, ac novi electionem, seu institutionem.

„ Quarto. Inconsequenter addit Richerius, politiam Monarchicam, „ qua definit Ecclesiam, esse regimine Aristocratico temperatam. Si „ enim Monarchiam intelligit respiciens ad Christum Monarcham, in- „ congruenter illius potestatem regimine Aristocratico temperatam di- „ cit. Ejus enim auctoritati obsequuntur, non eam temperant ejus mi- „ nistri. Si Romanum Pontificem Monarcham esse sensit, incongruenter „ etiam locutus est. Nam si tota jurisdictione Ecclesiastica primario, „ proprie, ac essentialiter Ecclesiae convenit: Romano autem Pontifici, „ atque aliis Episcopis instrumentaliter, ministerialiter, & quoad exe- „ cutionem tantum, sicut facultas videndi oculo, quemadmodum num- „ primo scripsit Richerius, politia Ecclesiastica, nec Monarchica est, „ nec Aristocratica, imo nec proprie Democratica. Ecclesia enim ex „ Clericis, & laicis, ex viris, & mulieribus constat; atque adeo, ma- „ gis proprie Pantocratica, vel saltem Democratica, regimine Aristo- „ cratico temperata diceretur: siquidem Summus Pontifex est *caput mi- nisteriale*, vel symbolicum, ac quasi figurativum dumtaxat: plenitudo „ autem jurisdictionis in Ecclesia residet.

( \* )

## ARTICULUS III.

*De auctore & antiquitate Ecclesiae.**Quis sit Ecclesiae auctor.*

**Q**uartuor Ecclesiae causae ab Apostolo designantur Ephes. 5. v. 25. 26. & 27. Efficiens, his verbis, *Christus qui seipsum tradidit pro ea*. Ma- terialis, Fideles, quos Apostolus ipso Ecclesiae vocabulo designat. Formalis, conjunctio ipsa fidelium inter se, & cum Christo tamquam capite; que quidem unio tribus praesertim nodis stringitur, scilicet ejusdem fidei professione, eorumdem Sacramentorum participatione, & ejusdem regiminis auctoritate. Finalis duplex, proxima, Ecclesiae & eo-

rum qui ad illam pertinent sanctificatio ; remota , adeptio salutis & felicitatis aeternae . Utramque declaravit Apostolus his verbis : *Ut sanctificaret illam ... Ut exhiberet ipse fibi gloriosam Ecclesiam, non habentem maculam aut rugam* . Non immoramus in illis caussis fusius exponendis ; nulla etenim hic occurrit momenti alicuius difficultas , nisi forte circa caussam efficientem , quo pacto scilicet Christus sit ac dicatur auctor Ecclesiae , qua potestate , an independentia & auctoritatis , an excellentia & ministerii principalis : quod ut explicetur , sit

## CONCLUSIO.

Solus Deus est auctor Ecclesiae , potestate independentia & supremæ auctoritatis ; & solus Christus potestate excellentia & ministerii principalis .

Duae sunt partes .

Prima pars probatur : 1. quia omnium universum hoc modo operator est Dominus , & quidem solus ; 2. quia hoc etiam titulo Ecclesia speciatim Dei esse dicitur , ut legere est Act. 20. ver. 28. *Attendite vobis, & universo gregi in quo vos Spiritus Sanctus posuit Episcopos regere Ecclesiam Dei* ; 3. quia illius dumtaxat esse potest instituere Ecclesiam auctoritate suprema , cuius est independenter a quocumque alio homines ordinare ad finem sanctificationis per gratiam , & salutis per gloriam : atqui istud solius Dei est . Psalm. 83. v. 12. *Gratiam & gloriam dabit Dominus* ; & Job 14. ver. 4. *Quis potest facere mundum de immundo conceptum semine ? Nonne tu qui solus es ?* Solius etiam Dei est praescribere Ecclesiae media necessaria & accommodata ad suum finem , tum gratiae , tum gloriae , obtinendum .

Secunda pars probatur . Tum quia Christus est auctor fidei & Sacramentorum , in quibus fundata est Ecclesia : fidei quidem , Hebr. 12. v. 2. *Aspicientes in auctorem fidei & consummatorem Jesum, qui proposito fibi gaudio sustinuit crucem, confusione contempta* . Sacramentorum vero ; quia , sicut passim observat S. Aug. quando dormivit Christus in Cruce , implebat id quod significatum fuerat in Adam , cui , cum dormiret , detracta est costa , & inde Eva formata . Sic Dominus cum dormiret in Cruce , lancea latus ejus apertum fuit , ex quo Sacraenta fluxerunt , unde facta est Ecclesia . Ergo est auctor Ecclesiae , & quidem per potestatem excellentia & ministerii principalis : ipsi etenim in quantum homo est , major convenire non potest , nec alia ratione auctor fuit Sacramentorum , sicuti docent vulgo Theologi .

Quares an etiam dici possint homines concurrisse ad fundandam & instituendam Ecclesiam .

Resp. dici posse concurrisse in genere caussæ ministerialis inferioris . Tum quia revera quorumdam hominum , scilicet Apostolorum , ministerio Deus uti voluit ad fundandam Ecclesiam a se institutam , nempe quantum ad executionem institutionis ejusdem Ecclesiae : hinc dicuntur Apostoli fundamenta Ecclesiae , Psal. 86. v. 1. *Fundamenta ejus in montibus sanctis* , videlicet Sanctis Apostolis , ut vulgo explicant SS. Patres & Interpretes sacri . Tum quia diserte profitetur Apostolus , se fundamentum

posuisse illius ædificii spiritualis apud Cor. Secundum gratiam quæ data est mihi, inquit, ut sapiens architectus fundamentum posui; quod quidem postea affirmat non aliud esse a Christo. Ita 1. Cor. 3. ver. 10. & 11. Tum quia Eph. 2. v. 20. Prophetæ & Apostoli Ecclesiæ & mystici Templi fundamenta dicuntur. Superædificati super fundamentum Apostolorum & Prophetarum.

Neque est quod dicas, inde sequi plura esse fundamenta Ecclesiæ, quos est contra Apostolum negantem aliud posse ponere fundamentum præter Christum. 1. Cor. 3. v. 11.

Namque aliter Christus, aliter Apostoli, aliter Prophetæ fundamentum Ecclesiæ appellantur. Christus est fundamentum primarium: tum quia eam Sanguine suo acquisivit ac sanctificavit: tum quia fides in Christum absolute necessaria est, sine qua salus æterna obtineri nunquam potest. Neque enim aliud nomen est sub cœlo datum hominibus, in quo oporteat nos salvos fieri. Act. 4. v. 12. Apostoli autem & Prophetæ fundamenta dicuntur secundaria Ecclesiæ, in quantum doctrinam salutis de Christo Servatore divinitus acceptam hominibus annunciarunt: Prophetæ quidem, obscurius; Apostoli autem manifestius & plenius: Prophetæ fundamenta sunt minus proxima; Apostoli autem propinquiora. Hinc in Symbolo Ecclesia ab Apostolis dicitur Apostolica, non vero a Prophetis Prophetica.

Quæres iterum an dici possit Sacra menta in genere causæ efficientis & instrumentalis concurrisse ad ædificationem & formationem corporis Ecclesiæ.

Resp. affirmative: sunt enim signa visibilia a Christo divinitus instituta, quibus societas populi Christiani coadunatur; eaque tam necessaria sunt ad communionem & societatem inter homines devinciendam, ut propterea dictum fuerit a S. Aug. Lib. 19. contra Faustum Manichæum cap. 11. in nullum nomen Religionis, seu verum, seu falsum, coadunari homines posse, nisi aliquo signaculorum vel Sacramentorum visibilium consortio colligentur.

### Origo & antiquitas Ecclesiæ.

Huic quæstiōni locum dedere multi e SS. Patribus & Scriptoribus Ecclesiasticis, qui etiā fateantur Christum primum esse, essentiale ac præcipuum Ecclesiæ fundamentum, nihilominus extitisse ante Christum Christianos, veramque Ecclesiam, non raro profitentur. Ut autem intelligatis quo sensu id ab ipsis dictum fuerit,

Observandum I. Ecclesiam considerari posse tribus modis.

1. Secundum latissimam significationem, prout nempe dicit multitudinem quamdam ex Angelis, sanctis hominibus, & fidelibus constitutam: quo sensu S. Aug. scribens in Ps. 36. ait: Ex omnibus fidelibus & Angelis fieri unam Civitatem sub uno Rege, unam quamdam Provinciam sub uno Imperatore.

2. Secundum minus latam significationem, quatenus nempe dicit multitudinem omnium fidelium tam veteris quam novi Testamenti; atque ut quis hoc modo fidelis dicatur, sufficit fides in Christum simpliciter, abstrahendo ab explicita vel implicita, a Christo sive nascituro, sive nato, morituro vel mortuo.

3. Secundum strictam significationem, prout scilicet est societas eorum qui fidem habent in Christum jam natum & passum, consummatis omnibus redēptionis humanæ Sacramentis & Mysteriis.

Observandum II. hic non agi de Ecclesia secundum primam, vel tertiam considerationem, sed juxta secundam; & de ea duo queruntur:

Primum, Num Ecclesia hoc modo sumpta Christum antecelerit, & ita floruerit in antiquo Testamento, ut illius temporis fideles veri fuerint Christiani?

Secundum, Quandonam incepit illa Ecclesia, & in quo primum exordium sumpsisse verisimiliter afferri possit? An in Adamo, vel Abele, &c.

### P R I M A C O N C L U S I O.

Ecclesia Christi non tantum natalem Christi antecessit, sed etiam ita floruit tempore legis naturæ & scriptæ, ut tunc temporis veros extitisse Christianæ Religionis cultores afferri merito possit.

Probatur 1. quia illi vere fuere Christiani, qui Christianum vitæ genus & institutionem sequebantur, qui Christum venturum cognoverunt, qui Christiano, non Judaico more vivebant: atqui tales fuisse fideles in lege naturali & scripta, fatetur & docet Eusebius Lib. 1. Hist. c. 4. *V*erum, inquit, tametsi absque controversia novelli sumus, & hoc novum certe Christianorum nomen nuper omnibus innotuit; sectam tamen rationemque vivendi non recens a nobis compositam, sed jam inde a primo (ita ut dicam) conditu generis humani, ex notionibus a natura insitis, ab hominibus Deo acceptis institutam atque excultam fuisse, sic demonstrare conabimur.

*Ed. Va-*  
*les. p. 15.*  
*B. C.*  
Postquam autem antiquis Patriarchis Christum cognitum fuisse scripsit, quippe qui visus fuerit Abraham; qui responsum dedit Isaac; qui locutus est cum Jacob, cum Moysè, & aliis deinceps Prophetis, concludit, Religionem, quæ ab antiquis illis viris exculta fuit, & nuper per Christi doctrinam & prædicationem patefacta, esse omnium primam & antiquissimam. Et L. 1. Demonstrationis Evangelicæ c. 5. docet Moysi & antiquis illis viris qui Deo chari fuerunt, Christum notum fuisse. *Ed. Par.*  
*1628. p.*  
*10. D.*  
*Sed nec minus,* inquit, *Dei Verbum, quem Christum appellare nos consuevimus,* illis cognitum fuisse quam nobis, sacrarum Literarum testimonio ostensum est. Additque Lib. 6. Christiano more illos vixisse, non Judaico.

Probatur 2. quia illi pertinent ad Ecclesiam Christi, qui salutem æternam non sunt assecuti nisi per fidem in Christum; & quorum eadem plane fuit fides ac nostra, idem caput Christus: atqui inter viros justos qui tempore legis naturæ & scriptæ floruerunt, nullus æternam salutem consequutus est nisi per fidem in Christum; atque eorum eadem plane fuit fides ac nostra, idem quoque caput Christus.

I. Salvi facti sunt per fidem in Christum: ita expresse docet S. Aug. Epist. 187. alias 57. ad Dardanum, cap. 11. n. 34. ubi postquam dixit voluisse Christum Mediatorem nostrum, ut Sacramentum regenerationis nostræ manifestum esset, addit: *Erat autem antiquis justis aliquod occultum,* *689. E. cum tamen & illi eadem fide salvi fierent, quæ fuerat suo tempore revelanda.*

Et Epist. 190. alias 157. quæ est ad Optatum, c. 2. n. 8. diserte docet neminem salvum factum fuisse, seu ante, seu post Incarnationem, nisi per fidem in Christum. *702. B.* *Profecto,* inquit, *quod scriptum est, non esse aliud nomen sub celo, in quo oporteat nos salvos fieri, ex illo tempore valet ad salvandum genus humanum, ex quo in Adam vitiatum est genus humanum.* *Sicut enim in Adam omnes*

omnes moriuntur, ita in Christo omnes vivificabuntur. Quia hunc in regno mortis, nemo sine Adam; ita & in regno vita, nemo sine Christo.

II. Eorum etiam fuit eadem fides ac nostra: ita S. Aug. Epist. 102. alias 49. qu. 2. n. 12. *Sicut nos, inquit, in eum credimus & apud Patrem manentem, & qui in carne jam venerit: sic credebant in eum antiqui, & apud Patrem manentem, & in carne venturum.* Nec quia pro temporum varietate nunc factum annuntiatur, quod tunc futurum prænunciabatur, ideo fides ipsa variata, vel salus diversa est. Idem docet Epist. 187. jam citata: *Illi credebant, inquit, Incarnationem futuram, nos autem credimus factam.*

III. Idem etiam caput fuit Christus, ut docet S. Aug. concione 3. in Psal. 36. Omnes, inquit, qui ab initio saeculi fuerunt justi, caput Christum habent. Illum enim venturum esse crediderunt, quem nos venisse jam credimus; & in ejus fide & ipsi sanati sunt, in cuius & nos: ut esset & ipse totius caput Civitatis Jerusalem.

Probatur 3. quia eadem fuit Ecclesia apud antiquos fideles ante Christum natum, quæ est apud nos post Christum natum; ergo fuit ante Christum Ecclesia.

Antec. probatur ex S. Augustino Serm. 4. de Jacob & Esau, alias 44. T. 5. pag. de diversis. Ecclesiam, inquit, accipite, non in his solis qui post Domini adventum & nativitatem esse cœperunt Sancti; sed quotquot fuerunt Sancti, ad ipsam Ecclesiam pertinent.

Et in Psal. 128. non procul ab initio. Numquid, ait, modo? Olim est Ecclesia: ex quo vocantur Sancti, est Ecclesia in terra. Aliquando in solo Abel Ecclesia erat, & expugnatus est a fratre malo & perfido Cain. Aliquando in solo Enoch Ecclesia erat, & translatus est ab iniquis. Aliquando in sola domo Noe Ecclesia erat, & pertulit omnes qui diluvio perierant, & sola arca natavit in fluctibus, & evasit ad secum. Aliquando in solo Abraham Ecclesia erat, & quanta pertulit ab iniquis, novimus. In solo filio fratris ejus Lotu, & in domo ejus in Sodomis Ecclesia erat, & pertulit Sodomorum iniquitates & perversitates, quousque eum Dominus de medio ipsorum liberavit. Cœpit esse & in ipso populo Israel Ecclesia, pertulit Pharaonem & Ægyptios. Cœpit & in ipsa Ecclesia, idest, in populo Israel numerus esse Sanctorum: Moyses & ceteri Sancti pertulerunt iniquos Judeos, populum Israel. Ventum est & ad Dominum nostrum Jesum Christum, prædicatum est Evangelium, dixit in Psalmis, Annuntiavi & locutus sum, multiplicati sunt super numerum.

Idem docet S. Greg. Magnus hom. 19. in Evangelia quæ est de parabola patrisfamilias mittentis operarios in vineam suam, ubi postquam universalis & in terra peregrinantis Ecclesiæ durationem per ætates quinque distinxit, nempe ab Adam usque ad Noe; a Noe usque ad Abraham; ab Abraham usque ad Moysen; a Moysi usque ad adventum Christi; ab adventu Christi usque ad finem mundi, *Quis, inquit, patrisfamilias similitudinem rectius tenet, quam Conditor noster... qui habet vineam, universalem scilicet Ecclesiam, quæ ab Abel justo usque ad ultimum electum qui in fine mundi nasciturus est, quot Sanctos pertulit, quasi tot palmites emisit?*

Denique Christus omni tempore, etiam in ipsa prima hominis ex limo formatione, primum ac maximum fuit fidei ac Religionis objectum. Quodcumque enim limus exprimebatur, belle ait Tertullianus, *Christus cogitat, homo futurus.*

*Ed. nov.  
T. 1. p.  
151. c.  
Lib. de  
refurr.  
carnis  
c. 6. pag.  
328. D.*

Probabiliter dici potest , Ecclesiam sensu exposito , initium habuisse in ipso Abel .

Probatur 1. quia sic innuere videtur Apostolus Hebr. 11. ver. 4. ubi fidem Patrum veteris Testamenti commendans ; incipit ab Abel his verbis : *Fide plurimam hostiam Abel quam Cain obtulit Deo per quam testimonium consecutus est esse justus* . Cur autem istam commendationem tum fidei , tum fidelium , ac proinde ipsius Ecclesiae enumerationem incipit Apostolus ab Abel , Adamo prætermisso ? nisi quia de ipso , postquam peccavit , nihil eximium narrat Moyses in Genesi ; hinc nec ab ipso fideium & Ecclesiae initium ducere voluit Apostolus .

Probatur 2. Tum quia Abel omnium primus aliquo certissime signo sensibili Deum coluisse legitur , eo , quem oportebat , pietatis ac Religionis sensu , ut Deo probaretur & placaret . Id enim de ipso præsertim testatur Scriptura Gen. 4. v. 4. *Respxit Dominus ad Abel , & ad munera ejus* . Tum quia conveniens fuit ac consentaneum , ut Ecclesia , quam in Symbolo Sanctam profitemur , ab eo inciperet , in quo primum inter homines sanctitas & innocentia sine interruptione perseveravit , in signum sanctitatis quæ in Ecclesia Christi nunquam omnino esset defectura : at qui primus omnium talis fuit Abel , non autem Adam & Eva , quos constat excidisse a justitia & sanctitate in qua conditi fuerant . Hinc non tantum justus dicitur Abel , sed etiam veluti justorum primus commendatur a Christo Matth. 23. v. 35. *Ut veniat , inquit , super eos omnis sanguis justus , qui effusus est super terram , a sanguine Abel justi , usque ad sanguinem Zachariæ filii Barachiae , quem occidisti inter Templum & altare* .

Tum quia Abel fuit typus & figura Christi & Ecclesiæ : fuit enim pastor , virgo , & martyr , ut observant Sancti Patres ; sicque triplex etiam repræsentavit genus hominum qui sunt in Ecclesia , scilicet , Pastorum , Virginum & Martyrum : eorum enim dux fuit & antesignanus .

Probatur 3. ex S. Augustino , Enarrat. in Psal. 142. n. 3. loquens de Civitate Dei , idest , Ecclesia , sic habet : *Hæc Civitas initium habet ab ipso Abel , sicut mala Civitas a Cain.*

T.4. pag. 1589. F. Idem docet S. Greg. Magn. hom. 19. in Evangelia ubi ait , Ecclesiam incipiens ab Abel justo , usque ad ultimum electum qui in fine mundi nasciturus est .

*Solvuntur Objectiones.*

Objicies 1. contra primam Conclusionem . Ante adventum Christi eadem non fuit Veterum fides , ac nostra , imo nulla fuisse videtur . Nam Apostolus Galat. 3. ver. 23. & 24. ait : *Prius autem quam veniret fides , sub Lege custodiebamur conclusi , in eamdem fidem quæ revelanda erat . Itaque Lex pædagogus noster fuit in Christo , ut ex fide justificemur : at ubi venit fides , jam non sumus sub pædagogo* . Ergo ante adventum Christi non erat fides , nec consequenter Ecclesia , quæ sine fide stare non potest , siquidem est ipsa met fidelium collectio .

Resp. dist. ant. eadem non fuit Veterum fides , ac nostra , quantum ad modum , concedo : quantum ad substantiam , nego . Non fuit , inquam ,  
eadem

eadem Veterum fides quantum ad modum, tum ex parte objecti, tum ex parte actus & modi credendi: 1. non fuit eadem ex parte objecti: quia licet idem fuerit & sit fidei objectum, nempe Christus Mediator Dei & hominum, alia tamen fuit ejusdem objecti conditio respectu antiquorum sub veteri Testamento, alia respectu nostri in Lege Evangelica: illi enim credebant in Christum nasciturum, moriturum; nos autem credimus in Christum natum, mortuum; 2. eadem non fuit ex parte actus & modi credendi: nam antiqui quamdiu fuerunt sub nube veteris Testamenti, ad fidem in Christum explicitam non tenebantur, sed sola ipsis sufficiebat implicita, quia nondum venerat tempus manifestationis & fidei magis evolutæ: quoad substantiam vero eadem apud Veteres fidēs fuit cum nostra. *Ante adventum Domini nostri Iesu Christi*, ait S. Aug. <sup>T.3.par. 2.p.597.</sup> *Tr. 45. in Joan. quo humiliis venit in carne, præcesserunt Justi, sic in eum credentes venturum, quomodo nos credimus in eum qui venit. Tempora variata sunt, non fides. Quia & ipsa verba pro tempore variantur, cum varie declinantur: alium sonum habet, venturus est; alium sonum habet, venit; mutatus est sonus, venturus est, & venit: eadem tamen fides utroque conjungit, & eos qui venturum esse, & eos qui eum venisse crediderunt.*

Objicies 2. Ecclesia fundata est a Christo Domino super ipsam Petri confessionem, ut patet ex his Christi verbis Matth. 16. v. 18. *Tu es Petrus, & super hanc petram ædificabo Ecclesiam meam.* Ergo non erat ante Christi adventum. Hinc S. Aug. in Psal. 147. dicit, *Ecclesiam incipisse ab Iherusalem, atque hinc extendi ad omnes nationes;* & in I. Epist. S. Joann. dicit <sup>T.4.par. 1665.E.</sup> *ibi inchoatam esse Ecclesiam, ubi venit de Cælo Spiritus Sanctus, & implevit in uno loco sedentes centum viginti.*

Respond. disting. conseq. ergo non erat Ecclesia eo modo quo nunc est, quatenus nempe credit in eum, qui jam venit & passus est, concedo: non erat Ecclesia simpliciter, quantum ad substantiam & fidem in Christum venturum, tametsi nondum explicitam & evolutam, nego. Unde Matth. 21. v. 9. dicitur, quod *turbæ quæ præcedebant & quæ sequebantur clamabant, dicentes: Hosanna filio David, benedictus qui venit in nomine Domini.* Qua in re, ut observat S. Hier. ostendit *utrumque populum, & qui ante Evangelium, & qui post Evangelium Domino crediderunt, consona Iherusalem confessionis voce laudare:* Illi quidem de Christo venturo clamaverunt, isti autem laudantes clamant de adventu Christi jam adimpleto. Quapropter verba quæ referentur apud S. Matth. cap. 16. intelligenda sunt de Ecclesia stricte sumpta, prout nempe constat ex his fidelibus qui tenentur credere in Christum fide explicita: quo sensu ædificatur quotidie Ecclesia Christi, quoties de novo aliqui ipsis per fidem incorporantur. Similiter solvenda sunt quæ ex S. Augustino proferuntur testimonia.

Objicies 3. Si fuisse Ecclesia Christi in antiquo Testamento, possent etiam Veteres appellari Christiani: attamen nomen hoc primum auditum fuit post Christi Ascensionem, cum nempe Antiochiae Discipuli primum cognominati sunt Christiani.

Resp. licet non fuerint appellati Christiani, re ipsa tamen eos Christianos fuisse, ut diserte docet Euseb. Lib. 1. Hist. cap. 4. *Nam cum Christiani nomine, inquit, nihil aliud significetur, quam vir qui per Christi cognitionem atque doctrinam, modestia, justitia, tolerantia, fortitudine & pietatis cul-<sup>Pag. 15</sup>insque*

tusque unius qui super omnia est, Dei professione ornatus est; hæc omnia Veteres illi non minus studiose quam nos excoluerunt.

<sup>T. 10. p.  
454. B.</sup> Idem expresse docet S. Augustinus L.3. ad Bonifacium contra duas Epistolas Pelagianorum c.4. *Eadem igitur fides est, inquit, & in illis qui nondum nomine, sed re ipsa fuerunt antea Christiani, & in istis, qui non solum sunt, verum etiam vocantur, & in utrisque eadem gratia per spiritum sanctum.*

Instabis 1. Veri Christiani debent esse sub gratia, nihil enim magis Religioni Christianæ proprium est ac singulare, quam gratia, Joan. i. v. 17. *Lex per Moysen data est, gratia & veritas per Jesum Christum facta est.* At Veteres illi non erant sub gratia, sed sub Lege.

Resp. nego Veteres illos justos proprio sub Lege fuisse: nam proprio sub Lege esse dicuntur, vel qui servitute Legis Mosaicæ premuntur, gratia Dei, quam non agnoscunt, ad eam implendam non adjuti; vel ii certe in quibus peccatum dominatur, juxta Apostolum Rom. 6. v. 14. *Pecatum enim, inquit, vobis non dominabitur; non enim sub Lege estis, sed sub gratia.* At Veteres justi neutro modo erat sub Lege: non primo, quia licet Legis Mosaicæ præceptis adstricti essent, justitiam tamen a Lege non expectabant, sed tantum a fide Christi venturi. Non secundo, cum ipsi non servirent peccato: ex quo sequitur Veteres illos sub gratia potius fuisse quam sub Lege; adeoque ad novum Testamentum magis pertinuisse quam ad vetus, sicut diserte tradit S. Aug. L.3. contra duas Epistolas Pelagiano-

<sup>B. pag.  
452. A.</sup> ubi ait, *Abraham, Moysen, David, omnesque veteres justos filios suis promissionis & gratiæ, non ex Lege, sed ex promissione; heredes Dei, coheredes autem Christi.* Et postea, cum probasset Decalogi præcepta ad Christianos etiam pertinere, hoc discrimen statuit inter modum quo ea obseruant, tum quia vere pertinent ad novum Testamentum & sunt sub gratia, tum quia pertinent ad vetus & sunt sub Lege quamvis tempore novi Testa-

<sup>B. pag.  
453. D.</sup> menti vivant, quod nempe sub Lege positi hæc adimplant vel cupiditate adi-  
<sup>Ibid. E.</sup> pescendi terrenam felicitatem, vel timore amittendi . . . Qui vero sub gratia positi sunt, agant spe bonorum, non carnalium, sed spiritualium; non terrenorum, sed cœlestium, & præcipue credant in mediatorem, per quem sibi non dubitant & spiritum gratiæ subministrari, ut bene ista faciant, & ignosci posse, cum peccant.

Instabis 2. Illi non sunt sub gratia, qui Christi capiti non cohærent tamquam ipsius membra: atqui justi veteris Testamenti Christo non cohærebant tamquam ipsius membra, si quidem membra non sunt ante capitum productionem, Veteres autem illi fuerunt ante Christum, qui est caput Ecclesiæ.

<sup>T. 6. p.  
285. C.</sup> Resp. nego min. *Namque, ait S. Augustinus L. de catechizandis rudi-  
bus c. 19. omnes Sancti qui ante Domini nostri Jesu Christi nativitatem in terris fuerunt, quamvis ante nati sunt, tamen universo corpori, cuius ille caput est, sub capite cohaerunt:* per fidem scilicet alia que Religionis pia exercitia.

Ad probationem distinguo: Membra non sunt ante capitum productionem, membra corporis naturalis, concedo: membra corporis mystici, quod est Ecclesia, nego. Caput corporis mystici quod est Ecclesia, nempe Christus, est ab æterno in sinu Patris, licet novum existendi modum obtineat in sinu Virginis Matris. Imo etiam secundum naturam humanam dici potest esse ab æterno, in divina nimirum prædestinatione: quo sensu dicitur *Agnus occisus ab origine mundi;* quia nempe quotquot justi extitere ab origine mundi

& sacerdotum

& salvi facti sunt, pretio Sanguinis ipsius ac merito gratiam & salutem sunt assecuti; atque hoc modo ipsi tamquam capiti adhæserunt.

Instabis 3. Unitas Religionis reperitur potissimum ex participatione eorumdem Sacramentorum: atqui Patres veteris Testamenti non habuerunt eadem cum nobis Sacraenta, neque idem sacrificium: ergo, &c.

Resp. disting. min. & habuerunt alia tum Sacrificia, tum Sacraenta suis temporibus convenientia, concedo: nec habuerunt, nego. At ex S. Aug. Ep. 102. non mutatur Religio, licet varia sint, & subinde mutantur Sacraenta & sacrificia, modo scilicet eumdem fidei spiritum habent, & ejusdem Mediatoris Sanguine redempti sint. T. 2. p. 281.

Deinde dici potest Veteres non habuisse quidem eadem Sacraenta quoad signa exteriora; habuisse tamen eadem quoad rem significatam, Ita S. Aug. Tract. 26. in Joan. n. 12. *Sacraenta illa inquit, in signis diversa sunt, sed in re que significatur, paria sunt:* & Tract. 45. Bibebant de spiritali eos sequente petra; petra autem erat Christus. *Videte ergo, fidei manente, signa variata:* & postea: *Si speciem visibilem intendat, aliud est: si intelligibilem significationem, eumdem potum spiritalem biberunt:* T. 3. par. 2. p. 498. Ibid.

Instabis 4. Veris Christianis promissa est æterna felicitas: atqui Sanctis veteris Testamenti promissa non fuit felicitas æterna, sed tantum temporalis, ut patet ex S. Augustino, Enarratione in Ps. 73.

Resp. distinguo minorem: non fuit promissa felicitas æterna, ut præmissum quod pertineret ad vetus Testamentum, concedo: ut præmium proprium novi Testamenti, nego. Sed quia propter fidem in Christum pertinebant illi ad novum Testamentum, iis quoque promissa fuit felicitas æterna; quæ beneficium est novi Testamenti plane singulare. Quando felicitatem temporalem agebant, ait S. Augustinus Epistola 140. alias c. 2. n. 5. *eternam veram & præferendam intelligebant;* & istam ministrabant in mysterio, ut illam consequerentur in præmio. T. 2. p. 423. E.

Objicies 4. contra secundam Conclusionem: Exordium Ecclesiae longe meliori jure ab Adamo quam ab Abele repeti debet; siquidem & Adams omnium hominum primus fuit, & primus suam in Christum venturum fidem propheticō spiritu declaravit his verbis, Gen. 2. v. 23. *Hoc nunc os ex ossibus meis, & caro de carne mea:* quæ verba S. Paulus Ephes. 5. v. 32. exponit de Incarnatione. *Sacramentum hoc, inquit, magnum est,* ego autem dico in Christo & in Ecclesia.

Deinde creatus fuit Adam cum virtutibus & donis gratiæ sanctificantis & justitiæ originalis; neque tantum in statu innocentia fidem habuit informem, sed etiam charitatem de corde puro & fide non ficta, ut ait S. Aug.

Resp. neg. maj. ut enim aliquis dicatur principium a quo incepit Ecclesia, satis non est quod prius habuerit fidem & charitatem, sed requiritur 1. ut fidem illam aliquo signo sensibili & exteriori, sacrificii nimirum aut Sacramenti, palam & aperte professus fuerit; 2. ut in ipso primum facta fuerit distinctio seu separatio ab opposita societate & Ecclesia malignum; 3. ut absque ulla prorsus interruptione servata fuerit ab eo sanctitas, quam certum est in Ecclesia debere esse continuam, & nunquam ab ea recessuram. Verum hæc omnia locum non habuerunt in Adam. Non primum; licet enim primus fidem habuerit Mediatoris venturi, eam tamen

tamen non legitur professus signo aliquo exteriori & sensibili per sacrificium aut Sacramentum, neque in statu innocentiae, neque post lapsum: e contra vero Abel fidem suam publico sacrificio, ad quod Dominus respexit, protestatus est. Nec secundum: nulla enim in eo legitur facta separatio bonorum ab aliis; Ecclesiae Sanctorum & Civitatis Dei, ab Ecclesia impiorum & Civitate mundi: facta est autem in Abele haec discretio, cum nempe dicitur Dominus respexit ad munera ejus, non vero respexit ad munera Cain. Non tertium: cum enim Adam lapsus fuerit per peccatum, non potuit esse typus Ecclesiae quantum ad sanctitatem, qua in ea stabilis esse debet ac permanens.

Objecies 5. At saltem poterit Adam pro principio Ecclesiae statui in statu recuperatae innocentiae post lapsum. Valde enim probabile est eum egisse paenitentiam antequam nasceretur Abel; nec verisimile videtur eum a gratia excidisse, postquam eam semel recuperavit. Deinde et si exciderit a gratia in qua conditus fuit, non tamen excidit a fide quia peccatum quo tunc lapsus est, infidelitatis non fuit.

Resp. nego etiam pro illo statu dici posse incepisse Ecclesiam ab Adam, quia agimus hic de Ecclesia, quatenus fidem suam exterius profitetur sacrificia & signa sensibilia: nullo autem Scripturae testimonio constat Adamum obtulisse sacrificium, antequam ab Abele oblatum fuerit; immo nec ullibi Scriptura commemorat ullum aliquando ab eo oblatum fuisse. Hinc S. Paulus Hebr. XI. fidem Veterum commendans, incipit ab Abel tamquam ab eo qui primus omnium legitur obtulisse sacrificium.

Quod additur, Adamum a gratia recuperata subinde non excidisse, parum juvat; quia et si id constaret, quia tamen sanctitas Ecclesiae continua esse debet, & non interrupta, potius sumendum videtur initium Ecclesiae ab eo qui integrum & perseverantem habuit, & in quo facta est primum separatio inter bonos & malos, qualis fuit Abel. Quod etiam additur, eum a fide non excidisse, esto; verum sola perseverantia in fide non sufficit, nisi etiam cum ea juncta sit perseverantia in sanctitate.

Instabis. Initium Ecclesiae ab eo potius repeti debet a quo per continuam propagationem ortum est genus humanum, qualis est Adam, non Abel, qui nec filios nec filias habuisse legitur. Sicut enim principium Ecclesiae malorum activum fuit & propagativum aliorum post se, scilicet Cain, quem refert Scriptura genuisse filios & filias; ita etiam principium Ecclesiae bonorum: deinde si Abel fuit Ecclesiae initium, ubinam remansit illa postquam Abel occisus fuit a fratre suo Cain?

Resp. necesse non esse ut initium & exemplar sanctitatis ac justitiae sit principium activum generationis secundum carnem, quandoquidem sanctitas non transfunditur per hujusmodi propagationem.

Ad primam probationem. Licet Cain genererit filios & filias, non hinc sequitur ejus nequitiam trans fusam fuisse in posteros per generationem: sed tantum per imitationem, & vim exempli ac institutionis perverse.

Ad secundam. Ecclesia dici potest remansisse in Adamo & Eva; neque tamen inferri potest ab iis initium duxisse, cum nec perseveraverint in sanctitate primum accepta, nec in eis discretio facta fuerit bonorum & malorum; nec aliquo signo sensibili fidem suam professi legantur.

In-

Instabis. Quidni potius Ecclesiæ exordium statuitur in Enos de quo dicitur : *Iste caput invocare nomen Domini*; aut etiam in Seth filio Adæ, a quo propagati sunt homines sancti & justi?

Resp. justissimos quidem fuisse Enos & Seth: at Abel ipsis fuit exemplar sanctitatis & fidei, præsertim quantum ad discretionem & separationem bonorum a malis.

Instabis iterum. Non potuit esse Ecclesia in solo Abel, est enim collectio fidelium; non potuit autem solus esse illa collectio.

Resp. distingo. Non potuit esse in solo Abel compleutive, in ratione communitatis & collectionis quam importat ipsum Ecclesiæ vocabulum, concedo: initiative, ratione fidei in qua fundatur Ecclesia, & a qua quis dicitur esse de Ecclesia & pertinere ad Ecclesiam, nego.

Objicies denique. Ab Abraham potius videtur sumi debere exordium Ecclesiæ: de eo enim scribit Apostolus Rom.4.v.11. *quod signum accepit circumcisionis, signaculum justitiae fidei, quæ est in præputio, ut sit pater omnium credentium.*

Resp. I. Abraham dici patrem omnium credentium, non quod ab eo primum facta fuerit discretio bonorum a malis, aut quod ipse primus omnium fidem protestatus fuerit per aliquod sacrificium exterius & visibile; sed quod ipse primus omnium novo signo, videlicet accepte circumcisionis, veram fidem & promissionem de Messia venturo ex sua stirpe contestatus fuerit, tametsi jam aliunde declaratam & cognitam exterius, per sacrificia quæ præcesserant in Abel & aliis superiorum aëtatum Patriarchis & fidelibus.

II. Dicitur pater omnium credentium, hoc sensu quod postquam omnes fere a veri Dei cultu declinassent ad idolatriam, ipse nunquam a fide recesserit; sed in ea constanter permanens, ceteris etiam factus fuerit exemplar fidei, religionis ac justitiae, in quo primum per circumcisionem, quæ fuit signaculum justitiae fidei, discreti sunt credendi a non credentibus.

## Q U A È S T I O II.

### *De notis seu characteribus Ecclesiæ.*

**P**Arum esset perspectam habere Ecclesiæ Christi naturam, nisi & aliquando suppeterent certe quedam notæ, certi quidam characteres quibus a quacumque alia hominum societate, quæ vel ipsam mentitur, aut aliquam certe cum ipsa similitudinem habet, secernatur. Cum enim, factentibus etiam Novatoribus, explanare potissimum quisque debeat ubi sit vera Christi Ecclesia, in cuius gremio & communione Deo fideliter serviat, & extra cuius sinum nihil occurrat nisi damnatio, ut ajunt Calvinistæ in suo Catechismo, Dominica 16. necesse plane est eam notis & characteribus tam splendidis fulgere, ut veluti sol radios suos clarissimos ex omni parte diffundat, ita certe ut latere non possit, nec ab ullo sane mentis ignorari. Summa igitur cura & diligentia inquirendum a nobis est de signis, seu notis, characteribus ac proprietatibus Ecclesiæ. Quod ut exequamur, præsentem Quæstionem in octo Articulos distribuemus.

Primus erit de notis Ecclesiæ in genere.  
 Secundus demonstrabit Ecclesiam esse unam.  
 Tertius eam esse Sanctam.  
 Quartus esse Catholicam.  
 Quintus esse Apostolicam.  
 Sextus eam esse Romanam.  
 Septimus eam esse visibilem.  
 Octavus denique eam esse indefectibilem.

## ARTICULUS PRIMUS.

*De notis Ecclesiæ in genere.*

**D**uo præsertim a nobis in præsenti Articulo sunt expendenda. Primum, quid sint, & quales esse debeant Ecclesiæ notæ.

Secundum, quid sentiendum de nonnullis Ecclesiæ notis seu signis, quæ ab aliquibus Orthodoxis Theologis, & de illis quæ ab Hereticis assignantur.

Observandum igitur I. notas Ecclesiæ, ut veræ sint, aliquas exigere conditores, nempe:

1. Ut propriæ sint, non communes; alias in certam Ecclesiæ notiam deducere non possent: necesse tamen non est ut singulæ rei alicuius notæ seorsim sumptæ, sint rei singulares & propriæ, sed sufficit ut collective sumptæ alteri rei convenire non possint.

2. Debent esse minores re quam significant, & ab ea distinctæ: est enim hæc communis signi cuiuslibet natura & conditio.

3. Debent esse quodam modo sensibiles, omnibus obviæ, & cognitū faciles, non solum domesticis fidei, sed etiam extraneis, ut omnes ad Ecclesiam & fidem adducantur.

Observandum II. cum Bellarmino L.4. de Notis Ecclesiæ c.3. Cum multum sit discriminis inter evidentiam veritatis, & evidentiam credibilitatis unius ejusdemque rei, notæ & signa Ecclesiæ de quibus hic agitur, non tribuere Ecclesiæ evidentiam veritatis simpliciter & absolute; alioquin eadem ab omnibus agnosceretur: sed tribuere tantam evidentiam credibilitatis, ita ut ab illis signis attente consideratis evidens fiat Ecclesia, evidentia saltem credibilitatis. *Illud*, ait Bellarminus, *evidenter verum dicitur, quod vel in se, vel in suis principiis videtur: evidenter vero credibile illud dicitur, quod non videtur, nec in se, nec in suis principiis; habet tamen tot & tam gravia testimonia, ut quilibet vir sapiens merito id credere debat: ut si *Judex* videat hominem a latrone occidi, vel vulnerari lethaliter, & postea mori, habeat evidentiam veritatis, quod ille latro fit homicida, si autem cœdem fieri non videat, sed habeat viginti testes viros gravissimos, qui dicunt se vidisse, habeat evidentiam credibilitatis.* Hec Bellarminus.

Observandum III. Licet Catholici & Heretici convenienter dari aliquas notas quibus vera Christi Ecclesia facile dignosci possit, inter se tamen maxime dissidere in illis assignandis: quin & Catholici nonnulli aliquas assignant, quas alii rejiciunt.

Primo itaque Heretici tum Lutherani tum Calvinistæ duas dumtaxat proponere solent Ecclesiæ notas, scilicet sinceram verbi Dei prædicacionem seu veritatem doctrine, & legitimum Sacramentorum usum: atque iis

iis duabus notis existimat quælibet Novatorum secta invicte probari apud se veram esse Christi Ecclesiam. Ita Confessio Augustana art. 6. & in Apologia ejusdem Brentius in Confessione Wittembergensi cap. de Ecclesia, & Calvinus L.4. Institutionis c.1. Lutherus tamen in L. de Conciliis & Ecclesia, septem istas proponit notas : 1. veram & incorruptam prædicationem Evangelii ; 2. legitimam administrationem Baptismi ; 3. legitimum usum Eucharistie ; 4. legitimum usum clavium ; 5. legitimam electionem Ministrorum, qui doceant & Sacraenta ministrent ; 6. orationem publicam & Psalmodyam & Catechismum, sed lingua que intelligatur ab omnibus ; 7. mysterium crucis, id est tribulationes intus & extra ; ita ut intus sit mœstia, pusillanimitas, terrores : foris paupertas, contemptus.

Secundo, Catholici varias etiam recensent, alii plures, alii pauciores.

S. Hieronymus Dial. contra Luciferianos circa finem duas recenset, nempe, continuam Ecclesie ab Apostolis ad nos usque durationem, & ipsam <sup>Tom. 4.</sup>  
*Christiani nominis appellationem.* <sup>part. 2.</sup> p. 306.

S. Aug. L. contra Epistolam fundamenti c.4. sex enumerat quibus ait se in Ecclesia Catholica justissime retineri ; nempe, confessionem populorum <sup>Tom. 8.</sup> & gentium, auctoritatem miraculis ... sanctitatem morum, vetera-<sup>p. 153.</sup>  
tern originis, successionem Sacerdotum ab ipsa Sede Petri ad praesentem Epi-<sup>B. C.</sup>  
scopatum, ipsum Ecclesie Catholicæ nomen.

Symbolum quod Apostolorum dicitur, duas refert, quod nempe sit sancta & catholica.

Sybolum Constantinopolitanum quatuor, nempe unitatem, sanctitatem, catholicitatem, & apostolicitatem.

Vincentius Lirinensis commonitorii cap. 3. tres appellat, universitatem, antiquitatem, & confessionem.

Plures subinde additæ sunt a recentioribus Theologis, ut videre est apud Driedonem L.4. Domatibus Ecclesiasticis c. 2. parte 2. Petrum a Soto prima parte defensionis c.44. Nicolaum Sanderum L.8. de visibili Monarchia c.50. sed præsertim apud Bellarminum L.4. de Ecclesia c.3. apud quem excreverunt usque ad quindecim : Prima, ipsum Ecclesie Catholicæ & Christianorum nomen : secunda, ejus antiquitas ; tertia, ejus duratio 68. & nonquam interrupta ; quarta, credentium multitudo ; quinta, Episcoporum successio in Sede Romana ; sexta, conspiratio in doctrina cum Ecclesia antiqua ; septima, unio membrorum inter se & cum Capite ; octava, sanctitas doctrinæ ; nona, efficacia doctrinæ ; decima, sanctitas vite auctorum sive primorum Patrum nostræ Religionis ; undecima, gloria miraculorum ; duodecima, lumen propheticum ; decima-tertia, confessio adversariorum ; decima-quarta, infelix exitus seu finis eorum qui Ecclesiam oppugnant ; decima-quinta, felicitas temporalis divinitus iis collata qui Ecclesiam defenderunt. Quæ quidem quindecim nota, ait ibidem Bellarminus, possunt aliquo modo revocari ad illas quatuor, quæ communiter a recentioribus assignantur ex Symbolo Constantinopolitano, Unam, Sanctam, Catholicam & Apostolicam.

Multi nihilominus inter Catholicos existimant, duas posteriores notas, quas assignat Bellarminus, nempe infelicem exitum hostium Ecclesiae, & felicitatem temporalem eorum qui Ecclesiam defenderunt, ab eo expungi debuisse. Quid de hac sententia & de notis a Novatoribus assignatis sit sentiendum, mox aperiemus.

Verum

*Utrum felicitas temporalis defensorum, & infelix exitus hostium Ecclesiæ sint vera Ecclesiæ nota.*

## C O N C L U S I O.

Nec felicitas temporalis defensorum Ecclesiæ, nec infelix exitus hostium ejusdem, videntur, recenseri debere inter veras & proprias Ecclesiæ notas.

Probatur; quia judice ipsomet Bellarmino L.4. de Ecclesia c.2. nota Ecclesiæ debent esse propriæ, non communes: atqui tales non sunt duas illæ notæ quas c. 17. & 18. assignat, felicitas nimirum temporalis defensorum, & infelix exitus hostium Ecclesiæ.

Primo, quod spectat ad felicitatem temporalem, notum est eam non esse sanctitatis indicium, tantum abest ut sit Ecclesiæ nota & prærogativa; cum de ipsa merito dictum sit a S. Augustino, *Nihil esse infelicius peccantium felicitate, & Deum aliquando propitium negare, quod iratus concedit.* Hinc & illa Jeremias apud Dominum expostulatio c.12. sua Propheticæ v.1. *Fustus quidem tu es, Domine, si disputem tecum: verumtamen justa loquar ad te. Quare via impiorum prosperatur? Bene est omnibus qui prævaricantur & inique agunt: plantasti eos & radicem miserunt, proficiunt, & faciunt fructum.* Quo pacto igitur felicitas temporalis qua non caruerunt Hæreticorum seæ, nec ipsa quidem Mahometanorum Religio potuit inter veras & proprias Ecclesiæ notas a Beilarmino accenseri? An illam Apostolis suis promittebat Christus, cum Ecclesiæ sua futuram aliquando conditionem prænuntians, nonnisi cruxes, opprobria, afflictiones, persecutioes, ob oculos ponit? Et reipsa quot mala passa est ad tempora usque Constantini? Quot sub Constantio filio Constantini, & Valente, & aliis singulis ferme prioribus

T. 4. p. Ecclesiæ sacrulis? Hinc S. Aug. Ennarratione in Ps.72. ad ista verba: *Mei 738. F. autem pene commoti sunt pedes, & zelavi in peccatoribus, pacem peccatorum intuens. Attendi, inquit, peccatores, vidi illos habere pacem. Quam pacem? temporalem, fluxam, caducam, atque terrenam: sed tamen talem qualē & ego a Deo desiderabam. Vidi illos habere qui non serviebant Deo, quod ego desiderabam ut servirem Deo: & moti sunt pedes mei & pene effusi sunt gressus mei.* Deinde querit quare peccatores hanc temporalem habeant felicitatem, ac respondeat: *Intellexi, inquit, quia morti eorum non est declinatio, id est, quia certa mors & æterna eos manet, quæ nec declinat ab eis, nec ipsi ab ea declinare possunt.*

Observat idem sanctus Doctor L. de unitate Ecclesiæ c.19. Paganos, T. 9. p. *Judeos & Hæreticos interdum exaudiri, vel a spiritibus seductoribus ....* 372. F. *sive ab ipso Deo, vel ad pœnam malitiæ, vel ad solarium misericordiae, vel ad admonitionem querendæ salutis æternæ.*

Secundo, quod spectat ad infelices exitus eorum a quibus impugnata fuit aliquando Ecclesia, certum videtur quod neque hoc possit esse certa & propria Ecclesiæ nota: tum quia non semper infaustus fuit eorum omnium exitus, ut videre est vel in sola Mahometi fortuna; tum quia, ut passim docent Historiæ, non semper felices fuerunt eorum exitus a quibus fortiter & strenue suscepta est Religionis defensio. Notæ scilicet sunt, ex veteri Testamento, Machabæorum clades, non minus quam victoriae. Adversus Infideles non alio quam Religionis promovenda studio cum ingen-

genti exercitu maria trajecit S. Ludovicus Gallorum Rex tam fortis quam pius; at certe, ut omnes norunt, eventu nunquam felici, ne dicam calamitoso: in prima expeditione, Saracenorum captivus fuit in Ægypto: in altera, pestilenti morbo extinctus fuit ad oram Africæ maritimam.

Quamvis igitur contingat aliquando persecutores Ecclesiæ hac in vita a Deo flagellari; & econtra ejus defensores præmiis ac bonis cumulari, sicut nonnullis exemplis ostendit Bellarminus; non tamen in his videatur constituenda certa & propria Ecclesiæ nota qua secernatur a qualibet alia societate aut Infidelium, aut Hæreticorum.

*Utrum doctrinæ veritas, ac legitimus Sacramentorum usus sint vere  
ac propriæ Ecclesiæ Christi notæ.*

Non quæritur utrum doctrinæ veritas & legitimus Sacramentorum usus in Ecclesia Christi reperiantur, & aliquo sensu ejus proprii characteres dici possint: nemo istud jure inficiabitur. Qui enim Ecclesiam Christi recte cognoscit, eos statim in ea characteres velut a posteriori, ut ajunt, deprehendit.

Neque etiam quæritur, an liceat & necesse sit scrutari Scripturas, & sacram expendere doctrinam.

Verum quæstio est utrum qui Christo ejusque Ecclesiæ nomen dare voluerit, is incipere primum debeat ab examine & discussione doctrinæ, ut inde ad certam Ecclesiæ notitiam perveniat; an vero a cognitione vera Ecclesiæ, ut ab ista veram ac genuinam subinde accipiat fidei doctrinam: uno verbo, an fidem ex Ecclesia, vel potius Ecclesiam ex fide cognoscere; an viam auctoritatis Ecclesiæ sequi primum debeat, an potius viam discussionis & examinis doctrinæ.

Hoc postremum volunt Novatores; primum vero Catholici: quæ certe quæstio affinis est ac intime colligata cum alia gravissima, quam suo loco expendemus, an Ecclesia supremus sit Judex controversiarum quæ circa fidem ac Religionem exoriuntur. Itaque sit

### C O N C L U S I O.

Neque vera Christi doctrina, neque legitimus Sacramentorum usus, sunt veræ notæ quibus certo dignosci possit Ecclesia Christi, & discerni a quacumque alia falsi nominis Ecclesia.

Est contra Lutheranos & Calvinistas.

Probatur I. quia illæ veræ nec sunt nec dici possunt Ecclesiæ Christi notæ, quæ non habent conditiones ad veram Ecclesiæ notam prærequisitas: atqui neque vera Christi doctrina, neque legitimus Sacramentorum usus habent conditiones ad veram Ecclesiæ notam prærequisitas. Istæ vero ex ante dictis sunt omnino tres: 1. debent esse propriæ, non communes; 2. debent esse notiores & clariores re quam significant; 3. debent esse sensibiles & obviæ, & omni hominum generi atque conditioni accommodatae: atqui conditiones hujusmodi non habent vera Christi doctrina, & legitimus Sacramentorum usus.

I. Non primam: namque nulla fuit unquam Hæreticorum secta, quæ non jactaret se puram habere Christi doctrinam & ejus Sacmenta: nulla, quæ errorum suorum patrocinium ex Scripturis non repetierit; nulla

*Ed. Bas.* pariter quæ non contenderit veram esse apud se Ecclesiam. *Singuli qui-*  
*p. 282.* *que hæretorum cœtus se potissimum Christianos, & suam esse Catholicam Eccle-*  
*n. 30.* *siam putant, ait Lactantius L. 4. Instit. c. 29. & S. Cypr. Epist. ad Jubaian.*  
*P. 122.* *de Novatiano ait: Novatianus, simiarum more, quæ cum homines non sint, ho-*  
*mines tamen imitantur, vult Ecclesiae Catholicæ auctoritatem sibi & veritatem*  
*vindicare; quando ipse in Ecclesia non sit, imo adhuc insuper contra Ecclesiam*  
*rebellis & hostis extiterit. Sciens etenim unum esse Baptisma, hoc unum sibi vin-*  
*dicat, ut apud se esse Ecclesiam dicat, & nos hæreticos faciat.*

*Lib. de*  
*unit. Ec-*  
*cl. c. 2.* *Hoc ipsum prætendebant Donatistæ. Quæstio inter nos versatur, ajebat*  
*S. Aug. ubi sit Ecclesia, utrum apud nos, utrum apud illos.*

*n. 2. T. 9.* *Idem S. Doctor contra Epistolam fundamenti cap. 4. postquam dixit*  
*p. 338. A.* *plures esse notas quibus Ecclesia etiam a rudioribus dignosci queat, ob-*  
*servat Hæreticos nihil habere hujusmodi, sed unam dumtaxat veritatis*  
*pollicitationem. Apud vos, inquit, ubi nihil horum est quod me invitet ac te-*  
*T. 3. p. neat, sola personat veritatis pollicitatio: quæ quidem si tam manifesta monstratur,*  
*153. D. ut in dubium venire non possit, præponenda est illis omnibus rebus quibus in Catho-*  
*lica teneor: si autem tantummodo promittitur, & non exhibetur, nemo me movebit*  
*ab ea fide, quæ animum meum tot & tantis nexibus Christiana Religioni adstringit.*

Porro qui fieri potest ut doctrinæ veritas, quam tot diversæ hæreti-  
 corum sectæ sibi vindicant, & de qua disputatur, propria esse possit  
 veræ & unius Christi Ecclesiæ nota? Quasi una & vera Christi Ecclesia  
 inter tot errorum monstra & portenta subsistere posset!

Deinde in mente Lutheranorum & Calvinistarum Ecclesia constat so-  
 lis iustis ac prædestinatis: atqui per veram Christi doctrinam & ejus  
 Sacra menta nunquam demonstrari poterit, quinam sint prædestinati &  
 vere sancti; ac proinde iis dignosci nunquam poterit, ubinam & quæ  
 vera sit Ecclesia Christi, sed ad summum ubinam lateat.

Præterea, vel illa pura doctrina, quam pro nota Ecclesiæ assignant  
 Novatores, debet esse ita pura, ut vel minimum excludat errorem, vel  
 solum eos quos vocant fundamentales: atqui neutrum dici potest. Non  
 primum: alioquin enim neque apud Lutheranos, neque apud Calvinistas  
 esset vera Ecclesia: tum quia Lutherus Lib. de Ecclesia, & Calvinus L. 4.  
 Instit. cap. 1. paragr. 12. fatentur verbum Dei ita esse notam Ecclesiæ,  
 ut tamen aliquando magis pure, aliquando minus pure annuncietur:  
 tum quia non dissentunt suas Ecclesiæ n̄os aliquos habere: tum de-  
 nique quia necesse est vel Lutheranos, qui præsentiam Corporis Christi  
 tealem in Eucharistia admittunt, vel Calvinistas, qui eam negant, er-  
 rare contra veritatem a Deo revelatam.

Non secundum: 1. quia hoc pacto nota communis erit pluribus Se-  
 cesis. Lutherani enim & Zuingiani non dissentient circa præcipuum fidei  
 fundamentum, puta Trinitatem & Incarnationem; 2. quia nondum inter  
 se convenire potuerunt Calvinistæ, quinam errores essent fundamentales:  
 quam distinctionem articulorum fundamentalium & non fundamenta-  
 lium, suo loco vanam ac futilem esse ostendemus.

II. Non habent etiam tum veritas doctrinæ, tum legitimus Sacra-  
 mentorum usus, secundam conditionem necessariam ad veram Ecclesiæ  
 Christi notam.

Namque si tam obscurum sit, imo magis, dignoscere quænam sit pura  
 Chri-

Christi doctrina, quænam pura ejus Sacra menta, quam quæ vera sit ejus Ecclesia, certe dici non potest hæc duo notiora esse ac clariora ipsamet Ecclesia: atqui tam obscurum est, imo longe magis, dignoscere quæ sit pura Christi doctrina, & quæ vera ejus Sacra menta, quam quæ sit vera Ecclesia. Ut enim certo cognoscatur quæ vera sit Christi doctrina, tria certo constare debent: 1. verbum Dei, in quo illa doctrina continetur, esse re ipsa verbum Dei; 2. Versiones Librorum in quibus legitur hoc verbum Dei, esse fidelissimas: & ipsos fontes ab omni errore saltem fundamentali esse liberos; 3. quinam sit sensus illius verbi, quæ legitima interpretatio. Atqui difficile admodum & arduum est, ne dicam impossibile, hæc omnia ab unoquoque privato dignosci & explorari, cujus prorsus incapaces sunt rustici, plebeii, illiterati, &c. Quin & literati ipsi ac docti de hisce tribus graves habent inter se concertationes, quæ privatorum judicio & auctoritate finiri ac terminari nunquam possunt. Non eos omnes Scripturæ Libros tamquam Canonicos agnoscit Lutherus, quos tamen Calvinus admittit; v. gr. Epistolam ad Hebraos, Epistolam S. Jacobi, Apocalypsim. Non minus etiam discordes sunt circa sensum & interpretationem Scripturæ. Lutherus in istis Christi verbis, *Huc est Corpus meum*, deprehendit realem ac substantialem Corporis Christi in Eucharistia præsentiam; Calvinus econtra realem absentiam, & figuratam dumtaxat præsentiam. Quis litem inter ipsos componet?

Bibl. PP.

Nemo certe, nisi judicem Ecclesiam audire voluerint. *Scripturam Sacram*, T. 7. p. ait Vincentius Lirinensis in Commonitorio cap. 2. pro ipsa sui altitudine, 250. D. non uno eodemque sensu universi accipiunt (Hæretici); sed ejusdem eloquia alter alius, atque alius interpretatur, ut pene quot homines sunt, tot illinc sententiæ erui posse videantur... Atqui idcirco multum necesse est propter tantos tam variis erroris anfractus, ut Propheticæ & Apostolicæ interpretationis linea, secundum Ecclesiastici & Catholicici sensus normam dirigatur.

S. Aug. lib. 7. de Gen. ad litt. c. 9. Neque enim non omnes hæretici, ait, T. 3. 1. Scripturas Catholicas legunt; nec ob aliud hæretici sunt, nisi quod eas non recte par. pag. intelligentes, suas falsas opiniones contra earum veritatem per tinaciter afferunt. 215. G.

Et lib. 1. contra Cresconium c. 33. *Scripturarum*, inquit, a nobis tenetur T. 9. p. veritas, cum hoc facimus quod universæ jam placuit Ecclesia, quam ipsarum Scripturarum commendat auctoritas; ut quoniam Sancta Scriptura fallere non potest, 407. F. quisquis falli metuit hujus obscuritate questionis, eamdem Ecclesiam de illa consultat, quam sine ulla ambiguitate Sancta Scriptura demonstrat.

Longe igitur difficilius dignoscitur tum ipsamet Scriptura Libris Canonice s contenta, tum ipse legitimus Scripturæ sensus: non ita vero difficile est veram dignoscere Christi Ecclesiam, quæ tot splendidis notis ac characteribus unde quaque fulget & emicat.

Et certe supponimus aliquem peregrinum nullis litteris instructum & sine ulla religione, saxe hinc & inde a Catholicis & Novatoribus audisse salutem a nemine posse obtineri, qui non sit in vera Christi Ecclesia, tandem sincero afficiatur illius vera Ecclesia detegenda desiderio: sed cum videat multas societas & nomine & sententiis multum discrepantes, ut Hussitas, Lutheranos, Zuinglianos, Anabaptistas, Puritanos, Socinianos, qui quidem omnes apud se esse solam, quam inquirit, veram Ecclesiam profiteantur, mire perplexus est, atque admodum anxius

quam in partem se convertat. Afferunt singuli pro nota suæ Ecclesiæ ; quod apud se doceatur pura Christi doctrina : probat quisque fidei suæ articulos ex Scriptura , etiam juxta vim Hebraici vel Græci textus intellecta , & adversariorum rationes erudite & acute confutat . Is certe homo qui horumce omnium valde ignarus est ac imperitus , nullam ex his Ecclesiis poterit amplecti : cum enim has omnes disputationes & momenta nec penetrare quidem possit , imo nec attingere , tam anxius & anceps hæredit ac erat antea ; neque ullam e societatibus prædictis alteri preferendam judicare unquam poterit , si delectus ille pendeat ex privato ipsius de veritate doctrinæ judicio , examine ac discussione . Unde merito verba hæc cuiusdam Catechumeni apud S. Aug. Lib. 13. contra Faustum Manichæum cap. 13. usurpare poterit : *Quo ergo signo manifesto adhuc parvulus , & nondum valens liquidam discernere a tot erroribus veritatem , quo manifesto indicio tenebo Ecclesiam Christi ?*

Necessæ igitur est hominis illius animum & attentionem revocare ad sensibiles & conspicuas Ecclesiæ notas , quæ tanta discussione & examine non indigent , & a rudioribus , modo sensu & ratione non sint destituti , nullo negotio ac facile deprehendi possunt : ad stupendum scilicet & omni humana industria longe superiorem modum , quo Christiana fides ac Religio propagata fuit , sine armis & viribus , sine arte & eloquentia , tota licet reclamante ac renitente hominis natura , cui certe dura illa est ac molesta ; obſtentibus undique ac furentibus Tyrannorum persecutionibus , acerbissimisque suppliciis : ad miram & plane divinam Martyrum in sustinendis cruciatibus & acerbissima morte constantiam & fortitudinem , quorum sanguine crevit & amplificata est Ecclesia , nedum extinta ; qua profecto extinta statim & oppresa jacisset , nisi divina fuisset : ad splendorem miraculorum , quibus illa luxuit ac confirmata fuit . Quantum vero ad præfens nostrum attinet institutum , attendere maxime debet ad antiquitatem , universalitatem , consensionem doctrinæ in Catholica seu Romana Ecclesia ; perpetuam & nunquam interruptam ab ipso S. Petro ad hanc usque diem Episcoporum in ea successionem , de quibus creditibilitatis , ut vocant , motivis suo loco fusiū tractant Theologi .

*P. 213. B. 4.* Uni doctrinæ antiquitati hic obiter infistimus , unde pressius Novatores nostri urgeri posunt . *Ex ipso quippe ordine manifestatur* , ait Tertull. Lib. de Præscr. c. 31. id esse Dominicum & verum , quod sit prius traditum : id autem extraneum & falsum , quod sit posterius immisum . *Hæreses omnes* , ait S. Aug. de Symbolo ad Catec. de illa (Ecclesia) exierunt , tamquam sacramenta inutilia de vite præcisa . Veritas igitur antiquior est ac prior errore . Ut ergo dignoscatur quæ inter tam multas & varias , vera sit doctrina , necesse est inquirere , quænam sit antiquior : ea porro antiquior æstimanda , quæ primum in Ecclesia Christi tradita .

*Urgentur Novatores ex antiquitate doctrinæ Catholice.* Unde Noyatores , Lutheranos & Calvinistas facili isto ac invicto arguimento premissus : Ea doctrina vera est ac retinenda , quam tenebat Ecclesia quo tempore ab ea discessisti ; erat enim tunc , vobis patentibus , una & sola Christi Ecclesia , *Columna & firmamentum veritatis* . 1. Tim. 3. v. 15. Vel igitur doctrina quam illa pura Dei Ecclesia tenebat , eadem est cum vestra , vel diversa : si eadem , quare ab ea discessisti ? Rei estis schismatis . Si diversa , ergo vestra doctrina falsa est , quæ discrepat ab ea prima & originali , quam tenebat una sola , quæ tunc erat , Christi Ecclesia ; ergo non tantum schis-

schismatici, sed & hæretici facti estis. Quo in argumento manifestum est, doctrinæ veritatem ex Ecclesia, non Ecclesiam ex veritate doctrinæ demonstrari. Unde merito dixit Aug. Lib. de quant. animæ cap. 7. *Auctoritati credere magnum compendium est, & nullus labor.* Et S. Hieron. Dial. adv. Lucif. in fine, *Poteram, inquit refellens Luciferianos, omnes propositionum rivulos uno Ecclesiæ sole siccare.* Quod nempe una Ecclesiæ auctoritas sufficiat, ac necessaria sit omnibus generatim de fide ac Religione controversiis finiendis ac terminandis, absque longiori & molesta discussio-  
nis & examinis via. Gravissimæ vero rationes & causæ sunt quibus Ecclesiæ auctoritati deferre plurimum debemus, in qua tot sunt quæ nos retineant. *Multa sunt, ait S. Aug. contra Epist. fundam. cap. 4. n. 5. quæ in Ecclesiæ gremio me justissime tenent.* *Tenet consensio populorum atque gentium:* T. 1. p.  
406. F.  
*Tenet auctoritas miraculis inchoata, spe nutrita, charitate aucta, vetustate firmata:* T. 4 par.  
2. p. 306.  
*Tenet ab ipsa Sede Petri Apostoli, cui pascendas oves suas post resurrectionem Dominus commendavit, usque ad præsentem Episcopatum successio Sacerdotum:* T. 8. p.  
453. B.  
*Tenet postremo ipsum Catholicae nomen, quod non sine causa inter tam multas hæreses sic ista Ecclesia sola obtinuit, ut cum omnes hæretici se Catholicos dici velint,* lb. pag.  
154. A.  
*quærenti tamen peregrino alicui, ubi ad Catholicam conveniatur, nullus hæretico-  
rum vel Basilicam suam vel domum audeat ostendere... Ego vero Evangelio non  
crederem, nisi me Catholicæ Ecclesiæ commoveret auctoritas.*

III. Denique, neque postrema conditio ad veram & propriam Ecclesiæ notam requisita, convenient veræ Christi doctrinæ; quippe sensibilis non est, nec obvia, nec omni hominum generi atque conditioni accommo-  
data: tum quia simplices, rustici, illiterati, plebeii, &c. prorsus incapaces sunt discussionis seu examinis doctrinæ; tenentur tamen illi, si salvi esse velint, veram Christi Ecclesiam agnoscere, & ad eam fese recipere: tum quia vera Christi doctrina cognosci non potest solo lumine natu-  
rali & per cognitionem ortam a sensibus; quia tanta est mysteriorum ejus sublimitas, ut omnem humanæ rationis captum longe superet, &  
ita incredibilis appareat, ut stultum videatur & insaniæ genus iis assen-  
tiri, juxta illud Apostoli 1. Cor. 1. v. 18. *Verbum crucis peccantibus stultitia est;* & v. 23. *Prædicamus Christum crucifixum, Judæis quidem scandalum, genti-  
bus autem stultitiam;* & cap. 2. ver. 14. *Animalis homo non percipit ea quæ sunt  
spiritus Dei: stultitia enim est illi, & non potest intelligere.*

Probatur 2. quia signum rei cuiuslibet distinguitur a re significata; neque pertinere potest ad ejus essentiam, alioquin enim aliud signum foret necessarium quo discerneretur: atqui vera Christi doctrina perti-  
net ad essentiam Ecclesiæ, imo est pars illius essentiæ quæ est invisibi-  
lis. Convenient enim inter se Catholicæ & Reformatores, Ecclesiam esse  
societatem puram Christi Religionem profitentium. Societas quidem  
profitentium Christi Religionem exterior est ac visibilis: at puram Reli-  
gionem eos profiteri, non ita certe clarum est; aut faltem idipsum est  
de quo disputatur: quia igitur ratione vera & pura Christi doctrina po-  
test esse nota Ecclesiæ?

Probatur 3. ad Ecclesiam solam pertinet proponere ac determinare quæ  
vera sit Christi doctrina; est enim hæc viva & spirans doctrinæ regula,  
quam in dubiis circa fidem consulere tenemur; ergo vera Christi doctrina  
non potest esse nota Ecclesiæ. Consequens clarum est. Quomodo enim

vera Christi doctrina potest esse signum Ecclesiae, nisi prius constet quæ sit vera doctrina? Non constat autem nisi per Ecclesiam.

Antecedens non minus certum est ex communi SS. Patrum sententia, quam postea fuisus exponemus, ubi quæstio erit de supremo Judice controvèrsiarum. Sufficiat hic laudasse

S. Irenæum Lib. 3. aduersus hæreses cap. 4. *Non oportet, ait, adhuc querere apud alios veritatem, quam facile est ab Ecclesia sumere; cum Apostoli, quasi in depositorum dives, plenissime in eam contulerint omnia quæ sint veritatis; uti omnis quicumque velit, sumat ex ea potum vitæ... Quid enim? Et si de aliqua modica quæstione disceptatio esset, nonne oporteret in antiquissimas recurrere Ecclesiæ, in quibus Apostoli sunt, & ab eis de præsenti quæstione sumere quod certum & re liquidum est?*

Tertullianum Lib. de Præscr. c. 21. ubi ait: *Quid prædicaverint, (Apostoli) idest, quid illis Christus revelaverit, & hic præscribam non aliter probari debere, nisi per easdem Ecclesiæ, quas ipsi Apostoli condiderunt, ipsi eis prædicando, tam viva, quod ajunt, voce, quam per Epistolas postea. Si hæc ita sunt, constat proinde omnem doctrinam, que cum illis Ecclesiæ Apostolicis matricibus & originalibus fidei conspiret, veritati deputandam.... Omnem vero doctrinam mendacio præjudicandam, quæ sapiat contra veritatem Ecclesiæ.*

S. Augustinum Lib. contra Epist. fundamenti cap. 5. jam citato. *Ego vero, inquit, Evangelio non crederem, nisi me Catholicæ Ecclesiæ commoveret auctoritas. Quibus ergo obtemperavi dicentibus, Credite Evangelio; cur eis non obtemperem dicentibus, Noli credere Manishæ?*

#### Solvuntur Objectiones.

Objicies 1. cum Brentio, Philippo, Calvinio, &c. nonnulla Scripturæ testimonia.

1. Matth. 18. v. 20. Congregari in nomine Christi, pro vera Ecclesia nota assignatur. *Ubi, inquit Christus, sunt duo vel tres congregati in nomine meo, ibi sum in medio eorum.*

2. Joan. 10. v. 27. *Oves meæ vocem meam audiunt. Ergo sunt ex ovili Christi, quod est Ecclesia, qui ejus vocem, hoc est veram ejus doctrinam audiunt.*

3. Joan. 15. v. 3. *Jam vos mundi estis propter sermonem quem locutus sum vobis. At illa est vera Ecclesia, quæ munda est coram Deo.*

4. Eph. 5. v. 27. *Apostolus de Ecclesia sic loquitur: Mundans eam lavacrum aquæ in verbo vitæ; quibus verbis significat Ecclesiam mundari verbo Dei; ergo ubicumque est verbum mundans, ibi est Ecclesia.*

Resp. hæc Scripturæ testimonia non videri præsenti quæstioni accommodata: neque enim evincunt veram doctrinam notam seu signum esse, quo Ecclesia Christi a qualibet alia societate discerni possit.

Non primum: nam si congregari in nomine Christi nota sit vera Ecclesia, certe non erit ista congregatio qualiscumque in nomine Christi; sic enim omnes hæretici & schismatichi congregantur in nomine Christi, cum omnes nomen Christi appellant & obtendant: sed ea sola erit congregatio, quæ sit auctoritate a Christo accepta; ab iis nempe qui suam habent a Christo ipso auctoritatem & pro eo legatione funguntur, quæles sunt Episcopi legitime ordinati, & gradui succedentes Apostolico,

per

per continuam & non interruptam Episcoporum seriem atque successio-  
nem usque ad Apostolos quos Christus Dominus sui loco constituit: at-  
que sic eiusmodi nota coincidit cum Apostolicitate Ecclesiae, de qua in-  
ferius dicemus.

Non secundum: nam si audire vocem Christi esset nota Ecclesiae, ne-  
mo esset haereticus qui non contenderet apud se veram esse Ecclesiam,  
ut pote qui se vocem Christi audire gloriaretur. Deinde probat quidem  
locus ille, quinam sint electi; non autem quae sit vera Ecclesia, & ubi  
nam illa sit. Sunt scilicet electi, ut exponit S. Aug. qui corde perseve-  
ranter audiunt & retinent verbum Christi: cum autem nemo scire possit  
quinam corde audiunt, & revera sint praedestinati, non potest haec esse  
visibilis Ecclesiae nota per quam ab aliis dignosci possit, etiam a radio-  
ribus & extraneis; sed ad sumnum potest esse cuilibet praedestinato qualis-  
cumque nota, ut saltem conjecturaliter aliquam habeat electionis notitiam.

Non tertium & quartum: quia mundatio illa Ecclesiae quae fit per ver-  
bum Dei, est per se invisibilis; adeoque probat tantum Ecclesiam mun-  
dam esse coram Deo, sed non coram hominibus; ac consequenter hac  
ratione fieri manifestam Deo, non hominibus.

Instabis 1. cum Calvinus: Verbum Dei est per se efficax; & ubicum-  
que praedicatur, aliquos fideles efficit & bonos, adeoque & Ecclesiam.

Resp. verbum Dei esse quidem per se efficax, & semper sanctificare,  
cum legitime praedicatur, & semen istud salutis ac vita in terram cadit  
bonam, & cum annunciatur ab habentibus potestatem legitimam, &  
missis a legitima auctoritate; alias etiam saepe contingit illud annunciariri  
apud haereticos variarum sectarum, ubi non fructificat, neque alind pro-  
fert nisi lolium & zizaniam.

Instabis 2. Si veritas doctrina, quam interna Spiritus Sancti unctio hu-  
milibus aperit, non est vera Ecclesiae nota, nusquam rudes & imperiti ve-  
ram Christi Ecclesiam dignoscere poterunt: namque generalia illa credi-  
bilitatis motiva omnibus Christiani nominis societatibus communia sunt,  
haereticis non minus quam Catholicis perspecta; neque tamen sufficiunt  
ut omnibus Christianis veram certissime demonstrent Christi Ecclesiam.

Resp. nego sequelam antecedentis. Revera quidem ex iis generalibus  
motivis quibus evidenter (evidentia, ut vocant, extrinseca) vera ostendit  
ur Christiana Religio, non omnibus statim clare ac distincte innote-  
scit specialis societas credentium in Christum, quae vera dicitur & est  
Christi Ecclesia: at nullus est tam rufus ac tardus ingenio, qui si vel  
minimum attendere voluerit ad sanctitatem, antiquitatem, extensionem,  
universalitatem, consencionem populorum, perpetuam & nusquam inter-  
ruptam Pastorum successionem, statim non inferat Romanam Ecclesiam,  
cui soli characteres illi convenient, veram esse Christi Ecclesiam. Profecto  
haec longe clarior innotescunt, quam veritas doctrina, de qua tot mo-  
ventur disputationes, & unctio privata spiritus Sancti, quae adeo aequi-  
voca est, & apertam viam aperit pharisaismo.

Instabis 3. Scriptura quae est ipsum verbum Dei, notior est Ecclesia,  
quandoquidem per ipsam probatur Ecclesia.

Resp. notiorem quidem esse secundum quid, cum nempe de ipsa con-  
veniunt ambae partes, clare loquitur, & est quæstio de ipsa Ecclesia. Sic

cum disputaret olim S. Aug. adversus Donatistas ubinam esset vera Ecclesia; quia admittebant Scripturas, & aliunde claræ erant, idcirco Scripturis utebatur ut probaret Ecclesiam non esse in sola Africa. Non est tamen notior simpliciter & absolute: tum quia ipsi Ecclesiæ data est Scriptura, quam aliis tradit & explicat: tum quia facilius est Ecclesiam dignoscere, quam Scripturam ubique intelligere. Hinc cum agebat S. Aug. de Baptismo hæreticorum contra Donatistas, quia obscura erat Scriptura, & notior Ecclesia, idcirco validum eum probat, quod eum admitteret Ecclesia.

Deinde, sicut cum a testatore institutus est executor & interpres testamenti, ab ipso inquirendum est, quæ sit voluntas testatoris, si forte obscure proposita sit, vel alia occurrat difficultas: ita pariter, cum Christus voluntatis sue interpretem statuerit Ecclesiam, clariusque loquatur & manifestare possit quæ sunt obscuriora in Scripturis, idcirco simpliciter dici debet notior Ecclesia quam Scriptura.

Objicies 2. S. Aug. pluribus in locis docet Ecclesiam non aliter cognosci & probari posse, quam per verbum Dei seu per Scripturas.

*Epi. 105. quæ est ad Donatistas, alias 166. & in qua eos hortatur ad unitatem Ecclesiæ, eos inde redarguit, quod cum in Scripturis Christum agnoscerent, in iisdem non agnoscerent Ecclesiam, quamquam ex æquo ibi doceantur ambo. In Scripturis, inquit n. 14. discimus Christum, in Scripturis discimus Ecclesiam. Has Scripturas communiter habemus; quare non in eis & Christum & Ecclesiam communiter retinemus?*

Et Lib. de unitate Ecclesiæ pluribus ostendit adversus Donatistas non posse Ecclesiam aliunde cognosci, quam per verbum Dei, seu ex Scripturis Canoniceis & doctrina in ipsis contenta: & tandem subjungit c. 19. n. 50. *Sed utrum ipsi Ecclesiam teneant, nonnisi de divinarum Scripturarum Canoniceis Libris ostendant.* Atque ita fieri debere subinde declarat exemplo Christi Domini, qui cum resurrexisset a mortuis, & discipulis sese tangendum & palpandum offerret, ne quid tamen fallaciæ esse vel minimum suscipiantur, testimonii Legis, & Prophetarum, & Psalmorum confirmare voluit, ostendens scilicet ea quæ de se prædicta fuerant, adimpta fuisse.

*T. 3. p. 453. D. T. 9. p. 373. E.* Et Lib. contra Epistolam fundamenti cap. 4. expresse dicit, *veritatem, si manifesta monstraretur, ut in dubium venire non posset, præponendam esse omnibus iis rebus quibus antea dixerat se teneri in Ecclesia Catholica.* Ergo doctrina veritas sola sufficit, ut dignoscatur vera Christi Ecclesia, quantum necesse est ut quis ab ea non recedat, aut alii ad eam accedant.

Resp. ex adductis S. Augustini testimonii, quædam esse adversus Donatistas, quædam vero adversus Manichæos; ex nullo autem eorum inferri posse verbum Dei, seu veram doctrinam propriam esse Ecclesiæ notam. Non quidem ex testimonio contra Donatistas,

I. Quia adversus eos agens S. Doctor de unitate Ecclesiæ, supponit veram doctrinam per Ecclesiam dignoscendam esse, non autem Ecclesiam per doctrinam. Namque cum illi contenderent Baptismum ab Hæreticis collatum nullum esse, nihilque ex Scripturis afferri posse fateretur S. Aug. quod aperte & evidenter demonstraret illum esse ratum & validum, confudit S. Doctor ad auctoritatem Ecclesiæ ubique diffuse, cui testimonium Christus prohibuit. *Nunc vero, inquit, cum in Scripturis non ingeniamus aliquos ad Ecclesiam transisse ab hereticis, & sicut ego dico, aut*

*ficiunt*

sicut tu dicas, esse susceptos; suscipiendo sunt isti, quemadmodum suscipit isti Ecclesia per omnes gentes. Supponebat ergo S. Augustinus, validiori arguimento dirimi non posse controversiam Catholicos inter & Donatistas, quam ipso sensu ac judicio Ecclesie; adeoque doctrinam non esse signum Ecclesie, imo potius Ecclesiam verae doctrinæ signum ac notam esse.

H. quando videtur S. Doctor probare Scripturam sacram & doctrinam in ea contentam veram esse Ecclesie notam, non eo sensu intelligendus est, quasi existimet eam esse notam simpliciter, & respectu omnium etiam infidelium qui Scripturas non admittunt, quales sunt Gentiles & Paganis: sed solummodo esse notam secundum quid & ex hypothesi, idque respectu eorum dumtaxat qui Scripturas agnoscunt, quales sunt ut plurimum hæretici. Agit scilicet iis in locis S. Augustinus adversus Donatistas, qui Scripturarum auctoritatem admittebant, imo & ad eam provocabant, ut ostenderent penes se solos & in Africe dumtaxat angulo universalem esse Christi Ecclesiam. Supposita igitur Scripturarum auctoritate, quam illi admittebant, merito inferebat S. Doctor doctrinam in iis contentam verissimam esse Ecclesie notam, eamque omnium præcipuum, & quodam modo unam & solam: non quidem eo sensu, quod præter eam non sint alia hujusmodi notæ, sed quod nullæ sint, que ab ea testimonium non habeant, & ejus auctoritate non fulciantur. *Hæc ibid. p. 373, E.*

Itaque cum agimus adversus eos qui Scripturarum auctoritatem admittunt, sola sufficiunt Scripturæ, ut edoceamus quæ sint Ecclesie notæ; eas enim omnes Scriptura declarat. Hinc citata Epistola 105. S. Augustinus, ubi pluribus Scripturæ testimoniis Christum, quem agnoscebant Donatistæ, significatum fuisse & demonstratum docuit, addit ibidem, iis etiam Scripturis notæ contineri quibus agnoscere possumus veram Christi Ecclesiam; & ita tandem sub finem Epistolæ concludit: *Ecce Scripturæ communes, ecce ubi novimus Christum, ecce ubi novimus Ecclesiam. Si Christum ipsum tenetis ipsam Ecclesiam quare non tenetis? Si in ipsum Christum, quem legitis, & non videtis, tamen propter veritatem Scripturarum creditis, quare Ecclesiam negatis, quam & legitis & videtis?* *T. 2. p. 303, L.*

Ecclesia igitur & Scriptura mutuam sibi lucem communicant: Ecclesia Scripturæ veritatem probat, Scriptura Ecclesie infallibilem auctoritatem, quamquam in dispari probationis gradu. Ecclesia, utpote societas externa & visibilis, prior est ac notior Scriptura, cuius aperta nobis & evidens sit veritas ex variis, quibus tundique splendescit inotivis credibilitatis. Sic autem demonstrata Ecclesie veritate; ipsammet Scripturam, cuius custos est ac interpres, Ecclesia demonstrat; & vicissim Scriptura supremam & infallibilem auctoritatem Ecclesie probat & asserit. Hæc igitur mutua probatio vitiosus non est circulus, cum fiat in diverso probationis gradu.

Non etiam ex testimoniis contra Manichæos, quos premit argumento, ut dicitur, ad hominem, atque in eorum hypothesi. Manichæi scilicet non aliam admittebant Ecclesie notam & probationem, quam doctrinæ veritatem; qua in hypothesi non dubitat asserere S. Doctor, *quod si Veritas tam in dubium venire non possit, eam esse præponendam omnibus illis rebus quibus ipse in Catholica Ecclesia tenebatur.* At veritatem ita esse evidentem & manifestam non fatebatur August. *Si enim, inquit, ibid. hac*

hæc manifesta veritas tantummodo promittitur, & non exhibetur, nemo memò-  
vebit ab ea fide quæ animum meum tot & tantis nexibus Christianæ Religionis  
adstringit. Non igitur ex propria sua mente atque sententia, sed in hy-  
pothesi dumtaxat Manichæorum, quam non admittit, facetur veram  
doctrinam esse notam Ecclesiæ.

Eodem fere modo arguebat idem S. Doctor contra Donatistas, cum  
promittebat se in eorum partes consensurum, vel unum Scripturæ lo-  
cum proferre possent, qui suæ sententiæ evidenter faveret. Idipsum quo-  
que ajebant trecenti Episcopi Ecclesiæ Catholice, in illa celebri Collatione  
Carthaginensi quæ cum iis habita est, sicut refert S. Augustinus in Colla-  
tione prime diei c. 5. & L. de gestis cum Emerito Donatistarum Episcopo.  
An propterea dici potest Augustinum, vel illos Catholicos Episcopos  
dubitasse de veritate Ecclesiæ Catholice, aut probationum quibus evin-  
cebant eam non esse in parte Domini? minime profecto: sed id offere-  
bant & pollicebantur, certi Donatistas omni probatione esse destitutos.

Objecies 3. S. Chrysostomus Hom. 49. in c. 24. S. Matth. sic loquitur:  
*Edition. Quare jubet (Christus) in hoc tempore omnes Christianos conferre se ad Scripturas?*  
Comm. l. Quia in tempore hoc, ex quo obtinuit heresis illas Ecclesias, nulla probatio  
p. 952. esse potest vera Christianitatis, neque refugium potest esse Christianorum aliud vo-  
lentium cognoscere fidei veritatem, nisi Scripturae divinae. Antea enim multis mo-  
dis ostendebatur, quæ esset Ecclesia Christi, & quæ gentilitas: nunc autem nullo  
modo cognoscitur, volentibus cognoscere quæ sit vera Ecclesia Christi, nisi tantum-  
modo per Scripturas; Et postea ubi attulit præcipuum rationem propter quam  
non potest amplius agnosciri Ecclesia nisi per Scripturas, quia scilicet,  
ib. C.D. quæ olim veram Religionem distinguebant ab heretica, sunt iam utrique commu-  
nalia, ut Episcopi, Ordinesque Clericorum, Baptismus, Eucharistia, Scripturæ,  
Ibid. F. miracula, mores Christianorum, Christus ipse; postea concludit: Qui vult er-  
Ibid. col. 2. go cognoscere quæ sit vera Ecclesia Christi, unde cognoscat nisi tantummodo per  
Scripturas? & postea: Alioqui si ad alia res pexerint, scandalizabantur & pe-  
ribunt, non intelligentes quæ sit vera Ecclesia.

Resp. 1. hoc Opus imperfectum in Matthæum in Homilias 44. divisum  
non esse S. Chrysostomi, licet sub ejus nomine laudetur in Officiis Eccle-  
siasticis, in Gratiano, in Summa sancti Thomæ: tum quia utitur vulgata  
versione latina Scripturæ sacré; tum quia citat Libros apocryphos, Librum  
nempe Seth, Ezechiae, Itinerarium Clementis, quorum certe nullus apud  
genuinum Chrysostomum usus; tum denique quia multa continet dogma-  
ta falsa, heretica, verae sancti Chrysostomi doctrinæ plane adversa.

Resp. 2. eo sensu in mente hujus Auctoris, dici posse Scripturam es-  
se notam Ecclesiæ, quod ipsa sola nobis subministret veras notas qui-  
bus possumus eam secernere ab hereticorum conventiculis, cum quibus  
multa communia habemus.

Objecies 4. Nulla res cognosci potest absque cognitione eorum quæ ad  
ejus essentiam pertinent, & ipsius definitionem ingrediuntur: atqui vera  
Christi doctrinæ pertinet ad essentiam Ecclesiæ, & ejus definitionem in-  
greditur: definitur enim Ecclesia, Societas veram Christi doctrinam &  
fidem profitantium; ergo, &c. Hoc argumentum putat Molinæus de-  
monstrativum & insolubile, L. 2. aduersus Card. Petronium c. 16.

Resp. distinguo maj. Si questio sit de cognitione rei perfecta & quid-  
dita-

ditativa, qua nimirum penetretur quid sit res, & quæ sit ejus essentia, concedo: si questio sit de cognitione minus perfecta, & aliter quam secundum essentiam, seu quantum sufficit dumtaxat ut cognoscatur, ubi & quenam illa sit, nego. Plurima cognoscimus certo & evidenter, quantum satis est ut certo ea ab aliis distinguamus, quorum tamen essentiam penetrare non possunt etiam ii qui maxime sunt perspicaces: sic facile est & omnibus obvium secernere frigus a calore, lucem a tenebris, locum, tempus, ea tamen intelligere & explicare nihil difficilis. Sic fatemur Ecclesiae naturam non posse cognosci, quin vera Christi doctrina cognoscatur; sed necesse non est ut ejus natura penetretur ab iis omnibus a quibus adiri debet: alioqui vel rudioribus non pateret, vel eam saltem ingredi non tenerentur, cum ipsius cognoscendæ sint incapaces, aut ex imperitia, aut ex defectu ingenii. Præterea, tantum abest ut per cognitionem doctrinæ & verbi divini homines adducantur ad Ecclesiam, quia imo contendimus per Ecclesiam adducendos esse ad cognitionem veræ doctrinæ; adeoque secundum originem generationis & naturæ, cognitione fidei supponit cognitionem Ecclesiae, juxta Apostolum Rom. 10.v.15. *Quomodo credent ei quem non audierunt? Quomodo vero prædicabunt, nisi mittantur?* At missio, nisi fuerit prorsus extraordinaria, non potest fieri nisi per auctoritatem Ecclesiae.

Objicies 5. Illa est vera Ecclesia nota, quæ semper usurpata fuit, vel ut secerneretur a falsa, vel ut ipsa, cum paullulum defecerat, restitueretur & pristinos resumeret veræ Ecclesiae characteres; atqui veritas doctrinæ semper usurpata fuit, tum ut secerneretur vera Ecclesia a falsa, tum ut in prima conditione restitueretur.

Ac primo ut secerneretur a falsa. Sic Judæa ut vera Dei Ecclesia agnita fuit, Samaria autem ut falsa; quia filios, quos per circumcisio-  
nem genuerat, a vera doctrina, a vero cultu avocabat, atque immola-  
lare in excelsis permittebat.

Secundo, ut restauraretur vera Ecclesia, ubi a pristino suo statu defecerat. Sic in veteri Testamento, ut restauraretur Synagoga, statim a vero cultu Dei, a vera doctrina & legitimo sacrificiorum & Sacramen-  
torum usu reparandis incepta fuit reformatio. Ita Josias impiis Regi-  
bus Manasse & Amon succedens, ut Synagogam restitueret, statim Le-  
gem Dei proponit, deinde Pascha celebrat, IV. Regum 23. Idem fe-  
cerunt Neemias & Esdras.

Resp. nego min. Neque enim afferri potest pro nota veræ Ecclesiae, quod Hæretici apud se habere semper gloriati sunt, quamquam imme-  
rito: atqui testatur sanctus Augustinus, nullam fuisse Hæreticorum se-  
ctam quæ non gloriaretur se puram habere doctrinam.

Ad primam probationem dico: non propter doctrinæ puritatem, Je-  
rusalem Civitatem ac veram Ecclesiam habitam fuisse: tum quia  
& doctrina & sacrificia aliquando corrupta fuerunt a Judæis, quemad-  
modum de ipsis conqueritur Ezechiel Prophetię suę c. 16. v. 23. tum quia  
hæc aliquando pura fuere apud Samaritanos: sed ideo non censebatur  
Samaria esse vera Ecclesia; quia, ut refert Josephus L. 13. Antiquitatum  
c. 6. continuas Pontificum in Sacerdotio successiones numerabat Judgea,  
non Samaria; utpote cum in monte Garizim recentius ædificatum fuis-  
set templum Dei, nempe circa tempora Alexandri magni.

Ad secundam: merito vera doctrina, & rectus Sacramentorum usus restitui debent, ut reparetur Ecclesia quæ ab iis defecerat; sed hinc inferri non potest esse notæ Ecclesiæ restitutæ: sunt quidem fructus restitutio[n]is, non vero notæ; nam Sacra[m]enta, Evangelium, &c. possunt esse apud Hereticos, ut observat S. Augustinus Sermonे super gestis Emeriti. Sicut igitur si coorta seditione desertor aliquis vexilla regia in loco eminentiori figeret, ut iis conspectis subditos Regis in partes suas trahe-ret, temere concurrerent subditi ad sola vexilla jam penes desertores posita: sic plane tutum non est recurrere ad eam Ecclesiam quæ prædicat se habere veram doctrinam & vera Sacra[m]enta; cum hæc desertores Ecclesiæ penes se habere dicant: sed quemadmodum eo recurrendum est, ubi sunt Duces Reges & Magistratus legitimi, ita configiendum est ad eam Ecclesiam in qua sunt veri & Apostolici Pastores, id est, ubi appetit antiquitas, universalitas, successio, unitas. Unde S. Augustinus Lib. 3. contra Petilianum c. 5. *Nihil*, inquit, prædicans nomen Christi; & gestans ac ministrans Sacramentum Christi sequendus est contra unitatem Christi.

Objicies denique. Scriptura fidei & doctrinæ examen præmittere solet cognitioni & communioni veræ Ecclesiæ. Matth. 28. v. 19. *Euntes docete omnes gentes, baptizantes eos.* Act. 2. v. 42. adjunguntur Ecclesiæ qui docti prius fuerant per Apostolos: & c. 8. v. 12. qui credunt Samariæ, baptizantur. Ut ergo in adultis fides debet præcedere Baptismum, qui est introitus in Ecclesiam; ita fidei examen & cognitio debet præcedere cognitionem Ecclesiæ. Unde Christus Joan. 5. v. 39. ait: *Scrutamini Scripturas... illæ sunt quæ testimonium perhibent de me.*

Favent SS. Patres.

*Ed. Ma-* S. Hieronymus in Ps. 133. *Ecclesia*, inquit, *non parietibus consistit, sed rian.* in dogmatum veritate. *Ecclesia ibi est, ubi fides vera est.*

*T. 4. p.* S. Ambrosius in Luc. 1..6. n.68. *Fides Ecclesiæ*, ait, *in primis querenda mandatur, in qua si Christus habitator sit, haud dubie sit legenda.* *Sin vero 1399. D. perfidus populus, aut preceptor hereticus deformet habitaculum, vitanda hereticorum communio, fugienda Synagoga censetur.*

*T. 9. p.* S. Augustinus L. de unitate Ecclesiæ c. 3. n. 5. *Non audiamus*, inquit, *Hæc dico: sed audiamus, Hæc dicit Dominus. Sunt certe Libri Dominici, quorum auctoritate utrique consentimus, utrique cedimus, utrique servimus: ibi queramus Ecclesiam, ibi discutiamus causam nostram.*

Resp. hæc frustra nobis opponi, quæ non negamus, nec Conclusio-nem nostram attingunt, si argumenti æquivocatio tollatur.

Distinguo igitur antecedens: Scriptura fidei ac doctrinæ examen præmittere solet, tamquam dispositionem in adultis necessariam ad percipienda fidei Sacra[m]enta, concedo: tamquam veram & propriam Ecclesiæ notam, nego. Doctrina quippe illa fidei qua prius informari necesse erat eos omnes qui ad Christum accedere volebant, a quibus tradebatur, nisi ab Apostolis, aut viris Apostolicis, hoc est ab ipsam Ecclesia? Ergo vera doctrina per Ecclesiam prius tradebatur & cognoscenda erat, non vero Ecclesia per doctrinam. Qui porro ea Ecclesiæ doctrina prius imbuti fuerant, ii societati fidelium, seu corpori Ecclesiæ inserebantur & incorporabantur per Sacramentum Baptismi. Nihil profecto aliud ex citatis testimoniis extundi potest.

Licetum esse, imo & necessarium Scripturas legere & scrutari, ac doctrinam in ea contentam deprehendere, quis negat? nemo. Nec in eō versatur, ut jam observatum fuit, præsens cum Novatoribus controversia; sed in hoc uno, utrum necesse sit prius cognosci veram doctrinam, quam Ecclesiam. Negant Orthodoxi: quia vera doctrina non ex privato cujuscumque, sed ex publico Ecclesiæ sensu ac judicio aestimanda est ac retinenda.

Non aliud est SS. Patrum, qui laudati sunt, sensus; in primis vero S. Augustini, qui disputans contra Donatistas, non ad Ecclesiam, de qua non conveniebant, sed ad Scripturam, quam illi admittebant, eos provocare necesse habuit, ut ex ea veras Ecclesiæ notas, seu veræ Ecclesiæ naturam & characteres dignoscerent. *Quæstio inter nos* versatur, ajebat S. Doctor Libro mox citato, ubi sit Ecclesia, utrum apud nos, utrum apud illos. *Ibid. p. 338. A.*

### ARTICULUS SECUNDUS.

*De unitate Ecclesiæ.*

**E**cclæsia est vivum corpus. Præcipua vero unitas corporis consistit in coniunctione membrorum cum capite inter se.

De unione membrorum cum capite, suus erit postea dicendi locus, cum expendemus an vera Christi Ecclesia sit Romana: hic vero agimus de unione membrorum inter se.

Non est autem quæstio de unitate materiali seu loci, sed de unitate formalis & totius. Certum quippe est plurimas esse per orbem sparsas particulares Ecclesias, quæ uno vinculo inter se coniunctæ ac colligatae, unam componunt totalem & universalem Ecclesiam. *Tot ac tantæ Ecclesiæ*, ait *P. 208.* Tertullianus L. de Præscript. c. 20. una est illa ab Apostolis prima, ex qua *Dicitur* omnes. *Sic omnes prima; & Apostolicæ*, dum una omnes probant unitatem. *Numerositas licet diffusa videatur ... inquit S. Cyprianus de unitate Ecclesiæ*, *P. 181.* unitas tamen servatur in origine. Quam unitatem Apostolus illustrat comparatione corporis humani, quod unum est, licet multa habeat membra. *Sicut enim*, ait I. Cor. 12. v. 12. *corpus unum est, & membra habet multa*, omnia autem membra corporis cum sint multa, unum tamen corpus sunt: & v. 20. *Nunc autem multa quidem membra, unum autem corpus.*

Multiplex autem distingui potest membrorum Ecclesiæ inter se unio, seu multiplex in Ecclesia unitatis species: 1. ratione principii, Dei scilicet vocantis; 2. ratione finis, nempe vitæ æternæ, quam speramus & ad quam vocati sumus; 3. ratione capitum tum esentialis & invisibilis, nempe Christi; tum ministerialis ac visibilis, Romani nimirum Summi Pontificis; 4. ratione mediiorum, nempe Sacramentorum, per quæ salutem consequi possumus ac debemus; 5. ratione charitatis, pacis ac concordiæ. *Solliciti servare unitatem spiritus in vinculo pacis*, ait S. Paulus ad Eph. 4. v. 3. & ad Philipp. 2. v. 2. *Idem sapiatis, eamdem charitatem habentes, unanimis, idipsum sentientes*: de qua unitate dicitur Act. 4. v. 32. *Multitudinis credentium erat cor unum & anima una*; 6. ratione unius panis Eucharistici. I. Cor. 10. v. 17. *Unus panis, unum corpus multi sumus, omnes qui de uno pane participamus*; 7. ratione subjectionis legitimis Pastoribus: idcirco enim Pastores a Christo datos esse ait, ut omnes occurramus in uni-

unitatem fidei, *Alios dedit . . . . Pastores & Doctores ad consummationem Sanctorum in opus ministerii, donec occurramus omnes in unitatem fidei.* Ephes. 4. 12. 8. denique, ratione fidei ac doctrinæ.

Istas fere omnes unitatis species complectitur Apostolus Eph. 4. v. 3. 4. & 5. his verbis: *Solliciti servare unitatem spiritus in vinculo pacis. Unum corpus, & unus spiritus, sicut vocati estis in una spe vocationis vestrae. Unus Dominus, una Fides, unum Baptisma. Unus Deus & Pater omnium.*

De sola fidei ac doctrinæ unitate hic potissimum controvertitur adversus Novatores; utrum scilicet unitas Ecclesiæ subsistere possit in omni & qualibet societate nominis Christiani, ubi tamen non eadem occurrat, sed diversa fidei doctrina.

*Status questionis cum Novatoribus Lutheranis & Calvinistis.*

Observandum I. quod licet Novatores Lutherani & Calvinistæ fateantur ad naturam Ecclesiæ omnino spectare fidem, Sacra menta & Pastores, atque Catholicorum more nonnunquam hac in parte loqui videantur, multum tamen sit discriminis inter illorum & Catholicorum sententiam.

1. Quantum ad fidem, volunt Catholici eam esse necessariam, quæ saltem in genere omnes errores ab Ecclesia proscriptos excludat: Hæretici autem, in primis Jurius, qui de unitate Ecclesiæ Tractatum edidit Roterodami excusum an. 1688. Hæretici, inquam, docent eam sufficere fidem, quæ veritates fundamentales profiteatur, licet alios errores ab Ecclesia proscriptos admittat.

2. Quantum ad Sacra menta, volunt Catholici ita eamdem esse debere Sacramentorum participationem, ut per eam omnes fideles in una dumtaxat communione sibi invicem conjungantur: docent autem Hæretici, satis esse usum Sacramentorum habere in aliqua ex iis societatis bus quæ veritates fundamentales profitentur; et si nulla sit communio cum iis, quas veras Ecclesiæ, in quibus salus æterna obtineri potest, agnoscunt.

3. Quantum ad Pastores, volunt Catholici necessariam esse subjecti onem legitimis & Apostolicis Pastoribus unicæ & individualis communionis quæ vocatur Ecclesia Catholica & Romana: docent autem Hæretici, satis esse si adhereant fideles Pastoribus alicujus societatis, quæ in articulis fundamentalibus non errat.

Atque ex iis principiis sequitur in sententia Novatorum, Ecclesiam Catholicam & universalem in quibuslibet societatibus diffusam esse, veraque habere membra in iis omnibus, modo constanter perseverent in articulis fidei fundamentalibus; licet nullam inter se communionem habeant, immo mutuis sententiis se dilacerent ac excommunicent. E contra vero docent Catholici, corpus Ecclesiæ unicum esse & individuale, cuius omnia membra, quamprimum ratione uti possunt & libertate, eodem communionis vinculo inter se colligantur, aut actuali communione, si nihil obsit, aut saltem voto ac desiderio, si per vim ac invitio fideles ab illa communione reali arceantur. Tales essent qui in Insulam desertam fuissent amandati, aut apud Infideles & Hæreticos in captivitate detenti, aut injuste excommunicati: tales sunt etiam infantes, qui licet ab Hereticis baptizati sint, Christo tamen pariuntur ab

Ecclesia, quæ generat & per uterum suum, & per uteros ancillarum, ut loquitur S. Augustinus Libro 1. de Baptismo c. 10.

Observandum II. controversiam quæ Catholicos inter & Hæreticos movetur circa unitatem Ecclesiæ, in eo jam esse positam, utrum scilicet inter omnes societas, quæ in Christianorum Religione nunc occurunt, una dumtaxat earum sit vera Christi Ecclesia, in cuius solius finu sint electi, veri fideles, membra Christi, & extra quam nulla sit speranda salus. Sic affirmant Catholicæ: e contra Hæretici fatentur quidem extra universalem Ecclesiam nullam esse spem salutis: at volunt omnes ac diversas Christianorum seetas ad Ecclesiam illam universalem pertinere; atque in qualibet societate, quæ in articulis, ut vocant, fundamentalibus non errat, posse salutem & expectari & obtineri.

Observandum III. quod etsi Novatores non satis inter se consentiant in designandis ac figendis articulis, quos appellant fundamentales, hec nihilominus apud ipsos generatim agnoscatur articulorum fundamentorum idea & notio: nempe, veritas fundamentalis ea est, quæ Christianæ fidei ita est essentialis, ut qui negare eam audeat, nullam possit habere spem salutis; sive tandem ea veritas ab Ecclesia definita fuerit, sive non: ut Trinitas personarum in Deo; Verbi Divini Incarnatio. Veritas autem non fundamentalis est quæcumque alia, sive ab Ecclesia definita sit, sive non, quæ sine salutis dispendio ignorari aut etiam negari potest.

Observandum IV. longe diversam esse Catholicorum sententiam circa veritates fundamentales. Scilicet Catholicæ observant aliquos articulos dici posse fundamentales, aut comparate ad fidem & revelationem, aut comparate ad se invicem. Fatentur quidem aliquos articulos præ aliis dici posse fundamentales dupli sensu: vel quia aliquorum, non vero omnium distincta & explicita fides ad salutem sit necessaria, v.g. Trinitatis, Incarnationis; vel quia unus articulus est radix ac fundamentum alterius: v. g. duplex in Christo natura radix est ac fundamentum duplicitis in eo voluntatis & operationis. Verum hæc explicatio præsenti questioni extranea est & aliena. Contendunt igitur Orthodoxi omnes, comparate ad fidem & revelationem, omnes articulos revelatos esse hoc sensu fundamentales, quod illos negare aut impugnare nemini, qui salvus esse velit, licitum sit. Similiter errores fundamentales esse, statim atque ab Ecclesia damnati sunt & proscripti; nemine unquam licere eos contra sententiam Ecclesiæ propugnare.

Ut vero Novatorum errores circa unitatem Ecclesiæ impugnemus, tria nobis præstanda sunt.

1. Probandum ita Christi Ecclesiam esse unam, ut quaslibet alias societas, quarum fides etiam in articulis non fundamentalibus diversa est, excludat, & extra quam nulla sit speranda salus.

2. Ecclesiam Catholicorum habere illam unitatem, quæ nota est & character veræ Ecclesiæ, non vero Ecclesiam Reformatorum.

3. Nulla unquam de caussa fieri posse separationem ab Ecclesia Christi.

## PRIMA CONCLUSIO.

Vera Christi Ecclesia ita est una, ut prorsus excludat quacumque alias societates, quarum fides diversa est & erronea in articulis etiam non fundamentalibus, & extra ipsam nulla sit speranda salus.

Tres sunt Conclusionis partes.

Prima pars, quod nempe Ecclesia sit una, facile probatur, tum ex Scripturis; tum ex Traditione constanti SS. Patrum: neque hoc in capite diutius nobis erit immorandum, cum repugnantes non habeamus Novatores.

I.-Unitatem Ecclesiae demonstrant, nomina, figuræ & parabolæ, quibus eam exprimunt Scripturæ sacræ: namque propter illam unitatem Ecclesia vocatur Corpus Christi, Ovile, Sponsa. Propter illam unitatem adumbrata fuit per Paradisum terrestrem, Arcam Noe, Templum Jerosolymitanum, Vestem Christi inconsutilem. Propter illam unitatem a Christo designata fuit parabolis, Agri, qui unus est, Sagenæ, quæ in unum congregat, Areæ, quæ paleas cum granis colligit.

Præterea, hanc unitatem diserte declarat Apostolus I. ad Cor. 12. v. 12. comparatione corporis humani, quod unicum est, licet variis membris confit ad varia officia destinatis: nempe tum propter unitatem capitum; tum propter unionem membrorum cum capite. *Sicut enim, inquit, corpus unum est, & membra habet multa; omnia autem membra corporis cum sint multa, unum tamen corpus sunt; ita & Christus.* Etenim in uno spiritu omnes nos in unum corpus baptizati sumus. Prosequitur Apostolus eamdem comparationem usque ad finem capitum, & v. 27. sic concludit: *Vos autem estis corpus Christi, & membra de membro.*

Ex multis capitibus Apostolum demonstrare unitatem Ecclesiae, paulo ante ostendimus ex Epistola ipsius ad Ephes. c. 4. v. 3. 4. & 5.

II. Eamdem Ecclesiae unitatem declarat constans ac perpetua SS. Patrum Traditio: paucos hic appellasse sufficiat, quorum judicium & auctoritatem proterve omnino ac inverecunde rejicit Jurius, quasi jam tum, hoc est III. & IV. sæculo, sibi falsam effinxissent unitatis Ecclesiae ideam ac notionem.

S. Cyprianus in eo, quem de præsenti arguento, scripsit Libro, pluribus adversus Novatianos probat Ecclesiam esse unam. *Episcopatus,* inquit, *unus est, cuius a singulis in solidum pars tenetur. Ecclesia quoque una est, quæ in multitudinem latius incremento fecunditatis extenditur: quomodo Solis multi radii, sed lumen unum; & rami arboris multi, sed robur unum tenaci radice fundatum, & cum de fonte uno rivi plurimi defluunt, numerositas licet diffusa videatur exundantis copiæ largitate, unitas tamen servatur in origine. Avelle radium Solis a corpore, divisionem lucis unitas non capit: ab arbore frange ramum, fractus germinare non poterit: a fonte præcide rivum, præcisus arescit...* Qui relinquit Ecclesiam Christi, alienus est, prophanus est, hostis est. Habere jam non potest Deum Patrem, qui Ecclesiam non habet matrem. Et sub finem Tractatus: *Deus, inquit, unus est, & Christus unus, & una Ecclesia ejus, & fidès una, & plebs in solidam corporis unitatem concordiae glutino cœpulata.*

Pag. 8. S. Optatus Milevitanus L. 1. ante medium: *Christus, inquit, sponsus est*

est unius Ecclesiae, sicut in Canticis Cantorum ipse testatur: qui cum unam laudat, ceteras damnat.

S. Aug. ex professo in suis contra Donatistas operibus probat Ecclesiam esse unam. Idem argumentum aliis passim in locis tractat S. Doctor, cuius mens atque sententia tam nota est ac omnibus manifesta, ut necesse non videatur hic ipsius verba exscribere.

Secunda pars, nempe Ecclesiam ita esse unam, ut excludat quascumque alias Hæreticorum societates in fide etiam non fundamentali diversas.

Probatur 1. quia incognita est toti antiquitati hæc Jurii opinio, qua vult Ecclesiam universalem complecti omnes etiam Hæreticorum sectas, modo non errant in fundamentis fidei. Nihil quippe frequentius apud antiquos, seu Patres, seu fideles, quam nomen Ecclesiae, quam se credere publice profitebantur; imo & nomen Catholicæ, quo særissime utebantur, ut Ecclesiam, cuius professione gloriabantur, distinctius significarent: atqui nusquam his nominibus intellexerunt societatem universalem, quæ omnes complecteretur; imo vero unicum communionem, a qua quilibet Hæretici excluderentur, his nominibus significari clare ac distincte docuerunt.

Ac 1. nomine Ecclesiae unicam communionem intelligi docuerunt.

S. Irenæus lib. 3. aduersus hæreses cap. 4. ubi dicit veritatem in seculis Hæreticorum querendam non esse, quam facile est invenire in Ecclesia: & Marcionem sære in Ecclesiam venisse, sed ab ea tandem ejectionem fuisse. Hujuscem Ecclesiae centrum esse Romanam Ecclesiam tradit <sup>P. 173.  
n. 1.</sup> ibid. cap. 3. Ad hanc, inquit, Ecclesiam propter potiorem principalitatem <sup>P. 175.  
n. 2.</sup> esse est omnem convenire Ecclesiam, hoc est, eos qui sunt undique fideles, in qua semper ab his qui sunt undique conservata est ea quæ est ab Apostolis Traditionis. Et lib. 1. c. 10. omnes Ecclesiæ in unitatem fidei consentire assenserunt: Nam, <sup>Pag. 49.</sup> inquit, et si in mundo loquela dissimiles sunt, sed tamen virtus Traditionis una & eadem est. Et neque haec quæ in Germania sunt fundatae, Ecclesie aliter credunt, aut aliter tradunt; neque haec quæ in Hiberis sunt, neque haec quæ in Celtis, neque haec quæ in Oriente, neque haec quæ in Ægypto, neque haec quæ in Libya, neque haec quæ in medio mundi constituta.

Tertull. lib. de Præscriptionibus cap. 4. ait non minorem esse Ecclesiae <sup>P. 203.  
D.</sup> persecutionem per hæreses, quam per ipsum antichristum. Et c. 21. Quid <sup>P. 209.  
A.</sup> prædicaverint (Apostoli,) inquit, id est, quid illis Christus revelaverit, & hic præscribam non aliter probari debere, nisi per easdem Ecclesiæ quas ipsi Apostoli condiderunt, ipsi eis prædicando, tam viva, quod ajunt, voce, quam per Epistolas postea. Si hæc ita sunt, constat proinde omnem doctrinam, quæ cum illis Ecclesiæ Apostolicis matricibus & originalibus fidei conspiret, veritati deputandam & sine dubio tenentem quod Ecclesia ab Apostolis, Apostoli a Christo, Christus a Deo acceptit: omnem vero doctrinam de mendacio præjudicandam, quæ sapiat contra veritatem Ecclesiæ, & Apostolorum, & Christi, & Dei.

S. Clemens Alexandrinus lib. 7. Strom. In unius, inquit, naturæ fortem cooptatur Ecclesia, quæ est una, quam conantur hæreses in multas discindere; & eaque, quæ antiqua est & Catholicæ, una est propter unitatem fidei.

Origenes lib. 1. in Job. Ad dimicandum, inquit, adversus Ecclesiam, non erit tantum cornua, sed innumera atque inestimabilia omnes sectæ atque hæreses faciunt; per quas universas adversus Ecclesiae unitatem incessanter dimicant.

Tournely de Ecclesia. Tom. V. Pars I.

D

S. Hi-

<sup>Ed. Par.  
1612. p.  
749.</sup>

<sup>Ed. Par.  
6119.  
p. 245.  
col. 1. A.</sup>

*Ed. n. u. v.* S. Hilarius lib. 7. de Trinit. nu. 4. *Hæretici*, ait, *omnes contra Ecclesiam* p. 917. E. *veniunt*; *sed dum Hæretici omnes se invicem vincunt, nihil tamen sibi vincunt*; *Victoria enim eorum, Ecclesiæ triumphus ex omnibus est, dum eo hæresis contra alteram pugnat; quod in hæresi altera Ecclesiæ fides damnat...* & inter hæc fidem nostram, dum sibi adversantur, affirmant.

*T. 4. par.* S. Hier. Dial. contra Luciferianos circa finem, dicit *societatem Marcionitarum, Valentinianorum, Montanistarum, Novatianorum non esse Ecclesiam Dei, sed Synagogam antichristi*. Paullo ante dixerat, *se omnes propositionum rivulos uno Ecclesiæ sole siccare posse*.

*Conc. Laodicenum Can. 9.* probibet iis qui sunt de Ecclesia, suas preces offere in Oratoriis Martyrum quæ ad Hæreticos pertinent; & Canon. 10. iisdem vetat, ne filios suos cum Hæreticis matrimonio conjungant.

*Tom. 1.* Concilium Constantinop. I. quod est universale II. an. 381. Can. 6. eos hæreticos appellat, qui ab Ecclesia abdicati sunt, & anathematizati: & eos qui se sanam fidem confiteri præferunt, avulsi autem sunt & abscessi & adversus Canonicos nostros Episcopos congregationem faciunt.

*Conc. V. generale actione 5.* ait, *eos qui se Hæreticis adjungunt, a Sancta Dei Ecclesia anathematizari & damnari*. Quæ quidem Ecclesiæ acceptio ut jam apud omnes invaluerat, ut Conc. Carthaginense IV. can. 71. expresse prohibeat, ne nomen Ecclesia conventiculis Hæreticorum detur. Quod etiam prohibitetur legibus imperialibus, sicut legi potest in Codice Lib. 5. c. 3. de Hæreticis.

2. Nomine etiam Catholicæ Ecclesiæ unicam communionem intellexerunt.

*Ed. Par.* S. Justinus Dial. cum Tryphone. *Sunt igitur, inquit, & fuerunt viri amici permulti, qui athea (hoc est impia) & blasphema & dicere & facere docuerunt, in nomine Jesu progressi: & sunt a nobis, sub nomine eorum virorum, unde doctrina & sententia quælibet extitit, denominati... cum quibus nihil nobis est communionis, atheos atque a Deo alienos, & impios, & injustos & iniquos ipsos esse scientibus.*

*P. 212. C.* Tertull. Libr. de Præscriptionibus cap. 30. ubi dicit Valentimum & Marcionem, antequam suas hæreses docerent, *in Catholicæ primo doctrinam credidisse apud Ecclesiam Romanensem... donec ob inquietam eorum curiositatem semel & iterum ejecti fuerunt.*

Doctrina Catholicæ, juxta Tertullianum, est doctrina Ecclesiæ Catholicæ, quam hæreticis sectis opponit.

*P. 749.* S. Clemens Alexandr. Lib. 7. Stromatum docet Conciliabula Hæreticorum longe esse posteriora antiqua Ecclesia, quam unicam tantum esse affirmat, quamvis optarent hæreses in plures sectas dividere.

Alexander Patriarcha Alexandr. in Epist. ad Alexandrum Patriarcham *Ed. Par.* Constantinop. quam refert Theodor. Hist. Eccl. lib. 1. cap. 3. dicit se 1642. T. credere unam & solam Catholicam Apostolicam Ecclesiam, inexpugnabilem semper, et si totus eam mundus oppugnare instituat; victricemque omnis impie diversa sentientium rebellionis.

*Conc. Nicaenum* eodem sensu duobus in locis utitur nomine Ecclesiæ Tom. 2. Catholicæ, scilicet in Symbolo, ubi dicit eos, qui non credunt Filium Conc. p. esse cum Patre ejusdem substantiæ, anathematizari a Catholicæ & Apostolica 27. C. Ecclesia; & can. 8. ubi loquens de Catharistis, hoc est Novatianis redire

*ad Ecclesiam Catholicam volentibus, necessario supponit eos ab Ecclesia Catholica separatos fuisse.*

Conc. Constantinopolitanum I. Can. 7. postquam statuit Arianos, Macedonianos, Sabbatianos, Novatianos, Quartodecimanos, Apollinaristas sola unctione recipiendos esse, subjungit ab iis postulandum fidei professionem, qua scripto etiam declarant, *se anathematizare omnem heresim quae non sentit ut Sancta Dei Catholica & Apostolica Ecclesia.* *Ibid. p. 952. B.*

Conc. Sardicense in Epistola ad omnes orbis Episcopos quae refertur apud S. Athanasium Apologia 2. de fuga sua, Arianos nominatim excommunicans, dicit *aequum esse eos qui separant Filium a Patre, & Verbum a suo Patre alienant, ab Ecclesia quoque Catholica separari, & alienos indignosque haberi Christiano nomine.* *Ed. vet. T. I. p. 766. C.*

Episcopi Africani in errorum abjuratione facta a Leporio, postulaverunt ut profiteretur se suscipere & tenere, *quod ordo Ecclesiae tenet aut suscipit.* *Tom. 2. Conc. p. 1683. D.*

Cælestinus in Epistola ad Nestorium, quae refertur in Conc. Ephesino & in V. generali, monet ipsum separandum a communione Ecclesiae Catholicae & universalis, nisi amplectatur doctrinam quam sequitur Ecclesia Romana & Alexandrina: Profecto non comminatur S. Pontifex Nestorium excludendum esse a communione omnium sectarum, quarum nomine sic loqui non poterat, & quæ ejus auctoritatem prorsus spernebant. *Tom. 2. Conc. p. 361. D. E.*

Plures alios referre superfluum foret, cum Jurius ipse non diffiteatur Veteres hanc sibi unitatis Ecclesiae ideam effinxisse, quam erroneam esse proterve ille affirmat. *Tom. 5. Conc. p. 527. D.*

Probatur 2. Si Ecclesia ita sit una ut non excludat Hæretorum societas quæ non errant in præcipuis fidei fundamentis, sequeretur universam Ecclesiam Orientis & Occidentis per multa sæcula errasse, dum Baptismum ab Hæreticis, qui in fundamentalibus articulis errabant, collatum admisit. Namque, juxta Jurium & alios Ministros, sola vera Ecclesia potest legitimum conferre Baptismum; sola & omnis societas, quæ non errat in veritatibus essentialibus, est vera Ecclesia; & tamen universa Ecclesia tum Orientis, tum Occidentis; eorum Hæretorum admisit Baptismum qui in iis articulis errabant.

Ecclesia quidem Orientis: Nam expresse in suis Conciliis prohibuit, ne denuo baptizarentur qui Baptismum acceperant ab Arianis, a Macedonia-nis, ab Apollinaristis; hi tamen Hæretici fundamentales veritates negabant: Aiani, Divinitatem Filii; Macedoniani, Divinitatem Spiritu Sancti; Apollinaristi, animam rationalem a Christo assumptam.

Idem observavit & Ecclesia etiam Occidental is: Namque, teste S. Augustino L. 3. de Baptismo c. 15. omnium sine exceptione Hæretorum Baptismum ratum habuit, modo verbis Evangelicis collatus fuisset: adeo ut nec rejiciendum existimaverit, si vel ab ipso Marcione in nomine Patris & Filii, & Spiritus sancti collatus fuisset: & L. 4. c. 16. expendens Baptismum duorum, quorum unus baptizatus fuisset in heresi Photinianorum, alter vero in Ecclesia Catholica, putans doctrinam Photini esse Ecclesiae doctrinam; diserte asserit in neutro eorum Sacramenti veritatem repetendam esse. *Ibid. p. 115. G.*

S. Hieronymus in Dial. contra Luciferianos, testatur quoque ab Ecclesia Romana approbari Baptismum Arianorum; imo & ab ea admisum fuisse, quem dederant Ebioniti, Cerinthiani, Novatiani. *135. D.* *T. 4. par. 3. p. 305.*

Ex quibus patet, aut Ecclesiam Orientalem & Occidentalem universam per tot secula non fuisse veram Ecclesiam; utpote quæ erraverit dum admissit eorum Hæreticorum Sacra menta; vel si fuit vera Ecclesia, non distinxisse illos duplicitis generis errores; nec existimasse excludendos solum ab Ecclesiæ universalis societate eos, qui in fundamentalibus errant.

Probatur 3. quia ex hac Jurii sententia sequeretur, per sexdecim seculorum spatium nullum ex fidelibus Symbolum professionis suæ fidei, quo par est modo, intellexisse. Neque enim illi alio modo Symbolum suum intelligebant, quam eo qui ipsis exponebatur a Doctoribus & Episcopis horum temporum: atqui articulum de Ecclesia nunquam alia ratione exposuerunt sancti Patres, Episcopi, & Ecclesia universa, quam eo sensu, ut excludat omnes Hæreticorum sectas & societas; quod profecto maxime absurdum est.

Deinde illusoriae, falsa & injustæ fuissent fideli professiones quas a tempore Conc. Nicæni semper ab Hæreticis postulavit utraque Ecclesia, dum nempe ab ipsis exigebat, ut omnes hæreses ab eadem Ecclesia Catholica damnatas & proscriptas ejurarent.

Denique, omnes Episcopi tum Orientis tum Occidentis insignis injuriae & calumniæ rei fuissent, dum ita apud se esse Catholicam Ecclesiam professi sunt, ut ab ejus sinu omnes Hæreticos excluderent. Id factetur Jurius; at nemo huic usurpationi per duodecim secula contradixit. Adde quod non essent fugienda Hæreticorum consortia, quæ tamen fugienda esse, tam sèpe inculcant SS. Patres.

Tertia Conclusionis pars, nempe Ecclesiam ita esse unam, ut extra ipsam nemini sit speranda salus æterna.

Probatur 1. auctoritate SS. Patrum qui sex primis Ecclesiæ sacerulis fluerunt. Ita

P. 272. S. Irenæus L. 4. adversus hæreses c. 33. alias 62. ubi dicit quod Dominus judicaturus est eos omnes qui sunt extra veritatem, id est qui sunt extra Ecclesiam. Sed qui sunt extra veritatem sunt extra salutem: Christus enim est veritas, & ut ipse dicit Joan. 8. sola veritas potest nos liberare.

P. 181. S. Cyprianus L. de unitate Ecclesiæ, multis probat extra Ecclesiam non esse salutem. Quisquis ab Ecclesia segregatus adultere jungitur, a promissis Ecclesiæ separatur: nec perveniet ad Christi premia, qui relinquit Ecclesiam Christi. Habere jam non potest Deum patrem, qui Ecclesiam non habet matrem. Si potuit evadere quisquam qui extra Arcam Noe fuit, & qui extra Ecclesiam foris fuerit, evadit? & postea: Esse Marij non potest, qui in Ecclesia non est...

P. 183. Ardeant licet flammis & ignibus traditi, vel objecti bestiis animas suas ponant, non erit illa fidei corona, sed pœna perfidie, nec religiosæ virtutis exitus gloriosus, sed desperationis interitus. Occidi talis potest, coronari non potest. Jam & 184.

P. 180. supra dixerat: Quam unitatem firmiter tenere & vindicare debemus, maxime Episcopi qui in Ecclesia præsidemus, ut Episcopatum quoque ipsum, unum atque indivisum probemus. Nemo fraternitatem mendacio fallat, nemo fidei veritatem perfida prævaricatione corrumpat. Episcopatus unus est, cuius a singulis insolidum pars tenetur. Ecclesia quoque una est, quæ in multitudinem latius incremento fæcunditatis extenditur: quomodo Solis multi radii, sed lumen unum; & rami arboris multi, sed robur unum tenaci radice fundatum: & cum de fonte uno rivi plurimi defluunt, numerositas licet diffusa videatur exundans.

copia

copiae largitate, unitas tamen servatur in origine. A velle radium Solis a corpore, divisionem lucis unitas non capit: ab arbore frange ramum, fructus germinare non poterit: a fonte præcide rivum, præcisus arescit. Sic & Ecclesia Domini luce perfusa per orbem totum radios suos porrigit, unum lumen est quod ubique diffunditur, nec unitas corporis separatur. Non piget textum iterum repetere, adeo eximius est.

Et Epist. 62. ad Pomponium, de iis qui ab Ecclesia ejiciuntur <sup>p. 100.</sup> habet: Neque enim vivere foris possunt, cum domus Dei una sit, & nemini salus esse, nisi in Ecclesia possit.

S. Augustinus passim idem docet.

Lib. 4. de Symbolo ad Cathecumenos c. 13. Si quis, inquit, absque <sup>T. 6. p.</sup> Ecclesia inventus fuerit, alienus erit a numero filiorum, nec habebit Deum pa- <sup>582. c.</sup> trem, qui noluerit Ecclesiam habere matrem.

Lib. de unitate Ecclesiæ c. 19. Ad ipsam salutem ac vitam æternam ne- <sup>T. 2. p.</sup> mo pervenit, nisi qui habet caput Christum. Habere autem caput Christum ne- <sup>372. f.</sup> mo poterit, nisi in ejus corpore fuerit, quod est Ecclesia.

Sermone ad Cæfareensis Ecclesiæ plebem, Emerito præsente habitu n. 6. sic loquitur: Salutem non potest habere homo, nisi in Ecclesia Catholica. Ex- <sup>Ibid. p.</sup> tra Ecclesiam Catholicam totum potest præter salutem. Potest habere honorem, <sup>622. E.</sup> potest habere Sacramentum . . . sed nusquam nisi in Ecclesia Catholica salutem poterit invenire.

Ecclesia Africana duobus in Conciliis congregata idem prorsus sentit. In Carthaginensi IV. Can. 2. describitur fusa ratio explorandæ fidei in eo qui electus fuerit Episcopus; & inter illa de quibus ante Ordinacionem interrogandus est, hoc postremum venit, credat ne quod extra Ec- <sup>Tom. 2.</sup> clesiam nullus salvetur. <sup>Conc. p.</sup> <sup>1199. C.</sup>

In Concilio Cirtensi, cuius Epistola ad Donatistas legitur apud S. Augustinum Epistola 141. alias 152. n. 5. sic dicuntur: Quisquis ergo ab <sup>T. 2. p.</sup> hac Catholicæ Ecclesiæ separatus, quantumlibet laudabiliter se vivere exi- <sup>458. A.</sup> stimet, hoc solo scelere quod a Christi unitate disjunctus est, non habebit vi- <sup>Ed. Pa-</sup> tam, sed ira Dei manet super eum.

S. Fulgentius Lib. de fidei ad Petrum c. 39. Firmissime tene, & nul- <sup>Ed. Pa-</sup> latenus dubites, quemlibet hereticum sive schismaticum, in nomine Patris, & <sup>rif. 1684.</sup> Filii, & Spiritus sancti baptizatum, si Ecclesiæ Catholicæ non fuerit aggrega- <sup>p. 530.</sup> tus, quantascumque eleemosynas fecerit, eti pro Christi nomine sanguinem fu- derit, nullatenus posse salvari.

Probatur 2. rationibus theologicis. Tum quia ex Scripturis Ecclesia est corpus Christi, cuius membra sunt singuli fideles: atqui membrum quod non manet in corpore, vitam habere non potest. Tum quia Christus est verus Ecclesiæ sponsus; ac proinde non potest filios generare, nisi ex sua sponsa. Tum quia nulla est salus extra regnum Dei, extra Templum, Domum, & Civitatem Dei; sic autem vocatur Ecclesia: sicut tempore diluvii nulla fuit salus iis qui non fuerunt in Arca Noe conclusi.

Summa igitur est inter Catholicos, seu vera Ecclesiæ membra, doctri- nae fidei unitas atque consensio: non ita certe inter Hereticos, qui vix na- ti, varias in Sectas scinduntur ac dividuntur. S. Irenæus L. 1. c. 21. & seq. narrat heresim Simonis primi heresiarchæ mox divisam; & inde na- tas esse Sectas Menandrianorum, Saturnianorum, Basilidianorum, &c.

Item L.1. c.5. scribit de Valentinianis, quod cum essent plurimi, vix duo aut tres inter se conveniebant in omnibus dogmatibus. De Donatistis scribit Augustinus L.1. de Baptismo c.6. hæresim Donatistarum in multa minutissima frusta concisam fuisse suo tempore. Marcionitas mox divisos fuisse, & inde natos Lucianistas, Apellianos & Severianos, docet Epiphanius L.1. contra hæreses. Montanistas divisos esse in Pepesianos, Artotyritas, Phrygastas, scribit idem Epiphanius, L.2. Manichæos quoque in sectas divisos testatur Augustinus L.1. de hæresibus c.46. Messalianos autem divisos in Martyrianos, Sathanianos, Entusiastas, docet Epiphanius hæresi 80. Ariani mox divisi sunt in Acacianos, Macedonia nos, Eunomianos: patet ex Rufino L.10. Hist. c.25. Idem etiam Ariani singulis fere annis fidem mutabant, ut scribit Hilarius in utroque Libro ad Constantium; & ita de aliis Hæreticis, nequidem exceptis Lutheranis & Calvinistis: quod invicte demonstravit Illustrissimus ac doctissimus bonæ memoriae Bossuetius Episcopus Meldensis, in Opere eximio de Variationibus, &c. Quapropter de Hæreticis merito dicebat Tertullianus

P. 217. D. Libro de Præscript. c.42. *Variant inter se, dum unusquisque prouide suo arbitrio modulatur quæ accepit, quemadmodum de suo arbitrio ea composuit ille qui tradidit ... Idem licuit Valentianis, quod Valentino: idem Marcionitis, quod Marcioni de arbitrio suo fidem innovare.*

#### *Solvuntur Objectiones.*

Objicies 1. Explicari non potest in quo posita sit illa unitas Ecclesiæ universalis; neque facile intelligi, quomodo huic unitati non adveretur tanta hominum, ex quibus constat, multitudo, tantaque temporum diversitate & locorum distanca ab invicem diversorum.

Resp. I. in tribus potissimum esse positam Ecclesiæ unitatem: nempe 1. in universali & certissima ejusdem fidei ac doctrinæ consensione; 2. in simili Ecclesiæ ubique gentium administratione & regimine; 3. in dependentia ab uno Capite visibili Romano Episcopo, qui sit unitatis origo & centrum. Tria enim præsertim requiruntur ad unitatem alicujus societatis, scilicet unitas spiritus regiminis, & capitinis.

II. Temporum & locorum diversitas non obest unitati, modo sit eadem fides, idem regimen, idem caput. Porro hæc in Ecclesia Christi perpetua semper fuere; quæ laus est ac conditio ipsi plane singularis.

Instabis. Nota debet esse propria, sensibilis, & notior ipsa re quam significat: at hæc non convenient unitati.

Resp. nego min. namque 1. est propria Ecclesiæ Christi; cum nulla Secta constantem habuerit doctrinam, constans regimen, & idem caput, nempe Episcopum Romanum; 2. est sensibilis & notior Ecclesia; cum hec tria facile cuivis attendentí occurrant, & quænam sit vera Ecclesia satis manifeste indicent.

Objicies 2. Unitas quidem doctrinæ & regiminis necessaria est ut Ecclesia sit una; imo & requiritur unitas capitinis invisibilis, scilicet Christi: sed dependentia ab Episcopo Romano, & cum ipso communio, minime necessaria videtur.

Resp. nego postremam propositionis partem. Et certe cum Ecclesia sit corpus visibile & externum, requiritur etiam ut habeat aliquod caput

put visible & externum, cui adhaereant ac consocientur singula Ecclesiae membra. Caput autem illud est Summus seu Romanus Pontifex, qui est centrum unitatis a quo secessionem facere non licet, ut probant SS. Patres quos supra laudavimus, ubi Ecclesiae definitionem adversus Launojum vindicabimus.

Objicies 3. Doctrina illa de unitate Ecclesiae hic exposita multa secum infert absurdia & incommoda: 1. damnat omnes qui errant vel in minimo fidei articulo, vel communionem non habent cum Episcopo Romano, quod certe inhumanum est; 2. non distinguit inter ea quae Ecclesiae sunt essentialia, ut fides, Sacra menta, Ministri; & ea quae sunt ipsi accidentia, ut communio externa, & convenientia in articulis, non fundamentalibus; 3. statuit Ecclesiam posse suis Judiciis facere quosdam articulos fidei qui ante ejus sententiam non erant.


Resp. ad singula.

Ad primum, Plurima sunt in Religione nostra quae sunt verissima, sicut videantur duriora humanae rationi: reatus peccati originalis propter unum hominem; parvorum absque Baptismo morientium damnatio: pena aeterna iis omnibus peccatis inflata; de quibus mentio fit in Epistola ad Galatas; aeternitas ignis in vindictam vel unius peccati mortalis; praedestinatio unius & reprobatio alterius. An liceret ea omnia negare, quod duriora videantur? Deus certe summe justus est, atque judicia ejus cum tremore adoranda. Similiter eti durum videatur damnari omnes Hereticos & Schismaticos, non ideo tamen minus verum est, cum tota passim traditio doceat extra Ecclesiam non esse peccatorum remissionem, non esse charitatem, non esse salutem.

Ad secundum: Hac omnia Ecclesiae sunt essentialia. Communio externa essentialis est: cum enim sit corpus visibile, debent etiam ejus partes vinculo visibili & externo inter se colligari; quo pacto autem unientur, nisi sit conjunctio membrorum inter se & cum visibili capite? Convenientia etiam & consensio in articulis non fundamentalibus essentialis est: cum enim debeat esse una & eadem fides a Deo revelata, & ab Ecclesia tamquam infallibili Judice proposita, necesse est omnes fideles in eademi fide consentire; adeoque eosdem plane esse apud omnes fidei articulos.

Addo quod incognita sit toti antiquitati hæc articulorum distinctio. Neque enim inter nos Reformatores haec tenus conveniri potuit, quin nauta distinet sint fundamentales: alii aliter definientibus; alii alios articulos assignantibus. Ecclesia autem Catholica semper sensit eos errores, qui semel proscripti sunt, a nemine citra heresim & peccatum propugnari posse.

Ad tertium: Ecclesia fidei articulos non facit, sed qui sunt a Deo revelati, eos proponit ac definit ex Scriptura & Traditione; eosque aliquando evolute magis & explicite pro temporum necessitate, aut Hæreticorum insurgentium oppugnatione aperit & explanat. Ipsius autem esse fideles suos instruere ac docere, vel id unum probat, quod per sexdecim saecula non alias SS. Patres ac fideles omnes habuerunt Ecclesiae ideam, quam deincidentis, definientis, ac docentis. Hanc certe habebat Concilium Nicænum, cum ubi varias Arianorum fidei expressiones attulit, dicit, Ecclesiam Catholicam & Apostolicam similiter sentientes condemnare.



Docet autem Catholica Ecclesia non tantum in Conciliis generalibus, sed etiam in particularibus Synodis, in Episcopis cujusque Ecclesie, imo & in ipsis fidelibus; quamquam in his omnibus diverso modo. Fideles loquuntur sine ulla auctoritate, sed ut testes doctrinæ quam tenent & ipsa tenet Ecclesia: Episcopi, ut Pastores instituti a Deo ut plebem doceant: Synodi particulares, ut testes doctrinæ Ecclesie universalis, ac primi Juges a Deo instituti: Concilia generalia, ut depositum veritatis apud servavit, & quæ Ecclesiam universalem repræsentant.

Objicies 4. auctoritatem S. Augustini Epistola 43. alias 162. ad Glorium, Eleusum & alios quos agnoscit a sua communione separatos: docet enim initio, extra externam Ecclesie Romanæ communionem nonnullos salutem asequi posse. Sic loquitur: *Dixit quidem Apostolus Paulus, Hæreticum hominem post unam correptionem devita, sciens quia subversus est ejusmodi, & peccat, & est a semetipso damnatus. Sed qui sententiam suam, quamvis falsam atque perversam, nulla pertinaci animositate defendunt, præsertim quam non audacia præsumptionis sue pepererunt, sed a seductis atque in errorem lapsis parentibus accepérunt, querunt autem causa sollicitudine veritatem, corrigi parati, cum invenerint; nequaquam sunt inter Hæreticos deputandi. Tales ergo vos nisi esse crederem, nullas fortasse vobis litteras mitterem. Eos autem ad quos ita scribit S. Augustinus, non fuisse in eadem secum externa Ecclesie communione, patet ex verbis sequentibus. Hæc, inquit, prælocutus sum, ne quis me existimet impudentius vobis, quam prudentius scripta misisse, & hoc modo vobiscum de negotio animæ vestræ aliquid agere voluisse, quia nostræ communionis non estis: cum tamen si de negotio fundi, aut alicujus pecuniarie litis dirimendæ vobis aliquid scriberem, nemo fortasse reprehenderet.*

Igitur, in mente S. Augustini, qui sunt extra externam Ecclesie communionem, modo errorem nulla pertinaci animositate defendant, ac causa sollicitudine querant veritatem, corrigi parati cum invenerint; illi non sunt hæretici, nec consequenter a spe salutis æternæ dejecti. Porro ex hoc numero multi sunt, v. g. infantes, rustici, feminæ, & quotquot ab hereseon auctoribus seducti sunt.

Resp. ex dictis initio hujus Articuli, observatione prima, patere ad hanc objectionem responsonem. Scilicet, quos citata Epistola describit S. Augustinus, si non actu, saltē desiderio & quidem sincero pertinent ad externam Ecclesie communionem: atque, si nihil obsit, internum Ecclesie spiritum participant: unde merito dixit S. Doctor, ejusmodi homines nec esse, nec appellandos esse hæreticos. Separationem vero ab externa Ecclesie communione quantum improbet ac damnet S. Doctor, patet ex eadem Epistola c. 8. n. 24. *Non enim, inquit, nobis displacent quia tolerant malos; sed quia intolerabiliter mali sunt propter schisma, propter Altare contra Altare, propter separationem ab hereditate Christi toto orbe diffusa, sicut tanto ante promissa est. Violatam pacem, consciëtam unitatem, iterata Baptismata, exsufflata Sacramenta, quæ in sceleratis quoque hominibus sancta sunt, plangimus & lugemus. Quæ si parti pendunt, intueantur exempla quibus demonstratum est quanti hæc penderit Deus. Qui fecerunt Idolum, usitata gladii morte perempti sunt: qui vero schisma facere voluerunt, hiatu terræ principes devorati, & turba consentiens igne consumpta est. Diversitate pœnarum & diversitas agnoscitur meritorum.*

Objicies denique. Ecclesia successit Synagogæ, ita ut hæc in veteri Testamento hominibus præstaret ad salutem, quod nunc Ecclesia in novo: atqui non erat tanta Synagogæ necessitas, ut extra eam nullus posset salvare; multi enim ex gentibus, penes quos fuit unius veri Dei cognitio, ut Melchisedech, Job, & alii, sola legis naturalis observatione ad salutem pervenerunt; ergo, &c.

Resp. I. Ecclesiam successisse Synagogæ, tamquam perfectum imperfe-  
cto, non quantum ad omnia, sed quantum ad aliqua dumtaxat: adeo-  
que sicut non successit quantum ad amplitudinem qua toto terrarum  
orbe diffunditur; quantum ad perpetuitatem qua usque ad consumma-  
tionem sæculi perseveratura est; quantum ad perfectionem cultus divini  
& sanctitatis, atque alia ejusmodi quibus Synagogam longe supergredi-  
tur, ita nec ipsi successit quantum ad necessitatem salutis.

II. In aliquorum sententia pertinuit tantum ad Judæos Synagogæ, &  
fuit veluti propria ipsorum Ecclesia, ita ut extra ipsam nullis Judæis  
potuerit esse salus: sed non fuit Ecclesia illa universalis, qua siu su-  
omnes yeros Dei cultores complecteretur; adeoque hinc potius confir-  
matur nostra sententia: sicut enim Judæorum nemo salvare poterat se-  
paratus a veteri Synagoga, ita quoque nunc nemo salvus esse potest,  
si separetur ab Ecclesia.

Multa passim in suo de Ecclesia systemate congerit Jurius, ut ostendat & Hæreticos qui in articulis fundamentalibus non errant, & Schismati-  
cos qui Romani Pontificis communione non fruuntur, in Ecclesia uni-  
versali adhuc esse: unde concludit, unitatem Ecclesiæ non in unica com-  
munione esse repositam. Verum ea omnia suis in locis infra commodius  
referimus ac solvemus, ubi de membris Ecclesiæ instituetur disputatio.

### S E C U N D A C O N C L U S I O .

Ecclesia Catholicorum illam habet unitatem quæ nota est ac character  
veræ Ecclesiæ Christi, non autem Ecclesia Reformatorum.

Duæ sunt partes.

Prima pars probatur. Quia unitas quæ est nota & character vera Ec-  
clesiæ in tribus potissimum consistit, ut jam observavimus: nempe in  
universalis fidei & doctrinæ consensione, simili ubique regimine, & com-  
munione cum uno Capite visibili Romano Pontifice: atqui hæc tria oc-  
currunt in Ecclesia Catholicorum.

Secunda Conclusionis pars, nempe Reformatorum Ecclesiam non ha-  
bere hanc unitatem,

Probatur. Ac I. non habent illi consensionem in doctrina. Ea enim  
duobus potissimum momentis probari potest; scilicet constanti eorum  
dem fidei dogmatum professione, & ejusdem fidei publicis confessioni-  
bus: atqui Reformatores nostri in neutro capite consensionem habent.

Non habent quidem in articulis seu dogmatibus fidei. Nam ut de multis  
taceamus, in quibus certe infinitæ propemodum fuere variationes, tum  
apud Lutheranos, tum apud Calvinistas, sicut erudite & eloquenter de-  
monstravit jam laudatus. Illustr. Bossuetius Meldensis Episcopus, unum dum-  
taxat articulum præsentia Christi realis in Eucharistia hic attingemus.  
Anno 1631. in Synodo Nationali Charentoniana, nostri Reformatores

Decreto sollemni sanciverunt fēdū & pacem cum Lutheranis Confessio-  
nis Angustanæ, nihilque esse in eorum cultu, quod perfectæ unioni atque  
corundem Sacramentorum participationi obstatere posset declaraverunt.  
Hinc Dallanus in Apologia hujus Synodi cap. 7. & in Epistola ad Mon-  
glatiū, fatetur doctrinam de præsentia reali nullum continere vene-  
num, nec esse contrariam pietati, aut gloriæ Dei.

Quæ porro in hoc articulo confesso? Ante hanc Synodus palam di-  
cebant, hoc momentum esse unicam suæ ab Ecclesia Romana separatio-  
nis caussam. In actis eorum Martyrum quid frequentius legitur: quam  
ob solam realitatem tot sustineri tormenta, per quam ipsius fidei & pie-  
tatis fundamentum subverti existimabant? Quid s̄ipius in eorum Libris  
legimus, quam horrendam esse Cathōlicorum doctrinam, quos cyclopas,  
antropophagos, parricidas, humānæ Christi naturæ & ejus Ascensionis in  
Cælum hostes & inimicos, idololatras, &c. vocant? Quid etiam vel hoc  
ipso tempore a nobis alienos magis facit eos qui ex ipsis hanc varia-  
tionem non audierunt, quam doctrina præsentia realis? Ita ut plurimi  
ex ipsis ingenui confessi fuerint, facile nobiscum in aliis omnibus con-  
sensuros, si præsentia dumtaxat spiritualis opinionem non damnaremus.

Non habent consensionem in Confessionibus, quæ variae sunt & con-  
trarie apud Lutheranos & Calvinistas.

Lutherani seu defensores sensus litteralis, primam ediderunt anno 1530.  
quæ Augustana dicta est, quod in hac urbe Carolo V. fuerit oblata.  
Postea anno 1537. articuli Smalcaldenses collecti fuerunt, qui Concilio  
Trid. quod Mantuæ a Paulo III. indictum fuerat, offerri debebant. Alia  
deinde, quæ dicta est Saxonica, Synodo Tridentinæ oblata an. 1551. Alia  
Vvittembergensis, anno sequenti eidem Concilio oblata: quæ quidem  
omnes, licet inter se in plurimis contrarie, ab universa tamen Refor-  
matorum societate subsignatae fuerunt; ita ut in eadem Saxonie Provin-  
cia, intra deceim annos prodierunt contradictoriarum sententiarum publico no-  
mine decretisque publicis consignatae de re omnium gravissima. Nam  
in Synodo Dresdensi ann. 1571. communi sensu rejecerunt sententiam  
Brentii, Illyrici, & aliorum de Persona Christi; & tamen illam ipsam  
sententiam, tametsi prius a se damnatam, publice receperunt in Libro  
Concordia; & tam Synodus quam ipsa Concordia, Vvittembergæ im-  
pressa sunt Principis Saxonie auctoritate.

Defensores autem sensus figurativi, aliam quoque Carolo V. codem  
tempore obtulerunt fidei Confessionem, quæ vocatur Argentinensis. Pa-  
rum & illa suis placuit. Helvetii quatuor successive scripserunt. Galli  
& Genevenses suam quoque peculiarem habere voluerunt. In Anglia duæ  
etiam eodem ferme tempore visæ sunt, & duæ aliae sub nomine Eccle-  
siarum Scotiæ. In Belgio fuit etiam conscripta alia, quæ in Synodo Dor-  
dracena approbata fuit: nec defuit ipsis etiam Polonis sua, quæ in Sy-  
nodo Sendomiriensi edita est an. 1670. Legi possunt omnes illæ Confes-  
siones variae in unum corpus collectæ, typis excusæ Genevæ apud Petrum  
& Jacobum Chouet an. 1612. In hac porro tanta Confessionum fideli va-  
rietate, quæ confesso esse potest? Sed quomodo consensionem haberent  
in doctrina, qui certum non habent nec constans fidei suæ motivum?  
Vel enim statuunt verbum Dei, vel spiritum privatum: at ipsis constare:

non potest de Librorum in quibus continentur fidei veritates, fideli versione & legitimo sensu. Neque etiam quidquam certum esse potest per spiritum privatum, de quo gloriantur & Lutherani & Calvinistæ, qui in ipsis varius est, variasque & oppositas (si ipsis fides) sententias suggerit.

2. Regimen simile, & Caput visible non habent Episcopum Romanum: aliud quippe regimen est apud Lutheranos, aliud apud Calvinistas. Inter Lutheranos etiam non idem est, ut videre est in Anglia, ubi diversæ prorsus sunt Ecclesiarum administrationes. Calvinistæ nullam habent hierarchiam, apud quos nulli sunt Episcopi, nulli Presbyteri. Nulli tandem ex ipsis agnoscunt Episcopum Romanum tamquam centrum unitatis, cum quo servent communionem tantopere necessariam in Corpore Christi, quod est Ecclesia.

*Solvuntur Objectiones.*

Objicies 1. Mirum esse non debet si ex Ecclesia Lutheranorum & Calvinistarum variae ortæ fuerint divisiones & sectæ etiam contrarie; nam ex ipsa Apostolorum Ecclesia nonne orti sunt Simoniani, Nicolaitæ, Valentiniani, Marcionitæ, Gnostici?

Resp. magnum esse discrimen: namque sectæ illæ varie in Ecclesia quidem ortæ sunt, non vero ex Ecclesia: econtra vero sectæ contrarie apud Hæreticos, ex propria societatis eorum indole nascuntur. Ratio est 1. quia Ecclesia Catholicorum certam habet regulam finiendarum controversiarum, Judicium scilicet ipsiusmet Ecclesiæ, sive dispersæ, sive in Conciliis congregatae: hanc vero regulam fixam & certam non habent Hæretici, qui cum suo privato ducantur spiritu, necesse est eos in partes omnino contrarias abripi; 2. Catholici Judicio Ecclesiæ acquiescent, atque pro Hæreticis habent quotquot norunt in fidei decretis Ecclesiæ rebelles esse: econtra reformatores se invicem tolerant. Ita Calvinistæ tolerant Lutheranos, quamquam agnoscant v. gr. Corpus Christi realiter & vere præsens esse in Eucharistia, quod negant Calvinistæ.

Objicies 2. cum Calvino Lib. 4. Institutionis cap. 13. n. 14. Non est P. 463. unitas regiminis & communionis apud Catholicos: tot enim sunt apud eos schismarum conventicula, tot sectæ ac divisiones, quot sunt Monasteria, vel certe Monachorum Ordines. Namque licet olim Monachi separatum ab aliis viverent, attamen separatim non recipiebant Sacra menta, sed in conventibus publicis cum reliqua plebe sacris intererant: nunc autem sibi privata altaria erexerunt: atque ita separatim ab aliis vivunt, & Christianorum titulo non contenti, alii vocantur Benedictini, alii Franciscani, alii Dominicanici &c. Ita Calvinus.

Resp. unitati regiminis Ecclesiastici non adversari varias Monachorum societas: tum quia ab Ecclesia approbatæ sunt, ab ea foventur, & sub ejus sunt cura & protectione singulari: tum quia non minus quam ceteri fidelium legitimis Ecclesiæ Pastoribus, nimis S. Pontifici, & interdum etiam Episcopis, subjiciuntur.

Ad id vero quod additur, eos sibi erexisse privata altaria, quæ pri-  
mævis temporibus non habebant: 1. id supponit Calvinus, non probat. Ed. Par.  
Deinde S. Epiph. in Epist. ad Joan. Hierosolymitanum, testatur se in 1622. T.  
Monasterio S. Hieronymi Paulinianum ordinasse in Presbyterum, qui ce-  
2. p. 313.  
teris col. 2.

teris Monachis Sacra menta dispensaret, eo quod S. Hieron. præ summa sua humilitate Sacrificium altaris offerre non ausus fuerit. Cassianus Collatione 18. quæ est Abbatis Pyamonis cap. 15. testatur in ipsa eremo quosdam e Monachis fuisse Presbyteros. Idem refert S. Aug. Lib. de moribus Ecclesiæ cap. 33. Idem saxe referunt Auctores Ecclesiastici, ac præfertim ii qui de rebus Asceticis scripserunt; 2. Schismaticus non est præcise aliquis propter diversum altare, nisi erigat illud in signum separationis & communionis abruptæ; alioquin enim Parochi & Episcopi omnes essent schismatici, qui diversa habent altaria.

*Ed. Afr.  
p. 740.  
741.  
T. 1. p.  
712. F.*

Ad varias autem illas Monachorum appellations, respondeo non denotare sectas illas peculiares alienas & sejunctas a corpore Ecclesiæ, neque esse nomina doctrinæ aut fidei diversæ; sed sic vocari ab Instituto reverioris & arctioris disciplinæ, cuius professionem & institutum, ad majorem perfectionis Evangelicæ gradum aspirantes, amplexi sunt.

Objicies 3. Non est apud nos doctrinæ consensio, imo mira est nostrorum Theologorum sentiendi varietas: alia enim est doctrina Scotistarum, alia Thomistarum, Augustiniensium, Carmelitarum, &c. nec nullus est, qui non existimet se pro veritate pugnare, & oppositam sententiam erroneam esse. Qua igitur ratione Novatoribus suas divisiones opponere, ac doctrinæ confessionem velut certam unitatis Ecclesiæ notam laudare hic possumus?

Resp. distingui hic debere dogma fidei ab Ecclesia definitum, ab opinione libera Scholæ. Circa dogmata fidei nulla est inter nostros sententiæ varietas: dogmata vero illa, ut jam monuimus, estimari non debent ex privatis Doctòrum placitis, sed ex publicis Symbolis, fidei professionibus, Conciliorum generalium decretis: quicumque autem ab hujuscemodi dogmatibus discedit, pro Hæretico habetur. Non ita est de aliis Scholæ opinionibus, quas varias in partes agitari permittit Ecclesia ad elucidationem veritatis, ingeniorum & Scholæ exercitium. In quibus, ut ait S. Aug. L. 2. de peccato originali c. 23. *salva fide, qua Christiani sumus, aut ignoratur quid verum sit... aut alter quam est, humana & infirma suspicione conjicitur.* In quibus proinde & refellere quisque sine pertinacia, & sine iracundia refelli paratus esse debet: unde eos minime probat Ecclesia, qui propter hujusmodi Scholæ dissidia & opiniones contrarias, sese mutuo erroris audiunt incusare. At Hæretici nostri qui hæc nobis opponunt, de rebus etiam ad fidem pertinentibus dissentunt, & alii alios habent pro Hæreticis, sicuti videre est apud Card. Hozium Lib. 1. contra Brentium, & apud Canisium in præfatione Librorum Andreæ de Vega Coloniæ excusorum. Hinc Anabaptistæ pro Hæreticis habentur a Lutheranis & Zuinglianis, & vicissim; tametsi omnes eundem agnoscant parentem Lutherum. Similiter Zuingiani aliquique Sacramentarii a Lutheranis habentur ut Hæretici, sicut patet ex Testamento Brentii, imo & ex ipso Luthero suis passim in Libris: his tamen non obstantibus, Calviniani Galliæ nostræ Lutheranos ad suam communionem admiserunt; adeo mentitur iniquitas sibi.

*T. 10. p.  
264. C.  
D.*

Objicies 4. Est quidem in societate Catholicorum communio eorumdem Pastorum, & primi Pastoris Romani scilicet Pontificis: at de isto tam varia & opposita in Scholis nostris disputantur, ut nihil certi circa ipsum statui possit. Alii enim ejus auctoritatem in immensum extollunt, quam esse absolutam, non tantum in res spirituales, sed etiam in temporales,

con-

contendunt: alii eamdem auctoritatem ad res diu taxat spirituales limitant, eamque Concilio generali subjiciunt, quam alii superiorē dicunt, &c.

Resp. circa Summum seu Romanum Pontificem hoc unum diu taxat de fide esse, de quo consentiunt omnes Orthodoxi, nempe illum esse Caput visibile Ecclesiae: ac primatum honoris & jurisdictionis in ceteros Episcopos obtinere: cetera omnia quae hinc & inde disputantur, salva semper quae ipse debetur reverentia & obedientia, ad opinionem Scholae, non ad fidei dogma pertinere.

Objicies 5. cum Dallao, nonnullos veterum SS. Patrum errores; unde inferi non esse inter Catholicos doctrinæ consensionem.

Resp. haec frustra nobis opponi: neque enim docemus singulos Patres errare non posse. Fatemur eorum aliquos in errorem lapsos, antequam ab Ecclesia fuisset veritas aperte definita: fatemur in disciplinæ quæstionibus, veluti de die celebrandi Paschatis, de jejunio Sabbati, &c. discordes illos fuisse. At contendimus fieri non posse ut omnes simul confiperint in defensionem erroris: quia fieri non potest ut pereat vera doctrina in Ecclesia Christi, quae est columna & firmamentum veritatis, adversus quam portæ inferi nunquam prævalebunt. Sed de hoc arguimento fusius infra suo loco dicemus.

Objicies denique alias rationes Theologicas: prima est, si Ecclesia esset una, maxime propter charitatem: at si ita est, sequitur eos qui sunt sine charitate, Ecclesiae unitos non esse: secunda, quae habent easdem qualitates, sunt quidem similia, sed non unum; ergo licet in omnibus Ecclesiis particularibus sint eadem fides, Sacra menta, leges, non sequitur eamdem esse Ecclesiam, sed ad summum esse similes Ecclesiæ: tercias, licet diversa regna habeant eundem Principem, easdem leges generales, non sequitur esse unum regnum; ergo, &c. quarta, unitas seu concordia & ordinata dispositio non convenient soli Ecclesiae Christi, sed etiam multis aliis societatibus; ergo, &c. quinta denique, si in sola Romana communione vera Ecclesia constituitur per exclusionem aliarum societatum, vix defendi potest ejus catholicitas seu universalitas; Romana quippe communio intra angustos limits plane coarctatur.

Resp. ad primam: Unitatem seu unionem charitatis maxime optandum esse inter omnia & singula Ecclesiae membra; hac tamen in aliquibus (non in omnibus, quod fieri non potest) deficiente, superesse alias rationes unionis, nempe in fide, in regimine, in Sacramentis, in subjectione legitimis Pastoribus, quae sufficiunt ad veram Ecclesiae unitatem.

Ad secundam: Mirum non est, si ea quae easdem habent qualitates, similia quidem, non vero unum quid sint: namque non habent eundem finem, nec ad eum tendunt ut partes ejusdem totius. At Ecclesiae particulares eundem habent finem, eadem media, eamdem primo Pastori subjectionem, &c.

Ad tertiam: Plura Regna per se vel ex institutione divina aut naturali uni Principi non subjiciuntur: at omnes Ecclesiae particulares ex ordinatione Christi, uni Capiti subjiciuntur, uno spiritu foventur & animantur, operantur tamquam partes totius corporis mystici, scilicet Ecclesiae. Ipse enim dedit Caput, Episcopos, Pastores, Presbyteros, Diaconos, regulam fidei, fidem ipsam & Sacra menta, quibus inter se conjunguntur fideles, adeoque unum corpus per se efficiunt & constituant.

Ad quartam: Convenit quidem unitas aliqua cuilibet societati & fœtæ, sed nulli competit ea quæ Ecclesiæ Christi singularis est ac propria: ea nempe quæ fundatur in consensu fidei ejusdem, & eorumdem Sacramentorum participatione, & subjectione legitimis Pastoribus, in primis vero Romano Pontifici.

Ad quintam: Patebit ex dicendis paullo post, Romanam Ecclesiam vere Catholicam esse, nec tam angustis finibus contineri ac fingunt adversarii.

### T E R T I A C O N C L U S I O.

Nulli unquam licet sese separare ab unitate Ecclesiæ; hincque merito Schismatici esse convincuntur Calviniani & Reformatores nostri.

Duae sunt partes.

Prima pars probatur.

I. Quia nulla unquam esse potest legitima ratio separationis ab unitate illius Ecclesiæ, extra quam nulla est salutis spes, non charitas, non martyrium, sed una damnatio: atqui ex dictis, extra Ecclesiam Catholicam, Apostolicam & Romanam nulla est spes salutis, non charitas, non martyrium, sed una damnatio; ergo, &c. *A velle radium Solis a corpore*, ait S. Cypr. jam laudatus Lib. de unitate Ecclesiæ Catholicæ, *divisionem lucis unitas non capit: ab arbore frange ramum, fractus germinare non poterit: a fonte præcide rivum, præcisus arescit*. Ita certe qui ab unitate Ecclesiæ recedit, spiritu mortuus est.

II. Si ob aliquam rationem fieri posset justa separatio ab unitate Ecclesiæ, maxime vel ob corruptos mores, vel propter errores, vel propter idolatriam: atqui ob eas causas nusquam licita esse potest talis separatio:

Non quidem propter corruptos mores: namque generatim docet S. Aug. nullam ob causam deseriri posse Ecclesiam. Lib. 2. contra Epist. Parmeniani cap. 11. *Præcidenda, inquit, unitatis nulla est justa necessitas;* & Lib. 3. cap. 5. *Inconcussum firmumque teneamus, nullos bonos ab ea. (Ecclesia) se posse dividere;* & Epist. 95. alias 48. c. 9. *Nos autem, ait, certi sumus, neminem se a communione omnium gentium juste separare potuisse.* Pluribus aliis in locis T. 9. p. 42. E. 1b. p. 75. C. T. 2. p. 241. E. diserte inculcat idem S. Doctor, bonos propter malos admixtos deserdendos non esse, quod probat variis exemplis & figuris quibus Ecclesia in Scripturis adumbratur. *Neque enim, inquit Epist. mox citata cap. 12.* Ib. pag. 252. A. *propter paleam relinquimus aream Domini; neque propter malos pisces rumpimus retia Domini; neque propter hædos in fine segregandos deserimus gregem Domini; neque propter vasa facta in contumeliam, migramus de domo Domini. Cap. vero 4. jam dixerat: Non propter malos boni deserendi, sed propter bonos mali tolerandi sunt; sicut toleraverunt Prophetæ, contra quos tanta dicebant, nec communionem Sacramentorum illius populi relinquebant, sicut ipse Dominus nocentem Judam usque ad condignum ejus exitum toleravit, & eum sacram cœnam cum innocentibus communicare permisit; sicut toleraverunt Apostoli eos, qui per invidiam Christum annunciant; sicut toleravit Cyprianus Collegarum avaritiam, quam juxta Apostolum appellat idolatriam.*

Idem argumentum fuse prosequitur Ep. 43. alias 162. ubi exemplis petitis ex Scriptura, scilicet Aaronis, Moysis, Davidis, Samuelis, Isaiae, Feremie, Zachariae, Christi Domini, Apostolorum, qui malos toleraverunt ostendit.

ostendit immerito Donatistas Ecclesię unitatem deseruisse propter Catholicorum mores perversos. Ita etiam L. de vera Religione c.6. L.1. moribus Ecclesię Catholice c.34. L.2. contra Cresconium c. 34. 35. & 36. L. de unitate Ecclesię c.18.

Non etiam propter errores justa unquam esse potest separatio ab Ecclesia. Tum quia S. Cyprianus nunquam eorum deseruit communionem, qui recedentes ab hæresi non rebaptizabant, licet eorum opinionem tamquam gravissimum errorem improbat, neque S. Stephanus a communione Cypriani recessit, quamvis eum in errore versari circa Baptismum Hæreticorum cognosceret. Tum quia passim ostendens S. Augustinus injustam fuisse separationem Donatistarum a Catholicis, licet in errorem gravissimum lapsos fuisse Catholicos non dubitarent Donatistæ, manifeste probat errorem non esse justam separationis causam. Tum quia fatentur & nostri Reformatores, non esse violandam communionem inter eas Ecclesias in quibus sunt errores non fundamentales; imo nec propter eos qui directe articulis fundamentalibus non adversantur, sed per solam consequentiam ipsos evertunt. Ita inter alios Calvinus, Marloratus, &c.

Non denique propter idololatriam. Tum quia, ut observat S. Augustinus in Psalmo contra partem Donati, multi ex Iudeis tempore Isaie, Jeremiæ, & Ezechielis, in crimen idololatriæ prolapsi fuerunt, neque tamen ab iis sese separavere Prophetæ. Tum quia damnat S. Augustinus ubique secessum Donatistarum a Catholicis, quorum multos Idolis sacrificasse accusabant. Et in Ps.33. & Optatus L.3. sub finem, referunt Catholicos a Donatistis paganos appellari solitos, quos tamen arguunt & damnant isti Patres, eo quod ab eorum communione recessissent. Tum quia Calvinista in suam communionem admittunt Lutheranos, quos habere debent ut Idololatras, aut idololatriæ saltem consentientes, cum plurimi e Lutheranis Christum in Eucharistia præsentem adorent, sicut testantur Olearius, & Theologi Wittembergenses; atque Lutherani Poloniae flexis genibus Eucharistiam accipiant, omnesque post Magistrum suum Lutherum existiment nullum esse peccatum præsentem Christum in Eucharistia adorare, sed plane indifferens; quia, inquiunt, nec præceptum in Scripturis, nec vetitum; ergo nostram societatem deserere non debebant, quo Idolis servire existimarent; siquidem aliud de Lutheranis eodem criminis infectis judicium ferunt. Tum denique quia ipsi Reformatorum nostrorum insigniores Ministri, in illa declaratione quam occasione Epistolæ Conventus Cleri Gallicani an. 1682. ad ipsos directæ, fecerunt, profitentur nec inolatriæ crimen, quod tam sëpe nobis objecerunt, fore sufficientem separationis causam, si hæc unica foret; cum & Prophetæ, & veteris Testamenti fideles ab unitate Synagogæ nunquam recesserint, eo etiam tempore cum a vero cultu Dei, a vera ejus doctrina deficiebat, imo jam impio Idolorum cultui dedita esset; ergo, &c.

Secunda Conclusionis pars, scilicet Calvinianos reos esse schismatis,

Probatur 1. Illi sunt schismatis rei, quorum separatio ab Ecclesia Catholicorum est divisio a prima unitate, nam omnis separatio quæ sit ab ea unitate qua non datur alia prior, est divisio a prima unitate: atqui Protestantium separatio ab Ecclesia Catholicorum est ab ea unitate, qua non datur alia prior. Quod ab Ecclesia Catholicorum recesserint, constat

stat & fatentur ipsis: Quod unitate Catholicorum, in qua nostri & Protestantium vixerent maiores, non detur alia prior, tamdiu verum erit, quamdiu contrarium non fuerit manifestissime probatum. Cum enim ut talis ab ipsis Protestantium majoribus fuerit agnita, rei schismatis erunt eorum posteri, qui in eadem unitate vixerunt, ex qua postea recesserunt, nisi manifestissimis argumentis ostendant se invenisse aliquam unitatem & communionem unitate Catholica priorem & antiquorem: id autem hactenus ostendere non potuerunt, nec haud dubie unquam ostenderent. Ita doctissimi Valemburgi Tractatu de unitate Ecclesiae L.2. c. 2.  
 P. 42. paragr. 6. De illis igitur merito dicimus, quod de Hæreticis suis temporis dicebat S. Cyprianus L. de unitate Ecclesiae Catholicæ: *Non nos ab illis, sed illi a nobis recesserunt. Et cum hæreses & schismata postmodum nata sunt, dum conventicula sibi diversa constituant, veritatis caput atque originem reliquerunt.*

Ti 2. p. 211. C. Neque hic inquirimus causas eorum divisionis, satis est, quod divisionem fecisse ostendamus. *Tota quæstio est*, inquiebat S. Augustinus Episcopus, stola 87. alias 164, alloquens Donatistas, *utrum nihil mali sit schisma, aut utrum schisma non feceritis*. Similiter & nos dicimus: Quæstio non est cum Reformatribus nostris, utrum nihil mali sit schisma, fatentur enim illi esse maximum malum: sed solum utrum ipsi schisma fecerint. At fuisse vel ex eo uno constat, quod primam unitatem reliquerint; quod altare erexerint contra altare Ecclesiae nostræ, ipsissimè fatentibus; quod altari alterius Ecclesiae a nostra diversè & ante suum schisma existenti feso non adjunixerint, neque re ipsa ad communionem aut Orientalium, aut Valdensium configurerint, sed novam Ecclesiam erexerint, novum Religionis corpus absque ulla ab ipsis dependentia constituerint: sunt igitur manifesti schismatis rei.

II. Absque maxima temeritate judicare non potuerunt Reformatores nostri, eos esse in Ecclesia Catholicorum errores qui cum salute æterna stare non possint, suamque societatem his immunem esse; ergo non potuerunt sine crimen schismatis ab ea se separare, ac novam sectam & Ecclesiam constituere.

Antecedens probatur. Namque societas Protestantum qui a communione Catholicorum recesserunt, constat ex doctis & indoctis; majorque est haud dubie in omni societate indoctorum numerus, quales sunt pueri, mulieres, artifices, rustici, &c. atqui licet demus ita judicare potuisse doctiores, tamen nunquam id potuit vulgus promiscuum. Ut enim de erroribus Ecclesiae Catholicæ judicium ferrent, debuerunt eos expendere ope alicujus regula per quam certissime potuerint eos dignoscere; porro apud Calvinianos sola Scriptura est hæc regula; ergo attenta Scripturæ lectione & meditatione debuerunt ita suum judicium ferre. Quo pacto autem id fieri potuit ab indoctis, quibus nec notum else potest quinam sint Libri Canonici, quæ infidelis & sincera versio, quis legitimus sensus? Ergo non suppetebat rudioribus Calvinistis via aliqua qua certo potuerint ex ore Catholicorum cognoscere, propter quos tamen fatentur se ab eorum societate recessisse.

Neque est quod dicant, ab iis qui eruditæ erant eos fuisse eductos: cum enim illi omnem humanam auctoritatem tum Conciliorum, tum Pastorum

rum rejiciant, quia errori sunt obnoxii; id satis non erat, ut certo potuerint propter eorum judicium, ab Ecclesia in qua baptizati fuerant, se se separare.

III. Illi sunt schismatis rei, qui ab Ecclesia, in cuius communione vivebant, recesserunt propter doctrinam, quæ legitimo Judicio ante suam separationem non fuerat condemnata. Namque ut ipsi docent in Admonitione de Libro Concordiæ, contra Lutheranos, a quibus immerito se condemnari dicebant, tum ob negatam mandationem oralem, tum ob rejectam ubiuitatem, recta ratio & pietas dictat omnibus, neminem esse damnandum propter controversiam legitimo Judicio nondum definitam: atqui recesserunt Calviniani ab Ecclesia Catholicorum, propter doctrinam nondum legitimo Judicio discussam & definitam ante suam separationem. Proferant illud Judicium: an aliud dictat ratio & pietas, cum pacem Lutheranorum ambiunt, aliud cum unitatem Catholicam fugintr? Scilicet non tolerant pro pace Christi Catholicos, quos infamant; & tolerant pro parte Calvini, quos damnant. Ita contra Donatistas S. Aug. Tractatu I. in Epistolam Joannis.

IV. Aut Ecclesia Catholicorum, quam propter errores deseruerunt, erat vera Christi Ecclesia, vel non erat: si prius, ergo Calviniani sunt schismatici, qui deseruerunt veram Christi Ecclesiam: si posterius, vel missionem suam habuerunt ab illa Ecclesia, vel non. Si habuerunt, nulla est, utpote quæ non data fuerit a legitima auctoritate: si non habuerunt, dicant ergo a qua receperint: an a Deo ipso extraordinarie eos vocante & mittente? Probent ergo missionem suam extraordinariam, aut per Scripturas, in quibus aut prædicantur, aut designantur tamquam Pastores futuri; aut per miracula, sicut olim qui a Deo immediate mittebantur, suam missionem confirmabant, ut Moyses, Aaron, Prophetæ, Christus ipse.

Denique. Qui contra singularem Petri Cathedram alteram collocant; qui non communicant cum Ecclesia principali, unde unitas Sacerdotalis & omnis unitatis origo descendit, & cujus communione sola hæreses profligari voluerunt SS. Irenæus, Cyprianus, Optatus, Hieronymus, Ambrosius, Augustinus; ii certe habendi sunt Schismatici: atqui tales sunt Calviniani. Quod enim recesserint ab Ecclesia Romana, ipsi profitentur: quod vero nullam habeant cum ea communionem, certum est; ergo, &c.

#### *Solvuntur Objectiones.*

Objicies i. Tot sunt rationes & momenta quibus separationis suæ aequitatem probaverunt Calviniani, ut nemo jam ab ipsis postulare possit, cur schisma fecerint. Fecerunt enim propter corruptionem in moribus, in doctrina; propter inventam idolatriam in cultu Dei; propter tyrannidem in disciplina, ac præsertim R. Pontificis, &c.

Resp. hic questionem non esse utrum ob legitimam caussam schisma fecerint; sed an revera schisma fecerint. Fecisse autem Calvinianos schisma manifeste ostendimus: hoc vero satis est ut schismatis rei convincantur. Unitatem autem Ecclesiæ nulla de caussa scindi posse, docet ante citatus S. Aug.

Quod dicunt de moribus perversis Catholicorum non urget: judicamus enim personas ex fide, non fidem ex personis. Si probarent Ecclesiam

Catholicorum inducere ad pravos mores, aut ipsos approbare & defendere; esset quod conquererentur de nostra societate. Nonne primis Ecclesiae saeculis, quibus tum maxime florebat Religio Christiana, multa fuit morum corruptela in Gnosticis, Valentinianis, & aliis nonnullis Hæreticis, qui se Christianos esse gloriabantur? An hæc vitiorum monstrata Ecclesiae ipsi adscripta sunt? ita quidem: sed a quibus? a Paganis & Infidelibus Religionis Christi infensissimis hostibus ac persecutoribus. An idcirco ab unitate Catholica recessere pii fideles? minime profecto.

Quod dicunt de doctrina, plus momenti non habet. Tum quia nec ob errorem fieri posse separationem ab Ecclesia Catholica docent SS. Patres: tum quia non erat in potestate Calvinianorum judicare de illa doctrina quam tantopere accusant. Cum inter ipsos celebris disputatio orta est de gratia, inter Arminianos scilicet & Gomaristas, injustitiae profecto rei fuissent & maximæ temeritatis, si ante legitimum Ecclesiam, in qua erant ambae partes, Judicium, privatas voluissent instituere Ecclesiæ, neque communionem externam servare; excusari itaque a crimine schismatis non possunt, quod ante Judicium Ecclesiae in qua erant, secessionem ab ea fecerint, ob praetensam illius corruptam doctrinam. Tum quia si propter doctrinam corruptam nostram Ecclesiam deseruerunt, cur Lutheranorum communionem tantopere optant, qui nobiscum in multis consentiunt, ut in præsentia reali Christi in Eucharistia, ejus adoratione, Imaginibus?

Quod dicunt de idolatriæ cultu a Catholicis approbato, ipsis nocet magis quam faveat. Tum quia neque ob aliquorum idolatriam schisma fieri posse docet S. Aug. tum quia si tota Ecclesia Catholicorum, cuius tunc temporis erant membra, in idolatriam lapsa est, non erat ergo amplius vera Christi Ecclesia. Sed a quo missionem & ordinationem suam accipere potuerunt? Ubi erat vera illa Christi Sponsa, quæ veritatis firmamentum est & columna, cui ad consummationem saeculi se adfuturum promisit Christus? Cui Ecclesiae se adjunxerunt? Si nulli, ergo membra mortua, quæ ob separationem a corpore nullius operationis erant capacia. Tum quia tam facilis & plana est nostra circa cultum Dei fides, ut jam tædiosa deberet esse nostris adversariis tam falsa accusatio, qua nihilominus simplicibus imponunt. Adoramus Eucharistiam, idest Christum quem credimus in ea præsentem; & quem adorandum, si esset præsens, confessi sunt Calvinus & Dallæus. Honoramus & veneramur Santos, ut amicos Dei, a quibus petimus ut jungant preces suas ad Deum & Christum, quem credimus esse solum Dei & hominum Mediatorem. Veneramur eorum Imagines: at nullam esse in ipsis virtutem profitemur; nihil ab ipsis expectamus; imo hortatur nostra societas Pastores, ut quam diligentissime suos hancce doctrinam edoceant.

Quod dicunt de tyrannide spirituali, nec magis urget. Tum quia cur suam non haberet in condendis legibus & finiendis controversiis auctoritatem Ecclesia Catholicorum, quam suæ societati non denegant Calviniani? Nonne habent illi suam disciplinam, suos ritus, suas ceremonias? Nonne ipsi in sua disciplina volunt, ut qui Synodo non obtemperant, ii moneantur; & si non resipiscant, excommunicentur? Tum quia nihil Summo ac Romano Pontifici tribuimus, nisi quod ipsi a Christo in persona S. Petri concessum est, primatum scilicet honoris & jurisdictionis in

in alios Episcopos. Hoc unum fide definitum credimus: cetera opinio-  
nes spectant Theologorum, non dogma catholicum.

Objicies 2. Non ipsi Calviniani Ecclesiam Romanam deseruerunt, sed  
ipsa eos a sua communione separavit. Tum quia variæ, quas in ipsos  
excitavit, persecutio-nes ferro, igne, sanguine, omnibus per totam Eu-  
ropam in Calvinianorum interne-ctionem conspirantibus, in cau-ssa fuerunt,  
cur Catholicorum societatem deseruerint. Tum quia Leo X. ipsos excom-  
municavit, antequam in legitimo Concilio quidquam expenderetur, cuius  
tamen celebrationem sapissime postulaverunt.

Resp. imo Ecclesiam Romanam deseruerunt, antequam ipsa, in cuius  
communione vivebant, quidquam circa nascentes lites pronunciaret,  
Conciliū universalis Ecclesiae celebratione etiam non expectata, cuius ta-  
men sententiam inquirere prius debuissent, quam aperto schismate uni-  
tatem Ecclesiae violarent. Leonis X. Judicio saltem provisionaliter ob-  
sequi debebant, cum ipse esset Caput Ecclesiae, in qua ipsi & majores  
eorum hactenus vixerant: at illi separationis impatientes, Ecclesiae au-  
toritatem & ministerium usurpaverunt; altare contra altare exerent;  
Sacra-menta nobiscum simul par-ticipare noluerunt; & quidem antequam  
Concilium Trid. anno 1545. jam celebrari incep-tum quidquam defini-  
set. Nam anno 1536. Calvinus Genevensis institutus est Pastor & Mi-  
nister, referente Beza; disciplinamque suæ Ecclesiae adeo temerariam &  
inauditam jam scripserat, in qua nostram Conciliorum omnium auto-  
ritate confirmatam labefactare aggreditur. Anno 1524. jam omnino eru-  
perat schisma Zwinglii, a quo originem suam ducunt nostri Reforma-  
tores: jam tum sublatæ Reliquiae & Imagines; prohibita Missa celebra-  
tio; interdictum jejunium quadragesimale, ut videre est in Hospi-  
fano 2. part. fol. 24.

Neque est quod dicant, violentas Catholicorum persecutio-nes fuisse  
causam suæ separationis: præcessit enim eorum schisma nostra, si quæ  
fuerunt, persecutio-nes. Nam ab anno 1520. quo excommunicati sunt a  
Leone X. Lutherani, ad annum 1529. quo in Comitiis Spirensibus pro-  
testati sunt se ad Concilium liberum provocare, nihil ferme contra  
ipsos actum fuerat: tantum abest ut in Gallia, Hispania, Italia, An-  
glia, &c. tragicæ fierent executiones, ut ipsi scripserunt.

Quod dicitur de excommunicatione Leonis X. nihil adversus nos pro-  
bat: imo aperti schismatis Lutherum convincit. Initio admonitus fuit  
a Card. Cajetano nomine Summi Pontificis, ut errores retractaret, aut  
saltem Ecclesiae Judicio se subjeceret. Statim sponte id promisit; at brevi  
promissorum oblitus, turbas & seditiones passim excitavit; neque un-  
quam ab erroribus defendendis abstinuit. Damnatus est a Pontifice hanc  
ob catissam, & ita parum constans fuit ejus fides in promissis, ut anno  
1520. in Comitiis Vormatieneibus, cum sape urgeretur ut Ecclesiae uni-  
versalis auctoritatem ac tribunal agnosceret, nunquam voluerit acquie-  
scere: quæ Lutheri pervicacia ita displicuit Imperatori, ut consentienti-  
bus totius Imperii Principibus & Ordinibus, tamquam Schismaticum &  
notorium Hæreticum in toto Imperio proscriptus. Imo post tres annos,  
scilicet anno 1523. Liturgiam novam instituit, ubi supremum agens in  
disciplina Ecclesiae Legislatorem, omnia ad nutum rejicit & immutat:

jurisdictionem Episcoporum certis ad libitum limitibus constringens ; ceremonias, ritus & disciplinam ad arbitrium subvertens.

Deinde si excommunicatio Leonis X. est justa separationis causa, ut volunt Protestantes, quero ab ipsis : Vel hac excommunicatio, quam injustam dicunt, totam Ecclesiam Catholicorum efficit hujus injustitiae participem, vel non efficit : si primum ; ergo istud Leonis crimen tribendum est omnibus & singulis Ecclesiae Catholicae membris ; & consequenter cum Donatistis sentiunt, Ecclesiam aliorum peccatis esse infestam : si postremum ; ergo sunt Schismatici, quia societatem Catholicorum innocentem deseruerunt. Sequitur ergo ex eorum provocatione ab excommunicatione Leonis X. aut Schismaticos esse Protestantes, aut erroris Donatistarum reos.

Objicies 3. Necesse non erat ut antequam se separarent Calviniani, fieret legitimæ auctoritatis Judicium de erroribus quos in Ecclesiam Catholicorum irrepsisse ipsi observaverant: tum quia cum difficile sit Concilium statim congregari, interea vires acquirit error; adeoque promptius adhibendum est remedium: tum quia ubi quis vicini sui domum incendi animadvertisit, etiam non rogatus a domino, potest occurrere huic incendio: tum quia quis tunc judicasset de erroribus; cum ipsa Romana Ecclesia eorum accusaretur? an potuisset illa iudex esse in propria causa?

Resp. legitimum illud Judicium ita necessarium esse, ut sine eo nullus sit qui statim societatem privatam non instituat, sub praetextu errorum quos in aliis omnibus deprehenderit; nec quidquam a Calvinianis afferri potest, quod ejus separationis injustitiam proberet.

*Cap. 5.  
art. 9. &  
31.*

Ad primum : Revera quidem Concilium generale est infallibile Ecclesiae tribunal, at cum facile semper non sit illud congregari, aliud nobis suppetit tribunal, scilicet Judicium S. Pontificis, cuius principia sunt partes doctrinam fidei tueri, profanas Hæreticorum novitates compescere; cuius Judicio adhaerere saltem provisionaliter debent. Cur autem denelegant Reformatores Capiti nostræ Ecclesiae eam auctoritatem, quam concedunt suis Consistoriis & Colloquiis? Vult eorum Disciplina, esse potestatem in Consistoriis judicandi de scandalo & doctrina; non obstante Judicum recusatione, & interjecta appellatione; & c. i. art. 49. docet sententiam a Consistorio aut Colloquio latam, validam esse usque ad sententiam definitivam. Jam quero: Si excommunicati a Consistorio dicant non praecessisse justum causæ examen; Judices fuisse suspectos, imo appellationem interpositam; licebitne ipsis refragari hujusmodi sententiae, & privata tunc instituere conventicula, ac primam deserere communionem? Certe fatentur Calviniani, ejusmodi homines schismatis reos esse. Cur non idem dicunt de majoribus suis, qui a Leone X. damnati, privatas Ecclesias instituerunt, & a communione Ecclesiae, in qua erant, recesserunt? Quod si Judicio Summi Pontificis accedat consensus partim expressus, partim tacitus Episcoporum qui per orbem sparsi sunt, tunc non tantum provisionale, ut vocant, Judicium erit, sed ultimum ac definitivum, cui necesse est ex animo adhaerere omnes fideles: codem quippe inerrantiae dono gaudet Ecclesia seu dispersa seu collecta.

Ad secundum: Licet profecto incendio domus diligentissime occurrere; sed non licet eam incendere, ut hoc praetextu diripiatur ac dissipetur suo.

suo autem schismate, suis erroribus, Ecclesiæ, quæ est domus Dei, stragem inferre conati sunt Calviniani. Si errores observabant, poterant monere Pastores quos Deus Ecclesiæ suæ dedit, ut non simus fluctuantes omni vento doctrinæ. Hactenus intellexerant Catholici verba Christi in Cena secundum sensum litteralem; cur statim sine legitimo Judicio & examine volunt ut suam immutent sententiam? Si ita licet, nonne hoc pacto via aperitur quibuscumque schismatibus?

Ad tertium: Quero a Reformatoribus nostris, a quo debebat judicium expectari, si illud pronunciare non esset Ecclesiæ in qua tunc verfabantur? Cum orta est in ipsorum societate dissensio, nonne ad propria suam Ecclesiam confugerunt?

Objecies 4. multa Scripturæ loca quibus Deus mandat fidelibus ut impiorum consortium fugiant.

Isajæ 52. v. 11. Recedite, recedite, exite inde, pollutum nolite tangere; exite de medio ejus.

Jer. 23. v. 28. Quid paleis ad triticum? dicit Dominus. Antea... Prophetæ qui habet somnum, narret somnum, &c.

1. Cor. 5. v. 9. Scripsi vobis in Epistola: ne commisceamini fornicariis; non utique fornicariis hujus mundi, &c.

1. Cor. 6. v. 14. Nolite jugum ducere cum infidelibus, &c.

Resp. Habebant quidem saxe in ore hæc testimonia primi Calviniani, nunc vero in iis tam parum esse roboris intellexerunt recentiores Ministri, ut de iis altum sit apud illos silentium. Scilicet S. Aug. agens contra Donatistas qui iisdem testimonis abutebantur, ostendit ea solum intelligenda esse de separatione spirituali, qua scilicet ab iis animo sejuncti, vita moribusque distinguantur. Ita diserte Lib. 3. contra Parmenianum cap. 2. 3. & 4.

Itaque distinguenda triplex separatio in mente & doctrina S. Aug. Prima est qua debemus ab impiorum moribus recedere, neque prava eorum facta & exempla sequi: hæc autem non tantum licita est, sed unicuique nostrum imperata. Secunda est illa qua excommunicantur & a consortio fidelium separantur mali; hancque ad solos Superiores Ecclesiasticos pertinere, neque ab ipsis nisi cum maxima prudentia, & certis quas tradit regulis usurpandam esse docet Lib. de fide & operibus c. 5. & Lib. 3. contra Epist. Parmeniani cap. 2. circa medium. Tertia est illa, qua aliquis sese ita a communione Ecclesiæ separat, ut non eadem amplius frequenter Templa, neque ab iisdem Pastoribus & Sacramenta & doctrinam accipiat: hæc autem nunquam licet quocumque praetextu, ut ostendimus.

Instabis 1. Si in societate impiorum & veri Dei cultum abrogantium sit periculum approbandi erroris, non tantum licebit communionem eorum deserere, sed etiam tenebitur unusquisque, ut suæ saluti provideat.

Resp. nequidem in periculo erroris licitam esse separationem externam quam mox exposuimus; sed, ut docet S. Aug. passim adversus Donatistas, satis est si pravos illos mores nec sectemur, nec imitemur. Tullit Moyses tot hominum millia contra Deum murmurantia: Aaron, Moses, Zacharias & multi alii Prophetæ inter medios divinæ legis contemnentes vixerunt, & quamquam erroris participandi periculo obnoxii forent, imo & in periculum veniret eorum vita, ut Zacharia contigit quod Judæos

T. 9. p.  
60. &  
seq.

T. 6. p.  
169.

T. 9. p.  
64.

idolatriæ arguisset, nunquam tamen societatem diversam instituerunt.

Instabis iterum. Ex S. Augustino lib. 3. contra Cresconium Grammaticum cap. 38. tunc deserit potest aliqua societas, cum falsam docet doctrinam; cum de ea libros scribit; cum neminem sibi communicare patitur, nisi illos legat & approbet: imo ab ea tunc separari non tantum æquum est, sed ipsa se ab unitate Ecclesiæ segregat: atqui Catholicorum societas, inquit Calviniani, falsam docet doctrinam; de illa libros scribit, nosque a communione sua ejecit, quod eam nollemus approbare; ergo merito deseruimus hanc societatem.

Resp. Ut suæ a Catholicorum societate separationis iustitiam probarent Reformatores, duo probare deberent: 1. illorum societatem non esse veram Christi Ecclesiam; si enim sit semel, semper erit, cum Ecclesia vera nunquam sit defectura; 2. judicium aliquod legitimum circa illos errores a se observatos expectare: quippe si falsum sit tales errores a Catholicis doceri, aut eos vere errores esse; si apud ipsos vera est Christi Ecclesia, horrendi sane schismatis reos se constituunt: neutrum autem hactenus probaverunt Reformatores; ergo, &c.

Objicies 5. cum Claudio: Nulla plane sunt argumenta quæ ex disputationibus S. Augustini adversus Donatistas inferuntur, ut Protestantes schismatis redarguantur: longe enim alia erat causa Donatistarum, & alia Protestantum. Namque 1. Donatistæ recesserunt ab Ecclesia, ob rationes quæ personas tantum spectabant; scilicet existimabant illi Cæciliatum & Felicem fuisse tradidores: Protestantes autem non aliam ob causam, quam propter doctrinam & Religionem; 2. Donatistæ nihil reprehendebant in Ecclesia: eadem habebant Sacra menta, eamdem regiminis formam & disciplinam: neque questionem de Baptismo Hæreticorum sufficientem esse separationis causam asserebant; 3. Catholici communionem suam offerebant Donatistis, eam vero Protestantibus nunquam obtulerunt.

Resp. ad primum: Primis quidem schismatis Donatistarum temporibus, scilicet per quadraginta primos annos, controversiam de soli dumtaxat personis fuisse, Cæciliani nempe & Felicis, sed postea cum S. Optatus & S. Aug. ab ipsis petebant, cur schisma fecissent, schismati hæresim addidere. Quæstio enim fuit circa fidem: neque iteratio Baptismi habita fuit a Donatistis quasi ad disciplinam tantum spectaret, quia Catholicos velut infideles & paganos habebant, ut observat S. Optatus; neque etiam a Catholicis, quandoquidem S. Aug. Libris de Baptismo, & Epistolis 87. 23. & 61. alias 164. 203. & 223. Donatistas vel eo solum nomine gravissimi criminis insimulet, quod rebaptizarent.

Ad secundum: Quo pacto dici possunt habere eamdem Religionem, & eadem Sacra menta, qui ab ipso Claudio dicuntur Catholicos habuisse ut infideles & Paganos?

Ad tertium: Licet varia fuerit disciplina quantum ad Donatistarum in suis Dignitatibus restitutionem, nunquam tamen probabunt adversarii, admissos fuisse a Catholicis, nisi facta prius errorum suorum ejuratione. Id expresse tradit S. Aug. Epist. 61. alias 223. circa medium, Epist. 87. alias 164. circa finem, & 204. alias 61. non longe ab initio. Erga Protestantes simili modo se gessit Catholicorum societas: neque semel

mel iis omnibus suam communionem obtulit, sed s<sup>e</sup>pē ut in antiqu<sup>e</sup>  
matris gremium reverterentur adhortata est, & adhortatur etiamnum ac  
invitat.

## ARTICULUS III.

*De Sanctitate Ecclesie.*

**Q**uestio non est utrum Ecclesia Christi in se Sancta sit; consentiunt enim omnes eam in se Sanctam esse: *Pro ea enim seipsum tradidit Christus, ut illam sanctificaret.* Eph. 5. v. 26. Quæ sanctitas eluet tum in ejus auctore ac parente Christo, qui est fons & origo totius sanctitatis; tum in ejus fine, nempe cultu divino, cui promovendo consecrata est; tum in ejus doctrina, moribus, præceptis, consiliis, Sacramentis, quæ omnia sanctitatem undequaque spirant & exprimunt. Inde est quod S. Petrus Epistola I. cap. 2. v. 9. fideles Christianos appellat, *genus electum, gentem sanctam, populum acquisitionis.* Frustra eam sanctitatem quæsieris extra Catholicam Ecclesiam; nota quippe est ipsius tam propria & singulare, ut nulli alteri societati possit convenire.

Quæstio pariter non est, utrum omnia & singula Ecclesiæ membra eam habeant sanctitatem quam in ipsis exoptat pia mater: certum enim est in ejus finu multos esse malos, pro conditione hujus nostræ mortali-tatis, quorum vitia in ipsam Ecclesiæ constitutionem refundi non debent, cum ad sanctitatem inspirandam tota nata sit & instituta.

Quapropter apposite omnino S. Aug. Lib. 2. Retract. c. 18. *Ubiunque,* T. 8. p. 48. C. D. inquit, *commemoravi Ecclesiam non habentem maculam aut rugam, non sic accipiendum est quasi jam sit, sed quæ preparatur ut sit quando apparebit etiam gloriosa.* Nunc enim propter quasdam ignorantias & infirmitates membrorum suorum, *habet unde quotidie dicat: Dimitte nobis debita nostra.*

Quæstio igitur est 1. an societas Catholicorum, quæ sibi veræ Ecclesiæ nomen merito vindicat, sit sancta; 2. an societas Protestantum sit sancta.

## PRIMA CONCLUSIO.

Ecclesia Catholicorum est Sancta: ea sanctitate quæ veræ Christi Ecclesiæ propria est ac singularis.

Probatur: quia sanctitas quæ est propria & singularis Ecclesiæ Christi, posita est præsertim in tribus: scilicet in sanctitate doctrinæ & professio-nis; in sanctitate eorum qui primum eam fundaverunt; in gloria mira-culorum quibus veritatem & sanctitatem Christianæ Ecclesiæ confirmavit Dominus: atqui societas Catholicorum triplicem illam habet sanctitatem.

I. Habet sanctitatem doctrinæ & professio-nis, quia nihil docet quod non sit sanctissimum: de fide nihil proponit credendum, nisi vel scri-ptum sit in Sanctis Libris, vel constanti ac perpetua traditione ad nos transmissum, ac Conciliis definitum. Unicum Deum in spiritu & veri-tate colit: verum agnoscit Mediatorem Dei & hominum, hominem Christum Jesum; & si quas in cultu Dei usurpat ceremonias, non alio fine usurpat, quam ut mentem hominum ad celestia erigat. Non aliam habet moralem doctrinam, quam quæ a Christo, Apostolis, & SS. Pa-tribus tradita est: cetera vero quæ a Theologis disputantur, tamquam cogitationes hominum haberi debent, quas vehementer damnat & im-

probat , nisi & a cupiditate hominum prorsus alienæ sint , & ad sanctissimas morum regulas compositæ . Præterea , illa doctrina est sancta , quæ ejus est virtutis & efficacia ut ipsa sanctitatem & sapientiam aliis inspiret , ac convertat animas : atqui talis est doctrina quam profitetur societas Catholicorum . Norunt enim omnes , quos progressus fecerit in universo orbe statim atque annunciatæ est ; & quidem nullis hominum suffulta præsidiis , per Apostolos externa specie contemptibiles , sine vita , sine ulla arte aut verborum pompa , quamquam ea doceret quæ naturæ dura plane sunt & adversa , ac longo usu obfirmatos in vitio reperisset hominum animos . Necesse igitur est divinam plane esse sanctitatem doctrinæ quæ tantam vim habuit & efficaciam .

*T. 7. p.  
VII. F.* Merito igitur S. Aug. Lib. 2. de Civ. Dei cap. 28. ait : *Nihil (in Christianis Ecclesiis) turpe ac flagitosum spectandum imitandumque proponitur , ubi veri Dei aut precepta insinuantur , aut miracula narrantur , aut dona laudantur , aut beneficia postulantur .*

Non ita certe in sectis Hæreticorum : nullum enim fere est flagitiæ ac turpitudinis genus , cuius rei non fuerint veteres Gnostici , Carpocratiani , Montanistæ , &c. vide Bellarminum Lib. 4. de Ecclesia cap. 1. (T. 2. pag. 81.) Nonne & ipsi Reformatores nostri ex Religione sustulere quæ dura & onerosa sunt , jejunia , carnis macerationes , auricularem confessionem , &c.

II. Habet sanctitatem in primis sui instituti fundatoribus . Habet enim in Christo , qui est primus ejus auctor , fons & origo totius sanctitatis & justitiae . Habet in Apostolis & SS. Patribus , qui contra singulas hæres suorum sæculorum dimicaverunt . Habet in Martyribus , qui firmo ac constanti animo pro Christo occubuerent . Habet in tot Episcopis & Pastoribus , in tot Religiosorum Ordinum Institutotoribus eximiæ virtutis ac pietatis : nihil vero tale apud se esse probare possunt nostri Reformatores .

III. Habet sanctitatem doctrinæ miraculis a Deo confirmatam ; imo sola est quæ miracula habuerit , eaque tam indubitata , ut ab ipsis nostris adversariis negari non potuerint . Habuit primo sæculo miracula Christi & Apostolorum in sacris Libris memorata . Secundo sæculo miracula militum Christianorum in exercitu Marci Antonini Imperatoris , quæ referuntur a Tertulliano in Lib. ad Scapulam cap. 4. & Apologetici c. 5. ab Eusebio L. 5. Hist. c. 5. Tertio sæculo , miracula Gregorii Thaumaturgi , apud S. Basiliū Lib. de Spiritu Sancto c. 29. apud S. Greg. Nyssenum in vita ejus , S. Hier. Lib. de viris illustribus . Quarto sæculo , miracula Antonii , Hilarii , Martini , Nicolai , apud S. Athanasium , Hieronymum , Sulpitium . Quinto sæculo , miracula quæ describuntur a S. Augustino Lib. 22. de Civ. Dei c. 8. & quæ suo tempore Carthagine & Mediolani contigisse narrat . Sexto sæculo , miracula quæ narrantur a S. Gregorio Magno in suis Dialogis ; & multa alia sicuti Annales Ecclesiasticos percurrenti constare facile poterit .

Et certe rem omnino dissimulare non potuerunt Magdeburgenses in suis Centuriis quibus priorum Ecclesiæ sæculorum historiam suo modo complexi sunt . In singulis enim Centuriis c. 13. notant ac referunt ex Auctoribus illorum temporum varia miracula ; imo plura in singulis sæculis inveniuntur in confirmationem præcipuorum capitum doctrinæ Ca-

tholicę, ut Confessionis sacramentalis, præsentiae realis Christi in Eucharistia, invocationis Sanctorum, sanctorum Reliquiarum & Imaginum. Ipsi etiam ejusmodi titulos præfigunt; & quamvis postea subjungant, illa omnia mera fuisse Dæmonum præstigias, aut falsas narrationes, nihil tamen asserunt quo id probent, nisi quod hęc miracula pugnant cum novis Lutheri & Calvini placitis.

Verum si hęc omnia recte perpendantur, facile apparebit ex omnibus plane circumstantiis, vera procul dubio fuisse miracula, quę a tot & tam sanctis viris, tam frequenter facta sunt in testimonium fidei quam nunc quoque eamdem cum ipsis profitemur; ac proinde illa merito reponi a S. Augustino L. de utilitate credendi c. 17. & L. contra Epistolam fundamenri c. 4. inter illa Societatis Christianæ charissima vincula, quibus ajebat se teneri Ecclesiæ Catholice sinu. Hinc est etiam quod Richardus a S. Victore L. 1. de Trinit. c. 2. Dominum sic alloqui non dubitat: *Domine, si error est (quod credimus) a te ipso decepti sumus:* <sup>Ed. Rom. nonnisi per te fieri possunt.</sup> Ubi autem vera sunt miracula, ibi & vera <sup>165. p.</sup> fidei doctrina: Deus quippe miraculorum auctor, mendacii & erroris <sup>218. C.</sup> testis & assertor esse non potest.

#### Solvuntur Objectiones.

Objecies 1. Societas nostra corrupta est in doctrina & in moribus, tam in capite quam in membris. De doctrina patet ex infinitis propemodum erroribus & superstitionibus, quibus verus & internus Dei cultus corrumptitur: & de moribus vero patet, ex reformatione seu emendatione quę identidem adhibenda fuit tam in capite quam in membris, &c.

Resp. nego ant. Solleme quippe semper fuit Hæreticis Catholicorum societatem, a qua ejiciebantur, calumniis proscindere. Sic Manichei objiebant olim Catholicis, hypocrysim, superstitionem, sepulchrorum adorationem, luxuriam: ita S. Aug. L. de moribus Ecclesię c. 34. Sic Luciferiani affirmabant universum mundum factum esse Ecclesiam diaboli & antichristi; ac potius Synagogam, quam Christi Ecclesiam dici debere: ita S. Hieronymus Dialogo adversus Luciferianos. Sic Donatistæ Cathedram Ecclesiæ Catholicae vocabant Cathedram pestilentia, quia sancti in ea sedere non possunt: ita S. Aug. L. 2. contra Litteras Petilianis c. 51. Quid igitur mirum si Reformatores nostri veteres Hæreticos imitati calumniis onerant societatem Catholicorum? Non est hic locus singula accusationis eorum capita percurrente refellere. Dixisse sufficiat, quod jam observavimus, privatorum errores ac virtus non esse ipsi Ecclesia imputanda; ac nullum ab Hæreticis proferri posse Ecclesiæ Catholicae Judicium, Canonem nullum, quo vel error, vel morum corruptela fuerit approbata.

Objecies 2. Efficacia doctrinæ certum non est ejus sanctitatis argumentum: tum quia magnos fecit etiam progressus Infidelium & Hæreticorum doctrina, ut patet exemplis Mahumetanorum, Lutheranorum & Calvinistarum: tum quia si quos sua doctrina converterunt Catholicos, id non fecit doctrinæ simplicitas, sed dolus, promissa, minax.

Resp. nego ant. Ad exemplum Mahumetis, non est quod miremur ejus sectæ

sectæ progressus: nam præterquam quod hominum libidini plurimum faciet, armorum vi, non persuasione doctrinæ tam longe lateque diffusa est. Imo Mahumetes ipse Alcorani c. 18. & 19. bello & armis cogendos esse homines ad suas partes & doctrinam amplectendam affirmat.

Nihil quoque mirum videri debet quod Lutheri & Calvini hæresis tot regiones occupaverit: quid enim non potest novitas, ubi sub specie severioris & sanctioris morum disciplinæ ea rescinduntur, quæ in Catholicorum Religione magis ardua sunt & onerosa, ut v. g. Confessio sacramentalis, Jejunium, Cœlibatus in Ministris Ecclesiæ, &c.? At quod ea Religio, quæ nonnisi dura docet, quæ tota nature inclinationi contradicit, tam stupendos fecerit progressus, id vere soli ejus doctrinæ sanctitati & auctoris ipsius efficaciam adscribendum est. Quas vero strages in Gallia, Germania, Anglia; quas tempestates ac rebelliones excitaverit prætensa Novatorum reformatio, nemo ignorat. Quod ajunt de doce, promissis ac minis a nostris usurpatiis, ut facilius ad Christum homines converterent, putida fabula est.

Objicies 3. Miracula non possunt probare sanctitatem alicujus doctrine.

I. Quia fieri possunt vel a Magis & Ariolis, ut patet ex c. 7. & Exodi, ubi Magi Ægyptii suas virgas vertierunt in dracones, & alia miranda presterunt; vel ab Antichristo & Pseudoprophetis, Matth. 24. v. 24. ubi dicuntur daturi signa magna & prodigiæ in fine mundi; & quidem tanta, ut in errorem inducantur (*si fieri potest*) etiam electi. Vel ab Ethniciis, ut a Vespasiano apud Suetonium in vita Vespasiani n. 7. qui refert iūmen cœco restitutum fuisse ab illo Imperatore ejus sputo, & claudum ejus calce sanatum; vel ab Hæreticis, ut refert Socrates L. 7. c. 17. de Paulo Novatianorum Episcopo; vel denique a viris improbis, ut supponit illud Apostoli I. Cor. 13. v. 2: *Si habuero omnem fidem, ita ut montes transferam, charitatem autem non habuero, nihil mihi prodest.*

II. Quia S. Aug. Tractatu 13. in Joann. diserte afferit non esse credentes dum Donatistis etiam miracula facientibus; ubi per contemptum eos *Mirabilios vocat*: & L. de unitate Ecclesiæ c. 19. pluribus ostendit litem inter Catholicos & Hæreticos ex miraculis non esse dirimendam, cum utробique inveniri possint; neque Ecclesia sanctitatem probandam esse ex miraculis, quippe quæ totam suam ab illa habeant auctoritatem. Imo postquam dixit non esse credendum miraculis Donatistarum, addit, nec etiam fidem adhibendam esse miraculis Catholicorum, quia, *Quicumque inquit, talia in Catholicis sunt, ideo sunt approbanda, quia in Catholicis sunt; non ideo ipsa manifestatur Ecclesia, quia haec in ea sunt.* Et certe non potest per miracula certo demonstrari quæ sit vera doctrina, & vera Ecclesia, nisi prius constet miracula illa vera esse & a falsis distincta: atqui id constare non potest nisi ex ipso Ecclesiæ Judicio; ergo non Ecclesia per miracula, sed potius miracula per Ecclesiæ demonstranda sunt.

III. Quia miracula quæ a Catholicorum Auctoribus referuntur, vel facta sunt, vel saltem imaginaria; hoc est, vel ita non contigerunt sicuti narrantur ab Historicis; vel si contigerunt, meræ fuerunt démonum prestigie, aut certe hominum illusiones: idque probant nostri recentiores Hæretici duobus presertim momentis, atque inter alios Jurius in Libro de Præjudiciis legitimis contra Papismum parte 2. c. 17. Primo, ex prodigiosa mi-

raculorum multitudine, quæ leguntur facta a SS. Francisco, Dominico, Vincentio Ferrerio & aliis, ita ut nusquam Apostoli aut tot patraverint, aut tam stupenda: ad quid vero tot miracula, ea præsertim quætate qua confirmata est Christiana Religio? Imo S. Chrysostomus Hom. 49. in Matth. innuit sublatam fuisse suo tempore miraculorum operationem. Secundo, ex stoliditate & ineptia eorum miraculorum, quæ certe majestate Dei indigna referunt; quo uno facta illa esse ac falsa comprobatur.

IV. Si Calvinistæ nulla proferunt miracula ad probandam sanctitatem suæ doctrinæ, inde est, quod miraculis non indigeant; quandoquidem nonnisi purum Dei verbum, ac puram Apostolorum doctrinam tot miraculis per ipsos olim confirmatam, edocent. Et certe, inquiunt, Sanctus Joannes, licet a Deo missus fuerit extraordinarie, nullum tamen signum fecit, ut expresse asseritur Joan. 10. v. 42.

Resp. 1. nego ant. Cum enim miraculum, si verum sit, folius Dei virtute fieri possit in confirmationem veritatis, necesse est veram esse hanc doctrinam & Religionem, cujus gratia miracula patrari Deus permittit. Unde vel ipsemet Christus Joan. 10. v. 52. se Deum esse, ac vera esse quæ dicebat, miraculorum auctoritate, quæ in Scripturis Dei testimoniam vocantur, comprobabat: & c. 15. v. 24. *Si, ait, opera non fecisset in eis ( Judæis ) quæ nemo alius fecit, peccatum non haberent: & c. 10. v. 38. Si mihi non vultis credere, operibus credite, ut cognoscatis & credatis quia Pater in me est, & ego in Patre.*

Hinc Apostoli frequentia edidere miracula: hinc SS. Patres, præsertim vero S. Augustinus pluribus in locis ostendit vim maximam inesse miraculis ad fidei veritatem comprobandam. Ita Libro contra Epistolam fundamenti c. 4. ubi asserit se in Ecclesia Catholica miraculorum auctoritate retineri, L. de utilitate credendi contra Manicheos, L. 10. de Civitate Dei c. 12. & 17. & L. 22. c. 5. & 8. plurima refert miracula quæ variis in locis suo tempore contigerant: ut Mediolani, lumen redditum cæco; Carthaginæ, virum gravissimo morbo liberatum; juvenem paralyticum sanatum; adolescentes a dæmonie liberatos; mortuos suscitatos, &c.

Resp. 2. ad singulas Objectionis partes.

Ad primam, quæ contendit a Magis, a Pseudoapostolis, & Antichristo, ab Ethniciis, Hæreticis & improbis facta esse miracula, ex quibus pro confirmanda fidei veritate duci non potest argumentum.

I. Magi & Arioli veri nominis non edidere miracula: sed fuere potius quedam artificia dæmonis vel oculos fascinantis, vel tollentis impedimenta ab ipso posita, aut quæ natura tolli patitur saltē occultiori vi dæmonis, vel proponentis opera quedam naturæ, aut aliunde adducta, aut recens producta, applicando activa passivis. Sic v. g. serpentes Magorum Ægypti aliunde adduci potuerunt, & virgæ Magorum imperceptibiliter subduci, Deo illud per dæmones permittente, tum ob alias causas, tum maxime, ut cum mira quedam facere permissi essent, miraculis vincerentur, ait S. Aug. L. 10. de Civitate Dei c. 8.

Præterea, et si prodigiosa & miraculosa viderentur hæc Magorum opera, hæc tamen a Deo non esse facile intelligere poterant Ægyptii: tum quia, ut observant Interpretes ad caput 7. & 8. Exodi, draco, in quem

virgam suam convertit Moyses Ægyptiorum dracones, in quos & illi vires suas verterant, voravit: tum quia ita plagas populo infligere potuerunt Magi, ut illum ab iis liberare non potuerint: quasi nempe, ut observat Theodoretus q. 18. in Exodum, exitiosa tantummodo fuerit tota eorum vis, ac tota in suam propriam perniciem conversa. Sic v. g. potuerunt aquam in sanguinem vertere, sicut & verterat Moses; potuerunt etiam ut & ipse, ranas in totam regionem invehere: at nec sanguinem in aquam vertere potuerunt, nec ranas ab Ægypto removere. Tum quia scinches non potuerunt producere; Deo scilicet, ut observat Theodoretus, Magorum imbecillitatem, artemque, qua utebantur, procul abesse a virtute divina, tunc manifestante; adeo ut confessi fuerint in illa plaga esse digitum Dei, hoc est, singularem potentiae Dei operationem.

Neque est quod dicat aliquis; si dæmones tam facile possent suis præstigiis verorum miraculorum speciem externam adumbrare, nonniſi admodum difficile vera miracula a falsis discerni possent; adeoque inutilia evaderent ad fidei certitudinem producendam.

Namque dantur quædam notæ ac signa quibus vera miracula dignosci possint a falsis: 1. in illis operibus consideranda est diurnitas effectus & perseverantia, quæ est maximum veritatis indicium: quæ enim siue sunt, brevi evanescunt. Hinc Magi Pharaonis post aliqua opera, quæ prodigiosa videbantur, deprehensi sunt deficere; atque hoc publice confessi sunt Exodi 8. v. 19. Similiter falsitas miraculorum Simonis statim manifesta fuit, cum ad Petri orationem decidit mortuus; 2. attendendi sunt effectus quibus miraculorum veritas declaratur, quales maxime solent esse actiones vitae, ut manducare, loqui in Lazaro resuscitato: videre in cæco a nativitate, & ita de aliis; 3. circumstantiae quibus sunt illa miracula: si v. g. per orationem ad Deum; si finis talium operum non sit aliquid temporale & pravum; si adjunctum habeant aliquod opus Dei proprium, ut secretarum cogitationum manifestationem.

II. Pseudoapostolorum & Antichristi falsa & mendacia erunt, non vera miracula; juxta Apostolum II. ad Thessalonenses 2. v. 8. & 9. ubi de Antichristo sic loquitur. *Tunc revelabitur ille iniquus quem Dominus Jesus interficiet spiritu oris sui;* & deſtruet illustratione adventus sui eum: cuius est adventus secundum operationem satanae, in omni virtute, & signis, & prodigiis mendacibus; & in omni seductione iniquitatis iis qui pereunt. Mendacia porro, id est non vera neque solida, sed falsa & ad summum apparentia appellat Apostolus hujusmodi miracula; vel quia fallaciter dumtaxat & illusorie, non autem vere fient; vel quia absolute & simpliciter non sunt miracula, utpote quæ omnem naturæ creatæ facultatem non superant; qualia sunt ventos & tempestates excitare; ignem calo deducere; quosdam languidos subito sanare: vel quia ad mendacium, id est errorem homines inducunt.

Licet autem posterioris hujus generis miracula ope dæmonis ita praefari queant, ut vera sint quoad substantiam & in genere rerum, attamen nunquam possunt esse vera in genere signorum seu miraculorum: unde merito simpliciter dicuntur ab Apostolo mendacia; quia sive vere fiant, sive fallaciter, falsa tamen erunt & mendacia in genere miraculorum. Constat enim proprie dicta miracula nonniſi a Deo fieri posse; quia scilicet ad hoc sunt instituta, ut per ea virtus & sanctitas doctrinæ confirmetur, ac

velu-

veluti sigillis quibusdam cælestibus obsignetur. At miracula Sanctorum vera semper fuerunt, saltem quoad modum, & eorum pleraque etiam quoad substantiam, ut illuminationes cœcorum, curationes sudorum, suscitatio mortuorum, quæ sola Dei virtute fieri possunt.

III. Neque etiam vera sunt quæ ab Ethniciis edita referuntur miracula: Non Vespasiani, quia nec vere fuit cœcus, nec vere claudus, qui ab eo sanati sunt. Id observat Cornelius Tacitus L. 4. Historiarum n. 8r. ubi refert medicos asseruisse rem non esse ope humana superiorum, priusquam quidquam tentaretur a Vespasiano. *Medici, inquit, varia differere, huic non exessam vim luminis, & reddituram, si pellantur obstantia; illi elapsos in pravum artus, si salubris vis adhibeatur, posse integrari.*

Addi potest cum Tertulliano, Apologetici c. 22. non raro in simili occasione contingere, ut dæmones maleficium nescio quid hominibus inferant, quod dum sustulerint, beneficium conferre existimantur a neScientibus, & prodesse, cum obesse desinunt. Idem dicendum de miraculo quod refert Valerius Maximus de Virgine Vestali L. 8. de Judiciis publicis n. 5.

IV. Si apud Hæreticos nonnulla facta sunt miracula, non in hærefoes, sed in fidei confirmatione facta sunt: sicut illud de alveo baptismati Apud Socrate. L. 7. c. 17. p. 354.  
divinitus exhausto; quod sane a Deo editum est, ut Baptismatis Christiani, quod apud Novatianos aliosque Hæreticos, ut & apud Catholicos valebat, sanctitatem & characterem, quo ejus prohiberetur iteratio, confirmaret. Deinde vero certum est tentata sèpius fuisse ab Hæreticis miracula, eosque semper sua spe frustratos: ut constat ex historia Prophetarum Baal quæ refertur L. III. Regum c. 18. Simonis Magi, de quo loquitur Egesippus L. 3. de excidio Jerosolymitano c. 2. Manichæi, ut refert S. Epiphanius hæresi 66. Donatistarum, ut scribit Optatus L. 2. contra Parmenianum, Polichronii Monachi Monothelitæ, de quo Actione 15. sextæ Synodi generalis, Lutheri, ut refert Cochlaeus in actis Lurheri ad an. Christi 1523. & Calvini, ut refert Bolserus in vita ejus c. 13. Vide Bellarminum L. 4. de Ecclesia c. 14.

V. De improbis vero dico, vel miracula fieri sine ullo respectu ad aliquam veritatem per illa confirmandam, sed tantum propter aliquorum utilitatem, v. g. ad sanitatem conferendam; vel in confirmationem aliquius doctrinæ. Priori modo potest etiam Deus operari miracula quorumlibet ministerio, quamvis id rarius contingat: sicut olim facta sunt ministerio cuiusdam Judæi dæmonia ejicientis, de quo S. Lucas c. 9. v. 49. Posteriori autem modo fieri non possunt nisi in confirmationem sanctæ doctrinæ; alioqui Deus falsus esset testis, & cooperaretur mendacio. Si autem fiant in testimonium veræ fidei, nihil interest ad eorum veritatem, utrum fiant per bonos, vel per malos; sicut nihil interest ad veritatem Sacramenti, quod conficiatur a bono vel malo Ministro.

Ad secundam partem Objectionis, quæ duobus S. Augustini testimoniis nititur,

Resp. ad primum: Vera non fuisse illa Donatistarum miracula, de quibus per contemptum loquitur S. Doctor; sed occultas forte quasdam visiones seu revelationes quas illi sine teste & probatione fingebant a se habitas. Unde loco citato, scilicet Tractatu 13. in Joan. n. 17. *Nemo ergo, F. G. in-* T. 3 par. 2. p. 398.

inquit, *vobis fabulas vendat. Et Pontius fecit miraculum; & Donatus oravit, & respondit ei Deus de celo. Nam, inquit, aut falluntur, aut fallunt.*

*Deinde vult tantum eo loci ostendere, neque etiam credendum miraculis, etiam si fierent ab iis qui sunt extra unitatem Ecclesiae, unde ibidem*  
*Ibid. p. concludit: Teneamus ergo unitatem, fratres mei; praeter unitatem, & qui facit*  
*399. A. miracula nihil est. In unitate enim erat populus Israel, & non faciebat miracula: praeter unitatem erant Magi Pharaonis, & faciebant similia Moysi.*

*Quod autem S. Doctor vera miracula non contempserit, patet vel ex*  
*r. 7. p. solo L. 22. de Civitate Dei c. 8. ubi aduersus Paganos plurima opponit*  
*663. & miracula facta ad Reliquias Sanctorum, & praeципue S. Stephani: & c. 9.*  
*sed.*  
*Ibid. p. probat universa miracula quæ per Martyres Christi nomine fiunt, ei si-*  
*673. dei testimonium ferre, qua in Christum Martyres crediderunt.*

Ad secundum: Vult tantum S. Augustinus eo loci miracula non esse Scripturis sacris præponenda. Opponebant scilicet Donatistæ & Præsumtum suorum sanctitatem, & Concilia, & miracula apud suos patrata. Prolixior fuisset disputatio, si S. Augustinus sanctitatem Catholicorum cum Hæreticorum hypocrisi, si Catholicorum Synodos cum Hæreticorum Conciliabilis, si illorum miracula cum horum præstigiis & prodigiis conferre voluisset: quamquam alibi sepius, cum per otium illi licuit, effusam hanc pugnae aciem ingressus est, atque immerito Donatistas iis gloriari ostendit. Ut ergo hocce in loco brevius disputationem expeditat S. Doctor, provocat ad Scripturas sacras, ex quibus longe apertius poterat definiri.

Alia igitur ratione disputat S. Augustinus aduersus Donatistas, alia aduersus Manichros. Quia Donatistæ utriusque Testamenti Scripturas admitebant, suaque passim jačabant visiones, & vera Ecclesiae miracula contemnebant, idcirco S. Doctor aduersus ipsos probat ex Scripturis 1. Ecclesiam; deinde vero per Ecclesiam judicium ferendum esse de miraculis; seu ea admittenda, quæ vera esse suo judicio publico enprobabat. Ubi vero agit contra Manichros qui negabant Scripturas; ac veterem a diabolo ortam esse, novam autem ubique corruptam & interpolatam dicebant, demonstrat in Libro contra Epistolam fundamenti, 1. ex miraculis veram Ecclesiam; deinde ex Ecclesia demonstrat Scripturas.

Neque urget argumentum superius adductum, nempe absurdum esse demonstrare ex miraculis Ecclesiam, & miracula vicissim ex Ecclesia. Namque recte & legitime utrumque fieri potest in diverso scilicet genere demonstrationis; quemadmodum ex effectu demonstratur causa, & vicissim effectus ex causa. Etenim ex miraculis demonstratur Ecclesia, non quidem quoad evidentiam vel certitudinem rei, sed quoad evidentiā & certitudinem credibilitatis: cuius quidem rei ratio est, quod ante Judicium & approbationem Ecclesiae, nulla sit nobis evidētia aut certitudo fidei alicujus miraculi, quod nempe verum sit miraculum, licet tale sit ut nobis rem efficiat evidenter credibilem.

Dici etiam posset inter prima miracula quæ Christus & Apostoli patrarent ad confirmandam doctrinæ quam annunciant veritatem, & alia subsequentia, id esse discriminis, quod initio doctrina ex miraculis, que nemo negare poterat, dignoscenda foret: ac subinde semel confirmata & perspecta doctrinæ veritate, ex ipsa miraculi, quod in ejus gratiam fieri dicitur, veritas testimanda est ac discernenda; ita ut primum expendatur

doctri-

doctrina, ut ex ea certo constare possit an miraculum quod in ejus confirmationem adducitur, verum sit aut falsum: si autem ea vera esse deprehendatur, ex miraculo tamquam a posteriori rursus illa demonstrabitur. S. Augustinus L.22. de Civitate Dei c.5. in hunc fere modum contra Paganos pro Religione nostra ex miraculis argumentatur: Aut Christiana Religio divinis miraculis orbi probata est, aut nullis miraculis est confirmata. Si aliquibus miraculis probata est, ergo divina est, & digna quæ recipiatur: sin autem nullis, multo etiam magis est fide digna. Quod enim maius miraculum ad illius veritatem & auctoritatem persuadendam proferri potest, quam si nullis testata miraculis, eam tamen vim per se habuerit ut ab universo orbe sit suscepta? Numquid hoc ipsum maximum ac stundendum est miraculum? Unde merito dicebat idem S. Aug. c. 8. ejusdem Libri, *Quisquis adhuc prodigia ut credat inquirit, magnum est ipse prodigium, qui mundo credente non credit.* T. 7. p. 663. A.

Ad tertiam partem Objectionis, in qua dicitur miracula Catholicorum vel facta esse, vel dæmonum præstigias,

Respondeo utrumque falsissimum esse.

Falsum est I. facta esse illa miracula: 1. quia, sicut respondet S. Augustinus Paganis negantibus historias miraculorum nostrorum L.10. de Civitate Dei c.18. si licet pro libito & absque ratione negare facta olim miracula, peribit fides omnium Librorum, Historiarum atque Scriptorum; & nostra non solum labefactabitur, sed etiam quæcumque alia Religio; 2. nemo sanæ mentis asserat fidem potius adhibendam Calvinum, Magdeburgensibus, Jurio & aliis hujusmodi hominibus, circa ea quæ pertinent ad veteres historias, quam tot sanctis Viris & Scriptoribus egregiis Cypriano, Athanasio, Hieronymo, Augustino, Gregorio Magno, Bernardo, qui ut plurimum referunt res a se vidas, aut saltem suis temporibus cognitas.

Falsum est II. præstigias esse dæmonum: 1. idem olim Christo objiebant Judæi. Idein Gentiles Apostolis, & Martyribus, quos velut magicæ artis reos traducebant. Idem Vigilantius, Ariani, Eunomiani & alii vulgo veteres Hæretici de miraculis Sanctorum effutiebant, quorum antiquam calumniam renovant nostri Reformatores; 2. gratis omnino ac sine ullo fundamento id asserunt Novatores; ac eos omnem frontem posuisse oportet, ut viros tantæ sanctitatis ac pietatis, mendacii, fraudis ac dolii accusent.

Quod addit Jurius de multitudine ac stoliditate eorum miraculorum quæ Sanctis bene multis tribuuntur, nihil probat. Namque non ea omnia quæ circumferuntur, admittimus: sed ea solum quæ agnoscit & approbat Ecclesia post serium ac diligens examen: unde monet Synodus Trid. sess. 25. nova miracula sine gravissimo consilio ac diligentí examine ab Episcopis non esse admittenda. Sicut autem non omnia sunt leviter admittenda, ita nec omnia temere rejicienda.

Quod autem ex S. Chrysostomo refertur, apocryphum est: omnium enim eruditorum iudicio, ipsius non est opus illud unde petitur objectio.

Ad quartam partem Objectionis 1. supponunt Novatores, se veram & puram Christi doctrinam profiteri; at id negamus & invictis demonstramus, ubi opus est, argumentis; 2. quod addunt de S. Joanne, non urget: et si enim miracula non fecerit, ipse miraculum fuit auctoritatis divinæ pon-

pondus habens, quam ipsi conciliaverat miraculosa nativitas ex matre sterili & annosa; vita solitaria, vixus austeras, conversationis innocentia, prædicationis libertas & efficacia, ipsum Joannis nomen ante circumcisioem divinitus impositum, ab Angelo prænuntiatum, & notatione sua gratiam designans; ut nihil interim dicatur de tot aliis quæ nativitatem ejus antecesserunt & circumstant prodigiis. Denique Johannes Sacerdotis filius erat, adeoque Sacerdos ipse & minister ordinarius veteris Synagogæ: quamvis autem Principes Sacerdotum & Pharisæi eum odissent, quia Christum annunciat, attamen interrogati a Christo Matth. 21. v. 25. quid sentirent de Baptismo Joannis, non autem sunt eum improbare. Constat enim ex Josepho L. 8. Antiquitatum c. 10. Joannem a Judæis habitum fuisse, propter justitiam & sanctitatem, inter præcipuos & sanctiores viros: quamobrem audiendi non sunt Magdeburgenses dum ajunt Centuria 1. L. 1. c. 10. Joannem habitum fuisse a Sacerdotibus & Pharisæis pro hæretico.

Objciones 4. aliquas rationes quibus probari videtur sanctitatem non esse Ecclesiæ notam: 1. morum corruptela non est certum falsæ doctrinæ argumentum; ergo nec sanctitas morum potest esse nota veræ doctrinæ, nec consequenter Ecclesiæ; 2. propter sanctitatem aliquorum Ecclesiæ non debet sancta denominari: cum enim accidens aliquod convenire potest toti & parti, si soli parti conveniat, non prædicatur de toto, ut patet in Physicis & Logicis: at sanctitas convenire potest toti Ecclesiæ, nec tamen convenit nisi aliquibus fidelibus; 3. si propter sanctitatem aliquorum dici potest sancta, similiter dici poterit prædestinata vel damnata, quia sunt in ea nonnulli prædestinati & alii reprobri.

Respondeo ad singulas rationes.

Ad primam: effet quidem illustrius argumentum a sanctimonia vita ad veritatem doctrinæ & Ecclesiæ, si omnes ea morum innocentia vivent, quæ Christianorum vocationi maxime convenient: at Christus qui docuit in Ecclesia sua futuros esse bonos & malos, statuit signum veræ Ecclesiæ & doctrinæ in sanctitate bonorum. Sic igitur signa vita in aliquibus membris corporis humani apparentia, arguunt vitam totius corporis; atque signa mortis in aliis membris, non inferunt totius corporis mortem; ita sanctitas vera quæ in aliquibus Ecclesiæ membris occurrit, ostendit originem veræ sanctitatis in Ecclesia reperiri.

Ad secundam: Potest dici sancta propter magis præcipias & nobiliores ejus partes quæ sanctæ sunt. Sic dicitur exercitus aut cohors fortis, licet in iis multi sint ignavi; quia aliquos habent viros fortes & strenuos. Sic dicitur opulenta aliqua Civitas, et si multos habeat etiam in majori numero viros inops. Similiter & Ecclesia.

Ad tertiam: Potest dici prædestinata, tum ob singularem ejus a Deo factam prædestinationem: tum ob præcipias ejus partes singulari Dei beneficio electas: non autem damnata, quia denominatio semper desumitur a nobiliori parte, non a majori; ut patet in exemplis adductis de civitate & cohorte.

## SECUNDA CONCLUSIO.

Societas Protestantium non est sancta ea sanctitate quæ veræ Christi Ecclesiæ propria est ac singularis.

Probatur I. Illa Societas non est sancta ea sanctitate quæ veræ Christi Ecclesiæ propria est & singularis, cuius doctrina non est sancta, cuius Moralis principia non ducunt ad sanctitatem, cuius auctores non sunt sancti: atqui talis est Societas Protestantium.

Primo, doctrinam Protestantum non esse sanctam patet I. quia renovat antiquos veterum Hæretorum errores jam pridem ab Ecclesia proscriptos.

Simoniani Apostolorum temporibus docebant inutilia esse bona opera ad salutem: ita de iis testatur S. Irenæus adversus hæreses L. I. c. 23. alias 20. & Theodoreetus L. I. hæretarum fabularum c. I. In eadem quoque hæresi fuisse Valentianos, auctor est idem S. Irenæus: fuisse & Eunomianos, docet S. Augustinus L. de hæresibus c. 54.

Et eadem hæc est doctrina nostrorum Reformatorum, tum Lutherorum, tum Calvinistarum. Illorum quidem, ut patet ex Synodo Voratiensi, in qua postulantibus Principum Germaniae Legatis, antequam ulla haberetur cum Catholicis disputatio, ut primum quatuor articuli damnarentur, in quibus tertium locum obtinebat propositio quæ asserit bona opera necessaria esse ad salutem, omnes unanimi consensu hujus sententiaæ damnationi subscripsere. Horum vero, ut patet ex eorum Confessione Gallica articulo 20. & Helvetica art. 16. ubi diserte profitentur se credere justitiae participes sola fide sine bonis operibus.

Pelagiani inter multos errores hæc duo asserebant: primum, nullum esse in hominibus peccatum originale, maxime vero in filiis fidelium. Ita refert S. Augustinus l. 6. contra Julianum c. 2. & 3. & l. 4. ad Bonifacium c. 1. & 4. Et juxta illud principium dicebant, infantibus absque Baptismo decadentibus vitam aeternam a Deo concedi. Id expresse tradit S. Augustinus l. de hæresibus [c. 88. & l. 1. de anima & ejus origine c. 9. Damnatus fuit error ille in Concil. Milevitano apud S. Augustinum Epistola 176. alias 92. & in Concilio Carthaginensi, cuius Canones confirmati sunt ab Innocentio I. & in Collectione Canonum Africæ inserti. Alterum, per quodlibet peccatum quantunvis levissimum amitti justitiam; ac proinde omne peccatum esse mortale. Ita refert S. Hieronymus l. 2. contra Pelagianos.

At eadem est doctrina nostrorum Reformatorum. Ac I. docent fidem ita esse efficacem, ut filii fidelium absque Baptismo morientes salutem aeternam obtineant. Ita expresse docent Zwinglius l. de Baptismo, Martinus Bucerus scribens in caput 3. S. Matth. & Calvinus l. 4. Institutionis c. 15. n. 20. Idipsum docent in suo Catechismo, Dominica 50. & in forma Baptismi n. 11. Alterum etiam tradunt Reformatores nostri, cum negant ullum esse discrimen peccati venialis a mortali; & ajunt peccatum omne natura sua esse mortale. Ita Calvinus L. 2. Instit. c. 8. n. 58.

Novatiani docebant non esse in Ecclesia potestatem homines Deo reconciliandi, nisi per Baptismum; neque debere rebaptizatos Chrismate in-

Habita  
est an.  
1557.  
tempore  
Caroli  
V.

ungi ab Episcopo. Ita refert Theodoreetus L.3. hæret. fabul. c.5. & Cornelius summus Pontifex apud Eusebium L.6. Hist. c.43. sive illi germinantes errorem duo tollebant Sacra menta, Pœnitentia scilicet & Confirmationis.

At hæc ipsa est doctrina nostrorum Reformatorum, ut patet ex Calvinno L.4. Instit. c.19. n.17. ubi ait nullum esse Pœnitentia Sacramentum praeter Baptismum; & n.5. usque adeo abhorret a Sacramento Confirmationis, ut Chrisma nostrum dicat esse oleum diaboli mendaciis pollutum. Eadem docent Lutherani, ut patet ex Confessione Augustana art. 12.

Donatistæ docebant Ecclesiam Christi ex solis Sanctis constare, unde inferebant Ecclesiam visibilem periisse, atque in solis Africæ Regionibus esse superstitem. Ita refert S. Augustinus L. de unitate Ecclesie c.12. Notum est etiam quam crudeliter & impie sacerdentes in Catholicos Donatistæ. Legendum S. Augustinus L.2. contra Petilianum c.51. & 61. L.3. c.40. Epistola 44. alias 163. & Optatus L.2. & 6. contra Patmenianum..

At eadem est tum doctrina, tum agendi ratio Reformatorum. Ita Calvinus pluribus in locis; & recentiores Calviniiani, tum in Catechismo, tum in suis Confessionibus. Quod etiam nihil minus egerint aduersus Catholicos & eorum Ecclesiæ quam Donatistæ, patet ex omnibus Historiis, ubi cædes, strages & sacrilegia fuse narrantur.

Aeriani tria potissimum docebant, teste S. Epiphonio hæresi 75. & S. Aug. hæresi 33. 1. nec orandum, nec pro mortuis oblationes offerendas; 2. nec statuta jejunia esse celebranda, ne forte sub Lege esse videamur; 3. Presbyterum ab Episcopo nulla differentia debere discerni.

At eadem est doctrina nostrorum Reformatorum. Ita Calvinus L.3. Institutionis c.5. n.6. & 7. ubi ex professo impugnat orationem pro defunctis; & L.4. c.12. nu.20. impugnat jejunium quadragesimale, quod superstitionem vocat: denique L.4. c.3. n.8. ostendit eamdem esse Episcoporum & Presbyterorum functionem & provinciam. Ipsi Magdeburgenses in Historia sua, Centuria 4. c.5. cum in aliorum Hæreticorum erroribus enumerandis omittere soleant eos, quos etiam suos esse agnoscebant, cum ad Aerium venerunt, tresque illos prædictos a SS. Augustino & Epiphonio observatos esse animadverterint, ab iis referendis abstinere non ausi sunt; verum ubi eos recensuerunt, statim addiderunt, si nihil aliud sit, eos non videri errores, sed contrarium potius doctrinam erroneam esse. Fatentur ergo has tres sententias sibi cum Aerio communes esse: at meminisse deberent eas a veteri Ecclesia velut hæreses fuisse proscriptas.

Patet 2. doctrinam Protestantum non esse sanctam, quia adversatur sanctæ morum disciplinæ quæ vigebat etiam purissimis & sanctissimis Ecclesiæ temporibus. Duo tantum referemus: alterum de invocatione Sanctorum; alterum de cœlibatu Ministrorum Ecclesie.

Non dissentunt nostri Reformatores, invocationem Sanctorum in usu fuisse apud SS. Basilium, Gregorium Nazianzenum & Nyssenum, Ephrem, Theodoreum, Chrysostomum, Cyrillum Hierosolymitanum, Patres sexcentos Conc. Chalcedonensis, S. Ambrosium, Hieronymum. Non dissentunt etiam, cœlibatum saltem quarto sæculo ab Ecclesia frequentissime suis Canonibus sancitum: & in Conc. Chalcedonensi excommunicantur Diaconis-

conis̄, Virgines & Monachi, qui matrimonia contrahunt post suam Deo factam consecrationem. Norunt omnes quam s̄aepē ejusmodi matrimonia velut adulteria damnaverit Ecclesia: & tamen contradicunt nostri Reformatores; tam sanctas leges spernunt & irrident; ex officina satanæ prodiisse talia figura passim inverecunde effutunt: unde necesse est alterutrum sequi; nempe aut gravissimis erroribus implicatos fuisse primorum saeculorum Doctores, eosque immerito ut viros sanctos & religiosos a Catholicis habitos fuisse, qui potius fuissent Dei inimici, idolatriæ. impudicitia & aliorum criminum rei: cum doceant Protestantes, atque inter alios Claudius in defensione Reformationis, nunquam potuisse a quocquam doceri *Sanctorum invocationem, sine dispendio veræ fidei & pietatis;* *& P. 335.* legem cælibatus iniquam esse & verbo Dei contrariam. Aut saltem doctrinam Reformatorum disciplinæ tam sanctis legibus constitutæ & approbatæ refragari, adeoque erroris & temeritatis non esse immunem.

Secunda pars, nempe principia doctrinæ moralis Protestantium ad sanitatem non ducere,

Protestantium 1. quia viam omnibus vitiis aperiunt, virtutibus autem præcludunt. In sententia quippe Protestantium; sola incredulitas potest damnare: quibuscumque tandem aliquis serviat cupiditatibus; adulterii, homicidii, aut cujusvis alterius criminis sit reus, modo credat se electum esse a Deo, gratiam nunquam amittere potest; quia etsi timorem Dei amittat, fidem tamen justificantem non amittet. Ita passim docent Lutherus L. de Captivitate Babylonica cap. de Baptismo, Calvinus L. 3. Institutionis c. 13. Beza in Confessione c. 4. articulo 20.

2. Juxta principia Protestantium, nullæ Leges humanæ, seu Principium spiritualium seu temporalium, conscientiam fidelium alligant. Ita Lutherus L. de Captivitate Babylonica. Calvinus L. 3. Institut. c. 19. n. 14. *Omnium hominum potestate, inquit, exemptas esse conscientias constituimus.* Da- *P. 305.* n̄us in Antibellarmino L. de Baptismo, Vitrakerus in L. adversus Campanum. Hujus autem doctrinæ moralis principia semper detestata est Catholica Ecclesia. Quid enim tranquillitatem publicam certius turbare & evertere potest, quam doctrina quæ contemnit leges Ecclesiæ, Principium, Magistratum, & harum observatione conscientiam fidelium non alligari docet?

Tertia pars, nempe auctores prætensiæ Reformatæ Religionis, Lutherum, Zuinglium, Calvinum, Bezan, &c. sanctos non fuisse, facile hic probari posset deductis in apertam lucem eorum vitiis & excessibus: sed charitate potius quam exprobatione invitandi sunt fratres nostri, ut ad communis matris Ecclesiæ sinum unde recesserunt, sese recipiant.

### ARTICULUS QUARTUS.

#### *De catholicitate Ecclesiæ.*

**Q**uid sit esse Catholicum exponit Vincentius Lyrinensis in suo adversus prophanas Hæreticorum novitates Commonitorio c. 3. his verbis. *In ipsa Catholica Ecclesia magnopere curandum est, ut id teneamus quod ubique, quod semper, quod ab omnibus creditum est: hoc est enim vere proprieque Catholicum; quod ipsa vis nominis ratioque declarat, qua omnia fere universaliter com-* *Bibliot. PP. T. 7. p. 250. E. pre-*

prehendit. Sed hoc ita demum fiet, si sequamur universitatem, antiquitatem, confessionem. Sequemur autem universitatem hoc modo: Si hanc unam fidem veram esse fateamur, quam tota per orbem terrarum confitetur Ecclesia: Antiquitatem vero ita, si ab iis sensibus nullatenus recedamus, quos sanctos majores ac Patres nostros celebrasse manifestum est: Confessionem quoque, si in ipsa vetustate, omnium, vel certe pene omnium, Sacerdotum pariter & Magistrorum definitiones sententiasque sectemur.

P. 220. D. Et ante ipsum Cyrillus Hierosolymitanus Catechesi 18. *Catholica* vocatur Ecclesia, inquit, quia per universum sit orbem terrarum diffusa, a finibus terrae usque ad extrema; & quia docet catholice, hoc est universaliter, & sine ullo defectu vel differentia omnia dogmata.

T. 2. p. 119; B. Idem & docuerat S. Augustinus L. 2. contra Litteras Petiliani c. 38. & Epistola 52. alias 170. ad Severinum, ubi ait *Catholicam appellari Ecclesiam*, quod per totum orbem terrarum diffunditur. Idem ait Optatus L. 2. contra Parmenianum.

Ex quibus patet per catholicitatem Ecclesiae nihil aliud intelligi, quam ejusdem universitatem, hoc est, ejus diffusionem per omnia loca, per omnia tempora, per omnia hominum genera, sive gentes, populos, ac nationes.

Catholica igitur est ac dicitur Ecclesia: 1. ab universitate loci; 2. ab universitate doctrinæ; 3. ab universitate temporis; 4. ab universitate hominum ad eam confluentium. Hac in idea catholicitatis his sistemus: neque nunc confessionem ejus doctrinæ examinabimus, cum ad unitatem ejus proprie pertineat. Nihil dicemus etiam de ejus antiquitate, cum in quarta nota, quæ est apostolicitas, includatur.

Vossius in L. de tribus Symbolis, existimat vocem, *Catholica*, serius suisse Symbolo appositam, nempe tertio Ecclesiae seculo, contra Novatianos qui pacem Ecclesiae tunc turbabant: verum Catholicæ nomine Ecclesiae Christi adhæsit etiam iis temporibus quæ Apostolis viciniora erant. Nam in Epistola fratrum Smyrnæorum de martyrio B. Polycarpi

P. 129. apud Eusebium l. 4. c. 15. in ipsa salutatione mentio fit *Ecclesia Catholica*. In eadem etiam Epistola narrant Smyrnæi Polycarpum jam mortuorum in precibus suis meminisse totius per universum terrarum orbem diffusæ Ecclesie Catholicæ. Imo ante Polycarpum S. Ignatius idem

A. Ed. Co- P. 131. cognomenum Ecclesiae Dei diserte tribuit in Epistola ad Smyrnæos: tel. p. *Ubi fuerit*, inquit, *Iesus Christus*, *ibi est Catholicæ Ecclesia*.

874. F. Recte igitur Valesius in Notis in Librum septimum Historiæ Eusebii P. 146. c. 10. ait, videri hoc cognomen Ecclesiae inditum esse circa primam Apostolorum successionem, cum hereses multis in locis exortæ, veram Christi fidem & D. Apostolorum Traditionem subvertere conarentur. Tunc enim ut vera & germana Christi Ecclesia ab adulterinis hereticorum Cœtibus distingueretur, Catholicæ cognomen soli Orthodoxorum Ecclesiae attributum est.

His positis, tria hic sunt demonstranda.

I. Ecclesiam Christi vere Catholicam esse.

II. Catholicitatem esse propriam & singularem Ecclesiae notam.

III. Ecclesiam Romanam vere esse Catholicam, non vero societatem Protestantium.

## PRIMA CONCLUSIO.

Ecclesia Christi vere Catholica est.

Istud ex professo demonstrat S. Augustinus adversus Donatistas L. de unitate Ecclesiae a c. 6. usque ad 17. quinque potissimum argumentis: t. 9. p. scilicet ex Lege, ex Prophetis, ex Psalmis, ex Evangelio, ex Actis Apostolicis. <sup>344. & seq.</sup>

I. Ex Lege in qua promissiones factæ sunt Abrahæ: *In semine tuo benedictur omnes gentes.* Gen. 22. v. 18. & Isaac, Gen. 26. v. 4. & Jacob; Gen. 28. v. 14. Hoc autem semine Christum intelligi docet Apostolus Galat. 3. v. 16. Quibus omnibus Legis testimoniis allatis, sic concludit S. Augustinus in fine capituli 6. *Date mihi hanc Ecclesiam, si apud vos est: ostendite vos communicare omnibus gentibus, quas jam videmus in hoc semine benedici.* <sup>Ibid. p. 346. C. D.</sup> Date hanc, aut furore deposito accipite, non a me, sed ab illo ipso, in quo benedicuntur omnes gentes.

H. Probat c. 7. ex Prophetis. *Quid in Prophetis, inquit, quam multa & ibid. quam manifesta sunt testimonia Ecclesiae per omnes gentes toto terrarum orbe diffusa?* Unde pauca commemorabo. Et postea refert quod dicit Isaías c. 11. <sup>Ibid. F.</sup> v. 10. *Et erit in illa die radix Jesse, & qui exurget principium habere in nationes, & in eum gentes sperabunt:* & c. 27. v. 6. *Germinabit & florescet I- Israel, & replebitur orbis terrarum fructus ejus;* & c. 49. v. 5. *Posui te in testam- 347. D. mentum generis in lucem gentium, ut sis salus usque ad fines terræ, &c.* Quas quidem & alias similes Isaiae prædictiones in ipsa Ecclesia Christi, quæ totum in orbem diffusa est, adimplatas esse ostendit.

III. Probat c. 8. ex Psalmis, atque ex illis profert Ps. 2. v. 7. *Postula a me, & dabo tibi gentes hereditatem tuam, & possessionem tuam fines terræ:* & <sup>Ibid. p. 350.</sup> Ps. 21. v. 28. *Convertentur ad Dominum universi fines terræ;* & adorabunt in conspectu ejus universæ patriæ gentium: & Ps. 72. v. 8. *Dominabitur a mari usque ad mare, & a flumine usque ad terminos orbis terræ.* Quæ quidem Psalmistæ testimonia de Christi Ecclesia intelligenda esse probat S. Doctor. Cum vero Donatistæ his testimoniis reponerent, cepisse quidem Ecclesiam crescere per orbem terrarum; sed cum noluerint homines perseverare, idcirco ex omnibus gentibus defecisse Christianam Religionem, excepta parte Donati, sic respondet S. Augustinus c. 9. *Quasi vero ne- scierit Spiritus Dei futuras hominum voluntates. Quis hoc insanissimus dixerit?* <sup>Ibid. p. 352. B.</sup> Cur ergo dictum Lucæ 24. v. 44. quod oportebat adimpleri omnia quæ scripta sunt in Lege, & Prophetis & Psalmis?

IV. Probat ex Evangelio & ex verbis ipsius Domini Lucæ 24. v. 46. *Quoniam scriptum est, (ait Christus) & sic oportebat Christum pati, & resurgere tercia die, & prædicari in nomine ejus pœnitentiam & remissionem peccatorum per omnes gentes, incipientibus ab Jerusalem.* Unde sic concludit c. 10. *Teneamus ergo Ecclesiam ex ore Domini designatam, unde cœptura, & quousque pervenitura effet; cœptura scilicet ab Jerusalem, & pervenitura in omnes gentes.*

V. Probat ex Actibus Apostolicis c. 1. v. 8. ubi Christum Apostolos suos sic alloquenter refert S. Lucas. *Et eritis mihi testes in Jerusalem, & in omni Iudea, & Samaria usque in totam terram.* Tum subjungit S. Doctor cap. <sup>Ibid. p. 355. A.</sup>

II. Quid ad hæc dicunt (Donatistæ) qui Christianos se superbissime dicunt, & Christo apertissime contradicunt? Nos hanc Ecclesiam tenemus, contra Tournely de Ecclesia. Tom. V. Pars I. <sup>Ibid.</sup> F. 3 istas

*istas divinas voces nullas humanas criminationes admittimus.* Et postea percurrit quæ de Ecclesiæ amplitudine observari possunt in Actis Apostoli *Ibid. p. 374.* c. 19. concludit, *nullo interprete indigere* Canonicarum Scripturarum testimonia, quæ commendant Ecclesiam in totius orbis communione consistere. Et postea iterum urgens Donatistas: *Aliquid ergo, inquit, proferte quod non contra vos verius interpretetur ... Tale aliquid profert vel unum, quo apertissime Africa declaretur, vel in reliquis sola derelicta, vel ad principium renovandi & implendi orbis sola servata ... Si autem non potestis quod tam juste a vobis flagitamus, ostendere; credite veritati, conticescite, obdormiscite.*

## S E C U N D A C O N C L U S I O.

Catholicitas vera ac singularis Ecclesiæ nota.

Probatur: quia ea nota propria est ac singularis Ecclesiæ, qua distinguitur a qualibet alia societate, qua tamquam indubitate signo secernebantur olim fideles ab Hæreticis, & quam propriam esse Ecclesiæ notam passim asserunt SS. Doctores: atqui talis est catholicitas.

I. Per catholicitatem Ecclesia distinguitur a qualibet alia societate, & fideles olim ab Hæreticis secernebantur. Ita docent

*S. Augustinus Sermone 131. de tempore, nunc Sermone 242. in Ap-*  
*T. 5. p. 398. D. pend. Tomi 5. rejecto, ubi ait, idcirco appellari Ecclesiam Christi in*  
*Symbolo Catholicam, quia toto orbe diffusa est: diversorum autem Hæretico-*  
*rum Ecclesiæ ideo Catholicæ non dicuntur, quia per loca, atque per suas quas-*  
*que provincias continentur: hæc vero a Solis ortu usque ad occasum unius fidei*  
*splendore diffunditur.*

*T. 1. p. 752. D. Et L. de vera Religione c. 7. n. 12. Tenenda est nobis, inquit, Christiana Religio, & ejus Ecclesiæ communicatio quæ Catholicæ est, & Catholicæ nominantur, non solum a suis, verum etiam ab omnibus inimicis. Velint nolint enim ipsi quoque Hæretici & schismatum alumni, quando non cum suis, sed cum extraneis loquuntur, Catholicam nihil aliud, quam Catholicam vocant. Non enim possunt intelligi, nisi hoc eam nomine discernant, quo ab universo orbe nuncupatur.*

*Tom. 4. p. 306. S. Hieronymus Dial. adversus Luciferianos. In illa, inquit, Ecclesia permanendum, est, quæ ab Apostolis fundata usque ad hunc diem durat. Sic ubi audieris eos qui dicuntur Christi, non a Domino Iesu Christo, sed a quocumque alio nuncupari; utpote Marcionitas, Valentianos, Montenses sive Campizas; scito non esse Ecclesiam Christi, sed Antichristi esse Synagogam. Ex hoc enim ipso quod postea instituti sunt, eos se esse indicant, quos futuros Apostolus prænunciavit. Nec sibi blandiantur, si de Scripturarum capitulis videntur sibi affirmare quod dicunt, cum & diabolus de Scripturis aliqua sit locutus, & Scripturæ non in legendo constant, sed in intelligendo.*

*P. 222. B. S. Cyrillus Hierosolymitanus Catechesi 18. Quod si forte, inquit, veneris in civitates, non simpliciter interroga ubi sit Dominicus, seu domus Domini: nam & reliquæ impiorum hæreses Dominicanos, quamvis pollutos, appellate non dubitant. Neque id tantum quæras simpliciter, ubi sit Ecclesia; sed ubi Catholicæ Ecclesia. Hoc enim proprium nomen est sanctæ bujus & matris omnium nostrum, quæ est sponsa Domini nostri Iesu Christi unigeniti Filii Dei. Quasi Biblio. PP. dicat. Si hoc petas, nullus Hæreticus suam Ecclesiam ostendet.*

*T. 4. p. 306. S. Pacianus Epistola I. ad Sympronianum Novarianum quæ est de Ca-*  
tho-

tholico nomine, observat ante subortas hæreses Ecclesiam non vocatam fuisse Catholicam, quippe quæ nomine Christianæ Ecclesiæ fatis a Synagoga Judæorum, a Scholis Philosophorum, a variis Paganorum Religionibus distinguebatur: at postquam obortæ sunt hæreses, cum multi se Christanos vocarent, dicta fuit Catholica, ut fideles ab Hæreticis secererentur. *Catholicum istud*, inquit, *nec Marcionem, nec Appellem, Ibid. B.*  
*nec Montanum sonat, nec hæreticos sumit autores.* Et postea: *Christianus mibi Ibid. C.*  
*nomen est, Catholicus vero cognomen.* Illud me nuncupat, *istud ostendit: hoc*  
*probior, inde significor.*

S. Epiphanius hæresi 68. n. 3. refert eos qui Meletio schismatis Ale- T. 1. p.  
 xandriæ orti auctori adhærebant, ut se ab iis qui Episcopum Alexan- 719.  
 drinum sequebantur distinguerent, suam Ecclesiam vocasse Ecclesiam Martyrum: alios vero, scilicet Petri successores, penes quos veteres erant Ecclesiæ, retinuisse titulum & nomen Catholicæ Ecclesiæ.

Ante ipsos S. Justinus Dial. cum Triphone. *Sunt, inquit, a nobis, P. 253.*  
*sub nomine eorum virorum, unde doctrina & sententia qualibet extitit, deno-*  
*minati ... Et sunt eorum quidam qui vocantur Marcionitæ; quidam vero Va- Ibid. D.*  
*lentiniani, Basilidiani, Saturniani, & alii alio prædicti nomine, a principe sen-*  
*tentia quisque nomen obtinens.*

Idem asserebat S. Irenæus Lib. 1. cap. 23. alias 20. *Habent, inquit, P. 100.*  
*& vocabulum, a principe impiissimæ sententia Simone dicti Simoniani.* n. 40.

Idem & S. Cyprianus Lib. de unitate Ecclesiæ. *Ecclesia, inquit, Do-* P. 181.  
*mini luce perfusa, per orbem totum radios suos porrigit... ramos suos in universam*  
*terram copia ubertatis extendit, profuentes largiter rivos latius expandit.*

II. Catholicitatem certissimam esse Ecclesiæ notam asserunt.

S. Athanasius cæterique Episcopi Ægypti, Thebaidis & Libyæ in unum congregati, ad Imperatorem Jovinianum scribentes, ex hac catholicitatæ seu universalitatis nota, veræ Ecclesiæ, veræ fidei possessionem se habere probant, teste Theodoreto Lib. 4. c. 3.

S. Optatus Lib. 2. contra Parmenianum, propter innumerabiles populos & Provincias quibuscum communione jungebatur, apud se esse Ecclesiam concludit. Et postea: *Si apud vos tantummodo Ecclesiam esse vultis, apud nos non erit, nec in Hispania, in Italia, in Gallia, in Gracia, nec per tot innumerabiles Insulas & ceteras provincias ubi vos non estis.* *Ubi ergo proprietas Catholicæ nominis? cum inde Ecclesia dicta sit Catholica, quod si ubiquie diffusa.* T. 3. p.  
 662. &  
 seq.

S. Aug. Lib. contra Epistolam fundamenti c. 4. veræ Christi Ecclesiæ ita propriam esse hanc notam existimavit, ut eam etiam recensere non dubitet inter illa Christiani nominis charissima vincula quæ recte hominem tenent in Catholicæ Ecclesiæ. *Multa sunt, inquit, alia quæ in ejus (Catholicæ Ecclesiæ) gremio me justissime teneant.* *Tenet consensio populorum atque gentium: tenet 153. B.*  
*auctoritas miraculorum inchoata, spe nutrita, charitate aucta, vetustate firmata:*  
*tenet ab ipsa Sede Petri Apostoli... usque ad præsentem Episcopatum successio Sa-*  
*cerdotum: tenet postremo ipsum Catholicæ nomen, quod non sine causa inter tam*  
*multas hæreses sic ista Ecclesia sola obtinuit, ut cum omnes Hæretici se Catholicos*  
*dici velint, querenti tamen peregrino alicui ubi ad Catholicam conveniatur, nul-*  
*lus Hæreticorum vel Basilicam suam vel domum audeat ostendere.* T. 8. p.

Et Tract. 3. in Epist. Joan. vel ex ipso catholicitatis defectu probat Hæreticos ad veram Ecclesiam non pertinere. *Tenemus, inquit, hereditatem 2. p. 846.*  
 F. G.

Christi, illi eam non tenent; non enim communicant orbi terrarum, non communicant universitati redemptiae Sanguine Domini.

Tam persuasum erat apud omnes ac certum catholicitatem esse propriam Ecclesiae notam, ut Heretici ex adverso paucitatis caractere gloriantur. De Donatistis id saepe testatur S. Augustinus, adeo ut cum catholicitatis argumentum adversus eos frequenter urgeret, nihil aliud eos T. 9. p. respondisse dicit nisi istud: *In paucis frequenter est veritas; errare multorum* 473. C. est. Id refert L. 3. contra Cresconium c. 66. n. 75. & L. 4. c. 53. n. 63. O. 514. D. De Manichaeis quoque idem habet L. contra Epist. fundamenti; & de Pelagianis L. 2. contra Julianum circa finem. De Arianis idem narrat Socrates L. 5. Hist. c. 10.

Donatistæ, ut viii argumentorum quibus premebantur, eliderent, effugia & diverticula, quod omnibus Hereticis familiare est, querebant.

I. Ajebant Ecclesiam Catholicam appellari non ex communione totius orbis, sed ex observatione præceptorum omnium divinorum, atque omnium Sacramentorum: *Acutum aliquid tibi videris dicere, dicebat* T. 2. p. 240. D. Aug. alloquens Vincentium Rogatistam, Epist. 93. alias 48. c. 7. n. 23. E. cum Catholicæ nomen non ex totius orbis communione interpretaris, sed ex observatione præceptorum omnium divinorum, atque omnium Sacramentorum. Esto, reponebat Augustinus, aliquo sensu Catholica dici possit Ecclesia ex observatione omnium mandatorum, atque omnium Sacramentorum; at ita potissimum nuncupatur ab ejus per totum orbem diffusione. Preterea vero Sacraenta ubique eadem boni & mali percipiunt, quia malii hac in vita sunt bonis permixti.

II. De sua paucitate, quam Catholici ipsis exprobabant, gloriabantur ibid. p. 242. C. Donatistæ. Ideo magis justi sumus, dicebant illi, quia pauci sumus. In paucis, inquietabat Cresconius apud Augustinum, frequenter est veritas, errare T. 9. p. 514. D. multorum est. Quibus sicut & Pelagianis festive dicebat Augustinus L. 2. Op. T. 2. p. 958. F. imperf. contra Jul. c. 3. Nolite de paucitate gloriari. Parricidæ, & pauci, & pessimi sunt. Non intelligentes (Donatistæ) quomodo a Domino dictum sit, S. Aug. Lib. 3. paucos intrare per angustam portam: cum & multos dixerit ab Oriente & Occidente recubituros cum Abram, Israel & Jacob ... qui profecto multi sunt Cresc. c. 53. per se ipsis, & iidem ipsis pauci sunt in comparatione longe plurium qui cum diabolo puniendi sunt.

T. 9. p. 514. D. Lib. 3. aduersus eundem c. 66. n. 75. idem versans argumentum differat: Ipsi boni verique Christiani, qui per se ipsis multi sunt, in comparatione malorum falsorumque itidem pauci sunt. Sic multa grana quibus horrea magna complentur, pauca dicimus in comparatione palearum.

Denique L. 4. c. 53. iam citato, argumentum illud a paucitate datum, quo utebatur Cresconius, retorquet aduersus ipsum a paritate Maximianensem; qui cum numero pauciores forent Rogatistis, veram Donati apud se Ecclesiam soli vindicare debabant. Tibi, ait S. Doctor, ad omnia nihil facilius quam Maximianensem caussa respondet. Si enim in paucis ibid. p. 514. F. frequenter est veritas, & errare multorum est, permitte ut Maximianenses, quanto vobis sunt impares paucitate, tanto vos superent veritate. Non facis certe. Noli ergo in comparatione multitudinis gentium Catholicarum de vestra paucitate gloriari, sicut non vis ut Maximianenses in comparatione multitudinis vestrae de sua paucitate glorientur.

## TERTIA CONCLUSIO.

Ecclesia Romana est Catholica; non autem societas Protestantium.  
Duæ sunt Conclusionis partes.

## Prima Pars

Probatur 1. quia ut Ecclesia Romana sit vere Catholica, satis est quod illa fidelium societas quæ Episcopo Romano ut Capiti suo adhæret, sit vere universalis; hoc est, semper fuerit, & in omnem locum diffusa: at qui talis est ea societas quæ communionem habet cum Episcopo Romano.

Ac 1. quidem; semper fuit illa societas: tum quia Christus ipse hanc fundavit, cum voluit primum inter Apostolos Petrum sedere, ejusque successores primos esse inter Episcopos, ut postea ex professo probabimus: tum quia semper & omnibus sæculis spectata est illa communio cum Sede Romana tamquam signum verae ac Catholicae fidei certissimum, sicut patebit ex infra dicendis ad sextum hujus Questionis Articulum.

Deinde in omnem locum diffusa est illa societas: tum quia iidem SS. Patres qui declarant Ecclesiam Christi in totum terrarum orbem esse diffusam, eamdem cum Episcopo Romano communione conjunctam esse asseverant. Ita S. Irenæus secundo sæculo; Tertullianus, S. Cyprianus, S. Optatus & S. Aug. quarto sæculo. Tum quia revera societas quæ Episcopum Romanum agnoscit ut Caput suum, in omnes hujus orbis partes late diffunditur: Est in Oriente apud Indos, apud Persas, apud Sinenses, Japonitas, Siameses, & in omnibus ferme Insulis maris quod has Provincias alluit. In Occidente apud utriusque Americæ incolas, & in tota Europa, in cuius majori parte florentissima est, quamquam in quibusdam aliis partibus persecutionem patiatur. In Meridie habuit olim illustrissimas Sedes & notissimas frequenti Episcoporum numero Synodos; & licet nunc a Barbaris occupentur hæ regiones, habet tamen suos in iis fideles, qui hujus antiquæ fidei etiamnum sunt cultores.

Secundo, ita vere Catholica est societas quæ communionem servat cum Romano Pontifice, ut ipsa sola sic semper vocata fuerit, & etiamnum sic vocetur.

Quoad primum: certum est S. Augustinum & S. Hieronymum in ea fuisse societate quæ communionem habet cum Pontifice Romano, ut patet ex testimoniosis eorum supra relatis. Atqui S. Aug. sibi afferit contra Donatistas, eos deseruisse veram Ecclesiam quæ est Catholica: contra Manichæos, vel ipso Catholicæ nomine se in Ecclesia Catholicorum retineri; ergo, secundum S. Augustinum, nec secta Donatistarum, quam impugnabat, nec Manicheorum, quam reliquerat, erat Catholica, sed sola illa Ecclesia, in cuius gremio post suam conversionem vivebat, & quam Libr. de unitate Ecclesiæ diffusam esse probat ex Lege, Prophetis, Psalmis & Evangelio. Sic etiam ratiocinatur S. Hier. Dial. adversus Luciferianos.

Quoad secundum: unaquæque societas nomen desumit vel ab auctore suo, vel a sua doctrina: sic olim dicti sunt Eutychiani, Nestoriani, Macedoniani, Ariani, Valentiniani, ab auctoribus suis; & nunc Lutherani dicuntur a Lutherῳ, Calviniani a Calvinῳ, Sociniani a Socino, Anabaptistæ,

Sacramentarii, a suis quos defendant erroribus: soli vero nunc vocantur Catholici, qui communionem habent cum Ecclesia Romana.

Tertio, illa societas vere est universalis quæ præter diffusionem in omnia tempora & loca, habet etiam doctrinæ universalitatem; hoc est, quæ nullum docet errorem, nec veteres modo, sed etiam recentiores Lutheranorum & Calvinistarum errores una cum priorum sæculorum Ecclesia damnat: atqui talis est societas nostra quæ Episcopo Romano adhæret; ergo, &c.

Secunda pars, nempe societatem Protestantum non esse Catholicam, Probatur I. quia nec fuit semper, nec est ubique.

Non primuni: Tum quia ante exortam Calvini sectam nobiscum communicabant in eadem Sacramentorum & precum participatione, atque iisdem Pastoribus subjectione: tum quia ne quidem ratione doctrinæ, quam tunc profitebantur, est universalis; cum illos omnes eorum articulos a nostris diversos, primitiva Ecclesia jam damnaverit in veteribus Hæreticis, quorum errores fere jam extintos rursus excitarunt ac renovarunt Lutherani & Calvinistæ.

Non secundum: Neque enim præter Occidentem alias orbis partes nisi leviter infecerunt, quidquid in contrarium jacent adversarii. Vix in Oriente cognoscuntur Lutherani & Calvinistæ, aut si de iis aliquid audierunt, ab iis habentur ut Hæretici partium Occidentalium: Ecclesia vero Catholicorum ubique nota est.

II. Quia fatentur ipsi Reformatores multitudinem credentium non esse semper notam vere Christi Ecclesiæ, quam aliquando in paucis & prædestinatis conservari volunt.

#### *Solvuntur Objectiones.*

Objicies I. cum Jurio & recentioribus Ministris. Universalitas seu diffusio Ecclesiæ per totum orbem in Scripturis prænunciata, non potest convenire societati seu Ecclesiæ Romana, quæ fere jam non est in Anglia, Scotia, Provinciis Federatis, Dania, Suecia, majori parte Germaniæ, Transilvania, Moldavia, Valachia, Russia, Moscovia, vixque occurrit eadem apud Græcos, Armenos, Ægyptios, Abissinos: ergo aut vere Catholicæ non est Romana Ecclesia, aut si est, necesse est asserere Ecclesiam Christi omnes societates complecti, modo non errent in articulis fidei fundamentalibus.

Resp. I. illam diffusionem Ecclesiæ in omnem orbem terrarum a Prophetis prædictam, non stricte & in rigore metaphysico, sed moraliter sumendam esse; hoc est, pro majori parte orbis terrarum & præcipuis mundi partibus. Quemadmodum enim cum Scriptura Jeremiæ 34. v. 1. & Danielis 2. v. 38. dicit Regem Nabuchodonosorem occupasse omnia regna terræ; & Dan. 2. v. 39. & c. 8. v. 21. dicitur Alexander imperaturus universæ terræ, non eo sensu intelligenda est, quasi alteruter Imperator in universo orbe regnaturus esset, cum nunquam id contigerit: imo Alexander medium ad summum partem Asiæ subjicerit, in Europa autem & Africa longe minores Provincias occupaverit; sed significat tantum utriusque Imperatoris dominationem in plurimas terræ partes diffusam fuisse.

II. Illam diffusionem Ecclesiæ a Prophetis prænunciata non alio modo intel-

intellexerunt SS. Patres, atque inter alios S. Aug. qui docet Ecclesiam suo tempore nondum ubique constitutam, neque ad extremum terræ per venturam ante finem hujus mundi: has tamen Prophetias in Ecclesia sui temporis esse adimpletas, fuse & invicte probat adversus Donatistas. Vide S. Augustinum Epist. 93. alias 48. post medium, & 197. alias 78. post medium: & præsertim Epist. 199. alias 80. non longe a fine.

III. Triplicem distingui posse in vera Christi Ecclesia diffusionem, aliam scilicet successivam, qua némpe temporum successu Evangelium omnibus annunciarri debet; hæc autem diffusio omnem omnino terram complectitur, quia nulla erit pars in quam non perveniat fides Christi; atque hæc successiva diffusio soli Ecclesiæ Romanæ convenit, cum ipsa sola Christum apud exteris nationes annuncia verit: aliam permanentem, perpetuam & totam visibilem; atque ut de illa intelligantur Prophetiae, non sumi debent in sensu metaphysico, sed morali; aliam denique permanentem, sed partim visibilem sensibus, partim invisibilem; hæcque complectitur non tantum omnes societates quæ in Christum credunt, & quæ communionem habent cum Episcopo Romano, sed & eos omnes qui degunt inter Hæreticos, neque hæresi eorum actu & explicite participant.

Objic. 2. cum Crocio. Nunquam legitur promissa diffusio Ecclesiæ Romanæ; neque legitur præcepta a Christo vel ab Apostolis communica tio implicita vel explicita cum R. Pontifice.

Resp. ad primum: Vel promissa est illa diffusio Ecclesiæ quæ primis quingentis annis communicabat cum Episcopo Romano, vel alicui alteri: si primum, frustra dicit Crocius eam non esse aetut diffusam, quasi divinæ promissiones non fuerint efficaces: frustra dicit non complecti omnia tempora, cum eadem fuerit Ecclesia sub Christo & Apostolis, quæ cum R. Pontifice primis quingentis annis communicavit. Si secundum, designet aliam cui facta sit illa promissio. Certe S. Aug. & Optatus promissiones illas Dei de Ecclesia in qua vivebant, & quæ communionem habebat cum Episcopo Romano, intelligendas esse existimaverunt.

Ad secundum: Certum est Christum & Apostolos præcepisse communionem tum implicitam, tum explicitam inter Fideles & Ecclesiæ Pastores: atqui inter Pastores & Episcopum Romanum agnovit antiquitas, cum quo ordinarie communicabant Fideles; imo communionem hanc veluti certissimum catholicitatis argumentum habuerunt.

Objic. 3. Ecclesia quæ primis quingentis annis toto orbe diffusa fuit, non habebat fidem communem cum Leone X. sub quo secessio facta est, neque cum iis qui aliquot saeculis eum antecesserunt; adeoque non receditur ab Ecclesia Catholica, licet a communione Episcopi Romani discedatur.

Resp. Quæstio non est utrum Ecclesia quæ fuit primis illis temporibus hanc habuerit fidem; sed quæritur an fuerit Ecclesia vere Catholica tempore inchoata secessionis, quæ non communicaverit cum Episcopo Romano, aut ejus communionem neglexerit. Si nulla fuit; ergo illa quæ communionem cum ipso servabat, erat vere Catholica vi promissionum Dei, ac proinde Reformatores nostri qui hanc deseruerunt, vere fuerunt schismati ci.

Instabis 1. Tempore inchoatae Reformationis, Ecclesia Catholica in multis membris externam communionem non habebat in fide cum Romano Episcopo. Nam Africanæ, Græcæ, Syræ, & aliæ Orientales Ecclesiæ erant uni-

universæ Ecclesiæ membra, quæ tamen cum Episcopo Romano non communicabant; negabant etenim præcipuum Romanæ communionis fundamentum, scilicet potestatem Pontificis.

Resp. perperam dici a nostris Reformatoribus illas societas membra fuisse universalis Ecclesiæ: tum quia juxta ipsos lapsæ sunt in capitales errores; quod sufficit ut non pertineant ad veram Ecclesiam, sicut ipsi met fatentur: tum quia debet esse communio inter omnia membra universalis Ecclesiæ: adeoque si Ecclesiæ Orientales & Reformatæ sint veræ Ecclesiæ membra, debet esse aliqua inter has & illas communicatio in fide, vel explicita vel implicita: neutram tamen probare possunt. Non explicitam, cum nullum sit vel Litteris, vel Congressibus, vel Legationibus inter ipsas commercium: non implicitam, cum non eamdem fidem teneant; nam in sententia Reformatorum, Ecclesiæ Orientales lapsæ sunt in errores fundamentales; & in sententia Ecclesiarum Orientalium, doctrina Reformatorum in multis est hæretica.

Instabis 2. Catholicorum est ostendere, Ecclesiam universalem, tempore separationis, in fide cum Episcopo Romano communicasse.

Resp. Facile foret Catholicis istud probare: sed cum nostram communionem deseruerint Reformatores, ut a crimine schismatis se purgare possint, debent designare Ecclesiam quæ sit membrum Ecclesiæ Catholicae & universalis, & quæ non communicaverit cum R. Pontifice, cùm se post separationem adjunxerint. Quam autem designabunt? An Fideles occultos qui in media Papistarum idolatria Deo fidelem & purum cultum exhibebant? At tam absurdæ ipsis opiniones necessario tribuendæ sunt, ut merito inferre debeant hoc prorsus commentitium esse. An ad Valdenses, Henricianos, Albigenses, Huscitas, Vviclefitas? At in multis capitulo diversa ab iis sentiebant; neque missionem ab iis, tamquam a legitima Ecclesia, accipere solliciti fuerunt. An ad Claudium Taurinensem? Ubi ergo per trecentos annos, hoc est a duodecimo saculo ad nonum, cuius initio vivebat ille Claudius, delitescebat vera Christi Ecclesia? Et præterea his temporibus invocationem Sanctorum, extremam Unctionem & alia Romanæ fidei capita ubique in praxi fuisse, passim observant auctores illorum temporum: imo nec appellari possunt qui fuerint in contraria sententia; cum Dallæus ipse in recensenda eorum qui invocationem Sanctorum negavere, traditione, nullius mentionem faciat; sed statim a Lib. 5. de Vallamb. un. Ecl. p. 108. Valdenibus ad Claudium Taurinensem transeat, nullo citato auctore qui mediis his temporibus cultum & invocationem Sanctorum rejecerit.

Instabis 3. Etiam constaret omnes Ecclesiæ cum Romana societate communionem servasse tempore Reformationis, nondum tamen constaret communionem illam fuisse perfectam; hoc est, in interna fidei professione: imo verisimile est, inquit Plessæus, omnes mansisse quidem in cœtu Papistico, non in sensu; in Ecclesia, non in factione Ecclesiam premente; in communi veritatis professione, non in opinionibus Doctorum.

Resp. Qui fuerunt in externa communione Ecclesiæ Romano-Catholicae, etiam præsumuntur fuisse in interiori fidei communione, nisi contrarium probetur; ideoque & præsumuntur consensisse in capitales articulos Ecclesiæ Romanae. Fueritne consensus ille quoad nonnulla explicitus, vel implicitus, parum resert, modo illa explicate tenuerint, quæ sunt omnibus

bus necessaria : nunquam autem alligati fuerunt Fideles aliquibus Do-  
&orum opinionibus, quemadmodum nec tenentur nunc.

Objicies 4. cum Claudio in Defensione Reformationis . Diffusio illa Ecclesiae non potest esse nota sufficiens per quam cognoscatur vera Ec-  
clesia , cum præsertim disputatio est de doctrinæ veritate : neque enim ex multitudine præcise potest inferri veritas ; adeoque si valuit olim istud argumentum ab Augustino prolatum adversus Donatistas , ut merito va-  
luisse dicendum est , non ideo præcise concludebat , quia societas Catho-  
licorum erat universalis & diffusa ; sed quia cum Donatistæ neque erroris in fide , neque depravationis in cultu eam accusarent : ideo eam esse ve-  
ram Ecclesiam merito inferebat S. Aug. quia scilicet in ipsa impletæ sunt promissiones divine , non in parte Donati ; ergo etiam si societas Catho-  
licorum esset diffusa , pusillus autem grex Protestantium , nihil ex illa diffusione concludi poterit , nisi supponatur esse in eadem societate do-  
ctrina ab omni errore immunis , quod negant Protestantes .

Resp. 1. nec opponimus nos diffusionem Ecclesiae , aut universalem po-  
pulorum consensum , veritati . Non dicimus solam sufficere multitudi-  
nem , ubi non occurrit veritas : sed dicimus eam doctrinam veram esse ,  
quam per orbem universum diffusa Ecclesia profitetur ; & ideo cum S.  
Optato ad orbem terrarum provocamus , juxta promissiones divinas ,  
orthodoxa fide in Christum credentem . Ad eumdem sensum provocabat  
S. Aug. disputans contra Manichæos . Addimus nos cum ipso , nihil esse  
apud Protestantes , quod nos invitet & teneat : sola ibi personat veritatis  
pollicitatio . Tenet ergo nos multorum populorum consensus , adhæremus  
multitudini juxta promissiones divinas : Protestantes vero a multitudine  
recesserunt , nec habent eam ad quam provocant , multitudinem .

II. Juxta principia Claudi , non potest societas Orthodoxa per solam diffusionem a Sectis Hæreticorum distingui ; cum in ipsius sententia , pos-  
sit Orthodoxa societas vel intra unius Provinciæ limites includi : atqui  
tamen S. Aug. hac sola nota societatem Orthodoxam a Sectis Hæretico-  
rum distingui posse existimat , ut patet ex innumeris ipsius adversus  
Donatistas testimoniosis , Lib. de Unitate Ecclesiæ cap. 3. lib. 3. contra  
Cresconium cap. 67. &c. ergo alia est sententia Claudi , alia S. Augu-  
stini ; quæ vero tutior sit , judicent ipsi Protestantes .

Et certe si intra limites alicujus Regionis veram Ecclesiam concludi posse existimat S. Doctor , neque diffusionem esse notam veræ Ecclesiae ,  
ubi quæstio esset de doctrina , nonne Donatistis contendentibus exemplo  
Arianorum , Ecclesiam in majori orbis parte perire potuisse , respondisset  
Ecclesiam tunc temporis intra paucos Fideles servatam fuisse ; atque im-  
merito istud a Donatistis exemplum proferri : atqui tamen non ita respon-  
det S. Aug. nec causam Arianorum distinguit a causa Donatistarum . Imo  
probat etiam tempore Arianæ hæreseos diffusam ubique fuisse Ecclesiam ,  
atque in ipsis Asia Provinciis , de quibus præsertim agebatur , incolue in  
stetisse , tum eorum testimonio , qui exiliis suis veritatem propugnabant ;  
tum simpliciorum sententia , qui delusi ab Arianis putabant hoc ab iis cre-  
di , quod ipsimet credebant ; tum aliorum suffragio , qui timore vieti simu-  
late consenserant . Atque ita , inquit , Ecclesia quæ per omnes gentes crescit , in T. 2. p.  
frumentis Dominicis conservata est . Legenda Ep. 93. alias 48. nu. 21. & seq. 244. G.

Eodem

Eodem diffusionis Ecclesiæ argumento usi sunt omnes Episcopi Africae in Collatione Carthaginensi, S. Hier. adversus Luciferianos, S. Pacianus contra Novatianos, S. Optatus contra Donatistas: quod fane argumentum infirmum omnino fuisse nulliusque momenti, si valeat Claudii responsio; & mirum est ab illis Hæreticis explosum non fuisse: deerat scilicet tunc inter illos Claudius, qui arma subministraret.

Objicies 5. Ecclesia Christi non fuit semper diffusa: 1. quia testatur S. Aug. Epist. 199. alias 80. innumerabiles extitisse barbaros in Africa suo tempore, quibus nondum prædicatum fuerat Evangelium; 2. tempore Arianorum adeo pauci erant verae fidei cultores, ut S. Hier. Dial. adversus Luciferianos loquens de lapsu Patrum Ariminensium, dicat,  
*Tunc Usque nomen abdum est; tunc Nicenæ fidei damnatio conclamata est. In-  
 gemuit totus orbis, & se esse Ariani miratus est; & Epist. 38. alias 61. seu  
 2. p. 300. Libro adversus errores Joannis Hierosolymitani, dicit hæresim Arianorum & Eunomianorum totum Orientem possedisse, excepto Athanasio & Paulino. S. Hilarius Lib. de Synodis adversus Arianos n. 27. asserit ib. pag. 308.  
 neminem fuisse intra decem Provincias Asiae qui Deum cognosceret,  
 D. p. 1486. præter Episcopum Eleusum, & paucos cum eo.*

Resp. ad primum: Jam diximus necessarium non esse ut Ecclesia Christi totum simul mundum occupet; vel ut diffusor sit omnibus Ecclesiis simul sumptis: satis est si qualibet Secta diffusor sit. Certum est enim Catholicam fuisse tempore S. Augustini, ut tam invictè probat adversus Donatistas, licet tunc non occuparet omnes terræ partes.

Id patet ex responsionibus S. Augustini ad objectiones Cresconii.  
 T. 9. p. 471. C. Quomodo, inquietabat Cresconius Libr. 3. cap. 63. totus orbis communione vestra plenus est, cum multæ sint gentes quæ nondum in Christum crediderunt? Respon-  
 D. ibid. spondet S. Aug. cap. 64. fructificare quotidie Evangelium in gentibus, & fru-  
 ctificaturum donec prædicetur.

Ib. pag. 473. E. Item, Quomodo, inquietabat rursus cap. 66. totus orbis communione vestra plenus est, ubi tam multæ sunt hæreses, quarum nulla vobis communicat? Respon-  
 ibid. spondet S. Aug. totum mundum plenum esse non tantum Hæreticis, verum etiam ce-  
 teris hominibus malis, & sanctis ac fidelibus Dei servis, sicut universum mare plenum est fluctibus amaris, & piscibus dulcibus.

Ib. pag. 474. E. At, iterum inquietabat Cresconius cap. 67. Non communicat Oriens Africae, nec Africa Orienti. Respondebat S. Aug. Orientem non communicare quidem Af-  
 ibid. ricae in paleis, idest in Hæreticis ab area Domini separatis: communicare autem in frumentis, idest in Catholicis.

Ecclesia Catholica temporibus Arianorum. Ad secundum: Ecclesia fuit etiam Catholica temporibus Arianorum.  
 I. Quia tunc Ecclesia censetur Catholica, cum ejus fides in pluribus mundi partibus excipitur; præsertimque iis in locis in quibus fundatae sunt Ecclesiæ Apostolicæ: hanc enim Ecclesiæ ideam nobis subministrant S. Irenæus, Tertullianus, Optatus, Augustinus: atqui constat tempore Arianorum in Romana Ecclesia fidem Catholicam floruisse; de Antiochia, fatetur Claudius; de Alexandrina, testatur S. Athanasius. Imo refert S. Aug. Ep. 93. alias 48. n. 22. iis temporibus fidem Catholicam prædicatam fuisse apud Persas & Indos.

II. Licet maximus fuerit Arianorum in Catholicos furor, ubique ta-  
 men iis persecutionibus obsistebat fides Catholica. Erant tunc temporis de-

defensores ejus acerrimi, Julius, Athanasius, Paulinus, Hilarius, Eusebius Vercellensis, Basilius, Gregorius Nazianz. & multi alii. Defensa & propugnata fuerat in Conc. Nicæno an. 325. in Romano anno 341. in Mediolanensi an. 345. in Sardicensi an. 347. in Jerosolymitano anno 350. quo gloriosus ac triumphans Alexandriam rediit S. Athan.

III. Longe plures fuisse in Orbe Catholicos quam Arianos, demonstrat invicta fortitudo qua populus fidelis Alexandriæ, Constantinopoli, Antiochiæ, Samosatæ, Mediolani, Arianis constanter restitit, cum suæ sectæ Episcopos in illas Sedes intruserunt. Demonstrant innumeræ SS. Monachorum turba, qui Ægypti deserta incolebant, quos impense fovet S. Athan. ut fidei Nicæna strenuos defensores. Demonstrat enumeratio omnium Provinciarum quæ in Nicæna fidei professione & Arianæ hærefoes damnatione consentiebant: qua de re audiendus est S. Athan. Epistola Synodica de fide ad Jovinianum Imperatorem, quam describit Theodor. Lib. 4. Hist. cap. 3. Idem constat ex Lucifero Calaritano, in Libro cui titulus, *Quod moriendum sit pro Filio Dei*; ex Epistola Synodica Damasi & aliorum Occidentalium ad Episcopos Illyrici, quam refert Theodor. Lib. 2. Hist. cap. 22. Legantur hæc testimonia.

#### Ad Concilium Ariminense

Resp. 1. illud fuisse maxime Catholicum quamdiu fuit liberum; ut patet ex Socrate, Theodoreto, Sozomeno & S. Athanasio.

Tum quia oblatam ab Ursatio & Valente tertiam formulam Syrmensem, quæ Filium Patri similem secundum Scripturas dicebat, & quam ab omnibus subscribendam nomine Imperatoris proponebant, unanimi consensu rejecerunt, solique fidei Nicæna, quæ cum ceteris hæresibus Arianam damnabat, adhærendum esse firmiter asseruerunt.

Tum quia eos qui Nicæna fidei contradicebant, ut Valentem, Ursacium, Germinium, Auxentium & Cajum, declarant hæreticos, & a communione Ecclesiæ separatos.

Tum quia Constantio ad ipsos scribenti, per otium non licuisse admittere ipsorum Legatos in conspectum suum, quia expeditionem in Barbaros parabat, ut scilicet longiore mora fatigatos ad sententiæ suæ revocationem compelleret, responderunt datis ad Imperatorem Litteris, nunquam se a priori proposito & sententia discessuros; idemque se Legatis suis in mandatis dedit. Ita Socrates lib. 2. c. 37. Theodor. lib. 2. c. 18. & 19. Sozomenus lib. 4. c. 16. & 17.

Resp. 2. Conc. Ariminense etiam Catholicum fuisse eo tempore quo Patres illi Ariminenses formulæ apud Nicænam Thraciæ editæ subscripsérunt.

Tum quia per vim tantum & necessitate compulsi consenserunt; ita ut cum accepissent Legatos suos subscriptissime, communionem ipsis denegaverint.

Tum quia post multas a Valente fidei suæ factas expositiones, quibus Filium Dei non esse creaturam, esse Deum ab æterno & ante omnia tempora ex Deo genitum profitebatur, ejuratis & anathematizatis Arii erroribus, existimaverunt nihil continere hanc fidei formulam contrarium Catholicæ doctrinæ, præsertim cum species tenus catholicum sensum præferret. Ita S. Hier. in Dial. contra Luciferianos, & Sulpitius Severus lib. 2. Hist. Sacra.

Tum



*Apud S. Hieron.* Tum quia ubi delusos se ab Arianis agnoverunt, pravam iterum ex-positionem damnarunt & execrati sunt. *Putavimus*, ajebant, *sensum con-gruere verbis*; nec in Ecclesia Dei, ubi simplicitas, ubi pura confessio est, aliud in corde clausum esse, aliud labiis proferri timuimus. *Decepit nos bona de malis exi-stimatio*. Non sumus arbitrai *Sacerdotes Christi* adversus Christum pugnare..... *Multaque alia quæ brevitatis studio prætero, flentes afferabant, parati & subscrip-tionem pristinam, & omnes Arianorum blasphemias condemnare*. Ita S. Hier. loco citato.

Ad S. Hieronymum: Miratus est orbis terrarum se esse Arianum, non quasi crederent universi se invitatos Arianam heresim complexos, quam adeo detestati erant, cum nemo nisi volens fieri possit hereticus: sed tantum hoc sensu, quod in nova fidei regula, prætermisso substantiæ vocabulo, & eam ob rem patefacto Arianis aditu ad oppugnandam fidem Catholicam, ipsi visi essent fidei Nicænae proditores.

Porro ab Arianis conelamatam fuisse fidei Nicænae damnationem ait S. Hier. non a Patribus Ariminensibus. Scilicet Ariani post subscriptio-nem formulæ Valentis, gloriabantur Catholicos suæ doctrinæ consensisse: at nequaquam ita erat. Hyperbolice igitur locutus est S. Hier. cum ipse exprefse asserat Patres Ariminenses vere Arianos non fuisse; & hæc ipsius loquendi ratio, *Miratus est orbis terrarum se esse Arianum*, satis innuat, inscios & doli ignaros Patres formulæ Arianæ subscriptissime. Unde S. Athan. Epist. ad Rufinianum, testatur illos nunquam defecisse ad impietatem Arianorum; sed cœconomia quadam, & studio Ecclesiasticae pacis, for-mulæ oblatæ subscriptissime. (1)

Ad alium S. Hieronymi locum dicendum est, eo sensu totum Orientem, excepto Papa Athanasio, atque Paulino, posse disesse Arianam heresim: quia in multis partibus Orientis grassabatur, atque ab iis initium sumpserat, & præsidium maxime a multis Episcopis illarum Regionum acceperat, scilicet ab Ursacio, Valente, Eusebio Nicomedensi & aliis, necnon ab Imperatoribus Constantio, Constante & Valente. At an. 325. unanimi consensu approbata fuerat in Oriente a Patribus Nicænis, & postea egregie propugnata a Basilio, Gregorio utroque Nysseno & Nazianzeno, Cyrillo Hierosolymitano, Eulathio Antiocheno; cuius in odium, calumnias, depositionem, exilium ab Arianis passus est.

His omnibus adjungendi sunt, juxta S. Athanasium Epist. de Synodi, nu. 41. ii omnes qui omnia Synodi Nicænae Scripta recipiebant, & de-  
*Ed. nov.* solo consubstantiali ambigebant, quos fratres appellat S. Doctor: *Cum T. 1. par. quibus, inquit, disputamus veluti fratres cum fratribus, qui eadem quæ nos sunt 2. p. 755. sententia, solo nomine in controversiam adducto*. Tales erant Basilius Ancyra-nus,

(1) Aliam Hieronymi verbis interpretationem adhibet Cl. Abbas Corgne in leculenta, quem Gallice edidit, *de Concilio Ariminense dissertatione*. In pauca illam contraho. Cum spargeretur, Ariminense Concilium fuisse Oecumenicum universam representans Ec-clesiam, & a Valente, Ursacio aliisque diceretur ab eo Concilio definitum esse, Verbum esse creaturam, miratus est mundus, quod Concilium, a quo representabatur, hec dixi-set, quasi ipse esset Arianus: unde homines mirantes ajebant. Itane vero? Nos Arian-i sumus? Nos Arianii? Hac porro Hieronymi explicatione, nihil ex illo inferri potest; nam Concilium Ariminense non fuit Oecumenicum, ut idem Corgne pluribus probat.

nus, Meletius Antiochenus, Eusebius Samosatensis, Acacius Cæsariensis,  
& multi alii Orientales.

Ad S. Hilarium respondit olim S. Aug. Epist. 93. alias 48. num. 32.<sup>T. 2. p. 2</sup>  
Primo, arguisse Hilarium decem Asiae Provinciarum zizania, non triti-<sup>244. D.</sup>  
cum ; 2. multos obscuris Arianorum verbis fuisse delusos ; 3. non de-  
fuisse qui pro fide exularent, & in toto orbe latitarent. Verum de fa-  
cto Ariminensis Concilii fusi & ex professo dicturi sumus.

## ARTICULUS V.

*De Apostolicitate Ecclesiae.*

**A**postolica dicitur Ecclesia quæ ab Apostolis originem ducit, eamdem  
cum ipsis doctrinam profitetur, & cujus Pastores legitimam mis-  
sionem & successionem habent ab Apostolis non interruptam. Antiqui-  
tas igitur originis & doctrinæ, missio & successio, sunt veri & proprii  
caracteres Apostolicae Ecclesiae. Tria hic in controversiam veniunt.

Primum, utrum Ecclesia Christi vere sit Apostolica, tum propter ori-  
ginis & doctrinæ ab Apostolis derivatae antiquitatem, tum propter Pa-  
storum suorum legitimam missionem ac successionem non interruptam.

Secundum, utrum societas Catholicorum hoc sensu sit vere Apostolica.

Tertium, utrum societas Protestantum sit Apostolica.

## PRIMA CONCLUSIO.

Ecclesia Christi vere est Apostolica, tum propter originis & doctrinæ  
ab Apostolis derivatae antiquitatem, tum propter Pastorum suorum  
legitimam missionem ac successionem non interruptam.

Primo: Ecclesiam ab Apostolis fundatam & ab ipsis originis suæ an-  
tiquitatem ducere, docent Veteres.

S. Irenæus Lib. 3. aduersus hæreses cap. 3. *Traditionem*, inquit, *Apostolo-*<sup>P. 175.</sup>  
*rum in toto mundo manifestatam in omni Ecclesia adest respicere omnibus qui vera*  
*velint videre: & habemus annumerare eos qui ab Apostolis instituti sunt Episcopi*  
*in Ecclesiis, & successores eorum usque ad nos.*

Tertull. de Præscriptionibus cap. 20. *Apostoli*, inquit, *Ecclesiæ apud unam-*<sup>P. 208.</sup>  
*quamque civitatem condiderunt, a quibus traducem fidei & semina doctrinæ, ce-*  
*terea exinde Ecclesiæ mutatae sunt, & quotidie mutantur ut Ecclesiæ fiant; ac per*  
*hoc & ipsæ Apostolicæ deputantur, ut soboles Apostolicarum Ecclesiarum.* Omne  
genus ad originem suam censeatur necesse est. Itaque tot ac tantæ Ecclesiæ, una est  
illa ab Apostolis prima, ex qua omnes. Ibidem docet, non melius dignosci  
posse doctrinæ veritatem, quam ex Ecclesiis Apostolicis unde promanavit.<sup>D.</sup>  
*Constat proinde, ait cap. 21. omnem doctrinam quæ cum illis Ecclesiis Apostolicis*<sup>A. B.</sup>  
*matricibus & originalibus fidei conspiret, veritati deputandum; sine dubio tenen-*  
*tem quod Ecclesiæ ab Apostolis, Apostoli a Christo, Christus a Deo accepit: om-*  
*nem vero doctrinam de mendacio præjudicandam, quæ sapiat contra veritatem Ec-*  
*clesiarum, & Apostolorum, & Christi, & Dei.*

Idem argumentum pro veritate doctrinæ demonstranda ductum ex an-<sup>P. 415.</sup>  
tiquitate Apostolica urget Lib. 4. aduersus Marcionem cap. 4. *Si conflat,*<sup>D.</sup>

*Tournely de Ecclesia. Tom. V. Pars I.*

G in-

inquit, id verius quod prius; id prius quod & ab initio; id ab initio quod ab Apostolis; pariter utique constabit id esse ab Apostolis traditum, quod apud Ecclesias Apostolorum fuerit sacrosanctum.

Rursus de Præscriptionibus cap. 36. ad Ecclesiæ Apostolicas provocat Tertullianus, ut veritas tuto possit dignosci. Age jam, inquit, qui voles curiositatem melius exercere in negotio salutis tuæ, percurre Ecclesiæ Apostolicas apud quas ipsæ adhuc Cathedræ Apostolorum suis locis præsident, apud quas ipsæ authenticæ Litteræ eorum recitantur, sonantes vocem & repræsentantes faciem uniuscujusque. Proxima est tibi Achaja & babes Corinthum. Si non longe es a Macedonia, habes Philippos, habes Thessalonicenses. Si potes in Asiam tendere, habes Ephesum. Si autem Italix adjaces, habes Romanam, unde nobis quoque auctoritas præsto est. Ista quam felix Ecclesia! cui totam doctrinam Apostoli cum sanguine suo profuderunt.

Ibid. C. Hæreticis idcirco novitatem exprobrant Ecclesiæ Doctores, eaque ratione eos confutant *Qui estis vos*, inquiebat Tertull. eodem de Præscriptionibus Lib. cap. 37. quando, & unde venistis? Et S. Hier. in Epist. ad Pammachium & Oceanum. *Quisquis*, inquit, afferior es novorum dogmatum, quæso te, ut parcas Romanis auribus, parcas fidei quæ Apostolica voce laudata est. Cur post quadringentos annos docere nos niteris quod ante nescivimus? Cur profers in medium quod Petrus & Paulus edere noluerunt? Usque in hanc diem sine ista doctrina Christianus mundus fuit. Et Lib. contra Luciferianos in fine. *Ex hoc ipso*, inquit, quod postea instituti sunt, eos se esse indicant, quos futuros Apostolus prænunciavit.

P. 213. II. Ecclesia Christi Apostolica merito dicitur, propter antiquitatem & conspirationem doctrinæ ipsius cum doctrina Apostolorum: constat ex mox citatis testimonii. Imo Tertull. cap. 32. Lib. de Præscriptionibus ostendit, quod etsi possent Hæretici de quadam apud se successione gloriari, nondum tamen quidquam obtinerent; atque falsitatis redarguerentur ex contrarietate & pugna doctrinæ ipsorum cum Apostolica. *Ipsæ* enim, inquit, *doctrina eorum cum Apostolica comparata*, ex diversitate & contrarietate sua pronunciabit, neque Apostoli alicujus auctoris esse, neque Apostolici: quia sicut Apostoli non diversa inter se docuissent, ita & Apostolicis non contraria Apostolis edidissent; nisi illi qui ab Apostolis didicerunt, aliter prædicaverunt. Ad hanc itaque formam probabuntur ab illis Ecclesiæ, quæ licet nullum ex Apostolis, vel Apostolicis, auctorem suum proferant, ut multo posteriores, quæ denique quotidie instituuntur; tamen in eadem fide conspirantes, non minus Apostolicæ deputantur, pro consanguinitate doctrinæ.

P. 175. Idem argumentum urget adversus sui temporis Hæreticos S. Irenæus Lib. 3. cap. 3. *Habemus*, inquit, *annumerare eos qui ab Apostolis instituti sunt Episcopi in Ecclesiæ, & successores eorum usque ad nos*, qui nibil tale docuerunt, neque cognoverunt, quale ab illis deliratur. Etenim si recondita mysteria scissent Apostoli, quæ seorsim & latenter ab reliquis perfectos docebant, his vel maxime tradarent ea quibus etiam ipsas Ecclesiæ committebant. Valde enim perfectos & irreprobensibiles in omnibus eos volebant esse, quos & successores relinquebant, suum ipsorum locum magisterii tradentes: quibus emendate agentibus fieret magna utilitas, laphi autem summae calamitas.

Ex conformitate doctrinæ cum Apostolica exortas in Ecclesia de Religione controversias dijudicabant Veteres. Sozomenus Lib. 7. Hist. c. 12

laudat Theodosium Imperatorem, quod hac arte compescere tentaverit Hæreticos sui temporis. Jussit nimurum Sectarum principes convenire; deinde petiit, an existimarent, antiquos Patres qui Ecclesiam rexerant ante dissidium illud quod tunc de Religione ortum fuerat, recte consensisse, & vere Sanctos & Apostolicos fuisse: quod cum illi concessissent, voluit examinari doctrinam ad illorum scripta; & si cum illis consenserit, retinendam; si minus, abjiciendam.

III. Legitimam Pastorum missionem necessariam esse ac veram Apostolicæ Ecclesiæ notam, certissimum est.

Tum quia nec in veteri nec in novo Testamento ullus unquam fuit legitimus Pastor, qui non fuerit a Deo missus. In veteri quidem nullus, nisi qui foret ex stirpe Aaron, Sacris se immiscere debebat, ac severe punitus fuit quicumque extraneus thuribulo manum admovere ausus fuit, ut exemplis Dathan & Core, & Regis Oziæ compertum est. In novo etiam Testamento, S. Paulus Hebr. 5. v. 4. sic pronunciat. *Nec quisquam sibi sumit honorem, sed qui vocatur a Deo, tamquam Aaron: sic & Christus non semetipsum clarificavit, ut Pontifex fieret, sed qui locutus est ad eum, Filius meus es tu, ego hodie genui te;* & Rom. 10. v. 14. & 15. *Quomodo ergo, inquit, invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo vero prædicabunt, nisi mittantur?* Unde Eph. 4. v. 11. Christus dicitur dedisse quosdam Apostolos, quosdam Prophetas, alios vero Evangelistas, alios autem Pastores & Doctores ad consummationem Sanctorum in opus ministerii. Inde est quod qui sine mis-  
sione honorem sibi arrogare præsumperunt, schismati habitu sunt; atque ex iis sunt de quibus dicit Deus apud Jer. c. 23. v. 21. *Non mittebam Prophetas, & ipsi currebant: non loquebar ad illos, & ipsi prophetabant.* De iisdem Christus Joan. 10. v. 1. *Qui non intrat per ostium in ovile ovium, sed ascendit aliunde, ille fur est & latro.* De iisdem loquitur Tertull. de Præscri-  
ptionibus cap. 37. *Qui estis? inquit, quando & unde venistis? Quid in meo agitis, non mei? Quo denique, Marcion, jure silvam meam cædis? Qua licen-  
tia, Valentine, fontes meos transvertis? Qua potestate, Apelles, limites meos commoves?* Mea est possefio, olim possideo, prior possideo, habeo origines firmas ab ipsis auctoribus quorum fuit res. Et S. Cypr. Libr. de unitate Ecclesiæ de P. 182. Hæreticis loquens. *Hi sunt, inquit, qui se ultro apud temerarios convenas,* sine divina dispositione præficiunt; *qui præpositos sine ulla ordinationis lege consti-  
tuunt; qui nomine Episcoporum dante, Episcopi sibi nomen assumunt.*

Tum quia Ecclesia non potest esse sine Episcopo, judice S. Hieronymo Dial. adversus Luciferianos, Ecclesia, inquit, non est, quæ Sacerdotes non habet. Ibidem ait Sectam cum Hilario interiisse, quoniam cum tan-  
tum Diaconus esset, alios mittere & ordinare non poterat.

Ita pariter S. Cypr. Epist. 69. Ecclesia est plebs Sacerdoti adunata, & Pa-  
storii suo grex adhærens. *Unde scire debes, inquit, Ecclesiam esse in Episcopo,* & Episcopum in Ecclesia; & si quis cum Episcopo non sit, in Ecclesia non esse. Et Epist. 27. Inde, inquit, per temporum & successionum vices, Episcoporum ordinatio, & Ecclesiæ ratio decurrit; ut Ecclesia super Episcopos constituantur, & omnis actus Ecclesiæ per eosdem Præpositos gubernetur.

IV. Denique, successionem Pastorum ab Apostolis non interruptam, esse Apostolicæ Ecclesiæ notam, & quidem Ecclesiæ Christi propriam, ostendunt.

P. 213. B. Tertull. de Prescriptionibus cap. 32. Ceterum, inquit, si quæ (hæreles) audient interserere se atlati Apostolicæ, ut ideo videantur ab Apostolis traditæ, quia sub Apostolis fuerunt, possumus dicere: Edant ergo origines Ecclesiarum suarum: evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis, vel Apostolicis vi-ris, qui tamen cum Apostolis perseveraverit, habuerit auctorem & antecessorem. Hoc enim modo Ecclesiæ Apostolicæ census suos deferunt: Sicut Smyrnaeorum Ecclesia, Polycarpum a Joanne conlocatum refert. Sicut Romanorum, Clementem a Petro ordinatum edit: proinde utique & ceteræ exhibent, quos ab Apostolis in Episcopatum constitutos, Apostolici seminis traduces habeant. Configant tale aliquid. Hæretici: quid enim illis post blasphemiam inlici-  
tum est?

P. 175. col. 2. S. Irenæus Lib. 3. cap. 3. jam citato, hanc etiam Episcoporum continua-  
m successionem Hæreticis opponit, atque catalogum textit Episco-  
porum Romanorum qui a S. Petro usque ad Eleutherium, qui suo se-  
debat tempore, Romanam Ecclesiam gubernarunt. Quoniam, inquit,  
valde longum est in hoc tali volumine omnium Ecclesiarum enumerare successio-  
nes, maxima, & antiquissima, & omnibus cognita, a gloriofissimis duobus A-  
postolis Petro & Paulo Romæ fundata & constituta Ecclesiæ, eam quam habet  
ab Apostolis Traditionem, & annunciatam hominibus fidem, per successiones  
Episcoporum pervenientem usque ad nos indicantes, confundimus omnes eos, qui  
quoquo modo, vel per sibi placentia, vel vanam gloriam, vel per cæcitatatem &  
malam sententiam, præter quam oportet colligunt. Ad hanc enim Ecclesiam,  
proper potiorem principalitatem necesse est omnem convenire Ecclesiam, hoc est  
eos qui sunt undique fideles, in qua semper ab his qui sunt undique, conser-  
vata est ea quæ est ab Apostolis Traditio.

P. 262. Et Lib. 4. cap. 26. alias 43. n. 2. Eis, inquit, qui in Ecclesia sunt, Pres-  
byteris obedire oportet, his qui successionem habent ab Apostolis, sicut ostendimus;  
qui cum Episcopatus successione charisma veritatis certum, secundum placitum  
Patris acceperunt: reliquos vero qui absunt a principali successione, & quocum-  
que loco colligunt, suspectos habere, vel quasi Hæreticos & malæ sententia: vel  
quasi scindentes & elatos, & sibi placentes, &c.

P. 262. Idem ab Hæreticis sui temporis postulabat Optatus. Vos, inquietabat  
Lib. 2. contra Parmenianum, vestrae Cathedræ originem reddite, qui vobis  
vultis Sanctam Ecclesiam vindicare.

## A D D I T I O.

(\*)

» **I**n signis est in hanc rem S. Augustini locus in lib. de utilitate credendi  
» cap. XVI. Cum igitur tantum auxilium Dei, tantum profectum, fructum-  
» que videamus, dubitabimus nos ejus Ecclesiæ condere gremio, quæ usque ad  
» confessionem generis humani, ab Apostolica Sede per successores (f. successio-  
» nes) Episcoporum, frustra Hæreticis circumlatrantibus, & partim plebis ipsius  
» iusticio, partim Conciliorum gravitate, partim etiam miraculorum majestate  
» damnatis, culmen auctoritatis obtinuit? Clericus quidem sub Phereponi no-  
» mine latitans locum hunc Augustini sollicitat, ac pro Apostolica SED

legendum existimat, *Apostolica FIDE*; sed prater Augustini mentem  
atque institutum, quemadmodum a Lamindo Pritanio ostensum habes  
*de Ingenior. moder. lib. 3. cap. 10.*

( \* )

## SECUNDA CONCLUSIO.

Societas Catholicorum est vere Apostolica, tum propter originis & doctrinæ ab Apostolis derivatae antiquitatem; tum propter Pastorum suorum legitimam missionem; tum denique propter eorumdem Apostolicam successionem.

Prima pars probatur.

Ac 1. Ecclesiam nostram eamdem esse cum Ecclesia quinque priorum sæculorum, quam vere Apostolicam fuisse non diffitentur adversarii, patet tum ex unione ipsius cum Papali Cathedra quam ut tesseram & centrum communionis Ecclesiastice habuit tota antiquitas; tum ex publica ipsius professione, qua supremum Ecclesiæ universalis tribunal in causis fidei & Religionis dijudicandis agnoscit: hæc enim duo potissimum spectari debent in Ecclesia veteri; nempe unitas Capitis, & auctoritas Ecclesiæ, quam propugnant Catholici ut maxime necessariam ad fidei conservationem.

Pater etiam ex eo quod si a priori & Apostolica Ecclesia nostra defecisset societas; si facta fuisset in ea aliqua mutatio certe aliqua ex iis quæ in omni insigni mutatione observantur, demonstrari possent; scilicet, auctor hujus defectionis, vel novum aliquod dogma, vel tempus quo cepit, vel locus ubi cepit, vel quis eam initio oppugnaverit; vel denique exiguus ab initio cœtus ex quo cœperit, & unde paullatim aliorum accessu creverit: hæc enim omnia deprehendi possunt in illa celebri Ecclesiæ mutatione, cum auctore Christo, a statu veteris transiit ad statum novi Testamenti. Atqui defectionis hujus a pristina Ecclesia, atque insignis mutationis in nostra societate, nullum ex prædictis signis proferri potest ab adversariis nostris; ergo, &c.

II. Societatem nostram Apostolicam esse ratione doctrinæ ab Apostolis ad nos usque derivatae, duplici via ostendi potest: 1. comparando nostra fidei capita cum iis quæ quinque prioribus sæculis vetus & Apostolica Ecclesia propugnavit, & ostendendo eamdem plane & illis & nobis esse fidem; quod exequuntur Catholici, ubi de singulis capitibus disputant cum Novatoribus; 2. Potest ostendi ex ipsis nostris adversariis, qui non dissimulant se ab antiqua Ecclesia dissentire in iis capitibus quæ fatentur nobis cum antiquis esse communia. Sic v. gr. Calvini Libr. 3. Instit. cap. 4. num. 38. ait, *omnes fere Veteres quarum Libri existunt, ubi de satisfactione agitur, aut bac in parte lapsos fuisse, aut nimis aperire & dure locutos.* Ibid. cap. 5. num. 10. dicit, *ante mille & trecentos annos usu receptum fuisse, ut precatio[n]es fierent pro defunctis, sed in errorem lapsos esse veteres.* Ita etiam loquitur circa celibatum Sacerdotum, circa penitentiam publicam, quæ olim in Ecclesia vigebat, circa jejuniū quadragesimale; atque veterum austерitatem immodiām, & superstitionem circa hæc capita nullatenus excusari posse; neque ipsi Augustino parandum existimat, quem alias tamen tanti facere videbatur, quod nempe

*Bellar.**de Notis  
c. 5.**p. 237.**p. 243.**p. 248.*

votum matris de sacrificio pro sui memoria & requie offerendo, adimplerislet contra Scripturæ normam. Prætermittimus alia multa quæ passim occurunt apud Calvinum & multos alias recentiores, in primis Jurium, qui in suo veræ Ecclesiæ Systemate, loquens de ea Catholicorum opinione, quæ Ecclesiam Christi in unica & individuali communione includit, quamque crudelissimam & absurdissimam vocat, facetur sumpsiſſe initium circa medium tertii ſeculi in Asia, exinde in Africa ab Agripino, Cypriano, Augustino & aliis propugnatam fuſſe.

III. SS. Patres hic Conclusione prima laudati, de Ecclesia Romana loquuntur, cum probant aduersus ſui temporis Hæreticos, veram Eccleſiam eſſe Apostolicam, ut legenti patebit.

Sectunda pars, Pastores ſcilicet Romanae communionis legitimam habere missionem.

Probatur: tum quia legitima missio nihil aliud eſt quam vocatio seu ordinatio ad Ministerium Ecclesiasticum facta per impositionem manuum Episcopalem; qualis legitur in Scripturis ab Apostolis usurpata cum Ministros ordinarunt. Act. 6. 2. ad Tim. 1. 2. ad Timoth. 5. ad Titum 1. qualis etiam ſemper in Ecclesia fuit usurpata, ut ostendimus in Tractatu de Sacramento Ordinis. Tum quia quoties in aliqua ſocietate perfecta eſt subordinatio Ministrorum & membrorum cum Capite, toties eſt legitima Pastorum ejusdem ſocietatis missio: ut enim hæc legitima eſt, ſatis eſt quod fiat ab habentibus legitimam auctoritatem: atqui in ſocietate Catholicorum eſt perfecta subordinatio Ministrorum & membrorum cum Capite.

Tertia pars, nempe eſſe in Societate Romana ſucceſſionem non interruptam Pastorum, præſertim vero Romanorum Pontificum, ex citatis Conclusione prima S. Irenæi & Tertulliani testimonii manet abunde demonstrata. Hinc S. Aug. contra Epistolam fundamenti cap. 4. *Tenet me,* inquit, in Ecclesia ab ipſa Sede Petri Apoſtoli, cui paſcendas oves ſuas Dominus commendavit, uſque ad præſentem Episcopatū ſucceſſio ſacerdotum. Et in Psalmo contra partem Donati: *Numerate,* inquit, *Sacerdotes vel ab ipſa Petri Sede, & in ordine illo Patrum quis cui ſucceſſit videte: ipſa eſt petra, quam non vincunt ſuperbae inferorum portæ.*

### TER TIA CONCLUSIO.

Societas Protestantum non habet prædictos Ecclesiæ Apostolicae caræteres;

Probatur: quia nec habet antiquitatem doctrinæ & originis, nec legitimam missionem, & Apostolicam ſucceſſionem in ſuis Pastoribus.

Ac I. non habet antiquitatem doctrinæ ab Apostolis derivatae: tum quia eam propugnant & renovant Novatores doctrinam; quam vetus & Apostolica Ecclesia in antiquis Hæreticis Simonianis, Pelagianis, Novatianis, Donatistis, Aerianis jam dudum proſcripsit. Momentum hoc fuſe pertractatum lege apud Coccum in Thesauro Lib. 8. de signis Ecclesiæ, art. 3. & Bellarm. de Notis Ecclesiæ Lib. 4. c. 9. Tum quia fatentur ipsi Reformatores, ut ex Calvino mox audivimus Conclusione ſecunda, ſe in multis ab antiqua quinque priorum ſeculorum Ecclesia diſſentire.

II. Non habet etiam ſocietas Protestantum antiquitatem originis, cuius ſcilicet & auctor, & tempus quo nata eſt, & locus, & dogmata con-

consignari facile possunt ; quod in omnibus Hæreticis & Novatoribus observari posse declarant SS. Justinus in Dial. cum Tryphone , Irenæus lib. 1. c. 23. Hier. Dial. adversus Luciferianos in fine : verba laudavimus supra Conclusione secunda , ubi de catholicitate vera Christi Ecclesiæ.

Præterea , cum fateantur nostri Reformatores , in communione Catholicorum ante suam separationem vixisse , necesse est etiam ut fateantur , aut illam societatem fuisse veram Ecclesiam ; & tunc schismatis rei arguentur , cum ab ea societate recesserint : aut se novam instituisse , & tunc originis suæ novitatem demonstrabunt ; aut alicui tandem , quæ antiquior esset , se adjunxisse . At nullam assignare possunt cum qua consortium & societatem habere solliciti fuerint , aut cui ea obsequia , quæ vera Ecclesiæ debentur ab Hæreticis recens conversis , præstiterint .

III. Non habet societas Protestantium legitimam in suis Pastoribus missionem , nec ordinariam , nec extraordinariam .

Non habent ordinariam : tum quia vel hanc missionem ordinariam accepissent ab Ecclesia Romana in cujus communione vivebant , vel ab aliqua alia Ecclesia in cujus societatem admissi sunt : atqui neutrum dici potest . Non primum ; vel enim Ecclesia Romana tempore primorum Reformatorum fuit hæretica , vel non fuit : si fuit hæretica , ergo non fuit vera Ecclesia , adeoque nec habuit potestatem regendi & Ministros mittendi ; ac proinde nec eam potestatem quam non habebat , potuit in primos Reformatores transferre ; neque potuerunt fieri legitimi Ministri , qui nonnisi ab Hæreticis ordinati fuissent : certum enim est ex tota antiquitate , Hæreticos omni semper auctoritate & jurisdictione in Ecclesia Christi privatos fuisse . Si vero non fuit hæretica ; ergo Reformatores nostri & hæretici fuerunt & schismatici , cum & ipsius societatem deseruerint , & dogmata ejus fidei contraria professi fuerint ; adeoque eo ipso omni auctoritate regendi Ecclesiæ & legitimos Ministros constituendi exciderint , quamvis in Catholica Ecclesia fuissent ordinati Episcopi .

Secundum etiam dici non potest : nullam enim proferre possunt Novatores societatem a qua sacrum Ministerium acceperint , imo cui adjungi fuerint . Tum quia si vel doctrinæ suæ principiis stare velint Reformatores , necessario statuere debent Calvinum aliasque ex suis in Ecclesia Catholica baptizatos , missionis ordinariæ capaces non fuisse ; quod ostendo ex domesticis Reformatorum principiis , scilicet : Quicumque non est baptizatus , vel cuius Baptismus est invalidus , missionis ordinariæ omnino est incapax : atqui Calvinus , si sequamur doctrinam Reformationis , vel non est baptizatus , vel ejus Baptismus est invalidus . Nam quicumque baptizatur per eum qui nec vocationem habet nec missionem , is vel non est baptizatus , vel ejus Baptismus est invalidus : atqui Calvinus baptizatus est per eum qui nec vocationem habuit , nec missionem ; ergo , &c.

Major propositio hujus syllogismi est ipsamet doctrina Reformatorum : docent enim Baptismum administratum ab eo qui non habet vocationem vel missionem , esse nullum . Ita in Confessione Gallica art. 31. & in Disciplina Gallica cap. 11. art. 1. & Concil. Nationale Middelburgense responsione ad interrogationem 74.

Minor est etiam ipsorum doctrina : nam eorum Disciplina Gallica

vult iterum ordinari illos Sacerdotes, qui a nobis ad ipsos transeunt; quia nec licitum est nec conveniens audire Prædicatores Ecclesiae Romanæ; quia, inquit, nullam habent jurisdictionem Ecclesiasticam, eorumque vocatio illegitima est. Ita Disciplina Gallica cap. 1. art. 2. &c. 14. art. 12. Ita & Confessio Scotica art. 22.

Non habent etiam missionem extraordinariam: hæc enim miraculis confirmari debet, qualis fuit missio Moysis, Prophetarum, Apostolorum, Christi ipsius; aut saltem debuit in Scripturis talis missionis futura mentione fieri, ut nempe hoc pacto distinguantur qui vere mittuntur a Deo, ab intrusis. Etenim tanti momenti sunt ea ad quæ se missos asserere debent Reformatores, ut nisi miraculis missionem hanc confirment, seductores & falsi prophetæ habeantur necesse est. Quatuor scilicet involvit hæc tam insolens & extraordinaria missio, 1. eos a Deo immediate cum omni Episcoporum antiquorum auctoritate institutos fuisse; 2. accepisse auctoritatem ubique terrarum reformatam doctrinam annunciandi; Pastores, qui eam populis proponerent, instituendi, aliosque in quacumque tandem secta fuerint, deponendi; 3. missos fuisse ut omnes ab antiquis Conciliis latas definitiones expenderent; & si quæ viderentur injustæ, prorsus abolerent; 4. statim atque visi fuerunt, & suam Reformationem prædicaverunt, omnes Christianos, seu Romanos, seu Græcos, seu Armenios, seu Jacobitas aut Nestorianos, eam amplecti debuissent. Atqui nisi miraculis comprobetur tam extraordinaria vocatio, quis non intelligit neminem esse qui non debeat eam rejicare?

P. 151. IV. Non habet societas Protestantium successionem Apostolicam in suis Pastoribus. Ubi, quæso, erat Calviniana secta ante Calvinum? Ubi Lutherana, ante Lutherum? Ipsiis igitur merito dici potest, quod sui temporis Hæreticis dicebat Tertull. antea laudatus: *Edant ergo origenes Ecclesiarum suarum.* Vel quod S. Cypr. Epist. 76. ad Magnum de Novatiano. *Novatianus, inquietabat, in Ecclesia non est, nec Episcopus computari potest, qui Evangelica & Apostolica Traditione contempta, nemini succedens, a seipso ortus est;* & infra: *Pastor haberi quomodo potest, qui (manente vero Pastore, & in Ecclesia Dei ordinatione succedanea præsidente) nemini succedens, & a seipso incipiens, alienus fit & profanus.* Et Epist. ad Antonianum de Cornelio S. P. Ibid. sic habet: *Cornelius Episcopus factus est... cum Fabiani locus, idest, cum locus Petri, & gradus Cathedrae sacerdotalis vacaret, quo occupato de Dei voluntate atque omnium nostrum consensione firmato, quisquis jam Episcopus fieri voluerit, foris fieri necesse est.*

Pag. 68. Solvuntur Objectiones adversus secundam & tertiam Conclusionem.

Objicies contra secundam Conclusionem. Antiquitas argumentum est rei deficientis & ad interitum suum vergentis; ergo ex illa duci non debet veræ Ecclesiae, perpetuæ & indeficientis nota.

Resp. ita quidem else in rebus naturalibus, vel hominum arte & industria constitutis, quæ sorti rerum humanarum obnoxiae sunt: at in Ecclesia quæ a Deo ipso constituta est, ac Spiritu Sancto regente & docente animatur, quæ habet perennitatis ac perpetuæ durationis divinas promissiones, ista locum non habent; ac puerile plane est istud argumentum, & risa potius excipiendum quam serio refellendum.

Obji-

Objicies 2. Ministri Romanæ Ecclesiæ, v. g. Summus Pontifex, Episcopi, non videntur legitimam habere missionem; siquidem S. Pontifex eligitur a Cardinalibus qui sunt institutionis humanæ; Episcopi a Regibus eliguntur, imo olim necessarius erat populi consensus, &c.

Resp. ordinationem ab electione distingui debere: eliguntur quidem SS. Pontifices a Cardinalibus, eliguntur Episcopi a Regibus, sed ordinantur ab Episcopi qui juris sunt divini. Modus electionis Ministrorum ad disciplinam, modus vero ordinationis per impositionem manus Episcoporum, ad divinam pertinet institutionem.

Objicies 3. Successio in Pastoribus etiam non interrupta, non potest esse nota quæ veram Christi Ecclesiam distinguat; triplex etenim potest distingui successio, vel ratione loci, vel ratione personarum, vel ratione doctrinae: atqui nulla ex his potest probare veram Christi Ecclesiam.

Non prima: Nam Ecclesia Christi certis locis & regionibus non est alligata; in quo differt a Synagoga Judæorum, quæ Templo Jerosolymitano erat addicta. Hinc veri Petri successores non semper Romæ se derunt, sed in Galliis Avenioni plusquam 70. annis.

Non secunda: Nam hæc successio communis est pluribus aliis societatibus, quæ veræ Christi Ecclesiae non sunt; quales sunt societates Græcorum, Syrorum, Armeniorum & Æthiopum, qui suarum Ecclesiarum longissimas successiones enumerant.

Non tertia: Hoc enim ipsum est de quo controvertitur. Quærimus enim ubi sit vera doctrina: non potest igitur indicari Ecclesia per illam doctrinæ successionem.

Resp. nego ant.

Ad primam probationem, dico successionem Episcoporum Romanorum minime interruptam fuisse, cum eorum aliqui Avenioni se derunt. Sive enim Romæ sint, sive alibi, SS. Pontifices, semper sunt Petri successores: quemadmodum cum Roma aberant alibi degentes, suo tempore Ethnicorum Imperatorum, seu Alarico Gothorum Rege Romam capiente cum se debat Innocentius I. vel Geneserico Urbem postea subigente ac depopulante tempore Vigilii; vel saevientibus Longobardis; quorum tyrannicum in Romanos agendi morem suis passim Epistolis perstringit S. Gregorius; vel denique cum ætate S. Bernardi in Gallias fese receperunt, ut refert S. ille Doctor, Epistola 243. ad populum Romanum, & 244. ad Conradum Imperatorem.

Ad secundam, dico 1. jam pridem defecisse legitimam Pastorum successionem in Ecclesia Orientali. In Syria ab anno 768. abrupta fuit, Antiochiam occupantibus Mahumetanis: Jerosolymis quoque ab anno 636. Recuperata quidem est post quingentos annos Terra sancta, sed iterum cum omni Syria in potestatem Infidelium reducta est.

2. Antequam extincta esset personalis illa successio, jam hereses istas invaserant; & Græcis præter Schisma quod ab aliquot sæculis soverunt, & cuius in tribus Conciliis, Lateranensi felicet, Lugdunensi & Florentino, convicti sunt, in apertum etiam errorem contra processionem Spiritus Sancti a Filio lapsi sunt.

3. Nec putamus necesse, ut ii qui ad veram Ecclesiam pertinent, suorum Pastorum particularium successionem continuam ostendant; sed satis est

est si successionem Episcoporum universalium, qui sunt Romani Episcopi, exhibeant; atque hanc ob causam in una Pontificum Romanorum collectione sistebant veteres Episcopi; de illa principali successione solliciti magis, quam de sua. Hinc nec Irenæus Lugdénenses Præfules quos fuerat selectus, nec Eusebius Cesareenses suos decestiores, nec Epiphanius Salaminenses, nec Optatus Milevitano, nec Augustinus Hypponenses in medium adducunt; sed communis consensu in uno solo Romanorum Antistitutum albo inscribendo conspirant: satis illis erat Ecclesiæ illius principalis, cuius se membra esse gloriabantur, & unde unitas sacerdotalis exorta est, continuam successionem enumerare.

T. 2. p.  
74. col.  
2. F.

Addit Bellarminus, de Notis Ecclesiæ, L.4. c. 8. argumentum a successione legitima præcipue a nobis adduci, ad probandum non esse Ecclesiam ubi non est hæc successio; quod quidem evidens est: ex quo tam necessario non colligitur, ibi esse Ecclesiam, ubi est successio. Itaque hoc argumento probamus evidenter non esse Ecclesiam apud Lutheranos, apud quos nulla est Episcoporum successio.

Ad tertiam, dico doctrinam sanam a successione legitima separari non posse, imo & in ipsa includi: ubi enim aliquis legitima ordinatione succedit, nec a communione & doctrina, in qua ordinatus fuit, recedit, tunc necessario sanam profitetur doctrinam, utpote qui unitatem servat. Neque tamen sanam illam doctrinam, quæ perpetua est legitima successionis comes, assignamus ut notam dignoscendæ veræ Ecclesiæ idoneam, sed ipsam Pastorum succedentium sibi legitimam vocationem & ordinationem: doctrina enim ipsa non loquitur, sed a Pastoribus legitimis docetur, siue illa aperte in Scripturis contineatur, siue ex aliqua Scripturæ interpretatione petatur, siue denique ex sola Traditione accipiatur.

Objicies 4. Nonne periit in societate nostra legitima successio Episcoporum Romanorum, cum in hanc Sedem intrisi sunt viri in moribus corrupti, non diffidente ipsomet Baronio ad annum Christi 897?

Resp. solere hic Novatores aliquorum Pontificum flagitia in apertam lucem proferre, ut invidiam Romanæ Sedi concilient; sed quid inde consequuntur? Nihil profecto. Ipsa enim Sedes sancta est, sancta & legitima successio, licet aliqui flagitiis interdum vixerint. Supra Cathedram Moysis federunt Scribe & Pharisæi; quæ docent, non quæ faciunt, imitanda. Neque in hos nonnullorum Pontificum corruptos mores concicere oculos debent Christiani, nisi ut divinam admirarentur ac laudent providentiam & singularem protectionem, qua Romanam Sedem, non obstante illa aliquorum ex ipsis Pontificibus morum corruptela ac depravatione, incolumem semper ac firmam conservavit.

Objicies contra tertiam Conclusionem.

I. cum Calvinus in præfatione Institutionis: Ecclesia Reformatorum non est nova, sed antiquissima; imo est illa ipsa quam Christus fundavit, licet per multa saecula non apparuerit, sed posterioribus tantum temporibus visa fuerit.

Resp. Et urgeo contra Reformatores nostros, illud idem argumentum quo utebatur olim S. Augustinus, L.3. de Baptismo, c. 2. Aut illa Ecclesia quæ nunc apparuit, ante perierat, vel non perierat, sed tantum latebat: atqui neutrum dici potest. Non primum: tum quia si periit ma-

ter, quomodo renasci potuissent filii? tum quia undenam ipsi ortum habent exponere non possunt; tum quia falsæ essent promissiones Christi, Matth. 16. v. 19. Non secundum: vel enim illa Ecclesia tunc latens profitebatur fidem suam, vel non profitebatur: si profitebatur, ergo non erat latens, sed manifesta; si vero manifesta, quomodo nullus advertebat? Si non profitebatur, ergo nulla tunc erat Ecclesia; cum ipsi contendant confessionem fidei notam esse veræ Ecclesiæ essentialiem. Deinde, si tamdiu delituit Ecclesia, ut Calvinus placet, ea certe pejoris fuit conditiōis, quam quælibet Hæreticorum Secta, atque etiam ipse Judæorum populus post eversionem Jerosolymæ: nulla enim est Hereticorum Secta quæ sua non haberit templa, suos Episcopos, sua Sacra menta; imo Judæi post eversam Jerusalem, aliquas habuere sparsas hinc & inde Synagogas.

Objicies 2. Ante reformationem Ecclesiæ factam a Protestantibus, adeo corruptus erat ubique ejus status, ut jure potuerint imo & debuerint, vocatione ordinaria minime spectata, meliores & docti quique reformationem Ecclesiæ instituere; neque necesse erat eos habere extraordinariam vocationem proprie dictam.

Resp. 1. tali responsione viam aperiri omnibus hæresibus: nullos quippe erit Novator qui non fingat ita corruptum esse Ecclesiæ statum, ut debeat absque ulla vocatione ordinaria vel extraordinaria ipsius reformationem aggredi: & hoc etiam hodie contendunt fanatici quidam Galli in Angliam transfugæ, qui jam temeritatis suæ, ac factæ populis illusionis penas dederunt.

Resp. 2. Recentiores quosdam ita quidem conari effugere; at non ita antiqua eorum doctrina. Confessio enim Gallica, quam sequi debent omnes Calviniani, sic habet, articulo 31. *Credimus nulli fas esse propria sua auctoritate invadere Ecclesiæ gubernacula, sed opus esse legitima electione quoad fieri potest, & quamdiu Dominus permittit.* Addimus autem nominativum illam exceptionem, quoniam interdum, ut nostris etiam temporibus interrupta Ecclesiæ statu necesse fuit nonnullos extra ordinem divinitus excitari, qui Ecclesiæ collapse ruinas instaurarent.

Instabis cum Calvinino: Etsi fateamur, inquiunt, propter defectionem Pastorum, missionem ordinariam interruptam fuisse, atque adeo ad extraordinariam esse confugiendum, non tamen inferri debet, quod si desierint Pastores, continuo peritiram Ecclesiam: neque enim promissio Christi de perpetuitate Ecclesiæ, necessario importat perpetuitatem Pastorum.

Resp. Bene est quod supponat & fateatur Calvinus Ecclesiam nunquam posse intercidere: sed figura est cum in perpetuitate Ecclesiæ, Pastorum quoque perpetuam successionem non includi asserit. Repugnat enim Confessioni Helveticæ, quæ docet, articulo 18. *A tempore Christi buc usque fuisse in Ecclesia Pastores non interrupta successione,* Confessioni Saxonice, quæ articulo 12. disertis verbis docet, *Ministerium Ecclesiæ esse perpetuum.* Quin, repugnat ipsimet Calvinino, qui L. 4. Institutionis, c. 3. dicit, Ex ordinatione Christi sublato Ministerio, perire ædificationem Ecclesiæ. Et ad caput 4. Epistola ad Ephesios dicit, *Pastoribus nunquam posse carere Ecclesiam.*

Objicies 3. Ut probetur missio ordinaria in Pastoribus Reformatorum, satis est quod Lutherus, Calvinus & Zwinglius ordinati fuerint ab Eccle-

Ecclesia Romana per impositionem manuum Presbyteri: atqui re ipsa sic ordinati sunt; ergo, &c.

Resp. Si a Romana Ecclesia potestatem suam acceperunt, ergo nullam habent, cum societas lapsa in idolatriam nullam habeat potestatem quam dare possit: si autem vera erat Ecclesia, eum ergo eam deseruerunt? cum altare contra altare erigi non possit absque schismate. Deinde, si tunc Ecclesia potestatem habuit dandi Sacerdotii, certe & habuit auferendae jurisdictionis; ac proinde acceptam illam potestatem amiserunt, cum ab Ecclesia excommunicati sunt.

### A R T I C U L U S S E X T U S.

*An vera Christi Ecclesia sit Romana.*

**D**uo hic distinguenda: doctrina fidei, & morum disciplina. Hec vero duplex est: una universalis, quæ per omnes Ecclesiæ pervasit, & ab omnibus observatur, quæ maxime locum habet in publica & solenni Sacramentorum administratione. Tales sunt, v. g. Exorcismi in Baptismo; Communio sub unica specie in Eucharistia; in Ordinatione; celibatus majorum Clericorum saltem apud omnes Occidentales Ecclesiæ, & alia Sacramentorum cærenoniæ. Alia vero est disciplina particularis, quæ spectat proprios Ecclesiæ particularium mores, usus, ritus, jura, privilegia, immunitates, libertates.

Catholica porro Christi Ecclesia dicitur Romana, tum a disciplina illa generali, tum maxime ab ipsa fide, quæ esse debet cum Romana in omnibus & singulis Ecclesiæ; non vero a disciplina particulari, quæ salva fide diversa esse potest ac discrepans: sua etenim unicuique Provinciæ jura servanda esse statuit Concilium Ephesinum, Actione 7. Placuit Conc. p. 801. igitur sanctæ & œcumene Synodo, ut unicuique Provincia pura & inviolata, quæ jam inde ab initio habuit, sua jura serventur, juxta veterem consuetudinem.

*Tom. 4. part. 2. p. 575. T. 2. p. 532. E.* Et S. Hieronymus Epistola 52. alias 28. *Unaquæque Provincia*, inquit, *abundet in suo sensu; & præcepta majorum leges Apostolicas arbitretur.*

Denique S. Gregorius Magnus L. 1. Epistola 43. alias 41. *In una fide nihil efficit sanctæ Ecclesiæ consuetudo diversa.*

Ecclesia igitur Romana dicitur, tum propter fidem quam Petrus & Paulus Romæ predicarunt ac suo consecrarent sanguine, quam constanter Romana retinuit Ecclesia, & omnes Catholicæ sequi ac profiteri tenentur: tum propter Sedis Romanae singularem auctoritatem ac præminentem dignitatem: tum denique propter unitatem & Catholicam Communionem, cuius Sedes Romana origo est, centrum ac vinculum. Sit itaque

### C O N C L U S I O.

Ecclesia Christi Catholica vere Romana est, ac esse debet.

Probatur hoc dupli generatim momento.

Primo: Romana Ecclesia ab Apostolis Petro & Paulo fundata est, ac eorum sanguine consecrata, fidemque ab ipsis annunciarum constanter retinuit, quam ab ipsa ceteræ per orbem Ecclesiæ recepere. Inde fluxit

fin-

singularis ipius supra ceteras Ecclesias dignitatis & auctoritatis prærogativa; inde aliarum Ecclesiarum mater ac magistra dicta.

Secundo: Ecclesia Romana centrum est ac vinculum Catholicæ Communionis, atque apud Veteres conjunctio cum Sede Romana seu Apostolica, semper habita est pro nota veræ atque Catholicæ Ecclesiæ.

## PRIMUM MOMENTUM.

*Sedes Petri Roma.*

Primo itaque constans est veterum Traditio, Petrum & Paulum venisse Romam, ibique fidem Christo disseminasse, quam proprio sanguine obsignarunt. Ita

Tertullianus L. de Prescriptionibus c. 36. *Si Italæ adjaces, habes Ro-* P. 125.  
*mam, unde nobis quoque auctoritas præsto est. Ista quam felix Ecclesia! cui A.*  
*totam doctrinam Apostoli cum sanguine suo profuderunt, ubi Petrus Passioni Do-*  
*minicæ adæquatur: & Libro 4. adversus Marcionem, c. 5. Videamus . . . P. 415.*  
*quid etiam Romani de proximo sonent, quibus Evangelium & Petrus & Pau-*  
*lus sanguine quoque suo signatum reliquerunt.* D.

S. Irenæus L. 3. adversus haereses c. 3. *Maxima, inquit, & antiquissi-* P. 175.  
*ma, & omnibus cognita, a gloriosissimis duobus Apostolis Petro & Paulo Ro-*  
*mae fundata & constituta Ecclesia: & c. 1. dixerat: Cum Petrus & Paulus P. 174.*  
*Romæ evangelizarent.*

S. Cyprianus Epistola 52. ad Antonianum. *Factus est Cornelius Epi-* P. 68.  
*scopus . . . cum Fabiani locus, id est, cum locus Petri & gradus Cathedrae Sa-*  
*cerdotalis vacaret.*

Eusebius L. 3. Hist. c. 4. *Linus primus post Petrum Ecclesia Romanae E-* P. 74.  
*piscopatum adeptus est.* A.

Et in Chronico anni 44. a Christo nato. Petrus, inquit, Romam profisciatur, ubi Evangelium prædicans 25. annis, ejusdem urbis Episcopus perseverat.

Idem Eusebius L. 2. Hist. c. 25. *Paulus, inquit, Romæ truncatus, Petrus P. 67.*  
*vero cruci suffixus fuisse, eodem (Nerone) regnante traduntur. Quam quidem C. D.*  
*narrationem abunde confirmant Petri Paulique nomine insignita monumenta, que*  
*in urbis Romæ cæmenterii etiamnum visuntur. Sed & Caius quidam vir Ca-*  
*tholicus qui Zephirini Romanae urbis Episcopi temporibus floruit, in eo Libro*  
*quem scriptit adversus Proculum patronum sectæ Cataphrygarum, de loco in quo*  
*prædictorum Apostolorum sacra corpora deposita sunt, ita loquitur: Ego vero,*  
*inquit, Apostolorum tropæa possum ostendere. Nam siue in Vaticanum, si-*  
*ue ad Ostiensem viam pergere libet, occurrent tibi tropæa eorum qui Ec-*  
*clesiam illam fundarunt.*

S. Hieronymus, de Viris illustribus, de Petro. Petrus, secundo Claudii Tom. 4:  
anno, Romam pergit, ibique viginti quinque annis Cathedram Sacerdotalem te- part. 2.  
nuit, usque ad ultimum annum Neronis. p. 101.

S. Ambrosius L. 3. de Sacramentis c. 1. *Petrus Apostolus, inquit, qui T. 2. p.*  
*Sacerdos fuit Ecclesia Romanae.* 363. E

S. Augustinus L. 2. contra Litt. Petilianu c. 51. n. 118. *Cathedra tibi T. 9. p.*  
*quid fecit Ecclesia Romanae, in qua Petrus sedet?* 254. G

Optatus Milevitanus L. 2. adversus Partenianum n. 2. *Negare non po-* P. 28.  
*tes, inquit, scire te in urbe Romana Petro primo Cathedram Episcopalem esse*  
*colla-*

R. 33. collatam, in qua sederit omnium Apostolorum caput Petrus ... in qua una Cathedra, unitas ab omnibus servaretur. Ergo Cathedram unica, quæ est prima de dotibus, sed sit prior Petrus: cui succedit Linus, &c. & n. 9. Probatum est nos esse in Ecclesia sancta Catholica, apud quos & Symbolum Trinitatis est; & per Cathedram Petri quæ nostra est.

Edu. Go. Orosius l. 7. Hist. c. 6. Exordio Claudi Imperatoris, Petrus Apostolus Romanum venit, & salutarem cunctis fideli verbo docuit.

183. Sulpitius Severus l. 2. Hist. ubi de prima Neronis persecutione. Eo tempore, (Neronis) inquit, divina apud urbem (Romanam) Religio invaluerat, Petro ibi Episcopatum gerente.

Plura in rem apud omnes Catholicos certam & exploratam testimonia congerere superfluum prorsus videtur. (1)

Ex illa porro fixa Petri Sede in urbe Roma promanavit singularis illa Ecclesiæ Romanae supra ceteras Ecclesiæ honoris & jurisdictionis prerogativa: quam enim Petrus primatus præminentiam in alios Apostolos a Christo acceperat, hanc ipse Sedi suæ Romanae suisque in ea Successoribus transmisit & communicavit. Ita communi suffragio universa docet Ecclesiæ Traditio.

P. 59. S. Cyprianus Epistola 45. ad Cornelium ait, Romanam Ecclesiam radicem esse ac matricem Ecclesiæ Catholicæ.

P. 84. Et Epistola 55. ad eundem ait, eam esse principalem Cathedram, unde unitas sacerdotalis exorta est . . . ad quam perfidia non potest habere accessum.

P. 79. Jam supra dixerat, non aliunde obortas hereses aut nata schismata, quam inde, quod Sacerdoti Dei non obtemperatur, nec unus in Ecclesia ad tempus Sacerdos, & ad tempus Iudex vice Christi cogitatur.

P. 215. Tertullianus mox laudatus, de Praescript. c. 36. ubi ait: Si Italæ adiaces, habes Romanam unde nobis auctoritas praesto est.

P. 175. S. Irenæus l. 3. aduersus hereses c. 3. Ad hanc Ecclesiam (Romanam) propter potiorem principalitatem necesse est omnem convenire Ecclesiam, hoc est, eos qui sunt undique fideles, in qua semper ab his, qui sunt undique, conservata est ea quæ est ab Apostolis Traditio.

T. 2. p. S. Augustinus Epistola 43. alias 162. Ecclesia Romana, inquit, in qua semper Apostolicæ Cathedræ viguit principatus.

P. 905. S. Prosper lib. 2. de Vocab. gent. c. 16. Roma, inquit, per Apostolici Sacerdotii principatum amplior facta est arce Religionis, quam solio potestatis.

Theodoreetus Epistola 116. Habet sanctissima illa Sedes Ecclesiarum quæ T. 3. p. in toto orbe sunt principatum.

989. C. S. Fulgentius lib. de Incarn. & Grat. cap. 11. n. 21. sic loquitur: Quod duorum magnorum luminarium, Petri scilicet Paulique verbis, tamquam splendentibus radiis illustrata, eorumque decorata corporibus Romana, que mundi cakumen est, tenet & docet Ecclesia, totusque cum ea Christianus orbis, & ad iustitiam nihil hesitans credit, & ad salutem non dubitat confiteri.

Atque inde Romanis Pontificibus quam multa, quam gravia & immensa incumbunt officiorum genera! Eorum est omnium Ecclesiarum curam & follicitudinem habere; invigilare Canonum executioni per singulas Ecclesiæ; ab iis, si necessitas & utilitas Ecclesiæ postulat, dispensare;

con-

(1.) Siquis tamen plura velit, preter Bellarminum, & Natalem Alexandrum, Foggi-  
nium adeat in libro de Romano D. Petri itinere, & Mamachium T. V. p. I. pag. 541. seqq.

controversiis fidei pronunciare; respondere ad Episcoporum consulta; eorum solvere dubia; majores eorum caussas cognoscere ac judicare; Conciliorum decreta confirmare; omnibus fidelibus fidei & morum regulam proponere.

Juvat hic referre egregium in laudem & commendationem Romanæ Sedis testimonium, excerptum ex Epistola trium Africæ Conciliorum, Numidiæ, Byzaceni, & Mauritanæ, ad Theodorum Papam, quæ leta fuit Sessione, seu Secretario secundo Concilii Lateranensis sub Martino I. S. Pontifice an. 649. in causa Monothelitarum, *Magnum*, inquit, & indeficien tem omnibus Christianis fluenta redundantem, apud *Apostolicam Sedem* consistere fontem nullus ambigere possit, de quo rivuli produnt affluenter, universum largissime irrigantes orbem Christianorum, cui etiam in honore beatissimi Petri Patrum decreta peculiarem omnem decrevere reverentiam in requirendis Dei rebus, quæ omnino & sollicite debent, maxime vero justeque ab ipso Præsulum examinari vertice Apostolico, cujus vetusta sollicitudo est tam mala damnare, quam probare laudanda. Antiquis enim regulis sancitum est, ut quidquid quamvis in remotis vel in longinquo positis ageretur Provinciis, non prius tractandum vel accipiendum sit, nisi ad notitiam alina Sedis vestra fuisse deductum, ut hujus auctoritate, juxta quæ fuisse pronunciatio firmaretur, indeque sumerent cetera Ecclesiæ velut de natali suo fonte prædicationis exordium, & per diversas totius mundi Regiones puritatis incorruptæ maneat fidei Sacramenta salutis.

Joannes VIII. S. Pontifex in Epiphila 75. ad Michaelem Regem Bulgarorum. Credimus, inquit, quod jam vos non lateat, nunquam *Apostolicam B.* Tom. 9. Petri *Sedem* ab aliis *Sedibus* reprehensam, cum ipsa alias omnes, & præcipue *Constantinopolitanam* sæpiissime reprehendens, aut ab errore liberaverit, aut certe in his qui respicere noluerunt, sententiæ sua judicio condemnaverit. Noli ergo sequi Græcos, filii charissime, quia argumentis semper fallacibus student, semper dolosus intendunt versutiis: & Epistola 76. loquens de S. Petro: Ad hanc, *Ibid. p.* inquit, Romanam urbem post Antiochiae, quam in transitu visitavit, fundatam *62. A.* Ecclesiam, tamquam ad mundi dominam properavit ... Pro hac itaque purissima fide *B. Petrus Romæ* moratus, in hac stabilivit Ecclesiam, & Sede Apostolica *Ibid. B.* diutius gubernata; pro hac fide decus mortis assumpit; siue sanctam Romanam Ecclesiam in hac fide fundatam proprio sanguine... consecravit, & dedicavit ... *Ibid. C.* Sicut aqua nunquam potest alibi tam munda, vel tam limpida, quemadmodum in fonte unde originem protrahit, inveniri; ita & fides nunquam omnino poserit alibi tam pura, vel tam nitida reperiri, sicut in Ecclesiæ nostræ vivario.

Hincmarus Remensis lib. de prædest. cap. 24. *Pis*, devotis atque Catholi- T. 1. p. cis hoc potest & hoc debet sufficere, quod omnium Ecclesiarum mater sancta Ca- 152. tholica atque Apostolica docet Romana Ecclesia. Ipsa enim ut mater nos Christo genuit, nos religione nutrita, nos doctrina instruxit: nos sicut in sancto Petro a Christo firma petra accepit, doctores instituit, & Catholico lacte nutritos, & ad virum perfectum perductos, ad docendum alios informavit.

S. Petrus Chrysologus Epist. ad Eutich. Hortamus te, frater honorabi- Ed. Br- lis, ut iis quæ a beatissimo Papa Romanæ civitatis scripta sunt, obedienter atten- non. p. das; quoniam B. Petrus, qui in propria Sede vivit & presidet, præstat que- 25. rentibus fidei veritatem.

Denique, ut multos alios prætermittamus, S. Bernardus Epist. 190.

Opor-

T. 1. p. Oportet, inquit, ad vestrum referri Apostolatum, pericula quæque & scandala emergentia in regno Dei, ea præsertim que de fide contingunt. Dignum namque arbitror, ibi potissimum resarciri damna fidei, ubi non possit fides sentire defectum. Hec quippe prærogativa Sedis. Cui enim alteri aliquando dictum est, Ego ragavi pro te, Petre, ut non deficiat fides tua?

Ex his omnibus intelligitis, opinor, Romanam seu Apostolicam Sedem, tamquam Caput ceteris Ecclesiis dignitate, auctoritate, fidei constantia preeminere; præcipuas Orientis Ecclesiæ variis hæreseon procellis diu agitatas, tandem triste in fide naufragium fecisse, Romanam vero in ea, quam ab Apostolis Petro & Paulo accepit, firmiter ac constanter ad hanc usque diem perdurasse, In qua, dicebat Irenæus lib. 3. contra hæreses c.

P. 176. 3. conservata est ea quæ ab Apostolis est Traditio. De qua Hieronymus L. 3. Tom. 4. adversus Rufinum: Scito, inquit, Romanam fidem, Apostolica voce laudatam, part. 2. istiusmodi præstigias non recipere, etiam si Angelus aliter annunciet, quam semel p. 449. prædicatum est: & Epistola 41. alias 65. ad Pamachium: Quisquis es assertor novorum dogmatum, quæso te ut parcas Romanis auribus, parcas fidei quæ Apostoli voce laudata est.

Constantem istam ac perpetuam Ecclesiæ traditionem intuebatur Synodus Tridentina Sess. 7. de Baptismo Can. 3. ubi Romanam Ecclesiam vocat matrem & magistrum aliarum Ecclesiarum.

To. 14.  
Conc. f.  
778. B.

## SECUNDUM MOMENTUM.

*Necessitas communionis cum Romana seu Apostolica Sede.*

Cum Romana seu Apostolica Sedes centrum sit ac vinculum unitatis & communionis Catholicæ, nemo Catholicus haberi potest, nisi qui unitate fidei ac doctrinæ cum ea conjunctus fuerit.

Conjungi vero potest, vel interna simul & externa, vel tantum externa unione. Utriusque unionis vinculo cum ea colligantur, qui intus & in animo eamdem cum ipsa fidem ac doctrinam retinent, quam profitentur exterius: qui vero intus & animo ab ejus fide ac doctrina dissentient, nec tamen scindunt unitatem, iisdem externis Sacramentorum vinculis constricti, quales sunt omnes hæretici occulti, ii externam dumtaxat ac sensibilem unionem retinent, non internam. Nomen quidem habent illi quod vivant; sed mortui sunt, spiritu vita interius destituti. Semper ab illius Ecclesiæ quæ sine macula & ruga est, unitate divisus est, ait S. Augustinus L. 1. de Baptismo contra Donatistas c. 17. etiam qui congregatiōni Sanctorum 93.C.D. in carnali obduracione miscetur. Et vero sicut ille qui injuste a corpore Ecclesiæ præcisus est, intus tamen fidem & charitatem servat, vere ad unitatem Ecclesiæ pertinet; ita ab ea divisus est, qui interne propter divisam fidem ac doctrinam ab ea disjungitur, tametsi exteris servet unitatem.

Ecclesia autem, quæ societas est externa & sensibilis, de externa dumtaxat unione seu communione judicat, non de interna. Utraque vero unio cum Ecclesia Romana semper necessaria fuit, omnibusque facultatibus spectata tamquam certissimum veræ fidei ac purioris doctrinæ signum & argumentum. Ita testantur.

Tertullianus Lib. de Præscript. c. 30. de Marcione ac Valentino sic loqui-

loquitur: *Ubi tunc Marcion, Ponticus Naucerus, Stoicæ studiosus?* *Ubi Va-* P. 212.  
*lentinus Platonicae Sectator?* Nam constat illos, neque adeo olim fuisse, Antonini fere principatu, & in Catholice primo doctrinam credidisse apud Ecclesiam Romanensem sub Episcopatu Eleutherii. Doctrinæ, quam primo professi sunt Marcion & Valentinus, veritatem inde ostendit Tertullianus, quod eam in Romana Ecclesia professi fuerint.

S. Irenæus jam sèpius hic laudatus lib. 3. c. 3. *Ad hanc Ecclesiam,* in P. 175.  
*quit, propter potiorem principalitatem necesse est omnem convenire Ecclesiam.*

S. Cyprianus Epist. 45. ad Cornelium: *Placuit ... ut per omnes omnino P. 59.*  
*istis positos Episcopos Litteræ fierent, ut te universi Collegæ nostri & communica-*  
*tionem tuam, id est, Catholice Ecclesie unitatem, pariter & charitatem pro-*  
*barent firmiter & tenerent.* Idem est Cypriano unitatem Ecclesie Catholice  
*servare, ac communione cum Cornelio tunc Pontifice Romano conjungi.*

Et Epistola 52. ad Antonianum initio: *Scriptisti etiam, ait, ut exemplum P. 66.*  
*earumdem Litterarum ad Cornelium transmitterem, ut sciret te secum, hoc est, cum*  
*Catholica Ecclesia communicare.* In mente S. Matris, communicare cum Ro-  
*mano Episcopo, idem est ac communicare cum Catholica Ecclesia.*

S. Ambrosius Oratione seu Libro de excessu fratris sui Satyri n. 47. Ad- T. 2. p.  
*vocavit, inquit, ad se Episcopum, nec ullam veram putavit nisi verae fidei 1127. E.*  
*gratiam, percontatusque ex eo est utrumnam cum Episcopis Catholicis, hoc est,*  
*cum Romana Ecclesia conveniret?* Adeo scilicet Catholicorum omnium ani-  
*mis alte insederat hæc sententia, societatem & communionem cum Ro-*  
*mana Ecclesia necessarium esse, ut quis Catholicus audiri posset.*

S. Hieronym. Epist. 16. ad Damasum S. Pontificem de hypostasis no-  
*nmine, an scilicet una, vel tres in Deo hypostases dicendæ sint. In tres T. 4. p.*  
*partes, inquit, scissa Ecclesia ad se rapere me festinat... Ego interim clamito, Si 2. p. 22.*  
*quis Cathedrae Petri jungitur, meus est. Meletius, Vitalis, atque Paulinustibi ha-*  
*vere se dicunt, possem credere si hoc unus assereret. Nunc aut duo mentiuntur, aut omnes.*

Et Epistola 14. ad eumdem de eodem arguento dixerat: *Ego... Bea-* Ib. p. 19.  
*titudini tuæ, id est Cathedrae Petri, communione consocior: super illam petram,*  
*ædificatam Ecclesiam scio. Quicumque extra hanc domum agnum comederit,*  
*profanus est... Non novi Vitalem, Meletium respuo, ignoro Paulinum. Qui-*  
*cumque tecum non colligit, spargit.* Et in Epitaphio Marcellæ, scribit S.  
*Athanasium & ejus successorem Petrum, Alexandrinos Episcopos, per-*  
*secutionem Arianae hæreseos declinantes, tamquam ad tutissimum suæ*  
*communionis portum, Romam confugisse.*

S. Optatus Milevitanus lib. 2. de Schismate Donatistarum: *Igitur ne-* P. 28.  
*gare non potes scire te in Urbe Roma primo Cathedram Episcopalem es-*  
*se collatam, in qua federit omnium Apostolorum Caput Petrus... in qua*  
*una Cathedra unitas ab omnibus servaretur, ne ceteri Apostoli singulas sibi quis-*  
*que defenderent... Ergo Cathedram unam, quæ est prima de dotibus, sed*  
*prior Petrus, cui succedit Linus, Lino succedit Clemens... Damaso Siricius,*  
*hodie qui nosler est socius; cum quo nobiscum totus orbis commercio formata-*  
*rum, in una communionis societate concordat. Vestræ Cathedrae vos originem*  
*reddite, qui vobis vultis sanctam Ecclesiam vindicare.*

Frequenserat apud Veteres illarum formatarum Litterarum usus, quibus  
*una constabat & declarabatur Ecclesia totius communio, per communionem*  
*scilicet Episcoporum cum Romano Pontifice.* Omnes etenim fideles, sicut

observat Albaspinæus in Notis ad Optatum, cum suis Pastoribus in Missæ Sacrificio communicabant; Pastores autem cum suis Episcopis, aut per Eulogias quæ ad eos mitrabantur, aut per Diaconos, aut denique in Synodis communionem celebrabant; Episcopi denique per Litteras communicatorias cum S. Pontifice commercium habebant. Quin & sepe Litteras etiam communicatorias sibi invicem scribebant Episcopi, ut iis perfectior communio denotaretur; ita ut haberentur Schismatici, qui fidei sua rationem his publicis testimoniis non confirmabant.

Ita S. Basilius Epistola 75. cum probare vellet, se Catholicæ Ecclesiæ membrum esse, non alio, quam illarum Litterarum argumento id confirmabat. *Episcopi, inquietabat, totius orbis Litteras ad nos mittunt, & vicissim a nobis recipiunt: ex quibus cognoscere potestis, quod unanimes omnes eodemque sensu prædicti simus.*

*T. 2. p. 883. A.* Ita S. Augustinus Epistola 44. alias 163. refellens Fortunum quemdam Donatistam Episcopum, qui affirmabat communionem suam ubi-  
*T. 2. p. que terrarum diffusam esse; Quærebam, inquietabat sanctus Doctor, ab eo,*  
*162. B. utrum Epistolas communicatorias, quas formatas dicimus, posset, quo vellen-*  
*dare; & affirmabam, quod manifestum erat omnibus, hoc modo facillime illam*  
*terminari posse questionem. Parabam autem, ut si consentiret, ad illas Ecclesiæ*  
*a nobis tales Litteræ mitterentur, quas in Apostolicis auctoritatibus pariter le-*  
*geremus illos jam tempore fuisse fundatas.*

Et in Epistola 43 alias 162. docet vel hoc uno probari posse Cæciliandum, quem Donatistæ tam dure exagitabant, innocentem esse, nihilque timendum habere, quod Romanæ Ecclesiæ ceterisque per orbem Episcopis per Litteras communicatorias conjunctus foret: ipsos vero Donatistas, qui ab unitate Catholica recesserant, hujusmodi Litteras recipere amplius non posse. Qui posset non curare conspirantem multitudinem inimicorum, ajebat  
*N. p. 91. D. E. sanctus Doctor, cum se videret Romanæ Ecclesiæ, in qua semper Apostolicæ Cathedrae viguit principatus . . . per communicatorias Litteras esse conjunctum.*

*T. 9. p. 7. D.* Idem sanctus Doctor in Psalmo contra partem Donati ait: *Venite, fratres, si vultis, ut inferamini in vite. Dolor est, cum vos videamus præciosos ita jacere. Numerate Sacerdotes vel ab ipsa Petri Sede, & in ordine illo Patrum quis cui successit videte: Ipsa est petra, quam non vincunt superba inferorum portæ.*

*T. 4. p. 105. C.* Sermone 2. in Psalm. 101. n. 8. *Deus unus est, inquit, Ecclesia unitas.* Non respondet uni nisi unitas. Fieri autem non potest ut Ecclesia sit una, nisi illi multi qui recte credunt, in unitatem unius Ecclesiastici corporis coalescant. *Da enim unum, ait rusum Sermone 103. alias 26. de ver-*  
*T. 5. p. 538. A.* *bus Domini, & populus est: tolle unum, & turba est.* Hanc vero fidelium sibi cohærentium unitatem charitatis facit, que hoc ipso rumpitur, & corpus laceratur, quo membra pertinaciter incipiunt vel diversa credere, vel eadem credendo seorsum ab illo toto separata sibi conventicula constituere. Illud hæresim, quæ sine schismate esse non potest; hoc proprio dictum schisma facit. Unde utrique malo Apostolus mede-  
*ri cupiens, Obsecro, inquit, vos fratres, ut id ipsum dicitatis omnes, docen-*  
*v. 10. do atque credendo, & non sint in vobis schismata.*

*T. 1. p. 428.* S. Leo Epistola 10. alias 89. ad Episcopos Viennensis Provinciæ: *Hujus muneris, inquit, sacramentum ita Dominus ad omnium Apostolorum officium pertinere voluit, ut in beatissimo Petro, Apostolorum omnium summo, principaliter*  
*col-*

collocarit; & ab ipso quasi quodam capite dona sua velit in corpus omne mai-  
nare, ut exortem se mysterii intelligeret esse divini, qui ausus fuisset a Petri  
soliditate recedere.

Theodoreetus Lib. 5. Hist. c. 3. egregie confirmat unionem fidei ac  
doctrinæ cum Pontifice Romano necessariam esse, ac verum signum do-  
ctrinæ purioris. Sic loquitur occasione dissidii quod erat inter Pauli-  
num & Meletium circa regimen Ecclesiae Antiochenæ. Affirmabat Pau-  
linus se Damasi partium esse... Flavianus vero ille sapientissimus, qui in T. 3. p.  
Priesbyterorum adhuc numero censematur, primo quidem ad Paulinum, Magistro 707. C.  
audiente, sic est locutus. Si Damasi communionem amplecteris, o amice, tux-  
nobis & illius doctrinae consensum aperte demonstra... Quare dogmatum osten-  
de concordiam, & Ecclesiæ secundum legem capesse. Deinde... ad Apollina-  
rem conversus, Demiror te, inquit, o amice, tam impudenter repugnare veri-  
tati, idque cum exploratum habeas Damasum perfectam a Deo Verbo assumptam  
esse naturam nostram profiteri... Quod si hæc accusatio nostra falsa est, vel  
nunc saltem probatam abs te notitatem ejura, & Damasi doctrinam amplecte-  
re; tum divinas ædes accipe. Videtis hic communionem cum Damaso æsti-  
mari ex confessione ejusdem cum ipso doctrinæ. Qui ergo a sententia  
& doctrina Sedis Apostolicæ recedunt, ii communione Catholica saltem  
interna cum Apostolica Sede non fruuntur.

Accedit & auctoritas Concilii Constantinopolitani IV. an. 869. sic clo-  
quitur Actione 1. Sequentes in omnibus Apostolicam Sedem & observantes Tom. 8.  
eius omnia constituta, speramus ut in una communione quam Sedes Apostolica Conc. p.  
prædicat esse mereamur, in qua est integra & vera Christianæ Religionis so-  
liditas: promittentes etiam, sequestratos a communione Ecclesiae Catholicae, id  
est non consentientes Sedi Apostolicae, eorum nomina inter sacra non recitanda  
esse mysteria. Videtis rursum idem esse a communione Ecclesiae Catholi-  
cae extorrem fieri, ac non consentire Sedi Apostolicae. His, ait Bellar-  
minus lib. 4. de notis Ecclesiae c. 10. adde experientiam. Videmus etiam om- T. 2. p.  
nes illas Ecclesiæ, quæ ab isto Capite ( R. Pontifice ) se divisorunt, tamquam 79. col.  
ramos præcisos a radice, continuo aruisse. Certe Ecclesiæ Asiaticæ & Africa-  
næ, quæ quondam ita storebant, ut numeroſissima Concilia celebrarent, & sem-  
per haberent multos homines, vel doctrina, vel sanctitate, vel utroque Dei  
munere clarissimos, ab eo tempore, quo a Romana Ecclesia schisma fecerunt,  
nulla Concilia celebrarunt, nullos habuerunt homines fama sanctitatis aut do-  
ctrinæ toti orbi notos, & nunc in summa ignoratione versantur.

Denique, cum Ecclesia una sit, atque res quelibet eo perfectior ha-  
beatur, quo propius tendit ad unitatem, necesse prorsus est unum ali-  
quod in Ecclesia sit commune centrum, in quo multitudo fidelium quasi  
totidem linea colligantur & adunentur: alias declinari vix poterit peri-  
culum illius dissensionis ac schismatis, de quo conquerebatur Apostolus  
1. Corinth. 1. v. 12. cum varii, quisque pro affectu suo, dicerent, Ego  
quidem sum Pauli; ego autem Apollo; ego vero Cephæ. Ut enim scite omnino  
& apposite discurrat Barlaamus, Hieracensis apud Græcos Episcopus, in  
Epistolis quas versus annum 1303. de unione utriusque Ecclesiae scri- Bibliot.  
psit: Omnis multitudo ordine per se caret, nisi reducatur ad unum principium; PP.  
pluralitas enim principiorum & carentia principii, similis sunt inordinationis. T. 26. p.  
Hujus quidem gentis ( Romanæ ) universa multitudo sub uno est ordinata 5. F.

*principio, Ecclesia videlicet Romana & ejus Præsule, quem omnes honorant & Epistola vero 2. ostendit, rem quamlibet eo perfectiore esse, quo magis ad unitatem accedit, & quæ longius a Deo distant, eo inclinata magis esse ad malum, quæ vero ad illum accedunt proprius, eo stabiliora esse ac firmiora in bono: quod etiam in Ecclesia contigisse asserit.*

*Ib. p. 3. Plurimæ enim & deterrimæ hæreses in partibus magis a Romana distantibus or-  
tæ sunt: Romæ vero vel prope auctores hæresum facti non sunt.*

Dices 1. Meletius Antiochenus communione Damasi S. Pontificis non fruebatur; unde sanctus Hieronymus antea laudatus dicebat: *Non novi Vitalem, Meletium respuo: attamen Meletius magna fidei & sanctitatis laude & vivens, & mortuus floruit: per honorificam ejus sepulturam iussu Imperatoris factam narrat Sozomenus lib. 7. Hist. c. 10. ergo potest quis extra communionem Romani Pontificis constitutus, & veram fidem profiteri, & sanctitatem adipisci.*

Resp. dist. ant. Meletius communione Damasi non fruebatur, ante initam cum Paulino pacem & concordiam, esto: post initam illam pacem & concordiam, nego. Meletius & Paulinus de primatu in Sede Antiochena simul contendebant: uterque jus suum asserebat & vindicabat; uterque numerosam illam regebat in communi plebem: en discordia seminarium. Tandem pax ea conditione inter eos inita, ut alterutro de mortuo, qui superesset, solus remaneret Antiochenus Episcopus. Ita rem narrat Theodoretus lib. 5. Hist. c. 3. Esto igitur ante redditam illam pacem Meletius Damaso suspectus fuerit & ejus communione privatus; at saltem subinde occasione initæ pacis Damaso acceptus, & in communionem ejus admissus fuit. Dixi autem, *Esto;* neque enim id certum & exploratum est. Namque Theodoretus, loco mox citato, testatur Meletium ab impietate Ariana recessisse; & Sozomenus lib. 7. c. 10. narrat mortuo Meletio, Flavianum præter datum jusjurandum Sedem Antiochenam in qua sedebat Paulinus, occupasse: *Non minime autem Episcopum Romanum, & cum eo cunctos Sacerdotes Occidentales indignatos esse adversus Flavianum, & Paulino quidem seu Episcopo Antiocheno consuetas scripsisse Epistolæ, quas Synodales appellant, ad Flavianum vero silentium agebant. Porro si Romanus Pontifex cum Paulino communione jungebatur, quanto magis cum Meletio de Trinitate ita catholice sentiente, ut Domino Antiocheno Episcopo judice, Ariani ad invidiam Catholicos appellarent Meletianos?*

*Edit. Pa-  
ris. 1676. mo sanctus Meletius, a quo appellationem habent apud nos custodes Apostolica-  
p. 121. D. rum dogmatum, ( Meletianos enim nos vocant Arii sectatores. ) Cum igitur S. Hieronymus dicebat se Meletium respuerere; vel dubius erat de illius fide ac communione cum Damaso; vel saltem loquitur de tempore quod antecessit initam inter Meletium & Paulinum concordiam.*

Dices 2. S. Cyprianus a S. Stephano excommunicatus fuit; & tamen martyr sanctissime obiit.

Resp. nego ant. de quo facto suo loco differemus, ubi de Sacramentis in genere. Excommunicationem comminatus quidem fuit in Cyprianum Stephanus, sed intra manus hæsit, nec tulit sententiam: vicit enī pax in cordibus eorum, ipso judice Augustino.

Dices 3. Qui injuste errore facti ab externa Ecclesiæ communione pel-

Iuntur, ita tamen nullum inde spiritale damnum ac detrimentum patiuntur.

Resp. Eo in casu pertinent illi ad eam Ecclesiae partem quae nobilior est, animam scilicet, tametsi a corpore seu societate fidelium visibili exclusi sunt: de hujuscemodi fidelibus audiendus est S. Augustinus L. de vera Religione c. 6. n. 11. ubi sic loquitur: *Sæpe etiam sinit divina providentia, per nonnullas nimium turbulentas carnalium hominum seditiones expelli de congregacione Christiana etiam bonos viros. Quam contumeliam vel injuriam suam cum patientissime pro Ecclesiae pace tulerint, neque ulla novitates vel schismatis vel heresis moliti fuerint, docebunt homines, quam vero affectu & quanta sinceritate charitatis Deo serviendum sit. Talium ergo virorum propositum est, aut sedatis remeare turbinibus; aut si id non sinantur, vel eadem tempestate perseverante, vel ne suo reditu talis aut senior oriatur, tenent voluntatem consuendi, etiam eis ipsis quorum; motibus perturbationibusque cesserunt, sine ulla conventiculorum segregatione usque ad mortem defendantes, & testimonio juvantes eam fidem, quam in Ecclesia Catholica praedicari sciunt. Hos coronat in occulto Pater in occulto videns. Rarum hoc videtur genus, sed tamen exempla non desunt: imo plura sunt quam credi potest.*

Et L. 1. de Baptismo contra Donatistas c. 17. Semper ab illius Ecclesia, T. 9. p. 91. C. D. quæ sine macula & ruga est, unitate divisus est, etiam qui congregationi Sanctorum in carnali obduratione miscetur. De nullo tamen desperandum est, sive qui intus talis appetet, sive qui foris manifestius adversatur. Spiritales autem sive ad hoc ipsum pio studio proficientes, non eum foras: quia & cum aliqua vel perveritate vel necessitate hominum evidentur expelli, ibi magis probantur, quam si intus permaneant, cum adversus Ecclesiam nullatenus eriguntur, sed in solida unitatis petra fortissimo charitatis robore radicantur.

Dices 4. Cum vacat Sedes Romana vel per mortem, vel per absentiam Summi Pontificis alio transmigrantis, vel per schisma multorum de Pontificatu contendentium, qua ratione servari potest communio cum Ecclesia Romana.

Resp. Ubicumque degat legitimus Romanus Pontifex, ibi Romana Sedes est & agnoscenda. Eo autem mortuo, Sedes seu Cathedra principalis, Romana scilicet, remanet, in qua S. Petrus sedem fixit, & a cuius communione recedere non licet. Cum vero tempore schismatis dubius & incertus est legitimus Pontifex, Cathedrae Petri eo animo ita inhærendum semper, ut paratus sis futuro legitimo Pontifici obtemperare.

### ARTICULUS SEPTIMUS.

#### *De visibilitate Ecclesiae.*

**O**bservandum 1. Ecclesiam Christi duobus modis considerari posse: 1. secundum suum statum interiore, seu secundum eam partem quam nominamus animam Ecclesiae, quatenus nempe dicit societatem eorum qui veræ fidei in Christum & sincere charitatis vinculo inter se conjuncti sunt: atque hoc sensu tota invisibilis est, ac soli Sancti & justi ad eam ut viva & vera membra pertinent; 2. secundum suum statum exteriorem seu secundum corpus, & quatenus societas est eorum, qui publica ejusdem fidei professione, eorumdem Sacramentorum, & Pastorum communione conjuncti sunt: atque hoc sensu certum est visibilem esse ac conspicuam Ecclesiam.

Verum quæstio est utrum essentialiter sit visibilis & conspicua, non tantum eo sensu quod oculis intuentium possit observari: hoc enim modo nulla est aut fuit unquam Hæreticorum secta quæ aspectabilis non fuerit; sed ita ut etiam inter omnes alias societates eminenti quadam, constanti & singulari claritate per totum orbem splendida semper & conspicua fuerit: neque filiis dumtaxat & domesticis, a quibus necesse est eam diagnosci: ( siquidem eamdem inter se fidem non possunt profiteri, nisi cognoscant Ecclesiam in cuius sinu eam profitentur ) sed etiam extraneis, & iis qui sunt extra ejus sinum & societatem.

Observandum 2. non unam & eamdem semper fuisse Reformatorum nostrorum sententiam circa perpetuam Ecclesiæ visibilitatem.

*T. I. V. 4-  
riat. p.  
381.* Primo, Lutherani visibilem illam esse & quidem visibilitate permanenti asseruerunt initio Reformationis, ut patet ex Confessione Augustana articulo 7. ubi profitentur *se credere unam sanctam Ecclesiam, que in perpetuum duratura est, eamque esse societatem Sanctorum, in qua recte annunciatur Evangelium, & administrantur Sacra menta.* Ubi certe doctrina per Pastores perpetuo annunciatæ, & Sacra menta recte administrata eam efficiunt perpetuo visibilem. Idem habetur in Apologia ejusdem Confessionis, titulo de Ecclesia, ubi & hunc articulum explicat Melanthon, & addit, *illam Ecclesiam esse columnam & firmamentum veritatis, seque non impugnare Ecclesiam Catholicam aut Romanam, aut errores ab ea proscriptos defendere; verum doctrinam Ecclesiæ Romanae non esse eam quam approbant aut Papa, aut Cardinales, aut Sacerdotes & Monachi.* Idem docent in articulis Smalcaldensibus, quibus suscriptis universa Lutheranorum secta. Idem in Confessione Saxonica cap. de Ecclesia. Et in Confessione Wittembergensi, cuius auctor fuit Joannes Brentius, cap. de Ecclesia. Et in Confessione Bohemica quam approbavit ipse Lutherus.

Calvinistæ idem quoque initio docuerunt, ut patet ex Confessione fidei Argentinensi c. 15. & 16. ex Confessione Basileensi an. 1536. articulis 13. & 14. ex Confessione Helvetica an. 1566.

Secundo, docuerunt visibilitatem Ecclesiæ non esse perpetuam, sed aliquando Ecclesiam esse invisibilem; quia, ut observat Jurius in systemate Ecclesiæ, pag. 226. cum urgerentur a Catholicis petentibus ubinam erat Ecclesia Reformatorum ante annos 150. ( Si enim, inquietabant illi, vera Ecclesia est semper visibilis, sequitur Lutheranorum & Calvinistarum societatem non esse veram Ecclesiam, cum tunc non esset visibilis. ) Ex ea difficultate ut se se expedirent Novatores, asseruerunt eam quidem visibilem esse, sed ita tamen ut ferme extincta fuerit certis temporibus. Ita præsertim Calvinistarum Ecclesiæ in Gallia, ut patet tum ex eorum Catechismo Dominica 15. tum ex Confessione art. 31. tum ex ipso Calvino in præfatione Institutionis; tum ex Claudio in defensione Reformationis. Quamquam nec firmi ac constantes fuerint in illa sententia, quorum variationes videri possunt apud illustrissimum Bossuetum Meldensium Epitopum in Historia Variationum L. 15. Jurius ipse L. 1. de vero systemate fidei & vera fidei analysis c. 25. & seq. probat non tantum Ecclesiam Christi esse essentialiter visibilem; sed etiam contra aliquos e suis, nunquam ita latuisse & obscuratam fuisse, ut per aliquod tempus fuerit sine Ministris, sine Sacramentis, sine prædicatione veritatis. Probat ipsam perpetuo fui-

se visibilem & conspicuum, etiam tempore Regum Israelitarum, quo magis vigebat idololatria; tempore persecutionum & hæresum, atque etiam furente Arianismo & per totum orbem grassante.

Observandum 3. quod et si iisdem fere argumentis & simul soleant hic Theologi probare Ecclesiam esse visibilem ac perpetuam seu indefectibilem, nos in præsenti Articulo ea dumtaxat prolaturi sumus argumenta, quæ Ecclesiæ visibilitatem spectant; in sequenti vero ea quæ ejus constantiam, firmitatem, perpetuitatem, & indefectibilitatem.

Duo igitur hic duplici Concluſione demonſtranda.

Primum, Ecclesiam Christi secundum se & ex natura sua ita esse visibilem, ut semper oculis omnium fuerit conspicua.

Secundum, hanc visibilitatem perpetuam societati Catholicorum convenire, non Protestantium.

### PRIMA CONCLUSIO.

Ecclesia Christi ita est visibilis ex natura sua, ut semper oculis omnium conspicua fuerit.

Probatur 1. ex Scripturis in quibus constantem hanc Ecclesiæ visibilitatem prædixerunt Prophetæ, docuit Christus, confirmarunt Apostoli.

Prophetæ prædixerunt visibilem Ecclesiam. Isaïæ 2.v.2. Ecclesia montis nomine proponitur, qui obvius sit omnibus, & ab omnibus possit conspicari. Erit, inquit, in novissimis diebus præparatus mons domus Domini in T. 3. p. vertice montium, & elevabitur super colles, & fluent ad eum omnes gentes, &c. 21. 10. Quem montem S. Hieronymus in hunc locum explicat de Ecclesia.

Danielis 2. v. 34. & 35. Lapis qui percussit statuam, dicitur factus mons Ibid. p. magnus, & implevisse universam terram. Quem locum de Christo & Ecclesia intelligit pariter S. Hieronymus.

Psalmo 18. comparatur Soli. In Sole posuit tabernaculum suum. Quod Tom. 3. de Ecclesia interpretatur S. Augustinus Tract. 2. in Ep. S. Joan. part. 2. p. 838. C.

Christus docuit visibilem esse suam Ecclesiam: 1. parabolis quibus eam expressit, areæ, agri, sagenæ; 2. cum in ea Pastores instituit: Joan. 20. v.21. Sicut misit me Pater, & ego mitto vos. Matt. 5. v. 13. 14. & 15. Vos estis sal terræ ... Vos estis lux mundi. Non potest civitas abscondi supra montem posita ... Sic luceat lux vestra, &c. Quæ Christi ad suos Apostolos exhortatio eo præsertim fundamento nititur, quod Ecclesia non possit abscondi; ideoque nec Pastores, qui eam constituunt. Quæ verba explicantur a S. Augustino de Ecclesia, L. de unitate Ecclesiæ & passim alibi; 3. cum ipsam supra petram ædificandam promisit. Sive enim nomine petræ intelligatur aut Christus, aut fidei confessio, aut ipse Petrus, evidens est ipsum Ecclesiæ fundamentum esse visibile; ac proinde Ecclesiam visibilem esse, non minus quam ædificium super petram; 4. cum jubet adiri Ecclesiam, hoc est, Superiores Ecclesiæ, ubi fraterna correctio privata ob contumaciam delinquentis nihil proficit. Math. 18. v.17. At quomodo adiri potest, si sit invisibilis? Denique cum in ea instituit Sacra menta visibilia, quorum communis participatione, tamquam certissimo vinculo, inter se & cum Capite Christo colligantur fideles.

Apostoli idem docuerunt; atque inter alios S. Paulus Act. 20. v. 28.

ubi advocatis ex Epheso Presbyteris, eos hortatur ut vigilantes sint in re-genda Ecclesia & universo grege in quo Dominus posuerat eos Episco-pos: quis autem regere potest quod non novit? & Ephes. 4. v. 11. cum dicit Christum dedisse Ecclesia sux Pastores & Doctores, ad consummatio-nem Sanctorum in opus ministerii, in edificationem corporis Christi ... ut non circumferamur omni vento doctrinæ. Quæ certe omnia perfici non possunt absque mutuis inter Pastores & oves officiis, & notitia qua se mutuo noverint; & I. ad Timoth. 3. v. 15. ubi eum monet quomodo debeat con-versari in domo Dei que est Ecclesia. At nemo potest assequi modum quo fœse in aliqua communitate gerat, quam nescit.

Probatur 2. ex sanctis Patribus.

Td. Pa-  
rif. 1609.  
p. 93. col.  
S. Cyprianus de unitate Ecclesie: Ecclesia, inquit, plena est fulgore ab O-  
riente usque ad Occidentem.

I. A.  
P. 181. est, per orbem totum radios suos porrigit.

Ed. Pa-  
rif. 1621.  
T. 3. p.  
S. Chrysostomus Homil. 4. in caput 6. Isaiæ: Facilius est, ait, Solem  
extingui, quam Ecclesiam deleri.

867. C. Denique S. Augustinus, ut alios omittam, passim contra Donatistas, qui Ecclesiam in solis Africae plagis a spectabilem esse volebant, toto orbe conspicuam esse omnibus ostendit. Tract. 1. in Ep. Joan. n. 13. ubi postquam singula propemodum Scripturarum testimonia mox adducta in unum

Tom. 3. collegit, sic habet: Nonne ille lapis crevit, & factus est mons magnus, &  
part. 2.  
p. 1834. implevit universum orbem terrarum? Numquid digito ostendimus istum mon-  
tem, quomodo ostenditur hominibus tertia Luna, v.g. quando volunt homines vide-  
re Lunam novam, dicunt, Ecce Luna, ecce ubi est: & si sunt ibi qui non vale-  
ant intendere aciem, & dicant, Ubi? Intenditur illis digitus ut videant . . .

Numquid sic ostendimus Ecclesiam, fratres mei? Nonne aperta est? nonne tenuit omnes gentes? nonne impletur quod ante tot annos promissum est Abrabæ, in semi-ne ejus benedici omnes gentes? Ecce Mons implens universam faciem terra: ecce Civitas de qua dictum est; Non potest civitas abscondi supra montem posita. Non egent hæc S. Doctoris verba commentario, adeo sunt per se manifesta. Hic addi possent & innumera ejusdem testimonia, quibus adversus Donati-stas demonstrat veram Ecclesiam esse apud Catholicos, non apud Donatistas: quod certe demonstrare nunquam potuisset, nisi supposuisset tam certos, claros & perspicuos esse vera Ecclesie characteres, ut soli Catholicorum societati non vero Donatistarum conveniri illi possint. Non e-

T. 9. p.  
293. G. sis in civitate super montem constituta, dicebant S. Doctor Lib. 2. contra Litteras Petiliani c. 104. quæ certum signum habet, quod abscondi non po-test. Nota est ergo omnibus gentibus: pars autem Donati ignota est pluribus gentibus; non est ergo ipsa.

Probatur 3. momentis & rationibus Theologicis.

I. Ut Ecclesia vere dicatur & sit natura sua visibilis, satis est quod una ex ipsis partibus essentialibus sit visibilis & conspicua. Quemadmo-dum enim homo non dicitur invisibilis, licet habeat animam, quæ ex na-tura sua videri non potest: quia nempe constat ex corpore, seu ex iis par-tibus quæ cadunt sub sensus; & aliunde anima fœsi externis operatio-nibus prodit ac manifestat; atqui Ecclesia Christi constat ex iis partibus quarum una visibilis & perspicua, & altera licet invisibilis, fœsi tamen fœsi.

externis operationibus manifestat; constat enim ex fidelibus, externa fidei professione, iisdem Sacramentis & iisdem Pastoribus inter se unitis: hæc pars visibilis est, hos enim fideles ubique gentium diffusos facile quisque conspicere potest. Pars autem ejus interior & invisibilis, suis etiam operationibus aspectabilis est: licet enim in privatis non sint certissima sinceræ fidei, pietatis & charitatis argumenta, utpote quæ vel in hypocritis occurtere possunt; certi tamen sumus quod in illa societate, in qua sunt fides in Christum exterior, Sacraenta & Pastores legitimi & Apostolici, sit quoque charitas sincera & fides, juxta promissum Christi, *Ero vobis cum usque ad consummationem sæculi.*

II. Quia ad salutem æternam assequendam non tantum Dei cultus interior, sed etiam exterior necessarius est, præsertim per externam fidei professionem, juxta illud Apostoli, Rom. 10. v. 10. *Corde creditur ad iustitiam, ore autem confessio fit ad salutem.* Unde S. Aug. Lib. de fide & symbolo cap. 1. *Fides,* inquit, *a nobis officium exigit & cordis & linguae . . . nec salvi fieri possumus, nisi & nos ad salutem proximorum nitentes, etiam ore profitemur fidem quam corde gestamus.* Exterior autem fidei professio non potest esse sine verbi prædicatione externa & sensibili.

III. Quia Ecclesia eo præsertim fine a Christo est instituta, ut sit columna & firmamentum veritatis; pugnando nempe adversus heres, & eas, quantum fieri potest, destruendo. Deinde tenentur omnes sub periculo æternæ damnationis adjungere se verae Christi Ecclesiae, & in ea usque ad extremum spiritum perseverare: at vix ea fieri posse intelligas in Ecclesia invisibili. Denique, si posset Ecclesia per aliquid tempus omnino latere, possent etiam cessare omnia Ministeria, propter qua instituta est, quod certe redderet salutem tunc temporis obtentu impossibilem, mysterium Crucis evacuaret, imo & ipsam Ecclesiam absolute everteret, ita ut nulla superesset omnino, nequidem invisibilis & electorum; cum & ipsi carerent Sacramentis sine quibus salus obtineri non potest.

Dices 1. Scriptura multis in locis videtur significare Ecclesiam totam esse spiritualem ac omnino invisibilem.

Jerem. 31. v. 33. *Dabo, inquit Deus, legem meam in visceribus eorum, & in corde eorum scribam eam: & ero eis in Deum, & ipsi erunt mihi in populum.* Quibus verbis distinguit Deus Ecclesiam veterem a nova, quod illa fuerit cetus quidam exterior & visibilis, atque idecirco legem habuerit scriptam in tabulis exterioribus & lapideis; hæc autem sit populus quidam interior, ideoque legem habeat scriptam in tabulis cordis.

Lucæ 17. v. 21. Interrogatus Christus a Phariseis: *Quando veniret regnum Dei,* respondet: *Non venit regnum Dei cum observatione;* neque dicent: *Ecce hic, aut ecce illic.* Ecce enim regnum Dei intra vos est.

Joan. 4. v. 23. *Venit hora & nunc est, quando veri adoratores adorabunt Patrem in spiritu & veritate.*

Hebræor. 12. v. 18. & 22. *Non accessistis ad tractabilem montem, & accessibilem ignem . . . sed ad Sion montem & Civitatem viventis, Jerusalem cælestem, & multorum millium Angelorum frequentiam, & Ecclesiam primitivorum, qui conscripti sunt in cælis.*

I. Petri 2. v. 6. *Ipsi tamquam lapides vivi superædificamini, domus spiritualis, Sacerdotium sanctum; offerentes spirituales hostias Deo.*

Resp.

T. 6. p.  
155. A

Resp. nego antecedens.

Ad primam probationem ex cap. 31. Jeremiæ, dico non conferri Ecclesiam cum Synagoga, sed tantum vetus Testamentum cum novo; quæ duo maxime differunt: atque hoc unum ex citato loco colligi posse, scilicet novum Testamentum legem esse charitatis & gratiæ, five charitatem ipsam & gratiam scriptam in cordibus hominum; & ut loquitur Apostolus II. Cor. 3. v. 3. *in tabulis cordis carnalibus, non autem in tabulis lapideis:* vetus autem Testamentum per se legem terroris & extrinsecus insonantem solum continebat. At inde non sequitur Ecclesiam novi Testamenti simpliciter esse invisibilem; sed tantum in ea multa esse invisibilia, ut fidem, charitatem & alia dona Spiritus Sancti, quæ sunt etiam ita Ecclesiæ essentialia, ut sine iis nec esse, nec concipi possit, licet non convenienter omnibus Ecclesiæ membris.

Ad secundam ex cap. 17. S. Luca. Non agitur ibi de Ecclesia; sed per regnum Dei intelligitur, vel gratia Dei, per quam regnat Deus in cordibus hominum, quemadmodum exponit Theophilactus; & hoc sensu verissime dicitur, *Regnum Dei intra vos est.* Vel intelligitur ipse Christus, ut alii exponunt, & quidem ad litteralem sensum magis accommodate; agit enim eo loci Christus de utroque suo adventu. Interrogaverant scilicet Pharisæi quando veniret regnum Dei, idest, regnum Messiae, quo nempe gloriosus & coram omnibus dominaretur: cogitabant enim Judæi, sicuti & nunc quoque, mundanum aliquod regnum, quo Deus per Christum seu Messiam, & ipsi cum eo ceteris imperarent Nationibus. Respondet autem Dominus Messiam venisse, & rursus venturum in die Iudicii. De primo autem adventu dicit: *Regnum Dei non venit cum observatione,* idest, cum signis, seu pompa & apparatu quem expectabant Judæi. De secundo autem adventu subiungit: *Et dicent vobis, Ecce hic, & ecce illic: Nolite exire, neque sectemini.*

Ad tertiam: Vult duntaxat significare Christus, præcipuum Dei cultum in Ecclesia fore internum: atque hinc non sequitur Ecclesiam ipsam fore invisibilem, neque etiam externum Dei cultum esse removendum, destruenda esse Tempa, abrogandos ritus omnes ceterasque ceremonias exteriores. Namque prædicta Christi verba referri possunt, vel ad locum, vel ad ritum & modum adorandi: atqui quocumque modo intelligantur, non favent adversariis.

Non primo modo: Nam interroganti Samaritanæ ubinam adorare oportet, an in monte Garizim, ut Samaritani; an in Templo Hierosolymitano, ut Judæi, respondet Christus venisse horam quando neque in monte, neque in Jerosolymis adorabunt Patrem: quasi diceret, nullo in loco certo astringendos fore ad adorandum; sed ubicumque voluerint, liberum ipsis fore adorare & publico ritu sacrificare. Adeoque mens Christi non est, veros Dei cultores non esse amplius adoraturos in Jerusalem, vel in Samaria, cum constet Petrum & Joannem post acceptum Spiritum Sanctum ascendisse ad Templum, ut refertur Act. 5. sed tantum liberam fore quoad locum adorationem, nec uni potius, quam alteri loco alligandam fore.

Non secundo modo: Nam si prædicta verba intelligantur de ritu adorandi, nihil aliud significabunt, quam in lege Evangelica Deum non esse adorandum, vel ritu Judæorum, vel ritu Samaritanorum, sed ritu Chri-

stia.

stianorum proprio, qui est adorare in spiritu & veritate. Quid sit autem eo loci adorare in spiritu & veritate, varie exponunt Interpretes. Alii enim dicunt spiritum opponi carni, & veritatem figuris; sive adorationem sive Sacrificium novi Testamenti, & totum cultum Christianum opponi Judaico, qui totus carnalis erat & umbra futurorum; cui si quid spiritus aliquando conjunctum fuit, non ratione sui, sed veluti per accidens ex gratia Christi illud derivatum habebat: Sacrificium vero Christianorum quamvis aliqua sui parte sit exterius & visibile, præcipue tamen internum est ac spirituale. Alii ita exponunt, ut adoratio in spiritu opponatur cultui Judæorum, qui erat carnalis; adoratio vero in veritate, cultui Samaritanorum, qui multis falsitatibus & erroribus admixtus erat: adeoque, juxta hanc expositionem, vult Christus significare, cultum Christianorum debere esse spirituale & verum.

Ad quartam: Cum difficultas sit de secunda parte comparationis ab Apostolo institutæ, alii volunt, ut Theophilactus, Oecumenius, &c. per montem Sion & Civitatem Dei viventis, non intelligi Ecclesiam militantem, sed triumphantem, quæ ex beatis Spiritibus & Angelis constat: adeoque in illorum sententia, confert Apostolus eo loci Synagogam cum Ecclesia; atque homines veteris Testamenti accessisse ad montem Sina corporeum, & ibi per imagines corporeas aliquo modo vidisse Deum: homines vero novi Testimenti accessisse, non quidem re, sed spiritu ad montem Sion, & ad Civitatem Dei viventis, idest, ad gloriam Beatorum, ubi Deus videtur facie ad faciem: unde & ibidem additur: & multorum millium Angelorum frequentiam, & Ecclesiam primitiorum qui conscripti sunt in cælis. Alii per montem Sion & Civitatem Dei viventis, intelligunt Ecclesiam modo quodam generaliori sumptam, quatenus nempe militantem ac triumphantem simul complebitur. Hanc aliis præfert expositionem Estius. Ratio hæc ipsi est, quia militantem Ecclesiam excludi non patitur antithesis quæ est inter duo membra comparationis. Sicut enim, inquit, mons Sina allegoricæ P. 1074.  
col. 2. vetus testamentum significat ejusque filios; ita mons Sion & Jerusalem, quam continuo nominat (quæ cœlestis ibidem appellatur propter originem & finem) significationem habet novi Testamenti & filiorum ejus; uti docet Apostolus Gal. 4. col. 1. Hujus autem testamenti filii partim militant in terra, partim regnant in cælo. Supposita autem hujusmodi explicatione, dicendum est, Ecclesiam novi Testimenti etiam ex parte qua militans est, compare ad Synagogam veteris legis, appellari montem Sion; seu montem spiritualem, & civitatem Dei viventis, Jerusalem cœlestem; non quidem eo sensu quod sit ita cœlestis & spiritualis, ut nullo prorsus modo sit etiam in terris conspicua, sed quod eo fine sit instituta, ut hominem provehat in cælum & ad bona spiritualia: quod certe veteri Synagogæ per se non conveniebat, cum ipsa per se ad perfectum non adduceret, nec alias haberet reprobationes, quam mere temporales.

Ad quintam: Respondeo cum eodem Estio ad hunc locum, Ecclesiam dici spiritualem domum a S. Petro, non quod secundum se sit occulta & invisibilis . . . sed tum ad differentiam domus materialis quæ ex materia mere corporali constat; vult enim S. Petrus Ecclesiam non esse domum ex lapidibus & lignis ædificatam, sed ex hominibus Deo dicatis & consecratis. Tum etiam propter significationem mysticam; quia ver. gr. per domum

P. 1163.  
col. 1.

ma-

materialem & proprie dictam, quale fuit Templum Salomonis aut Tabernaculum Moysis, fuit præfigurata.

Dices 2. Quod est fidei objectum conspicere non potest: atqui Ecclesia est fidei objectum; ergo, &c.

Præterea, juxta doctrinam Apostoli Rom. 12. ver. 5. & 1. I. Cor. 12. v. 27. Ecclesia est Corpus Christi mysticum: at Corpus Christi mysticum est invisibile, cum solis constet prædestinatis.

Deinde forma Ecclesiae, Fides, Spes & Charitas, est plane invisibilis.

Denique, ita fuit aliquando afflita & turbata Ecclesia, seu persecutionibus, seu hæresibus, ut certe tunc non videatur fuisse visibilis.

Resp. ad primum: Quod est fidei objectum conspicere non potest sub ea ratione, sub qua creditur; at potest sub alia ratione conspicere. Sic v.g. Baptismus quatenus est ablutio exterior, cernitur; quatenus vero Sacramentum, creditur. Hinc in Symbolo dicitur, *Credo unum Baptisma*. Similiter Apostoli videbant humanitatem Christi; at eam hypostaticē Verbo divino conjunctam esse non videbant, sed credebant. Ita pariter videmus eum hominum cętum, qui est Ecclesia, eumque cognitione sensibili dignoscimus ex professione fidei, cultu externo, & Sacramentorum participatione, & Pastoribus subjectione; at quod cętus ille hominum vera sit Christi Ecclesia, non videmus sed credimus, vera enim Christi Ecclesia ea est quæ veram profitetur fidem.

Ad secundum: Nego 1. corpus Christi mysticum ex solis prædestinatis constare, ut postea ostendemus; 2. cum Ecclesia duabus constet partibus, corpore & anima, satis est quod ratione unius partis appellatio corporis mystici ipsi conveniat: sic homo proprie dicitur substantia rationalis, licet ratiocinandi vis ipsi non conveniat nisi ratione animæ; 3. Ecclesia spectari potest ut habens a Christo vitam spiritus per occultam & internam subministrationem gratiæ sanctificantis; & hoc modo dici potest corpus Christi mysticum: quæ denominatio ipsi non competit nisi ratione prædestinatorum & iustorum, qui soli gratiæ vitam & spiritus habent; verum est etiam corpus externum, in quo sunt Ministri, Pastores, Sacraenta, externa fidei professio, &c.

Ad tertium: Licet forma hominis sit invisibilis, non sequitur hominem esse invisibilem. Ita de Ecclesia sentiendum: quia nempe certas habet notas exteriores quibus distingui potest a qualibet alia societate. Quamvis autem nos lateat in quibusnam ejus membris sit vera fides & charitas; satis est tamen quod constet nobis eam esse in illa societate, quæ eas notas & caræcteres præfert, quibus nemo est qui non possit facile intelligere, eam veram esse Christi Ecclesiam.

Ad quartum: Semper visibilis est & conspicua Ecclesia, seu cum floret ac triumphat, seu cum affligitur & perturbatur: imo nunquam illustrior visa est, quam ubi vel persecutionibus Ethnicorum, vel Hæreticorum disputationibus impugnata fuit. Ejus triumphum in persecutionibus exposuerunt nobis antiqui Patres: inter alios Tertul. Apologetici cap. 37. & Lib. ad Scapulam, ubi observat sanguinem Martyrum fuisse semen Christianorum. Origenes Lib. 1. contra Celsum. Clemens Alexandr. Lib. 6. Stromatum in fine. Ambr. Lib. 9. in Lucam. Greg. M. Lib. 9. Moralium cap. 7. Victoriam autem ejus contra hæreses prædictum ipse Christus, cum dixit portas inferi adversus eam nunquam prævalituras. Observavit S. Hilarius

Iarius Lib. 7. de Trinit. proprium esse Ecclesiae Christi, tum vincere cum laeditur; tum obtinere cum deseritur. Ipsam vineæ, quæ ligata erigitur & præcisa augetur, comparat S. Ambr. Lib. 9. in Lucam cap. 10. & S. Aug. lib. 16. de Civit. Dei cap. 2. Alias objections adversus visibilitatem Ecclesiae perpetuam Articulo sequente referemus ac diluemus.

## SECUNDA CONCLUSIO.

Prædicta visibilitas quæ veræ Christi Ecclesiae propria est & singularis, convenit societati Catholicorum, non vero Protestantium.

Duae sunt partes.

Prima pars probatur: quia visibilitas quæ propria est & singularis Ecclesiae Christi, ea est quæ eminenti quadam & permanenti claritate inter alias societates per totum orbem omnibus conspicua fuit: atqui talis est societas Catholicorum; ergo, &c. Tria in hac minori propositione continentur: scilicet, quod visibilitas societatis Catholicorum fuerit eminentis inter alias societates; quod fuerit permanens; quod fuerit per totum orbem conspicua: quæ tria paucis demonstranda sunt.

Primum quidem: tum quia eminenter conspicua fuit in suis Pastoribus præsertim Romanis Pontificibus, ex quorum successione non intermisso post Petrum, nec unquam deinceps iuermittenda, SS. Patres veritatem & perennitatem Ecclesiae demonstrant. Tum quia conspicua fuit in suis Conciliis seu generalibus seu particularibus, in quibus & fidei controversias composuit, & Ecclesiasticam disciplinam stabilivit, ut videre est in quatuor primis Conciliis quæ ab adversariis etiam tamquam legitima admittuntur. Tum quia conspicua fuit in debellandis Hæreticis, atque e sinu suo ejiciendis iis qui monita sua & definitiones contemnebant. Omnes enim quotquot hactenus vidi fuerunt Hæretici, ex societate Catholicorum prodierunt, a qua prius in Christo regenerati fuerant; imo nullus est qui originem suæ sectæ aliis possit exponere; nisi prius mentionem faciat societas Catholicorum quam deseruit: adeo certum est etiam omnibus Hæreticis, visibilem & conspicuam fuisse.

Secundum, nempe permanentem fuisse visibilitatem societatis Catholicorum, patet, quia nullum, ut jam ostendimus, assignari potest ab adversariis tempus, in quo non fuerit visibilis illa cum nostro Capite Pontifice Romano communio.

Tertium pariter a nobis jam demonstratum est.

Secunda pars Conclusionis probatur hoc uno argumento: scilicet, illa societas non est eminenter, continuo & ubique visibilis, quæ suæ visibilitatis argumenta nulla proferre potest iis temporibus quæ præcesserunt Reformationem: atqui talis est societas Protestantum. Dicant enim nobis ubi erat hæc societas ante Lutherum & Calvinum.

An proferent decimum vel undecimum sæculum, cum Berengarius ejusque sectatores errorem suum disseminarunt? At non ignorant eos statim ab universa Ecclesia damnatos fuisse, atque eo adductum Berengarium, ut perversam suam revocaret & damnaret doctrinam.

An ad Petrobrussianos, qui duodecimo sæculo in quibusdam partibus Occitanie & Vasconie degebant, provocabunt? At expresse testatur Petrus Cluniacensis, in Libro quem adversus ipsos scripsit, eos docuisse, inutilem esse

Variat.  
T. I. p.  
480.

esse parvulis Baptismum antequam pervenirent ad usum rationis; non esse ædificanda Templa; frangendas & contumeliose tractandas Cruces: at ea omnia non probant nostri Reformatores.

*Ann. 1040.* An ad Henricum Monachum Tolosanum, & Arnaldum de Brixia, qui circa medium sæculi undecimi vivebant? At primus tot criminum & errorum, quos improbant Calvinistæ, a S. Bernardo accusatur, ut mirum sit quo pacto non pudeat Protestantes, hunc suæ Sectæ appellare auctorem: alter vero Anabaptismi reus fuit, teste Othonem Frisingensem.

An ad Valdenses, qui sic nominati sunt a Petro Valdo cive Lugdunensi, qui in Gallia vixit circa an. 1160. At circa eos duo observare debent Protestantes, quæ ipsis non favent: primum est, eos ab ipsis propugnatos fuisse errores, quos rejiciunt Protestantes. Docebant scilicet, referente Reynero auctore cotaneo, nullum esse Sacramentum ab improbo Ministro collatum; nihil prodelle Baptismum infantium; communem esse Ministris Ecclesiæ & laicis etiam feminis verbi prædicationem; omne iuramentum esse mortale peccatum, &c. Secundum: nunquam illi ante Lutherum negarunt præsentiam realem & transubstantiationem; ut patet, tum ex Petro Pilichdorf, qui vivebat circa an. 1395. in Tractatu quem edidit adversus Valdenses c. 25. Tum ex Reynero, qui vivebat circa an. 1250. in Opere quod contra eos scriptis c. 5. Tum ex omnibus indicibus errorum quos docuerunt, qui habentur vel in Bibliotheca SS. Patrum; vel apud Inquisitorem Emericum in Directorio Inquisitionis par. 2. q. 14. quod laudat Illustr. Bossuetius Lib. 11. Variationum n. 96. Tum ex Claudio Scysellio tempore Ludovici XII. & Francisci I. ob publica sua munera, & eruditioñis famam celeberrimo Taurinensi Episcopo, qui exactissime in eorum errores inquisivit: quia multi in Vallibus suæ Diœcesis tunc degebant; nec tamen eos unquam arguit negatæ præsentia realis.

Non ad Albigenses, quorum hæresis ex Italia in Gallias pervasit circa an. 1017. haud dubie originem suam revocabunt Protestantes. Puderet enim eos tales habere suæ doctrinæ patronos & auctores, qui statim ac deprehensi fuerunt Aureliis, in Concilio ibidem congregato, jussu Christianissimi Regis Roberti, proscripti & damnati fuerunt. Errorum capita præcipua hæc erant: Vetus & novum Testamentum rejiciebant; Christum non esse natum ex Virgine, nec pro hominibus passum, nec a mortuis surrexisse; nullam esse in Baptismo remissionem peccatorum, asserebant. Hæc portenta ferrent nostri Reformatores?

Non etiam ad V्�viclefitas, quorum dux fuit Joannes V्�viclef natione Anglus, professione Monachus, & qui vivebat circa finem XIV. sæculi. Ea quippe docebant illi, quæ rejiciuntur a nostris Reformatoribus, ut patet ex ejus Trialogis in quibus negat certitudinem prædestinationis; ac docet adorandam esse Eucharistiam, Matrimonium esse Sacramentum, Sanctos esse invocandos & honorandos eorum imagines, esse Purgatorium. At docuerat Papam esse Antichristum; & hoc satis est adversariis ut inter suos eum annumerent.

*Variat. Lib. 11. p. 126.* Non ad Hussitas: Namque omnes ferme articulos illi admittebant, quos rejiciunt Protestantes; ut patet, tum ex Operibus Joannis Hus, in quibus diserte admittit necessitatem Confessionis, Sacrificium Missæ, realem Christi præsentiam in Eucharistia, Sanctorum invocationem. Tum etiam

etiam testimonio Reformatorum: Minister enim de la Roque in sua Historia Eucharistiae, probat ex auctoribus Joanni Hus coetaneis, ex Discipulis, & Scriptis eum admisso transubstantiationem, ceterosque omnes Romanæ communionis articulos, præter illum qui spectat communionem sub utraque specie. Idem probat de Hieronymo Pragensi.

Non denique ad fideles occultos, & in medio communionis Romanæ degentes: nam tot secum involvit absurdâ hæc Claudii cogitatio, ut si paullulum exponantur, ipsa stare non possit. Debebant scilicet occultâ illa veræ Christi Ecclesiæ membra nullam ex iis opinionibus habere, quæ cum salute compati non possunt: hoc est, nullum cultum exhibere Sanctis; eos non invocare, Sanctam Eucharistiam nunquam adorare: at quis hoc in animum suum inducat absque ulla probatione certa & positiva? Aut saltem quis merito non cogitabit illos omnes Claudii fideles hypocritas fuisse?

Deinde impossibile est fuisse ejusmodi occultos fideles: Nam aut nunquam publicis Officiis interesse debebant, aut cum Catholicî adorabant genibus flexis hostiam, ifsi stare debebant; nunquam vel Litanis, vel Supplicationibus adesse; alioqui idolatriæ participes fuissent: nunquam ad satram Synaxim accedere; extremam Unctionem aut Viaticum accipere. At quis fingere potest id a Catholicis tunc toleratum fuisse? Denique, si occulti erant tunc temporis illi fideles Reformatorum nostrorum antecessores, ergo vera est nostra Conclusio, eorum nempe societatem semper ac perpetuo visibilem non fuisse. Merito igitur ab ipsis postulare idem jam possumus, quod ipsimet an. 1571. ab Anabaptistis postulabant, ubinam erat eorum societas usque ad ann. 1522. quo prium visi sunt eorum doctrinæ auctores?

### ARTICULUS VIII.

#### *De perpetuitate seu indefectibilitate Ecclesiæ.*

**I**Ndefectibilitas Ecclesiæ considerari potest vel quoad durationem temporis, quæ permanentia dicitur; vel quoad fidei constantem professionem, quæ solet appellari infallibilitas, seu inerrantia Ecclesiæ in fidei & morum doctrina sancienda. De prima hic dumtaxat dicemus. Dicturi subinde de altera ad sequentem Questionem.

#### *De perpetuitate seu indefectibilitate Ecclesiæ quoad durationem temporis.*

*An aliquando defecerit, vel sit defectura.*

Recte hic observat Bellarm. Lib. 3. de Ecclesia militante c. 13. questionem non esse, an possit absolute deficere Ecclesia; fatentur enim nostri Reformatores eam absolute deficere non posse, seu omnino extingui & interire: sed quæstio est, utrum visibilis & conspicua Christi Ecclesia, ita sit ex sua conditione firma, ut nunquam omnino latuerit aut latere possit, qua in re non consentiunt Novatores, ut Articulo superiori ostendimus. Aliqui enim perpetuo visibilem, alii aliquando ita obscuram a fere extintam dicunt, ut visibilis amplius non fuerit.

Donatistæ contendebant Ecclesiam Catholicam quæ primis temporibus toto orbe dispersa fuerat, postea toto orbe periuise; & in ea dumtaxat reman-

remansisse Africæ parte, quæ Donato adhærebat. Eo etiam temeritatis & impudentiæ prorupit Berengarius, teste Ratramno in Opusculo de Eucharistia, ut diceret errasse ac periisse Ecclesiam. *In omnibus gentibus, inquietabat, creditis mundus, facta est Ecclesia, crevit, fructificavit; sed impunitia male intelligentium postea erravit & perire: in nobis solis, & iis qui nos sequuntur remansit.* Itaque sit

## C O N C L U S I O.

Ecclesia Christi visibilis nunquam defecit, nec unquam est defectura:  
Probatur 1. ex Scripturis.

Perpetuam fore Ecclesiæ durationem prædictare Prophetæ, promisit Christus, Apostoli declararunt.

I. Prophetæ futuram hanc Ecclesiæ perennitatem prædictare.

*Isaiæ 61.* (quod caput intelligi de Ecclesia novi Testamenti docuit Christus *Lucæ 4.*) v. 8. & 9. dicitur: *Fœdus perpetuum feriam eis. Et scient in gentibus semen eorum, & germen eorum in medio populorum: omnes qui videbunt eos, cognoscent illos, quia isti sunt semen cui benedixit Dominus.* Ecce fœdus perpetuum quod sua cum Ecclesia visibili nunquam interitura Deus paciscitur.

*Et cap. 60. v. 19. Erit tibi Dominus in lucem sempiternam, & Deus tuus in gloriam tuam. Non occidet ultra Sol tuus, & Luna tua non minuetur; quia erit tibi Dominus in lucem sempiternam.*

*Et v. 21. Populus tuus omnes justi, in perpetuum hereditabunt terram.*

*Danielis 2. v. 44. In diebus regnum illorum, suscitabit Deus cœli regnum, quod in æternum non dissipabitur.*

*Osee 2. v. 19. Et sponsabo te mihi in sempiternum: & sponsabo te mihi in justitia & judicio... & sponsabo te mihi in fidè, & scies quia ego Dominus.*

*Micheæ 4. v. 1. & 5. In novissimo dierum erit mons domus Domini præparatus in vertice montium, & sublimis super colles; & fluent ad eum populi... Nos autem ambulabimus in nomine Domini nostri in æternum.*

*Psalmo 47. v. 9. Sicut audivimus, sic vidimus in civitate Domini virtutum, in civitate Dei nostri: Deus fundavit eam in æternum.*

*Et Psalmo 88. v. 29. In æternum servabo illi misericordiam meam, & testamentum meum fidele ipfi. Et ponam in faculum faculi semen ejus, & ibronum ejus sicut dies cœli.*

II. Eamdem perpetuitatem ac permanentiam Ecclesiæ suæ promisit Christus, Matth. ult. v. 20. *Ecce ego vobiscum sum omnibus diebus usque ad consummationem faculi.* Quibus verbis duo complebitur Christus: primum, Apostolos ad consummationem usque faculi esse permansuros, in eorum scilicet successoribus nunquam defuturis: alterum, se ipsis, seu Ecclesiæ suæ semper ad futurum jugi Spiritus Sancti assistentia & influxu; atque ut statim promissi fidem impleat, verbo de præsenti utitur: *Ecce ego vobiscum sum.* Eo tendit similitudo petræ super quam, Matt. 16. v. 18. ait se suam adificaturum Ecclesiam; ut ejus nimirum inconcusam firmitatem ac constantiam significet: unde subjungit statim, *Adversus quam portæ inferi non prævalebunt.* Eodem pertinet similitudo civitatis supra montem positæ quæ abscondi non potest, Matth. 5. v. 15. Quapropter merito Gamaliel Legis Doctor, Act. 5. Judæos ab impedienda prædicatione Evangelii hac ratione avocabat, *Quoniam*,

inquietabat, si est ex hominibus confilium hoc, aut opus, dissolvetur: si vero ex Deo est, non poteritis dissolvere. Ecclesia vero a Deo fundata est.

Lucr. I. v. 32. Dabit illi Dominus Deus sedem David patris ejus, & regnabit in domo Jacob in aeternum, & regni ejus non erit finis, & c. 21. v. 32. Non praeteribit generatio hæc, donec omnia siant. Cælum & terra transibunt, verba autem mea non transibunt.

III. Apostoli eamdem Ecclesiam perennitatem declararunt. Ephes. 4. v. 11. Ipse ( Christus ) dedit quosdam Apostolos, quosdam autem Prophetas, alios vero Evangelistas, alios autem Pastores, & Doctores ad consummationem Sanctorum in opus ministerii, in ædificationem Corporis Christi: donec occurramus omnes in unitatem fidei, & agnitionis Filii Dei. Quis non videat eo loci declarare Apostolum Ministerium Ecclesiasticum quod per Pastores exercetur; & quo stat Corpus Christi mysticum, id est Ecclesia, usque ad consummationem sæculi perseveraturum? Ministerium autem illud haud dubie visibile est, quod in prædicatione seu doctrina, & in administratione Sacramentorum maxime positum est. Euntes, ait Christus ad Apostolos Matth. 28. v. 19. docete omnes gentes, baptizantes eos in nomine Patris, &c.

Probatur 2. ex SS. Patribus.

S. Chrysostom. Homilia, cum de expulsione ejus ageretur. Christi Ecclesia, T. 3. p. inquit, nihil fortius; si quis eam impugnare proponit, vires atterat necesse est: 419. tale est enim velut si cælo bellum meditetur inferre. Homini si bellum inferas, fortasse vinces, aut forte vinceris: Ecclesiam vincere nulla vis poterit. Deus est Ecclesia, qui est omnibus fortior, &c. Num vidisti, trementem civitatem tuam quo- Ibid. D. tidie stare fecit? Multo magis Ecclesiam suam trementem poterit confirmare: for- tior enim Ecclesia multo quam terra, imo & fortior cælo. Cælum & terra transibunt, verba autem mea non transibunt ... Quod si non credis verbo, rebus ipsis & ope- ribus crede. Quanti tyranni aggressi sunt impugnare Ecclesiam Dei? Quanta tormenta, quantas cruces adhibuerunt? . . . & nihil agere potuerunt.

Idem argumentum tractat Hom. de eo quod scripsit Isaías, Factum est anno quo mortuus est Ozias. Factatur, inquit, navis, at non mergitur. Edit. Poterat quidem & in tranquillo navigare, verum non passus est gubernator, Paris. quo simul & navigantium perspicias tolerantiam, & gubernatoris prudentiam 1621. T. plenius cognoscas ... A quam multis oppugnata est Ecclesia, nec unquam tamen 3 p. 866. D. victa? Quot tyranni, quot Duces, quot Imperatores? Augustus, Tiberius, Gaius, Claudio, Nero, homines litteris ornati, potentes, tot modis oppugnarunt recen- tem ac teneram, at non dejecerunt. Quin potius ii qui oppugnarant, silentur obliioni traditi; illa vero oppugnata cælum transcendent.

S. Hilarius lib. 7. de Trin. n. 4. Magna, inquit, vis est veritatis, que P. 917. cum per se intelligi possit, per ea tamen ipsa que ei adversantur, elucet: ut in B. C. natura sua immobilis manens, firmitatem naturæ sue quotidie dum attentatur acquirat. Hoc enim Ecclesiae proprium est, ut tunc vincat, cum laeditur; tunc intelligatur, cum arguitur; tunc obtineat, cum deseritur.

S. Ambrosius Lib. de Salomone c. 4. Navem, inquit, Ecclesiam debe- Edit. mus accipere, in salo mundi istius constitutam, quæ crebris ventorum fluctibus, Paris. id est temptationum plagis & verberibus fatigatur: quam turbidi fluctus, id est 1603. p. 1093. C. bujus sæculi potestas conatur ad saxa perducere. Quæ etsi undarum fluctibus aut procellis sepe vexatur, tamen nunquam potest sustinere naufragium, quia in ar- bore ejus, id est in Cruce, Christus erigitur, in puppi Pater residet gubernator. Tournely de Ecclesia. Tom. V. Pars I. I pro-

proram Paracletus servat Spiritus. Hanc per angusta hujus mundi freta duodenii in portum remiges ducunt, id est duodecim Apostoli, &c.

T. 3. p. 45. S. Hieronymus ad caput 4. Isaiae: Super petram fundata Ecclesia, inquit, nulla tempestate concutitur, nullo turbine ventisque subvertetur.

Ibid. p. 1453. Et ad caput 8. Amos sic loquitur: Postquam autem plantaverit eos, & firma in altum radice solidarit, non evellet ultra de terra, quam dederat iis.

Ex quo intelligimus Ecclesiam usque ad finem mundi, concuti quidem persecutionibus, sed nequaquam posse subverti, tentari, non separari. Et hoc fiet, quia Dominus Deus omnipotens, sive Dominus Deus ejus, id est, Ecclesia, se facturum esse pollicitus est: cuius promissio lex naturae est,

S. Augustinus in Psalm. 101. Concone 2. disputans contra Donatistas, qui totam Ecclesiam visibilem periisse dicebant, & in solis qui-

T. 4. p. 1105.D. busdam justis in Africa remansisse, Sed, inquit, illa Ecclesia quæ fuit omnium gentium, jam non est, periit. Hoc dicunt qui in illa non sunt. O impudentem vocem! Illa non est, quia tu in illa non es? Vide, ne tu ideo non sis: nam illa erit, et si tu non sis. Hanc vocem abominabilem, detestabilem, presumptionis & falsitatis plenam, nulla veritate suffultam, nulla sapientia illuminatam, nullo sale conditam, vanam, temerariam, præcipitem, perniciosem prævidit Spiritus Dei. Et Ep. 93. alias 48. ad Vincentium Rogatistam,

T. 2. p. n. 30. Ipsa est, inquit, (Ecclesia) quæ aliquando obscuratur, & tamquam 243. F. obnubilatur multitudine scandalorum, quando peccatores intenderunt arcum, ut sagittent in obscura Luna rectos corde. Sed etiam in suis firmissimis eminet.

P. 40. F. Ante illos Tertullianus in Apologetico Imperatores alloquens, Nec quicquam, inquietabat, proficit exquisitor quæque crudelitas vestra, illecebra est magis sectæ. Plures efficiuntur, quoties metimur a vobis. Semen est sanguis Christianorum.

Probatur denique hac ratione: Quia si Ecclesia aliquando defecisset aut defectura esset, via salutis, quæ nemini patere potest nisi per Ecclesiam visibilem, esset tunc omnino impossibilis: nemo enim ingredi potest in aliquam societatem quæ invisibilis est, & quæ ignoratur quo loco sit constituta. Inde colliges plane necesse esse ut perpetuo sint in Ecclesia Episcopi qui eam regant, Presbyteri qui Sacraenta dispensent; uno verbo ut nunquam deficiat publicum Ministerium, sine quo salutis instrumenta & ipsa salus æterna obtineri non possunt. Idcirco Spiritus sanctus posuit Episcopos regere Ecclesiam Dei; Act. 20. v. 28. Idcirco Christus Pastores dedit ad consummationem Sanctorum in opus ministerii, Ephes. 4. v. 11. eisque ligandi atque solvendi auctoritatem concessit, Jo. 20. v. 23. Singuli Ecclesiarum Episcopi, ait S. Hieronym. Ep. 4. ad Rusticum, singuli Archipresbyteri, singuli Archidiaconi, & omnis Ordo Ecclesiasticus suis Rectoribus necessitas. In navi unus gubernator, in domo unus dominus, in quamvis grandis exercitu unius signum expectatur. Tota ista S. Doctoris disputatio, licet eo

Ministri & T. 3. p. 2. p. 775. tendat ut probet non esse aliquem suo arbitrio dimittendum, sed qui in Monastica exercitatione vult proficere, eum vivere debere sub unius disciplina patris & consortio multorum; eadem tamen universim demonstrat necessarium esse non solum ut unus sit Ecclesia Catholicæ Rector, sed maxime ut spirituales aliqui duces sint, & Pastores singulares, qui uniuscujusque saluti procurandæ proprius invigilent.

P. 1970. Idem docet S. Chrysost. Hom. 34. in Ep. ad Hebreos. Magistratum ducentque & rectorem non habere malum est, & est argumentum multarum calamita-

mitatum, & principium defectus ordinis & perturbationis ac confusionis. Nam si-  
cūt Chori coriphæum & ducem si sustuleris, non erit amplius Chorus modo congruus  
& ordinatus: & si a phalange exercitus amoveris imperatorem, non erit amplius  
numeroſa & ordinata acies: & si navigio ademeris gubernatorem, navem de-  
merges. Ita etiam si a grege pastorem abſuleris, omnia evertisti & deleſisti.

## Solvuntur Objectiones:

Objicies 1. Prædicitur in Scripturis fore tempus quo defutura omni-  
no sit Ecclesia.

Paralipomenon lib. 2. c. 15. Azarias sic prædicit v. 3. *Transibunt multi  
dies in Israel absque Deo vero, & absque sacerdote, doctore, & absque lege.*

Danielis 9. v. 27. Deficiet & hostia & sacrificium: & erit in Templo abomi-  
natione desolationis; & usque ad consummationem & finem perseverabit desolatio.

Lucæ 18. v. 8. *Filius hominis veniens, putas, inveniet fidem in terra?*

II. ad Thessalonicenses 2. v. 3. *Nisi venerit discessio primum, & revela-  
tus fuerit homo peccati filius perditionis, id est Antichristus.* Peribit ergo  
Ecclesia tempore Antichristi.

Resp. ad primum: Azaria prophetiam intelligi debere de regno Israe-  
litico, non de Judaico. In illo vera Religio tandem universim extin-  
cta est: in isto autem mansit usque ad Christum.

Ad secundum: Prophetia Danielis intelligenda est de eversione Jeru-  
salem & cessatione Legalium ac sacrificiorum veteris Synagoge, quibus  
Christus morte sua finem imposuit. Ita prophetiam explicat Christus,  
Matth. 24. v. 15. *Cum videritis, inquit, abominationem desolationis, qua  
dicta est a Daniele Propheta, stantem in loco sancto; qui legit, intelligat: tunc  
qui in Iudea sunt, fugiant ad montes,* & Lucæ 21. v. 20. *Cum videritis cir-  
cumdari ab exercitu Ferusalem, tunc scitote quia appropinquavit desolatio ejus,*  
&c. Ita SS. Patres, Hieronymus, Chrysostomus, Theophylactus in cap.  
24 S. Matthei. Julius Africanus apud S. Hieronymum in cap. 9. Da-  
nielis, Tertullianus Lib. contra Judæos c. 5. Clemens Alexandrinus lib.  
1. Stromatum, Eusebius lib. 8. demonstrationis Evangelicæ c. 2. Augu-  
stinus Epist. 199. alias 80.

Ad tertium: Loquitur ibi Christus vel de quadam eximia fide, qua  
montes transferre valeat, qua quidem in paucissimis occurret ultimis  
diebus; vel de fide formata per charitatem, ita ut hoc dictum sit pro-  
pter iniquorum abundantiam & bonorum paucitatem, juxta illud Christi Do-  
mini Matth. 24. *Quoniam abundavit iniquitas, frigescit charitas multorum.* Ita  
exponunt SS. Hieron. in Dial. aduersus Luciferianos; Aug. Lib. de unitate  
Ecclesie, & Serm. 36. de verbis Domini nunc 115. Juxta quas expositiones  
evidens est prædictis Christi verbis significari, apud multos quidem extin-  
guendam fidem, sed non apud omnes simpliciter & absolute. Hac enim  
loquendi ratione, *Putas, Filius hominis veniens inveniet fidem,* inquit Theo-  
philactus, *Christus fidei raritatem significat, non totalem interitum.*

Ad quartum: Per discessionem, de qua loquitur ibi Apostolus, vel in-  
telligitur ipse antichristus, qui eo loci vocatur discessio, per figuram  
metonymie; quia nimurum erit cauſa cur multi discedant a Christo: quo  
sensu exponunt S. Chrysost. Theodore. Theophylact. Oecumenius & alii  
Græci, quibus accedit S. August. lib. 20. de Civitate Dei c. 19. Vel in-

T. 4. p.  
1. p. 209.

telligitur defectio ab Imperio Romano, quam idcirco diserte exprimere noluisse Apostolum ajunt, ne offenderet Romanos, quibus persuasum erat constans ac perpetuum fore suum Imperium. Ita inter alios S. Hieron. Epist. 151. ad Algasiam q. 11. & plurimi alii. Vide Etiam in hunc locum. Vel denique defectio a fide, quæ potest esse vel generalis & omnium fidelium, vel particularis tantum & aliquarum personarum.

Porro duæ primæ expositiones adversariis non favent; sola tertia suffragari ipsis potest. Si vero intelligatur defectio generalis a fide, plane falsa est expositiō, non solum in nostra, sed etiam in adversariorum sententia: illi etenim docent jam venisse Antichristum, quem per putidissimam fabulam, ajunt esse Romanum Pontificem; & tamen non fatentur omnes fideles a fide defecisse, cum & ipsi suo judicio fideles sint. De sola igitur multorum a fide defectione tempore Antichristi futura, debet citatus textus intelligi.

Objies 2. Reipsa saepius defecit & ita obscurata fuit Ecclesia, ut plane fuerit invisibilis.

I. Defecit Ecclesia initio mundi, cum Adam & Eva peccando fidem amiserunt. Ita docent S. Ambrosius lib. 3. de Paradiso c. 6. S. Augustinus Enchiridii ad Laurentium c. 45.

II. Tempore Noe, cum cuncta cogitatio cordis esset intenta ad malum, & multa malitia esset hominum super terram. Gen. 6.

III. Tempore Mosis, cum Aaron summus Sacerdos proposuit vitulum adorandum, & omnis populus clamavit: *Hic sunt dii tui Israel, qui eduxerunt te de terra Ægypti.* Exod. 32.

IV. Temporibus Judicum post obitum seniorum qui Josue viderant. Surrexerunt enim alii, qui non noverant Dominum, & opera quæ fecerat cum Israel. Feceruntque filii Israel malum in conspectu Domini, & servierunt Baalim, ac dimiserunt Deum patrum suorum. Judicum 2.

V. Tempore Captivitatis Babylonicae videtur penitus internaissa Iudeorum Religio.

VI. Tempore Eliæ. 3. Reg. c. 19. Dereliquerunt, inquit, pacatum tuum filii Israel. Altaria tua destruxerunt, Prophetas tuos occiderunt gladio: derelictus sum ego solus, & querunt animam meam, ut auferant eam.

VII. Tempore Isaiae. Unde ipse Dominus Isaiae dicebat: Cognovit vos possessorum suum, & asinus præsepe domini sui, Israel autem me non cognovit, & populus meus non intellexit. Isaiae 1.

VIII. Tempore impiorum Regum Achaz & Manasse: tunc enim nulla fuerunt publica Ministeria, nulli Conventus, nulla Sacra menta. Neque enim haec habebant decem Tribus quæ idolatriam aperte profitebantur, & in regiones Assyriorum disperse erant: nec etiam alia duæ Tribus, cum tunc falsorum deorum cultus in Templum usque Jerosolymitanum irrepsisset.

IX. Tempore Jeremiæ, cum dicebat Deus: Omnes me dereliquistis. Jeremiæ 2.

X. Tempore Achab Regis Israel, qui adductis coram Josaphat Rege Juda quadringentis Prophetis, ab ipsis omnibus deceptus est, unusque Michæas legitur ab errore immunis. 3. Regum 22.

XI. Tempore nativitatis Christi, quando tantum Maria & Joseph, Zacha-

Zacharias & Elisabeth, Pastores, Simeon, Anna & pauci alii credebant; quando tota Judæorum natio a Christo defecit. Denique cum Apostoli moriente Christo, ab ejus fide defecerunt; de quibus ipse Christus Matth. 26. dicebat: *Omnes scandalum patiemini in me ista nocte.*

Resp. 1. Quæcumque ex veteri Testamento hic adducuntur exempla, ut probetur Ecclesiam seu Synagogam Judæorum aliquando defecisse, non videri ad rem nostram præsentem accommodata. Agimus enim de Ecclesia novi Testamenti post Christum, non de Ecclesia veteri ante Christum: neque si defecisse probaretur vetus Ecclesia, consequens foret novam pariter deficere posse. Ratio discriminis est, quia promissa est a Christo suæ Ecclesiæ perpetuitas indeficiens, cum dixit, *adversus eam portas inferi nunquam prævalituras, & se semper ipsi adfuturum.* Nihil autem tale promissum usquam fuit veteri Synagogæ. Alia discriminis ratio est, quod extra Ecclesiam Christi nulli salus patere possit; unde necesse est eam perpetuo conspicuam esse: at extra Synagogam salvi nonnulli sancti sunt, ut Melchisedech, Job & alii.

Resp. 2. ad singula testimonia.

Ad primum: Si ex peccato primorum parentum inferri posset Ecclesiam defecisse, sequeretur non tantum visibilem, sed etiam invisibilem defecisse, quod est contra adversarios. Deinde, nondum erat tunc temporis formata & constituta Ecclesia, quæ initium habuit in Abel, ut antea docuimus. Denique, Ecclesia omnino extingui non potest nisi per peccatum infidelitatis: at peccatum Adami non fuit contra fidem, sed contra præceptum obedientiæ: neque aliud volunt laudari in objectione SS. Patres.

Ad secundum: Tempore Noe, et si fere, non tamen ad unum omnes a Deo defecerunt. Quinquennio ante diluvium obiit Lamech pater Noe: ipso anno diluvii Mathusale, & procul dubio non pauci pii mortui sunt. Semi & Japhet egregii pietatis cultores erant: de eorumdem uxoriibus nullum est dubium. Hi omnes visibilem constituebant Ecclesiam: licet non fuerit adeo numerosa, extitit tamen aliqua, habuit quippe Ecclesia initia sua & incrementa. Scriptura vero phrasim consueta, ut magnam significet hominum depravationem, ita generatim loquitur, quasi nulli omnino fuissent justi, quamquam aliquos extitisse certissimum sit.

Ad tertium: Tempore Mosis et si graviter peccarunt Aaron vitulum conflando, & populus eum adorando, non tamen ad unum omnes in eo consenserunt. Moses enim, qui omnium erat Caput & omnes Levitæ a tali flagitio liberi & immunes fuerunt; & filii Levi, quorum manus Domino consecratas tunc fuisse asserit Moyses, Exodi 32. v. 29. eodem jubente viginti tria hominum millia in vindictam hujus criminis interfecerunt. Et S. Paulus ad hocce crimen respiciens, 1. Corinth. 10. v. 7. significat, aliquorum dumtaxat, non plane omnium Judæorum hoc scelus fuisse.

Ad quartum: Quod tempore Judicum, post decessum Josue Israelitæ aliquando a vero Dei cultu ad idola defecisse leguntur, eadem synecdoche pro aliquibus accipiendum est, non pro omnibus. Quia ratione multa Scripturæ loca interpretanda sunt: v. g. Exodi 9. v. 6. *Mortua sunt omnis animantia Ægyptiorum,* Isaiæ 2. v. 2. *Et fluenter ad eum omnes gentes.* Philip. 2. v. 21. *Omnes quæ sua sunt querunt.* Jo. 3. v. 32. *Et testimonium ejus nemo Tournely de Ecclesia. Tom. V. Pars I.*

accipit. Quibus in locis, omnia, omnes, non simpliciter & absolute omnes & singuli significantur, sed multi dumtaxat.

Ad quintum: In captivitate Babylonica non eo Judæi premebantur servitutis jugo, ut a veri Numinis cultu avocarentur; imo legem servabant suam. Stabat in eis Concilium Sanedrin, ritusque suos religiosos exercebant, sacrificiis demptis, quæ alibi agere non licebat, quam in Templo Jerosolymitano: imo ab aliis nationibus facile distinguebantur, juxta illa verba Aman ad Regem Assuerum, L. Esther c. 3. v. 8. *Et populus per omnes Provincias Regni tui dispersus & a se mutuo separatus, novis utens legibus & cæremoniis.*

*De facto* Ad sextum: Vel illa corruptio Religionis Judaicæ, quam Reformatores nostri dicunt contigisse temporibus Eliæ, spectat universam Judæorum gentem, vel solummodo decem Tribus Israel: atqui neutrò modo dici potest ita corruptam fuisse his temporibus Judæorum Religionem, ut plane extincta fuerit & invisibilis.

Non quidem primo modo; tum quia ex quo decem Tribus a Roboam filio Salomonis feceserunt, & in Regem elegerunt Jeroboam, constantissime & fideliter adhæserunt Roboam legitimo Regi Tribus Juda & Benjamin, quibus se adjunxit & integra Tribus Levitarum cum multis aliis singularum Tribuum, qui tempore hujus separationis, ut vero Deo libere sacrificare possent, Jerosolymam configuerant. Hæc constant ex Libro II. Paralipomenon, c. 11. adeoque semper remansit vera Religio in Jerusalem; in Templo semper oblata sacrificia; ibi successio Davidis, ex quo nasciturus erat Christus; ibi S. Pontifex, atque omnes Sacerdotum & Levitarum familiæ, quæ universam Ecclesiam Dei tunc repræsentabant: atque hæc Religionis in Tribu Juda præ aliis conservatio olim ab ipso Davide prædicta fuerat, Psalm. 77. v. 67. & 68. *Et repulit, inquit, tabernaculum Joseph, & Tribum Ephraim non elegit: sed elegit Tribum Juda, montem Sion quem dilexit.* Per Tribum enim Ephraim, ut observat S. Hieron. in c. 31. Jeremiæ, intelligitur Regnum Israel; quia scilicet qui primus ei imperavit Jeroboam, erat ex Tribu Ephraim. Eamdem etiam postea prædictum Ezechiel c. 37. v. 16. Hinc etiam in historia Tobiae c. 1. v. 5. notatur quod in Tribu Nephtali, aliis vitulos aureos adorantibus, pergebat Tobias in Jerusalem ad Templum Domini. Hinc Jo: 4. v. 22. Christus alloquens Samaranam affirmat salutem ex Judæis esse. Et S. Paulus Rom. 11. v. 1. loquens de sua origine, diserte ait se esse ex Tribu Benjamin, ut nempe significaret se communicasse cum Juda, nec separatum fuisse a Templo, sicut observat S. Augustinus.

Tum quia eo ipso tempore quo desolatam & obscuratam fuisse Ecclesiam conqueri videtur Elias, nunquam majori cum gloria, splendore & ornatu floruit vera Religio. Tunc enim temporis tertium sui Imperii annum evolvebat Josaphat, de quo dicitur L. II. Paral. c. 17. v. 3. *Fuit Dominus cum Josaphat, quia ambulavit in viis Davidis patris sui primi.* Jussit autem pius ille ac religiosus Princeps, institui celeberrimam illam per Doctores, qui cunctas urbes circuibant & erudiebant populum, visitationem. Legendum c. 17. L. II. Paralip. ubi numerus prælatorum dicitur fuisse plus quam decies centum mille hominum, absque universa Tribu Levi, quæ tamen 48. urbes occupare solebat. Quis porro in tanta hominum verum

Deum

D eum coenantium multitudine invisibilem fuisse Ecclesiam afferere audeat?

Non secundo modo; hoc est, ita corruptam in decem reliquis Tribus fuisse Religionem, ut plane tunc extincta fuerit & invisibilis.

Tum quia asseri certo non potest interdictum fuisse ab Achab Religionis Judaicæ exercitium: prohibuerat quidem, sicut Jeroboam, ne Israelitæ pergerent Jerusalem ad sacrificandum, non quidem odio Religionis Judaicæ, sed rebellionis metu; adeoque libere populus Israel verum Deum poterat adorare; atque etiæ sacrificare non posset, nihil oberat tamen quominus ceteris Religionis suæ exercitiis vacaret.

Tum quia observat facer Contextus Lib. 3. Regum c. 18. Dispensatorem domus Achab timuisse Dominum valde; & cum interficeret Jezabel Prophetas Domini, servasse centum, & in speluncis absconditos patie & aqua sustentasse.

Tum quia eodem capite v. 40. refertur quod cum Elias coram universo Israele super montem Carmeli jubente Achab congregato, stupendim illud sui Dei potentia argumentum dedit, frustra Deum suum invocantibus Sacerdotibus & Prophetis Baal; ubi hoc miraculum vidi populus, cecidit subito super faciem, & ait: *Dominus ipse est Deus*. Ac postea jubente Elia, & Rege consentiente, quadringentos quinquaginta Prophetas interfecit. Atque antea, v. 21. alloquens Elias universum populum, dixerat: *Usquequo claudioatis in duas partes? Si Dominus est Deus, sequimini eum: si autem Baal, sequimini illum*. Quibus verbis non significatur Israelitas simul coluisse & Deum & Baal: longe enim aliud innuit Scriptura, ubi mentionem facit de iis qui hos cultus simul jungabant, ut videre est Lib. 4. Reg. c. 17. v. 27. & sequentibus usque ad finem capititis; sed his verbis innuit, valde dubium & ancipitem fuisse populum hunc circa cultum quem amplectetur, an veri Dei, an Baal: quibus certe patet liberum ipsi fuisse alterutrum profiteri.

Tum quia hæc Prophetarum veri Dei persecutio diu non duravit, cum plurimos, vivente adhuc Jezabele, liberum ad Regis Aulam accessum habere videamus; filios Prophetarum in Bethel & Jericho commorantes legamus Lib. 4. Regum c. 2. atque eorum numerum ita crevisse, ut qui cum Eliseo erant, ipsum rogaverint, ut habitationem commodiorem circa Jordanem eligeret. Quibus omnibus manifestum est, non ita obscuratam & extinctam fuisse tempore Eliae veram Religionem in Regno Israelitarum, ut invisibilis & minime conspiciens fuerit.

Cum ergo dicit Elias, *Filios Israel partum Dei reliquerisse, & se relictum esse solum*; non eo sensu intelligendus est, quasi solus fuerit justus in universo Israel: Deus enim hoc ipso c. 19. Lib. 3. Reg. v. 18. ait: *Derelinquam mibi in Israel septem milia virorum, quorum genua non sunt incurvata ante Baal*. Sed hoc sensu, quod solus Propheta fuisset derelictus, ut ipse ait, Lib. 3. Reg. c. 18. v. 21. quod nempe alii omnes Prophetæ aut occisi fuisserent a Jezabel, ut ipse putabat Elias; aut in captivitate detenti causam veri Dei non possent defendere. Nec mirum quod ignoraverit Elias tam multos fuisse in Israel veri Dei cultores, cum jam ipse præ metu in spelunca montis Oreb, quadraginta dierum spatio distantis a Samaria, quæ erat Sedes Regum Israel, profugus delitesceret.

Ad septimum & nonum eadem est quæ ad quartum responsio.

Ad octavum: Neque etiam his temporibus invisibilis erat Ecclesia; aut defuerunt veri Dei publici adoratores. Tum quia licet in Templum idolorum cultu introduxisserent illi Reges, nunquam tamen veri Dei adorandi libertatem ademerunt. Tum quia legitur de Achaz, quod super illud altare juxta similitudinem Damasceni extructum Deo offerrentur sacrificia juxta legem Moysi. Id colligi potest ex Lib. 4. Reg. c. 16. n. 15. Nec præterea cultum veri Dei omnino deseruisse videtur, cum altare æreum sibi reservaverit ad consuleendum Deum per Urim & Thummim; neque legatur in Templo aliquem falsis diis cultum exhibuisse, sed tantum immolasse victimas in excelsis & in collibus. Major quidem fuit impietas Regis Manasse, quam Achaz, cum extruxerit Aras universæ militiae cœli in domo Domini, & posuerit idolum Luci in Templo Domini; non tamen legimus in historia plane interdictum ab eo fuisse cultum veri Dei in Jerusalem: imo diserte notat Scriptura, in duabus atriis Templi extructa fuisse altaria; ut hinc intelligeremus non eo audaciæ ejus impietatem processisse, ut ipsum Sanctuarium & locum sanctissimum, ubi erant Arca Dei, Altare Thimiamatum, Candelabrum aureum & Mensa panum propositionis, profanaret.

Si vero dicatur noluisse tunc Israelitas in Templo sacrificare; dici similiter poterit, eos aliis in locis sacrificium obtulisse, quemadmodum legimus de Gedeone, de Elia, Eliæ, omnibusque aliis Israelitis tempore schismatis decem Tribuum, super altari sacrificantibus extra Templa, quæ ab Elia vocantur Altaria Dei.

P. 528. Addi potest cum Cardinali Perronio in Responione ad Regem Angliæ c. 88. ne tunc etiam invisibilem fuisse Ecclesiam Dei, etiam si nulli Cœtus publici haberentur; & sanguinem illum innoxium, quem fudit Manasses, insigne fuisse per Martyres suos triumphantis Ecclesiæ argumentum.

Decimum quod dicitur de Achab, non adversatur: tum quia hoc contigit in Regno Israel, non Juda, ubi erat Sedes Ecclesiæ Judaicæ, tum quia isti Prophetæ non erant ex collegio Prophetarum Dei, sed Baal, & iis similes, de quibus antea dixerat Elias, Lib. 3. Reg. c. 18. v. 40. *Apprehendite Prophetas Baal, & ne unus quidem effugiat ex eis, & postea Eliæus ad Joram filium Achab, Lib. 4. Reg. c. 3. v. 13. Quid mibi & tibi est? Vade ad Prophetas patris tui & matris tue.*

Ad ultimum: I. Tempore quo Christus nascebat exigua erat Ecclesia orthodoxa, quæ Christum puerum recens natum agnoscebat & colebat: erat tamen aliqua in Maria & Josepho, Zacharia, & Elisabeth, Anna prophetissa, Simeone justo, pastoribus & pluribus aliis qui expectabant redemptions Israel. Horum cœtus erat visibilis; ergo tunc visibilis erat Ecclesia.

II. Tempore mortis Christi perit cum omib[us] suis ceremoniis Judaica Religio, quia eo usque durare tantum debebat. *Lex & Prophetæ usque ad Joannem, ait Christus, Luca 16. v. 16. & Apostolus Rom. 11. v. 25. Cœcitas ex parte contigit in Israel, donec plenitudo gentium intraret.*

III. Pusillanimitas mera fuit in Apostolis, & defectus constantiae ac fortitudinis, non fidei. Quamquam enim paullo tardior in ipsis fuerit fides circa resurrectionem Christi, putabant enim Christum figurate loqui, nec intelligebant quæ dicebantur, sicut observat S. Lucas, c. 18. non tamen plane fuit in ipsis extinta. Deinde tunc temporis nondum Apostoli Episcopi fue-

fuerant constituti, nondum uberiori Spiritus Sancti gratia confirmati; non ergo mirum si quid humani passi sunt.

Objicies 3. Cum moritur R. Pontifex, qui Caput est visibile Ecclesie, ac per aliquod tempus vacat Sedes Romana, nonne tunc deficit Ecclesia? Capite enim corporis praeciso, perit corpus.

Resp. Romanum Pontificem esse Caput morale Ecclesie; porro non tanta est capitis moralis, quam naturalis necessitas: resecto capite naturali, ne uno quidem momento corpus vivere potest; at vero non perit corpus civile deficiente rectore: imo nec statum suum proprie amittit; mortuo enim Imperatore vel Rege, non statim definit Monarchia. Ita pariter non perit Ecclesia per mortem Pontificis: Sedes enim ipsa Romana semper perseverat; semper & subsistit fidelium societas sub legitimo Pastorum regimine.

Verum, quamquam haec omnia Novatoribus gratis concederemus, non minus tamen firma staret nostra Conclusio, quæ non de Judaica, sed de Ecclesia Christiana loquitur.

Objicies denique: Quo tempore per orbem universum grassabatur heres Ariana, ac furebat in Catholicos Constantii persecutio, lapsis in errorem Episcopis fere sexcentis Conciliorum Ariminensis & Seleuciensis, nonne invisibilis facta est vera Ecclesia ac prope extincta?

Resp. nego propositionem de qua ex professo postea dicturi sumus. Interim juvat hic referre quod ad istam tritam & obsoletam Novatorum objectionem respondet Jansenius Irenensis in Libro, cui titulus, *Spongia notarum, &c.* adversus Voetium Sylvaducensem Ministrum. Sic loquitur c. 76. *Cum vel maxime saeviret illa (Constantii) persecutio, verissimum fuit illud Augustini, quod Ecclesia in suis firmissimis, tamquam columnis adfici immobiliterstantibus eminebat.*

Tunc enim non solum Athanasius, sed fideliissimi cooperatores ejus Gaius, Amandinus, Agathodemon, Adelphius, Marcus, Paphnutius, aliisque tam Africe quam Ægypti Antistites partim in deserta relegati, partim spontanea fuga durante tempestate dilapsi fortissime persisterunt. Tunc Gregorius ille Hispaniarum Episcopus, & Philo decus Libyæ, quos Hieronymus nunquam Arianae impietati mixtos dicit, Dracontius, quem S. Hilarion exulantem visit, Serapion Tmuensis sub Constantio confessione celeberrimus, & S. Antonii heres, Eusebius Samosatenus ipsi Constantio præ constantiae generositate mirabilis, Cymatius Episcopus Calesyriæ & Carterius quos profide exulasse testis est Athanasius, Catholica confessione clarissimi eluxerunt. Et ut nihil de Episcopis inferioris nota dicam, quos Arianus favor, dum celebrioribus subvertendis incumberet, in suis Sedibus intactos relinquens, statim a morte Constantii integra Concilia Catholicorum Episcoporum in Oriente celebrata sunt, in quibus de laporum Antistitum receptione tractaretur. Testatur enim Epistola Synodalis ex Concilio Alexandrino scripta, multos preclaros Episcopos ex Italia, & Ægypto, & Lybia hic de causa confluxisse. Quod si vero ad Occidentem nos convertamus, Ecclesia Catholica non obstante quacunque Constantii immanitate velut tabernaculum Domini in Sole positum radios suos in Orientem usque fundebat. Nam ut admirandos illos Episcopos S. Eusebium Vercellensem, Hilarium, Dionysium Mediolanensem pro fide exules prætermittam, idem ille Hilarius, quem pro Catholicismo nomine depresso citas, (alloquitur Voetium) constantiam Episcoporum Germaniae prime & secundæ, Belgicæ prime & secundæ,

Lovaniæ  
a. 1666.  
p. 197.

In Ca-  
tal.  
Script.

Lugdunensis primæ & secundæ, Provinciæ Aquitanicae, & Novempopulanæ, & Narbonensis, & Provinciarum Britanniæ miris laudibus prædicat: usque adeo ut eos dicat, missam ex Syrmensi oppido infidelis fidei impietatem non modo non suscepisse, sed etiam nunciatam significatamque damnasse; mansisse & permanisse ibi innocentem inviolatamque Religionem; fidei imperturbatae inconcussæque famam quosdam etiam Orientalium Episcopos commovisse. Ex quibus omnibus manifestum est, quam falsum sit, quod dicas; Arianos applaudente toto terrarum orbe audivisse Catholicos.

P. 199. Ast istud vero Hieronymi dictum, Miratus est universus orbis se esse Ariani, sic reponit: Hieronymus, significat, inquit, Episcopos illos cum fibi non essent consciæ Ariane perfidæ, ingenuisse de impostura perduellum, & miratos esse, quod ut infra explicat, sine conscientia heretici ferebantur. Nam, ut ibidem ex ipsis actis Concilii Ariminensis resert, Catholici illi Episcopi non solum generatim, sed etiam nominatim singulos Ariane heresis articulos ab Ursacio & Valente abjurari fecerant. Hæc Jansenius.

### Q U Ä S T I O · T E R T I A .

*De auctoritate Ecclesiæ in rebus ad Religionem pertinentibus.*

**M**ulta eaque gravissimi momenti discutienda hic sese nobis offerunt.

I. An & quis sit supremus Judex controversiarum fidei?

II. Qua via, quibusve modis Ecclesia suam in rebus fidei & Religionis dijudicandis auctoritatem exercuerit?

III. An Ecclesia possit aliquando errare in causis fidei & morum definiendis?

IV. An major Episcoporum Summo Pontifici adhærentium numerus, paucis admodum ex adverso reclamantibus, in fide errare possit, & aliquando aberraverit?

V. An & quæ unanimitas suffragiorum in Episcopis necessaria sit, ad firmam & inconcussam ferendæ, vel latæ definitionis auctoritatem?

VI. Quale sit a Christo Domino institutum regimen Ecclesiæ?

### A R T I C U L U S P R I M U S .

*An, & quis sit Judex supremus controversiarum fidei?*

*Status controversiae cum Heretici.*

**T**anti momenti est præsens de Judice controversiarum quæstio, ut omnibus, quas cum Hæreticis habemus dissolvendis ac terminandis controversiis una sufficere debeat, ex qua omnes tamquam a communis radice ac fundamento pendent. Quippe si Ecclesia infallibilis est controversiarum fidei Judex a Christo Domino institutus, procul dubio ejus supremo Judicio atque sententiæ standum & obsequendum: atque vel ipso pronunciante Christo, sicut Ethnicus & Publicanus habendus, qui Ecclesiam non au-  
v. 17. dierit. Eo tendit integer & egregius Tertulliani de Præscriptionibus Li-  
T. 4. ber: eo respiciebat S. Hieronymus, cum disputans adversus Luciferianos  
part. 2. dicebat, Poteram omnes propositionum rivulos uno Ecclesiæ Sole siccare. Unde  
p. 306. apposite omnino S. Augustinus L. de quantitate animæ c. 7. n. 12. Auto-  
T. 1. p. ritati credere magnum compendium est & nullus labor. Quia scilicet facile  
q. 406. F. est.

est deprehendere in Scripturis supremam illam Ecclesiae in caussis fidei tradandis ac definiendis auctoritatem, atque ita parcere immenso & impliato labore discussionis & examinis, cuius proflus incapaces sunt rudes ac imperiti fideles, *quos fides salvos facit, non exercitatio Scripturarum*, ait egre-  
gie Tertullianus L. de Praescript. c. 14. P. 207. E.

Novatoribus Lutheranis & Calvinistis semper maxime cordi fuit praefens controversia. Probe quippe intellexerunt, certam & omnino conclamatam esse suæ, ac cuiuscumque alterius Hæreticorum sectæ ruinam, ex illa suprema & infallibili Ecclesiae in caussis fidei dijudicandis auctoritate, qua unico quasi iœtu omnes errores simul confodiuntur ac convelluntur. Quapropter vires omnes suas ac conatus ad eam impugnandam converterunt: in odium & invidiam nostris Catholicis objecere: malle illos in caussis Religionis homines audire ac sequi, quam verbum Dei, quo tamen uno, inquiunt, stare debet ac concludi omnis de Religione sententia.

Verum iudunt illi in æquivoco; ac, ut simplices decipient, duo maxime confundunt, quæ caute distinguunt Orthodoxi; nempe Judicem, qui sententiam inter litigantes pronunciat, & legem seu regulam ad cuius prescriptum pronunciare ille tenetur. Agnoscent quidem omnes Catholici, Ecclesiam esse Judicem controversiæ, Scripturam vero esse legem, regulam seu normam veritatis, ad quam controversia dirimi debet; quam quidem regulam Ecclesia semper consulit ac certissime sine ullo erroris periculo sequitur. Unde auctoritas definitionis Ecclesiae, nec simpliciter divina dicenda est nec simpliciter humana, sed humana divinitus inspirata. Non simpliciter divina, quia Deus immediate per semetipsum non docet nos, sed per Ecclesiam suæ Ministros ac Pastores: nec etiam simpliciter humana, quia certissima est erroris nescia; ergo est humana divinitus inspirata. *Vixum est Spiritui Sancto & nobis*, ajunt Apostoli & Seniores in Concilio Jerosolymitano. Ad. 15. v. 28.

Unde duplex distinguitur fidei nostræ regula, una formalis ac movens, Dei scilicet revelatio in Scripturis expressa; altera dirigens, ac proponens quæ sunt a Deo revelata, nempe Ecclesia. Cum enim Scriptura sit, ut vocant, regula mortua, seipsum exponere non potest, nec consequenter lites circa varium ipsius sensum excitatas componere.

Quæstio igitur inter nos & Novatores non est, utrum admittendus sit aliquis Judex controversiarum, neque utrum Scriptura sit fidei nostræ regula; utrumque omnes agnoscimus: neque etiam utrum Scripturæ privato uniuscujusque sensu ac spiritu interpretandæ sint; sensum hunc suggestum illi, ac per calumniam sibi a nobis afflictum fuisse conqueruntur, qui aperte declarant, existimare se Scripturas eo sensu esse intelligentias, quo factæ sunt, hoc est sensu Spiritus Sancti.

Tota igitur quæstio in eo posita est, utrum sola Scriptura, quam illi per se claram & perspicuam esse affirmant, sit controversiarum Judex; & ubi sit Spiritus ille divinus verus Scripturarum interpres, ubinam officium illud interpretis exerceat?

Catholici omnes sentiunt Spiritum illum certo in Ecclesia esse, Vo. Matth. 28. v. 20.  
*biscum sum omnibus diebus.*

Novatores Lutherani & Calvinistæ contra negant illum Episcopis, seu Eccl.

Ecclesiæ, vel ulli hominum generi alligatum esse, ideoque contendunt unumquemque judicem esse debere, sive spiritum suum sequendo, si ipse donum interpretationis habeat; sive alicui alteri, maxime vero electis & prædestinatis, quos <sup>T. I. p.</sup> <sup>57. col. 1.</sup> interius docet, adhærendo, quos eodem dono præditos viderit. Vide Bellarminum lib. 3. de verbo Dei c. 3. ubi verba refert Lutheri, Philippi, Brentii, &c.

Uno verbo, in sententia Novatorum, non privatus uniuscujusque hominis spiritus, sed Spiritus Dei qui est in privatis hominibus, Scripturarum est interpres, ac Judex controversiarum. Egregium vero discrimen! quasi utsique ille explicandi modus non eadem incommoda & absurdia involveret, & phantasmum perinde ac cuiuslibet Religionis tolerantiae æqualiter non faveret, sicut ex mox dicendis patet. Rei absurditatem senserunt vel ipsi Novatores; quare incerti ubi pedem figerent, aliquando spiritum illum privatum, aliquando Ecclesiam, interdum ipsosmet Principes Judices appellarent controversiarum fidei.

Cum vero Ecclesia duas in partes dividi possit, in Pastores scilicet qui docent, & plebem Christianam quam regunt & docent, Ecclesia nomen hic non collective seu adæquate sumimus, prout Pastores simul & populum complectitur, sed pro ea sola Ecclesiæ parte cui docendi officium & ministerium publicum commissum a Christo fuit, seu pro

<sup>Mat. 28.</sup> Pastoribus quibus a Christo dictum: *Euntes docete omnes gentes, baptizantes eos. Accipite Spiritum Sanctum, quorum remiseritis peccata, remittuntur eis, & quorum retinueritis retenta sunt.* His præmissis sit

### C O N C L U S I O.

Neque sola Scriptura, neque privatus spiritus, neque Princeps sæcularis, sed sola Ecclesia Christi supremus ac infallibilis est controversiarum fidei Judex.

Singula Conclusionis partes sigillatim probandæ sunt.

*Probatur primo, solam Scripturam non esse Judicem controversiarum fidei.*

<sup>Primum argumentum ab obscuritate Scripturæ.</sup> Multiplici arguento demonstratur: 1. ab obscuritate Scripturæ; 2. ab ejus insufficientia ad omnia fidei capita comprobanda; 3. a natura & officio Judicis; 4. ex usu & praxi Scripturæ.

<sup>ab ob-</sup> <sup>scripturæ,</sup> I. Lex obscura & ad intelligendum difficilis, quæ in varios & contrarios sensus trahi potest ac revera trahitur, non potest sola absque interprete ac Judice infallibili subnascentes de fide ac Religione controversias terminare ac definire: atqui Scriptura sacra obscura est & ad intelligendum difficilis, quæ varios in sensus trahi potest ac de facto trahitur; ergo, &c.

<sup>T. I. p.</sup> Major propositiō per se se manifesta est. Nemo quippe nescit omnibus Hæreticis id commune esse, ut errores suos ex Scripturis, quas assidue versant, confirmant, easque in pravos sensus detorqueant. *Neque enim, ait S. Aug. lib. 7. de Gen. ad litt. c. 9. n. 13. non omnes Hæretici Scripturas Catholicas legunt; nec ob aliud sunt Hæretici, nisi quod eas non recte intelligentes, suas falsas opiniones contra earum veritatem pervicaciter afferunt.*

<sup>T. I. p.</sup> <sup>250. D.</sup> Et Vincentius Lirinensis Commonitorii c. 2. *Hic forsitan requiret aliquis, ait,*

ait, cum sit perfectus Scripturarum Canon, sibique ad omnia satis superque sufficiat, quid opus est ut ei Ecclesiasticae intelligentiae jungatur auctoritas? Quia videlicet Scripturam sacram pro ipsa sua altitudine non uno eodemque sensu universi accipiunt; sed ejusdem eloquia aliter aliis, atque aliis interpretatur, ut penne quot homines sunt, tot illinc sententiae erui posse videantur. Aliter namque illum Novatianus, aliter Sabellius, &c. exponit ... Atque idcirco multum necesse est propter tantos tam varii erroris anfractus, ut Propheticae & Apostolicæ interpretationis linea secundum Ecclesiastici & Catholici sensus normam dirigatur.

Minor propositio facile demonstratur.

I. Testimonio ipsius Scripturae. S. Petrus II. Epistolæ c. 3. v. 16. loquens de Epistolis sancti Pauli, ait: *In quibus sunt quædam difficultia intellectu, quæ indocti & instabiles depravant, sicut & ceteras Scripturas, ad suam ipsorum perditionem.* *Ubi notandum est,* ait Bellarminus lib. 3. de T. 1. p. verbo Dei, *Apostolum Petrum non dixisse, esse quædam difficultia indoctis & instabilibus, ut Hæretici exponunt, sed difficultia absolute.* Et vero si tam clara & perspicua foret Scriptura, qui fieri posset ut indocti eam tam facile in suam perditionem depravarent.

Patet & confirmatur exemplis que Scriptura suppeditat. Discipuli euntes in Emmaus non intellexerunt Scripturas, nisi eas ipsis exponente Christo. Lucæ 24. v. 27. Eunuchus Reginæ Æthiopum rogatus a Philippo an inteligeret Isaiam Prophetam quem legebat, respondit: *Quomodo possum si non al quis ostenderit mihi?* Act. 8. v. 31. Apostoli multa eorum, quæ a Christo dicebantur, non intelligebant. Matth. 13. v. 36. Accesserunt ad eum Discipuli ejus dicentes: *Edissere nobis parabolam & in agri, &c. 16. v. 11. Quare non intelligitis, quia non de pane dixi vobis?* Et Lucæ 18. v. 34. *Et ipsi nihil horum intellexerunt, & erant verbum istud absconditum ab eis.*

II. Ex consensu Interpretum etiam Catholicorum, imo & Novatorum ipsorum. Quippe si tam clara & perspicua est Scriptura, ad quid tot interpretationes? Unde inter Novatores ipsos tanta circa nonnulla Scripturæ loca exponenda dissensio? Numerantur apud ipsos 80. interpretationes variæ istorum Christi verborum, *Hoc est Corpus meum.* Clara ista videntur Lutherò, ad stabiliendam realem & substantialem Christi in Eucharistia præsentiam; ex adverso clara videntur Calvino ad eam rejiciendam, & solam virtutis præsentiam comprobandam. Quis litem hanc inter illos componet? Scriptura? At de illius sensu controvertitur, & quisque eam ad se inflectere nititur. Quotquot ergo extant, ( extant autem pene infinita Interpretum Scripturæ volumina ) totidem sunt aperta obscuritatis Scripturæ argumenta.

At, inquiunt, quæ obscura sunt, ex aliis locis clarioribus illustrari & exponi debent. Fatumur: methodum hanc vel ipsi Sociniani ultro amplectuntur. Verum, si de illa prætensa majori aliorum testimoniorum claritate, discordia ut sæpe fit, excitetur, quis Judex erit? In dubio ac in suspenso fidem tunc hædere necesse est.

Regerunt iterum, ea fidei capita fundamentalia quæ sunt ad salutem omnino necessaria, clara esse & manifesta in Scripturis. Verum jam antea monuimus, vanam ac gratis omnino fictam esse distinctionem articulorum fundamentalium & non fundamentalium, ac necesse est, quamvis non eodem necessitatis gradu, credere quæcumque sunt a Christo

Domi-

Dominio revelata, & ab Ecclesia declarata. Deinde vero, an non unitas essentiae in tribus distinctis personis, Divinitas Christi, substantialis & hypostatica Divinitatis cum humanitate conjunctio, &c. sunt articuli fundamentales fidei nostrae? Attamen non ita clare ac nitide in Scripturis expressi nisi sunt Arianis, Sabellianis, Nestorianis, Socinianis, quin ab iis proterve impugnati fuerint.

### III. ex sententia SS. Patrum. Ita

S. Irenæus lib. 2. contra heres c. 28. alias 47. ubi postquam in rebus creatis & naturalibus plurima nos latere dixit, multa etiam in Scripturis obscura esse docet, quorum intelligentiam petere a Deo debemus.

*Ed. Paris. 1619. p. 508.* Origenes lib. 7. contra Celsum. *Alii quoque cordati viri, ait, scrutando Scripturam intellectum ejus invenire potuerunt, licet revera sit multis locis obscura.*

*T. 2. p. 755. C.* S. Ambrosius Epist. 2. alias 44. ad Constantium. *Mare, inquit, est Scriptura divina, babens in se sensus profundos, altitudinem propheticorum D. enigmatum.*

*T. 3. p. 1. C.* Sanctus denique Augustinus lib. 2. de Doctrina Christiana c. 6. *Multis, inquit, & multiplicibus obscuritatibus & ambiguitatibus decipiuntur, qui temere legunt aliud pro alio sentientes; quibusdam autem locis, quid vel falso suspicentur, non inveniunt, ita obscurè quedam dicta densissimam caliginem obducunt. Quod totum provisum divinitus esse non dubito ad edomandam labore superbiam, & intellectum a fastidio revocandum, cui facile investigata plerumque vilescent.*

*T. 6. p. 178. D.* Et Lib. de fide & operibus c. 17. & 16. fatetur, sibi difficillimum esse intellectu locum illum 1. Cor. 3. *Si quis autem superaedificat super funda-*mentum, &c. & dicit hunc esse unum ex illis locis quæ B. Petrus monuit esse difficultia intellectu.

*I. Cor. 2. v. 14.* Origo autem & causa obscuritatis Scripturarum est, tum sublimitas humanae menti inacessa Mysteriorum quæ continet; tum corruptio & infirmitas hominis: *Animilis quippe homo non percipit ea quæ sunt Spiritus Dei.*

Circa illam ambiguitatem istam regulam tradit S. Augustinus lib. 3. *T. 3. p. 1. B.* de Doctrina Christiana c. 2. n. 2. *Cum, inquit, verba propria faciunt ambiguam Scripturam, primo videndum est, ne male distinxerimus, aut pronunciaverimus. Cum ergo adhibita intentio incertum esse perviderit, quomodo distinguendum aut quomodo pronunciandum sit, consulat regulam fidei, quam de Scripturarum planioribus locis & Ecclesiæ auctoritate percepit. Quod si ambae vel etiam omnes, si plures fuerint partes, ambiguitatem secundum fidem sonuerint, textus ipse sermonis a precedentibus & consequentibus partibus, quæ ambiguitatem illam in medio posuerunt, restat consulendus, ut videamus cuinam sententia, de pluribus quæ se ostendunt, ferat suffragium, eamque sibi contexi patiatur.*

*P. 137. B.* Et Lib. 1. de Gen. ad litt. c. 21. n. 41. *Cum divinos Libros legimus, inquit, in tanta multitudine verorum intellectuum, qui de paucis verbis erruntur, & sanitatem Catholicæ fidei muniuntur, id potissimum diligamus, quod certum apparuerit eum sensisse quem legimus: si autem hoc latet, id certe quod circumstantia Scripturæ non impedit, & cum sana fide concordat: si autem & Scripturæ circumstantia pertractari ac discuti non potest, saltē id solum quod fides sana præscribit. Aliud est enim quid potissimum Scriptor senserit non di- gnoscere, aliud autem a regula pietatis errare. Si utrumque vitetur, perfecte*

se

se habet fructus legentis: si vero utrumque vitari non potest, etiam si voluntas Scriptoris incerta sit, sancæ fidei congruam non inutile est eruuisse sententiam.

IV. denique, Scripturam obscuram esse declarat ipse Psaltes Regius, cum ejus interpretationem ac notitiam supplex a Deo effigitat, Psal. 118. *Da mibi intellectum, & scrutabor legem tuam, Ibidem: Revela oculos meos, & considerabo mirabilia de lege tua.* Ibidem: *Faciem tuam illumina super servum tuum, & doce me justificationes tuas.*

Secundum argumentum quo demonstratur Scripturam solam supremum non esse controversiarum Judicem, petitur ex ipsa Scriptura insufficientia ad omnes dissolvendas fidei controversias.

I. Duo in Scriptura spectanda sunt; textus ipse seu littera, & sensus.

Circa textum, quot controversiae? An textus, quem præ manibus habemus, & vocamus Scripturam, genuinum sit Dei verbum? An Autographis Prophetarum & Apostolorum conformis? An purus & integer ad nos defluxerit; vel Judæorum aut Hæreticorum faudibus depravatus & corruptus? An hujus textus versiones qua pars est fide, legitimum primigenii Autographi seu Exemplaris sensum referant? An denique hi vel illi Libri Canonici sint, vel non? Ignorat nemo de his omnibus Hæreticos litem movisse. Sribit Eusebius Basiliadem fuisse quendam Hæreticum, qui Libros nescio quos Prophetarum, præter eos, qui in sacro Volumine sunt, comminisceretur. Opinionem vero istam quomodo ex foliis Scripturæ testimonio refelleres? Item S. August. auctor est, non nullos omnia rejicisse Evangelia. Neque defuerunt, teste jam citato Eusebio, quibus omnes Epistolæ divi Pauli improbarentur. De multis quoque aliis Libris saepe fuit in Ecclesia disputatum: an Canonici essent, cum vel tales aliqui falso a quibusdam esse negarentur; vel alii importune ementito nomine Apostolorum, fidelibus obtruderentur. Nonne Lutherani & Calvinistæ negant Canonicos esse Libros Tobiæ, Judith, Sapientiæ, Ecclesiastici & Machabæorum? imo nec ipsi inter se de non-nullis Libris consentiunt. Lutherus e Canone rejicit Epistolam ad Hebreos, & illam quæ S. Jacobi est, & Apocalypsim: quos Libros admittit Calvinus. Attamen magnis laudibus a Calvino & Beza effertur Lutherus, tamquam vir Apostolicus & electus. Necesse tamen est alterutrum, aut Calvinum, aut Lutherum, interiori illa spiritus unitione quæ veritatem docet, fuisse destitutum, quandoquidem unus eos Libros velut Canonicos & divinos admittit, quos alter negat & rejicit. Quis, quæso, Judex erit inter illos? Quæ ipsis certa regula veritatem illam dignoscendi? Nulla. An confugient ad illos tam conspicuos Divinitatis radios, quos in genuinis Scripturis splendescere affirmant? At radios illos non deprehendit Lutherus; non ergo ita fulgidi sunt & perspicui, ac Calvino videntur. An ad interiorum unitiōnē spiritus, qui modestos & humiles docet, non alios, ergo vel Luthero, vel Calvino ea defuit animi modestia & demissio quæ necessaria est ut concilietur & advocetur interior spiritus unitio. An denique provocabunt ad Traditionem & Canonem Judæorum; ut rescant quinam veteris Instrumenti Libri pro Canonis habendi sunt, vel non? Ergo alium in hac causa Judicem, quam Scripturam agnoscent. Canonem scilicet & Traditionem Judæorum, Res profecto mira & lepida! Pluris illi Judæos faciunt, quam Christianos; & cum ipsis Christiani esse ac videri ve-

lint,

Secundum argumentum ex insufficientia Scripturæ.

Lib. 4.  
Hist. c.  
16.  
Lib. 3.  
Hist. c.  
27.

L 2. Re-  
trat. c.

16.

Lib. 3.  
Hist. c.

T. 7. p. lini, Christi & Apostolorum Traditionibus ac Ecclesiæ auctoritati in-  
 s. 19. D. fensissimi sunt. Cur non dicunt cum Augustino lib. 18. de Civit. Dei  
 Edit. c. 36. Machabæorum Libros non Judei, sed Ecclesia pro Canonicis habet?  
 Paris. Et cum Isidoro Lib. Proceriorum de Libris veteris ac novi Testamen-  
 tis, Machabæorum Libri duo licet non habeantur in Canone Hebreorum, ta-  
 men ab Ecclesia inter divinorum voluminum annumerantur Historias: & su-  
 p. 407. z. H. P. 407. pra: Constat hunc Librum (Ecclesiasticus) inter reliquos sanctorum Scri-  
 col. 2. A. pturarum Libros pari habitum veneratione. Ergo controversiae quæ circa  
 textum ipsum Scripturæ nascuntur, sola Scriptura judice dissolvi ac ter-  
 minari non possunt.

Multo minus ea quæ sensum illius legitimum spectant. De sensu  
 2. Cor. 3. enim & intelligentia Scripturarum potissimum controvertitur. Littera  
 v. 6. quippe occidit, spiritus autem vivificat. Heretici similia loquentes fidelibus, non  
 solum dissimilia sapiunt, sed & contraria, ait S. Irenæus. S. Augustinus Lib.  
 T. 8. p. de hereticis c. 70. observat Priscillianistas Manichæis versutiores in eo  
 22. G. fuisse, quod nihil Scripturarum Canonicarum repudient, sed in suis sensus al-  
 legorizando versant quidquid in Libris sanctis est, quod eorum evertat erro-  
 rem. Quod omnibus Hereticis commune semper fuit, istud & in no-  
 stris quoque posterioris ævi Novatoribus deprehenditur; Scripturam in  
 varios & contrarios sensus distrahit: v. g. verba ista, Hoc est Corpus  
 meum, Lutherani ad præsentiam realem Christi in Eucharistia; Calvinisti  
 & figuratam inflectunt. Hæc pariter, Ego & Pater unum sumus. Calvi-  
 nus, Comment. in Joan. interpretatur de unione dumtaxat morali affi-  
 ctus & voluntatis, asseritque Patres Nicænos perperam ex iis verbis unio-  
 nem substantialem collegisse. Attamen interpretationem hanc vulgo rejici-  
 ent Calvinii discipuli, tamquam falsam & periculosa; in primis Joannes  
 Mestrezat Parisiensis Ecclesiæ Reformatæ Pseudoadminister, Tracta-  
 Lib. 4. c. tu Gallice scripto de Scriptura sacra. Denique, ut alia pene infinita  
 9. p. 482. hujusce generis omittamus, sollempnia ista Christi verba, Jo. 8. v. 58.  
 Antequam Abram fieret, ego sum, quibus Catholici omnes adversus Ari-  
 nos tum veteres tum recentiores invide demonstrant Christum quan-  
 tum ad Divinitatem præexistisse, antequam ex Maria Virgine nascere-  
 tur; verba, inquam, ista nonnulli ex Calvinii discipulis explicant de  
 præexistentia quantum ad destinationem, seu decretum Dei, eo ipso sen-  
 su quo Christus dicitur Agnus occisus ab origine mundi: non quidem quoad  
 realem Sanguinis effusionem, sed quoad destinationem, pretium, & ap-  
 plicationem meritorum Sanguinis Christi, qui definito tempore pro sa-  
 lute hominum effundendus erat. Ita Calvinus, Theodorus Beza, &c. qui-  
 bus accedit Grotius. En quo ducat præcepis illa licentia interpretandi Scriptu-  
 ras ad privatum uniuscuiusque sensum, seclusa Ecclesiæ auctoritate, quæ  
 sola tamquam Judex & Magistra audiri debet. Scriptura quippe, lex est  
 muta seu mortua, quæ si sit in varios ac contrarios sensus torquetur;  
 ergo necesse est configere ad vivam quamdam ac spirantem regulam, quæ  
 verum ac legitimum Scripturarum sensum aperiat & figat, lites ac dissen-  
 siones circa varios illos sensus excitatas supremo suo Judicio componat ac  
 finiat: alias, æternis ac infinitis inter se diffidiis Christiani misere disperpen-  
 ditur ac vexabuntur. Apposite omnino Tertullianus Lib. de Præscript. cap.

17. dicebat: *Ista hæresis non recipit quasdam Scripturas; & si quis recipit, non recipit integras ... Et si aliquatenus integras praefat, nihilominus diversas expositiones commentata convertit. Tantum veritati obstrebit adulter sensus, quantum & corruptor stylus.* Unde c. 19. concludit: *Ergo non ad Scripturas provocandum est; nec in his constituendum certamen, in quibus aut nulla, aut incerta victoria est, aut par incertæ.*

Ibid. C.  
D.

II. Multa ex fide credere tenemur, quæ tamen in Scripturis expressa non sunt; ergo sola Scriptura non sufficit omnibus de fide controversiis dissolvendis ac finiendis. Nullibi scriptum est validum esse Baptismi Sacramentum collatum ab Hæreticis. *Quam consuetudinem, (rebaptizandi Hæreticos) inquit S. August. L. 2. de Baptismo contra Donatistas cap. 7.* credo ex Apostolica Traditione venientem: *sicut multa quæ non inveniuntur in Litteris eorum, neque in Conciliis posteriorum, & tamen quia per universam custodiuntur Ecclesiam, nonnisi ab ipsis tradita & commendata creduntur.*

T. 9. p.  
102. F.

Similiter credimus Patrem esse ingenitum, nec tamen in Scripturis legimus. Patrem, ait idem Sanctus Doctor, Epist. 238. alias 174. num. 6. in illis Libris (Scripturis) nusquam ingenitum legimus, & tamen dicendum esse defenditur.

T. 2. p.  
855. A.

Libro 2. contra Maximinum Arianum, c. 3. Maximino querenti: *Date testimonia ubi adoratur Spiritus Sanctus.* Respondet S. Doctor: *Quasi non ex iis, quæ legimus, aliqua etiam quæ non legimus, intelligamus. Sed ne querere multa compellar, tu ubi legisti Patrem Deum ingenitum vel innatum? Et tamen verum est.*

T. 8. p.  
693. G.

Item, Lib. de Baptismo contra Donatistas cap. 23. n. 31. Sunt multa, inquit, quæ universa tenet Ecclesia, & ob hoc ab Apostolis præcepta bene creduntur, quamquam scripta non reperiantur.

T. 9. p.  
156. F.

Ante Augustinum jam dixerat Tertullianus L. de Corona c. 4. *Harum & P. 102. aliarum ejusmodi disciplinarum si legem expostiles Scripturarum, nullam invenies: A. B. Traditio tibi prætendetur auctrix, consuetudo confirmatrix, & fides observatrix.*

Licet autem de variis disciplinæ capitibus hæc scripsérunt Tertullianus, certo tamen constat, aliqua pertinere ad fidem, quorum nulla in Scripturis mentio: v. g. beatam Virginem perpetuo virginem perimansisse; infantes Baptismi capaces esse, ac baptizandos; Pascha die Dominicæ celebrandum esse, contra hæreticos Quartodecimanos, &c.

Cum igitur S. Paulus 2. ad Timot. 3. v. 16. ait, *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia: ut perfectus sit homo Dei, ad omne opus bonum instructus;* sensus non est, sicut Novatoribus videtur, Scripturam solam absque administrculo alterius regulæ sufficere ut homo sit perfecte eruditus in omni operre bono. (Loquitur enim Apostolus de omni & qualibet Scripture parte: at certum est in qualibet Scripture parte non omnem, quæ ad fidem pertinet, veritatem contineri.) Sensus igitur Apostoli est, Scripturam integrum, & quamlibet ejus partem, quantum ad ea quæ contingit, ad promovendam salutem valere, ac singulis prodeſſe posse.

Tertium argumentum petitur ex natura & officio Judicis. In omni scilicet Republica bene instituta & ordinata, Lex & Judex, ut initio hujuscem disputationis diximus, duæ sunt res distinctæ ac distinguendæ. Lex enim docet quid sit agendum: Judex vero ex præscripto legis pronunciat. Lex dirigit subditos, declarando ipsis quæ facienda sunt, vel omittenda; Judex autem

Tertium  
argumē-  
tu[m] ex  
nat[ur]a  
& officio  
judicis.

Tournely de Ecclesia. Tom. V. Pars I.

K illos

illos cogit ut faciant vel omittant, ac reos pro natura delicti punit. Scriptura est quidem lex, norma & regula fidei & morum, at non potest esse Judex, ut contendunt Novatores. Namque qui Judex est inter duos litigantes, debet ita pronunciare sententiam, ut uterque litigantium clare intelligat quam sit Judicis sententia; & alter eorum fateatur illam professe, alter contra se latam esse: nisi ita fuerit, a lite non desistent, & interminabilis evadet controversia: atqui nos potest sola Scriptura id præstare. Litigant Lutherani & Calvinisti tum inter se, tum nobiscum: haec tamen ex sola Scriptura finiri ac terminari non potuit controversia, & quisque in priori sua sententia immotus persistit.

Confirmatur vis hujus argumenti ex his duobus quæ tam Lutherani quam Calvinista fatentur. Primum, se non alium Judicem agnoscere, quam solam Scripturam: alterum, hanc ipsam Scripturam esse claram, perspicuum, & ad omnes controversias spondendas per se sufficientem, nec ullam falsitatem subesse illi posse: atqui tamen litigare non cessant tum inter se, tum nobiscum, nec haec tamen ex illa regula tam clara & perspicua potuit discordia componi: neceste igitur est alterutrum sequi, vel Scripturam haec tamen non pronunciasse claram, perspicuum, & sufficientem sententiam; vel certe, si pronunciavit, Lutheranos & Calvinistas pervicaces esse, qui claræ, perspicue, ac sufficienti regulæ non acquiescunt.

*Quartū argumētam ex usu & praxi Scripturæ.*

I. Quotquot inter Judæos excitabantur circa legem, præcepta, cærimonias, &c. controversiae, non una Scriptura, sed judicio atque sententia Sacerdotum qui erant ad hoc ministerium instituti, dissolvebantur. Duplex vero apud ipsos Tribunal seu Concilium fuit: unum minus, quod Moses suadente Jethro instituit. Quippe cum solus Moses federet de manæ usque ad vesperam judicans populum, nec tanto labore ferendo par foret, *sicut labore consumeris*, dicebat ei Jethro, *ultra vires tuas est negotium*, solus illud non poteris sustinere. Sed audi verba mea atque consilia, & erit Deus tecum ... Provide de omni plebe viros potentes, & timentes Deum, in quibus sit veritas, & qui oderint avaritiam: & constitue ex iis Tribunos & Centuriones, & Quinquagenarios, & Decanos, qui judicent populum omni tempore. Quidquid autem majus fuerit, referant ad te, & iphi minora tantummodo judicens. Consilio cognati sui Jethro acquevit Moyses, ac constituit in omni civitate Judices illos inferiores.

Alterum vero Concilium seu Tribunal majus, quod Sanedrin, vel Concilium seniorum vocabatur, Deus jussit institui, Num. 11. v. 16. & seq. *Dixit Dominus ad Moysen: Congrega mihi septuaginta viros de senibus Israel, quos tu nosti, quod senes populi sint ac magistri, & duces eos ad ostium Tabernaculi fæderis, faciesque ibi stare tecum, ut descendam & loquar tibi: & auferam de spiritu tuo, tradamque eis, ut sustinent tecum onus populi, & non tu solus graveris.*

*L. 2. Pa-* Fecit Moyses quod Deus ei præceperat. Ad istud porro superius Tribunal *ral. p. 19.* seu Concilium seniorum deferenda erat, si quæ oriebatur, majoris momenti de Lege, de mandato, de cærimoniis, de justificationibns controversia. *Si difficile & ambiguum apud te judicium esse perspexeris...* ait Deus, Deut. 17. v. 8. & seq. *surge & ascende ad locum, quem elegerit Dominus Deus tuus, veniesque ad Sacerdotes Levitici generis, & ad Judicem qui fuerit illo tempore;* que-

resque ab eis, qui indicabunt tibi judicii veritatem. Et facies quodcumque dixerint qui præsunt loco quem elegerit Dominus, & docuerint te juxta legem ejus; sequerisque sententiam eorum: nec declinabis ad dexteram, neque ad sinistram. Qui autem superbierit, nolens obedire Sacerdotis imperio, qui eo tempore ministrat Domino Deo tuo, & decreto Judicis, morietur homo ille.

Inter majus autem & minus Concilium Iudeorum multiplex discrimen fuit: 1. quia majus tantum erat in Ierusalem, minus in singulis civitatibus; 2. in majori dijudicabantur maiores controversiae, in minori faciliores; 3. in majori præsidebat Pontifex, non item in minori; 4. a minori licebat appellare ad majus, non contra a majori ad minus; 5. in majori erant septuaginta viri præter Pontificem, in minori viginti tres: 6. majus vocabatur Sanedrin, vel Synedrion, vel Concilium seniorum; minus non ita; 7. denique, septuaginta seniores a Moysi selecti, acceperunt spiritum prophetiae in ipsa electione. *Ausseram de spiritu tuo*, ait Deus alioquens Moysen, tradamque eis: non alii per civitates constituti Judices.

Neque vero est quod excipiunt Novatores, Judices illos superiores de caussis dumtaxat aut civilibus, aut mere ceremonialibus seu legalibus, non de iis quæ ad fidem pertinent, judicasse. Constat enim ex L. 2. Paral. c. 19. v. 10. delatas ad eos fuisse causas de lege, de mandato, de ceremoniali, de justificationibus. Inter mandata autem & justificationes, numquid fides in venturum Messiam includebatur? Nonne ibidem v. 11. dicitur: *Amavias autem Sacerdos & Pontifex vester, in his, quæ ad Deum pertinent,* Nu. 11.  
præsidebit? At controversiae de fide & Religione ad Deum pertinent. v. 17.

Confirmatur exemplo, Namque inter controversias fidei erat una præcipua de Messia: at hæc ipsa, quando dubitatum fuit tempore Herodis, an Messias jam natus esset, deferebatur ad Concilium Sacerdotum, in quo Pontifex præsidebat, ut patet ex Evangelio Matth. 2. v. 3. *Audiens autem Herodes Rex, turbatus est, & omnis Ierosolyma cum illo. Et congregans omnes Principes Sacerdotum, & Scribas populi, sciscitabatur ab eis ubi Christus nasceretur. At illi dixerunt ei: In Bethlehem Iudeæ. Sic enim scriptum est per Prophetam: Et tu Bethlehem terra Iuda, nequaquam minima es in principibus Iuda; ex te enim exiet Dux qui regat populum meum Israel.* Ubi tria notanda sunt: 1. Regem Herodem totumque Hebraeorum populum dubitas de loco, in quo Messias esset nasciturus; 2. Dubitationem hanc non ausos illos fuisse per se discutere ac solvere, sed detulisse ad ordinarium Concilium Sacerdotum; 3. Sacerdotes ex officio illam dissolvisse ex Scriptura, tamquam norma & regula quam in dubiis consulebant ac sequebantur.

II. Idem usus manifestus est in novo Testamento. Soilemne est ac preremptiorum exemplum controversiae de observandis Legalibus, quæ tempore Apostolorum excitata fuit, de qua magna conquestio facta narratur Act. 15. scilicet, an qui e Gentilibus ad fidem Christi convertebantur, jugo Circumcisionis subjiciendi forent, vel ab eo liberandi. Affirmabant aliqui, negabant alii. At qua via terminata & finita fuit illa controversia? An ad solam Scripturam, ex qua pro utraque parte affirmante vel negante, produci testimonia poterant, tamquam ad communem Judicem delata est? Nullatenus: sed potius ex consensu utriusque partis deleeti sunt aliqui, qui Ierosolymam irent ad Apostolos, ut ipsi in sollemni Concilio de re tota cognoscerent ac pronunciarent; quod re ipsa factum est. Quamquam enim Paulus &

AB. 13.  
v. 1.

Barnabas, qui ambo erant Apostoli, Prophetæ, & Doctores, ambo a Spiritu Sancto speciatim delecti ut Evangelium Gentibus prædicarent, & etiam illud revera prædicaverint, quæstionem illam infallibili Judicio finire potuissent; neuter tamen officium illud voluit in se suscipere, sed ad Concilium Apostolorum potius deferre, ut suo exemplo docerent, hujusmodi controversias, quæ fidem ac Religionem spectant, ad ordinarios Ecclesiæ Prælatos, vel ad Concilia Prælatorum deferri oportere. Hæc vero fuit sollempnis Apostolorum in Concilio Jerosolymitano definitio: *Visum est Spiritui Sancto, & nobis, nihil ultra imponere vobis oneris, quam hæc necessaria: ut abstineatis vos ab immolatis simulachrorum, & sanguine, & suffocato, & fornicatione.*

*ib. 15. v.  
28.*

*Probatur secundo, privatum spiritum non posse assignari tamquam  
Judicem controversiarum fidei.*

I. In omni Republica bene ordinata & constituta necesse est sedere aliquos Judices, qui legem Principis interpretentur, ac civiles subditorum caussas dirimant: si enim privato cuilibet id licitum foret, quanta inde rerum perturbatio? quanta in civili societate confusio? Ita prorsus evenit in Ecclesia. Non satis ejus securitati ac tranquillitati provisum a Deo fuisset, nisi esset regula quædam viva & spirans, quæ natas de fide ac Religione controversias supremo judicio definiret. Quo tandem evaderet fidei unitas & firmitas, si privatorum examini, judicio & interpretationi permitteretur? Quisque ad libitum sibi fidei dogmata effingeret; nullus unquam futurus esset controversiarum ac discordiarum finis; ancaps & dubius semper hæreret fidelium animus, tandem patentissima via panderetur ad indifferentiam & tolerantiam omnium Religionum. Quis vero in mentem suam facile induxerit, tam male a Christo Ecclesiæ suæ, quam dilexit, & proprio suo Sanguine acquisivit, prospectum fuise?

II. Lex fidei debet esse publica & nota, pro natura Ecclesiæ quæ societas est visibilis & conspicua: debet esse una, non multiplex: non varia, neque contraria; sed simplex, constans & uniformis: atqui quam longe ab his conditionibus distat spiritus ille privatus Novatorum, seu spiritus revelans unicuique privato homini quæ sunt ex fide credenda vel agenda! Occultus ille est ac latens: non videtur, non auditur, sicut videri debet & audiri a partibus litigantibus Judex qui sententiam pronunciat. Vatius est, multiplex, contrarius; patet ex jam dictis. Spiritus quippe ille privatus Lutherò suggestus aliquos e Canone Ecclesiastico Libros expungendos esse, quos tamen admitti debere idem spiritus Calvino inspiravit. Pariter verba ista, *Hoc est Corpus meum*, ad sensum præsentiae realis Lutherò, econtra Calvino ad sensum præsentiae spiritualis dumtaxat & figuratae interpretanda esse, prætensus ille spiritus privatus suggestus. Item verba ista, *Ego & Pater unum sumus*, de unione morali & affectiva Calvinus intelligit; sicut & ista, *Antequam Abraham fieret, ego sum*, de præexistentia tantum in decreto Dei, non vera & reali, contra unanimem omnium Catholicorum sententiam adversus Socinianos.

Et vero nunquam satis intelleximus, qua ratione Lutherani & Calviniste, e quorum sinu prodiere Sociniani, iisdem cum ipsis innutriti & innixi principiis, qua, inquam, ratione ab istorum laqueis una tantum judice Scriptura, sese extricare & expedire possunt. Nihil etenim juris habent Lutherani & Cal-

& Calvinistæ ad Scripturam in sensus figuratos & metaphoricos detorquendam, quod sibi pariter vendicare non possint Sociniani, ubi contendunt Christum sensu figurato Deum appellari, ab auctoritate scilicet, quomodo Judices Dii etiam nuncupantur. Quam disparitatem afferent? Scripturæ claritatem? Hanc in causa sua laudabunt & ipsi Sociniani. Spiritum privatum ejusque internam unctionem? Et de ista pariter illi gloriabuntur. Collationem unius vel plurium locorum Scripturæ cum aliis? At in ista plurimum & ipsi confidunt. Traditionem? At istam communī suffragio Novatores rejiciunt. Ergo, si semel auctoritas Ecclesiæ judicantis & pronunciantis leponatur, nulla unquam certa via compri- mi ac revinci poterunt a Lutheranis & Calvinistis Sociniani; nullum tam immane erroris portentum, quod non invehatur, & obtineat.

Imo nec ipsimet Sociniani, qui omnia fidei nostræ mysteria humana ratione & grammaticalibus argutiis plerumque metiuntur & aestimant, nonnulla, quæ nobiscum pariter admittunt, doctrinæ capita, v.g. creationem ex nihilo, tueri unquam possunt adversus eos qui ex præjacente materia mundum a Deo creatum fuisse contendent. Nemo ignorat Socinianos in litterali seu grammatical verborum significatione totos hæ- rere: at fatentur lingua Hebraicæ periti, verbum Hebræum quod Vulgata nostra reddit per verbum *Creare*, ex æquo significare, facere, pro- ducre, formare, ac creare ex nihilo: quomodo igitur adversus eos qui creationem ex nihilo fugillant, ex una Scriptura eam invicte demon- strabunt Sociniani? Adeo verum est, excuso semel auctoritatis Eccle- siæ jugo, mentem humanam sibi permissam nulloque vinculo retentam, in omne absurditatum & errorum genus præcipitem ruere.

III. Judex debet habere auctoritatem coactivam; alioqui nihil pro- desset ejus judicium, maxime adversus eos, qui non amore justitia, sed metu pœna a malo retrahuntur: at privatorum non est habere vim coactivam, cuius primaria & radicalis auctoritas in Principe Communi- tatis residet. Non enim sine causa Princeps gladium portat: *Dei enim mi- nister est, vindicta in iram ei qui malum agit.*

*Rom. 13.  
v. 4.*

IV. Quam multi sunt adeo rudes & imperiti, qui cujuscumque dis- cussionis & examinis, in rebus fidei, plane incapaces sunt, ut ipsimet candide fatentur; & tamen etiam illi salvati possunt: igitur necesse non est ut omnes & singuli judicent de quæstionibus fidei.

V. Si spiritus ille revelans privatus esset iudex, præcluderetur via conversioni Hæreticorum, ait hic Bellarminus, nec ullæ controversiæ unquam terminari posse. Nam nemo est Hæreticorum qui spiritum non jachet, & qui spiritum suum non præponat spiritibus aliorum. Et sicut 2. Paral. 18. cum diceret Michæas Propheta Domini, se loqui in nomine Domini, Pseudoprophetas autem agitari spiritu mendacii, res- pondit ei Sedecias Pseudopropheta, *Per quam viam pertransiit spiritus Domini a me, ut loqueretur tibi?* Ita si Catholicus diceret, Ita mihi spi- ritus revelat, responderet hæreticus, *Et per quam viam tecum.*

*Lib. 3. de  
verbo  
Dei c. 2.  
T. 1. p.  
162. H.*

VI. Denique, in Scripturis Deo redarguuntur, qui in rebus divinis spi- ritum suum privatum auditint ac sequuntur. *Væ Prophetis insipientibus, qui se quuntur spiritum suum & nihil vident ... vident vanam & divinam mendacium, dicentes: Ait Dominus, cum Dominus non misericordia est ... cum ego non sim locutus, ait*

*Ezech. 23. v. 3.  
ib. v. 6.  
& 7.*

*Jer. 23. Dominus. Rursus: Nolite audire verba Prophetarum qui prophetizant vobis & v. 16. decipiunt vos: visionem cordis sui loquuntur, non de ore Domini. Et: Falso Prophete & v. 14. v. vaticinantur in nomine meo ... non locutus sum ad eos, visionem mendacem & divinationem, & fraudulentiam, & seductionem cordis sui prophetant vobis. Item Matt. 7. & Christus ipse: Attendite a falsis Prophetis qui veniunt ad vos in vestimentis v. 15. oviuum, intrinsecus autem sunt lupi rapaces. Et: Si quis vobis dixerit, Ecce hic est Christus, aut illie, nolite credere. Rursus: Nolite omni spiritui credere, sed v. 24. v. Joan. 4. probate si spiritus ex Deo sunt. S. Petrus Epistolæ 2. cap. 1. v. 20. decretorie v. 1. pronunciat, Oninis propheta Scripturæ propria interpretatione non sit. Non enim voluntate humana allata est aliquando propheta; sed Spiritu Sancto inspirati locuti sunt sancti Dei homines. Denique S. Paulus ad Titum 3. v. 10. jubet haereticum hominem post unam & secundam correptionem devitari, quia proprio iudicio condemnatus ille est. Porro si existimatasset Apostolus privatum spiritum unicuique certam esse fidei regulam, non dixisset haereticum proprio suo iudicio condemnatum esse; imo magis probatum, hunc suum spiritum sequendo. Condemnatum igitur idcirco asserit Apostolus, quia sciens ac volens Ecclesiæ monentis ac corripiens Judicio atque sententiæ non acquiescit.*

*Probatur tertio Principem sæcularem Jedicem non esse controversiarum fidei.*

Brentius in Confessione Vviterbergensi cap. de sacra Scriptura, & copiosius in Prolegomenis contra Petrum a Soto, duo docet: primo, non licere in causa æternæ salutis alienæ sententiæ ita inhærere, ut eam sine nostro ipsorum iudicio amplectamur; secundo, ad unumquemque hominem privatum pertinere de doctrina Religionis judicare, & veram a falsa internoscere. Sed hoc interesse inter privatum & Principem, quod ut privatus privatam, ita Princeps publicam habet de doctrina Religionis potestatem judicandi & decidendi. Et toto fere Libro hæc duo probare nititur; quod Princeps sæcularis teneatur cogere subditos, etiam mortis supplicio, ad eam fidem, quam ipse iudicat esse veram; & simul, quod subditi obligentur sequi proprium iudicium, non alienum, cujuscumque fit: nec advertit Brentius quam hæc sint absurdæ & inter se pugnantia, ut teneatur Princeps jubere, & subditi teneantur non obedire: sed Brentium mittamus.

Certum est Principi sæculari hanc a Deo potestatem datam non fuisse, ut Judge se deat in causis fidei, easque dirimat. Nullibi privilegium Rom. 13. istud legimus in Scripturis. *Est quidem (Princeps) Dei minister, (eaque de causa glaudium portat) vindex in iram ei qui malum agit: est legum Ecclesiæ, ac dogmatum Religionis custos, assertor, vindex, protector, qui acceptam a Deo potestatem convertere maxime tenetur in præsidium, tutelam & columnam Catholicæ Ecclesiæ; at arbiter non est nec Judge supremus controversiarum fidei.* Ex illis non est quibus dictum fuit: *Eun-*

*Mattb. 28. v. 19. tes docete omnes gentes, baptizantes. Accipite Spiritum Sanctum, quorum remiseritis peccata remittuntur eis. Attendite vobis, & universo gregi in quo vos Joan. 20. Spiritus Sanctus posuit Episcopos regere Ecclesiam Dei, &c.*

Princeps aliquando Episcopus exterior appellatur, non quidem a spirituali Ordinis potestate, sed a cura, sollicitudine, protectione, qua res Ecclesiæ juvat ac promovet. Distincti omnino sunt utriusque potestatis, spiritualis & temporalis, fines ac limites, nec una in aliam excurrere potest: non spiri-

spiritualis in temporalem, non temporalis in spiritualem. Ne te rebus mi- Apud  
sceas Ecclesiasticis, scribebat Christiana libertate Osius Episcopus Cordubensis ad Imperatorem Constantium, neu nobis bis de rebus preceptam mades; sed a sanctum Athanasiūm  
nobis potius hac edicas. Tibi Deus Imperium tradidit, nobis Ecclesiastica concre- Ep. ad  
ditid. Ac quemadmodum qui tibi Imperium subripit, Deo ordinanti repugnat; ita solita- riam vi-  
metue, ne si ad te Ecclesiastica pertrahas, magni criminis reus fias. Reddite, scri- tamen a-  
pium est, quæ sunt Cæsaris, Cæsari; & quæ sunt Dei, Deo. Neque nobis igitur T. 1. p.  
terre imperare licet, neque tu adolendi habes potestatem. S. Ambrosius Epist. 21. 371. A.  
alias 32. ad Imperatorem Valentinianum Juniorem, qui ab Arianiis depravatus 371. p.  
volebat de rebus fidei judicare: Certe, inquietabat, si vel Scripturarum 861. A.  
seriem divinarum, vel vetera tempora retractemus, quis est qui abnuat, in causa P. 862.  
fidei, in causa, inquam, fidei Episcopos solere de Imperatoribus Christianis, (id E.  
est, de fide eorum) non Imperatores de Episcopis, (id est, de eorum fide) memoriæ  
judicare? Eris, Deo favente, etiam senectutis maturitate protectior, & tunc de  
hoc censem, qualis Episcopus sit, qui laicis jus sacerdotale substernit. Pater tuus  
vir maturioris ævi, dicebat: Non est meum judicare inter Episcopos; tua nunc  
dicit Clementia: Ego debeo judicare, & infra: Si conferendum de fide, Sa- P. 862.  
cerdotum debet esse ista collatio, sicut factum est sub Constantino auguste memo- E.  
riæ principe, qui nullas leges ante præmisit, sed liberum dedit judicium Sacer-  
dotibus. Factum est etiam sub Constantio auguste memorie Imperatore, paternæ  
dignitatis herede. Sed quod bene cœpit, aliter consummatum est. Nam Epi-  
scopi sinceram primo scriperant fidem: sed dum volunt quidam de fide intra  
Palatium judicare, id egerunt, ut circumpscriptionibus illa Episcoporum judicia  
mutarentur. Observa hic, laicos in domo Principis, dum volunt de sen-  
tentia Episcoporum judicare, in errorem incidere meruisse.

Vel ipsi Imperatores agnovere sibi jus non esse de rebus fidei ac Religionis decernere.

Constantinus, teste Eusebio L. 3. de vita Constantini c. 10. in Concilio Nicano non prius assedit, quam Episcopi, ut sederet, annuissent: quo signo satis indicavit, se Concilio non præesse. Deinde finito Concilio scripsit Epistolam omnibus Ecclesiis, quam ibidem integrum refert Eusebius, in cuius fine sic ait: Quæ cum ita sint, cælestem gratiam & plane Edi-  
divinum mandatum libenter suscipue. Quicquid enim in sanctis Episcoporum Vales. p.  
Conciliis geritur, id omne ad divinam referendum est voluntatem. 494. B.

Theodosius junior, in Epistola ad Synodum Ephesinam: Igitur, in- Tom. 3.  
quit, Candidianum præclarissimum sacerorum domesticorum Comitem ad sacram ve- Conc. p.  
stram Synodum abire jussimus, sed ea lege & conditione, ut cum questionibus & 441. E.  
controversis quæ circa fidei dogmata incident, nihil quidquam commuuae habeat:  
nefas est enim qui sanctissimorum Episcoporum catalogo adscriptus non est, il-  
lum Ecclesiasticis negotiis & consultationibus sese immiscere.

Martianus Imperator Lib. nem. cap. de Summa Trinitate & fide Ca-  
tholica: Injuriam, inquit, facit judicio Reverendissimæ Synodi, qui semel  
judicata revolvere, & disputare contendat.

Denique, ut alios missos faciamus, Basilius Imperator in VIII. Synodo Tom. 8.  
sic loquitur: De vobis autem, inquit, Laicis, tam qui in dignitatibus, quam Conc. p.  
qui absolute conversamini, quid amplius dicam non habeo, quam quia nullo modo 1154. C.  
vobis licet de Ecclesiasticis causis sermonem movere, neque penitus resistere inte-  
gritati Ecclesiae, & universalis Synodo adversari. Hoc enim investigare & qua-  
tere,



vere, Patriarcharum, Pontificum & Sacerdotum est, qui regiminis officium sortiti sunt, qui sanctificandi, qui ligandi & solvendi potestatem habent, qui Ecclesiasticas & celestes adepti sunt claves: non nostrum qui passi debemus, qui sanctificari, qui ligari, vel a ligamento solvi egemus. Addit ibidem Imperator praedecessores suos Imperatores Constantium, Theodosium, Martianum, &

Ibid. p.  
1455.

alios nusquam in Synodis subscriptissime nisi hos omnes Episcopos.

Revera Conciliis aliquando interfuerunt Principes, aut aliquos nomine suo ad ea direxerunt, non quidem ut fidei Judices, sed ut protectores & quasi custodes, qui Concilii disciplinam promoverent, removerent tumultus & coitiones, Episcopis pacem ac libertatem ex officio tuerentur.

*Probatur denique solam Ecclesiam esse supremum & infallibilem Judicem controversiarum fidei.*

Necessario admittenda est in Ecclesia Christi regula quedam viva & spirans, quae supremo suo Judicio enatas de rebus divinis controversias dirimat & componat: atque regula ista seu Judex non potest esse Scriptura, neque spiritus revelans privatus, neque Princeps secularis; ergo est ipsamet Ecclesia, id est Summus Pontifex, Episcopi, sive in Concilio, sive extra Concilium, quos Spiritus Sanctus posuit Episcopos regere Ecclesiam Dei.

Minor propositio ex jam dictis ac probatis demonstrata manet. Major vero tam certis & invictis momentis probatur, ut a nemine, quan*z* mentis fuerit, negari possit.

I. Quia ad divinam pertinet providentiam, Judicem illum supremum controversiarum fidei statuere. Ita S. August. L. de utilitate credendi, c.

T. 8. p. 16. Si Dei providentia, inquit, non præsidet rebus humanis, nihil est de Religione satagendum. Sin vero (præsidet ....) non est desperandum ab eodem ipso Deo auctoritatem aliquam constitutam esse, qua velut gradu certo innitentes atOLLANUR in Deum .... Paullo ante dixerat: Sola est auctoritas quæ commovere possit stultos (hoc est adhuc ipsius rei ignaros) ut ad sapientiam festinent. Quod Augustini dictum, maxime locum habet in fidei Religio-

1. Cor. 3. quisque Judicio, in quo vel ipsa mundi sapientia est, si postposita auctoritate, divina mysteria humano sensu investigare voluerit.

II. Mysteria fidei nostra totidem facta sunt a Deo revelata: factorum autem veritas, non ratione, sed una auctoritate dignosci potest. Christus facta illa seu Mysteria suis Apostolis revelavit, quos docuit omnem veritatem:

Joan. 16. Apostoli vero iis, quos Episcopos instituerunt, tum viva voce, tum scriptis eam tradiderunt; isti vero suis immediatis successoribus, & ita deinceps continua & nusquam interrupta traditione quasi per manus ad nos usque veritas fidei deducta est, cuius Episcopi & testes sunt, & Judices necessarii. Testes quidem, quia testantur hanc vel illam doctrinam suis Ecclesiis traditam esse, receptam, & in iis conservatam; Judices vero, quia huic doctrinæ contrariam, si quæ postmodum invelhatur, ut novam, peregrinam,

Galat. 1. ac spuriam damnant ac rejiciunt: monente ac jubente Apostolo, Si quis vobis

v. 9. evangelizaverit præter id quod accepistis, anathema sit. Jam dixerat: Licet nos,

ib. v. 8. aut Angelus de celo evangelizet vobis præterquam quod evangelizavimus vobis, anathema sit. Judices autem idcirco sunt, quia testes: non enim alia de causa

judicant doctrinam aliquam falsam esse quam quia adversantur illi, quam

perpetuo suis in Ecclesiis viguisse, & etiamnum vigere testes ipsi sunt,

III. Na.

III. Natura Mysteriorum Dei, quæ tota in abstruso ac recondito posita est, & conditio ipsa fidei, quæ est rerum non apparentium, in cuius obsequium captivandus est intellectus noster, viam postulat, non examinis & discussionis, cuius & paucissimi capaces sunt, ac labor immensus, & exitus incertus, sed viam auctoritatis, & quidem infallibilis, quæ sola potest obsequium mentis imperare, & omnem altitudinem extollentem se adversus scientiam Dei reprimere, & quidem absque ullo labore: *Auctoritati enim credere, ait S. Augustinus, magnum compendium est, & nullus labor.*

Atque hunc in finem Christus Ecclesiæ suæ dedit quosdam quidem Apostolorum, quosdam autem Prophetas, alios vero Evangelistas, alios autem Pastores & Doctores, ad consummationem Sanctorum in opus ministerii, in edificationem Corporis Christi ... ut jam non simus parvuli fluctuantes, & circumferamur omni vento doctrinæ in nequitia hominum, in astutia ad circumventionem erroris. Pastorum munus & officium est dijudicare, quæ salutaria, quæ vero noxia sunt pascua; & ad illa populum cohortari, ab his vero avertere.

IV. Nisi auctoritatis vinculo levis & inconstans retineatur humana mens, nihil erit in Religione fixum ac ratum: unusquisque in sensu suo abundans ad arbitrium dogmata fidei definiet, quæ tot futura sunt, quot erunt hominum capita; neque enim privatus quilibet id juris habet, ut alios in sententiam suam pertrahat: hinc æternas esse oportebit & interminabiles excitatas circa fidem ac Religionem controversias.

Ad hæc omnia accedit tum auctoritas SS. Patrum, tum constans ac perpetua Ecclesiæ praxis.

Ex sanctis Patribus unum & alterum appellabimus.

Sanctum Irenæum Lib.3. adv. hær. c.4. Non oportet, inquit, adhuc quære- P. 179.  
re apud alios veritatem, quam facile est ab Ecclesia sumere; cum Apostoli, quasi in depositorum dives, plenissime contulerint omnia quæ sunt veritatis, ut omnis qui-  
cumque velit, sumat ex ea potum vitæ. Hæc enim vitæ introitus; omnes autem reliqui fures sunt & latrones. Propter quod oportet devitare quidem illos: quæ autem sunt Ecclesiæ, cum summa diligentia diligere & apprehendere veritatis traditionem.

S. Augustinus Lib.1. contra Crescon. c.32. Cum ista quæstio ( de Baptismo Hæreticorum ) fluctuaret, & varias haberet inter se collegarum salva unitate sententias, hoc per universam Catholicam observari placuit quod tenemus. To. 9 p.  
407. D.

Et cap. 33. Scripturarum etiam a nobis tenetur veritas, cum hoc facimus, quod universæ jam placuit Ecclesiæ, quam ipsarum Scripturarum commendat auctoritas. Ibid. F.

Denique notum est famosum illud Augustini dictum Libro contra Epistolam fundamenti cap. 5. Ego vero Evangelio non crederem, nisi me Catholicæ Ecclesiæ commoveret auctoritas.

Et istud Lib. de utilitate credendi cap. 17. Ecclesiæ nolle primas dare, ibid. p.  
vel summa profectio impietatis est, vel præcipitis arrogantiæ.

Usu autem perpetuo ac constanti praxi Ecclesiæ auctoritatem suam in cognoscendis fidei caussis omni ævo exercuisse, res est tam certa & omnibus explorata, ut probatione non indigeat. Vel ipsa primi Concilii Jerosolymitani in causa Legalium, historia, quæ refertur, Act. 15. hujusce auctoritatis peremptorium exemplum est. Vide Bellarminum To. 1. p.  
Lib. 3. de verbo Dei cap. 5. & 6. 58. & 59

Imo vel ipsi Calvinistæ sui privati spiritus quasi parum memores, coacti sunt

sunt ad auctoritatem plenariae Synodi Dordracenæ confugere, ut exortam inter Arminianos seu Remonstrantes ex una parte, & Gomaristas ex altera, molestam de Gratia & prædestinatione controversiam dirimerent. Quin & in Synodo Aleciensi anno 1620. in Galliis celebrata, decretum est, ut omnes & singuli juramento affirmarent, se statuta Dordracena accipere, ac doctrinam Arminianorum rejicere. Et in c.5. Disciplinæ Ecclesiasticæ art.31. ubi sermo est de dissidiis quæ circa doctrinam vel disciplinam oriri possunt, dicitur, quod si neque privata monita, neque Colloquium, neque Provincialis Synodus finem his controversiis imponere potuerint, ad Synodum Nationalem caussa remittetur, nt supremo ac definitivo Judicio finiatur, lege omnibus imposita, ut Concilii statutis sese subjiciant; sin vero reluctentur, ejiciantur ab Ecclesia. Inde est quod Philippus Melanthon in Locis cap. de Ecclesia, non recusat Ecclesiam simul & Scripturam Judicem controversiarum agnoscere. *Quis, inquit, erit Judex, quando de Scriptura sententia dissensio oritur, cum tunc opus sit voce dirimentis controversiam?* Respondeo, ipsum Verbum Dei est Judex, & accedit confessio vera Ecclesie.

### S O L V U N T U R O B J E C T I O N E S .

Ad tria universim capita revocari possunt, quæ hic ex Scripturis potissimum opponere nobis solent Novatores.

I. Ad ea quæ innuunt Christianos immediate a Deo per internam unctionem edoceri, nec alium illis esse Magistrum, quam Deum.

II. Ad ea quæ invitant homines & hortantur ad scrutandas Scripturas, adeoque ad examen & discussionem eos revocant, non ad auctoritatem.

III. Denique, ad ea quæ significare videntur unam sufficere Scripturam. Objicies itaque I. Homines Christiani a solo Deo per unctionem internam edocentur, nec alium magistrum illi habent quam Deum.

*Isaie 54. v. 13. Ponam . . . universos filios tuos doctos a Domino, & Joan. 6. v. 45. Erunt omnes dociles Dei.*

Jacobi 1. vers. 5. *Si quis vestrum indiget sapientia, postulet a Deo, qui dat omnibus affluenter, & non improferat: & dabitur ei.*

Primæ Joan. 2. v. 27. *Non necesse habetis ut aliquis doceat vos, sed unicuius ejus docet vos de omnibus, & cap. 5. v. 10. Qui credit in Filium Dei, habet testimonium Dei in se.* Unde Christus ipse Joan. 5. vers. 34. ait: *Ego non ab homine testimonium accipio.*

Jeremiæ 31. vers. 34. *Non docebit ultra vir proximum suum, & vir fraterem suum, & vers. 33. Dabo legem meam in visceribus eorum, & in corde eorum scribam eam, & ero eis in Deum.*

Joan. 10. v. 27. *Oves meæ vocem meam audiunt, & cap. 16. vers. 13. Cum venerit Spiritus veritatis, docebit vos omnem veritatem*

Denique, Matth. 23. v. 8. *Vos autem nolite vocari Rabbi: unus est enim magister vester Christus.* Igitur solo interno doctore Deo veritas nobis innotescit absque præsidio Ecclesie.

Resp. ex his locis hæc duo tantum inferri merito posse, quæ verisimiliter sunt, nec spiritui privato revelanti favent.

Primum est, Deum non amplius, sicut in veteri Lege contigit, homines *Hebr. 1. docere per Prophetas, sed per Christum Filium suum. Multis modis, ait vers. 1. sanctus Paulus, Deus loquens patribus in Prophetis, novissime diebus istis locutus*

*est nobis in Filio.* Sensum hunc subindicare videtur Jeremias citato c. 31.  
v. 22. his verbis: *Creavit Dominus novum super terram, femina circumdabit virum;* quæ certe futuram Verbi incarnationem prænunciant. Porro Christus, qui per semetipsum homines docuit, Apostolos, Pastores & Doctores a ministerio verbi non exclusit, imo eos suæ dedit Ecclesiæ, Ephes. 4. v. 11. & seq. Verum consuetudo est Scripturæ, ut quæ Deus principaliter facit, ea illi sic tribuat, ac si solus omnino sine aliquo instrumento ficeret, idque ea de caussâ, quod ipse quoque vim instrumentis ad operandum subministret. Unde simpliciter Apostolus ait: *Neque qui plantat est aliquid, neque qui rigat, sed qui incrementum dat Deus.* Et Christus ipse: *Non enim vos estis qui loquimini, sed Spiritus Patris vestri, qui loquitur in vobis.* Non quod nihil homo agat, cum mediante gratia plantat & rigat; aut Apostoli non loquerentur, cum a Tyrannis & persecutoriis interrogati respondebant, sed quod omnis actio bona in primam ac nobilioriem caussam, Deum nempe ejusque celeste auxilium, referenda sit.

*I. Cer. 3.  
vers. 7.  
Matth.  
10. v. 20*

Alterum est, Deum per se ipsum, interioris gratiæ influxu mentem illustrare, ac mouere voluntatem, dum Pastores & Doctores exterius insonant, verbum Dei annuncianto: nisi enim Deus ad externam verbi prædicationem, aures cordis interius adaperiat, evanescit illa, ac plane ad salutem inutilis evadit.

Ita exponit sanctus Augustinus Tract. 3. in Epist. S. Joan. n. 13. *Vide-* Tom. 3.  
*re, Fratres,* inquit, *magnum Sacramentum.* *Sonus verborum nostrorum aures part. 2.*  
*percutit, magister intus est.* *Nolite putare quemquam aliquid discere ab homine.* p. 849. E  
*Admonere possumus per strepitum vocis nostra:* *si non sit intus qui docet, inani-* Ibid. F  
*bus fit strepitus noster.* Et paucis interpositis: *Cathedram,* inquit, *in celo* *babet qui corda docet.* Propterea ait & ipse in Evangelio: *Nolite vobis dice-*  
*re magistrum in terra, unus est magister vester Christus.*

Quod vero ait Christus, *Ego non ab homine testimonium accipio,* verum. Jean. 5.  
est; a Deo enim ipso a quo missus est, immediate testimonium acce- v. 34.  
pit. Sensus igitur est, doctrinam Christi non indigne humano testi-  
monio, ut ab illo vim & robur haberet, sed eo tamen opus habuisse,  
ut secundum consilium Dei & rationem ab ejus providentia præfixam,  
propagaretur; id est, ut ei homines fidem haberent: dixit enim Christus,  
*Eritis mihi testes in Jerusalem & in omni Iudea.* Ergo non omne  
hominum ministerium excludit. Ex qua responsione facillimum est, sin-  
gula, quæ objecta sunt, testimonia explicando dissolvere.

*Act. 1.  
vers. 8.*

Objicies 2. ea testimonia quibus invitantur Christiani ad scrutandas Scripturas, ut nempe ab illis & fidei & morum regulam ediscant.

*Solvun-*  
*tur testi-*  
*monia*  
*secundi*  
*ordinis.*

Joannis 5. vers. 39. *Scrutamini Scripturas,* ait Christus. . . . . illæ sunt  
quæ testimonium perhibent de me.

Act. 17. v. 11. de Bergensibus dicitur: *Suscepérunt verbum cum omni aviditate, quotidie scrutantes Scripturas, si hæc ita se haberent.*

I. Ad Thessalon. 5. v. 21. *Omnia probate, quod bonum est tenete, & i. Joan.*  
4. v. 1. *Nolite omni spiritui credere; sed probate spiritus si ex Deo sunt.*

Joannis 7. v. 17. *Si quis voluerit voluntatem ejus facere, cognoscet doctrinam, utrum ex Deo sit, an ego ex me ipso loquar.*

Qui Scripturas scrutatur fit homo spiritualis: porro *spiritualis homo*  
*judicat omnia, & ipse a nemine judicatur.* i. Cor. 2. vers. 15.

Resp.

Resp. ad primum, merito ad scrutandas Scripturas eos remitti, qui factum negant, quod est in Scripturis expressum. Christus, Joan. 5. disputat cum Judæis, qui negabant ipsum esse Filium Dei. Probat vero Christus quatuor testimonii: 1. testimonio Joannis Baptiste; 2. testimonio miraculorum; 3. testimonio Dei Patris; 4. testimonio Scripturam veteris Testamenti, *Scrutamini, ait, Scripturas, quia vos putatis in ipsis vitam æternam habere;* & illæ sunt quæ testimonium perhibent de me; & non vultis venire ad me ut vitam habeatis.

An vero ita remittuntur ad Scripturas, ut eas secluso quolibet alio testimonio ad privatum suum sensum intelligent? Minime profecto: quandoquidem ad testimonium Joannis Baptista, ad miracula ipsa quæ Christus palam operabatur, & ad claram vocem Dei Patris testantis hunc suum esse Filium bene dilectum in quo sibi bene complacuit, remittebantur; sed frustra: *Obiuti enim erant sensus eorum, & velamen possum erat super cor eorum.* Ergo plus nocet adversariis locus ille Joan. 5. quam faveat.

Deinde vero, Catholici ultro Scripturarum examen & lectionem iis permittunt, qui illius capaces sunt, qui eas animo non curioso, non critico, nec superbo legunt, sed modesto ac demisso, instructionis ac pietatis causa. Qui sic affecti ad earum lectionem accedunt, longe profecto absunt ut sensus Scripturarum, ac controversiarum fidei sese judices & arbitros constituant. Inde facilis est & aperta responsio ad id quod de Beroensibus dicitur Act. 17. Scilicet cum illi audirent Paulum quædam veteris Instrumenti citantem, quibus adstruebat Christi mortem & Resurrectionem, scrutabantur an iis ipsis testimonii, quæ a Paulo referebantur, consentanea forent: non eo quidem animo ut dubitarent de morte & Resurrectione Christi, quippe quæ satis ab Apostolo per splendida miracula confirmata fuisset; (1. Thesal. 1. v. 5.) sed magis ut in fide confirmarentur, si viderent ea, quæ Paulus prædicabat, multo ante per Prophetas prævisa & præsignificata fuisse. Ex isto porro sensu, quid, obsecro, concludent adversarii? Nihil certe ad rem de qua agitur. Neque enim Beroenses Scripturas eo animo scrutabantur, ut aut de illis proprio suo sensu judicarent, aut eas impugnarent, sed ut de facto, quod Paulus laudabat, fierent certiores. *Quamvis enim, ait Bellarminus L. 3. de verbo Dei c. 10. Paulus esset Apostolus, nec posset falsam doctrinam prædicare, tamen non constabat hoc initio Beroensibus, nec tenebantur mox credere, nisi prius viderent miracula, aut alias probabiles rationes credendi.* Itaque cum Paulus probaret illis Christum ex oraculis Prophetarum, merito illi scrutabantur Scripturas, an hoc ita se haberent. *At Christiani, quibus constat Ecclesiam non posse errare in explicanda doctrina fidei, tenentur eam recipere, & non dubitare, an hoc ita se habeant.*

*T. I. p. 63. H.* Addo etiam, pergit Bellarminus, quod etiæ Hæreticus peccat dubitando de auctoritate Ecclesiæ in quam per Baptismum regeneratus est, neque est eadem conditio Hæretici, qui semel fidem professus est, & Judæi aut Ethnici qui nunquam fuit Christianus: tamen posito hoc dubio, & hoc peccato, non m'æ facit scrutando & examinando an loca Scripturæ & Patrum, a Concilio Tridentino prolatâ ita se habeant, modo id faciat intentione inveniendi Veritatem, non calumniandi. Debet quidem ille sine examine recipere doctrinam Ecclesiæ: tamen melius est, ut examinando præparetur ad Veritatem, quam negligendo remaneat in suis tenebris. Hactenus Bellarminus.

Ad secundum, ex capite 5. 1. ad Thessal. & c. 4. 1. Joannis, Paulus & Joannes loquuntur in casu seu hypothesi dubiæ ac incertæ revelationis. Scilicet multi ex fratribus tamquam prophetantibus sermones circumferebantur, quos nec generatim contemni, nec etiam promiscue recipi jubent Apostoli: *Prophetias nolite spernere: verum, omnia probate, quod verum est tenete.* Idest, omnia quæ dicuntur a fratribus tamquam cœlitus inspiratis, diligenter expendite, discutite, & dijudicate qualia sint: quidquid invenieritis bonum, & sanæ doctrinæ consentaneum, id retinete. His igitur verbis, *omnia probate*, non omnia simpliciter & absolute complectitur Apostolus, sed ea dumtaxat quæ nova circumferebantur a fratribus, & nondum probata erant, sed incerta & dubia, quæ dijudicari prius oportebat, quam reciperentur, secundum id quod idem Apostolus præcipit Corinthiis, dicens: *Prophetæ duo aut tres dicant; & ceteri dijudicent.* Ea vero quæ a seipso ceterisque Apostolis tradita erant Ecclesiis, ac certissima erant, non dijudicari vult, sed teneri. *Tenete,* inquit, alloquens Theſſalonicenses, *traditiones quas didicistis five per sermonem, five per Epistolam nostram, & 1. Cor. i. 1. v. 2. Laudo vos quod sicut tradidi vobis præcepta mea tenetis.*

Ad quos autem Apostolus remittit, ut dijudicent eos, qui circumferabantur, fratrum sermones, inspirationes, seu prophetias? An ad privatum quemlibet? neutquam. *Prophetæ duo aut tres, ait, dicant, & ceteri dijudicent.* Nempe vel Prophetæ, vel doctiores & aliis præfecti. *Perfectorum enim est solidus cibus; eorum, qui pro consuetudine exercitatos habent sensus ad discretionem boni ac mali,* ait Apostolus Hebr. 5. vers. 14. *vel denique ii, qui spirituales sunt, non animales. Animalis quippe homo, non percipit ea, quæ sunt spiritus Dei; spiritualis autem judicat omnia, & ipse a nemine judicatur.*

Ita vero ad spirituales de rebus divinis judicare pertinet, ut tamen ultimo ac definitivo judicio controversias fidei dirimere non possint. Et quidem, ait Bellarminus, loco mox citato, duplii de causa: 1. quia non sumus certi certitudine fidei, quinam sint isti spirituales, sicut certi sumus, visibilem Christi Ecclesiam, adversus quam portæ inferi nusquam prævalebunt, suprema au&toritate instructam esse, ut circa negotia Religionis decretorie pronunciet; 2. quia scimus etiam maxime spirituales non semper illustrari, & quadam interdum ignorare, ut patet de Heliſeo, qui duplēm habebat spiritum Eliæ, & tamen dicit, 4. Regum 4. Dominus celavit hoc a me, & non indicavit mibi.

Quod ergo, inquires, significat illud, *judicat omnia?* Dico significare omnia tam spiritualia, quam temporalia, tam cœlestia, quam terrena. Dixerat enim Apostolus, homines animales non percipere quæ Dei sunt, sed tantum judicare posse de rebus terrenis: nunc autem dicit spirituales judicare omnia, idest, & terrena, & divina. Non tamen sequitur quod possit omnia divina: nam quis ignorat multos veterum Patrum habuisse insigniter donum interpretandi, & fuisse spirituales? Et tamen constat quosdam ex præcipuis eorum non leviter in quibusdam lapsos.

Cum vero Joan. 7. Christus ait: *Si quis voluerit voluntatem ejus facere qui misit me, agnoscet de doctrina mea, utrum ex Deo sit:* non hoc intendit, viros omnes bonos solo titulo probitatis & sanctitatis, per se intelligere posse omnia loca Scripturarum obscura & difficilia; sed hoc unum ibi vult

Chris-

Christus, nempe viros justos & probos carere impedimentis quibusdam, propter quæ alii quidam, nec per se, nec per alios, fidei veritatem intelligere possint. Cupiditas enim gloriæ v. g. pecuniarum & similiū rerum, oculos excæcat. Unde Joan. 5. v. 44. *Quomodo vos potestis credere, qui gloriam ab invicem accipitis?* & Lucæ 16. v. 14. *Audiebant hec omnia Pharisæi, qui erant avari, & deridebant eum.*

Ex his omnibus clarum est, ea, quæ secundo loco citata sunt, Scripturæ loca, nihil juvare spiritum illum revelantem, ad quem Novatores velut ad judicem controversiarum fidei recurunt: 1. quia loquitur Apostolus in hypothesi dubit ac incertæ doctrinæ: nos vero hic loquimur de doctrina quæ sit publico Ecclesiæ Judicio definita & probata; 2. quia ad sensum privatorum non remittit Apostolus, ut dignoscatur quænam vera sit doctrina seu inspiratio; sed ad Prophetas, ac perfectos, ad eos qui exercitatos habent sensus ad discretionem boni ac mali; 3. quia homo quilibet spiritualis non ex certa & publica auctoritate, cui omnes adherrere teneantur, divina judicat, sed ex præsumptione tantum ac quadam fiducia: quæstio vero est inter Novatores & nos, de auctoritate Judicis certa, publica, & erroris nescia; 4. denique, probitas & sanctitas hominis removet quidem nonnulla impedimenta, quibus multi retardantur, ne certo veritatem degant; sed non omnem certo ac semper errorem excludit ac removet.

*Solvuntur teſtimonia tertioris ordinis.* Objicies 3. ea Scripturæ loca quæ innuant solam Scripturam sufficere ad certum de fide ac doctrina judicium.

*II. Ad Timoth. 3. vers. 16.* *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus,* ergo, inferunt Novatores, est sufficiens.

*III. ad Tim. 4. vers. 1.* Resp. falsam omnino ac distortam esse consequentiam: quasi iden foret utile, ac sufficiens; & id omne sufficere, quod est utile. Utilis est eleemosyna ad salutem: an sola sufficit? Utilis est vetus Scriptura: an sola nobis sufficit? Utilis erat Apostolo Marcus: an sufficiens? an inutilis Timotheus? Apage nugas hujusmodi.

*II. Opponunt ista ex cap. 22. v. 16. 17. 18. Apocal.* Contestor omni audienti verba Prophetæ Libri hujus: si quis apposuerit ad hec, apponet Deus super illum plagas scriptas in Libro isto. Et si quis diminuerit de verbis Libri Prophetæ hujus, auferet Deus partem ejus de Libro vita.

Resp. hæc ad rem præsentem non esse. Neque enim Ecclesia Judex controversiarum Scripturis quidquam addit, aut ab ipsis detrahit; absit: custos illa est depositi, quod integrum & illæsum servat: textum Scripturæ ex officio exponit, non auget, non minuit.

*III. Addunt quod ait Apostolus 1. Cor. 12. v. 11.* *Hæc omnia operatur unus & idem Spiritus, dividens singulis prout vult.* Ergo donum illud interpretationis nulli homini, nulli societati alligatum est.

*Matth. 16. v. 18. Ibid. 28.* Resp. nego conseq. Apostolus citato loco loquitur de particularibus seu privatis hominibus; ac dicere vult, non dari omnibus hominibus passim donum interpretandi Scripturas: ex quo non sequitur illud Ecclesia non concedi, de qua dicitur: *Portæ inferi non prævalebunt. Vobis cum sum omnibus diebus.*

*Objicies 4. Si Pontifex vel Ecclesia de Scripturis judicat; ergo Pontifex.*

tis ex vel Ecclesia est supra Scripturam. Pariter , si Scripturae sensus sine interpretatione Ecclesiae non est authenticus ; ergo verbum Dei robur & firmitatem accipit ab Ecclesia .

Resp. falsam omnino esse utramque illationem .

Prima in mera æquivocatione nominis fundatur . Duobus enim modis intelligi potest Ecclesiam judicare de Scripturis : 1. ita ut judicet an vera vel falsa sint quæ docet Scriptura ; 2. ita ut judicet quis sit legitimus Scripturae sensus . Si re ipsa primo modo de Scripturis Ecclesia pronunciaret , ipsis superior supponeretur : at non ita est . Namque tamquam certissimum & indubitatum habet Ecclesia , ea vera esse , quæ in Scripturis revelata exprimuntur : judicat ergo dumtaxat Ecclesia de sensu Scripturae recto ac legitimo ; unde non sequitur , Ecclesiam esse supra Scripturam , sed tantum eam esse supra judicia privatorum hominum .

Secunda etiam consecutio absurdæ & falsa est . Cum enim , ut mox diximus , Ecclesia de veritate eorum quæ in Scripturis continentur , non judicet , sed de vario , qui ipsis affingitur , sensu ; non sequitur Scripturam ab Ecclesia roboris aliquid & firmitatis trahere : quippe Scriptura verior aut certior non est , quia sic ab Ecclesia exponitur ; sed talis sententia seu interpretatio Scripturarum est verior , quando ab Ecclesia confirmatur .

Objicies denique . Nondum satis constitutum & ratum est inter ipsos Catholicos , in quo præcise residet & collocanda sit suprema auctoritas judicandi de rebus fidei : an in solo Summo Pontifice , sine Episcopis ; an in Episcopis , sine Pontifice ; an in sola Ecclesia coacta in Conciliis Generalibus ; an vero in illa etiam per orbem dispersa , & in Conciliis Episcoporum particularibus congregata ; an , judicante Pontifice , quis & qualis Ecclesiarum dispersarum consensus sufficiat , & necessarius sit : expensus vel tacitus , omnium vel majoris Episcoporum partis ; an Concilium Pontificia definitioni pondus conferat , vel potius Pontificis definitio , Concilio : de hisce omnibus disputant inter se Orthodoxi ; ergo tamquam fidei Catholicae caput proponere non debent , solam Ecclesiam Judicem esse supremum controversiarum fidei .

Resp. consentire inter se Catholicos omnes , supremam de rebus fidei dijudicandis auctoritatem , non in sola Scriptura , non in spiritu privatis revelante , non in Principibus secularibus positam esse , sed in una Ecclesia ; quod unum in præsentiarum sufficit ad solvendam de Judice controversiarum quæstionem . Ceteræ vero quæstiones non ipsam controversiæ nostræ præsentis substantiam attingunt , sed modum dumtaxat , de quibus postea dicturi sumus . Quamquam in hoc conspirent omnes Catholici , quod credant Ecclesiam , seu Episcoporum omnium , aut fere omnium de aliquo fidei capite controverso consensum , certam esse & ab omni erroris periculo tutam regulam veritatis .

### ARTICULUS II.

*Qua via , quibusve modis Ecclesia suam in rebus fidei & Religionis di-judicandis auctoritatem exercuerit .*

V Ariis modis suam hanc auctoritatem Ecclesia declarat & exercet : aliquando per solos Summos Pontifices ; aliquando per Episcopos  
five

sive in Conciliis, sive extra Concilia; sive per Litteras, & consensum vel expressum vel tacitum.

*Ecclesia interdum per solos Romanos Pontifices statim judicat.*

I. Per solos interdum Romanos Pontifices statim Ecclesia pronunciat, pro eo quo illi gaudent in omni Ecclesia primatu honoris ac jurisdictionis, ac pro ea, quæ ipsis incumbit omnium Ecclesiarum sollicitudine. Ita in causa Paschatis, solus emicat Victor; in causa Baptismi Hæreticorum, solus Stephanus; in causa mæcorum, solus Zephirinus; in causa Dionysii Alexandrini, solus Dionysius Romanus; in causa Donatistarum, solus præceteris Miltiades; in causa Athanasii, solus Julius; in causa Arianae Hæreseos, soli Romani Præsules Occidentem in fide statim retinuerunt, Orientem ad fidem revocant; in causa Macedonii, solus, ante ceteros, Damasus <sup>To.1. p.</sup> eminet. Jovinianum unus Siricius confudit, cuius Judicium sequitur cum aliis Ambrosius, *Recognovimus*, ait sanctus Doctor cum aliis Provincie Mediolanensis Episcopis in Epistola ad Siricum, *recognovimus Litteris Sanctitatis tuae boni Pastoris excubias, qui diligenter commissam tibi januam serves, & pia sollicitudine Christi ovile custodias, dignus quem oves Domini audiant & sequantur.* Originem primus Anastasius in Ep. 3. ad Joan. Jerosolymitanum <sup>Conc. p.</sup> Episcopum, toto orbe Hæreticum prosequitur: *Mibi certe cura non deerit,* ait S.P. Anastasius, *Evangelii fidem circa meos custodire populos, partesque populi mei per quæque spatia diversa terrarum diffusas, quantum possum, litteris convenire, ne qua profane interpretationis origo subrepatur.* Pelagium, præ Conciliis Africanis, Pontifices Romani Innocentius, Zozimus, Bonifacius, Cælestinus, Sixtus confecere, teste Augustino & Prospero.

Innocentii auctoritatem tanti fecisse vel ipse Pelagius videri voluit, ut in fine Libelli, quem ad Innocentium transmisit, quique successor ejus Zozimo redditus est, dicat: *Hæc est fides, &c. in qua si minus perite, aut Augus. parum caute aliquid possum est, emendari cupimus a te, qui Petri & fidem & Tom. 10. sedem tenes. Sin autem hæc nostra confessio Apostolatus tui judicio comprobatur, Append. quicunque me maculare voluerit, se imperitum, vel malevolum, vel etiam non pag. 97. Catholicum, non me Hæreticum comprobabit.* Præscillianistarum insana figura Romana potissimum Sedes compressit. Merito Patres nostri, ait sanctus Apud Sanctum Zozimo Leo Ep. 15. alias 93. sub quorum temporibus hæresis hæc nefanda prorupit, per pag. 499. totum mundum instanter egere, ut impius furor ab universa Ecclesia pelleretur.

Nestorium primus impetivit Cyrilus, sed ille ipse Cælestino prosterendum reservavit. Cælestino Nestorium, Leoni Eutychetem damnanti, Ephesina & Chalcedonensis Synodi, nihil fere aliud quam subscribere se testificata sunt.

Arianos, Macedonianos, Nestorianos, Eutychianos, eti OEcumenicis Synodis obtriti fuerint, attamen & ante Synodos, & post, ab Apostolica Sede damnatos principaliter & concilios fuisse, inde maxime patet, quod pestes illæ omnes quæ Orientem totum, & Orientis Patriarchales Sedes diutissime infestarunt ac depopulata sunt, ab Occidente repulsa longius exulaverint; quod nimis Occidentalibus plagiis propriis illucescat & invigilet Apostolica Petri Sedes. De Arianis fidem faciunt Socrates l.2.c.22. Sozomenus l.3. c.12. De Macedonianis id certissimum, nusquam hac pestifera aura infectos fuisse Occidentales, qui suo consensu ad primam Synodum

dum Constantinopolitanam accedentes, ei robur & auctoritatem Synodi Oecumenicae contulerunt.

Monothelitas prima & sola Sedes Petri damnavit: Occidenti ne adreperere quidem passa est; ab Oriente tandem ipso eliminavit. Quapropter Summus Pontifex Agatho, non ad Sedis suā ostentationem, sed ad salutem publicam sic ad Imperatores scripsit: *Petri admittente praesidio, haec Apostolica ejus Ecclesia nunquam a veritatis via in qualibet erroris parte deflexa est; cuius auctoritatem, utpote Apostolorum omnium Principis, semper omnis Catholica Christi Ecclesia, & universales Synodi fideliter amplectentes, in cunctis seculis sunt, omnesque venerabiles Patres Apostolicam ejus doctrinam amplexi.*

A.C. 4.  
Synodi  
VI.  
Tom. 6.  
Conc. p.

Infinita pene sunt alia hujuscē generis exempla & testimonia, quæ 636. referre superfluum videtur.

Cum porro diximus errores a solis Summis Pontificibus, vel a sola Sede Apostolica statim ac primum exorti sunt, proscriptos fuisse, non sic intelligite, quasi, aut Episcopi ex ordinatione Christi non sint veri Judices in rebus ad Religionem spectantibus, sed meri decretorum Romani Pontificis executores, aut Summi Pontifices soli, suo non consulto ordinario Consilio, aliisque de more adhibitis prærequisitis, pronunciarē deberent; absit: non ita est. *Non enim debet Pontifex,* ait Bellarm. T. 2. p. L. 1. de Conciliis c. 11. *in controversiis fidei dijudicandis, aut solo suo iudicio 8. C. fidere, aut expectare divinam revelationem; sed adhibere diligentiam, quantum res tanta postulat, & ordinaria media; & tum demum expectare assentientem Spiritus sancti & directionem divinam.* Solos igitur diximus judicare Summos Pontifices, quia ceterorum Episcoporum sententiam ac judicium anteverterunt, ac pro jure suo Ecclesiæ laboranti occurrentes, errores prostraverunt. Perinde autem est, & in idem plane recidit, sive Pontificis Romani sententia aliorum Episcoporum suffragia præcedat, & ista sequantur; sive ista, ut aliquando contigit, præcedant, & sententia Romana confirmans accedat & subsequatur: ex illis quippe unitis ac consentientibus, certa & infallibilis exurgit Ecclesiæ definitio.

Primum hunc exercendi judicii in caussis Religionis per solos Romanos Pontifices modum, confirmat usus & consuetudo consulendi Romanos Pontifices in rebus dubiis & obscuris.

Innocentius I. Epistola 4. ad Felicem Nucerianum Episcopum: *Mirari non possumus, inquit, dilectionem tuam sequi instituta majorum; omniaque quæ possunt aliquam recipere dubitationem, ad nos, quasi ad Caput, atque ad apicem Episcopatus, referre, ut consulta videlicet Sedes Apostolica, ex ipsis rebus dubiis, certum aliquid faciendum pronunciet.*

S. Leo Epist. 12. alias 84. ad Anastasium Episcopum Thessal. c. 7. *Si forte inter ipsos, qui præsunt, de majoribus, quod absit, peccatis causa nascatur, quæ T. 1. p. Provinciali nequeat examine definiri, fraternitatem tuam de totius negotii qualitate 442. Metropolitanus curabit instruere, ut si coram positis partibus, nec tuo fuerit res sopita iudicio, ad nostram cognitionem, quidquid illud est, transferatur.*

Joannes VIII. Epistola 93. ad Episc. Arelat. *Si qua inquisitio de fide vel fortasse aliarum rerum inter Episcopos causa emerserit, quæ difficilis discerni possit, collectis duodecim Episcopis ventiletur atque decidatur: fin autem decidi nequiverit, discussa veritate ad nostrum iudicium referatur.*

Cum in Oriente gravis orta fuisset quæstio, an unus de Trinitate passus Tournely de Ecclesia. Tom. V. Pars I.

dici deberet, ea de re ad Hormisdam Summum Pontificem relatio mis-  
sa est a Justino Imperatore, Justiniano Comite, & Epiphano Episcopo  
Constantinopolitano. Salutantes igitur vestram Reverentiam, ait Justinia-  
nus scribens ad Hormisdam, petimus ut nulla præbeatur occasio, qua de tua  
Conc. p. quisquam possit ambigere voluntate; sed habentes præ oculis Judicium majesta-  
1549. C. sis supernæ, modis omnibus festinare dignemini.

D. Idem postulat a Joanne 2. Justinianus ad Imperium jam promotus.  
Ibid. p. Petimus vestrum paternum affectum, ut vestris ad nos destinatis litteris, &  
1744. C. ad sanctissimum almæ bujus Ubi Patriarcham fratrem vestrum, quoniam &  
ipse scripsit ad vestram Sanctitatem, festinans in omnibus sequi Sedem Aposto-  
licam Beatitudinis vestrae.

Consulta pariter est Sedes Apostolica circa alteram questionem, an  
nempe B. Virgo proprie Mater Dei dicenda foret. Ita narrat Liberatus  
Conc. T. Breviarii c. 20. Ad Joannem, inquit, Apostolice Sedis Praesulem missi sunt ab  
5. p. 773. Imperatore Justiniano Hypatius Ephesorum Episcopus & Demetrius a Philippis,  
C. consulere Sedem Apostolica, contra Legatos Acemetarum, Cyrus & Eulgium,  
negantes esse confitendum beatam Mariam vere & proprie Dei genitricem, &  
unum de Trinitate incarnatum & carne passum. Sed Papa Joannes, nobis ibi  
positis, hoc confitendum Epistola sua firmavit, & Imperatori direxit. A cuius  
communione discedentes Romæ quidam Monachi, Acemetarum Legatos secuti  
sunt, & usque nunc hanc de Christo confessionem non suscipiunt.

Bibl. PP. De hac controversia Ferrandus Diaconus in Epistola ad Severum Scho-  
T. 9. p. lasticum n. 1. scribebat: Nos discere parati sumus, docere alios non presumi-  
509. col. mus. Interroga igitur, si quid veritatis cupis audire, principaliter Apostolice Se-  
2. H. des Antifitem; cuius sana doctrina constat Judicio veritatis, & fulcit munimi-  
ne auctoritatis. Interroga plurimos per diversa loca terrarum Pontifices.

Cum Oriens dupli dissidio scinderetur, cui nempe ex tribus Antio-  
chiæ Episcopis communicandum esset, an Meletio, an Paulino, an Fla-  
viano; & utrum tres in Deo hypostases, an una hypostasis & tres per-  
sonæ dicendæ forent, ad Cathedram Petri, & ad Damasum recurrerit Hie-  
ronymus. Obtestor Beatitudinem tuam, inquiebat scribens ad Damasum,  
T. 4. p. 1. per Crucifixum mundi salutem, per Hemousion Trinitatem, ut mibi Epistolis  
2. p. 21. suis, five iacendarum, five dicendarum hypostaseon detur auctoritas.

Scilicet majores Ecclesiæ cauſas, (inter quas haud dubie primum lo-  
cum obtinent cauſæ fidei) ad Sedem Apostolica referre sollemnis Ec-  
clesiæ mos est.

Innocentius I. in celebri ad Victricium Rothomagensem Epistola, cir-  
ca an. Christi 404. diserte sic scribit, n. 3. Si autem majores cauſæ in me-  
Tom. 2. dium fuerint devolutæ, ad Sedem Apostolica, sicut Synodus statuit, post Epi-  
Conc. p. scopale Judicium referantur. Majores autem cauſas appellat Summus Ponti-  
1250. D. fix, quæſtiones dubias tum disciplinæ, tum fidei, ut conſtat ex Epistola  
ejusdem Innocentii paullo ante citata ad Felicem Nucerianum Episcopum.

Et in Epistola ad Concilium Milevitani, postquam Africanis Patri-  
bus gratulatus est, quod non modo commissos curæ suæ greges ab erro-  
rum labore fortiter defenserent, sed & quod Ecclesiæ quoque Romanæ ora-  
1287. D. bitor omnes fratres & Coepiscopos nostros, nonnisi ad Petrum, idest, sui no-  
E. minis & honoris auctorem referre debere, velut nunc retulit vestra dilectio.

Zozimus in Epistola quam ad Episcopos Galliae scripsit, de privilegiis Ecclesiae Arelatensis conservandis, negotia, si quæ in Provinciis quas censet, emerserint, ad Episcopi Arelatensis notitiam referri jubet, nisi, inquit, magnitudo causæ etiam nostrum requirat examen.

S. Leo Epistola jam laudata quæ est 12. alias 84. ad Anastasium Thes-<sup>Ibid. p. 1567. E.</sup>  
alon. cap. 10. Si causæ, inquit, aliqua major extiterit, ob quam rationabile ac necessarium sit fraternum advocare conventum, dignos de singulis Provin-<sup>T. 1. p.</sup>  
ciis Episcopos, quos Metropolitani crediderint esse mittendos ad fraternitatem<sup>243.</sup>  
tuam venire sufficiat .... Si autem in eo quod cum fratribus tractandum de-  
finiendumve credideris, diversa eorum fuerit a tua voluntate sententia, ad nos Cap. 11.  
omnia sub gestorum testificatione referantur.

Viligijs Papa, Epistola 2. qua Eutherii consultationibus respondet: <sup>Tom. 5.</sup>  
Quamobrem, inquit, sancta Romana Ecclesia, ejus (Petri) merito, Domini vo-<sup>Conc. p.</sup>  
ce consecrata, & sanctorum Patrum auctoritate roborata, primatum tenet omnium<sup>313. E.</sup>  
Ecclesiarum: ad quam tam summa Episcoporum negotia, & judicia atque querelæ,  
quam & majores Ecclesiarum quæstiones, quasi ad Caput semper referenda sunt.

Innocentius III. ut alios intermedios fileamus, majores causas aperte distinguit. Sunt hæc ipsius verba quæ leguntur, Libro Decretalium, Tit. 7. c. 1. Cum ex illo generali privilegio, quod Beato Petro & per eum Ecclesiæ Romanæ Dominus noster indulxit, Canonica postmodum manaverint instituta, continentia majores Ecclesiæ causas ad Sedem Apostolicam perferendas, &c.

Ad hæc omnia intuens Bernardus in Epistola 190. quæ est ad Innocentium Summum Pontificem, dicebat: Oportet ad vestrum referri Aposto-<sup>T. 1. p.</sup>  
latum pericula quæque, & scandala emergentia in Regno Dei, ea præsertim<sup>643. E. E.</sup>  
quæ de fide contingunt. Dignum namque arbitror, ibi potissimum resarciri dam-  
na fidei, ubi non possit fides sentire defectum.

Demum Præsules Gallicani 85. scribentes ad Innocentium X. ut fa-  
mosas quinque Jansenii Propositiones ipsi denunciarent, ejusque circa  
ipsas rogarent Judicium, Epistolam suam ab istis verbis auspicantur:  
Majores causas ad Sedem Apostolicam referre sollemnis Ecclesiæ mos est, quem Recueil  
fides Petri nunquam deficiens perpetuo retineri pro jure suo postulat. Æquissimæ des Bul-  
buic legi obsequentes, de gravissimo circa religionem negotio Sanctitati tue scri-<sup>71. &</sup>  
bendum esse censuimus.

Violatas ab illis Episcopis Ecclesiæ nostræ Gallicanæ Libertates con-  
questi sunt Janseniani, eo quod (ut oportuisset) de hisce propositionib-  
ibus prius inter se non judicassent Præsules Gallicani.

Verum Clerus Gallicanus in Comitiis generalibus congregatus au-  
no 1700. inter Propositiones excerptas ex Libello cui titulus, Augusti-  
niana Ecclesiæ Romanae doctrina, &c. istam quæ n. secunda est, simul  
cum aliis damnavit: Episcopi Gallicani Libertates Ecclesiæ Gallicanæ, sub Mem. du  
earum afferendarum specie, labefactarunt, super recipienda Constitutione Inno-<sup>Mem. du</sup>  
centii X. contra Jansenium. <sup>Clerge, Tom. 1. p. 717.</sup>

Hæc quatuor Propositiones, ait Censura Cleri Gallicani, quibus inquieti ho-  
mines Innocentii X. & Alexandri VII. Constitutiones, Innocentii quoque XII.  
Brevia æquissima & ab omnibus approbata aperte contemnunt, Etiscopos Gal-  
licanos rebus judicatis adhærentes incessanter maledicunt, & causam hanc de inte-  
gro retractari postulant, tamquam tot Constitutionibus Apostolicis, etiam acce-  
dente Ecclesiarum consensu, causa nondum finita fuerit, falsæ sunt, temera-

rie, scandalosæ, contumeliosæ in Clerum Gallicanum, Summos Pontifices & in universam Ecclesiam, schismatica & erroribus condemnatis faventes.

Igitur, sicut jam observatum a nobis fuit, perinde est ad firmitatem sententiae, sive solus primum de nata fidei controversia pronunciet Romanus Pontifex, & accedat aliarum Ecclesiarum consensus; sive prius Episcopi pronuncient, & Romanus Pontifex eorum subinde approbet ac ratam habeat sententiam; utrumque enim in usu est.

Aliquando ad consulta Episcoporum Pontifex respondet; aliquando Episcopi sententiam dicunt, quam ad Pontificem, ut approbetur, referunt. Audiantur Praesules Gallicani in ea, quam ad Innocentium X. gratulatoria dederunt Epistola, die 15. Julii an. 1653. post receptam Constitutionem contra quinque Jansenii Propositiones.

*Recueil des Bull. Mem. du Clergé, p. 85. Tom. 1. p. 233.* Quo in negotio, inquiunt, illud observatione dignum accidit, ut quemadmodum ad Episcoporum Africæ relationem, Innocentius I. Pelagianam heresim damnavit olim; sic ad Gallicanorum Episcoporum consultationem, heresim ex adverso Pelagianæ oppositam, Innocentius X. auctoritate sua prescripsit. Enim vero vetustæ illius ætatis Ecclesia Catholica, sola Petri communione & auctoritate fulta, que in decretali Epistola Innocentii ad Africanos data elucebat, quamque dein Zozimi altera ad universos orbis Episcopos Epistola subsecuta est, Pelagianæ heresis damnationi absque cunctatione subscripsit. Perspectum enim habebat, non solum ex Christi Domini pollicitatione Petro facta, sed etiam ex Actis priorum Pontificum, & ex Anathematismis adversus Apollinarium & Macedonium, nondum ab ulla Synodo Oecumenica damnatos, a Damaso paullo ante iactis, Judicia pro sancienda regula fiduci a Summis Pontificibus lata, super Episcoporum consultatione ( sive suam in actis relationis sententiam ponant, sive omittant, prout illius collubetur ) divina æque ac summa per universam Ecclesiam auctoritate niti, cui Christiani omnes ex officio, ipsius quoque mentis obsequium præstare teneantur.

Ecclesia per Episcopos dispersos judicat sine Conciliis.

Secundo: Ecclesia jus, quod habet cauissas fidei ac Religionis dijudicandi, exerceat per privatos Episcopos suis in Sedibus dispersos, sive extra, sive in Conciliis particularibus; sive per Litteras, sive per consensum aut expressum aut tacitum.

*Tom. 4. Conc. p. 422. 4.* Justinianus Imperator Episcopos suis in Sedibus residentes consuluit circa tria famosa Capitula. In vestris, inquit, vos degentes Ecclesiis interrogavimus, de predictis impiis tribus Capitulis, & vestram nobis voluntatem manifestam fecistis.

Certum est multas hereses extitisse, quæ privatorum Episcoporum Iudicio atque sententia statim proscriptæ sunt sine Conciliis. Ita expresse docet ac testatur S. August. Lib. 4. ad Bonifaciam capite ultimo. Quasi, inquit, nulla heresis aliquando sine Synodi congregazione damnata sit: cum potius rarissime inveniantur, propter quas damnandas necessitas talis extiterit; multoque sint atque incomparabiliter plures, quæ ubi extiterunt, illis improbari damnarique meruerunt, atque inde per ceteras terras devitanda innotescere potuerunt.

Quod generatim expressit S. Augustinus, per plures hereses decurriendo probat Eusebius, multas sigillatim ab Episcopis, seu Ecclesia dispersa damnatas fuisse sine Conciliis.

Libro 3. Hist. Eccl. cap. 26, 27, 28, & 29. Menandrum Simonis successorum,

rem, Ebionem, Cerinthum, Nicolaum, ex quo prodiit infamis secta Nicolitarum.

Et Lib.4. c.7. Saturnium Antiochenum, Basilidem Alexandrinum, Carpocratem sectæ Gnosticorum conditorem, Cap.11. Valentum, Cerdonem, Marcionem, Marcum ejusque præstigias & mendacia. Cap.29. Tatianum ejusque impietatem ac deliria memorat ab Ecclesia repressa, nullaque facta Conciliorum mentione: non enim his temporibus defuere veritatis testes & acerrimi defensores. *Eodem tempore*, ait Historicus l.4. c.7. P. 119  
*plurimi Ecclesiastici viri patrocinium veritatis suscepunt, & pro Ecclesiastica D.*  
*Apostolicaque doctrina disertissime decertarunt.* Et postea, de variis, ac sibi succedentibus Hæreticorum sectis, *Aliis*, inquit, *super alias exorientibus se- P. 121. A.*  
*cis, cum priores assidue diffuerent, & in multiplices ac multiformes errorum spe-*  
*cies vario quæque modo evanescerent. Catholica autem Ecclesia, quæ sola vera est*  
*semperque sui similis & constans, novis quotidie incrementis augebatur: gravita-*  
*te, sinceritate, ac libertate, modestia denique & sanctitate vita.*

Lib.5. c.16. primum Synodos adversus Montanistas & Cataphrygas coa- p. 182.  
 Etas memorat ex Appollinari Hieropolitano. *Hi perpauci erant Phryges*, ait, A.  
*bujusmodi fraude decepti. Universam vero, qua per orbem terrarum sparsa est,*  
*Ecclesiam, idem ille arrogantissimus spiritus maledictus appetere eos docebat, eo*  
*quod nec honorem, nec aditum ullum ad ipsam pseudopropheticus spiritus repe-*  
*rireret. Nam cum fideles qui in Asia erant, saepius & in plurimis Asia locis ejus*  
*rei causa convenissent, novamque illam doctrinam eximinafissent, & profanam at-*  
*que impiam judicassent, damnata hæresi isti ab Ecclesia & fidelium communione*  
*expulsi sunt.* Hic primum in causa Montanistarum & Cataphrygarum coa-  
 Etas Synodos memorat Eusebius; sine quibus tamen multis privati Epi-  
 scopi pro sua Pastorali vigilantia, statim damnarunt, ac Coepiscopos  
 suos per Litteras de damnata hæresi admonitos, adhortati sunt, ut latum Judicium suo consensu confirmare dignarentur, quod revera ab ip-  
 sis etiam per Litteras adoptatum & confirmatum aliquando fuisse legi-  
 mus: cuius rei illustre habemus exemplum in Alexandro Alexandriae Epi-  
 scopo in caussa Arii quem in fide innovantem statim repressit; de quo  
 Theodoretus, Lib.1. Historia c.2. *Hoc ergo tempore Alexandrinus Alexan-*  
*der, cum Arium videret dominandi cupiditate incensum, eorum quos blasphemiae*  
*laqueis irretierat privatos conventus agere, impiam ejus blasphemiam Ecclesia-*  
*rum Præsidibus per Epistolas significavit.* Deinde, c.3. prolixam hanc Ale-  
 xandri ad Alexandrum Constantinopolitanum Epistolam refert Histori-  
 cus. In ea vero sic loquitur Antistes Alexandrinus. *Istos a fratribus ana-*  
*themate perstrictos nemo vestrum recipiat, nec eorum dicta vel scripta ferenda*  
*putet..... Hos aversantes, unanimes & dilectissimi fratres, suffragamini no-*  
*bis adversus furiosam illorum temeritatem, non aliter atque Collegæ nostri, qui*  
*agre tulerunt, & ad me contra istos scripserunt, libelloque contra eos edito sub-*  
*scripserunt, quæ & per filium meum Apionem ad vos misi, partim Ægypti*  
*totius & Thebaidis, partim Libya & Pentapolis, & Syria, atque etiam Ly- P. 536. A.*  
*ciae & Pamphilia, Asia, Cappadociae, & finitimarum circumquaque, quorum*  
*exemplo a vobis etiam me accepitrum confido.*

S. Athanasius Epistola ad Jovinianum Imperatorem: *scito, inquit, reli-*  
*giosissime Auguste, bac ab omni ævo esse prædicata, bancque ipsam fidem Patres, To.1. p.*  
*qui Nicæa convenerunt, confessos fuisse, eamque suffragio suo comprobare universas 781. E.*  
*Tournely de Ecclesia. Tom. V. Pars I.*

torius orbis Ecclesiæ, nempe Hispaniæ, &c. vicinas quoque nobis necnon Orientis Ecclesiæ, paucis exceptis qui Arii hæresim sequuntur. Quæ enim sit omnium illarum Ecclesiæ sententia, & experientia novimus, & eorum habemus Litteras.

- Eusebius Lib. 5. Hist. c. 19. referens sententiam Serapionis Antiocheni Episcopi de Cataphrygarum hæresi, mentionem facit Epistola ejusdem Serapionis, cui plurimi alii Episcopi propria manu subscriptiſerant. In P. 187. A. eadem, inquit, Serapionis Epistola leguntur subscriptiones variorum Episcoporum, quorum unus subscriptus in hunc modum: Aurelius Cyrenius martyr opto vos bene valere. Alter autem hoc modo: Elius Publius Julius Develti Coloniae Ibracæ Episcopus, testor Deum qui in talis est, quod beatus Sotas qui est Anchiali, damonium Priscilla ejicere voluit, sed hypocritæ nequaquam permiserunt. Sed & aliorum complurium Episcoporum idem cum illis sententium subscriptiones propriis ipsorum manibus approbatæ, in illa quam dixi Epistola leguntur.
- P. 242. A. Et Lib. 6. c. 43. de Novato & Catharis hæc habet: Cum Romæ congregata esset Synodus, in qua sexaginta quinque Episcopi, Presbyteri vero ac Diaconi multo plures convenerunt: cumque in Provinciis Antistites quid agendum esset, seorsum consultassent, hujusmodi decretum cunctis promulgatum est ....
- Ibid. B. Extant adhuc Epistolæ Cornelii Romanorum Episcopi ad Fabium Antiochenis Ecclesiæ Praesulem missæ, in quibus & Romanæ Synodi gesta, & omnium per Italiam & Africam aliasque locorum illorum Provincias sententiæ declarantur. Tum sub finem capit is ait, Cornelium Epistolæ suæ subjunxit, non eorum tantum Episcoporum nomina, qui in urbem Romanam convenientes, Novati amentiam proscriptiſerant; sed & eorum qui Litteris consensum suum iis, quæ facta fuerant, dare se declaraverant. Eorum item, D. inquit, qui Romæ quidem minime adfuerant, superiorum tamen Episcoporum sententiam Litteris suis approbaverant, vocabula simul & Civitates unde singuli Litteras dederant, accurate commemorat.

### Tacitus Episcoporum nonnullorum consensus.

Duo ex mox dictis constant: 1. Episcopos privatos sive extra Concilium, sive in Concilio, pro data occasione errores, eorumque auctores pre-daminasse, atque per Litteras suos absentes Coepiscopos de lata sententia, ut iphi subscribere ac consentire vellent, monuisse; 2. quamplures ex absentibus Episcopis etiam per Litteras lato Judicio expresse consensisse; alii vero, qui numero longe plures erant, tacito saltem consensu quod gestum fuerat approbasse censendi sunt. Hic autem tacitus consensus in silentio & non reclamatione positus est, vimque certam & ineluctabilem confert latæsus: quæ definitioni. Cujus rei apertissima cauſa & ratio ducitur ex ipsamet Ecclesiæ universalis conformatioне, atque promissis a Christo ipſi factis, futurum ut cum ipſa sit omnibus diebus usque ad consummationem sæculi. Fieri quippe non potest, Deo ita dirigente ac providente, ut multo major pars Episcoporum qui per orbem diffusi sunt ac dispersi, non reclament adversus errorem qui publico aliquo Judicio Ecclesiastico, sive ex parte summi Pontificis, sive ex parte nonnullorum Episcoporum fidelibus ad credendum proponeretur. Error quippe cui non restitutur, approbatur. Et veritas cum non defensatur, opprimitur. Si ergo dispersi per orbem Episcopi non reclamant adversus aliquam de fide constitutionem seu definitionem, hac sua non recla-

Quis sit tacitus consensus? ut illius vis & auctio.   
 Matth. 28. v. 20.   
 Felix III. Dist. 83. cap. Error.

reclamatione, seu silentio illam approbare censemuntur. Porro fieri non potest ut Ecclesia universa errorem cognitum etiam silentio suo approbet. *Ecclesia Dei*, ait egregie S. August. Ep. 55. alias 119. c. 19. n. 35. ea quæ sunt contra T. o. 2. p. fidem vel bonam vitam non approbat, nec tacet, nec facit. Dicatur ergo verum, 143. F. inquit alibi idem sanctus Doctor, maxime ubi aliqua quaestio ut dicatur impellit. Tenetur autem Ecclesia adversus grassantem erroris pestem insurgere, Lib. de forte fideles omnes inficiat, aut ipsa Ecclesia errori connivere credatur. Quod periculi genus præcavendum esse caute ac sapienter monebat dono por. serv. c. 16. T. 10. p. 843. A. S. Pontifex Cælestinus, scribens ad Episcopos Galliarum aduersus Massilienses divo Augustino obstrepentes. *Timeo*, dicebat, ne connivere sit, hoc taceare ... in talibus caussis non caret suspitione taciturnitas: quia occurreret veritas, si falsitas displiceret. Merito namque causa nos respicit, si silentio faveamus errori. Tom. 2. Conc. p. 1612. A.

Si vero quæquieris quæ prima cauſa sit, cur Episcoporum nonnullorum in cauſis fidei silentium loco approbationis habeatur, dicam istam esse: quia quoties Episcopi tum inter se, tum cum Capite suo Romano Pontifice communione sociantur, eamdem fidei doctrinam profiteri omnes censemunt; & quod fuerit vel a Romano Pontifice, vel ab aliis pluribus Episcopis de fide vel moribus sanctum, hoc idem a ceteris approbatum præsumitur. Istud involvit & importat, ut supra probatum est, unitas ipsa communionis Catholicæ, seu sacrum illud vinculum quo Episcopi omnes in ejusdem fidei ac doctrinæ Catholicæ professione colligantur: sic enim omnes particulares Ecclesiæ in unam confluant. *Tot & tanta Ecclesiæ*, dicebat Tertullianus Lib. de Præscript. cap. 20. una est illa ab Apostolis prima, ex qua omnes. Sic omnes prima, & Apostolice dum una omnes probant unitatem. In hac potissimum fidei & communionis Catholicæ unitate per omnes dispersas Ecclesiæ disseminata, certissimam veræ doctrinæ dignoscendæ ac sequendæ regulam & normam collocabant Ireneus & Tertullianus, quorum verba Articulo sequenti referemus.

In ea pariter vim maximam faciebat bona memoriae Illustriss. Bossuetius dum viveret Meldensis Episcopus, in Opere manuscripto quod elaboravit occasione Declarationis Cleri Gallicani circa potestatem Ecclesiasticam, anno 1682. *Multas hereses*, inquit, ut sine Conciliis, ita sine speciali Romani Pontificis definitione damnatas fuisse ... Neque enim Ecclesiæ talen sententiam expectarunt, ut Manichæos, Ophitas, Tertullianistas, aliasve manifeste impias, sive obscuras levesque sectas per loca excitatas aut borverent, aut contemnerent ... Ergone, pergit, singulares Ecclesiæ a quibus statim rejectæ sunt ( illæ sectæ ) ineluctabili auctoritate gaudebant? Minime: sed profecto sic habet, semel constituto hoc certo dogmate, vim illam ultimam & ineluctabilem unitate & confessione constare; id quoque valere quocumque modo se illa confessio declaraverit, sive Concilia congregentur, sive non congregentur.

Atque hæc prima radix & origo est ponderis & auctoritatis quam habet Episcoporum in aliquod definitum doctrinæ caput expressus, vel tacitus consensus. Ea quippe semper fuit Ecclesiæ inter se concordia & reverentia, Canonumque ac definitæ doctrinæ apud omnes auctoritas & religio tanta, ut quod Synodo aliqua constitutum uspiam esset, idem alias sibi pro re nata imitandum, statuendumque esse ducerent, nec facile quidquam aspernandum censerent, sive expressa, sive tacita confessione & approbatione.

Neque vero singularum Ecclesiarum sive extra Concilium, sive in Conciliis expresso consensu semper opus fuisse, ut lata per Apostolicam Sedem Constitutio vim obtineret, aut error semel damnatus pro damnatio apud omnes haberetur, constat ex iis manifeste, quæ in causa Propositionum Jansenii peracta sunt. Vix enim extra Galliam unam reperias Ecclesiam, quæ expresso ac publico instrumento Bullas Innocentii X. & Alexandrii VII. receperit; & tamen Ecclesia totius consensu & approbatione receptas illas fuisse, soli negant Janseniani, nullus vero Catholicus. Unde sacra Parisiensis Facultas die 9. Febr. an. 1663. occasione Theseos M. Gabrielis Drouet de Villeneuve declarat, *Necessarium non esse absolute Concilium generale, ad extirpanda quilibet schismata, & quaslibet heresies v.g. Pelagianam & Jansenianam, quas constat sufficienter extinctas absque Concilio generali, quod tantum in aliquibus casibus dici potest necessarium.*

Vim & auctoritatem taciti Episcoporum consensus graphicè exprimit & urget vel ipse Petrus Aurelius, in defensione censuræ, qua Clerus Gallicanus nonnullos Libros contra jura & facram auctoritatem Episcoporum editos notaverat, anno 1631. Quod autem Libros vestros, ait alloquens eorum autores, coacto Cœtu publice non damnum (aliarum gentium Episcopi) alio part. I. alibi esse possunt causæ: præcipue cum jam ab Episcopis Gallie, quorum istud munus fuisse intelligunt, tum quia delati ad ipsos Libri, tum ipsi vicinissimi ex more antiquo Episcopi, publice repudiatis, & Ecclesia satis notatos videant, dum Romani Pontificis summum Judicium accedit. Id quod heresibus non paucis similiter contigit, ut nimirum ab unius Provincie aut Regni Episcopis damnata sint, ceteris consensu solum tacito, non Synodalium decretorum auctoritate suffragantibus .... Ibidein pag. 127. sic pergit: *Ad tam publicam & illustrem veritatis proculcationem Ecclesia Catholica, atque in primis Apostolica Sedes silere non posset. Non enim falsum esse unquam potest illud de Ecclesia Dei Augustini præconium; Ecclesia Dei quæ sunt contra fidem, vel bonam vitam, nec approbat, nec ratet, nec facit. Nec verum esse non potest illud verbum Apostoli; Non solum qui ista faciunt, digni sunt morte, sed etiam qui consentiunt facientibus. Consentiunt autem dum publice laboranti atque opprime veritati non succurrunt, qui debent, & qui ad hoc potissimum in Ecclesiæ tribunalibus collocati sunt. Ergo cum quiescent, probant; cum patiuntur, decernunt; cum tacent, clamant. Nam hex resum plerarumque damnationes non semper expressa & perscripta Ecclesiæ totius confessione firmatas atque auctoratas fuisse supra ostendimus .... Satis consensu tacito clamat Ecclesia, cum reclamare deberet, si dissentiret. Officio enim dees verbal de se, & veritatem prodere universa non potest. Ita Petrus Aurelius in Opere quod impensis & approbatione Cleri Gallicani editum est.*

In idem conspirat Melchior Canus, l. 5. de locis, c. 4. Concl. 5. Nec exemplar de l'année 1635. p. 343. 404. *Synodos cogere. Cum ergo Ecclesia sue Deus prospexerit in necessariis, nimirum ad haereses privatas in Provinciis refutandas, Concilia Provincialia satis erunt, fierunt modo Summi Pontificis auctoritate roborata. Piæterea, quoscumque ejusmodi Concilia damnavere, Ecclesia eos semper exploxit. .... & infra Concl. 6. Nisi sint peculiäriter reprobata, communis Ecclesia vel silentio, vel etiam implicito consensu commendantur, si ad Ecclesia communem notitiam pervenerint. Non enim si aliquo pacto vero simile, ut Concilii Provincialis toto orbe vulgati heresies Ecclesia diu dissimulaverit: Error enim cui non resistitur, approbatur.*

Deni-

Denique, cum Clerus Gallicanus in Comitiis generalibus, anni 1705. Bullam *Vineam Domini Sabaoth* communi omnium consensu & applausu receperisset, nonnulli contenderunt mentem nostrorum Episcoporum his in Comitiis fuisse, Constitutiones dogmaticas Summorum Pontificum, ut vim obtineant, indigere publica illa expressa & sollemni corporis Episcoporum acceptatione: quam falsam opinionem undecim tam Archiepiscopi quam Episcopi una cum Eminent. Cardinale Noallio represerunt, die 10. Martii anni 1710. his verbis: *Cum Clerus Gallicanus dixit, Constitutiones Summorum Pontificum a corpore Episcoporum acceptatas totam Ecclesiam obligare, mens ejus non fuit, necessariam esse ejusmodi acceptationis sollemnitatem ad hoc ut illæ tamquam regulæ credendi & loquendi ab omnibus haberi debeant, licet aliquando ista sollemnitas non mediocris esse possit utilitatis ubi natus est error.* Addunt, *nullam ex conditionibus necessariis ad obligandam totam Ecclesiam deesse Constitutionibus adversus Jansenium, Bajum & Molinosum latis.*

Quæ de tacito Episcoporum consensu haſtenus hic dicta sunt, a nullo, quod sciam, alicujus nominis Theologo impugnata fuerant; adeo certa erant & apud omnes explorata. Occasione dumtaxat discordiæ apud nos excitata circa receptionem Bullæ *Unigenitus*, dubium moveri cœpit an & quid roboris haberet in acceptandis Summorum Pontificum decretis tacitus Episcoporum consensus; atque eo nonnullos series disputationis, ac susceppta necessitas rejiciendi dictam Bullam, perduxit, ut pro nihilo fere habebant in cauſis hujusmodi, Episcoporum silentium; cuius, inquiunt, tot varia & discrepantes causæ ab acceptatione Decreti Apostolici alienæ proferri posunt, ut ex illo nihil omnino præsidii in gratiam Bullæ *Unigenitus* colligi possit. *Hastenus*, inquiunt refellendo Pastorale Documentum Eminent. *Cardinalis de Bissy*, anni 1722. creditum fuerat infallibilitatem doctrinæ corpori Episcoporum cum loquuntur, alligatam esse, sed eam *Cardinalis de Bissy* in eorum silentio reponit. Et merito quidem: infallibilitas enim illa, ex mox probatis, corpori Episcoporum alligata est, sive loquantur ille, sive taceant. *Cum quiescent, probant; cum patiuntur, decernunt; cum tacent, clamant*, ait Petrus Aurelius paullo ante laudatus. Et certe auctoritas illa taciti Episcoporum consensus impugnari vix potest, quin saltem per latus simul impetur infallibilitas & inerrantia Ecclesiæ dispersa. Episcopi enim silentio suo propositum errorem approbando, se errori obnoxios esse eo ipso declararent: nondum tamen eo devenerunt adversæ partis Theologi, ut ausi fuerint aperte negare Ecclesiam dispersam in fide & moribus errare non posse.

Ut vero facilius occurratur iis quæ contra silentii auctoritatem proponuntur, nonnullæ sunt hujus silentii, ut vim probationis habeat, notæ observandæ.

*Note quibus certo constat, ex silentio Episcoporum definitiones Apostolicas vim & auctoritatem infallibilem habere.*

Prima est, cum a lata definitione satis temporis effluxerit, ut præsumi merito possit, eam ad Episcoporum notitiam pervenisse: silentium quippe de re incognita, nihil omnino probat.

Secunda, quando Constitutio seu Decretum fidem aut mores, vel disciplinam generalem spectat, atque ad omnes Fideles tamquam norma & regula ad observandum dirigatur ab iis qui sunt in auctoritate constituti,

Qua-

*Lettre au Roi sur l'Instruction Pastorale de M le Cardinal de Bissy au sujet de la Bulle Unigenitus, p. 142.*

Quapropter ex silentio Episcoporum circa Decreta Summorum Pontificum quæ spectant dumtaxat vel privatas causas & politiam, aut etiam privatam eorum sententiam; vel quæ ad omnes Fideles non diriguntur; ex silentio, inquam, illo, hujuscemodi Decretorum approbatio inferri merito non potest.

Tertia, cum res controversa ab iis saltem Episcopis apud quos controversia nata est, ut moris est, discussa fuerit, ac lata definitio expresso consensu ab iis probata & recepta.

Quarta, cum non reclamant Episcopi adversus Decretum, quod fidem, mores, vel disciplinam generalem spectat. Quod quidem silendo approbase presumerentur: *Dicatur enim*, ait S. Aug. jam citatus, *questio, ubi aliqua ut dicatur impellit*. Certissime autem reclamarent, Deo ita providente, si erronea quedam de fide vel moribus definitio ipsis, omnibusque Fidelibus tamquam fidei & morum regula proponeretur.

Quinta denique, cum Decretum Apostolicum multas non habet numero, dignitate ac scientia illustiores Ecclesiæ sibi contrarias & adversantes, quales fuere in controversia de Baptismo Hæreticorum, Africæ, Asie, Cappadociæ, Numidiæ, Ponti, Orientis Ecclesiæ. Hæ nota sunt quibus certo constat, ex silentio Episcoporum definitiones Apostolicas vim & auctoritatem infallibilem habere. Notas dicimus (quod observa) non conditiones ad tacitum consensum necessarias. Quod si continget, ut dicemus postea, in aliqua fidei controversia divisos esse Episcopos, atque plures ex una parte cum Pontifice Romano, plures ex altera sine Pontifice stare, haud dubie ei parti adhærendum foret quæ capiti conjuncta esset; ista enim melior ac fanior pars censeri deberet, & Ecclesiæ sufficienter referre: Ecclesia siquidem corpus est visibile, Capiti suo Romano Pontifici adiunatum; & ipse Pontifex Romanus unitatis & communionis Ecclesiastice caput & centrum est.

#### *Objectiones contra tacitum Episcoporum consensum.*

Dices itaque 1. Ex silentio ejus tot aliae externæ causæ ab illa praetensa tacita approbatione distinctæ proferri possunt, certo inferri non potest hæc approbatio: atqui silentii Episcoporum circa Decreta Summorum Pontificum multæ causæ externæ proferri possunt ab illa praetensa approbatione distinctæ: v.g. silent Episcopi bene multi, vel propter effusam in Romanum Pontificem reverentiam, & quidem tantam, ut ipsis non permitrat Romanis Decretis obloqui; vel propter metum Tribunalis Inquisitionis, aut spem injectam gratiæ alicuius a sancta Sede obtinendæ; vel ob præconceptam infallibilitatis Pontificiæ opinionem; vel denique, quod res definita obscura & implicata ipsis videatur, aut etiam nondum ad eorum notitiam pervenerit.

Resp. 1. Ex prima & secunda silentii nota mox exposita, silentium circa rem incognitam trahi non potest in argumentum consensus & approbationis.

Resp. 2. Esto plures extra Galliam Episcopi præconceptam habeant Pontificiæ inerrantiæ opinionem, quid inde? Ab ipsis silentio suo non probari Pontifica Decreta: aut saltem non ex prævio judicio, sed cœco quodam impetu probari? absit. Utrumque pariter absurdum est; tum quia auctoritati, quæ infallibilis ab ipsis judicatur, debitum est obsequiu-

mentis: tum quia infallibilis auctoritas seu Scripturæ, seu Concilii vere generalis, quam omnes Orthodoxi agnoscunt, non obstat quominus Episcopi suum etiam judicium interponant circa res vel in Scripturis expressas, vel definitas in Conciliis; quia nempe Episcoporum est de rebus fidei ac Religionis pronunciare.

Neque dicas consensum Episcoporum, de quo hic est quæstio, datum ex opinione præconcepta infallibilitatis Romani Pontificis, falso prorsus motivo subnixum esse, adeoque nullam illius habendam esse rationem. Namque certum est, regulam obsequii, quod legi ac Legislatori debetur, non esse motivum legis, sed legem ipsam, ad quam unam attendere oportet: alias, pro vario, quod sibi quilibet ad arbitrium effingeret, legis motivo, obsequium suum vel daret, vel recusaret; quo nihil Republicæ noxiū magis ac periculōsum potest excogitari. Ergo in caussis fidei attendi unice debet Episcoporum seu expressus, seu tacitus consensus, non autem privatum motivum quo ducuntur ut consentiant.

Resp. 3. Quæcumque tandem fingi & excogitari possint adscitizæ seu externæ silentii Episcoporum causæ, semper istud firmum ac ratum stabit, spiritum veritatis nusquam permisurum esse, ut aliquem in fide ac moribus errorem Ecclesia quoquo modo approbet. Obligatam habemus Christi fidem: *Vobis cum omnibus diebus, Portæ inferi non prævalebunt.* Porro prævalerent, si Ecclesia etiam silendo ac tacendo errorem approbaret.

*Matth. 28.v.20.  
Ibid. 16.  
v. 18.*

Resp. 4. contingere aliquando ut Episcopi abstineant a promulganda suis in Diœcesibus aliqua dogmatica Constitutione, quam tamen corde & animo recipiunt; ne forte novus, qui in ea perstringitur error, in suorum notitiam deveniens, eos novitate sua perturbet aut corrumpat. Hoc motivo ducebatur Concilium Bituricense, an. 1528. cum decernit, *ut damnum dogma Lutheri & sequacium a scrofa sancta Sede Apostolica jam pridem reprobatum, in publicis concionibus, locis & temporibus opportunitis, prout expediens locorum Ordinariis videbitur, generaliter tantum reprobetur, non declaratis sigillatim erroribus, nisi locus aliquis fuerit ad quem pervenerint damnati aliqui errores, in quo & errore reprobato nominatim ipsius etiam errores reprobentur.*

*Tom. 14.  
Conc. p.  
426. B.*

Dices 2. Vix figi ac determinari potest quodnam spatium temporis necessarium sit ut certo innotescat tacitus ille Ecclesiarum consensus; ergo inutilis omnino est pro confirmanda dogmatica Sedis Apostolice Constitutione.

Resp. id moraliter estimandum esse ex locorum distantia. Ea quippe temporis mensura concedenda, ex qua moraliter constare certo possit, exteris ac longius distitis Ecclesiis notam ac perspectam esse latam de fide vel moribus sententiam; itant si post illud elapsum tempus, Ecclesie illæ non reclament, sed sileant, silentio suo ratam habent & confirmant sententiam. Unum hic non prætermittendum, nempe cum S. August. Serm. 131. alias 2. de verbis Apostoli c. 10. dixit causam Pelagianorum finitam fuisse, postquam duo Concilia ad Sedem Apostolicam transmissa & probata fuissent, paucos dumtaxat effluxisse menses a lata Sedis Apostolice definitiōne: namque sermonem illum habuit S. Doctor mense Octobri anni 417. Decretum vero Pontificium, quo duo Concilia Carthaginensis confirmata fuere, latum fuerat mense Januario ejusdem anni 417. Ergo breve illud spatium temporis Augustino sufficiens visum

visum est, ut merito assereret, causam finitam esse, propter consen-  
sum Episcoporum partim expressum, partim tacitum.

Dices 3. Tacitus ille consensus nullam præsupponit præviam de re  
controversa disquisitionem, nullum examen satis maturum & accura-  
tum, quæ tamen una est ex conditionibus prærequisitis, ut Spiritus San-  
ctus Episcopis de fide pronunciantibus ope singulari adesse censeatur.  
Unde Actor. 15. v. 7. in controversia de Legalibus, magna conquisitio  
facta memoratur.

Resp. 1. necessariam non videri operosam ac diutinam de re contro-  
versa Ecclesiæ disceptationem, quando res illa per se aperta est & ma-  
nifesta, atque Episcopi per simplicem, ut ajunt, fidei Ecclesiarum sua-  
rum, cuius illi testes sunt, custodes ac judices, declarationem seu pro-  
fessionem pronunciant. Quo sensu dicebat S. Augustinus: *Concili congregazione opus non fuisse, ut tam aperta pernicies (Pelagiana) damnaretur.*

Resp. 2. reipsa quidem divinas promissiones de concedenda Ecclesiæ  
inerrantia in definiendis fidei & morum controversiis, a nonnullis præ-  
viis conditionibus quoad executionem suspensas esse, verum, nullo un-  
quam satis firmo & valido arguento demonstrabitur, dispersos per or-  
bem Episcopos his defuisse conditionibus, quando communis consensu  
latum a Sede Apostolica Decretum acceptarunt. Quid enim, quæso,  
obstare posset quominus Episcopus quilibet re cum suo Presbyterio com-  
municata, hinc & inde controversiam versent, conferant cum præsentis  
ac viva Ecclesiæ suæ traditione Novatorum doctrinam; atque cum ex  
illa collatione intelligunt novam illam esse ac peregrinam, eam meri-  
to damnatam ac damnandam esse pronuncient? An non ita egerunt E-  
piscopi illi ad quos Alexander Alexandrinus prolixam scripsit de inno-  
vatione Arii Epistolam? An non & idem quoque præstiterunt illi Præ-  
fules, quos Serapion de nova Montanistarum & Cataphrygarum insanis  
commonuit? Ergo sine temeritate, ac læsa, quæ Episcopis debetur, rever-  
tentia supponi non potest, privatos Episcopos ad quos defertur novi ali-  
cujuis erroris facta proscriptio, sine ullo examine ac præcipiti & cæco  
quodam iudicio latæ sententiæ adhærere.

Dices 2. Si ex silentio seu non reclamatione approbatio saltem tacita  
legitime infertur, necesse est fateamur ab Episcopis Gallicanis ap-  
probata fuisse Bullam Gregorii XIII. quæ dicitur, *In Cœna Domini*;  
Bullam pariter, *Unam Sanctam*, quæ est Bonifacii VIII. Bullam Gre-  
gorii VII. & aliorum multorum Pontificum qui supremam & a Deo  
iolo dependentem Regum nostrorum in temporalibus auctoritatem op-  
pugnavere: non leguntur enim Gallicani Præfules aduersus Bullas hu-  
jusmodi aliquando reclamasse; ergo hac sua non reclamatione illas ap-  
probasse censendi sunt. Quis potro de Gallicanis Episcopis id unquam  
suspicari poterit?

Resp. 1. Falso prorsus supponi Gallicanam Ecclesiam aduersus Bullam  
Bonifacii VIII. quæ sacra & suprema Regum nostrorum in temporalibus  
auctoritas lreditur, non reclamasse. Nemo quippe ignorat Philippum  
Pulchrum Regem Christianissimum a dicta Bulla ad Concilium generale  
provocasse, ejusque provocationi Gallicanam Ecclesiam ceterosque Re-  
gni Ordines follemniter adhæsisce. Extant hujuscæ causæ Acta & Instru-  
men-

menta, Tomo 1. Libertatum Ecclesiae Gallicanæ, cap. 7. pag. 2. 7. & seq.  
Extat ibidem prolixa totius Ecclesiastici Ordinis ad Bonifacium de hoc  
ce negotio Epistola. Demum Bulla Bonifacii revocata fuit per Clemens  
tem V. S. Pontificem; ac ipse Liber sextus Decretalium, qui est Boni-  
facii VIII. vim nullam apud Gallos obtinet.

Adversus Gregorii VII. molitiones Episcopos omnes Latinos insurrexisse,  
vel ipsem testatur Gregorius in ea quam ad Germanos scripsit Epistola.  
*Quotquot Latini, inquit, omnes causam Henrici, præter admodum paucos, laudant* Tom. 10.  
Conc. p.  
218. A.  
*ac defendunt, & per nimis duritiæ ac impietatis contra eum me redargunnt.*

Verum de hocce argumento non est hic proprius dicendi locus.  
Hoc unum generatim observandum, nonnullos ex Summis Pontificibus  
via facti dumtaxat, non ex jure in Regum temporalia aliquando in-  
volasse. Porro quæ via facti, non juris, ita sunt, fluxa sunt & ca-  
duca, nec eam habent certam spiritualem auctoritatem, qua possint  
fideles omnes ad obsequendum obstringere: nisi enim Ecclesiastica &  
dogmatica statuta more Ecclesiastico fiant, hoc est, fusis ad Deum  
precibus, præmisso diligenti examine, accurate discussa Scripturæ ac  
Traditionis doctrina, consultis Episcopis; nisi promulgata & recepta  
fuerint, vim non obtinent Apostolicarum Constitutionum: nihil por-  
ro tale deprehenditur in Bullis Bonifacii VIII. Gregorii VII. & alio-  
rum nonnullorum Summorum Pontificum qui auctoritatem Regiam im-  
petere sunt aggressi. Quapropter exempla illa praesenti nostro instituto  
accommodata non sunt, ac peccant contra secundam & tertiam con-  
ditionem silentii quam exposuimus.

Quantum vero ad Bullam, *In Cœna Domini*, duo certa videntur.

Primum, eam apud nos nusquam promulgatam & receptam fuisse. Imo Senatusconsulto anni 1580. cautum est sub pena privationis bono-  
rum temporalium, ne quis Archiepiscopus vel Episcopus eam promul-  
gare præsumat, quod juribus Regni & Libertatibus Ecclesiae Gallicanæ  
adversetur. Ita quippe fert Articulus 17. Libertatum nostrarum. Por-  
ro idem prorsus videtur Bullam aliquam non recipere, ac contra illam  
reclamare seu eam non promulgare. Hæc vero regula generalis est, ait  
illusterrimus Petrus de Marca lib. 3. Concord. cap. 10. *Legibus Ecclesi-  
sticis Provincias non obstringi, in quibus promulgatae & usu receptæ non fue-  
rint, ut accedit Bullæ in Cœna Domini.* T. 1. p.  
176. col.  
2. n. 1.

Alterum certum istud est, Bullam, *In Cœna Domini*, dogmaticam non  
esse, seu nullum, quod ad fidem pertineat, certum definire doctrinæ caput,  
sed meram dumtaxat politiam decernere, lata pro variis criminibus excom-  
municationis sententia. Unde inscribitur, *Litteræ processus Gregorii XIII.* T. 2. L.  
nec aliter fere a Canonistis & Theologis appellatur. *Bulla Cœna Domini*, ait bert. Ec-  
cl. Gall.  
Navarrus, *est Bulla continens processum Papæ, quæ die Jovis sancta excommuni-  
cat varium genus peccantium.* Quapropter mutari illa potest ac revocari, pro-  
ut subsequentibus Summis Pontificibus visum fuerit, & re ipsa non nihil ipsi  
subinde additum fuit. At, rogo, potestne istud in Bullam dogmaticam ca-  
dere? An fidei addi aliquid vel detrahiri potest? Accedit, quod nequidem Pontas  
Romæ in omnibus Bulla hæc executioni demandari videatur, Articulo sci- T. 1. vol.  
licet 20. ejusdem Bullæ excommunicantur qui occupant vel detinent Regnum ce, Cas.  
Siciliae, Insulas Sardinie & Corsice, &c. Atqui tamen ubi Romam adven- n. 3. p.  
523.  
tant

tant qui hisce Provinciis gubernandis praefecti sunt, ad participationem Sacramentorum, pariter cum aliis Catholicis admittuntur.

At, inquit, vel in ipsa prima hujus Bullæ fronte statim Pontifex consilium suum ac mentem declarat his verbis: *Pastoralis Romani Pontificis vigilancia & sollicitudo ... versatur tum potissimum in Catholicæ fidei ... unitate atque integritate retinenda, & conservanda maxime elucet.* An vero hæc meram referunt politiam, & non potius præconceptam dogmatis definitionem? In ipso primo Bullæ hujus articulo excommunicantur Hussitæ, Vviclefitæ, Lutherani, Zwingiani, Calvinistæ, &c. An ex merita politia, & non potius propter violatam ab illis Hæreticis fidei doctrinam? Articulo 2. pariter excommunicantur quotquot a Romano Pontifice ad universale futurum Concilium appellant: porro nonne ad jus seu dogma pertinet, nosse an licitum sit vel non, a sententia Romani Pontificis provocare ad Concilium generale?

Resp. 1. Vel illa Bulla videtur adversariis nostris dogmatica, sicut fert Objectio, vel non: eligant quam voluerint partem. Si primum; aut eam probant, aut improbant. Haud dubie non probant, quam sciunt a Gallis rejectam: ergo improbant; ergo improbant latam in Hussitas, Vviclefitas, Lutheranos, &c. excommunicationis sententiam, quam illi ad dogma pertinere contendunt? Si secundum; vicius; ac pro certo stat dictam Bullam ad meram politiam pertinere.

Neque obstat 1. citata Pauli V. verba.

Nonne Gregorius VII. in Epistola ad Herimannum Episcopum Metensem istis Scripturæ verbis, *Tu es Petrus, &c. Quodcumque ligaveris, erit ligatum*, utitur, ut confirmet quod in Henricum IV. Imperatorem attenta vereat? Nonne Bonifacius VIII. in Bulla, *Unam Sanctam*, etiam ex Scripturis confirmat quod scribit, omne in creaturam, &c. Imperatores ipsos & Reges, Pontificis Romani auctoritati subiacere; duos esse in Ecclesia gladios, Ecclesiasticam potestatem constitutam esse super gentes & regna, spiritualem hominem omnium judicare, ipsum vero a nemine judicari? Unde consequenter hanc suam doctrinam omnino esse de necessitate salutis definit ac pronunciat. Solent nimirum Summi Pontifices Constitutiones suas nonnullis Scripturæ testimoniis munire ac confirmare, ut ipsis vim & auctoritatem majorem concilient. Inter eos aliqui auctoritatem in Regum temporalia arrogare sibi voluerunt, jisque illud suum ex Scripturis confirmare, at irrito certe conatu: nusquam enim Ecclesia universa quæ ab ipsis via facti tentata sunt, approbavit.

Neque obstat 2. excommunicatio lata in Hussitas, Vviclefitas, &c. tum quia hæc definitum fieri dogma, & contrarios Hæreticorum errores jam merito damnatos supponit, non definit, non damnat: tum maxime quia cum Rodolphus Imperator se juramento obstrinxisset ut Hussitæ libertatem conscientiae permitteret, eosque protectione sua tueretur, Gregorius XIII. judicavit sui officii esse, atque ad politiam & optimam Ecclesiæ gubernationem pertinere, si denuo in Bulla Cœnæ Domini, renovaret excommunicationem jam latam in Hussitas, Vviclefitas, ceterosque quos appellat Hæreticos.

Non obstat denique, quod in ea Bulla excommunicentur quicumque a sententia Romani Pontificis appellant ad Concilium universale proxime futurum. Res facti est, non juris: hoc est, Pontifex jus seu dogma istud non

*T. I. Li-*  
*cl. Gall.*  
*p. 324.*

non expedit, non discutit, nec definit, sed quod a nonnullis suis prædecessoribus usurpatum viderat, ipse quoque renovat & usurpat. Ex dictis autem paullo ante, multæ requiruntur conditiones ad dogmaticam definitionem, quæ cum hisce Summorum Pontificum Bullis desiderentur, pro dogmaticis definitionibus non habentur.

Dices denique: Clerus Gallicanus in celebri censura anni 1700. damnat eorum sententiam qui silentium Episcoporum circa doctrinam, loco approbationis habendum esse statuunt.

*Si Liber sit alicujus junioris ac moderni, ait Propositio 120. debet opinio censeri probabilis, dum non constet rejectam esse a Sede Apostolica tamquam improbabilem.*

*Et Propositio 121. hæc est: Non sunt scandalosæ aut erroneæ opiniones, 740. quas Ecclesia non corrigit.*

*Hæc Propositiones, ait censura, quatenus silentium & tolerantiam pro Ecclesiæ vel Sedis Apostolice approbatione statuunt, falsæ sunt, scandalosæ, saluti animarum noxiæ, patrocinantes pessimis opinionibus quæ identidem temere obtruduntur, atque ad Evangelicam veritatem inquis præjudiciis opprimendam, viam parant.*

Resp. apertum ac latum discriminem esse inter sententiam quam damnat Clerus Gallicanus, & nostram. In censura Cleri Gallicani agitur de Libro auctoris alicujus junioris seu moderni, cuius doctrina eo ipso probabilis asseritur, quod non sit aperte rejecta tamquam improbabile: quæ certe assertio falsa est ac merito proscripta. Ex silentio quippe circa doctrinam privatam alicujus junioris seu moderni auctoris vix cognitam, obscuram & nondum satis evolutam, vel incertam, & in Scholis controversam, male omnino infertur probatam illam esse: neque enim<sup>1</sup>, ut diximus paullo ante ad quartam silentii conditionem, teneatur Ecclesia singulos, qui in dies prodeunt, recentiorum Libros excutere, sententiam eorum rimari, errores, si qui sint, damnare, ex quibus nullum vel scandalum vel periculum timetur. Interdum etiam Ecclesia ex prudenti dispensatione silet ac dissimulat, ne forte turbata inter Theologos pace, graves ac molestæ in Regno aut in Religione dissensiones excitentur. Quid vero commune habet hæc censura cum proposito nostro? Nihil certe. Loquimur hic de dogmatica Sedis Apostolicæ Constitutione, publica & omnibus Episcopis perspecta, quæ fidibus omnibus tamquam fidei & morum regula proponitur, quæ a multis Episcopis expresso consensu recepta est, aliis non reclamantibus: tenerentur autem illi reclamare; & re ipsa, vi promissionum Christi, reclamarent, si errorem contra fidem vel bonos mores Constitutio illa contineret; ergo istud eorum silentium approbationis & consensus loco habendum est.

*Ecclesia per Episcopos judicat in Conciliis sive particularibus  
sive generalibus.*

Tertio: Nullibi splendidius suam de rebus fidei dijudicandis auctoritatem Ecclesia exercet ac demonstrat, quam in Conciliis, quæ vel particularia sunt, Diœcesana scilicet, Provincialia, Nationalia, vel Generalia & Oecumenica.

Quam-

Mémoi-  
res du  
Clerge,  
T. I. p.

Quamquam enim & Summus Pontifex, & dispersi suis in Sedibus Episcopi Judicium suum saepissime in causas fidei exerant, non tamen inde sequitur superfluam & inutilem esse Synodorum particularium congregacionem. Romanus Pontifex, ait Melchior Canus L. 5. de auctoritate Concilii capite ultimo ad 11. non temere & stulte, sed considerate atque sapienter habet fidei controversias definire, advocando scilicet confiliarios vel plures, vel pauciores, juxta rei, de qua differitur, gravitatem. Fuvant enim Patres Concilii Summi Pontificis fidem, atque doctrinam. Unde in Concilio Jerosolymitano, cum facta esset magna conquisitio, Petrusque sententiam dixisset nullo sacrarum Litterarum testimonio fulcitam; Jacobus probavit eam quidem additis testimoniosis Propteratum. Adjecit etiam, quasi de suo, legem maxime necessariam, de abstinentia ab idololatria, fornicatione, suffocatis & sanguine. Ita enim divina procuratio in Ecclesiam se fundit, ut membra præcipua, tametsi a Capite pendeant, Caput tamen tueantur & juvent. Facit quoque Concilium plausibilorem populo fidem, propter acceptissima multorum testimonia atque judicia. Nam & leges que communis Optimatum consensu & rogantur & feruntur, libentius populus accipit, quam si a Rege solo ederentur. Quamobrem Beda Lib. retract. in Actis Apostolorum, prudenter sane monuit, Paulum contulisse cum Apostolis aliis Evangelium quod prædicabat in gentibus, solerter in Concilio disquirens an recte de Legalium cessatione doceret. Non quod ipse de hac re, inquit, aliquid dubitaret, sed ut mentes dubitantium Apostolica Synodi auctoritate firmarentur.

Hæc Canus, qui eodem Lib. c. 4. paullo ante a nobis laudato, docet Synodi generalis convocatione ac congregatione non semper, nec omni casu opus esse ad novas hæreses comprimendas, cum ad hoc sufficiente Concilia Provincialia seu Nationalia, quorum Decreta, accedente aliarum Ecclesiæ consensu & approbatione, vim & auctoritatem induint Decretorum universalis Ecclesiæ, ut constat exemplo Concilii Arausianæ II. in quo pauci adfuerant Episcopi, & quidem alia de causa quam de controversia fidei dijudicanda congregati, cuius tamen egregii circa gratiam Canones ab omnibus Ecclesiæ subinde recepti ac probati, in Canones totius Ecclesiæ transierunt.

Bellarminus Lib. 1. de Concilis c. 11. Conciliorum necessitatem ac utilitatem ostendit. *Quamvis*, inquit, generalia Concilia non sint absolute necessaria, tamen Concilia aliqua, sive generalia, sive particularia sint, omnino necessaria esse ad bonam Ecclesiæ gubernationem, vix in questionem revocari posse dubito. Nam si necesse est, ut veniant scandala, ut ait Dominus, Matth. 18. & operetur hæreses esse, ut Apostolus ait, 1. Cor. 11. certe necesse est etiam, ut in Ecclesia sit certum aliquid Judicium, quo & scandala tolli, & hæreses damnari possint; alioqui brevi tempore Ecclesia universa in partes scinderetur & periret.

*Ibid. C.* Et si vero, pergit ibid. Bellarminus, Pontifex *Judex est vice Christi*, omnium controversiarum, eique obtemperare debet fraternitas universa, ut Cyprianus loquitur, Lib. 1. Epist. 3..... tamen non debet Pontifex in controversiis fidei dijudicandis, aut solo suo iudicio fidere, aut expectare divinam revelationem, sed adhibere diligentiam, quantam res tanta postulat, & ordinaria media; & tum demum expectare assistentiam Spiritus Sancti, & directionem divinam. Porro medium ordinarium, ac proinde necessarium, esse Concilium, magnum aut parvum, unum vel plura, prout ipse judicaverit, facile probari potest. Probat deinde tum ex his verbis Matth. 18. *Ubi fuerint duo vel tres congregati in nomi-*

nomine meo, illic sum in medio eorum. Tum exemplo seu facto Apostolorum in Conc. Jerosolymitano, &c.

Capite vero nono ejusdem Libri exponens varias causas ob quas Concilia celebrari solent: Prima est, inquit, heres nova, idest, nunquam antea <sup>Ib. p. 6.</sup>  
 judicata, propter quam causam coacta sunt prima septem generalia Concilia. <sup>A. B.</sup>  
 Semper enim Ecclesia tanti fecit periculum novarum heresum, ut non putaverit aliter posse resisti, quam si omnes aut certe permulti Principes Ecclesiarum  
 conjunctis viribus, & quasi agmine facto irruerent in hostes fidei.

Conciliorum Provincialium auctoritatem probat Bellarminus ex his <sup>Ib. p. 8.</sup>  
 Christi verbis, *Vbi fuerint duo vel tres congregati in nomine meo, illic sum*. <sup>C.</sup>  
*in medio eorum.*

Idem & Celestinus, S. Pontifex, Epistola ad Concilium Ephesinum: <sup>Tom. 3.</sup>  
*Spiritus Sancti testatur presentiam Congregatio Sacerdotum. Verum enim est* <sup>Conc. p.</sup>  
*quod legitur, quia nec potest veritas mentiri, cuius in Evangelio ista sententia* <sup>614.</sup>  
*est: Vbi duo vel tres, &c.*

Et Concilium Chalcedonense in Epistola ad Leonem: *Si, ait, ubi* <sup>Tom. 4.</sup>  
*sunt duo aut tres congregati in nomine ejus, ibi se in medio eorum fore prohibuit;* <sup>Conc. p.</sup>  
*quantam circa quingentos viginti Sacerdotes peculiaritatem potuit demonstrare?* <sup>833. C.</sup>

Eadem Christi verba, & in eundem fidem usurpat Concilium generale VI. Act. 18.

Accedit & ipse Maldonatus, Comment. in citata Christi verba: Ob-  
 jicit aliquis, ait, Ergo Provincialium, ut vocant, Conciliorum, ex hoc loco  
 eodem modo atque Generalium probatur auctoritas? ... Concedo id ita esse, mo-  
 do Provincilia Concilia in Christi nomine congregentur. Porro pro certo col-  
 ligi debet, Concilium vere Oecumenicum, quod est ab omni Ecclesia <sup>1596 p.</sup>  
 receptum & probatum, eo ipso in nomine Christi congregatum fuisse,  
 ac supremam habere in Ecclesia Christi auctoritatem. <sup>423. E.</sup>

Neque tamen cuiquam licitum est Conciliis Provincialibus eo praetextu  
 refragari, quod particularia dumtaxat sint, nec infallibilis auctoritatis.  
 Apposite omnino figmentum illud expludit Petrus Autelius in defensione  
 Epistolæ Episcoporum Galliæ his verbis: *Quis enim unquam Hæreticorum*  
*Concilia Episcopalia hoc solo nomine elusit, quod diceret non esse infallibilis aucto-*  
*ratis? Quando ita argumentati sunt Novatus, Pelagius, Arius, tot alii Hære-*  
*tici, quos Episcopi in Provinciis primum dannarunt? Nemo hoc effugio usus est.*  
*Omnes vel obreptum Episcopis, vel sibi calumnias inflictas, vel alias causationes,*  
*quibus non particulares solum, sed generales etiam Synodos ludificari solebant, pro-*  
*pulerunt, vel exerto ore & hæretica petulantia reclamarunt. Et si enim quantum*  
*inter generales Synodos & particulares interfit, unquam nescierit Ecclesia superio-*  
*rumque temporum Christiani, eas tamen summo semper, indiscreto, tantumque non*  
*pari honore habitas fuisse, quamdiu Ecclesia palam non intercederet, ex perpetua*  
*Ecclesia observatione manifestum est. Non enim quereretur illis temporibus que-*  
*nam Episcoporum Concilia errori obnoxia, quemadmodum certæ veritatis essent. Omnes*  
*omnia colebant, omnia venerabantur, ut Pastorum vocem, ut Magistrorum Ec-*  
*cclie doctrinam, ut eorum quibus dictum esset, Qui vos audit, me audit... Ita-*  
*que Priscillianam doctrinam, postquam a Synodo Cæsar-Augustana damnata est;*  
*Origenisticam, postquam ab Alexandrina; Eutychianam, postquam a Constanti-*  
*nopolitana sub Flaviano habita; Arianam denique, postquam ab Alexandrina,*  
*ut alias præteream, nemo Catholicus hæreses esse negavit, eorumve susceptores*

Tournely de Ecclesia. Tom. V. Pars I.

M

Hære-

Nullus  
 Hæreti-  
 cus Con-  
 cilia  
 Provin-  
 cilia  
 hoc solo  
 nomine  
 elusit,  
 quod  
 sunt er-  
 rori ob-  
 noxia.

Hæreticos, etiam si solis Episcoporum Provincialium Judiciis damnati essent:

Hanc Conciliorum Provincialium auctoritatem agnovit Sanctus Augustinus, cum de causa Pelagianorum dicebat, Serm. 131. alias 2. de verbis Apost. c. 10. Jam de hac causa duo Concilia missa sunt ad Sedem Apostolicam, inde etiam rescripta venerunt. Causa finita est. Utinam aliquando finiatur error! & Lib. 3. contra Julianum cap. 1. n. 5. Vestra, inquiebat, apud competens Judicium communium Episcoporum causa finita est: nec amplius vobiscum agendum est, quantum ad jus examinis pertinet, nisi ut prolatam de hac re sententiam cum pace sequamini: quod si nolueritis, a turbulenta, vel insidiosa inquietudine cohabeamini.

Libro denique 4. ad Bonifacium, capite ultimo, num. 34. postquam dixit Pelagianos Synodus generalem postulantes, Orbem Catholicum, quem pervertere nequeunt, saltem commovere conari, addit: Cum potius vigilancia & diligentia pastorali post factum illis competens sufficiensque

Ibid. p. 493. A. Judicium, ubicumque lupi illi apparuerint, conterendi sint.

Porro si tanta Conciliis particularibus, ubi de fide vel moribus statuunt, reverentia & obedientia debetur; quanto major Oecumenicis, quæ universalis repræsentant Ecclesiam, quorum & summa majestas est, & auctoritas suprema & infallibilis, de quibus Tertullianus, L. de jejunii, c. 13. aguntur, inquiebat, per Græcias illa certis in locis Concilia ex universis Ecclesiis, per que & altiora quæque in commune tractantur, & ipsa repræsentatio totius nominis Christiani magna veneratione celebratur. Et S. Ambrosius loquens de Concilio generali Nicæno primo, Conciliorum Oecumenicorum decreta vocat hereditaria signacula, nullius temeritate violanda. In his Conciliis ex omni Orbe Christiano legitime congregati Episcopi, eadem ipsa forma & auctoritate decretorie pronunciant, qua pronunciarunt Apostoli in Concilio omnium primo Jerosolymitano, Visum est Spiritui Sancto & nobis.

Inde necessitatem Conciliorum ostendit Synodus V. generalis: Licet Conc. p. enim, ait, Spiritus Sancti gratia & circa singulos Apostolos abundaret, ut non indigerent alieno consilio ad ea, quæ agenda erant; non tamen aliter voluerunt de eo quod movebatur, si oporteret gentes circumcidiri, definire, priusquam communiter congregati, divinarum Scripturarum testimonii unusquisque dicta sua confirmaverunt, & paullo post: Sancti Patres qui per tempora in sanctis quatuor Conciliis convenerunt, antiquis exemplis utentes, communiter de exortis heresis & questionibus disposuerunt, certo constituto, quod in communib[us] disceptationibus cum proponuntur que ex utraque parte discutienda sunt, veritatis lumen tenebras expellit mendacii. Nec enim potest in communib[us] de fide disceptationibus aliter veritas manifestari, cum unusquisque proximi adjutorio indiget.

Nullibi, ait Illustrissimus de Marca Concord. L. 5. c. 8. universalis Ecclesiæ fides solet apertius explicari, vel splendidius eminere, aut securius predicari, quam in compendio universalis Ecclesiæ, quæ Conciliis generalibus representatur. Necessaria igitur aliquando sunt generalia Concilia.

Absolute autem & in omni casu ad damnandas hæreses necessaria semper non esse generalia Concilia, ex ante dictis manet abunde demonstratum. Et cerre idipsum expresse docet ac testatur S. August. jam citatus, L. 4. ad Bonifac. c. ultimo urgens Pelagianos qui Concilii congregationem requirebant: Quasi, inquit, nulla hæresis aliquando nisi synodi congregatione damnata sit: cum potius rarissime inveniantur, propter quas damnandas necessitas

tas talis extiterit; multoque sint atque incomparabiliter plures, quæ ubi extiterunt, illic improbari damnamique meruerunt, atque inde per ceteras devitandæ innoscere potuerunt. Multa alia eam in rem antea adduximus, quæ consule. Sat is hic nobis retulisse Duvallii nostri olim regii Professoris testimonium, quo rem totam dilucide exponit, parte 2. q. 2. his verbis, Plurimi Pontifices variis errores absque ullo generali Concilio condemnarunt, quorum condemnatio a tota Ecclesia acceptata fuit, ut patet ex primis trecentis annis, quibus nulla unquam Concilia generalia propter ingruentes persecutiones coacta leguntur; cum tamen multæ in fide questiones toto hoc tempore feliciter satis & determinate fuerint per Pontificum definitiones. Nec dicant adversarii, hos errores pro heresis habitos non fuisse, donec his definitionibus Conciliorum generalium calculus accederet: falsum enim est, omnibus quotquot fuerunt erroribus a Sede Apostolica damnatis, & qui jam pro heresis in Ecclesia habentur, semper accessisse Concilii cuiusdam generalis condemnationem. Quod enim, quæso, Concilium generale Pelagianos damnavit? &c. Et paucis interjectis: Diligentissime itaque observandum est, ut aliquod dogma tamquam hereticum habeatur, non esse necessarium Concilii generalis celebrationem, sed sufficere Summi Pontificis condemnationem, una cum acceptatione totius Ecclesiae per orbem diffusæ: licet enim Decretum Pontificis, quatenus ab eo solo promanat, de fide non sit, cum ejus in decernendo infallibilitas fide Catholica minime constet; nihilominus si hac condemnatione ab universali Ecclesia, licet diffusa & non coacta in Concilio approbetur, jam nemo citra fidei detrimentum ei potest contradicere: est enim de fide, Ecclesiam non tantum ut congregatam in Oecumenico Concilio, sed ut diffusam per orbem errare non posse. Hæc Duvallius.

Accedit & censura sacræ Facultatis Parisiensis, die 9. Febr. an. 1663. qua declarat necessarium non esse absolute Concilium generale ad extirpanda quilibet schismata & quilibet hereses, v. gr. Pelagianam & Jansenianam, quas constat sufficienter extinctas absque Concilio generali, quod tamen in aliquibus casibus dici potest necessarium.

Pluribus de Conciliis egimus, Tomo 1. de Deo ac divinis Attributis, ubi de Locis Theologicis, pag. 163. & seq. quæ consuli possunt. Hoc unum hic repetendum, ubi Ecclesia, seu in Conciliis, seu extra Concilia, de fide pronunciavit, prompto animo ipsi obsequendum, nec cuiquam licitum esse hanc inobedientiæ ac perviciaciæ suæ causam obtendere, omnes ad legitimam definitionem conditiones necessarias, observatas non fuisse. Si enim, ait eleganter ac vere Melchior Canus, L. 5. de Locis, c. 5. q. 3. semel hereticis hanc licentiam permittimus, ut in questio- nem vocent, num Ecclesie Judices eam diligentiam & curam exhibuerint, quæ opus erat ut questio via & ratione finiretur; ecquis adeo cœcus est, qui non videat omnia mox Pontificum, Conciliorumque Judicia labefactari?

### ARTICULUS TERTIUS.

*De infallibilitate seu inerrantia Ecclesiae in causis fidei & morum definiendis.*

Ecclesiam hic consideramus sive per totum orbem sparsam ac diffusam, sive in Conciliis generalibus congregatam.

Else in Ecclesia ubique diffusa passivam infallibilitatem, qua sit ut tota

De su-  
prema  
R. P. in  
Eccl.  
potesta-  
te pag.  
234.

P. 235.

P. 268.

fidelium societas nusquam errorem admittere possit, non dissententur nostri Novatores: at negant esse in Pastoribus simul & collective sumptis activam infallibilitatem testimonii ac judicii, qua certo ac secure absque ulla erroris formidine possint de fidei caussis pronunciare. *Hereticis*  
 P. 177. *omnibus hoc gentile est*, ait Canis, L. 4. de Locis, c. 1. *simul atque sese Ecclesiae auctoritate urgeri vident*, aut illam spernere, aut Ecclesiae rem ad se nomenque transferre, & eam in illis esse negare in quibus revera est.

Negant pariter inerrantiae donum Concilio generali universam Ecclesiam referenti ac repræsentanti a Christo Domino concessum esse. Qui eorum circa Concilia generalia errores, irreverentiam, contumelias, mendacia scire voluerit, legat elegantem Præfationem Bellarmini in eos quos scripsit de Conciliis Libros.

Nonnullos etiam ex nostris de hocce ultimo capite subdubitasse aliquando colligere possumus, tum ex Cardinali de Alliaco, in questione in Vesperiis agitata, Tomo 1. Operum Gersonis postremæ editionis, pag. 622. & 3. parte de Ecclesiæ auctoritate, c. 1. Tum ex Joanne Breviscoxa Doctore Parisiensi in Tractatu de fide, *Ecclesia*, Romano Pontifice & Concilio generali, nunc primum typis edito, eodem Tom. 1. Operum Gersonis, pag. 898. Tum ex Joanne Major, in Commentariis in Evangelium S. Matthæi, ubi etsi sèpius afferat Concilium generale errare non posse, id tamen non ex fide Catholica certum, sed ex pia dumtaxat opinione vult credi debere. Tum ex Thoma Valdensi, L. 2. art. 2. c. 19. doctrinalis fidei, pag. 193. & seq. De fide tamen esse pronunciant, tum Canis, Lib. 5. de Locis, Conclusione 3. pag. 248. tum Bellarminus, Lib. 2. de Conciliis, cap. 2. propositione prima; tum alii vulgo Theologi, Concilium scilicet generale Ecclesiam universalem repræsentans errare non posse in Judicio fidei & morum.

### C O N C L U S I O .

*Ecclesia*, sive per orbem universum diffusa, sive in Conciliis generalibus congregata, errare non potest in caussis fidei & morum definiendis.

Prima pars, quæ est de Ecclesia per orbem diffusa.

Probatur 1. ex Scripturis quæ constantem ac perpetuam fore in Ecclesia fidem testantur. Ita promisit Deus apud Isaiam, c. 59. v. 20. & seq. *Cum venerit Sion redemptor ... hoc fædus meum cum eis dicit Dominus: Spiritus meus qui est in te, & verba mea, quæ posui in ore tuo, non recedent de ore tuo, & de ore sanninis tui amodo & usque in sempiternum.* Et Osee 2. v. 19. & 20. *Sponsabo te mihi in fide in sempiternum.* Quod si Ecclesiæ fides deficeret, jam sponsi Christi & sponsæ Ecclesiæ matrimonium dirimeretur; quorum tamen est indissolubilis perpetuaque conjunctio.

Matthæi 16. v. 18. *Tu es Petrus, & super hanc petram adificabo Ecclesiam meam, & portæ inferi non prævalebunt adversus eam.*

Matthæi ultimo v. 20. *Ecce ego vobiscum sum omnibus diebus usque ad consummationem seculi.*

I. ad Timoth. 4. v. 15. *Ut scias quomodo oporteat te in domo Dei conversari, quæ est Ecclesia Dei vivi, columna & firmamentum veritatis.*

Hanc vero Ecclesiæ in retinenda fide constantiam ac firmitatem, non

tanum passivam esse in tota populi Christiani societate, sed etiam acti-  
vam in Pastoribus, quos impossibile est simul omnes errare, ac in falsa  
doctrina populis tradenda conspirare, patet

I. Quia si falsam docere possent omnes simul per orbem sparsi Ecclesiæ  
Principes ac Pastores, falsum quoque admittere ac credere teneretur spar-  
sus ubique populus Christianus; ab illis etenim doctrina informatur, &  
quam illi tradunt, iste imbibit ac retinere debet: quare Sacerdotum om-  
nium error, totius erit error Ecclesiæ; & ita evanescet hæc ipsius infallibili-  
tas etiam passiva quam vel ipsi agnoscunt adversarii. *Quod si*, ait Canus  
de Locis, l. 4. Conclusione 4. *binc Pastores, inde oves in contrarias partes sepa-*  
*rentur, corporis compacti ac per omnem juncturam connexi disjunctio, omnem Ec-*  
*clesiæ distractab unitatem; & non solum inter optimates & populum constitutam a*  
*Christo societatem evertet, sed communem etiam inter se fidelium consociationem di-*  
*rimet, cuius consociationis arctissimum vinculum fidei est conspiratio eadem, & con-*  
*sensus partium non divulsus. Divulsus autem omnium erit, si populorum membra a*  
*suis capitibus divellantur. Atque ubi semel plebs rudit a Doctorum suorum commu-*  
*ni sententia declinaverit, quorum doctrinam postea secutura est? Ita Canus.*

II. Pastores in Ecclesia sua Christus instituit ut regerent sibi subditum  
gregem: *Posuit vos Spiritus Sanctus regere Ecclesiam Dei.* Dedit ipsis po-  
statem ligandi & solvendi: *Quæcumque alligaveritis super terram, erunt liga-*  
*ta & in cælo; & quæcumque solveritis super terram, erunt soluta & in cælo.* A&t. 20.  
v. 28.  
Matth.  
18.v.18.  
Jussit ut omnes gentes docerent: *Docete omnes gentes.* Dedit eos ad consum-  
mationem Sanctorum in opus ministerii, in ædificationem Corporis Christi .... Matth.  
ultimo.  
jam non simus parvuli fluctuantes, & circumferamur omni vento doctrinæ in ne-  
quitia hominum, in astutia ad circumventionem erroris. Eos misit sicut & ipse  
a Patre missus est: *Sicut misit me Pater & ego mitto vos.* Jussit ut audiren-  
tur, & eis obtemperaretur: *Qui vos audit, me audit,* Joan.20.  
v. 21.  
*Luca 10. v. 16. Obe-*  
*dite præpositis vestris, & subiacete eis.* Ipsi enim per vigilant, quasi rationem pro  
animabus vestris reddituri, Hebræor. 13. v. 13. & Matth. 23. v. 2. *Super Ca-*  
*thedram Moysi sederunt Scribæ & Pharisei.* Omnia ergo quæcumque dixerint  
vobis, servate & facite: secundum opera vero eorum nolite facere, & cap. 18.  
v. 17. *Si Ecclesiam non audierit, sit tibi sicut ethnicus & publicanus.*

Qua porro ratione stabant hæc omnia & conciliabantur, si omnes simul  
Pastores a fide deficere, & in errore suis gregibus propinando conspirare  
pariter omnes possunt? Demus enim istud contingere, quod fieri posse  
agnoscunt Novatores; necesse igitur erit omnem populum Christianum  
propinatum sibi a Pastoribus, quibus jubente Christo tenentur obsequi,  
erroris venenum haurire? Peribit ergo tunc in universa Ecclesia fides? Er-  
go omni vento doctrinæ circumferri nos oportebit, ac fluctuantes esse. Er-  
go tunc non in ædificationem Corporis Christi, sed potius in destructionem  
positi erunt Pastores; non ad Sanctorum consummationem, sed potius ad  
ruinam? An ad hoc *Spiritus Sanctus posuit Episcopos regere Ecclesiam Dei quam*  
*proprio acquisivit Sanguine?* An docendi munus ipsis in hunc finem concredi-  
dit, ac ligandi sicut & solvendi contulit potestatem? Quis credit ita Ec-  
clesiæ divinam aliquando deesse posse providentiam in re ad salutem com-  
munem maxime necessaria, cui Christus se perpetuo ad futurum promisit?

Et certe vim promissionis a Christo Pastoribus Ecclesiæ factæ non intel-  
ligit, quisquis ita insane opinatur. *Ego, inquit Christus,* Matth. ultimo,

*Tournely de Ecclesia. Tom. V. Pars I.*

M 3

vobis-

vobiscum sum omnibus diebus usque ad consummationem sæculi. Apostolos alloquitur, & in eorum persona omnes Episcopos illorum successores; & Jo: 14. v. 16. Ego ḥrogabo Patrem, & alium Paraclitum dabit vobis, ut maneat vobiscum in æternum, Spiritum veritatis quem mundus non potest accipere .... vos autem cognoscetis eum, quia apud vos manebit, & v. 26. Paraclitus autem Spiritus Sanctus, quem mittet Pater in nomine meo, ille vos docebit omnia, & suggeret vobis omnia quæcumque dixerim vobis, & rursus, cap. 16. v. 13. Cum venerit ille Spiritus veritatis, docebit vos omnem veritatem.

Et vero si tenebantur olim Judæi, ex ore Sacerdotum Legis interpretationem requirere, juxta istud, *Labia Sacerdotis custodient scientiam, & legem requirent ex ore ejus;* quanto magis ex Sacerdotibus, idest Pastoribus Evangelicis, fidei & morum præcepta populus Christianus exquirere tenetur? Unde tam arcta Pastoribus incumbit adipiscenda Ecclesiæ doctrinæ lex & obligatio, nisi voluerint hanc Dei comminationem in se experiri, de qua Propheta Osee, cap. 4. v. 6. *Quia tu scientiam repulisti, repellam te ne Sacerdotio fungaris mihi.*

III. Ex dictis paullo ante, Articulo 2. & probatis, necesse est agnoscere in Ecclesia vivam ac spirantem regulam, certum & ab omni erroris formidine liberum Judicem, a quo enatæ de Religione controversiæ ultimo ac decretorio Judicio finiantur: alias, nullus unquam futurus esset disputationum ac discordiarum finis; uniuscujusque arbitrio & voluntati Religionis causæ dimitterentur, unde dubium & ancipitem semper fluctuare necesse foret fidelium animum; ac, quod longe magis exitiosum foret, effusani aperiri ad omnem Religionem tolerandam, licentiam. Atqui regula hæc viva & spirans, seu Jūdex ille controversiarum semper præsens ac subsistens, ex dictis, sola est Christi Ecclesia: non Scriptura sola, non spiritus privatus revelans, non Princeps sacerularis, nec etiam in omni casu Concilium generale, quod absolute ac semper necessarium non est ut hæreses damnentur, sine quo multæ damnatae sunt. Superest igitur ut sit Ecclesia per orbem diffusa, quæ suum in Episcopis tribunal semper præsens ac subsistens habet.

Hæc est doctrina sacra Facultatis Parisiensis in Conclusionem quam anno 1663. die 19. Februarii tulit occasione Theseos Magistri Gabrieли Drouet de Villeneuve. Ibi quippe sacra Facultas declarat, *necessarium non esse absolute Concilium generale ad extirpanda qualibet schismata, & quaslibet hereses, v. gr. Pelagianam & Jansenianam, quas constat sufficienter extintas absque Concilio generali, quod tantum in aliquibus casibus dici potest absolute necessarium.*

Et in famosa Censura contra Lutherum, an. 1542. art. 18. Tenetur qui libet Christianus, ait Censura, firmiter credere unam esse in terris universalem Ecclesiam visibilem, quæ in fide & moribus errare non potest, cui omnes fideles in his quæ sunt fidei & morum obedire adstringuntur. Articulo vero 19. Quod si quid, pergit, in Scripturis sacris controversiæ aut dubii oriatur, ad præfamatam Ecclesiam definire & determinare spectat.

Rursus in Censura contra Venantium, an. 1664. die 24. Maii, sic loquuntur Magistri Parisenses: *Ha Præpositiones, quatenus excludunt ab Ecclesia infallibilitatem activam seu auctoritatem emergentia circa fidem dubia, infallibilis veritatis oraculo tollendi & explanandi, falsæ sunt, temerariae, scandalosæ & hæreticæ.*

Eodem

Eodem anno, cum D. de la Milletiere Librum evulgasset sub hoc titulo gallice, *Le Pacifique véritable*, atque in eodem docuisset solis Conciliis Oecumenicis declarari unanimem Ecclesiae consensum, atque sola eorum Decreta firma esse ac irreformabilia, sacra Facultas doctrinam hanc Censura sua notavit his verbis: *Hæ Propositiones, in quantum infallibilitatem Ecclesiae universali, in nullo alio statu quam in Concilio Oecumenico congregatae tribuunt, & ipsam aliquo tempore legitimi usus pænitentiæ cognitione caruisse supponunt, temerariæ sunt, ipsi Ecclesiae injuriosæ & hæreticæ.*

Tom. 2.

Oper.

Gers. p.

1004.

Quapropter minus accurate ac castigate, nostro quidem judicio, scripsit Almainus, Tract. de auctoritate Ecclesiae c. 10. Ecclesiam ut dispersam nullum actum jurisdictionis exercere posse, nec aliquid sententialiter definire; & sic infallibilitatem in definiendo ei competere ut congregatae in Concilio. Habet enim veram & quidem activam infallibilitatem etiam dispersa, & extra Concilium vere judicat; atque consensu suo sive expresso, sive tacito, Apostolicas de fide Constitutiones, vel privataram Synodorum statuta recipiendo, vim ineluctabilem illis confert ac impertitur. Quod manifeste patet multarum hæreseon exemplo, quæ nullo Oecumenico Concilio damnatae fuerunt, sed vel a Romanis Pontificibus vel ab aliquibus Episcopis in Conciliis Provincialibus. Hac ratione toto orbe terrarum proscripta fuit Pelagiana hæresis. Ita testatur S. Augustinus, Epistola 190. alias 157. ad Optatum. Ita pariter Marius Mercator in Commonitorio ad Theodosium cap. 3. Quæ omnia, inquit ille, supra scripta Capitula continet illa beatæ memoriae Episcopi Zozimi Epistola, quæ Tractoria dicitur, qua Cælestius Pelagiisque damnati sunt; quæ & Constantinopolim & per totum orbem missa, subscriptionibus sanctorum Patrum est roborata. Unde merito dicebat Augustinus Lib. 3. contra Jul. cap. 1. n. 5. caussam finitam esse, nec amplius audiendos esse Pelagianos quantum ad jus examinis pertinet.

Edit.  
nov. p.  
10.T. 10. p.  
555. C.

IV. Ecclesia in Conciliis generalibus coacta, non alia de causa errare non potest in suis de fide ac moribus Decretis, quam quod Concilium Oecumenicum Ecclesiam universam representat, quæ representatio totius nominis Christiani, ait Tertullianus antea laudatus, magna veneratione celebratur. An vero imago, seu representatio, & quoddam veluti compendium totius Ecclesiae privilegio inerrantia gaudēbit, & eo privabitur ipsamet vera, realis & universalis Ecclesia, qualis ea est, quæ per orbem universum sparsa diffunditur? An, quæso, Concilium Oecumenicum a loco, ubi congregatur, auctoritatem habet infallibilem? Non puto tam absurdum quemquam fore, qui afferat. Ergo non aliunde illam obtinet, quam quod universam representat Ecclesiam, adversus quam portæ inferi nunquam prævalebunt. Igitur par & æqualis est, suprema & infallibilis, Ecclesiae sive representantis, sive representatæ, auctoritas.

Libro de:  
jejuniiis  
c. 13. p.  
552. E.

Probatur 2. auctoritate SS. Patrum & veterum Ecclesiae Scriptorum, in primis S. Irenæi & Tertulliani, qui ad Ecclesias Apostolicas ubique terrarum dispersas, non ad Concilia generalia recurrent, ut vera fidei regula figuratur & dignoscatur.

S. Irenæus Lib. 3. adversus hæreses c. 2. ait hæreticos bifariam oppugnari posse, vel Scripturis, vel cum ad eam iterum Traditionem quæ est ab Apostolis, quæ per successionem Presbyterorum in Ecclesiis custoditur, provocamus eos. Et c. 3. Traditionem itaque Apostolorum in toto mundo manifestatam, in omni Ec-

P. 175.  
Op. 175.

Ibid.

M. 4. clesia

clesia adest perspicere omnibus qui vera velint videre: & habemus annumerare eos qui ab Apostolis instituti sunt Episcopi in Ecclesiis, & successores eorum usque ad nos, qui nihil tale docuerunt, neque cognoverunt, quale ab his (Hæreticis) deliratur. Successionem Ecclesiæ Romanæ a Petro & Paulo fundatæ, &

P. 176. Traditionem ibi conservatam mox recenset, in qua semper, ait, ab his quæ sunt undique, conservata est ea, quæ est ab Apostolis Traditio. Et cum Episcopos omnes Romanos ad sua usque tempora numerasset, Hac ordinazione, inquit, & successione, ea quæ est ab Apostolis in Ecclesia Traditio & veritatis præconiatio, pervenit usque ad nos, & c. 4. Non oportet apud alios querere veritatem, quam facile est ab Ecclesia sumere; cum Apostoli, quasi in depositorum dives, plenissime in eam contulerint omnia quæ sunt veritatis: uti omnis quicumque velit, sumat ex ea potum vite ... & paullo post: Quid enim? Et si de aliqua modica questione disceptatio esset, nonne oporteret in antiquissimas recurvare Ecclesiæ, in quibus Apostoli conversari sunt, & ab eis de presenti questione sumere, quod certum & re liquidum est? Quid autem si neque Apostoli quidem Scripturas reliquissent nobis, nonne oportebat ordinem sequi Traditionis, quam tradiderunt iis quibus committebant Ecclesiæ? Cui ordinationi assentient multæ gentes Barbarorum, eorum qui in Christum credunt sine charta & atramento scriptam habentes in cordibus suis salutem, & veterem Traditionem diligenter custidentes.

P. 48. col. Lib. 1. c. 10. alias 2. & 3. jam dixerat: Ecclesia per universum orbem usque ad fines terræ seminata, & ab Apostolis & a discipulis eorum accepit eam fidem quæ est, &c. Hanc prædicationem cum acceperit, & hanc fidem, quemadmodum prædictimus, Ecclesia, & quidem in universum orbem disseminata, diligenter custodit, quasi unam domum inhabitans; & similiter credit iis, videlicet quasi unam animam habens, & unum cor, & consonanter hac prædicat & docet, & tradit quasi unum possidens os. Nam et si in mundo loquelæ dissimiles sunt, sed tamen virtus Traditionis una & eadem est. Et neque hec quæ in Germania sunt fundamenta Ecclesiæ aliter credunt aut aliter tradunt; neque hec quæ in Hiberis sunt, neque hec quæ in Celtis, neque hec quæ in Oriente, &c. sed sicut Sol, creatura Dei, in universo mundo unus & idem est, sic & lumen, prædicatio veritatis ubique lucet & illuminat omnes homines qui volunt ad cognitionem veritatis venire.

P. 262. Denique Lib. 4. c. 26. alias 43. Quapropter, ait, eis qui in Ecclesiis sunt, col. 2. n. Presbyteris obaudire oportet, his qui successionem habent ab Apostolis ... qui cum Episcopatus successione charisma veritatis certum secundum placitum Patris accepterunt, & c. 33. alias 63. Agnitio, inquit, vera est Apostolorum doctrina, P. 272. col. 2. n. & antiquus Ecclesiæ status in universo mundo, & character Corporis Christi, secundum successiones Episcoporum, quibus illi eam, quæ in uno quoque loco est, Ecclesiam tradiderunt; quæ pervenit usque ad nos.

Videtis S. Doctorem continuo recurrere, & Hæreticos provocare ad fidem & Traditionem, quæ in Ecclesiis ubique terrarum dispersis conservatur. Consensus itaque dispersarum Ecclesiarum certum est ac invictum veræ fidei ac Traditionis argumentum.

Tertullianus alter est ejusdem sententiæ ac doctrine vindex & assertor eximus. In hunc finem aureum scripsit adversus heræs de Prescriptionibus P. 203. Librum. Cap. 29. sic loquitur: Apostoli Ecclesias apud unamquamque civitatem condiderunt, a quibus traducem fidei & semina doctrinae ceteræ exinde Ecclesiæ mutuantur, & quotidie mutuantur ut Ecclesiæ fiant; ac per hoc & ipsæ Apostolicæ deputantur, ut soboles Apostolicarum Ecclesiarum. Omne genus ad origi-

originem suam censeatur necesse est. Itaque tot ac tantæ Ecclesie, una est illa ab Apostolis prima, ex qua omnes. Sic omnes prima; & Apostolicæ, dum una omnes probant unitatem: dum est illis communicatio pacis, & appellatio fraternitatis, & confeſſeratio hospitalitatis; quæ jura non alia ratio regit, quam ejusdem sacramenti una traditio.

Cap. 21. Hinc igitur, pergit Tertullianus, dirigimus præscriptionem: si Dominus Jesus Christus Apostolos misit ad prædicandum, alios non esse recipiendos prædicatores, quam Christus instituit .... Quid autem prædicaverint, idest, quid illis Christus revelaverit, & hic præscribam non aliter probari debere, nisi per easdem Ecclesiæ, quas ipsi Apostoli condiderunt, ipsi eis prædicando, tam viva, quod ajunt, voce, quam per Epistolas. Postea: si hæc ita sunt, constat proinde omnem doctrinam, quæ cum illis Ecclesiæ Apostolicis matribus & originalibus fidei conspiret, veritati deputandam; sine dubio tenetem quod Ecclesia ab Apostolis, Apostoli a Christo, Christus a Deo accepit: omnem vero doctrinam de mendacio præjudicandam, quæ sapiat contra veritatem Ecclesiæ, & Apostolorum, & Christi, & Dei.

Et cap. 28. Age nunc, inquietabat, omnes erraverint ... nullam respexerit P. 112. Spiritus sanctus, uti eam in veritatem deduceret, ad hoc missus a Christo, ad hoc postulatus de Patre ut esset doctor veritatis; neglexerit officium, Dei Villius, Christi Vicarius, sinens Ecclesiæ aliter interim intelligere, aliter credere, quod ipse per Apostolos prædicabat: ecquid verisimile est ut tot ac tantæ in unam fidem erraverint? Nullus inter multos eventus unus est: exitus variasse debuerat error doctrinæ Ecclesiæ. Ceterum, quod apud multos unum invenitur, non est erratum, sed traditum. Audeat ergo aliquis dicere illos errasse qui tradiderunt? Quoquo modo sit erratum; tamdiu utique regnavit error, quamdiu heres non erant. Aliquos Marcionitas & Valentinianos liberanda veritas expectabat: interea perperam evangeliabantur, perperam credebatur, tot millia millium perperam tinetur, tot opera fidei perperam administrata, tot virtutes, tot chrisma perperam operata, tot sacerdotia, tot ministeria perperam functa, tot denique martyria perperam coronata, &c.? Sic explodebat Tertullianus eos qui Ecclesiam universam in errorem dilapsam esse arbitrabantur.

Denique cap. 36. ejusdem Libri, provocat ad Ecclesiæ Apostolicas dispersas, ut fidei veritas tuto ac securè habeatur. Percurre, inquit, Ecclesiæ Apostolicæ, apud quas ipsæ abduc Cathedræ Apostolorum suis locis præsident, apud quas ipsæ authenticæ Litteræ eorum recitantur, sonantes vocem & repræsentantes faciem uniuscujusque. Proxima est tibi Achaja? habes Corinthum. Si non longe es a Macedonia, habes Philippenses, habes Thessalonicenses. Si potes in Asiam tendere, habes Ephesum. Si autem Italæ adjaces, habes Romanum, unde nobis quoque auctoritas præsto est. Ista quam felix Ecclesia! cui totam doctrinam Apostoli cum sanguine suo profuderunt.

Hegesippus, referente Eusebio Lib.4. Hist. c.12. cum Romam tendret, ut de fide Ecclesiæ fieret certior, uniuscujusque Episcopos interrogabat; a quibus unam eamdemque audivit doctrinam.

S. Cyprianus etiam, in Epistola ad Pupinianum: Christus dicit ad Apostolos, ait, ac per hoc ad omnes Praepositos, qui Apostoli vicaria ordinatione succidunt, Qui audit vos, me audit; qui rejicit, me rejicit, & postea afferit, Ecclesiæ non esse multitudinem contumacium, sed plebem Sacerdoti adunatam, & gregem suo Pastori adhaerentem. Unde qui cum Episcopis non sint, eos in Ecclesia non esse;

esse; frustraque eos sibi blandiri, qui pacem cum Sacerdotibus non habuerint, cum Ecclesia, quæ Catholica una est, scissa non sit, sed connexa & coherentium sibi invicem Sacerdotum glutino copulata.

**Tom. 3.** S. Cyrillus, in Epistola Synodica ad Nestorium sic ipsum alloquitur: **Conc. p.** Præter hoc addendum illud est, ut scripto ac jurejurando affirmes te præterea anathematizare quæ scelestæ & profane hærenus sensisti: & ea rursum post hoc te sensum & doctrum pollicere quæ & nos, & ceteri omnes quotquot vel in Occidente, vel in Oriente, vivunt Episcopi, doctores ac duces populorum ... **397. C.** Hæc enim est Catholice Apostolicæque Ecclesiæ fides, in qua universi Occidentis & Orientis orthodoxi Episcopi consentiunt.

**Tom. 4.** S. Hieronymus, Dial. contra Luciferianos, Poteram, inquit, omnes pro parte. 2. positionum rivulos uno Ecclesiæ Sole siccare.

**p. 306.** S. denique Augustinus, Lib. de hæresibus: Quid contra ista, inquit, T. 8. p. sentiat Ecclesia Catholica, superfluo queritur: cum propter hoc scire sufficiat 28. A. eam contra ista sentire, & Lib. 7. de Baptismo c. 53. Nobis tutum est ... fiducia securæ vñcis afferere, quod in gubernatione Domini Dei nostri J. C. universitatis Ecclesiæ consensione roboretur est, & Lib. de utilitate credendi cap. 15. 202. B.C. ait: Nolle Ecclesiæ primas dare, vel summae impietatis esse, vel precipitis arrogantiae. Denique, in Libro contra Epistolam Manichæi, quam vocant 69. E. Fundamenti, postquam exposuit cap. 4. quibus gravissimis motivis in Ibid. p. Ecclesia detineatur cap. 5. sic ait: Ego Evangelio non crederem, nisi me 154. A. Catholice Ecclesiæ commoveret auctoritas.

Concilium VIII. generale in Epistola encyclica, post relata Christi Tom. 8. verba, Portæ inferi non prævalebunt, sic loquitur, Multoties alias inferi portas apertas contra Ecclesiam & devorare eam tentantes obstruxit, contrivit atque destruxit, hæreticas videlicet opiniones & iniqua conanima quæ in præteritis generationibus per sua tempora sunt exorta; sed nihilominus & instantibus temporibus inferno proprium os contra Ecclesiam Christi aperiente & dilatante, protector ejus factus est Christus, &c.

**Secunda pars Conclusionis,** errare scilicet non posse Ecclesiam in Concilio generali congregatam in Judicio fidei & morum.

Probatur 1. Certum est & ab omni erroris periculo tutum Judicium Eccl. infalibiliter per orbem universum disperforum, ut mox probavimus; patiter ergo certum & ab omni errore tutum debet affirmari, cum in Conciliis OEcumenico congregantur. Tum quia Ecclesiam ipsi universam tunc referunt ac repræsentant, dum nempe unusquisque eorum quæ sit Ecclesiæ suæ fides ac traditio declarat ac testatur. Sicut enim quilibet Episcopus suam repræsentat Ecclesiam, ita universam referunt & repræsentant; & sicut in quolibet Episcopo representative residet auctoritas suæ particularis Ecclesiæ, ita auctoritas Ecclesiæ universalis representative residet in omnibus Episcopis coactis in Concilio Oecumenico. Unde Martinus V. in Conc. Constantiensi, de hæresi suspectos jubet interrogari, Num credant Concilium generale universam Ecclesiam repræsentare. Tum quia Episcopis datum est regere Ecclesiam Dei, data ligandi atque solvendi auctoritas; ad illos igitur, non ad plebem imperitam, pertinet de rebus fidei ferre judicium: quod nisi certum sit, ac omnino securum, necesse erit fluxum ac caducum esse publicum Ecclesiæ regi men, cæcam ac præcipitem ligandi ac solvendi auctoritatem; populum universum circumferri omni vento doctrinæ, ac:

continuo Pastorum seductioni & erroribus obnoxium subjacere ; a quibus certe gravissimis incommodis tuta semper ac secura futura est Ecclesia , fidem faciente ipsomet Christo , portas inferi nusquam adversus eam prevalituras .

Porro non alibi melius ac commodius de publicis Ecclesiæ negotiis , sive fidem specent , sive mores ad disciplinam , tractant ac judicant Episcopi , quam in Synodis congregati , ubi se se mutuis juvant , doctrinæ , industria , studiorum , luminis , sapientiæ , consiliorum præsidii : non alibi melius potestatem activam seu jurisdictionem in legibus ferendis demonstrant & exercent . Quapropter Bellarmino subscribere non possumus , cum Lib . 2. de Conciliis c . 16. docet , Ecclesiæ universitat , neque Concilio generali quatenus Ecclesiam universalem repræsentat , ullam esse datam auctoritatem .  
 Quæ doctrina eo tendit , ut probet S. Pontificem esse supra Concilium :  
 de qua controversia suis erit aliquando dicendi locus . Tum denique quia , promittente Christo , Joan . 16. v . 13. Episcopos & Ecclesiæ Pastores Spiritus veritatis docebit omnem veritatem . Ergo in Concilio generali Ecclesiam universam sufficienter repræsentante , coacti Episcopi errare non possunt in suis de fide ac moribus Decretis .

Nec est quod dicant Novatores , ita quidem esse , si Episcopi judicent secundum legitimum Scripturæ sensum . Namque , ut recte regerit Melchior Canis de Locis , Lib . 4. Conclusione 2. *Quis iudex erit , an Ecclesia Scripturam rite , an secus interpretetur ?* Hæc igitur conditio omnia P. 200. facit ambigua quæ sunt ab Ecclesia definita ; ac semper suspicio injici poterit , num Ecclesia recte vel non asecuta fuerit Scripturæ sensum ; neque majus erit Ecclesiæ , quam privati cuiuslibet privilegium : cuiilibet enim secundum Scripturas judicanti credi debet . Hæc igitur Ecclesiæ infallibilitas judicii & testimonii absoluta est , non conditionata : neque enim permittet unquam Christus , ut Ecclesia , quæ est custos depositi , a vera Scripturæ interpretatione aliquando recedat .

Probatur 2. ex istis Christi verbis , Matth . 18. v . 20. *Ubi sunt duo vel tres congregati in nomine meo , ibi sum in medio eorum .* Calvinus , ait hic Bellarminus , Lib . 2. de Conciliis , c . 2. non adeo magni facit hoc testimonium , propterea quod ex eo videatur probari posse , etiam Concilium duorum hominum non posse errare . Sed ( pergit Bellarminus ) is hoc testimonium non contemnet , qui observarit , argumentum sumi non simpliciter ex his verbis , sed ex his verbis continuatis cum superioribus , & propterea addita argumentatione a minori ad majus . Dixerat enim antea Dominus de homine incorrigibili , *Dic Ecclesiæ , & si Ecclesiam non audierit , sit tibi sic ethnicus & publicanus . At ne quis Ecclesiam , sive Congregationem Prælatorum contempnendam putaret , adjunxit continuo , Amen dico vobis , quæcumque ligaveritis super terram , erunt ligata & in cælo , &c.* Et ne quis dubitaret de assentientia Dei , quando Episcopi congregati aliquem damnant vel absolvunt , subjungit : *Ubi enim sunt duo vel tres congregati in nomine meo , ibi ego in medio illorum sum .* Quorum verborum hæc sententia est : *Si duo vel tres congregati in nomine meo obtinent semper quod petunt a Deo , nimis sapientiam & lumen quod sufficit eis ad cognoscenda ea quæ ipsis necessaria sunt , quanto magis Episcopi omnes congregati in nomine meo , semper obtinebunt quod iuste petunt , idest , sapientiam & lumen ad judicanda ea quæ ad totam Ecclesiam dirigendam pertinent ?* Itaque sive pauci , sive multi , sive privati , sive Episcopi congregentur in nomine Christi , omnes habent Christum

præ-

To . 2. p.  
38. col.  
2. G.

Tom. I.  
p. 22. col.  
I. D.

præsentem & adjuvantem, & obtinent quod eis convenit obtainere. Sed in congregazione paucorum & privatorum adest Christus, ut eos adjuvet in rebus partivis & privatis: in congregazione autem Episcoporum adest, ut eos adjuvet in rebus magnis & publicis. Ita hunc locum exponit Concilium Chalcedonense, in Epistola ad Leonem, quæ est post finem tertiae Actionis ejusdem Concilii. Item sexta Synodus, Act. 17. Toletanum III. non procul ab initio. Item Innocentius Papa apud Gratianum, dist. 20. Can. de quibus. Celestinus in Epistola ad Ephesinum Conc. & S. Cyrillus, in Expositione Symboli Nicæni circa principium. Hactenus Bellarminus.

Brevius: Discrimen Concilii particularis & Oecumenici quoad privilegium inerrantiae reponi in eo debet, quod nullo satis firmo & in promissione Christi fundato demonstrari possit, Concilia particularia in nomine Christi congregari: (qua tamen una conditione Conciliis privilegium non errandi promisit Christus) econtra certissima fide constare debet, Concilium, quod vere Oecumenicum est, in nomine Christi congregari, & consequenter habere sibi assistentem divinum Spiritum. Quid ita? Quia Concilium Oecumenicum ipsummet Ecclesiæ corpus est & constituit: corpus autem Ecclesiæ nusquam est sine suo essentiali, primo, & invisiibili Capite, Christo, quem dedit Deus Caput supra omnem Ecclesiam, ait Apostolus, Ephes. 1. v. 22. Alioquin a corpore Ecclesiæ separatus aliquando Christus foret eamque desereret, quod pugnat cum ea fide & promissione qua testatur se nunquam ab Ecclesia abfuturum.

Conditiones ad Concilium Oecumenicum re-  
quisita. Probatur 3. ex cap. 15. Actuum Apostolorum, ubi refertur historia Concilii omnium primi Oecumenici, quod fuit ab Apostolis celebratum in causa Legalium, quodque formam & exemplar præbuit ceteris subinde celebrandis Conciliis. Nulla scilicet ex conditionibus necessariis ad Oecumenicam Synodum hic desideratur.

Finis & occasio  
Concili. 1. Occasio Concilii fuit controversia Antiochiæ orta circa Legalium necessitatem: *Quidam descendentes de Iudea*, ait Historicus sacer, *decebant fratres*. *Quia nisi circumcidamini secundum morem Moyse*, non potestis salvari. *Fatigati ergo seditione non minima* Paulo & Barnabæ *adversus illos*, statuerunt ut ascenderent Paulus & Barnabas, & quidam alii ex aliis, ad Apostolos & Presbyteros in Jerusalem, super hac quæstione ... Convenerunt ergo Apostoli & seniores videre de verbo hoc. Enfinis & scopus hujusce convocationis Apostolorum: decisio scilicet hujus quæstionis, An gentes ad Christum conversæ cogi deberent ad observationem Legis Mosaice; neque alias est Concilii Oecumenici finis, quam aut fidei aut morum definitio contra hæreticos vel schismaticos.

T. 2. p.  
2. col.  
1. C.D. Atque hinc Conciliorum necessitas eruitur, quam recte probat Bellarminus, Lib. 1. de Conciliis, cap. 11. *Tum quia est medium ordinarium definientis controversis fidei accommodatum: Tum quia licet Apostoli seorsim singuli potuisse sentire controversies, tamen ne viderentur negligere medium ordinarium, & a Christo ipso demonstratum, non sine Concilio controversiam de Legalibus Antiochiæ exortam definire voluerunt: Tum quia ita fert consuetudo totius Ecclesiæ, atque omnium seculorum, semper enim fuit in Ecclesia ista consuetudo, ut ad res dubias explicandas Concilia Episcoporum haberentur. Et ipsi etiam Romani Pontifices nullam unquam hæresim novam sine novo Concilio damnaverunt ... Quod autem semper & ab omnibus factum est, quis negare audebit, ordinarium dici posse,*  
*Ibid. C. & revera esse? Paullo antea dixerat idem Bellarminus, non debere Pontificem in*

In controversiis fidei disjudicandis, aut solo suo iudicio fidere; aut expectare di-  
vinam revelationem, sed adhibere diligentiam, quantam res tanta postulat, & or-  
dinaria media; & tum demum expectare assistentiam Spiritus sancti, & direc-  
tionem divinam. Hæc Bellarminus, quibus Conciliorum necessitatem op-  
time demonstrat. Adde trigesimam nonam sessionem Conc. Constantien-  
sis ubi sic loquuntur Patres: *Frequens Conciliorum generalium celebratio agri*  
*Dominici cultura est præcipua, quæ vespes, spinas & tribulos hæresum & erro-  
rum, & schismatum extirpat, excessus corrigit, deformata reformat, & vineam  
Domini ad frugem uberrimæ fertilitatis adducit: illorum vero ne neglectus præmissa  
diffusimat atque fovet, &c.* Non tamen inde colligas, simpliciter & abso-  
lute in omni casu necessarium esse Concilium generale, sed tantum ali-  
quo in casu: quandoquidem, ut observat sacra Facultas Parisiensis antea  
citata, multæ hæreses sufficienter extinctæ sunt absque Concilio generali.

II. Fuit convocatio Apostolorum & seniorum: per seniores autem in-  
telligendi sunt vel ii quos Apostoli Episcopos ordinaverant, vel ii quos  
regendis novis Christianis præfecerant, quales erant Silas & Barsabas qui  
dicuntur *viri primarii in fratribus*, Act. 15. v. 22. Fuit autem generalis  
hæc Ecclesiæ convocatio, quæ plane necessaria est, ut vere Oecumenicum  
habeatur Concilium, ac sufficienter universam Ecclesiam repræsentet.

Nisi enim omnes vocentur & ad Synodum celebrandam invitentur per  
orbem sparsi Episcopi, Synodus convocatione Oecumenica non erit, nec  
consequenter universam Ecclesiam sufficienter repræsentabit, nec illud  
habebit inerrantia privilegium quod in Concilio generali solum agnoscimus,  
quatenus nempe Ecclesiam universam repræsentat. Atque hinc aper-  
tum est discrimen quod est inter Concilium Generale, & Provinciale, vel  
Nationale, vel Diocesanum; quod nempe in his postremis fiat duntaxat  
convocatio Episcoporum alicujus Nationis vel Provinciæ; in Concilio ve-  
ro Generali fiat omnium orbis Christiani convocatio. Necesse tamen non  
est ad Synodum vere Oecumenicam, ut omnes re ipsa convocati Episco-  
pi adsint & congregentur: tum quia vix moraliter id fieri potest: tum  
quia & in hoc ipso Jerosolymitano Concilio non omnes adfuere Episco-  
pi; sed tantum adfuere Petrus, Jacobus, Joannes, Paulus & Barnabas.  
Ad convocationem igitur generalem necesse est omnes vocari, sufficit  
tamen ut ex singulis Nationibus & Regnis aliqui eo numero convenient,  
qui possint sufficienter universam Ecclesiam referre seu repræsentare.

Adverte, contingere posse ut Synodus aliqua sit Oecumenica convoca-  
tione, non sit vero congregatione: si nempe ita numero pauci conveni-  
rent, ut Ecclesiam universam sufficienter non repræsentarent. Rursus con-  
tingere posse, ut Synodus convocatione & congregatione sit Oecumenica,  
non autem exitu seu eventu, ut contingit in Latrocino Ephesino: si nem-  
pe convocati & congregati Episcopi aut libertate priventur, & minis ac  
metu impellantur; aut spretis omnibus æquitatis legibus, omnia per fas  
& nefas subvertant. Synodus igitur vere Oecumenica, talis debet esse,  
tum convocatione, tum celebratione, tum exitu.

Adverte præterea, ad Oecumenicum Concilium necesse non esse ut in  
unum & eundem locum simul confluant Orientis & Occidentis Episcopi; sed  
fieri posse, ut Orientales in una, & Occidentales in altera Civitate congre-  
gentur, atque ex mutuo omnium consensi vere exurgat Oecumenica Synodus.

Qua.

To. 12.  
Conc. p.  
238. C.Convo-  
catio ge-  
neralis.

Qua ratione Concilium Constantinopolitanum primum, cui soli adfuerere Orientis Episcopi, Oecumenicum fuit; quia eodem tempore sub Damaso Romæ celebrata est Occidentalium Synodus, quæ cum Synodo Constantinopolitana conspiravit in retinenda ac propugnanda fide Divinitatis Spiritus sancti.

III. Concilio Jerosolymitano adfuerere Apostoli, & seniores seu Presbyteri. Convenerunt Apostoli & seniores videre de verbo hoc, vers. 6. Imo & cilio in- plebs ipsa adfuit, ut colligitur ex verbi 12. ubi dicitur: *Tacuit autem omnis multitudo, & audiebant Barnabam & Paulum.* Porro si per seniores seu Presbyteros intelligere placeat Episcopos, adfuerere illi tamquam testes & Judices fidei; si vero simplices intelligere volueris Presbyteros, adfuerere tamquam testes fidei quam ab Apostolis prædicatam excepérant, tamquam Consultores, qui de proposita controversia differerent, non tamquam Judices ex auctoritate pronunciantes, nisi saltem ex privilegio & concessione Apostolorum. Aliquando etiam ab Episcopis subinde vocatos ad Synodum Presbyteros fuisse, & jus suffragii habuisse, constat ex Historicis monumentis. Vide quæ ea de re diximus Tomo 1. de Deo, ubi de Locis Theologicis. Multitudo vero plebis adfuit, ut testis esset eorum quæ in Concilio tractarentur ac definiterentur.

IV. De proposita quæstione facta est magna conquisitio, ut dicitur, v. 7. Quapropter ex utraque parte, idest, tam ex parte Catholicorum, quam ex parte Cerinthi & aliorum Judaisantium, missi sunt ad Concilium, qui de hac controversia inter se disceptarent, ut ostendunt ista sacri textus verba: *Statuerunt ut ascenderent Paulus & Barnabas, & quidam alii ex aliis, quibus edocemur: 1. neminem esse a Concilio excludendum qui audiri voluerit, atque Hæreticis ipsis dandam esse licentiam opiniones suas proponendi ac tuendi; 2. magnam esse debere suffragiorum libertatem; 3. non alia conditione Episcopis in Concilio generali congregatis adesse Christum assistentia & ope singulari Spiritus sancti, quam si adhibeant humana & ordinaria media, industria, studii, collationis, disputationis, ad veritatem detegendam, illustrandam & confirmandam.* Deus scilicet qui omnia suaviter disponit ac moderatur, via supernaturali aperta & manifesta hic non agit, sed occulta spiritus subministratio: unde Episcopos permittit omnibus humanae infirmitatis periculis obnoxios esse, metus scilicet, ambitionis, avaritiæ, cupiditatis, &c. Neque unquam promisit Christus se a Conciliis ejusmodi pericula semper propulsaturum, quasi humanitatem omnem exuant Episcopi, eo ipso quod in Conciliis congregentur: sed hoc unum promisit, se ipsis adfuturum, *quoties in nomine suo congregarentur;* hoc est, servata suffragiorum libertate, & adhibita humana industria & diligentia veritatem sedulo inquirerent.

Porro diligentiam illam ceterasque ad Canonicum judicium requisitas conditiones adhibitas fuisse merito præsumitur, quoties Episcopi sive congregati sive dispersi decretum dogmaticum Fidelibus proponunt, aut jam a Sede Apostolica latum acceptant. Quid enim, quæsto, prodebet nosse Ecclesiam in suis definitionibus non erraturam, adhibitis certis quibusdam conditionibus, nisi aliunde constaret has conditiones adhibitas fuisse, quando definitiones suas Fidelibus credendas proponit? Atque in hoc maxime elucet divina virtus ac providentia? quod medios inter alter-

cantum Episcorum motus semper erumpat victrix ac triumphans veritas.

Inde colliges, ea omnia quæ in disputationibus, colloquiis, ac concertationibus proferunt Episcopi, ut Canonibus faniendis viam præmuniant, Scripturam exponant, ac veritatem fidei illustrent aut confirmant, ad fidem non pertinere; neque adigi Fideles ut ea velut totidem Spiritus sancti oracula venerentur & accipiant. Sunt quidem hæc magni ponderis, sed fidem certam non faciunt: hoc unum fidei caput haberi debet ab omnibus credendum, quod a toto Concilio in Canonibus proponitur ac definitur.

Porro, inquit Canus, Lib. 5. de Locis, c. 5. quæ in Conciliorum vel Pontificum p. 275. Decretis, vel explicandi gratia inducuntur, vel ut objectioni respondeatur, vel etiam obiter & in transcurso præter institutum præcipuum, de quo erat potissimum controversia, ea non pertinent ad fidem, hoc est, non sunt Catholicæ fidei Judicia. Exempli causa ponamus aliquid, quod positum in una re, transferri per multas possit. Quod in capite, Firmiter, de summa Trinitate, dicitur, Angelos esse incorporeos, id non fidei decretum est, cum post Decretalem illam nonnulli & Philosophi & Theologi falso quidem, sed citra heresios notam contrarium asseruerint.

Quod si quaras quibus regulis & notis discerni possit definitio Concilii ad fidem pertinens; Respondeo istas a Melchiore Cano, loco mox cito, indicari: Prima, si contrarium afferentes, pro Hæreticis judicentur. Secunda, cum in hac formam Synodus Decreta præscribit, Si quis hoc aut illud senserit, anathema sit. Tertia, si in eos qui contradixerint excommunicationis sententia ipso jure feratur. Quarta, si quicquam expresse & proprie a fidelibus firmiter credendum, aut tamquam dogma Catholicæ accipiendum dicatur, vel aliis similibus verbis aliquid esse Evangelio doctrinæ Apostolorum contrarium. Dicatur autem non ex opinione, sed certo & firmo decreto.

Merito igitur quinta Synodus generalis, Collatione sexta observat, in Conciliis non unius vel alterius interlocutionem attendi oportere, sed hæc quæ communiter ab omnibus vel amplioribus definitiuntur. Idem fere jam dixerat Tom. 5. Conc. p. 545. D. Justinianus Imperator, in Edicto adversus tria Capitula. Oportet, inquietabat, etiam illud attendere eos qui veritatem perscrutantur, quod forsitan in Conciliis quedam a certis ibi convenientibus dicuntur, aut per favorem, aut per contrarietatem, aut per ignorantiam. Nemo autem attendit ea quæ per partem a quibusdam dicuntur; sed sola illa, quæ ab omnibus communi consensu definitiuntur.

V. In Concilio Jesolymitano primus sententiam dixit S. Petrus vers. 7. S. Petrus quod nempe primatum gereret super alios Apostolos: qua prærogativa gaudet S. Pontifex Romanus erga ceteros Episcopos; unde ipsius est Concilia convocare, aut eorum saltem convocationi per Imperatores aliquando factæ, consentire: ipsius est illis vel per se vel per Legatos præsidere, ea confirmare, eorum executionem per totum orbem urgere ac promovere.

VI. S. Jacobus tamquam Episcopus urbis in qua celebrabatur Concilium, post S. Petrum sententiam suam his verbis expressit, v. 19. Ego iudico non inquietari eos qui ex gentibus convertuntur ad Deum &c. Qua pronunciandi ratione aperte declaratur, Episcopos veros esse controversiarum dei Judices, ab illo constitutos, a quo positi sunt regere Ecclesiam Dei. Hanc pronunciandi formulam non raro in Conciliis secuti sunt Episcopi, Defini- tio in. cum ajunt, Ego N. definiens vel consentiens, subscripsi, vel judicavi. fallibili-

VII. Denique, maxime attendi debet definitio Concilii Jerosolymitani, his,

his verbis expressa, quibus veluti radiis solaribus inscripta est infallibilis & suprema Conciliorum Oecumenicorum in Judicio fidei & morum auctoritas. *Visum est Spiritui sancto & nobis*, inquit v. 28. *nihil ultra imponere vobis oneris quam haec necessaria, ut abstineatis vos ab immolatis simulacrorum, & sanguine, & suffocato, & fornicatione; a quibus custodientes vos, bene agitis*. Definitio itaque Concilii generalis est ipsamet Spiritus sancti definitio, cui impossibile est subesse falsum; cui proinde fideles omnes ex animo sese subjicere tenentur.

Nec dicas Apostolos, utpote sacros Scriptores, divinitus inspiratos fuisse, adeoque vere ab ipsis dictum, *Visum est Spiritui sancto & nobis*, quod de Episcopis in subsequentibus Conciliis congregatis dici pariter non potest.

Namque licet Apostoli divinitus inspirati fuerint tamquam Scriptores sacri, alii tamen seniores seu Episcopi, qui ad hoc Concilium conveniunt, pariter divinitus afflati tamquam Scriptores sacri non fuere: communi tamen omnium consensu atque suffragio pronunciant: *Visum est Spiritui sancto & nobis*, & communis omnium nomine Epistola Synodica scribitur. Præterea, inquit Bellarminus paullo antea citatus, licet Apostoli seorsim singuli potuerint definire controversias, tamen ne viderentur negligere medium ordinarium, & a Christo ipso demonstratum, non sine Concilio controversiam de Legalibus Antiochiae exortam definire voluerunt. Inde est quod collationem inter se habeant; audiunt partem adversam, Prophetias expendunt, Scripturas conferunt, suffragium sigillatim ferunt. Ita nodum solvunt Patres Tom. 5. V. Synodi, Collatione 8. Licet, inquit, *Spiritus sancti gratia & circa finem Concilii p. gulos Apostolos abundaret, ut non indigerent alieno consilio ad ea que agenda erant; non tamen aliter voluerunt de eo quod movebatur, si oporteret Gentes circumcidendi, definire, priusquam communiter congregati, divinarum Scripturarum testimonii unusquisque dicta sua confirmaverunt*. Atque non alio consilio voluit Deus sic controversiarum omnium primam in negotio Religionis agitari ac definiri, quam ut formam & exemplar relinqueret subsequentibus Episcopis, terminandi omnes, quæ circa Religionem nasci possunt, quæstiones; certa spe data, quod sicut Apostolis & senioribus adfuit Spiritus sanctus ope singulari in primo omnium Concilio congregatis, ita & subsequentibus pariter Episcopis in nomine Christi congregandis pro definiendis fidei controversiis sit adfuturus.

Probatur 4. ex SS. Patribus ac Scriptoribus Ecclesiasticis.

P. 522. Tertullianus Lib. de jejuniiis cap. 13. jam citato. Aguntur, inquit, præterea per Gracias illa certis in locis Concilia ex universis Ecclesiis, per quæ & altiora quæque in commune tractantur, & ipsa representatio totius nominis Christiani magna veneratione celebratur.

Sanctus Ambrosius Lib. 3. de fide cap. 15. alias 7. loquens de Concilio Nicæno, appellat Decreta Conciliorum Oecumenicorum hereditaria signacula nullius temeritate violanda.

T. 2. p. 519. B. S. Augustinus Epist. 54. ad Januarium alias 118. cap. 1. Illa, inquit, quæ non scripta, sed tradita custodimus, quæ quidem toto terrarum orbe servantur, datur intelligi vel ab ipsis Apostolis, vel plenariis Conciliis, quorum est in Ecclesia saluberrima auctoritas, commendata atque statuta retinéri.

T. 9. p. 407. F. Lib. 1. contra Cresconium c. 33. Scripturarum etiam, ait, in hac re a nobis tenetur veritas, cum hoc facimus, quod universæ jam placuit Ecclesiæ, quam ipsa-

ipsarum Scripturarum commendat auctoritas; ut quoniam sancta Scriptura falle-re non potest; quisquis falli metuit, hujus obscuritate questionis, eamdem Ecclesiam de illa consulat, quam sine ulla ambiguitate sancta Scriptura demonstrat.

Lib. 1. de Baptismo contra Donatistas, c. 7. loquens de validitate Baptismi ab Hæreticis collati, Questionis hujus, inquit, obscuritas prioribus Ecclesiæ temporibus ante schisma Donati, magnos viros, & magna charitate prædictos Patres Episcopos ita inter se compulit salva pace disceptare atque fluctuare, ut diu Conciliorum in suis quibusque Regionibus diversa statuta nutaverint, donec plenario totius orbis Concilio, quod saluberrime sentiebatur, etiam remotis dubitationibus firmaretur. Ibid. p. 84. F.

Lib. 2. c. 1. Quod per universæ Ecclesiæ statuta firmatum est, vel unius Episcopi auctoritati, vel unius Provinciae Concilio præferendum est. Ibid. p. 93. G.

Et Lib. 7. c. 53. Nobis tutum est, inquit, in ea non progreedi aliqua temeritate sententia, qua nullo in Catholicæ Regionali Concilio cœpta, nullo plenario terminata sunt: id autem fiducia securæ vocis asserere, quod in gubernatione Domini Dei nostri Jesu Christi universalis Ecclesiæ consensione roboratum est. Ibid. p. 202. B.

Cælestinus Summus Pontifex in Epistola ad Patres Concilii Ephesini, Non Tom. 2. potest, ait, veritas mentiri, cuius in Evangelio ista sententia est: Vbi duo vel Conc. p. tres congregati fuerint in nomine meo, ibi & ego sum in medio eorum. Quod 614. cum ita sit, si nec huic tam brevi numero Spiritus sanctus deest, quanto magis eum nunc interesse credimus, quando in unum convenit tanta turba Sanctorum?

S. Leo in Epist. 93. alias 63. ad Theodoreum c. 1. Quæ, inquit, T. 3. p. Dominus nostro prius ministerio definierat, universæ Fraternitatis irretractabili 624. firmavit assensu: ut vere a se prodidisse ostenderet, quod prius a prima omnium Sede formatum, totius Christiani orbis judicium recepisset, ut in hoc quoque Capiti membra concordent. Audis irretractabile esse Judicium universæ Fraternitatis, hoc est, Episcoporum sive in Conciliis congregatorum, sive dispersonum.

Et in Epistola ad Leonem Augustum 115. alias 73. rogit ne patiat-  
tur retractari quæ in Synodo Chalcedonensi statuta fuerant de Incarnatione Christi. Nulla, inquit, permittatis retractatione pulsari; quia in illo Ibid. p. Concilio per Spiritum sanctum congregato, tam plenis atque perfectis definitio- 667. nibus cuncta firmata sunt, ut nihil ei regulæ, quæ ex divina inspiratione pro-lata est, addi possit aut minui.

Patres Concilii V. Collatione 8. Conciliorum auctoritatem probant Tom. 5. ex iis ipsis Scripturæ testimoniis quæ hic adducta sunt. Conc. p.

Vigilius S. Pontifex in Epistola ad Episcopos Galliarum: Necesse est, in- 553. quit, quoties in nomine Domini ejus famuli ad tractanda quæ sunt ipsi placita, Ibid. p. colliguntur, sancti Spiritus non deesse præsentiam. Ita enim Christi Dei Domini & Salvatoris nostri mandata nos instruunt, quibus ait, Matth. 18. Ubi 322. E. fuerint duo vel tres in nomine meo congregati, ibi ero in medio eorum.

Et in suo Constituto, initio declarat se quatuor admittere priora Con-  
cilia, Quæcumque, inquit, tam de fide, quam de aliis omnibus causis, Judi- 1b. p. 337. ciis, Constitutionibus, aut dispositionibus definita, aut judicata, vel constituta, & 338. sive disposita, inconcusse, inviolabiliter, sine adjectione vel imminutione aliqua  
Tournely de Ecclesia. Tom. V. Pars I. N nos

*nos promittimus secuturos . . . & quæcumque communi consensu dicta sunt, ea Orthodoxa veneramur atque suscipimus.*

Facundus Hermianensis, strenuus trium Capitulorum defensor, lib. 12.

P. 187. C. c. 2. Non in nostra, inquit, ratione, quamquam videatur invicta, sed in *Ibid. E. auctoritate S. Concilii constitutimus firmitatem . . . Unde si quam reverentiam deferimus Synodalibus Institutis ab Ecclesia universalis recepiis, in omnibus quæ obscura in eis & ad intelligendum difficilia reperimus, divinam voluntatem cognoscere atque approbare debemus. Et l. 2. c. 6.*

*Non in sola, inquit, fidei dubitatione, vel definitione, Conciliorum valet auctoritas: Verum etiam in omnibus quæ pro pacis & unitatis observantia, cuius maxima sapientibus cura est,*

P. 31. D. *modeste ibi fuerint ac bene composita, Et l. 5. c. 5. Neque alia est Concilio-*

*rum faciendorum utilitas, quam ut quod intellectu non capimus, ex auctoritate credamus, & sicubi ratio minus nobis occurrerit, fides, ne labamur, cito suc-*

*curret. Nam si post decretum disceptare licuerit . . . non est quare jam Conci-*

*lia congregentur, nec terminatæ, imo nec terminabiles dicantur quæstiones, qua-*

*rum probatio semper exigitur . . . Non idem modus esse debet aique ordo quæ-*

*vendi post definitionem Concilii totius Ecclesiæ consensione firmati, qui fuit ante definitionem. Tunc enim ratio poscebat, ut si Orthodoxa probaretur illa Epi-*

*stola (Iba) suscipienda judicaretur a Synodo: nunc autem ratio poscit, ut si suscepta probetur a Synodo, judicetur Orthodoxa.*

S. Gregorius Magnus Epistola ad Joannem Episcopum Constantinopo-

T. 2. p. litanum 25. Libri primi, alias 24. *Sicut, inquit, sancti Evangelii quatuor*

515. B. *libros, sic quatuor Concilia suscipere & venerari me fateor . . . quia dum uni-*

*Ibid. D. versali sunt consensu constituta, se & non illa destruit, quisquis præsumit aut sol-*

*vere quos religant, aut ligare quos solvunt. Quisquis ergo aliud sapit, anathema sit.*

T. 3. p. S. Leo Epist. 77. alias 54. ad Marcianum Augustum. In quo opere, au-

595. xiliante Christo; fideliter exequendo, necesse est me perseverantem exhibere famula-

*tum: quoniam dispensatio mihi credita est, & ad meum tendit reatum, si pa-*

*ternarum regulæ sanctionum, quæ in Synodo Nicæna, ad totius Ecclesiæ regimen,*

*Spiritu Dei instruente, sunt conditæ, me (quod absit) connivente violentur, & ma-*

*jor sit apud me unius fratris voluntas, quam universæ domus Domini communis utilitas.*

T. 12. Concilium Constantiense Sess. 5. Declarat hæc sancta Synodus, quod ipsa

Conc. p. in Spiritu sancto legitime congregata, Concilium generale faciens, & Ecclesiam

22. C. Catholicam repræsentans, potestatem a Christo immediate habet, cui quilibet cu-

*juscumque status vel dignitatis, etiam si Papalis existat, obedire tenetur in his*

*quæ pertinent ad fidem & extirpationem dicti schismatis.*

Observat Palavicinus in Historia Concilii Tridentini, Legatos Sedis Apostolice intercessisse ne in Actis Tridentinæ Synodi formula hæc,

*Tridentina Synodus universalem Ecclesiam repræsentans, insereretur, quod eam*

*novam esse, nec in antiquis Conciliis reperiri contulerent.*

Accedat sacra Facultas Parisiensis in suis contra Lutherum articulis;

articulo 22. pronunciat: *Certum est Concilium generale legitime congregatum*

*universalem repræsentans Ecclesiam, in fidei & morum determinationibus er-*

*reare non posse.*

T. 14. Denique Concilium Senonense an. 1528. Decreto 3. & auctoritate & ratio-

ne Conclusionem nostram his verbis confirmat: *Proinde cum certa sit &*

446. A. *infallibilis Ecclesiæ regula, nec aliquando invisibilitatis prætextu tandem eludi*

*queat: ea profecto sacris generalibus Conciliis auctoritas denegari non potest,*

*que*

que proxime universalem repräsentant Ecclesiam. His enim Conciliis si ea determinandi quæ ad sinceritatem fidei & extirpationem hæresum, Ecclesiæ reformationem, & norum integratatem pertinent, potestas adimatur, nihil certum, nihil stabile futurum est, nihil denique quo Hæreticus ab Orthodoxo possit internosci: cum ille frequenter tum impendio loquacior, tum pervicacior pluribus ( licet per am intellexit ) Scripturarum testimoniis falso glorietur. Nec erat quo veterum quorundam Hæreticorum retunderentur insultus, nisi Ecclesiastici Proceres Apostolorum exemplo Concilia celebrazsent, quibus sancti Spiritus auctoritatem fero cientibus illis, & rerum humanarum scientia tumentibus opponerent. Quo fit, ut si Conciliorum auctoritati sub hac temporum calamitate tantillum depereat, protinus velut ab inferis suscitande sint damnatae omnes hæreses, & postea: *Ibid. C.* Quod si ubi duo vel tres in nomine Domini congregantur, ( licet sibi ipsis re licti falli possint ) continuo tamen in medio eorum sit Dominus, quanto magis, ubi Summus Pontifex ceterique Præmores Ecclesiastici convenient? . . . Sancta igitur & inviolabilis est sacrorum Conciliorum universalium auctoritas, cui quis quis pertinacius refragatur, hostis fidei jure optimo censeri debet.

## Solvuntur Objectiones.

Objecies I. Pugnant inter se Concilia, non tantum in disciplina, quod omnes fatentur, sed etiam in fide.

I. Vel ipsi Apostoli in Concilio Jerosolymitano congregati sibi contradicunt: namque eo ipso Decreto quo sancti Gentes ad Christum conversas jugo Legis Mosaicæ subjiciendas non esse, nec eas cogi debere ut circumcidantur ceteraque Legalia observent, necessitatem nichilominus imponunt abstinenti a sanguine & suffocato; qua lex Judæis imposita fuerat a Deo, Gen. 9. v. 4.

II. Vox οὐσίας, consubstantialis, qua una fides Orthodoxa exprimitur, rejecta fuit a Concilio Antiocheno, an. 272. tum a Niceno I. generali, an. 325. consecrata: tum iterum ab altero Antiocheno, an. 341. a Sirmensi, an. 351. ab Ariminensi Oecumenico, si quod unquam fuit, an. 359. & a Constantinopolitano, an. 360. rejecta & proscripta fuit.

III. Anno 449. Concilium Ephesinum Eutychetis doctrinam approbat, quam Chalcedonense postea, an. 454. anathemate damnavit.

IV. Concilium generale Nicenum, Can. 12. damnat & improbat Christianos qui armis seu militia seculari nomen dant; quos tamen nec Christus, nec Apostoli ea de causa unquam improbarunt: hoc enim tantum a militibus postulat S. Joannes, Luc. 3. v. 14. ut neminem concutiant, ne que calumniam faciant, & contenti sint stipendii suis; non jubet autem ut militiam deserant, quod vult Canon Nicenus.

V. Anno 553. habitum est Concilium generale V. a Vigilio S. P. confirmatum, cuius tamen definitio a plurimis Occidentis Ecclesiis, præser tim a Gallicana, recepta non fuit; nec propterea communione private fuerunt iste Ecclesiæ. At qua ratione tolerari potuisset hæc resistentia, si persuasum tunc temporis fuisset, Oecumenica Concilia errare non posse?

VI. An. 730. & 755. in duobus Conciliis Constantinopoli habitis reje catus fuit cultus Imaginum, qui tamen an. 781. in Concilio Niceno approbatus fuit, non sine gravissimo errore; quandoquidem idem omnino cultus eademque adoratio Imaginibus decernitur, quæ vivificæ Trinitati.

Imo actione 4. major agnoscitur Imaginum vis & efficacia, quam sermonis seu Evangelii. Unde in Concilio Francofordiensi an. 794. plane improbata fuit haec Synodus, & explosus cultus Imaginum.

VII. An. 692. Constantinopoli in Palatio Imperatoris quod Trullum dicebatur, celebratum est numerosum Concilium vulgo dictum Quinisextum, quod nempe sit in supplementum quinti & sexti Concilii Oecumenici, vel Trullanum a loco ubi celebratum fuit. In hoc Concilio plurimi editi sunt Canones quos Romana Ecclesia improbabavit ac rejicit; qui vero fieri id potuisset, si Oecumenicum Concilium infallibilis esset auctoritatis?

VIII. In Concilio Lugdunensi I. quod celebratum est an. 1245. haud dubie erravit Ecclesia, cum sibi arrogavit jus & potestatem deponendi Imperatorem Fridericum II. Revera enim talem auctoritatem Ecclesiae suae non concessit Christus: indebitam vero auctoritatem sibi usurpare, nonne ignorantiae & errori, etiam in jure seu dogmate, deputari debet? Porro Lugdunense Concilium id sibi juris arrogasse manifeste colligitur ex

*Tom. 11. sententia quam Innocentius IV. pronunciauit in Fridericum. Nos itaque, Conc. p. inquit, super præmissis, & cum pluribus aliis ejus nefandis excessibus, cum 1.p. 645. A. B. Fratribus nostris & sacro Concilio deliberatione præhabita diligent ... memoratum Principem ... omni honore ac dignitate privatum a Domino ostendimus, denunciamus, ac nihilominus sententiando privamus.*

IX. Anno 1414. Oecumenicum Concilium Constantiense, & anno 1431. Basileense pariter Oecumenicum celebratum fuit. In utroque definitum, Concilium esse supra Papam: at istud dogma rejectum fuit a Conciliis Florentino sub Eugenio IV. & Lateranensi sub Leone X. & ab omnibus Italies impugnatuerunt.

X. Denique; Concilium ipsum Tridentinum Oecumenicorum postremum, non tantum a Graeca, sed nequidem a multis Occidentis Ecclesiis receptum fuit; imo nec apud nos quidem Gallos usquedum publicatum ac promulgatum fuit. Quis porro ista facile componat cum idea infallibili & supremæ auctoritatis, quæ affingitur Conciliis Oecumenicis?

Resp. nego antecedens.

Ad primam probationem, dico minime pugnare secum Apostolicum Decretum; imo potius sapientia & equitate plenum esse. Namquam enim prohibeat Gentes circumcidere, ceterisque legalibus ritibus observandis astringi, merito tamen excipit abstinentiam a sanguine & suffocato, quod nempe haec una foret præcipua nota qua distinguerentur Christiani a paganis, apud quos usu quotidiano folleme erat vesci sanguine & suffocato, non tantum causa nutritionis, sed etiam Religionis, ita ut usus ille sanguinis & suffocati certissimum esset ac velut inseparabile signum Paganismi. Observant scilicet Scriptores non modo Gentiles, sed & Christiani, Deos gentium maxime delectatos fuisse, tamquam sibi oblato sacrificio, sanguine & suffocato.

*Illi sunt, (dæmones,) inquietabat Porphyrius, de abstinentia, l. 2. Spence. rus de §. 42. qui libatione & nidore oblectantur, quibus spiritu le corpus ipsorum pinguis- Legibus scit: vivit enim id vaporibus & suffumentis, & varie secundum eorum varietatem, sanguinis etiam & carnis nidoribus corroboratur. Et Tertullianus in Apo- 455. & logetico, c. 22. de præstigiis dæmonis verba faciens, Mentis, inquit, cor- ruptelas agit furoribus & amentiis fædis, ac sevis libidinibus, cum erroribus variis, P. 21. D. quorum iste potissimus, quo Deos istos captis & circumscriptis hominum mentibus*

commendat, ut sibi pabula propria nidoris & sanguinis procure: simulacris imaginibus oblata. Eodem pene redeunt ista Minutii: *Morbos singunt (dæmones)* <sup>Ed. R.</sup> *terrent mentes, membra distorquent, ut ad cultum sui cogant, ut nido altarium* <sup>galt. p.</sup> *vel hostiis pecudum saginati, remissis quæ constrinxerant, curasse videantur.* <sup>22. D.</sup>

Ut igitur omnis idolatriæ ac paganismi suspicio a Gentibus conversis amoveretur, atque facilius ad unam Religionis societatem Judæos, multum a suffocato & sanguine abhorrentes, simul & Gentiles adducerent; sapienter omnino interdictum istis voluerunt Apostoli eum sanguinis & suffocati, quod nempe intelligerent in eo tunc temporis certum fuisse signum & argumentum cultus falsorum Deorum. *Idolothyia* <sup>P. 523.</sup> ait Origenes lib. 8. contra Celsum, nec debet homo <sup>col. 2. F.</sup> sacrificantur dæmonis, Dei particeps fieri mensæ dæmonum. *Suffocatis autem nobis interdicuntur, quia sanguis ex eis non est excretus; cuius exhalatione dicunt pasci dæmones, ne vescamur cibo dæmonum, & ne forte simul nobiscum edant dæmones, si suffocatum edamus.* Quod autem de suffocato dictum est, satis indicat cur a sanguine abstineatur. Hæc Origenes. Et Tertullian. Lib. de Idolatria c. 24. *Propterea, inquit, Spiritus sanctus consultantibus tunc Apostolis, vinculum & iugum (Legis) nobis relaxavit, ut idolatriæ devitandæ vacaremus.* <sup>P. 99. G.</sup>

Ad secundam, dico Antiochenam non Nicæna Synodo generali non pugnare circa sensum Orthodoxum vocis istius ὁμοσίος. Ad sensum nempe Pauli Samosateni, qui creatæ substanciæ in morem, per divisionem ac partitionem Patri Filium consubstantiale dicebat, merito vocem ὁμοσίον damnavit Synodus Antiochena: unica enim & eadem est numero in tribus divinis Personis essentia seu substantia. Contra vero Arium, qui negabat Filium ejusdem esse cum Patre naturæ seu substanciæ, merito Nicæna Synodus definivit Filium esse Patri consubstantiale, ὁμοσίον, eamque vocem, qua sola omnes Arianorum astutiæ ac dolis elidebantur, consecravit. Diversum illum vocis ὁμοσίον sensum; ac diversum Concilii Antiocheni in ea proscribenda, Nicæni vero in ea retinenda, scopum & finem observavit S. Athanasius Lib. de Synodis Ariminensi & Seleuciensi. *Etsi, T. I. p. 2.* inquit, ambarum Synodorum Patres diverse de consubstantiali mentionem fecerint, <sup>p. 759.</sup> nullatenus tamen ab illis dissidere debemus, sed illorum perscrutari sententiam, & tunc ambas inter se Synodos consentire deprehendemus. Qui enim Samosatensem deposuere, vocem Consumentialis corporali accipere modo, cum Paulus argutari vellet ac dicere, *Si Christus non ex homine Deus factus est, ergo consumentialis est Patri, atque hinc necesse est tres esse substantias; unam priorem, duas vero ex illa procedentes.* Ideoque illud Pauli sophisma jure carentes, dixerent Christum non esse consubstantiale: neque enim Filius ita se habet respectu Patris, qualiter ille cogitabat ... Qui autem Arianam heresim anathemate damnaverunt, cum Pauli calliditatem animadvertisserint, & cogitarent, non ita de incorporeis, & maxime de Deo, consubstantialitatem accipiendam esse; agnoscentesque Verbum non creaturam sed prolem ex substantia esse: item Patris substantiam, Filii principium, radicem & fontem esse, ac eundem ex se teram esse genitoris similitudinem, nec eum quasi natura extraneum, uti nos sumus, a Patre separatum esse . . . ea, inquam, de causa jure & ipsi Filium consubstantiale dixerunt. Ita sanctus Athanasius.

Quod vero spectat Ariminense Concilium, a quo suppressa fuit vox ὁμοσίος, dico, quamdiu liberum & vere Oecumenicum illud fuit, tamdiu

retentam ab eo fidem Nicenam ac vocem ὁμόσιον; nec nisi dolis ac fraudibus Arianorum deceptos Episcopos, atque tempore exilii & diuturnae a suis Ecclesiis absentiæ vicos, tandem consensisse suppressioni hujus vocis, ratos nihil periculi esse: & ut ait sanctus Hieronymus, *Dialogo adversus Luciferianos, Non erat curæ Episcopis de vocabulo, cum p. 299. sensus esset in tuto.* Verum plura ex professo de hocce Concilio dicenda nobis occurrent, Articulo quarto sequenti.

Quod vero addunt de altero Antiocheno Concilio, ut & de Sirmensi & Constantinopolitano, a quibus vox eadem non modo suppressa, sed etiam damnata est; minime est ad nostrum propositum: tum quia particularia dumtaxat fuere ista Concilia, non universalia, de quibus hic solum loquimur: tum quia nullus ignorat in iis prævaluuisse Arianos, ad quorum arbitrium omnia peragebantur: tum denique quia ab omnibus Catholicis improbata semper ac rejecta fuere.

Ad tertiam: Mirum certe videri debet, istud ab adversariis nobis opponi posse Ephesinum Conciliabulum, quod norunt ab omnibus velut *Latrocinium Ephesinum* infamari, in quo vi & armis Dioscorus omnia iura subvertit; Flavianum Constantinopolitanum, Legatos Summi Pontificis fugavit, inauditos Episcopos damnavit, Orthodoxos non admisit, ipsam Eutychetis hæresim approbavit. Tales Conventus Novatoribus nostris ultro dimittimus.

Ad quartam: Canon Nicenus intelligendus est de lapsis pœnitentibus, qui cum animo pietatis & pro more pœnitentium cingulum militiae depoſiſſent, ceterisque publicis Officiis ac Munis renunciasſent, abjecto pœnitentium statu, facultatem ea Munia resumendi oblata pecunia redimebant. Tales ignavos ac voti sui immemores Christianos merito damnat Canon Nicenus, non alios. Vide notas Albaspinæ in hunc locum.

*Tom. 2.  
Conc. p. 78.* Ad quintam: Antequam plene confirmata sit, & a majori Ecclesiærum parte recepta Concilii alicujus Oecumenici auctoritas, mirum videri non debet, si nonnulli ejus definitionibus obliuctentur, non ex dubio juris, sed facti: id est, non quod dubitent de infallibili auctoritate Concilii vere Oecumenici, sed quod dubitent an tale Concilium vere sit Oecumenicum. Atque hoc modo, illa fide, multi quinto Concilio restitere, quod illud pro Oecumenico non haberent nec recipieren: atque prudenti œconomia erga ipsius agendum esse censuit aliquando S. Gregorius Magnus, donec tandem ubique cognita & recepta hujus Synodi auctoritate, licet amplius non fuit ipsi obliuctari.

Ad sextam: Duo ista Constantinopoli celebrata Concilia adversus sacras Imagines, nusquam a Catholicis pro veris & Oecumenicis, imo potius pro spuriis ac reprobatis habita sunt, & a septimo generali expresse damnata; neque ulla hic alia pugna est ac contradictione, quam quæ intercedit errorem inter ac veritatem. Francofordiensis vero Synodus Oecumenica non fuit, sed particularis dumtaxat; quæcumque igitur fuerit ipsius sententia, ad rem præsentem non attinet. Quamquam errore dumtaxat facti, ut loquuntur, laboravit ista Synodus, cum existimat a Patribus septima Synodi assertum sacræ Imaginib[us] cultum absolutum latræ, qualis defertur vivificæ Trinitati; cum solum cultum religiosum & quidem relativum Patres illi decreverint, sicut ex professo demonstrant Theologi, ubi de cultu

Ima-

**I**magine. Neque unquam asseruit Synodus ( sicut falso supponitur in Objectione ) majorem esse Imagineum , quam Evangelicæ prædicationis vix & efficaciam : hoc unum scilicet Actione quarta dixisse refertur Joannes Presbyter , magis affici seu moveri homines imaginibus quam sermone : Itaque , inquit , major est imago ; & hoc Dei providentia factum est propter idiotas homines . Idque asseruit dictus Joannes , occasione Imaginis seu Tabelle in qua tam vivis coloribus pictor expresserat martyrium sanctæ Euphemie , ut admirationem simul & lachrymas intuentium eliceret .

At , inquires , saltem inde sequitur Patres Frandofordienses non agnoscere in Oecumenicis Conciliis eam infallibilitatem & inerrantiam quam nos hic propugnamus ; siquidem persuasum habuerunt decretam fuisse sacris Imaginibus a septima generali Synodo supremam latræ adorationem .

Respondeo ignorasse tunc temporis Patres Francofordienses , an vere Oecumenica foret & a S. Pontifice Adriano probata & confirmata VII. Synodus . Aliunde vero declarant se paratos esse subscribere sententiae S. Pontificis , cuius expectabant respcionem ad objections quas ipsi proposuerant contra eum Imagineum cultum , quem ( errore facti ) putabant a septima Synodo Imaginibus decretum fuisse .

Ad septimam : Dico Synodum illam Trullanam nusquam ab Ecclesia Romana probatam & receptam fuisse tamquam vere Oecumenicam ; imo potius improbatam & rejectam , sicut testantur Beda in Libro de sex Æstatibus in Justiniano , Paulus Diaconus in vita ejusdem Justiniani , & Platina in vita Sergii . Nonnullos equidem ipsius Canones approbavit Ecclesia Latina , quod suis moribus congruerent , sed nusquam omnes . Inde est quod Bellarminus de Conciliis , lib. 1. c. 7. Concilium istud Quinisextum recentet inter ea quæ partim confirmata fuere , partim reprobata . Vide quæ de eodem Concilio dicat idem Scriptor , ibid. lib. 2. c. 8. ad decimum tertium , & lib. 2. de Romano Pontifice c. 18. quibus in locis plane elevat hujusc Synodi auctoritatem . Vide etiam quæ de eadem fuse disseruit Melchior Canus lib. 5. de Locis cap. ultimo in Responce ad sextum .

P. 287.

Ad octavam : Sunt qui dure ac crude respondent errasse Ecclesiam , cum de re ad se non pertinente sententiam dixit , ac in temporalia Principum manus extendit . Verum si ita est , error ille non facti tantum fuit , sed doctrinæ : ad doctrinam enim pertinet , nosse qui sint limites legitimæ potestatis Ecclesiæ a Christo concessæ . Si igitur eos limites ignoravit & transgressa est Ecclesia , indebitam sibi usurpans auctoritatem , profecto nec ab errore nec a culpa potest excusari .

Dicendum igitur , sententiam depositionis in Fridericum latam , uni S. Pontificis Innocentio esse imputandam , non toti Concilio ; quapropter deliberatio illa matura & diligens totius Concilii , de qua loquitur Innocentius , referenda est ad examen & discussionem criminum quorum accusabatur Imperator , non ad ipsius depositionem . Id aperte constat 1. ex ipsa Bullæ inscriptione , quæ talis est : *Sententia contra Fredericum Imperatorem ab Innocentio Papa IV. in Concilio lati , Sacro præsente Concilio.* Si vero ex votis Patrum lata fuisset hæc sententia , cur illorum consensus non exprimitur in illo Decreto , sicuti exprimitur in aliis subsequentibus ? 2. idem clare indicat tenor Bullæ : in ea quippe suo semper nomine loquitur Innocentius : 3. Auctores qui hujus depositionis historiam

referunt, eam soli Innocentio non Concilio adscribunt. Ita Albertus Abbas Stadensis, Trithemius, Nicolaus Trivettus, &c. Adeat qui plura volet, quæ dicimus quæst. 5. art. 4 ubi de Concilio Lugdunensi.

Ad nonam: Stat quidem apud nos Gallos firma & inconcussa Oecumenicorum Conciliorum Constantiensis & Basileensis auctoritas; immota pariter manent eorum Decreta pro superioritate Concilii supra Pontificem: at cum ab omnibus pariter pro vere Oecumenicis ea non habeantur, mirum esse non debet, si multi religioni non ducant ab hac doctrina recedere, quos absit ut tamquam Hæreticos traducamus. Falso supponitur a Concilio Florentino rejectum dogma Concilii Constantiensis de superioritate Concilii supra S. Pontificem: id equidem fecit Lateranense Concilium, at illud minime inter Oecumenica recensemus.

Ad decimam: Dico Concilium Tridentinum in fidei definitionibus ab omnibus Ecclesiis Orthodoxis admissum fuisse. In iis ergo tantum Disciplinæ particularis capitibus a nobis probatum non fuit, quæ aut temporalem administrationem spectant, aut jura & patrias nostras consuetudines lèdunt. Ea capita collecta legere poteris apud Bochellum, l. 5. Decretorum Ecclesie Gallicanæ, titulo 20. c. 45.

Objicies 2. anctoritatem S. Gregorii Nazianzeni ex Epistola ipsius T. 1. p. 55. ad Procopium, ubi sic loquitur; *Ego, si vera scribere oportet, hoc anni 814. B. mo sum, ut omnem Episcoporum conventum fugiam: quoniam nullius Concilii finem latum & faustum vidi, nec quod depulsionem malorum potius, quam accessionem & incrementum habuerit, &c.*

Resp. S. Doctorem non negare & cum fructu celebrari posse Concilia generalia, & ea, ubi legitima sunt, certam fidem facere: ipse etenim & Concilium Nicænum primum generale summis laudibus commendavit, & secundi Constantinopolitani adversus Macedonium, pars maxima fuit. Non igitur juris quæstionem, sed facti perstringit, citata Epistola: in iis enim vivebat temporum circumstantiis, in quibus merito scribebat se nullum vidisse faustum Concilii exitum. Scilicet ætas S. Gregorii incidunt in tempus medium inter Concilium primum & secundum generale sub Constantio Imperatore, quo tempore plurima celebrata sunt Concilia quæ Hæreticis Arianis favebant, & quorum proinde non faustum fuisse exitum conqueritur S. Doctor, qualia fuere Seleuciense, Tiriense, Ariminense, Mediolanense, Syrmense, &c. Vocatus igitur a Procopio nomine Imperatoris ad aliquod non absimile Concilium, se ipsum excusat, atque obtendit tum infirmam suam valetudinem; tum secessus ac quietis amorem; tum motus, contentiones & rixas Episcoporum inter se; tum denique infelicem Conciliorum quæ haec tenus viderat, finem. Viderat autem Concilia dunataxat particularia, in quibus factio Ariana prævaluerat: de iis igitur loquitur in citata Epistola, non de legitimis & vere Oecumenicis Conciliis.

Objicies 3. duo S. Augustini testimonia: Primum ex lib. 2. alias 3. T. 8. p. contra Maximinum, c. 14. ubi sic loquitur: *Nec ego Nicænum, nec tu debes Ariminense tamquam præjudicaturus preferre Concilium. Nec ego hujus auctoritate, nec tu illius detineris.* Non agnoscebat igitur S. Augustinus supremam & infallibilem fuisse Concilii Nicæni auctoritatem, qua non teneri Maximinum alseverat.

Alterum testimonium petitur ex lib. 2. de Baptismo contra Donatistas c. 5. ubi asserit *Concilia priora posterioribus emendari posse*. Quod autem emendari potest, supponitur esse errori obnoxium.

T. 9. p.  
98. C.

Resp. ad primum, gratis, & argumento, ut dicitur, ad hominem, in praesenti, quam contra Maximinum habebat, controversia, concedere Sanctum Augustinum, ut Conciliorum seponatur auctoritas. Concilio scilicet Nicæno opponebat Maximinus Ariminense; utriusque igitur discussi fuisse auctoritas, ac demonstrandum legitimum fuisse Nicænum, Ariminense vero illegitimum; qua in controversia nec prolixitatem, nec multorum factorum personalium examen ad discussionem fugere potuisset sanctus Doctor. Compendiosa igitur via rem perficit, atque seposta (quamquam non negata) Concilii Nicæni auctoritate, demonstrat sibi ex una Scriptura abunde sufficere firmissima momenta quibus Ariannum errorem confodiat. Interim vero ab ipso plane rejectam non fuisse Concilii Nicæni auctoritatem, demonstrant hæc ipsius verba, eodem loco citato: *Hoc est, inquit, illud Homousion, quod in Concilio Nicæno adversus Hæreticos Arianos a Catholicis Patribus veritatis auctoritate, & auctoritatis veritate firmatum est.* T. 8. p.  
70. E.

Ad secundum: Dico Concilia priora posterioribus emendari posse in rebus facti, non in rebus fidei: ( saltem si de Conciliis Oecumenicis sermo sit: particularia enim errare posse non tantum in factis, sed etiam in fide, omnes fatentur ) at loqui S. Augustinum de questionibus facti, suadent tum hæc ipsius verba, eodem in loco: *Concilia, inquit, priora posterioribus emendari possunt, cum nempe aliquo experimentorum appetitur quod clausum erat, & cognoscitur quod latebat:* quod certe ad fidei veritatem referri vix potest, quæ non rerum experimentis innotescit, sed verbo Dei scripto vel tradito. Tum subjecta ipsius disputatio cum Donatistis. Agebatur quippe de Cæciliano, an Libros sacros tradidisset hostibus fidei, an non: quæ questione tota erat facti, non juris.

Instabis. S. Aug. cit. c. 3. lib. 2. de Baptismo, manifeste loquitur de rebus fidei, non vero solius facti: agit enim de errore rebaptizantium, quem S. Cyprianus, cuius auctoritatem perpetuo objectabant Donatistæ, multis in Conciliis Carthaginensibus propugnaverat; quæ certe questione ad fidem procul dubio pertinet. Ut vero probet Donatistas auctoritate Cypriani immerito se tueri, ostendit eum hac in parte cum suis Conciliis errasse: neque id mirum videri debere, cum & ipse erraverit Petrus, & Concilia Provincialia per Plenaria emendentur, imo & ipsa Plenaria priora posterioribus etiam emendentur: quod certe S. Doctoris argumentum nisi intelligatur de errore circa fidem, aptum non est, nec disputationi quam habebat accommodatum. Quæ enim fuisse ista ratiocinatio? Concilia Cypriani errarunt in fide & emendari debent, quia Concilia etiam plenaria errare possunt in factis. Distorta omnino consecutio, nec tanto Doctore digna. Loqui autem sanctum Doctorem, loco citato, non de questionibus facti, seu de Cæciliano, sed de errore rebaptizantium, patet ex ipso contextu. *Vos certe, inquit, nobis objicere soletis Cypriani sententiam, Cypriani Concilium: cur auctoritatem Cypriani pro vestro schismate assumitis, & ejus exemplum pro Ecclesiæ pace respuitis?* Quis autem nesciat sanctam Scripturam Canonicanam veteris quam novi Testamenti, certis suis terminis contineri, eamque omni-

Ibid. A.

omnibus posterioribus Episcoporum Litteris ita præponi, ut de illa omnino dubitari & disceptari non possit, utrum verum vel utrum rectum sit quidquid in ea scriptum esse constiterit: Episcoporum autem Litteras quæ post confirmatum Canonem vel Scriptæ sunt vel scribuntur, & per sermonem forte sapientiorem cuiuslibet in ea re peritioris, & per aliorum Episcoporum graviorum auctoritatem doctioremque prudentiam, & per Concilia licere reprehendi, si quid in eis forte a veritate deviatum est: & ipsa Concilia quæ per singulas regiones vel Provincias sunt, plenariorum Conciliorum auctoritati quæ sunt ex universo orbe Christiano, sine ulla ambagibus cedere: ipsaque Plenaria sæpe priora posterioribus emendari; cum aliquo experimento rerum aperitur quod clausum erat, & cognoscitur quod latebat. En textus S. Doctoris, ex quo manifestum est illum loqui de questionibus ad fidem pertinentibus, in quibus etiam priora Concilia plenaria quæ sunt ex toto orbe Christiano, posterioribus emendari possunt.

Resp. revera S. Augustinum agere citato loco de questione fidei, nempe Baptismo Hæreticorum, & agnoscere Cyprianum cum suis Conciliis hac in parte errasse: verum cum ait, *Concilia plenaria priora posterioribus emendari*, falsum est eum loqui de errore circa fidem; aut ea Concilia, quantum ad hoc, cum Provincialibus conferre. Ad institutum scilicet S. Doctoris sufficiebat demonstrasse, non tantum privatos Episcopos, sed & Concilia quæ per singulas regiones & Provincias sunt, imo & Plenaria posse errare, quamvis in diverso plane genere: Concilia nempe particularia, non tantum in factis, sed in fide; Plenaria vero, in factis dumtaxat. Gradatim enim veluti progreditur sanctus Doctor; ac primo Episcopos privatos, tum Concilia particularia in fide errare posse asserit; Plenaria vero in factis, quæ clare designat per hæc verba: *Cum aliquo experimento rerum aperitur quod clausum erat, & cognoscitur quod latebat*. Sanctum porro Augustinum inerrantiam & infallibilitatem Concilii plenarii in questionibus fidei agnoscere, patet ex testimonio inter probationes citatis.

Objicies 4. Si Patres in Conciliis legitimis & Oecumenicis congregati Spiritu sancto regantur, ac certa sit & ab omni erroris periculo tuta eorum definitio, sequitur definitionem hanc Scripturæ sacræ loco habendam esse, & paris cum illa ponderis & auctoritatis. Consecutio videtur necessaria. Non alia quippe de causa Libros sacros & Canonicos pro certissima fidei & morum regula habemus, quam quod scripti sint ab hominibus dirigente ac assistente Spiritu sancto; absurdum nihilominus est ista consecutio, & a Theologis unanimi suffragio exploditur, a quibus latum statuitur discrimen v. g. inter Evangelium S. Matthæi, & Symbolum Nicænum: etenim Scriptura sacra in Canonem refertur, non ita definitiones Conciliorum, &c.

P. 263. Observat Melchior Canus, de Locis, lib. 5. c. 5. questione 3. se praesente virtutem apprime doctum non timuisse concedere sequelam argumenti, quam ibidem ipse solidis refellit argumentis.

T. 2. p. 35. Respondeo itaque falsam esse consecutionem. Bellarminus de Conciliis, lib. 2. c. 12. præsentem movens questionem exponit multas rationes & causas discriminis quod est inter Scriptores sacros & Canonicos, & Episcopos in Concilium Oecumenicum coactos. Tres istæ præcipuæ sunt.

Prima. Omnis Scriptura divinitus inspirata est. 2. ad Timor. 3. Spiritu enim sancto inspirante loquuntur sunt sancti Dei homines, ait S. Petrus Epist. 2. c. 1. Scriptoribus igitur sacris divinitus afflatis nova revelatio affulsa; nomitema

item Episcopis Synodice congregatis, quibus assistit quidem ope singulari ac praesidet Spiritus sanctus, ne a vero deflectant, ac tuto revelatam veritatem detegant & exponunt; at ipsis nihil novi revelat. Omnia enim mysteria & dogmata fidei Apostolis revelata fuere, sicut ipsis promisit Christus, apud S. Jo. c. 16. v. 13. *Cum venerit, inquit, ille Spiritus veritatis, docebit vos omnem veritatem.* Definitiones igitur Conciliorum fidem spectantes, per novam revelationem non sunt, quamquam res revelatas contineant & explicent.

Secunda ratio discriminis quæ ex prima nascitur, est quod Scriptores sacri velut instrumenta & organa Spiritus sancti absque ullo proprio suo labore, studio, conatu, industria, ea scribant & loquuntur quæ Spiritus sanctus ipsis suggerit & inspirat. Sunt enim, ut dicitur Psal. 44. v. 2. *venient calamus scribæ velociter scribentis.* Unde fit aliquando, ut extra se rapti ac plane nescientes, intus movente & agente Spiritu sancto, ea proferant, quæ ipsi non intelligunt. At non ita Episcopi in Conciliis congregati, quibus auxiliatricem suam assistentiam non alia conditione promisit Christus, quam si precibus, studio, labore, frequenti collatione, & alia omni humana industria veritatem scrutarentur: quam conditionem accurate adimplevere Apostoli in Concilio omnium primo Jerosolymitano, in quo magnam conquistationem factam fuisse, supra ex sancto Luca observavimus. Scite igitur Canus, loco mox citato, ait, *Commune hoc esse Ecclesia Judicibus, ut, si p. 267. decreta ediderint temeritate quadam sine judicio, repentino quasi vento incitati, nihil omnino conficiant, quod solidum, quod grave, quod certum habetur.* E contra ea gravia & certa in Ecclesia haberet, quæ judicio, considerate, constanterque edita sint. Ratio hujus discriminis est, quod Episcopi in Conciliis testes sint dumtaxat, custodes, & judices, non auctores & parentes fidei quæ in verbo Dei sive scripto sive tradito continentur. Sedulo igitur inquirere debent in doctrinam uniuscujusque Ecclesie, in sensum Scripturaræ, in Traditionem antiquam & constantem SS. Patrum, quod certe absque studio, labore, & industria humana fieri non potest. Egregie Vincentius Lirinensis in Commonitorio 1. c. 27. explicans illud S. Pauli ad Titanotheum, *Depositum custodi, Quid est, inquit, depositum? Quod tibi creditum est, non quod a te inventum; quod accepisti, non quod excogitasti; rem non ingenii, sed doctrine; non usurpationis privatæ, sed publicæ traditionis; rem ad te perductam, non a te prolatam; in qua non auctor esse debes, sed custos; non institutor, sed sectator; non dicens, sed sequens.*

Biblio.  
PP. T. 7.  
p. 258.  
D.

Tertia denique ratio discriminis est, quod Scriptores sacri ne in minimis quidem rebus falli possint, manus & linguis eorum dirigente ac movente Spiritu sancto: at Episcopi in Conciliis congregati in iis dumtaxat definitionibus, quæ fidem vel mores spectant, sanciendis certam & infallibilem habent auctoritatem: in aliis autem rebus, sive præmissis & rationciis unde dogma fidei eruunt, sive SS. Patrum testimoniiis interpretandis, sive philosophicis placitis exponendis, sive iis quæ cursim & obiter extra propositum attingunt, errare possunt, nec certam fidem faciunt.

Instabis 1. Decretum primi Concilii Jerosolymitani in Scripturis refertur: habet igitur auctoritatem Canonice Scripturæ.

Resp. Decretum illud in Scripturis historice referri, sicut & alia referuntur dicta vel facta Apostolorum: at non refertur velut verbum Dei ab hominibus divinitus inspiratis prolatum, sed tamquam Synodica defi-

definitio facta a Präpositis seu Pastoribus Ecclesiarum , quibus p̄fauit Spiritus sanctus: unde merito dicunt, *Vixum est Spiritui sancto & nobis.*

Instabis 2. S. Gregorius Magnus inter probationes nostræ Conclusio-  
nis laudatus, ait se quatuor Concilia suscipere ac venerari sicut qua-  
tuor Evangelii Libros.

T. 2. f. Resp. cum Bellarmino , lib. 2. de Conciliis, c. 12. in fine . Illud , si-  
36.col.1. cut, sonare similitudinem, non æqualitatem; sicut illud Matth. 5. Estote perfe-  
C. D. eli, sicut Pater vester caelestis perfectus est. Vel si æqualitatem sonet, dicendum  
erit non comparari a Gregorio Concilia cum Evangelii in omnibus, sed tantum  
in ipsa certitudine eorum que in Scripturis dicuntur, & in Conciliis definiun-  
tur. Cum enim utraque sint infallibilis veritatis, æque certa dici possunt.

Objicies 5. Nullum ex definitionibus Conciliorum fructum percipere  
possumus, sive ad fidei nostræ certitudinem & securitatem, sive ad mo-  
rum regulam ; nisi certis regulis constare nobis possit definitiones illas es-  
se Concilii legitimi & Oecumenici ; quamdiu enim incerta & dubia pendebit  
conditio ipsa Concilii , tamdiu nutabit ejus auctoritas , ac dubius hæredit  
fidelium animus : atqui nullis certis regulis constare nobis potest, hoc vel  
illud Concilium vere Oecumenicum & legitimum esse. Legitimum quippe  
non est, ex dictis , nisi Episcopi omnem humanam industriam adhibuerint  
in veritate perscrutanda , nisi libera fuerint eorum suffragia , ac juxta  
Scripturam , Traditionem & Ecclesiasticas regulas, sine ullo perturbato  
animi affectu, ex uno veritatis amore formandis decretis allaborave-  
rint: at nulla profecto via id certo cognosci potest, imo nec certo in-  
notescere potest, an illi qui congregantur, & dicuntur Episcopi, vere sint  
baptizati, vere ordinati, veram ac sinceram in corde fidem habeant; ergo, &c.

Resp. nego min. Ad ejus probationem

P. 268. Respondet 1. Melchior Canus lib. 5. de Locis, c. 5. q. 3. *Deum suaviter  
omnia disponere, simulque prospicere & finem & media ad finem necessaria ...  
Cum ergo Ecclesia firmatatem fidei fuerit pollicitus, deesse non potest, quominus  
tribuar Ecclesia preces, ceteraque præsidia, quibus hæc firmitas conservatur. Nec  
vero dubitari potest, quod in rebus naturalibus contingit, idem & in supernaturali-  
bus quoque usuvenire: ut qui dat finem , det consequentia ad finem ... Quod si se-  
mel hereticis, pergit ibidem Canus, licentiam permittimus , ut in questionem  
vovent, num Ecclesia judices eam diligentiam & curam exhibuerint quæ opus erat,  
ut quæstio via & ratione finiretur: ecquis adeo cæcus est, qui non videat omnia  
mox Pontificum & Conciliorum judicialabefactari? Ex qua insignis hujus Theo-  
logi responsione id sequi videtur, teneri nos eadem certitudine credere Con-  
cilia Oecumenica approbata & recepta juxta præscriptas a Christo leges sua  
fidei decreta condidisse, qua ereditimus suam ipsi opem & assilientiam pro-  
mississe Christum. Ex quo igitur Ecclesia per orbem diffusa Concilii alicuius  
etiam Oecumenici definitiones suo assensu confirmavit & acceptavit, hæc  
ipsa confirmatio & acceptatio certissimum nobis est a posteriori signum &  
argumentum Concilii legitimate secundum Canonicas regulas celebrati.*

Andreas Vega lib. 3. c. 39. in Concilium Trident. ait, *Fide Catholica  
credi debere tale Concilium v. g. Nicenum primum generale vere legitimum es-  
se: non quia Historici hoc testantur, sed quia ipsum Concilium hoc definit. Solent enim Concilia initio Actorum definire suum Conventum esse legitimum &  
in Spiritu sancto congregatum. Verum hæc responsio solida non videtur  
Bel.*

Bellarmino lib. 2. de Conciliis, c. 9. Tum quia vetera Concilia non sole-  
bant initio testari suum Conventum esse legitime & in spiritu sancto congrega-  
tum: Concilia vero quedam posteriora, ut Constantiense, Basileense, Tridenti-  
num & alia, id quidem testantur; sed non tamquam decretum aliquod formant de  
fide. Nusquam enim invenitur inter Canones proprie dictos alicujus Concilii ali-  
quis Canon, quo definiatur illud ipsum Concilium esse legitimum, a quo Cano-  
nes illi conditi sunt. Tum quia aut constat nobis aliunde Concilium aliquod fuisse  
legitimum, dum definire vellet, se esse legitimum, aut non constat; si constat,  
frustra conditur tale decretum; si non constat, jam de ipso decreto dubitare in-  
cipliemus. Si enim ambigo an fuerit legitimum Concilium antequam definiret se  
esse legitimum, ambigo etiam an non erraverit in eo ipso decreto quo se legi-  
timum esse pronunciavit.

Respondet itaque 2. Bellarminus ibidem, ex fide humana certissima  
dignosci posse legitimum esse aliquod Concilium, sicut ex eadem fide  
humana cetera facta historica recipimus, quæ nemo cordatus in dubium  
revocare audeat. Iis enim, ait Bellarminus, qui Concilio presentes adsunt, Ibid.  
evidens esse potest sine alia probatione, Concilium istud esse legitimum. Vident  
enim convenisse in unum Episcopos, qui habentur ab omnibus veri Episcopi,  
& convenisse ex variis Provinciis, & vocatos ab eo qui habet auctoritatem;  
& si quid aliud requiratur ad legitimum Concilium, id etiam videre possunt...  
Pastoris autem vel absentibus, id ipsum est notum ex humana fide, sed certissima,  
& quæ evidentiæ naturali aliquo modo comparari possit.

Addit eodem in capite Bellarminus, necesse non esse ut sciamus Episco-  
pos, qui ad Concilium conveniunt, habere veram fidem & veram ordinationem, ib. p. 12.  
col. 2. G.  
sed satis esse si non constet contrarium. Nam etiam si S. Pontifex, pergit ille,  
& omnes Episcopi qui ad aliquod generale Concilium a S. Pontifice convocan-  
tur, essent corde heretici, & sola externa professione Catholici, nec vere accepis-  
sent sacri Ordinis invisibilem characterem, sed nudam impositionem manuum, tamen  
certi sumus, Deum nunquam permisurum ut ejusmodi Concilium in decretis suis  
formandis erraret: assit enim Concilio Spiritus sanctus, non tam propter ipsum  
Concilium, quam propter Ecclesiam universam, quæ divino præcepto tenetur  
Episcoporum sententiam non discutere, sed venerari. Itaque ne erraret Ecclesia  
universa, divina providentia fecit, ut etiam Concilium illud Episcoporum fi-  
ctorum, vellet, nollet, verissimam fidem Ecclesie sequendam proponeret. Hec Bel-  
larminus, qui ibidem fatetur impossibilem sibi videri hanc hypothesisim,  
*Quia Deus, cui Ecclesie sue salus curæ est, quique omnia suaviter disponit nus-  
quam permittit, ut in Concilio, quod ab Ecclesia legitimum creditur, convenient  
Episcopi, aut omnes, aut pro majori parte non legitimi, aut non Catholici.* Ibid. H.

Instabis. Si voluisset Christus Episcopos in Concilium Oecumenicum  
legitime vocatos, esse supremos & infallibilis Judices controversiarum fidei,  
quorum sententia & acquiescere necessario teneantur quotquot sunt in orbe  
fideles, debuisset consequenter ea omnia ipsis præsidia conferre quæ necessaria  
sunt ut hæc infallibilitas conservetur & ad usum reducatur; qui enim  
vult finem, dat quæ necessaria sunt ad ipsum assequendum: debuisset igitur  
Christus fidem suam obligare, ut quoties Episcopi legitime vocarentur  
& congregarentur pro causa fidei definienda, toties ab ipsis propulsaret  
Deus, quidquid posset eos a veri tramite abducere, & efficeret ut nullis inor-  
dinatis animi affectibus agitati, nullo alio, quam veritatis studio & amore  
ducti,

ducti, omnibus minis, terroribus, pollicitationibus superiores, invicto semper & infracto essent animo in tuaenda veritate. Atqui tamen experientia teste id non praestat Christus: vel ipse famosus Patrum Ariminensium lapsus hoc demonstrat.

Resp. Christum Episcopis quidem legitime & in suo nomine congregatis suam opem & assidentiam promisso, atque etiam conferre omnia gratiae interioris adjumenta que necessaria sunt ut suo ipsi fungantur, sicut oportet, officio. At cum omnia sua viter disponat, & humano modo rem in Conciliis perfici velit, Episcopos suo permittit arbitrio: gratiam quidem ipsis offert & dat qua possunt, si voluerint, invicti flare adversus omnes demonis impetus; verum, nullam ipsis necessitatem imponit ut ea utantur. Non enim modo supernaturali aperto & visibili, ut jam diximus, sed interiori dumtaxat gratiae subministracione regere Episcopos voluit, nec eos omni humanitate veluti exuit, quando in Conciliis congregantur; sed omnibus humanis infirmitatibus obnoxios relinquit. Imo inde magis elucet divina virtus, quod a viris tot infirmitatibus circumdati, veritas detegatur, ac strenue defendatur. Revera lugendum aliquando contigit in plurimis Episcopis lapsus; at cave ne aut divinam incuses providentiam, aut fidei totale excidium inde timeas: justo enim quamquam occulto judicio lapsus hunc permittit quidem Deus, at nunquam permisurus est univerlam Ecclesiam errori consentire: imo faciet, quod contigit tempore Ariminensis Concilii; ut vel Episcopi, qui in errorem incauti lapsi fuerant, cito resipiscant; vel Ecclesia universa errori se se statim opponat retenta avita & vera Religionem.

Objicies. Nondum satis constitutum est apud nostros Theologos, cuinam præcisa promissa sit a Christo infallibilitas, an Concilio seorsim & sejunctum a R. Pontifice, an simul cum ipso: an Romani Pontifici confirmanti Concilium, an Concilio independenter a confirmatione seu approbatione R. Pontificis.

Præterea, si Concilium Oecumenicum eo ipso errare non posset ac certam fidem faceret, quod Oecumenicum sit, ac sufficenter repræsentet universam Ecclesiam; non indigeret ulteriori Ecclesiarum consensu & acceptatione: atqui tamen ea indiget, nec prius robur & firmitatem obtinet quam illa accesserit; ut patet exemplo V. Concilii Generalis, quod etsi a Vigilio S. Pontifice fuisset confirmatum, prius tamen Oecumenici Concilii auctoritatem non obtinuit, quam acceptatum fuerit ab universis Ecclesiis præsertim Occidentalibus; & qui ante hanc acceptationem huic Concilio restiterunt, propterea communione Ecclesiastica velut rebelles & contumaces privati non sunt, ut omnes norunt.

Denique, licet S. Petrus, quando claves a Christo accepit, Matth. 16. universam Ecclesiam repræsentaret, sicut docent SS. Patres postea suo loco referendi, non tamen infallibilitatis & inerrantiae privilegium accepit: alias & in Romanis Pontificibus ejus successoribus agnoscendum illud pariter foret, ergo etiam si Concilium generale universam Ecclesiam repræsentet, non eam tamen habet infallibilem judicii auctoritatem, quæ tori & universali Ecclesiae concessa est.

Resp. ad primum; certo constare apud omnes Theologos, promissam a Chri-

Christo infallibilitatem Concilio Oecumenico legitimo quod sufficienter universam Ecclesiam repräsentat. An autem vere censeatur Oecumenicum Concilium, & universam Ecclesiam repräsentare sine R. Pontifice, ejusque approbatione seu confirmatione, lis est inter Theologos. Usu ordinario & lege communi requiri hanc ex parte S. Pontificis confirmationem, consentiunt fere omnes Theologi: sic enim innotescit consensus Capitis Ecclesiae cum ceteris Episcopis, ac censetur Concilium plene universam Ecclesiam repräsentare, quia in confirmatione facta per R. Pontificem censetur ut plurimum includi totius Ecclesiae Occidentalis consensus, sine quo Concilium vere Oecumenicum esse, ac Ecclesiam universam repräsentare non censetur.

An vero absolute necessaria sit hæc confirmatio, ejusque defectu manca sit Concilii auctoritas, gravis est quæstio, de qua inferius. Interim dicimus, absque tali confirmatione (quam immetito posset aliquis Pontifex denegare, ut eam V. Concilio aliquando denegavit Vigilius) suam Concilio Oecumenico legitime convocato & celebrato stare firmitatem & auctoritatem, quam habet a Christo immediate, non a S. Pontifice; cui proinde omnes Christiani obedire tenentur cujuscumque conditionis sint, etiam Papalis, ut declarat Synodus Constantiensis. Non igitur sensu dicitur S. Pontifex Concilia Oecumenica confirmare, quod ipsis auctoritatem infallibilem & robur invictum addat, (quasi sine illa confirmatione excideret a statu & auctoritate Concilii Oecumenici) sed quod ipsis sit, utpote primatum obtinentis in tota Ecclesia, Decretorum Concilii executionem urgere & promovere.

Ad secundum: Cum omnes & singuli Episcopi re ipsa Conciliis etiam maxime Oecumenicis præsentes non intersint, sed aliqui dumtaxat ex singulis aut Regnis, aut Provinciis, aut Nationibus, ordo & æquitas postulat, ut a ceteris absentibus, qui Judices pariter sunt in caffis fidei, probentur & acceptentur quæ a Concilio de fide vel moribus statuta sunt; ut nempe omnibus & singulis in eamdem sententiam conspirantibus, Ecclesia Hæreticis terribilis fiat velut Castrorum acies ordinata. Ea tamen acceptatione & approbatione Synodus, si vere Oecumenica & legitima fuit, non idcirco indiget ut robur habeat & inconcussam auctoritatem, quam habet a Christo immediate, sed quia consensus & acceptatio Ecclesiarum signum & argumentum est velut a posteriori, quo declaratur Concilium vere Oecumenicum ac legitimum fuisse, ac ut tale ab omnibus agnoscendum & admittendum. Quapropter si aliquæ nobiliores Ecclesia resisterent & Concilii placitis subscribere recusarent, ut contigit tempore Concilii V. indicium foret tale Concilium penitus absolutum & ob signatum non esse, atque adeo nec vere Oecumenicum, nec ejus Decretis prius teneri omnes & singulos fideles, quam Ecclesiarum omnium accessisset consensus: quemadmodum vel ex ipso Concilii V. exemplo, quod objicitur, manifeste demonstratur.

Ad tertium: Dico i. S. Petrum Ecclesiam universam figurasse quidem & repræsentasse in recipienda Clavum auctoritate, non vero in auctoritate per quam solus de rebus fidei supremo & infallibili Judicio pronunciaret; si quidem non solus, sed alii cum ipso Apostoli & seniores in Concilio Jerosolymitano coacti tamquam Judices supremi de necessitate Legalium pro-

pronunciarunt. Deinde, quando S. Petrus claves accepit, ita Ecclesiam figurabat, ut non esset solus tota Ecclesia: e contra Episcopi in Conciliis generalibus ita repræsentant Ecclesiam ut sint ipsimet Ecclesia, cui solidata est suprema auctoritas judicandi de rebus ad fidem & Religionem pertinentibus. Dico 2. quod et si S. Petro tamquam Apostolo divinitus inspirato datum sit ut errare non potuerit, consequens non est tale privilegium ad Successores pertinere: multa enim Apostoli dona habuere ut Apostoli, quæ ad Episcopos eorum Successores transmisa non fuere.

Objicies 7. Suam in judicio fidei & morum supremam & infallibilem auctoritatem nullo unquam Canone vel Decreto definitivit Ecclesia; nusquam Hæreticis contumacibus & adversus decreta sua obloquentibus hanc objecit & opposuit, nequidem in Conc. Tridentino; cum tamen non ignorarent Patres, ab Hæreticis aperta fronte impugnari hanc Ecclesiæ infallibilitatem, quod certe mirum videri debet; ea etenim una velut firmissimo ariete reprimi facile potuissent omnes eorum impetus, ac enatae omnes controversiae statim absque ulteriori discussione dirimi ac definiti: quin non legitur ea de re nata quæstio ante sæculum deceimum quartum, quo primum excogitata videtur illa Ecclesiæ inerrantia.

Resp. necesse minime fuisse ut Ecclesia aliquo Canone speciali conceptis verbis definiret sibi a Christo datam infallibilitatem: satis fuit quod usus ipso ac continua praxi hanc demonstraret; anathemata scilicet percellendo quotquot suis obluctarentur decretis: quæ agendi ratio constans est ac perpetua quædam supremæ suæ auctoritatis declaratio ac definitio. Ut enim recte ratiocinatur Bellarminus, lib. 3. de Ecclesia militante, c.

T. 2. p. 14. Obligamus sub anathematis pena credere Ecclesiæ in omnibus, ut patet  
61. col. Matth. 18. Quod si Ecclesiam non audierit, sit tibi velut Ethnicus & Pu-  
blicanus. At iniquum esset sub tam gravi pena obligare fideles ad as-  
fentiendum decretis quibus falsum subesse posset. Deinde vero non solent  
Judices aliquo speciali decreto auctoritatem suam litigantibus probare,  
sed hanc supponunt, imo & agnoscunt ipsi litigantes, ad quam confu-  
giunt. Neque tibi mirum videri debet, quod non sola sua auctoritate  
suprema, sed etiam discussione, examine, probatione, cum Hæreticis  
egerit Ecclesia: quippe non imperio tantum, sed suasione ac doctrina,  
ad fidem contumaces adducere nititur. Rationabile enim esse nostrum  
obsequium, ait Apostolus, Rom. 12. v. 1. & quamquam nihil sit rationi  
tam consentaneum, quam credere ex auctoritate; firmissimus nihilominus  
argumentis demonstrat Ecclesia, vera esse quæ proponit vel creden-  
da vel facienda, ut ita omnem frangat animorum nostrorum pertina-  
ciam. Adde quod Ecclesia fidei dogmata seu articulos non faciat, sed  
supponat ac declarat: ipsius igitur est ostendere re ipsa dogmata quæ pro-  
ponit, contineri in verbo Dei sive scripto sive tradito, quod exequi  
non potest absque via, ut ajunt, discussionis, seu examinis; quibus præ-  
missis, decretorie ac ex supra auctoritate pronunciat, & contumaces  
e sinu suo expellit anathemate percussos.

Instabis: Ecclesia non est infallibilis in dignoscendo ac fingendo uniuscu-  
jusque ex SS. Patribus sensu; ergo nec in sensu scripturae determinando.

Resp. Esto sit antecedens, de quo pluribus postea. Ratio discriminis est,  
quod Scriptura sacra infallibilis sit fidei nostræ norma & regula, non vero qui-  
libet

libet sanctus Doctor; adeoque necesse sit Ecclesiam errare non posse in figendo Scripturæ sensu.

Objicies 8. Ex universalis Ecclesiæ sententia nullum omnino sumi potest argumentum. Quomodo enim fidelium omnium sensum in fidei qua<sup>stionis p.</sup> stione requiremus? Nec juvat reponere, satis esse si Pastorum, qui Ecclesiæ repræsentant & ipsissima Ecclesia sunt, requiratur sententia, quæ cognosci facile potest. Namque Isaia temporibus erat Jerosolymis Ecclesia: de Pastoribus vero sic loquitur, cap. 56. *Speculatores ejus caci omnes, nesciunt universi: canes muti non valentes latrare, videntes vanam, dormientes & amantes somnia.* Et Jeremias 8. *Ipsi Pastores ignoraverunt intelligentiam. Omnes in viam suam declinaverunt a summo usque ad novissimum.*

Resp. nego ant. ad probationem respondet Canus, Lib. 4. cap. ultimio <sup>P. 233.</sup> ad 14. duo esse rerum genera quæ ab Ecclesia creduntur: unum, quod ad omnes & que pertinet; ut Deum esse hominem, animum nostrum esse immortalem. Et in hoc genere non est valde difficile omnium fidem sensumque cognoscere. Non quod rogentur singuli, quod & molestum esset, & ridiculum; sed quod singulorum fides in hujusmodi statim sese prodat, satisque mediocri adhibita diligentia cognita nobis & perspecta esse possit, præsertim si res in contentionem veniat, & vulgus suo more calefacat. Adde fidem earum rerum quæ in usu frequenti & praxi ordinaria versantur, ut sunt v.g. Sacraenta, facile deprehendi ac probari ex trito fidelium usu ac viva & spirante Traditione. Alterum est genus earum rerum, quas cognoscere non rudium & imperitorum in Ecclesia, sed majorum & sapientium interest; v.g. Epistolam ad Hebreos esse Canonica, ac reliquia similia quamplurima. Quo in genere si vulgarem plebis sententiam roges, perinde erit (ait Canus) ut si a caco sensum colorum postulaveris. Sapientes igitur seu Episcopi & Pastores tunc interrogandi sunt, a quibus certo reficies quæ sit Ecclesiæ fides ac sententia. Quæ vero in oppositum laudata sunt Scripturæ testimonia, intelligi debent, ut supra diximus, vel de pluribus, non de omnibus collective sumptis Pastoribus, vel saltem de Pastoribus Legis Mosæicæ, quibus nusquam donum infallibilitatis Deus promisit.

Objicies 9. Episcopi, quamquam in Concilium generale congregati, homines sunt mendacio obnoxii, & nihil humani a se alienum arbitrantur, singuli eorum in suo privato suffragio errare possunt; ergo etiam omnes: ex suffragiis etenim errori obnoxii, non potest certo veritas elici.

Resp. Episcopos simul in Concilio generali congregatos, homines quidem esse, sed præsidem habere & assistentem Spiritum Sanctum, qui, juxta Christi promissiones, nunquam permitte eos errori consentire. Quamquam ergo singuli Episcopi seorsim sumpti possint errare, non tamen omnes. Neque hic valet a distributivo ad collectivum illatio, quia promissio infallibilitatis non singulis seorsim ac distributive, sed omnibus simul & collective facta est: & quamquam inter disputandum varia sint & diversa suffragia, consentiunt tandem in definitione, & quod a Synodo conciliari ter pronunciatur, omnium est Episcoporum sententia: neque vero suffragiorum numero, sed pondere hic judicatur. Nego, ait Canus, l. 5. de L. <sup>P. 262.</sup> c. 5. q. 2. cum de fide agatur, sequi plurimorum judicium oportere. Nec hic, ut humanis vel electionibus vel judiciis, ex numero suffragiorum sententiam metimur. Scimus frequenter usuvenire, ut major pars vincat meliorem: scimus non ea semper esse optima, quæ placent pluribus: scimus in rebus quæ ad doctrinam pertinens,

uent, sapientium sensum esse preferendum. Hæc dicebat Canus, quia exi-  
stibat R. Pontificem vim & auctoritatem Conciliis conferre.

Circu-  
lus.

Objicies 10. Infallibilem Ecclesiæ auctoritatem probamus ex Scriptu-  
ris, & vicissim hanc Scripturam esse verbum Dei probamus ex Ecclesiæ  
auctoritate, quo certe in ratiocinio vitiosus est circulus, qui recidit in  
sophisma quod vocant petitionem principii. Siquidem tunc est vitiosus  
circulus in aliquo ratiocinio, ac vera principii petitio, quando duæ pro-  
positiones æque ignotæ sese mutuo probant: atqui sic est in præsenti ne-  
gotio. Probamus enim Ecclesiam esse infallibilem ex Scripturis, & Scriptu-  
ram probamus ex Ecclesiæ auctoritate: unde dixit S. Augustinus, quod  
*Evangelio non crederet, nisi Catholicæ Ecclesiæ commoveret auctoritas.*

Resp. Nego vitiosum hic circulum esse. Namque ut vitiosus sit in  
aliquo ratiocinio circulus, necesse est ut duæ propositiones æque sint  
ignotæ, ac se ipsas eodem modo seu in eodem causæ genere mutuo  
demonstrent: atqui non ita est in præsenti ratiocinio.

Primo, duæ istæ propositiones, Ecclesia est infallibilis, &c, Hæc Scri-  
ptura, quæ declarat Ecclesiam esse infallibilem, est verbum Dei, non  
sunt æque ignotæ: prior enim propositio immediatus notior est, per  
motiva scilicet credibilitatis, seu splendidos illos characteres quibus vel  
minimum attendenti manifeste appetit Ecclesiæ veritas & auctoritas,  
qua semel adepta facile est devenire in cognitionem revelationis seu  
Scripturæ sacrae. Necesariam enim esse aliquam Ecclesiæ auctoritatem  
qua ad credendum inducamus, vix negant nostri Reformatores: ubi au-  
tem semel hoc sumus assecuti, Ecclesiam esse regulam quæ credenda  
proponit, & cuius auctoritate ad credendum duci debemus, facile est  
eidem Ecclesiæ talem Scripturam, ut verbum Dei proponenti, consentire;  
in qua subinde Scriptura deprehendimus promissam Ecclesiæ infal-  
libilem auctoritatem. Probatur igitur a priori infallibilitas Ecclesiæ per  
Scripturam, & veritas Scripturæ quasi a posteriori probatur per aucto-  
ritatem Ecclesiæ: sicut ergo progressus ille demonstrativus vitiosus non  
est, in quo per risibilitatem notam ex effectibus, probo rationale, &  
per rationale probo a priori risibile; sic non est vitiosus ille progres-  
sus fidei, in quo per auctoritatem Ecclesiæ notam ex motivis, probo  
Dei revelationem, & per revelationem probo a priori auctoritatem Ec-  
clesiæ. Vide quæ antea de hoc ipso circulo dicta sunt.

Atque hinc 2. patet duas adductas propositiones sese mutuo non pro-  
bare eodem modo, seu in eodem causæ genere. Auctoritas enim Eccle-  
siæ probat veritatem Scripturæ quasi a posteriori dumtaxat, tamquam  
regula vivens & animata, tamquam causa ministerialis intermedia; au-  
toritas vero Scripturæ probat infallibilitatem Ecclesiæ velut a priori,  
tamquam ratio formalis motiva: eodem fere modo quo in physicis caus-  
a instrumentalis non influit nisi virtute causæ principalis, & in mora-  
libus auctoritas v. g. Regis proposita per auctoritatem Magistratus ab  
ipso instituti, sic me moveat ad obediendum, ut neutra moveat sine al-  
tera: non enim obedio Magistratui, nisi quia Rex a quo ille institutus  
est, per illum nobis suam voluntatem proponit; nec obedio Regi, nisi  
prout ejus voluntas innotescit mihi per Magistratum ministrum suum.

Objicies denique: Ecclesia in moribus & disciplina errare potest.

I. Quia

I. Quia de sola fide dictum est Petro! *Rogavi pro te ne deficiat fides tua.*

II. Nihil a Catholicis fide certa creditur quod non sit revelatum: at hanc vel illam disciplinæ rationem indicendam esse, v. g. dandam vel denegandam infantibus Eucharistiam, concedendam laicis sub una, vel duplice specie, revelatum non est; ergo non tenentur Catholicæ credere Ecclesiam in ejusmodi disciplina errare non posse, neque consequenter tenentur ei obtemperare.

III. Sanctorum Canonizatio, ut ajunt, & cultus publicus qui ipsis defertur, ad mores haud dubie pertinet: atqui tamen falli potest Ecclesia in eo Judicio quo declarat tales hominem Sanctis esse adscriptum, & consequenter publico cultu honorandum: pendet etenim hocce iudicium ex testimoniis hominum, de probitate, sanctitate illius hominis, ac miraculis, quæ ab ipso patrata fuisse circumferuntur, quibus certe testimoniis prouum est homines & falli & fallere.

IV. Ordinum Religiosorum institutio & approbatio ad mores etiam sine dubio pertinet: at dubium non est aliquos Ordines non modo inutiliter, verum etiam noxie approbatos; unde necesse fuit eos ab Ecclesia extingui, sicut a Concilio Viennensi extinctus est ordo Templariorum.

V. Denique, recitatio Officii Ecclesiastici quæ in Breviariis continetur, ad mores & cultum publicum pertinet: quam multa autem facta historica, apocrypha, falsa, inepta referuntur, imo interdum & errores?

Priusquam huic argumento satisfaciamus, observa duo esse in Religione Christiana rerum genera: unum rerum credendarum, quæ ad contemplationem & cognitionem pertinent; alterum rerum faciendarum vel omittendarum, quæ in morum præceptis positæ sunt. Inter res autem postremi generis, aliae sunt omnino necessariae ac immutabiles, v. g. fugiendum adulterium, homicidium, &c. Aliae liberae ac mutationi obnoxiae, v. g. communio Eucharistica sub una vel duplice specie. Rursus, aliae sunt omnino ad salutem publicam omnium fidelium necessariae; aliae non item, quarum proinde ignoratio sine pietatis & salutis dispendio & jactura esse potest. Non enim, ait Canus, Lib. 5. c. 5. qu. 5. in Theologia semper de necessariis agitur; sed interdum etiam de iis, quæ utilia esse videantur, quamvis non sint adeo necessaria. His prænotatis.

Dico I. Ecclesiam errare non posse in doctrina morum qui ad salutem necessarii sunt, & ad omnes pertinent. Ratio est quia Deus nusquam in necessariis Ecclesiæ sua deest; & quibus dedit pascendi oves auctoritatem, iisdem & donum induxit discernendi bona pastua a malis & venenatis: alias, error Ecclesiæ seu Pastorum, omnium fidelium error evaderet; cum ex præcepto Christi teneantur suis Pastoribus morem gerere; imo & in Christum ipsum error ille ultimo recideret, qui Pastores tam noxios dedisset, & legem ipsis obsequendi fidelibus simul imposueret. At quam istud absolum sit, colligi potest ex citatis inter probationes Conclusionis Scripturarum testimoniis.

Hinc inferes I. fieri non posse ut Ecclesia definiat vitiosum esse, quod honestum est; aut contra honestum, quod est turpe; adeoque sua edita lege quidquam approbet, quod Evangelio, & recte rationi inimicum sit. Si enim Ecclesia, vel expresso Judicio, vel lege lata turpia probaret, aut reprobaret honesta, hic jam error non solum fidelibus pestem ac perniciem

*Canus*  
p. 275.

*Ibidem.*

afferret, sed fidei etiam quodammodo adversaretur, quæ omnem virtutem probat, universa vitia condemnat; 2. inferes fieri non posse ut Ecclesia eam invehat aut probet generalem disciplinam, qua suorum saluti noxia sit: v. g. si concedat infantibus Eucharistiam, si delegeat; si communionem sub duplice specie laicis indulgeat, si recuset, semper sancta est, eti varia ejus agendi ratio, variis temporum & personarum circumstantiis sapienter accommodata; nec unquam permittet Christus, ut abusum seu noxiā praxim & disciplinam suis proponat, & ut eam sequantur. In Decreto ipso Apostolico, quod refertur, Act. 15. de quo nos superius, aliquid praecipitur, quod erat dumtaxat disciplina, & quidem non diu duratura, nempe abstinentia a sanguine & suffocato: in ea nihilominus disciplina sanctienda Apostoli ajunt, *Spiritu sancto & sibi vivum esse, &c.* Agnoscent igitur Ecclesiam in generali disciplina praepicienda quæ ad omnes pertineat, errare non posse; utpote quæ praesidem & assistentem sibi Spiritum sanctum habeat. Est igitur de fide ac revelatum in Scripturis, certum esse ac omnino securum Ecclesiam de moribus Iudicium. Unde sacra Facultas Parisiensis, an. 1644. gravi censura notavit Librum Theophili Brachet cui titulus erat, *Verax pacificus*, eo quod in eodem docuisset, morem Ecclesiae dandi absolutionem ante expletam satisfactionem, esse abusum intolerabilem, contrarium naturæ & institutioni Sacramenti penitentiae. Declarat sacra Facultas, temerarium esse atque erroneum & hereticum, damnare disciplinam & consuetudinem Ecclesiasticam ab omnibus Catholice communionis Ecclesias receptam, quantumcunque diurnam, tamquam abusivam, & institutioni Christi, atque Evangelicae doctrinae contrarium. Observa hereticum videri sacra Facultati, damnare disciplinam Ecclesiae generalem: quod nempe revelatum existimet, eo in capite errare non posse Ecclesiam. Canus tamen, Lib. 5. de Locis, cap. 5. q. 5. Conclusione 2. ( pag. 278. ) non audet definire id esse hereticum.

Neque oponas discipline variationem ac mutationem. Namque, ut jam observavimus, quæcumque sit ejus mutatio, si ab Ecclesia universa probetur, sancta est, & ab omnibus necessario retinenda. Docet enim To. 14. Conc. Trid. Sess. 21. cap. 2. *banc potestatem perpetuo in Ecclesia fuisse*, ut in Conc. p. *Sacramentorum dispensatione*, *salva illorum substantia*, ea statueret vel mutaret, § 46. D. quæ suscipientium utilitati seu ipsorum Sacramentorum venerationi, pro rerum, temporum & locorum varietate magis expedire judicaret, & Sess. 7. Can. 13. anathemate damnantur, qui dixerint receptos & approbatos Ecclesiae Catholicae ritus in administratione sollemni Sacramentorum adhiberi consuetos, aut contemni, aut sine peccato a Ministris pro libito omitti posse.

Dico 2. In moribus, qui non toti Ecclesiae communes sunt, sed ad privatos P. 279. homines vel Ecclesias referuntur, errare per ignorantiam Ecclesiam posse, non in iudicio solum verum gestarum, sed in ipsis etiam privatis præceptis & legibus. Ita Catus, loco citato, cuius probationem ipsiusmet verbis hic attexere non pigebit. Cum enim quis, inquit, occulte una uxore habita, alteram ducit publice, jubet illi Ecclesia, ut priore relicta, posteriorem accipiat. Qua in re sine dubio fallitur, & id præcipit homini, quod rationi Evangelioque adversum est. Hujus vero Conclusionis veram & idoneam caussam Innocentius III. dedit in capite, *A nobis*, de sententia excommunicationis, in hæc verba: *Judicium Dei, veritati, quæ non fallit, nec fallitur, semper innititur; Judicium autem Ecclesie*

nonnunquam opinionem sequitur, quam & fallere s<sup>e</sup>pe contingit & falli: propter quod contingit interdum, ut qui ligatus est apud Deum, apud Ecclesiam sit solutus; & qui liber est apud Deum, Ecclesiastica sit sententia innovatus. Cujus quidem rei ratio a priori h<sup>e</sup>c est, quod in hujusmodi Judiciis Ecclesia innitur testimonii hominum, qui falli possunt & fallere. Idem Canus paulo ante dixerat, se non omnes Ecclesiæ leges approbare, non universas pœnas, censuras, excommunicationes, suspensions, irregularitates, interdicta commendare. Scio enim, inquit, nonnullas ejusmodi leges esse, in quibus si non aliud præterea quicquam, at prudentiam certe modumque desideres. Quod intellige de legibus privatis, quæ aliquos dumtaxat spectant, non omnes Christianos. Ibidem enim asserit Ecclesiam, cum in re gravi, & quæ ad Christianos mores formandos apprime conducat, t<sup>e</sup>t<sup>i</sup> populo leges dicit, non posse jubere quidquam, quod aut Evangelio, aut rationi, naturæve contrarium sit. P. 277. Ibidem.

Hinc inferes Ecclesiam errare posse, 1. in omnibus factis mere personalibus & historicis, quorum veritas ex hominum testimonio dependet; 2. in referendis Martyrum & aliorum Sanctorum historiis; 3. in testimonii SS. Patrum tamquam veris & genuinis referendis, quæ tamen supposititia sunt & adulterina: quando enim in Conciliis etiam Occumencis laudantur alicujus S. Doctoris testimonia, non continuo ea genuina ac legitima esse certo definitur; de hoc enim facto non judicat Ecclesia. An vero sit infallibilis in dignoscendo sensu Librorum & auctorum, gravis est inter Theologos controversia, de qua postea. Atque his præmissis, facile est singula Objectionis proposita capita dissolvere.

Primum: Nomine fidei intelligi debet non tantum fides credendorum, sed etiam faciendorum, ut observatum est.

Secundum: Revelatum quidem non est, hanc vel illam disciplinam & proxim statuendam esse & observandam; sed revelatum est, quod sufficit, in ea generali morum disciplina statuenda errare non posse Ecclesiam, eique esse ab omnibus obtemperandum, nisi tamquam Ethnici & Publicani haberi voluerint.

Tertium: Canus, Lib.5. c.5. qu.5. Conclusione 3. vult quidem non esse de fide quod Ecclesia falli non possit in Sanctorum Canonizatione; at P. 280. temerarium & irreligiosum esse pronunciat, Ecclesiæ bac in re fidem abrogare, cui procul dubio assitit Spiritus Sanctus. Quia, inquit, multum refert ad communes Ecclesiæ mores scire, quos debeas religione colere: quare si in illis erraret Ecclesia, in moribus quoque graviter falleretur ... Ne igitur tantus error in Ecclesia sit, Deus peculiariter providere credendus est, ne Ecclesia, qualibet hominum testimonia sequatur, in Sanctorum canonizatione erret. Cujus peculiarissimæ providentiae, pergit Canus, abunde magnum argumentum est, quod nunquam infirmata est fides ab humanis testibus semel in hujusmodi judiciis suscepta; quod in caussis civilibus s<sup>e</sup>pe accidit. Quæ si singula forte non moverent, universa certe tamen inter se conexa atque conjuncta movere debebunt, ut qui fidem in his Ecclesiæ detrabunt, eos non hereticos quidem, sed temerarios, impudentes, irreligiosos esse credamus. Ita Canus. S. Thomas Quodlibeto 9. q.8. art. ultimo, S. Antoninus 3. parte titulo 12. c 8. ajunt, non quidem certo ac de fide, sed pie credendum esse Ecclesiam in hujusmodi non errare. Idem docet Bellarminus, Lib.1. de Sanctorum beatitudine, cap.9. & alii, qui omnes hac generali ratione utuntur: Deum in necessariis Ecclesiæ suæ non deesse.

Dici etiam non immerito potest, quod etsi per accidens & errore facti Ecclesia falleretur in cultu decernendo alicui homini, quem sanctum existimat, & qui talis re ipsa non est, non minus tamen vera esset ejus publica ac generalis doctrina, qua docet honorandos esse sanctos: quia, ut diximus, error ille facti esset, non juris, seu dogmatis. Eo fere modo quo errore facti potest quis adorare hostiam tamquam consecratam, quæ tamen consecrata non sit: quo in casu error facti particularis, non nocet veritati Catholicae, qua constat Christus in Eucharistia presentem esse adorandum; & illa ipsa adoratio, quamquam per accidens & respectu talis hostiae, sit falsa, respectu tamen adorationis absolute considerata, qua Christo debetur in Eucharistia praesenti, laudabilis est, justa & necessaria.

*Quartum sit solvit Canus: Ordines vel probare vel refellere, quoniam non p. 281. e scientia solum, sed etiam e prudentia pendet, non pertinere ad ea in quibus Ecclesia errare nequit.* Et vero ad publicam fidelium omnium salutem non pertinet Ordinum Religiosorum institutio, neque singulis fidelibus necessaria est; siquidem non tenentur singuli suum alicui Ordini Religioso nomen dare, quamquam contendimus Ecclesiam universam non posse probare alicujus Instituti regulam, quæ aut errorem contineat contra fidem, aut vitium contra mores. Si ergo aliquos Ordines extinguere ac supprimere aliquando compulsa fuit Ecclesia, non inde factum quod in sua origine perversum fuerit Institutum; sed quod a prima Regulæ & Institutii sanctitate vel defecerint degeneres subinde discipuli, vel inutilis & temporum conditioni idoneus amplius Ordo non fuerit.

Ad ultimum: Jam diximus errare posse Ecclesiam in aliquibus Martyrum & Sanctorum factis historicis, quæ in Breviariis referuntur, quæ certe castigari & emendari exoptat: qua in re feliciter operam conferunt quamplures Galliarum nostrarum Episcopi. Si vero aliqui errores contra fidem in iisdem deprehendantur, ( quod jam non expendimus ) pro certo habeas, eos ab Ecclesia universa non probari, quæ illorum Breviariorum examen nusquam aggressa est.

#### A R T I C U L U S IV.

*An major Episcoporum Summo Pontifici adhaerentium numerus, paucis admodum ex adverso reclamantibus, in fide aberrare aliquando possit, & de facto aberraverit.*

**I**Mpiorum ac sceleratorum hominum multitudinem iustis sapissime prævalere, nec omnino sequendam esse, facile consentiunt omnes; quod vel uno Judæorum exemplo tempore passionis Christi manifestum est.

An vero in Ecclesia Christi, ubi certa est ac definita Judiciorum circa fidem ac Religionem formam, ubi divinus Spiritus adest omnibus diebus, multitudo Episcoporum Capiti suo Romano Pontifici adhaerentium semper audienda sit ac sequenda, tametsi pauci econtra sentiant ac reclament, in controversiam adducitur.

Ex veteribus Hæreticis, Pelagiani, Donatistæ, Luciferiani, de paucitate sua pudore statim suffusi, tum multitudinem parvi facere, detrahere ipsi, ac in errorem prolapsionem exprobare aggressi sunt.

Pelagiani dicebant eos cum vulgo imperite sentire, qui sententiae meritum de

de prosperitatibus ponderans, eam veriorem estimat, quam pluribus placere con- T. 10. p.  
spexerit. Ita Julianus apud S. Augustinum, Lib. 2. Op. imp. c. 3. & Lib. 1. 958. B.  
c. 75. sic ipse Julianus objicit: *Cum sub Ariano principe, vir magnæ constan-*  
*tiae, fidei sanissimæ, Athanasius Alexandrinus Episcopus, dilapso a fide Apostolo-*  
*rum omni pene mundo, & impietatis temporibus oblitisset, atque ob hoc in exilia ibid. p.*  
*coactus esset; de sexcentis & quinqaginta, ut fertur, Episcopis, vix septem in- 919. C.*  
*Venti sunt, quibus cariora essent Dei præcepta quam Regis; videlicet ut nec in D.*  
*Athanasii damnationem convenienter, nec Trinitatis confessionem negarent.*

Inter Donatistas Vincentius Episcopus hoc ipsum exemplum lapsus Concilii Ariminensis usurpabat, ut probaret multitudinem Episcoporum in errorem abire posse: atque eum in finem abutebatur verbis S. Hilarii, depromptis ex Libro ipsius de Synodis contra Arianos, ubi ait, excepto P. 1186.  
*Eleusio & paucis cum eo, ex majori parte Asianæ decem Provinciæ, intra quas D.*  
*confito, vere Deum nesciunt. Vincentium egregie confutat S. Augustinus,*  
*Epistola 93. alias 481. cap. 9. num. 31. ad illum data, & Hilarium a T. 2. p.*  
*prava, quam ipsi affingebat, interpretatione vindicat. 244. A.*

Luciferiani, teste S. Hieronymo, Dial. adv. Lucifer. Ecclesiam intra fines Sardiniae concluserunt, sicut Donatista intra fines Africæ. Tom. 4.  
part. 2. p. 293.

Istud veterum Hæreticorum figmentum avide arripuere Novatores no-  
stri, Lutherani & Calvinistæ, ut ostenderent Ecclesiam conspicuam semper ac visibilem non fuisse, sed interdum sic obscuratam, ac errorum vi-  
tiorumque tenebris involutam, ut extincta pene oculis hominum subducta  
fuerit. Novatores strenue ac solide confutarunt quotquot inter nos extitere  
Polemici Theologi, in primis in Belgio, Jansenius Irenensis Episcopus ad-  
versus Voetium Sylvaducensem Ministrum: egregium Jansenii testimonium  
supra retulimus. In Gallia vero Illustr. Bossuetius, in celebri, quam cum  
Ministro Claudio habuit de hocce arguento Collatione. Tanta autem cum  
eruditione ac veritatis luce a viris doctissimis argumentum istud pertracta-  
tum & exhaustum fuit, ut nihil novi jam proferri possit, ac pudori sit ro-  
ties attrita Hæreticorum arma resumere, & obsoleta recudere argumenta,

Atqui tamen sunt qui etiamnum ea resumunt arma, & argumenta  
recudunt. Auctor Anonymus, Libri cui gallice titulus, *Temoignage de la Vérité*. Auctor Epistolæ ad Episcopum Suezionensem, & alii bene  
multi in Libellis furtim excusis.

In Libro, *Dutemoignage de la Vérité*, auctor totus est ut ostendat in dissi-  
diis circa Religionem, simplices Presbyteros, imo & ipsum rude ac im-  
peritum vulgi vocari posse ac debere, ut de controversiis fidei testimoni-  
um ferant ac sententiam pronuncient. Tanti vero momenti ac ponderis  
esse vult istum, ut vocat, fidei clamorem, *le cri de la foi, ou le cri du pe- p. 23. &*  
*uple*, ut Episcoporum paucitatem abunde compenset. Sic illi seipso de pau-  
citate suorum Episcoporum solantur. Auctor vero dictæ Epistolæ p. 23. &  
24. ait, Arianos omnium primos docuisse, veritatem ex parte multitudinis  
semper stare; quod nempe jactantius illi prædicarent se numero & multitudine  
*Homousianos* superare. Idem auctor p. 107. scribit in tribus vel ad sum-  
mum quatuor hominibus integrum stare ac conservari posse veritatem, ceteris  
omnibus in errorem abductis. Addit p. 33. quod etsi veritas in paucis sta-  
ret, visibilem tamen semper fore Ecclesiam, non quidem præcise virtute  
ac titulo hujus parvi numeri, sed propter unionem apertam & manifestam

quam illi pauci haberent cum Ecclesia veteri, cum ejus doctrina & forma loquendi. Hoc ipsum respondebant Lutherani & Calviniste, quando novitatis arguebantur. Cum veteri ac pura Ecclesia, inquietabant, nos juncti sumus; ejus doctrinam ac formam loquendi retinemus ac tuemur.

Præsentis igitur questionis hic status est: Potestne fieri ut in causa fidei Episcoporum multitudo simul cum Romano Pontifice, paucis admodum ex adverso reclamantibus, errorem definiat ac pertinaciter defendat? Negamus id fieri unquam posse, quamdiu firma stabit hæc Christi promissio, *Vobiscum sum omnibus diebus usque ad consummationem sæculi.* Stabit autem semper.

<sup>Matth. 20. v.</sup> Duo igitur hic a nobis præstanda sunt. Statuenda primum doctrina Catholica: tum variae, quibus impugnari solet, objectiones referendæ ac dilucidandæ.

### C O N C L U S I O.

Fieri non potest, vi promissionum Christi, ut in causa fidei multitudo Episcoporum simul cum Romano Pontifice, paucis admodum ex adverso reclamantibus Episcopis, errorem definiat ac pertinaciter defendat.

Conclusio hæc iisdem plane momentis demonstratur, & error oppositus refellitur, quibus Augustinus adversus Donatistas, Hieronymus adversus Luciferianos, & Catholici omnes Theologi adversus Lutheranos & Calvinistas usi fuere: nimur ab unitate, Catholicitate seu diffusione, visibilitate, & auctoritate Ecclesiæ, de quibus cum abunde disputatum hoc usque a nobis fuerit, sufficiet præsenti nostro argumento ea paucis adaptare, quæ fusi demonstrata sunt.

I. Unitas Ecclesiæ maxime posita est in unitate fidei & unione cum Sede Apostolica, quæ est Catholicæ communionis centrum: atqui in ad ducta hypothesi violatur illa unitas ab iis numero paucis, qui latè definitioni dogmaticæ (de illa enim hic unice agitur) reluctantur. Non una quippe ipsis est fides ac doctrina cum aliis; hinc divisio unitati opposita: non unum etiam Catholicæ communionis saltem interioris centrum. Licet enim ab unitate & communione cum Romano Pontifice exterius non recedant, illam tamen interius & in animo non retinent; cum sint ab illo sensu & doctrina disjuncti. Porro communio illa interior cum centro unitatis non aliter subsistit, quam unitate & confessione doctrinæ. *Si Damasi communionem amplecteris, dicebat Flavius Theodor. Apud Theod. monstra ... dogmatum ostende concordiam.* Et S. Augustinus L. 1. de Baptismo contra Donat. cap. 17. Semper, inquit, ab illius Ecclesiæ quæ sine misericordia & ruga est, unitate divisus est, etiam qui congregationi Sanctorum in carnali obduratione miscetur. Quod de malis ac facinorosis hominibus hic dicit Sanctus Augustinus, hoc ipsum pariter de iis dici potest, qui exteriori cum Ecclesia communionem servant, quamvis interius & animo doctrinæ discordes sint ac divisi. Namque sicut illi qui v. g. injuste a corpore Ecclesiæ præcisus est, intus tamen fidem & charitatem servat, vere ad unitatem & animam Ecclesiæ pertinet, ita divisus ab illa est, qui inter-

ne propter diversam fidem ac doctrinam ab ea disjungitur, tametsi exterioris unitatem non abrumpat.

II. Ecclesia est Catholica, idest, ubique diffusa diffusione fidei ac doctrinæ. *Catholica vocatur Ecclesia*, ait S. Cyrillus Jerosolymitanus Catechesi 18. quia per universum sit orbem terrarum diffusa, a finibus terræ usque ad extrema. Et quia docet Catholice, hoc est, universaliter, & sine ullo defectu vel differentiæ omnia dogmata.

Et Vincentius Lirinensis in Commonitorio, cap. 3. In ipsa, inquit, *Catholica Ecclesia magnopere curandum est*, ut id teneamus, quod ubique, quod semper, quod ab omnibus creditum est: hoc est etenim vere, proprieque *Catholicum*, quod ipsa vis nominis ratioque declarat, quæ omnia fere universaliter comprehendit. Sed hoc ita demum fiet, si sequamur universitatem, antiquitatem, & confessionem, &c.

Porro qui numero pauci a communi Romani Pontificis & multitudinis Episcoporum doctrina ubique diffusa recedunt, qua via & ratione hanc Ecclesiæ diffusionem tueri possunt; cum ipsi intra tam angustos limites conclusi sint, nec ubique terrarum doctrinæ sue socios, quibuscum communicent, ostendere valeant? Ita Donatistas premebat olim S. Augustinus, Lib. de unitate Ecclesiæ, cap. 6. Date mibi, ajebat, hanc Ecclesiam, si apud vos est: ostendite vos communicare omnibus gentibus, quas jam videmus in hoc semine benedici. Date hanc, aut furore deposito accipite, non a me, sed ab illo ipso, in quo benedicuntur omnes gentes, & Tract. 3. in Epist. Joan. nemus, inquit, hereditatem Christi: illi eam non tenent; non communicant orbi terrarum, non communiant universitati redemptæ Sanguine Domini. Ita pariter Irenæus & Tertullianus paucitatem Hæreticorum explodebant, Ecclesiæ vero ostentabant fecunditatem. Tempero ab applicatione præsentis nostro instituto facienda, quæ in oculos se ipsa incurrit.

III. Visibilis semper esse debet ac conspicua Ecclesia, quæ civitas est posita supra montem. Quippe cum extra Ecclesiam nulla sit speranda falsus, necesse omnino est eam a quolibet homine quolibet tempore facile deprehendi ac dignosci posse: atqui numero pauci communem Romani Pontificis & Episcoporum doctrinam deserunt, ii ubique & quolibet tempore visibilem Ecclesiam ostendere non possunt. Quam enim ostenderent? Eam, quam Summus Pontifex & Episcoporum multitudo sequuntur? Verum ab illius Ecclesiæ fide ac doctrina illi pauci discedunt ac discrepant. An suam privatam? At obscura est, intra paucissimos coarctata, non diffusa ubique; ergo nec ubique visibilis. Necesse igitur est eos ad Ecclesiam quandam interiorem & invisibilem recurrere, cui post factam accuratam doctrinæ discussionem, adhærere se contestantur. Verum hoc ipsum est quod in Lutheranis & Calvinistis Catholicî damnavere: quasi examen & discussio doctrinæ, cuius tam pauci capaces sunt, medium foret necessarium ad veram Ecclesiam dñgnoscendam, & adipiscendam salutem.

IV. Suprema est ac infallibilis Ecclesiæ auctoritas in rebus fidei ac Religionis dijudicandis. Sola ipsa, non Scriptura, non spiritus privatis revealans, non Princeps secularis Judex est supremus controversiarum fidei, ex dictis antea & probatis; ergo illius auctoritati, qui certe nulla in terris major dñxi potest, necesse est fideles omnes animo & corde sese subjiciant.

Et

II.  
Ex Catholicitate Ecclesiæ.  
P. 220.

D.  
Bibl. PP.  
T. 7. p.  
250. E.

III.  
Ex visibiliitate Ecclesiæ.

I V.  
Ex auctoritate Ecclesiæ.

Et vero cum Deus velit omnes & singulos homines salvos fieri & in agnitionem veritatis venire, oportet esse in Ecclesia, que societas est a Christo Domino bene constituta & ordinata, regulam aliquam vivam, subsistentem, publicam & facilem, ad quam in dubiis circa fidem ac Religionem facile possint & omni tempore fideles recurrere, ne cum periculo salutis aeternae circumferantur omni vento doctrinæ: atqui auctoritas illa alia esse non potest quam auctoritas Ecclesiæ, seu Summi Pontificis & Episcoporum quibus dictum est: *Qui vos audit, me audit. Attendite vobis, & universi gregi, in quo Spiritus Sanctus posuit vos Episcopos regere Ecclesiam Dei. Euntes docete omnes gentes, baptizantes eos. Quæcumque ligaveritis super terram erunt ligata & in celis, &c.* quæ certe omnia non ad populum Christianum, sed ad Rectores & Pastores Ecclesiarum directa fuerunt; ergo una est Ecclesiæ auctoritas suprema, publica, erroris nescia, quam fideles consulere & audire teneantur: quæ profecto via facilis est, expedita, omnibus aperta. *Autoritati credere*, ait Augustinus, L. de Quantitate animæ, c. 7. *magnum compendium est, & nullus labor.* Econtra vero, via examinis ac discussionis quæ adversariis nostris aptior videtur, quam aspera! quam difficilis & periculosa! cuius aliunde tam pauci sunt capaces. An vero credibile est Christum Dominum medium istud salutis omnibus & singulis hominibus tamquam necessarium proposuisse? Quis credat? Ita sensim ad Lutheranorum & Calvinistarum figura circa spiritum privatum, & necessitatem discussionis ac examinis in rebus fidei controversis dilabuntur, qui nostræ adversantur Conclusioni: sic Ecclesiæ auctoritatem funditus subvertunt, perinde ac ejus unitatem, Catholicitatem & visibilitatem: sic denique, postposita communis ac publica judiciorum forma, ac neglecta multitudinis Episcoporum sententia, omnia in Religione confundunt ac perturbant, se ipsis numero paucos supra multitudinem superbius extollunt, ac privato cuiilibet viam aperiunt, qua se controversiarum fidei judicem constitutus.

V.  
Ex communione omnium Tribunalium legem.  
Iex, ut ex plurali suffragiorum numero sententia pronuncietur, atque publica auctoritas, non vero privata uniuscujusque sententia, regula sit obedientia nostræ & agendi rationis. Quod si in ceteris, quanto magis in Tribunalis ac Judicio Ecclesiastico id observare necesse est? Multitudo enim Episcoporum qui Romanum sequuntur Pontificem, eam ipsam Ecclesiam repræsentant, cui summa doctrinæ ac ministerii auctoritas concredita est, ac divinitus concessum inerrantia privilegium: *Vobis sum omnibus diebus. Portæ inferi non prævalebunt.*

Ad hæc accedit constans ac perpetua praxis Ecclesiæ, & unanimis SS. Patrum doctrina, qui Hæreticis sui temporis novitatem & paupertatem tamquam certum erroris argumentum objecere, atque Judicio S. Pontificis & Episcoporum ipsi adhærentium standum esse declararunt. Multa in hanc rem testimonia collegit Illustrissimus ac doctissimus Episcopus Sueffionensis in Opere cui gallice titulus est, *Quatrième Lettre Pastorale au Clergé de son Diocèse*, pag. 38. 39. & 40.

P. 212.  
A.  
Tertullianus L. de Praescript. cap. 28. *Quod apud multis unum, inquit, invenitur, non est erratum sed traditum.* Ergo a contrario, quod apud paucos a multitudine dissidentes invenitur, erratum est, non traditum. Eo tendit quod idem Tertullianus & Irenæus docent, certam nimirum di-

gnoscendæ veræ fidei regulam, esse conspirantem ac communem omnium Ecclesiarum, quæ per orbem dispersæ sunt, sententiam. Quid prædicaverint Apostoli, ait idem Tertullianus, eodem Libro, c. 21. non aliter P. 209. probari debet, nisi per easdem Ecclesiæ quas ipsi Apostoli condiderunt, ipsi eis prædicando tam viva, quod ajunt, voce, quam per Epistolas postea.... Constat proinde omnem doctrinam quæ cum illis Ecclesiæ Apostolicis, matricibus & originalibus fidei conspiret, veritati deputandam; sine dubio tenentem, quod Ecclesiæ ab Apostolis, Apostoli a Christo, Christus a Deo accepit: omnem vero doctrinam de mendacio præjudicandam, quæ sapiat contra veritatem Ecclesiæ, & Apostolorum, & Christi, & Dei. Sancti Irenæi in rem eamdem verba retulimus supra Articulo 3. ubi de infallibilitate seu inerrantia Ecclesiæ differuimus.

Eusebius L. 5. Hist. c. 16. de Montanistis seu Phrygibus dicit: *Hipere* P. 181. pauci erant Phryges hujusmodi fraude decepti. Observat eodem capite Histo- A. ricus, Hæreticos illos, postquam erroris manifeste convicti fuissent, nec haberent quod responderent, ad Martyres suos, quibus superbiebant, confugisse. *Ad martyres confugere conantur, afferentes multos se martyres habe-* P. 182. *re; idque potentia propheticæ illius qui apud ipsos est spiritus certissimum esse do-* G. D. *cumentum. Sed hoc meo quidem iudicio nibilo verius est. Nam & aliarum hæ-* reeon sectatores, plurimos se babere martyres prædicant, neque idcirco tamen eis assentiemur, nec veritatem penes illos esse fatebimur. Ita Catholicis illu- debant Hæretici, falsos suos martyres ipsis ostentando.

S. Pacianus eamdem Novatianis, quam Eusebius Montanistis, paucitatem, Ecclesiæ vero diffusam ubique multitudinem objiciebat, Epistola 2. ad Sempronianum. Ecclesia, inquietabat, plenum est corpus & solidum to- Bibl. PP. 30 orbe diffusum. Sicut Civitas cuius partes in unum, non ut vos estis, No- To. 4. P. vatiani, quædam insolens portiuncula tuberque collectum, & a reliquo corpore 310. A. separatum. Ecclesia est templum Dei, templum certe amplissimum, domus magna, habens quidem vasæ aurea & argentea, sed & lignea & fictilia... Ec- clesia est virgo sancta, castissimis sensibus... Multus igitur huic virgini par- Ibid. B. tus, & proles innumera, qua rotus orbis impletur.

S. Athanasius in Epistola Synodica de fide ad Jovinianum Imperato- rem, apud Theodoretum, L. 4. Hist. c. 3. Scito, religiosissime Auguste, banc T. 3. P. (fidem) omnibus sacerulis fuisse prædicatam. Hanc professi sunt Patres qui Ni- 663. A. ceæ convenerunt. Cum bac consentiunt omnes ubique gentium Ecclesiæ, quæ sunt in Hispania & Britania & Galliis, quæ in Italia tota & Campania, Dal- matia & Mysia, Macedonia & Gracia tota, queque in Africa universa & Sardinia, & Cypro, & Creta, Pamphyliaque, Isauria & Lycia, & quæ in tota Ægypto, Thebaide, ac Libya, Ponto & Cappadocia, vicinisque partibus, & Orientales Ecclesiæ, præter paucos qui cum Ario sentiunt.... scimusque, religiosissime Auguste, quamvis pauci quidam huic fidei contradicant, orbi ter- riarum universo præjudicium offerre non posse.

Liberius S. Pontifex in secunda Epistola ad Constantium Imperato- rem: Eodem tempore, inquit, septuaginta quinque Episcoporum Ægyptiorum Tom. 6. de Athanasio sententia repugnabat, quam similiter recitarimus atque insinuavi- Conc. p. mus Episcopis Italos. Unde contra diuinam legem visum est etiam, cum Epi- 746. A. scoporum numerus pro Athanasio major existeret, in parte aliqua commodare consensum. Agnoscit Summus Pontifex majorem Episcoporum numerum Atha-

Athanasio favisse, ac contra divinam Legem nonnullos illius damnationi ex parte aliqua consensum accommodasse.

*Edit.* S. Basilius Epist. 75. ad Cœsarienses: *Fuerat autem justius, ait, res nostras estimare non ex uno aut altero eorum qui ad veritatem hanc recte pede ingrediuntur,*  
*T. 2. p. sed ex multitudine totius orbis Episcoporum, qui gratia Christi conjuncti nobis sunt,*  
*883. A. Ibid. p. & Epistola 72. Ipsum orbem circumspicite, & videte quam modica sit ea portio,*  
*868. D. que bac morbo laborat, reliqua vero universa Ecclesia, quæ ab orbis finibus usque ad fines Evangelium recipit, sanam hanc & incorruptam doctrinam settetur.*

*Tom. 3.* Patres Concilii Ephesini, Act. 5. Per absurdum est, ajunt, ducentorum & Conc. p. decem sanctorum Episcoporum Synodo, quibus & universa Occidentalium sanctorum Episcoporum multitudo, & per ipsos reliquæ totus terrarum orbis consentit, triginta tantum numero sese opponere.

Valentinianus & Marcianus Imperatores in Edicto quo prohibentur disputationes de fide coram vulgo, ac refertur, c. 3. partis tertie Concilii Chalcedonensis, *Vere impius atque sacrilegus est, inquietus, qui post tot concilium sententiam, opinioni sue aliquid tractandum relinquit.*  
*840. B. Tom. 4.* Concilium V. generale, Collatione 6. observat in Conciliis non unius vel Conc. p. alterius interlocutionem, attendi oportere, sed hoc que communiter ab omnibus 515. D. vel amplioribus definiuntur. Idem fere jam dixerat Justinianus Imperator Ibid. p. in Edicto adversus tria Capitula: *Oportet, inquietus, etiam illud attendere eos qui veritatem perscrutantur, quod forsitan in Conciliis quedam a certis ibi convenientibus dicuntur, aut per favorem, aut per contrarietatem, aut per ignorantiam. Nemo autem attendit ea quæ per partem a quibusdam dicuntur, sed sola illa, quæ ab omnibus communi consensu definiuntur.*

S. Hieronymus ostendit falsam esse apud Luciferianos Ecclesiam, quia nullos extra angustos fines Sardinia settatores ac discipulos habet, cum e contra Ecclesia Christi per omnes mundi plagas ac gentes diffusa sit. *Allocutio Patris, ait Dial. adversus Luciferianos, impleta est, Postula me, & dabo tibi gentes hereditatem tuam ... Et ubi isti sunt nimium religiosi, immo nimium profani, qui plures Synagogas afferunt esse, quam Ecclesiæ? ... Si Ecclesiæ non habet Christus, aut si in Sardinia tantum habet, nimium pauper fidelis est.*

Idem argumentum versat ex professo S. Augustinus adversus Donatistas, qui veram Ecclesiam intra limites Africæ conclusam esse, ac se numero paucos esse gloriabantur. *Ideo magis justi sumus, inquietantes, quia pauci sumus. In paucis frequenter est veritas, errare multorum est. Quibus lepide S. Augustinus L. 2. Op. imperf. c. 3. Nolite gloriari de paucitate. Parciez & pauci alias 8. c. 8. n. 20. & peccati sunt. Non intelligitis, ait rursus S. Doctor Lib. 4. contra Cresconium c. 53. quomodo a Domino dictum sit, paucos intrare per angustam portam;*  
*514. D. cum & multos dixerit ab Oriente & Occidente recubitueros cum Abram, Isaac & Jacob ... Qui profecto multi sunt per seipso, & iidem ipsi pauci sunt in comparatione longe plurium qui cum diabolo puniendi sunt. Pluribus Scripturæ testimonis promissam illam Ecclesiam diffusionem demonstrat, quæ nos supra landavimus; atque eo præsertim argumento Donatistas confutat, quod pauci sint, Ibid. p. & Christum mendacem faciant. T. laboras verbis tuis, inquietas ad Petilia-*  
*266. A. num, ut frumenta jam per totum agrum defecisse, & ad exiguum particulam vestram remansisse credantur, dum vis ut habeatur Christus mendax, tu autem verax.*  
*Bibl. p. T. 7. p. Vincentius Lirinenensis, jam sepius laudatus, in Commonit. cap. 3. In ipso, 250. E. sa, inquit, Catholica Ecclesia magnopere curandum est, ut id teneamus, quod ubique,*

que, quod semper, quod ab omnibus creditum est: hoc est enim vere proprieque Catholicum (quod ipsa vis nominis, ratioque declarat) quæ omnia fere universaliter comprehendit. Sed hoc ita demum sit, si sequamur universitatem, antiquitatem, confessionem, & paullo post... Quid igitur tunc faciet Christianus Catholicus, si se alii ibid. F. quæ Ecclesiæ particula ab universalis fidei communione præciderit? Quid utique, nisi ut pestifero corruptioque membro sanitatem universi corporis anteponat?

Carolus Magnus egregie rem nostram conficit in Epistola quam ad Elipandum & ceteros Episcopos Hispaniæ scripsit, adhortans eos, ut cum pauci sint, multitudini Episcoporum se adjungant, a qua recedere nemini licet. Nec pigrat Christianum, ait pius Imperator, ubi habet, quem revere; nec pudeat ubi nesciat, discere: quoniam pia humilitas discendi sapientiae intrat secreta; & melius est discipulum esse veritatis, quam doctorem existere falsitatis. Ille ad altiora semper provebitur, iste ad inferiora semper dilabitur; & inde magister efficitur erroris, unde auditor contempnit esse veritatis.... Mex propriæ unanimitatis, pergit Imperator, cum his sanctissimis prædictorum Tom. 7. Patrum Decretis, & Catholicis statutis consensum subnexui .... ne paucorum Conc. p. 1048.C. subdolis assertionibus consentire, sed plurimorum testimonii roboratam fidem ibid. p. 1049.E. firmiter tenerem.... Horum me sanctissimæ multitudini & probatissimæ autoritatib. in veræ fidei professione firmiter associans, nec vestræ me paucitati in ibid. p. 1050.A. consensione hujus novæ assertionis socium admitto, & postea: Vos igitur quia pauci estis, unde putatis vos aliquid verius invenire potuisse, quam quod sancta ibid. p. 1054.B. universalis toto orbe diffusa tenet Ecclesia?

Denique Clerus Gallicanus in Comitiis generalibus, congregatus anno 1715. censura sua confixit Librum cui titulus gallice, *Témoignage de la vérité*, & istam ex illo extractam sententiam: *Episcopatum unum esse constitutum* (Libelli Auctor) & eundem indivisum; quem tamen quandoque constare ait paucorum Episcoporum numero, etiam a suo legitimo Capite, seu a Cathedra principali, unde unitas Sacerdotalis exorta est; dissidentium, & absque perfecta Procs verbal de l'Assemblée de 1715. illa totius fraternitatis & unanimitatis Episcoporum coherentem concordia; quibus in solidum & regendam suam Ecclesiam, & servandum fidei integræ depositum Christus commisit. Istam porro, ut dixi, sententiam, sicut & alias nonnullas, tamquam perniciose, censura sua proscriptit ac damnat Clerus Gallicanus: nulli autem Gallo Theologo a sententia Ecclesiæ Gallicanæ, in cuius sinu respirat, & cuius libertatibus fruitur, recedere licitum est.

#### Solvuntur Objectiones.

Priusquam sigillatim expendamus ea quæ ex Concilio Ariminensi, & ex Honorio Summo Pontifice hic urgeri solent, nonnulla alia propoundeda, quæ tam operosam discussionem non exigunt.

Objicies itaque 1. Defensio veritatis multitudini non est semper allegata; imo potius saepius a vero & recto multitudine aberrat. Hinc Exodi 23. v. 2. dicitur: Non sequeris turbam ad faciendum malum; nec in iudicio, plurimorum acquiesces sententiæ, ut a vero devies. Et vero, si multitudini foret semper adhærendus, qui morti Stephani, imo & ipsius Christi Salvatoris consenserunt, ii non peccassent, quia multitudinem sequebantur, quod certe absurdum & impium est cogitare.

Resp. satis nos mirari non posse, qua ratione objectio hæc in mentem aliquorum venire potuerit, quæ nonnulli insulsa, & ab hominibus fanatico spiri-

spiritu abruptis in præsenti causa proponi potest. De qua enim, quæso, multitudine hic sermo est? De multitudine Episcoporum qui adjunctum habent Romanum Pontificem; quos *Spiritus Sanctus posuit Episcopos regere Ecclesiam Dei*, quæ terribilis est ut *Castrorum acies ordinata*; quam qui non audierit, tamquam *Eibnicus & Publicanus haberi* debet. Sermo est de Episcopis, de quibus dixit Christus: *Qui vos audit, me audit. Obedite præpositis vestris, quos misit ut docerent & baptizarent: Euntes docete omnes gentes, baptizantes eos in nomine Patris, & Filii, & Spiritus Sancti*. Quæ vero est multitudo de qua objectio? hominem sceleratorum & impiorum, qui apertissimæ veritati tot splendidis coram se miraculis confirmate pertinacius oblitere; ac immani tandem furore & invidia perciti Christum Regem suum ac benefactorem turpissima morte affecerunt: quibus merito dicebat S. Stephanus, Act. 7. v. 51. *Dura cervice, & incircumcisim cordibus & auribus, vos semper Spiritui Sancto resistitis; sicut patres vestri, ita & vos. Quem Prophetarum non sunt persecuti patres vestri? Et occiderunt eos, qui prænunciabant de adventu Fusti, cuius vos nunc proditores & homicide frustis. Quis sanæ mentis tam cæcam, tam impotentem & injustam hominum multitudinem sequendam esse unquam dixerit? Pudet nos in tanta dementia confutanda immorari.*

Objicies 2. auctoritate S. Augustini, ductam ex Libro de unico Baptismo, contra Petilianum, c. 14. n. 23. ubi sic loquitur: *Duo erant eminentissimarum Ecclesiarum Romanae scilicet & Carthaginensis Episcopi, Stephanus & Cyprianus, ambo in unitate Catholica constituti: quorum Stephanus Baptismum Christi in nullo iterandum esse censebat, & hoc facientibus graviter succubebat. Cyprianus autem in heresi vel schismate baptizatos, tamquam non habentes Baptismum Christi, baptizandos in Ecclesia Catholica existimabat. Multum illo, quidam cum isto etiam sentiebant, utrique cum eis in unitate confitentes: Multi ergo erant ex parte Stephani, quidam ex parte Cypriani: iti vero nulla se lege teneri ac obstringi contendebant, ut aliorum multorum sententia subscriberent; ergo semper necesse non est adhaere-re multorum Episcoporum sententia.*

Resp. dist. conseq. Ubi res de qua controvertitur obscura est, implicata, nondum publico ac sollemini Ecclesiæ decreto prædamnata, & ex utraque parte militant adversæ nobiliorum Ecclesiarum sententiæ, quales hinc erant Africæ, Numidiæ, Mauritanizæ, Ponti & Orientis Ecclesiæ, quæ Cypriani; inde vero Ecclesiæ Occidentales, quæ Stephanum sequebantur, concedo: in his certe circumstantiis concedimus posse quoslibet Episcopos salva pace & unitate suam tueri sententiam. Si vero quæstio involuta non sit; si jam proscripta; si pauci contra sexcentos quibus præst Romanus Pontifex visibile Ecclesiæ Caput, nego: tunc enim nefas est a sententia & judicio multitudinis recedere. Porro de quæstionibus hujusmodi dumtaxat loquimur in præsenti Conclusione; de his scilicet in quibus multo major Episcoporum numerus Summo Pontifici adhæret, paucis ex adverso reclamantibus. Non dixit autem, quod observandum, S. Augustinus, paucos pro Cypriano stetisse, sed tantum quosdam: illi vero quidam in se re ipsa multi erant, ut certum est, quamquam certe plures ex parte Stephani.

Instabis: Idem S. Doctor, L. 3 de Bapt. contra Donatistas, c. 4. n. 6. manifeste supponit in quæstione obscurissima veritatem ab uno dumtaxat vel.

vel paucis cognosci & teneri posse. Sic loquitur occasione dissidii quod erat Stephanum inter & Cyprianum circa Baptismum Hæretorum: *Jam legi ibid. p. fateor (quid ad Jubaianum scripsit Cyprianus) & profecto issem in ean-* <sup>III.</sup> *dem sententiam, nisi me ad diligentiorem considerationem revocaret tanta auctoritas aliorum, quos vel pares gratia doctrinæ, vel etiam fortasse doctiores, per tot Gentes Latinas, Græcas, Barbaras, & ipsam Hebræam, Ecclesia toto orbe diffusa parere potuit, quæ ipsum quoque pepererat, qui mibi nullo modo videri potuerunt, frustra noluisse istam tenere sententiam: non quia fieri non potuit, ut in obscurissima questione verius pluribus unus paucive sentirent; sed quia non facile pro uno vel paucis adversus innumerabiles ejusdem Religionis & unitatis viros, & magno ingenio & uberi doctrina præditos, nisi pertractatis pro viribus atque perfectis rebus ferenda sententia est. Ergo, judice Augustino, unus vel pauci verius sentire possunt, quam alii multo plures. Ergo veritas non semper stat ex parte multitudinis.*

Resp. 1. distinguo conseq. *unus vel pauci verius sentire possunt in questione obscurissima, de qua sanctus Doctor loquitur, quæ nondum est eliquata & Judicio Ecclesiæ definita, esto; in aliis questionibus, nego.*

Resp. 2. dici non immerito posse, S. Augustinum loqui de hypothesi impossibili, cum obiter dicit, *unum vel plures verius sentire posse: quo sensu dicebat Apostolus, ad Galat. 1. v. 8. Licet nos aut Angelus de celo evangelizet vobis præter id quod evangelizavimus vobis, anathema sit. Non quod putaverit S. Augustinus, contingere aliquando posse, ut unus vel pauci verius opposita multitudine sentire possint; sed quod licet in controversia, quam versabat, id absolute fieri posse supponeret, non facile pro uno vel paucis adversus innumerabiles ejusdem Religionis & unitatis viros & magno ingenio, & uberiori doctrina præditos, nisi pertractatis pro viribus atque perfectis rebus ferenda sententia est.*

Objicies 3. auctoritatem S. Athanasii, Tractatu adversus eos qui ex sola multitudine veritatem dijudicant. *Quomodo igitur non miserandi illi, ait, T. 2. p. 561. D. qui vim auctoritatemque doctrinæ sola multitudine metiuntur; nec considerant Dominum nostrum Christum duodecim Discipulos, simplices, illiteratos, pauperes, ignaros, fiducia adversus mundum totum gratis munivisse? sic illos instruens, non ut duodecim illi, myriades sequerentur, sed myriades, duodecim illos sequi vellet? Ita semper vincit veritas, quantumvis apud paucos inveniatur... Multi- Ib. E. F. tudo sua auctoritate sine demonstrationibus comprobans, est illa quidem idonea ad incutiendum metum; sed ad persuadendum, nullo modo..... Quis igitur sana Ibid. p. mente prædictus non malit in paucorum esse numero, per angustam portam ad 562. A. salutem ingredientium, quam multorum per latam ad interitum ruentium?*

Resp. 1. Tractatum illum, quem sub nomine Athanasii ausus est referre Auctor famosi Libelli, cui titulus gallice, *Le faux Proselyte, &c. an. 1724.* non esse Athanasii, sed Eutherii Tyanensis Episcopi, Nestoriique asseclæ. Photius, Codice 46. Opus istud Theodoreto adscribit. Lege monitum Auctorum novæ Editionis sancti Athanasii. T. 2. p. 540.

Resp. 2. Auctorem illum, quisquis sit, merito improbare ac refellere falsam eorum opinionem, qui generatim & indiscrete ex quacumque hominum multitudine veritatem metiuntur, quorum certe turpis & absurdus error est: at ex multitudine bene ordinata astimandam esse veritatem non negat illius Tractatus Auctor, *Ceterum, inquit versus finem, mihi nihilominus Ibid. C. vene-*

Veneranda multitudo, non illa quæ disquisitionem fugit, sed quæ probationem adserit; non quæ acerbe pugnat, sed quæ paterne corrigit; non quæ gaudet notitiae, sed quæ paternam servat hereditatem. Tu vero qualem mihi multiitudinem nominas? Eam nimirum quæ adulatio & muneribus conducta est; eam, quæ imperitia & inscitia abrepta est; eam quæ lapsa timiditate & metu, eam quæ momentaneam peccati voluptatem vita prafert æternæ: id quod multi palam sunt confessi. Multiudine mendacium roboras? Mali vehementiam innuis: hoc enim major est calamitas, quo plures malo sunt implicati.

Hæcine vero multitudo est, quam hic cum Catholicis defendimus? Pudeat, si pudoris capax est, qui studio partium obsecratus, Athanasium vel ipsum Eutherium Tyanensem adversus Conclusionem nostram proferre hic ausus est, ut mulierculis ac rudioribus illuderet.

Objicies 4. insignem Theologum & Episcopum Canariensem Melchiorrem Canum, Lib. 5. de auctoritate Conciliorum, ubi docet res Theologicas non numero, sed pondere auctoritatis judicandas esse. Non itaque, P. 263. inquit, quod in humanis concessionibus sit, plurimum apud nos sententia prevallet. Quod si semel fidei caussam ad humanas conjecturas prudentiamque deducimus, verendum est sane, ne Ecclesiæ negotium ex divino humanum faciamus. Quin etiam certum est, qui probabili multorum judicio nituntur, eos fidei nostræ firmitudinem labefactare. Secundum quippe Concilium generale centum quinquaginta Patrum numero constitutum, quartum vero Patres habuit sexcentos triginta: utrumque tamen pari veneratione suscepit Ecclesia. Non enim numero hæc judicantur, sed pondere.

Ibid. Resp. mirum videri non debere, quod existimet Canus res fidei non numero Episcoporum, sed pondere & auctoritate Romani Pontificis definiri, a quo vim omnem & auctoritatem Conciliorum derivari arbitratur; atque ubi discordes sunt inter se Episcopi, ei parti semper adhærendum, pro qua stat Romanus Pontifex. Pondus Conciliis dat Summi Pontificis gravitas & auctoritas, pergit Canus, quæ si adsit, centum Patres satis sunt; si desit, nulli sunt satis, sint quamlibet plurimi. Nec si major pars Patrum vere sentiat, Summus Ecclesiæ Pontifex repugnabit. Id enim ad peculiarem Christi procurationem pertinet, semperque pertinuit, ne Ecclesia in factiones duas dividatur; nec Romanus unquam Episcopus contra Patres Concilii vere sententes dixit. Hanc Cani doctrinam dissimulare non debuissent, qui nobis illum objiciunt. In quamcumque illi se vertant partem, nihil obtinebunt; sive multiudini deferendum sit, sive Pontifici Romano qui vim & auctoritatem Judicio Episcoporum communicat, ut Cano videtur.

#### Expenditur factum Concilii Ariminensis & Seleuciensis.

Factum illum objecere primum Pelagiiani, Donatistæ, Luciferiani; tum Lutherani, ac Calvinistæ, ut ostenderent Ecclesiam in multiudine errare ac deficere posse, in paucis vero conservari.

Ariani a Constantio Imperatore, quem deceperant, impetrarunt Nicæx generalē convocari Synodum, hanc dubie ut nominis similitudine decepti fideles, arbitrarentur formulam fidei quam meditabantur, hanc ipsam esse quæ in primo Concilio Nicæno, anno 325. condita fuerat. Synodum sub ementita afferendæ fidei specie impetrarunt, ait S. Athanasius, L. de Synodis, rati se Nicænam posse Synodum obruere, atque ita omnes a sententia dimo-

dimovere, ut impietas veritatis loco obtineat ubique. Verum, narrat ibid. S. v. A. E. Doctor, Concilium nequam Nicæa, ut statutum fuerat, celebratum est; sed secunda prodit iusso, ut Occidentales Episcopi Ariminum in Italia convenirent, Orientales vero Seleucie, quæ aspera dicitur, in Isauria, convocarentur.

Itaque anno 359. habita est Synodus Ariminensis, in qua Episcopi plures quadragecentis, & Seleuciensis, in qua circiter centum sexaginta interfuerent. Ibid. p. 720. F. Utriusque Concilii rem sic ab ovo, ut ita dicam, orditur S. Hieron. Ibid. p. Dialogo adversus Luciferianos. Sub Rege Constantio, Eusebio & Hippatio Consulibus, nomine unitatis & fidei, infidelitas scripta est, ut nunc agnoscitur. T. 4. p. 2. 725. E. Nam illo tempore, nihil tam pium, nihil tam conveniens servo Dei videbatur, quam unitatem sequi, & a totius mundi communione non scindi. Præsertim cum superficies expositionis nihil jam sacrilegum præferret. Tum verba professionis fidei Ursacii, Valentis, Germinii & aliorum profert.

Duo hic sunt controversæ capita.

Primum, an utriusque Synodi Ariminensis & Seleuciensis Episcopi in hæresim Arianam lapsi re ipsa fuerint.

Secundum, an, si revera lapsi sunt, longe plures numero fuerint aliis Episcopis per universum orbem diffusis, ita ut dictu verum sit, multo majorem Episcoporum numerum, paucis admodum exceptis, hæresi subscrispisse.

Utrumque affirmant Reformatores nostri Lutherani & Calvinistæ, nos negamus.

*An omnes Episcopi Ariminensis & Seleuciensis Synodi in hæresim Arianam lapsi fuerint.*

Duplex quasi status Ariminensis Concilii distingui potest: primus, libertatis; alter, oppressionis ac violentiæ. In confessio est apud omnes, Episcopos Ariminenses, quamdiu liberi fuere, summo consensu Nicænam fidem strenue propugnasse. Rerum Arimini gestarum, ait sanctus Athanasius, Lib. de Synodis, celerimus ejusmodi fuit exitus. Nulla enim ibi fuit sententiæ dis- crepantia, sed omnes una mente quæ decreta fuerant conscripserunt, Arianosque deposuerunt. De infausto hujus Concilii exitu nihil dixit S. Athanasius, quia, Ibid. p. ut fatetur ibidem, n. 55. nondum ad se delatae fuerant res omnes Arimini 767. F. gestæ, quando istud de Synodis Opusculum aggressus est. Quamobrem nihil de lapsu Episcoporum; nihil de Legatis habet. Res sic peracta fuit: Episcopis Occidentalibus Arimini congregatis, primum lectæ sunt Imperatoris Litteræ, quibus jubebat de sola fide tractari, prohibebatque ne quidpiam de Orientalibus, qui seorsim Seleuciam convenienter, statueretur. Tum vero duo Episcopi Ariani, Valens & Ursacius, postularunt, ut antiquatis omnibus fidei formulis antea confectis, tertia formula Sirmiensis juxta Imperatoris votum approbaretur, solaque deinceps retineretur. Verum cum auctores hujus formulæ voces substantiæ & consubstantiales de industria suppressissent, ut fidem Nicænam everterent, & ad Arianam impietatem patefacerent adiutum, comperta Hæreticorum fraude, formulam hanc rejecerunt omnes Episcopi Catholici, & in solo Symbolo Nicæno standum esse unanimi consensi definierunt, & insuper Valentem, Ursacium aliosque Arianos fidei Nicæna subscribere renuentes deposuerunt. His peractis, decem Legati nomine

Concilii ab Episcopis Catholicis, & totidem ab Arianis ad Imperatorem mittuntur. Ariani Catholicos prævertunt, Imperatoris animum falsis relationibus occupant, & ita exasperant adversus Patres Concilii, ut ne in conspectum quidem horum Legatos admittere velit, prohibeatque ne Patres Ariminio discedant, donec parata contra Barbaros expeditio confecta faerit. Interim, Catholicorum Legati diuturna expectatione fatigati, miseriis & calamitatibus oppressi, tandem violentiæ cedunt; vocem *consubstantialis* reticeri & supprimi consentiunt, cum Arianis communione junguntur, & subscribunt formulæ sibi ab Arianis oblatae, quæ formula *integra* legitur apud Theodoreum, Lib. 2. Hist. c. 21. eademque est ac *tertia* formula Sirmiensis, excepto quod hæc Filium Patri *secundum omnia similem*, illa vero Patri *similem* dumtaxat dicat, nec addat has voces *secundum omnia*.

*Edit. Vat.* *les. pag.* *101. G.* *102. E.* Legatorum exemplum paullo post fecuti sunt Patres Ariminenses, quippe qui diuturnæ ab Ecclesiis suis absentia tædio, contumelis & ærumnis fracti, Hæreticorumque, præsertim Valentis, qui se Arianos non esse palam contestabant, fraudibus circumventi, eamdem formulam, quam velut hæreticam initio constanter rejecerant, approbarunt summo totius Ecclesiæ luctu ac scandalo.

*P. 1248. A.* Qui vero Seleuciæ congregati erant Episcopi circiter centum & sexaginta, in tres factiones divisi fuere. Prima & numerosior erat centum quinque Episcoporum, ( teste S. Hilario. Lib. contra Constantium, n. 12.) quorum principes erant Georgius Laodiceæ in Syria Episcopus, Eleusius Cyzicenus, Basilius Ancyranus, Sylvanus Tarsensis, S. Cyrillus Hierosolymitanus. Hi, referente S. Athanasio, Lib. de Synodis, n. 12. & *Socrate*, Lib. 2. Hist. c. 39. alias 32. omnia Nicæna Synodi Scripta suscipiebant præter solam *consubstantialis* vocem, quæ ipsis obscura & suspecta videbatur. Altera factio erat Episcoporum Arianorum, numero triginta quatuor, juxta Socratem, loco citato; vel triginta septem, juxta Sozomenum, lib. 4. Hist. c. 22. hujus factionis duces erant Georgius Sedis Alexandrina invasor, Acacius Cæsareæ Palæstinae Episcopus, & Eudoxius Antiochiae. Tertia denique pars erat paucorum Ægyptiorum, qui cum sancto Hilario Piæviensi pro voce *consubstantialis* retinenda acriter ac constanter decertabant.

Quæritur utrum omnes illi Episcopi qui subscripsere formulæ sibi ab Ursacio & Valente oblatae, in Arianam hæresim intus & animo lapsi fuerint.

### C O N C L U S I O.

Patres Ariminenses subscribendo formulæ sibi ab Arianis oblatae, in Arianam hæresim intus & animo lapsi non fuerunt.

Probatur: nam qui bono ac simplici animo nihil fraudis inesse suspiciati subscribunt formulæ, quæ ut verba præ se ferunt, errorem non continent; quique detectis Hæreticorum dolis ac fraudibus statim subscriptionem suam revocant, emissâ Catholica fidei Nicæna professio-ne, ii subscribendo in errorem Arianum lapsi re ipsa non fuere: at qui Patres Ariminenses, &c.

I. Quamvis illa fidei professio ab Ursacio & Valente oblata hæretica foret, si consideretur auctorum sensus & consilium, attamen spectatis præcise verbis, quibus concepta illa erat, nihil continebat, nisi sanum &

Ortho-

Orthodoxum, sicut probat S. Hieronymus, Dial. adversus Luciferianos, & ut cuique illam attentius expendenti patet. Nam vero auctores huius formulæ aperte profitebantur se credere in Unigenitum Filium Dei, s. His-  
qui ante omnia sæcula, & ante omne principium natus est ex Deo. Natum au- ronym.  
tem Unigenitum solum ex solo Patre, Deum ex Deo; similem genitori suo Pa- Dial.  
tri secundum Scripturas, &c. Quæ sane verba Catholicam de æternitate & adu. Ls.  
Divinitate Verbi fidem exprimunt. Quid est natum? inquietabat Hierony- cif. T. 4.  
mus, Certe non factum. Nativitas suspicionem auferebat creatura ... sonabant 299.  
verba pietatem, & inter tanta illa præconia nemo venenum insertum putabat. Ibid.  
Superficies expositionis, dicebat paullo ante, nihil sacrilegum præferebat.

II. Cum Patres Ariminenses oblatæ sibi fidei expositioni subscriperunt, nihil in ea fraudis ac doli latere suspicabantur, ac putabant ejus au-  
ctores, sicuti illi aperte contestabantur, ab Ariana impietate prorsus  
alienos esse: unde hanc formulam simpliciore quidem, at bono animo  
recepérunt in sensu Catholicò intellectam, idque amore concordiæ, ut  
Oriens & Occidens communionis vinculo sibi conjungerentur; omni ta-  
men adhibita cautione, ut a Valente Catholicam elicerent fidei profes-  
sionem. Rem totam narrat, ex Actis ipsiusmet Concilii Ariminensis, S.  
Hieron. eodem loco. *Ipsò in tempore*, inquit, *cum fraudem fuisse in expo-* 1b. pag.  
*sitione rumor populi ventilaret, Valens* qui *eam conscripserat, præsente Tavo* 299. &  
*Prætorii Præfecto*, qui *ex jussu Regis Synodo aderat, professus est se Arianum non* 300.  
*esse, & penitus ab eorum blasphemis abhorre*. Res secrete gesta, opinionem  
vulgi non extinxerat. Itaque alia die in Ecclesia, quæ est apud Ariminum, &  
Episcoporum simul & laicorum turbis concurrentibus, Mazonius Episcopus Pro-  
vincie Byzantinæ, cui propter etatem primæ ab omnibus deferebantur, ita lo-  
catus est: *Ea quæ sunt iactata per publicum, & ad nos usque perlata, ali-  
quem e nobis Sanctitati vestræ legere præcipimus ... Itaque cum Claudius Epi-  
scopus Provincie Piceni, ex præcepto omnium blasphemias, quæ Valentis fere-  
bantur, legere cœpisset, Valens suas esse negans exclamavit, & dixit: Si quis  
negat Christum Deum, Dei Filium, ante sæcula ex Patre genitum, anathema  
sit. Ab universis consonatum est: Anathema sit. Si quis negat Filium similem  
Patri secundum Scripturas, anathema sit. Omnes responderunt: Anathema sit.  
Si quis Filium Dei non dixerit æternum cum Patre, anathema sit. Ab univer-  
sis conclamatum est: Anathema sit. Si quis dixerit creaturam Filium Dei, ut  
sunt ceteræ creaturæ, anathema sit. Similiter dictum est: Anathema sit. Si quis dixerit  
de nullis extantibus Filium, & non de Deo Patre, anathema sit. Omnes con-  
clamaverunt, Anathema sit. Si quis dixerit, Erat tempus, quando non erat  
Filius, anathema sit. In hoc vero cuncti Episcopi, & tota simul Ecclesia plau-  
su quodam & tripudio Valentis vocem excepérunt. Quod si, pergit Hierony-  
mus, a nobis fictum putat, scrinia publica scrutetur. Plenæ sunt certæ Eccle-  
siarum arcæ, & recens adhuc rei memoria est. Supersunt homines, qui illi Sy-  
nodo interfuerunt; & quod veritatem firmet, ipsi Ariani hæc ita, ut diximus,  
gesta non denegant. Cum ergo cuncti Valentem ad cælum laudibus tollerent, &  
suam in eum suspicionem cum pœnitentia damnarent, idem Claudius qui supra  
legere cœperat, ait: Adhuc sunt aliqua quæ subterfugerunt Dominum & fra-  
trem meum Valentem, quæ si vobis videtur, ne quis scrupulus remaneat, in  
commune daminemus. Si quis dixerit Filium Dei esse quidem ante omnia sæcu-  
la, sed non ante omnino tempus, ut ei aliquid anteferat, anathema sit.*

Dixerunt cuncti, Anathema sit. Multaque alia quæ suspicosa videbantur, ad pronunciam Claudi, Valens condemnavit... His itaque gestis Concilium solvitur. Leti omnes ad Provincias revertuntur. Idem enim Regi & bonis omnibus curæ fuerat, ut Oriens atque Occidens communionis sibi vinculo necterentur.

Constat ex illa narratione. Patres Ariminenses omni exhibita cautio- ne non prius formulæ subscriptissæ, quam omni, ut putabant, remota æquivatione, fidem Nicænam in tuto collocassent,

Nec obstat quod illi Episcopi consenserint suppressioni vocem *substanciæ & consubstantialis*. Namque existimabant fidem aliunde in tuto esse, nec ista vocabula, quæ in Scripturis non extant, ad fidem conservandam absolute esse necessaria. De *Uso nomine abiciendo*, ait ibidem S. Hieronymus, *verisimilis ratio precebat*. Quia in Scripturis, ajebant, non invenitur, & multos simpliciores novitate sua scandalizat. Placuit auferri.

<sup>ib. p. 299.</sup> Non erat curæ Episcopis de vocabulo, cum consensus esset in tuto. De hac T. 1. p. ipsa voce S. Athanasius, Lib. de Synodis, n. 41. ait: *Viros autem qui 735. D. alia quidem omnia Nicæna scripta recipiunt, de solo autem consubstantialis vocabulo ambigunt, non ut inimicos spectari par est. Neque enim velut Ariomani- tas, at Patrum adversarios, homines aggredimur; sed disputamus veluti fra- tres cum fratribus, qui eadem qua nos sunt sententia, solo nomine in contra- versiam adducto.*

<sup>T. 3. p. 2.</sup> III. Non diu latuit Arianorum fraus & calliditas. Diu, ait S. Hieron. <sup>p. 300.</sup> codem loco, *sceleris non latent; & cicatrix male obducta, incocito pure dirum- pitur*. Detectis scilicet Hereticorum fraudibus, cum Valens, Ursacius aliqui nefariæ impietatis socii rumorem circumquaque spargerent, se Filium Dei non creaturam negasse, sed similem ceteris creaturis, & Episcopos Occidentis secum de fide consentire, triumphosque agerent; tum ad fraudem reclamarunt Patres, pristinam subscriptionem revocarunt, & Arianorum blasphemias detestati sunt. Concurribant Episcopi, ait S. Hieron. ibid. qui Ariminensibus dolis irretiti, sine conscientia Heretici ferebantur, contestantes corpus Domini, & quidquid in Ecclesia sanctum est, se nibil mali in sua fide suspicatos. Putavimus, ajebat, sensum congruum cum verbiis; nec in Ecclesia Dei, ubi simplicitas, ubi pura confessio est, aliud in corde clausum esse, aliud in labii proferri timuimus. Decepit nos bona de malis existimatio. Non sumus arbitrati Sacerdotes Christi adversus Christum pugna- re. Multaque alia quæ brevitatis studio prætero, flentes asserebant, parati & subscriptionem pristinam, & omnes Arianorum blasphemias condemnare.

Hinc idem S. Hieron. ab omni hærefose labe Patres Ariminenses vindicat. Etenim Luciferianis conquerentibus de Catholicis, quod dictos Episcopos in pristinas Sedes receperissent, *Cur*, respondet, *damnasset eos qui Ariani non erant? Cur Ecclesiam scinderent in concordia fidei permanen- tem? Cur denique cretentes bene, obstinatione suis facerent Arianos?*

S. Greg. Nazianz. Orat. 21. ab errore in animo concepto dictos Pa- <sup>387. B.</sup> trices Ariminenses purgat: *Ea res, inquit, per multis e nobis invictos alio-*

<sup>Theod. L.</sup> *Apud Apud Damasus Summus Pontifex, in Epistola Synodica ad Episcopos Illyri-<sup>2. His. c.</sup> ci, de iisdem Episcopis Ariminensibus hæc habet: Gallorum atque Veneten-<sup>22. pag.</sup> sum fratrum relatione comperimus, nonnullos non hæresis studio, neque eni-<sup>103. A.</sup> hoc tantum mali cadere in Dei Antistites potest, sed inscitia vel ex simplicitate*

qua-

quadam, sevis interpretationibus astuentes, non satis dispicere, quæ magis Patrum nostrorum sit tenenda sententia, cum diversa consilia eorum auribusingerantur.

Denique Sulpitius Severus, Lib. 2. Historiæ sacræ ait, Ariminensibus <sup>Bibl. pp.</sup> traditam ab improbis conscriptam fidem, verbis fallentibus involutam, quæ Ca- <sup>T. 6. p.</sup> tholicam disciplinam, perfidia latente, loqueretur. <sup>347. A.</sup>

Dices 1. Liberius, in Epistola 13. ad Orientales scribit, Episcopos, <sup>Tom. 2.</sup> qui Ariminum convenerant, a fide deservisse. <sup>Conc. p.</sup>

2. S. Hilarius, in fragmento 8. ait Episcopos Ariminensis Concilii <sup>758. A.</sup> prævaricatos esse a vera fide. <sup>P. 1346. B.</sup>

Sanctus Ambrosius, in caput 6. S. Lucæ, lib. 5. n. 71. eosdem vo- <sup>T. 1. p.</sup> cat perfidae prævaricationis autores. <sup>1372.</sup>

4. Ipsemet S. Hieronymus toties hic citatus, Dialogo adversus Luciferianos, Tunc, ait, Usque nomen abolitum est; tunc Nicenæ fidei damnatio conclamata est, Ingenuit totus orbis, & Arianum se esse miratus est. <sup>2. p. 300.</sup>

5. S. Augustinus Epistola 185. alias 50 ait, eos (Ariminenses) veneno periisse Ariano. <sup>T. 2. p. 661. F.</sup>

Resp. ad primum, distinguo: Liberius scribit Ariminenses a fide deservisse, apparenter & interpretative, ut ajunt, concedo: in rei veritate, nego. Scilicet, qui parum attenti & in fraudibus Hæreticorum detegendis exercitati decipi se permittunt, atque cum iis communione junguntur, & voces, quas ad exprimendam fidem & confutandam hæresim oportunas Ecclesia judicat, rejiciunt, ii, quamvis Catholicam veritatem interiori conscientia teneant, nihilominus Hæretici præsumuntur, & a fide deservire quodammodo dici possunt. Tales fuere Patres Ariminenses: neque aliud voluit S. Pontifex Liberius, qui ibidem addit, illos Episcopos videri fraudulenter a veritate tamquam abreptos esse & per fraudem a fide abductos. Antea dixerat, eos vel fallacibus inescatos illecebris, vel vi compulso a fide tunc deservisse. <sup>Tom. 2. Conc. p. 758. C.</sup>

Ad secundum, distinguo antecedens: A vera fide prævaricatos esse, communionis societatem cum Hæreticis ineundo, & subdolæ ac ambiguæ fidei professioni ab Hæreticis contextæ subscribendo, concedo: ipsi hæreti consentiendo, nego.

Ad tertium, eadem est responsio. Idem enim S. Ambrosius Epist. 21. alias 32. vel 13. sic ait: Et certe major numerus Arimini Nicenæ Concilii <sup>T. 2. p.</sup> fidem probavit, Ariana decreta damnavit. <sup>862. E.</sup>

Ad quartum: stupor ille & admiratio denotat reipsa & in animo universum orbem Arianum non fuisse; Miratus est se Arianum circumferri: ut quid autem miratus fuisset, si revera errorem animo conceptum habuisset? Miratus ergo est, quod id novum, quod prater mentem, voluntatem ac conscientiam suam factum esset, ut Ariano errori verbis fallentibus involuto, simplici quidem, sed bono animo subscriptississet. Et vero, si reipsa existimatset S. Hieronymus, Episcopos Ariminenses animo & corde subscriptissime impietari Arianæ, ut quid eos ab errore purgaret & vindicaret? Ut quid indulgendum ipsis censeret? Non alia certe de causa, quam quod sciret eos communione dumtaxat externa, non interna fidei confessione, cum Arianis junctos fuisse, ne forte Sedes suas impia occupandas traderent. Conclamatam autem intelligit fidem Nicenam ab

Arianis, non vero ab illis Episcopis Ariminensibus: nisi forsitan hoc sensu, quod ex suppressa voce *consubstantialis*, ipsi Ariani maligne jactarent ab illis Episcopis abolitam quoque fuisse Nicenam fidem. Tota hæc Hieronymi loquendi ratio hyperboleum redolet.

Eadem est ad quintum, qua ad secundum & tertium responsio.

Dices 2. Patres Ariminenses dici non possunt in Arianam fidei professionem consensisse Arianorum fraudis ignari: eorum quippe artes ac dolos ante sex menses detexerant, & oblatam fidei formulam respuerant ut hæreticam; ergo cum postea eamdem approbaverunt, non incogitato sed scientes ac volentes manus dederunt, ideoque hæresi vere & ex animo consensum præbuerunt.

II. Cum Valens palam dixisset Filium Dei non esse creaturam, ut sunt ceteræ creature, verbis ipsius assensi sunt Patres Ariminenses, ut constat ex dictis: atqui hæc verba Arianam hæresim aperte redolent. Dum enim Filius ceteris creaturis similis esse negatur, ipse creatura, quamquam aliis præstantior, asseritur.

T. I. p. 749. E. n. 34. illis (Arianis) scandalo sunt, sed dolori, quod quasi in cippo insculpta suam hæresim traducant.

Resp. ad primum, nego ant. quamvis enim Patres Ariminenses malas Arianorum artes compertas habuerint initio Concilii, & ideo formulam a Valente & Ursacio oblatam rejecerint ut hæreticam, spectato scilicet auctorum consilio, attamen mutatis subinde circumstantiis, ac postquam toties anathema dixerunt variis propositionibus, quæ Arianum errorem referebant, aliud de illis Hæreticis judicium tulerunt, ac nihil fraudis suspiciati, putantes sensum congruere verbis, nec aliud in corde clausum esse, communionem cum iis iniere, & formulam, quam initio respuerant, postea approbaverunt.

Ad secundum, distinguo maj. Assensi sunt ipsius verbis, quæ in sensum Catholicum interpretabantur, concedo: hæretico sensu intellectis, nego. Ambigua erat Valentis propositio: verum illius sensum aperte satius determinare videbantur adjectæ professiones. Cum enim idem Valens Filium Dei ante omnino tempus, & nequaquam de non existantibus, sed de Deo Patre esse profiteretur, Filium consequenter creaturam esse negabat, cum nulla sit creatura, quæ existentia sua initium non habuerit, & ex nihilo non producta sit. Hinc factum est ut Patres Ariminenses ad captiosam versipellis Hæretici propositionem non attendentes, eam Catholicum sensu approbaverint. *Valens*, inquit Severus Sulpitius,

Bibliot. lib. 2. Historie sacræ, tanquam nostros adjuvans, subiecit sententiam, cui inerat PP. T. 6. occultus dolus: *Filiū Dei non esse creaturam*, sicut ceteras creature, se fessellitque p. 347. C. D. audientes *fraus professionis*. Etenim his verbis, quibus similis esse ceteris creature Filius negabatur, creature tamen, potior tantum ceteris, pronuntiabatur. Ita neutra pars viciisse se penitus, aut victimam putare poterat, quia fides pro Arianis, professiones vero postea adiectæ pro nostris erant; præter illam, quam *Valens* subjunxerat, quæ tum non intellecta, sero demum animadversa est,

Dial. adv. Lu. Ad tertium reponit Hieronymus antea laudatus: Non erat curæ Episcopis

*pis de vocabulo, cum sensus esset in tuto. Maxime vero cum Valens & alii* <sup>cif. T. 4.</sup>  
*omnes Arianorum blasphemias tot repetitis anathematibus palam ac pu-* <sup>part. 2.</sup>  
*blice condemnassent. Pacis ergo & concordiae studio consenserunt Patres* <sup>p. 299.</sup>  
*Ariminenses, ut in formula sibi oblata omitteretur vox consubstantialis.*

*Virum Patres Ariminenses numero longe plures fuerint, quam ceteri Episcopi  
per orbem universum dispersi.*

Ut Novatores efficiant Ecclesiam, seu majorem Episcoporum partem  
una cum Summo Pontifice errare ac deficere posse, toti in eo incum-  
bunt; ut ostendant Patres Ariminenses, qui juxta illos in hæresim lapsi  
sunt, numero longe multo plures fuisse aliis omnibus Episcopis per or-  
bem dispersis.

### C O N C L U S I O .

*Patres Concilii Ariminensis numero longe inferiores fuere aliis Episcopis  
tunc temporis per orbem dispersis.*

Concilio Ariminensi interfuerunt Episcopi quadrungenti & aliquanto am-  
plius: in Seleuciensi vero circiter centum & quinquaginta. Quis vero in  
animum facile induxerit, non multo plures in orbe toto dispersos exti-  
tisse Episcopos? Eruditus P. Labbaeus e Societate Jesu, mille cognitas  
in Occidente Sedes Episcopales recenset, & in Oriente octingentas. Il-  
lustrissimus Episcopus Abrincensis Carolus a sancto Paulo in notitia an-  
tiqua Episcopatum numerat mille trecentas & sexdecim in Occidente,  
& septingentas viginti tres in Oriente.

Probatur itaque 1. quia vel in una Africa, quæ pars solum erat Ec-  
clesiæ Occidentalis, numeratae sunt Sedes Episcopales Catholicorum qua-  
drunginta octoginta sex; ex parte vero Donatistarum, ducentæ septua-  
ginta novem. Ita constat ex Breviculo Collationis cum Donatistis in <sup>T. 9. p.</sup>  
Collatione primæ diei apud S. Augustinum, c. 14. Porro, si in una Afri- <sup>590. F.</sup>  
ca tot extitere Episcopales Sedes; quot extitisse necesse est in Illyria,  
Italia, Gallia, Hispania, Germania, Anglia, Pannonia, Belgio, cete-  
risque orbis universi regionibus, quibus lux Evangelica atfulserat.

Idem S. August. testatur extitisse plura Episcoporum millia, a qui-  
bus Cypriani & Donatistarum error damnatus fuerat. Proinde, inquit <sup>Ibid. p.</sup> 1.  
3. contra Cresconium c. 3. n. 3. si omnino jam credendum sit, quinquaginta <sup>437. A.</sup>  
<sup>B.</sup> Episcopis Orientalium id esse visum, quod septuaginta Afris vel aliquanto etiam plu-  
ribus, contra tot millia Episcoporum, quibus hic error in toto orbe displicuit.

Ad hæc Sancti Augustini testimonia nonnulli recentiores, maxime vero  
Auctor Libelli cui gallice titulus, *La vérité rendue sensible, &c.* duo reponunt. <sup>Duplex</sup>  
Primum: Ex quadrungentis sexaginta sex Episcopalibus Sedibus, quæ in <sup>ad ea</sup> S. Au-  
Africa numerabantur, plurimas a Donatistis erectas fuisse, & ab illis occu-  
patas, teste S. Augustino, lib. 1. contra Epistolam Parmeniani, c. 11. & <sup>testi-</sup>  
13. Ibidem refert sanctus Doctor, in Conciliabulo Bagaitano interfuis-  
se decem & trecentos Episcopos Donatistas. <sup>monia</sup> <sup>respon-</sup> <sup>sio.</sup>

Verum, aut inscitia, aut mala hujus Scriptoris fides hic manifeste de-  
prehenditur: siquidem ex sola loci inspectione palam est, hoc quadri-  
gentarum sexaginta sex Sedibus Episcopaliū numero solas comprehen-  
di Sedes Episcoporum Catholicorum Africæ. Namque, ut refert S. Au-  
gusti-

*Ibid. p.* gustinus, loco citato, & Lib. post Collationem, c. 24. cum in illa celebri Collatione Donatistarum se de Episcoporum suorum numerositate jactarent, facta est praesente Cognitore Regio, accurata enumeratio & descriptio Episcoporum Africæ, tam Catholicorum, quam Donatistarum, quibus omnibus recensitis & recognitis, constitit Catholicorum, qui Carthaginæ praesentes aderant, nomina esse ducenta octoginta sex, præter centum viginti, qui in urbem non venerant, & præter sexaginta Cathedras Pastoribus viduatas; qui numerus multo major erat Donatistarum numero, quorum nomina reperta sunt ducenta septuaginta novem, annumeratis etiam illis, pro quibus absentibus alii subscripterant. Ac per *Ibid. p.* hoc, inquit sanctus Doctor *ibid. falsitas deprehensa est*, ( in Donatistis ) *552. A.* & numerus eorum multo minor.

*I. Responso.* Secundum: Plura illa Episcoporum millia in orbe Christiano olim extitisse, merum esse imaginationis figmentum, quod nullo nititur fundamento. Namque S. Augustin. cit. c. 3. l. 3. Contra Cresconium, loquitur de illis Episcopis, qui non simul eodemque tempore vixissent, sed de illis, qui successive a tempore sancti Cypriani usque ad tempus, quo scribatur S. Augustinus, alii post alios vixerant per centum quinquaginta annos.

*Refelli-  
tur.* Verum, & id merum est imaginationis hujus Scriptoris figmentum, quod nullo fundamento nititur. Namque comparatio, quam S. August. instituit inter millia Episcoporum, quibus rebaptizantium error in toto orbe displicuit, & paucos Orientales ac Africanos, qui in eo errore versabantur, quo tempore exortum est Donatistarum schisma, clare demonstrat sanctum Doctorem loqui de millibus Episcoporum, qui tunc eodemque tempore vivebant, sicut & pauci illi Episcopi errantes. Nam si paucis errantibus eodem tempore viventibus opposuisset plura millia Episcoporum, qui diversis successice temporibus extitissent, nemo non videt ineptam prorsus futuram fuisse hanc comparisonem, qua & ipsi abusi fuisse Donatistæ. Si enim dissentient Catholici, millibus Episcoporum, qui diversis temporibus extiterunt, errorem rebaptizantium displicuisse, vice versa, reposuisse Donatistæ, errorem ingenti quoque numero Episcoporum diversis temporibus placuisse. Loquitur ergo S. Augustinus de millibus Episcoporum eo tempore viventium, quo emersit schisma Donatistarum. Nimirum Cresconium Donatistam ibi refellit, qui propugnabat septuaginta Episcopos Africanos a quibus circa annum Christi 311. Donatistarum schisma ortum duxit, merito sese ab Orientalium Episcoporum communione se junxit, eo quod Orientales judicium de Baptismate Hæreticorum a se antea latui rescidissent. Ad hæc reponit S. Augustinus, Orientales illos Episcopos ( si qui tamen idem aliquando cum septuaginta Afris Donatistis senserunt ) paucos fuisse in comparatione tot millium Episcoporum, quibus tunc temporis rebaptizantium error in toto orbe displicebat; proindeque eos dicendos non esse suum rescidisse judicium, sed potius emendasse, utpote qui priorem mutando sententiam, Judicio steterunt plurimum millium Episcoporum per totum orbem dispersorum, quos paucis Donatistis merito prætulerunt. *Ibid. p.* *437. A.* *3. n. 3,* jam credendum sit quinquaginta Episcopos Orientalium id esse visum, quod septuaginta Afris, vel aliquanto etiam pluribus contra tot millia Episcoporum.

porum, quibus hic error in toto orbe displicuit; cur non potius etiam ipsos paucos Orientales suum judicium correxisse dicamus, non, ut tu loqueris, rescidisse? Ubi evidens est sanctum Doctorem loqui de milibus Episcoporum tunc temporis existentium, in quorum sententiam concesserunt pauci illi Orientales initio schismatis Donatistarum.

Probatur 2. ex Rescripto Episcoporum Constantinopoli inventorum ad Commonitorum sanctæ Synodi, (Ephesinæ) in quo Rescripto sic loquitur Dalmatius Archimandrita ad Theodosium Imperatorem: *Sex Tom. 3.  
millia-ne Episcoporum audire mavis, an unum hominem, eumque impum? sex Conc. p.  
millia autem eos ajebam, qui sub Metropolitanorum sanctissimorum Episcoporum 734. D.  
petestate degunt.* Audis sex millia Episcoporum extitisse: quando? Tempore Concilii Ephesini, an. 431. id est, annis septuaginta post Concilium Arimin.

At, inquit, Auctor Libelli jam citati, (La vérité rendue sensible.) testimonium boni illius Archimandritæ Dalmatii nullius est momenti. Unde etenim Monachus ille intra arcta Monasterii claustra a quadraginta octo annis reclusus, rescire potuit sex Episcoporum millia ætate sua fuisse in Ecclesia? Numquid omnes Christiani orbis Episcopales Sedes lustraverat & computaverat?

Verum, quod hic ait Auctor ille merum effugium est hominis pondere auctoritatis oppressi, & viam, qua elabatur, querentis. Quasi vero nihil pendenda sit illustris Archimandritæ, caussam Catholicam apud Imperatorem agentis, auctoritas, quem ut virum gravem & eximia sanctitate insignem commendant Episcopi Constantinopoli tunc degentes; quem ipse Imperator crebro invisebat, ut iidem testantur; cuius denique testimonium laudant iidem Praesules ad Synodum generalem scribentes. Sed, inquires, unde scire potuit Dalmatius tot millia Episcoporum ætate sua fuisse in orbe Christiano? Ex fama & notitia publica. Sicut enim centum viginti quatuor nunc in Gallia Sedes esse Episcopales, ducentas septuaginta in Italia, res est hodie perulgata; sic tempore Dalmatii notum erat & apud omnes perulgatum, plura tunc in orbe Christiano fuisse Episcoporum millia.

Quod si de numero Episcoporum minus accurate instructum Dalmatium fuisse citatus auctor fingat, eo quod Monachus intra Monasterii septa ab annis quadraginta octo reclusus ille fuisset, quo in loco habebit Illustrissimum Episcopum Abrincensem Carolum a sancto Paulo, qui, ut dictum est paulo ante, Sedes Episcopales 1316. numerat in Occidente, & 723. in Oriente; quarum expressa habetur mentio sive in Conciliis, sive apud sanctos Patres aliosque Scriptores sex priorum Ecclesiæ saeculorum, missis aliis de quibus non meminere Veteres in suis Scriptis, & quarum notitiam ad nos non transmisit priscorum actas? An non extitisse illas Ecclesias dicemus, quia eas ignoramus?

Idem prorsus hic reponendum adversariis nostris, quod S. Augustin. Donatistis respondebat, Lib. de unitate Ecclesie, c. 12. n. 31. ubi multas ab Apostolis fundatas esse Ecclesias, enumeratione facta, ostendebat. Jam vero, inquietabat, Galatia non una Ecclesia est, sed in ea Regione innumerabiles. Corinthios autem videte quemadmodum salutaverit: Paulus Apostolus 359. T. 9. p. 13. J. C. per voluntatem Dei, & Timotheus frater, Ecclesia Dei, quæ est Corinthii, cum sanctis omnibus, qui sunt in universa Achaja. Quot putatis esse Ecclesias?

*Ecclesias in universa Achaja? Fortasse ubi Achaja sit, nescitis, & de tam incognita Provincia tanta caccitate judicatis, ut eam criminibus Afrorum periisse dicatis. Nonne plena sunt florentissimis Ecclesiis omnia loca, quae Petrus nominavit, Pontus, Galatia, Cappadocia, Asia, Bithynia? Quid Joannes quibus scripsit, Smyrnæ, Pergamo, Sardis, Tiathyræ, Philadelphie, Laodiceæ, quæ sunt ibid. D. Ecclesiæ? Jam Epbesum commemoravimus ... Cognoscite ergo quam longe ab Africa remota sunt, & dicite nobis, cur eas omnino vobis incognitas, & in Apostolicis Litteris manifestatas tam sacrilega temeritate accusetis, & tanta dementia criminibus Afrorum periisse dicatis? Apposite omnino accommodari ista possunt nostræ præsenti cause, ut demonstretur quam falso affirment adversarii omnes fere orbis universi Ecclesiæ impietari Arianorum assensisse.*

*Porro Ecclesiæ illæ numero ac dignitate illustres, fidei Nicænae constanter semper adhæserunt, paucis exceptis Arianis. Ita testatur S. Athanas. in Epistola, quam scripsit, anno circiter 363. hoc est duabus annis post T. I. Op. Concilium Ariminense, ad Jovinianum Imperatorem. Scito, inquietabat, S. Atha. Religiosissime Auguste ... hanc ipsam fidem ... suffragio suo comprobare univer. p. 781. sas totius orbis Ecclesiæ, nempe Hispaniæ, Britanniæ, Galliæ, totius Italiae, Dalmatiæ, Daciæ, Myria, Macedoniæ, Græciæque & Africæ universæ, nec non Sardinia, Cypri, Cretæ, Pamphyliæ, Lyciæ, Isauriæ, Ægypti, Libyæ, Ponti, Cappadociæ, vicinas quoque nobis, neenon Orientis Ecclesiæ, paucis exceptis, qui Arii heresim sequuntur. Quæ enim sit omnium illarum Ecclesiæ sententia, & experientia novimus, & earum habemus Litteras. Nec te fugit, piissime Auguste, tametsi pauci quidam huic fidei aduersentur, præjudicium tamen facere non posse, quippe cum orbis universus Apostolicam fidem retineat.*

*Probatur 3. quia Liberius Summus Pontifex, qui tunc temporis, (Concilii Ariminensis) quod a se ante duos annos erat peccatum, correxerat, formulæ ab Ariminensibus subscriptæ, non modo consensum suum denegavit, sed eam constanter repudiavit, & posteriora hujus Concilii Acta rescidit, ut constat ex Epistola hujus Pontificis ad Orientales, in qua formulam Ariminensem tamquam blasphemam reprobavit, testaturque Episcopos, qui huic subscripterant, ad sanam mentem reversos eamdem anathematæ damnasse: tum ex Epistola Synodica jam citata Concilii Romani sub Damaso, an. 369. ad Episcopos Illyrici, in qua sic loquuntur Patres: Ne Theod. Lib. 2. que præjudicium aliquod nasci potuit ex numero eorum, qui apud Ariminum con- Hisp. c. venierunt: cum constet, neque Romanum Episcopum, cuius ante omnes fuit ex- 22. pag. petenda sententia, neque Vincentum, qui tot annos Sacerdotium inhibe ser- 103. C. vavit, neque alios, hujusmodi statutis consensum aliquem commodaſſe.*

*D. Probatur 4. ex Lucifero Calaritano, qui Constantio Imperatori parvum & exiguum ejus sectariorum numerum exprobrat, in Libro, cui titulus Biblior. est, Quod moriendum sit pro Filio Dei. Omnes, inquit, momento si posset per- PP. T. 4. grare gentes, inventis ubique Christianos sicuti nos credere, in hac defensione no- P. 243. G. stra persistantes, pro Dei Filio, ut nos mori cupere. At tua novella prædicatio & recens Religio sub prætextu fidei blasphemia in perniciem salutis tuæ per te prolata, non solum adhuc limitem Romanum peragrare non valuit, & utique te satis agente, sed & ubi radices figere tentaverat, aruit, recendentibus scilicet omnibus Dei famulis a te, atque paucis tuis, quos lolium esse superflumentum seminatos Dominus prædixerat, tecum manentibus. Hæc porro, quod notandum, Lucifer scribebat sub ipsum tempus Concilii Ariminensis, anno sci-*

scilicet 360. Siquidem in illo Libello Constantio exprobrat, quod is Eu-  
doxiūm Arianū in Sedem Constantinopolitanam intrusisset: hanc au-  
tem Sedem invasit Endoxius, teste Socrate lib. 2. c. 42. & 43. in Conven-  
ticulo, quod quinquaginta Episcopi Ariani, praesente Imperatore, Con-  
stantinopoli habuerunt, ineunte, an. 360. quo tempore Ariminenses Epi-  
scopi Arimini adhuc detinebantur, ut patet ex sancto Athanasio in Epi-  
stola de Synodis, n. 30. Aliunde vero S. Hieronymus in Catal. Scrip.  
Eccles. c. 95. refert Luciferum sua adversus Constantium Opuscula in  
Palæstina exulem edidisse. Porro tempore mortis Constantii, quæ con-  
tigit die 3. Novembris 361. non amplius in Palæstina degebait Luci-  
fer, sed in Thebaide, quo jussu Constantii deportatus fuerat, sicut te-  
statutus Theodoreus Lib. 3. Hist. c. 2.

Accedit & Socrates Lib. 2. Hist. c. 27. ubi loquens de temporibus, quæ  
Concilium Ariminense paullo antecesserunt, Achajæ vero, inquit, & Il-  
lyrici Civitates & reliquæ Occiduarum partium Ecclesiæ, tranquillæ adhuc erant  
& inconcussæ; tum quod inter se consentirent; tum quod fidei regulam a Ni-  
cæno Concilio traditam constantissime retinerent.

Accedit & Synodus Tyanensis. Eodem tempore, ait Historicus, cum Sy-  
nodus Episcoporum congregata esset Tyanis, cui intererant Eusebius Cesareæ  
Cappadociae Episcopus, Athanasius Ancyrae ... & alii complures, qui regnante  
Joviano, Antiochiae collecti, consubstantialis doctrinam retinendam esse decreve-  
rant, Liberii & Occidentalium Litteræ recitatæ sunt. Qua ex re ingenti gau-  
dio affecti, scripsierunt ad omnes Ecclesiæ, ut Occidentalium Episcoporum De-  
creta perlegerent, & Epistolas tum Liberii, tum Episcoporum Italiæ, Africæ,  
Gallie & Sicilie: nam & istorum Litteras attulerant Legati a Synodo Lampsa-  
cena missi: utque omnium illorum numerum considerarent. Multo enim plures  
erant iis, qui in Ariminensi Concilio federant. Nihil disertius ad rem no-  
stram proferri potest. Si numerus Episcoporum Italiæ, Africæ, Galliæ  
& Siciliæ superbat numerum Episcoporum Ariminensium; quanto ma-  
gis numerus ceterorum Episcoporum, qui per universum orbem diffusi  
ac sparsi Catholicam fidem profitebantur.

Confirmari istud potest ex numero Episcoporum, qui Concilio Chalcedo-  
nensi adfuerunt. In Relatione Synodi ad S. Leonem numerantur quingenti  
& viginti. Idem statuitur in Lege Marciani Imperatoris. Episcopi vero  
Provinciae Helleponsi, in Epistola ad Leonem Imperatorem sexcentos &  
triginta, S. Leo Epistola ad Episcopos Galliarum, quæ est 77. alias 52. c.  
2. sexcentos fere Episcopos numerant. Notandum autem ex Occidente pau-  
cos admodum interfuisse, quinque nimirum; ex quibus tres Legati erant,  
& alii duo Africani Aurelius Adrumetanus. & Rusticianus. Et vero in-  
ter subscriptiones hujus Concilii Episcoporum 472. quinque tantum Oc-  
cidentales erant, alii numero 467. Orientales. Imo & ex ipsis Orientalibus  
Episcopis quamplurimos non interfuisse constat, ex Actione 4. ubi trede-  
cim Episcopi Ægyptiaci Epistolæ sancti Leonis subscribere & Eutychem  
damnare recusarunt isto prætextu: Episcopi nostre Regionis, inquietabant, ib. pag.  
nimis multi sunt, nos pauci; non possumus pauci numero illorum personas su-  
scipere. Porro veteres Sedes Episcopales Ægypti, quarum notitia ad nos  
usque pervenit, 114. recenset Illustrissimus Carolus a S. Paulo jam lau-  
datus. Pauci ergo ex Ægypto adfuerunt Episcopi in comparatione ab-  
sen-

Edit.  
Vales. p.  
118. B.  
C.

Apod.  
Sozom.  
L. 6. c.  
12. pag.  
652.

Tom. 4.  
Conc. p.  
833.  
Ibid. p.  
868.

Ib. pag.  
515. A.

sentium. Idem conjicere possumus de Regionibus a Chalcedone remotis. Et certe, Act. 6. legimus, quosdam Metropolitas Patriarchatum Constantinopolitani & Alexandrini, pro absentibus Episcopis sub se constitutis centum & decem subscriptissse. Porro si 620. Episcopi Chalcedonensi Synodo adfuere, si ex Orientalibus bene multi absentes fuerint, si ex Occidente quinque dumtaxat subscripterint, quanta fuerit ceterorum Episcoporum, qui suis in Sedibus remanserant, multitudo, cuilibet facile est conjicere.

Probatur denique ex variis iisque frequentibus ac numerosis Synodis, quas S. Athanasius Epistola ad Rufinianum, & Severus Sulpitius Lib. 2. Histor. sacræ referunt in Oriente & Occidente, paullo post lapsum Episcoporum Ariminensium celebratas esse, ut ageretur de illis Episcopis & aliis, qui cum Arianis communionem inierant, suamque deflebant culpam, utrum scilicet in suis Sedibus forent relinquendi, an ab iis removendi.

T. 1. p. Quoniam interrogasti, ait S. Athanasius, de iis, qui vi quidem subducti, 958. B. lapsi sunt, nec tamen prava fide corrupti; & voluisti me rescribere, quæ de illic, cum in Synodis, tum ubique alias decreta sunt: scito . . . in principio quidem cum vis illa desisset, coactam Synodus fuisse praesentibus exterarum partium Episcopis: celebratam item aliam fuisse apud Græcię Communitros, nihiloque secius apud illos, qui in Hispania & in Gallia degunt: atque id ipsum hic & ubique placuisse, nimirum ut iis, qui lapsi sunt, si impietatis fuerint praefecti, venia concedatur, siquidem resipiscant, nec detur tamen in Clero locus: iis vero qui impietati patrocinati non sunt, sed necessitate ac violentia traxi fuere, decretum est, ut & venia concedatur, & in Clero detur locus; potissimum quia consentaneam attulerunt excusationem, & quod œconomia quadam id factum videatur. Affirmabant quippe se minime in impietatem lapsos fuisse; sed ne impiissimi quidam homines ad Episcopatum evecti, Ecclesias corrumperent, semaluisse cum violentia concurrere, & id oneris ferre: quam populos perdere.

Bibl. PP. Severus vero Sulpitius, Cum plerisque, inquit, videretur non ineundam T. 6. p. cum his communionem, qui Ariminensem Synodum recepissent, optimum factu ar- 347. E. bitratus, (loquitur de sancto Hilario Pictaviensi) revocare cunctos ad emendationem & penitentiam, frequentibus intra Gallias Conciliis, atque omnibus fere Epistles (alias Episcopis) de errore profitentibus apud Ariminum gesta condemnant.

Ex illis porro tam frequentibus ac numerosis Conciliis, inter quæ extat Parisiense, an. 390. invicte demonstratur, numerum Episcoporum, qui Arimini non adfuerant suis in Sedibus commorati, longe majorem ac superiorem fuisse numero eorum, qui adfuerant, & subscripterant Arianae formulæ. Namque non facile intelligitur, qui fieri potuerit, ut Episcopi illi Ariminenses, aliis, ut singitur, numero tam superiores, pacifice ac tranquille passi fuerint ab aliis tam paucis se judicari, deponi, penitentiæ addici: non ita profecto se natura hominum habet Quousquis que enim, ait S. Hieronymus, Dial. adversus Luciferianos, bene sibi conscius patitur se deponi? Præsertim cum omnes populi, Sacerdotes suos diligentes, per ead lapides & ad interemptionem deponentium eos convolaverint.

T. 4. p. Ex dictis hactenus manifestum est, tempore Conciliorum Seleuciensis 2. p. 361. & Ariminensis, fidei Nicænae constanter adhæsisse Romanum Pontificem cum omnibus, aut saltem fere omnibus Episcopis in universum orbem dispersis, quorum numerus longe multumque superabat numerum Episcoporum utriusque hujus Concilii; ac proinde licet omnes Episcopi Arimi-

Ariminenses in hæresim lapsi essent, ( quod tamen falsum est ) ex eo tamen non secuturum, Ecclesiam Catholicam visibilem, seu majorem Episcoporum numerum cum R. Pontifice in hæresim tunc consensisse.

Superest ut jam expendamus quæ solent hic opponi ex nonnullis SS. Patribus ac Scriptoribus Ecclesiasticis.

*Solvuntur Objectio ex S. Gregorio Nazianzeno.*

S. Gregorius Nazianzenus, Orat. 21. testatur omnes Episcopos, paucis exceptis, tempore Conciliorum Seleuciensis & Ariminensis in Arianam hæresim lapsos esse. En verba: *Procul dubio stulte egerunt Pastores*, ( *ut T. 1. p. cum Scriptura loquar* ) & *Pastores multi vineam meam per vastarunt, ac desiderabilem partem, hoc est Ecclesiam Dei...* probro ac dedecore affecerunt. Nam si per paucos excepéris, qui vel ob nominis obscuritatem contemptui habiti fuerunt, vel ob virtutem restiterunt... omnes temporis obsecuti sunt: *hoc tantum inter eos discriminis fuit, quod alii citius, alii serius in eam fraudem inciderunt.* ergo, &c.

Resp. nego antecedens.

387. B.  
C.

### A D D I T I O .

( \* )

**E**T I. *observo, Jansenianum illum, qui librum edidit prænotatum Testimonium veritatis, textum Gregorii insigni fraude corrupisse, eique vocem Arimini addisse, quæ vox neque in Latina versione, neque in Græco texture peritur. Insignem porro hanc fraudem appello; cum enim Gregorius ( ut postea demonstrabimus ) loquatur solum de illis Orientalibus, qui in conventiculis Seleniæ & Constantinopi habitis tempori obsecundarunt, Jansenianus auctor illa voce Arimini additione conatus est efficere, ut de Episcopis quoque occidentalibus loqui S. Gregorius videretur. Hac fraude animadversa,*

Primo certum est, S. Gregorium loqui solum de Episcopis, qui erant Romano imperio subjecti; non autem loqui de Episcopis Persiæ, Armeniæ, Sarmatiæ, Æthiopie, totque aliarum Provinciarum, quæ subiectæ Imperio Romano non erant, ut ostendit eruditissimus Abbas Corgne in diss. de Conc. Arimin. Et vero loquitur solum de illis Episcopis, qui subiecti erant persecutioni Constantii, si audiibusque Arianorum; bi autem qui persecutionem a Constantio patiebantur, Episcopi erant subditi Imperio Romano.

II. *Locus Gregorii neque intelligi potest de omnibus Episcopis Imperii Romani, quia Episcopi Africæ, Lybiæ, Cypri, Achajæ, & multarum aliarum Provinciarum, fidem servarunt, quemadmodum ex indubitate monumentis habemus.*

III. *Gregorius non dicit, omnes illos Episcopos qui lapsi sunt, simul lapsos esse, sed diserte addit: alii citius, alii tardius.*

( \* )

IV. Quia sanctus Doctor in eo Episcoporum numero non comprehendit Occidentales, qui erant apprime Catholicæ tempore persecutionis, quam ibi describit S. Gregorius. Nam, ut ex sola textus inspectione liquet, loquitur de iis tantum, quæ in Oriente acta sunt post Conciliabulum quinquaginta Episcoporum Arianorum Constantinopolit habitum, an. 360. Porro tunc temporis Episcopi, qui Ariminii decepti fuerant, culpam finiri

suam deflebant, & communione juncti cum Liberio aliisque Episcopis Catholicis Occidentalibus, Arianorum blasphemias detestabantur palam & aperte, ut constat tum ex S. Ambroso, qui Epist. 21. prime Clas-

T. 2. p. sis, n. 15. testatur Episcopos Ariminenses statim a lapsu inflexam revo-  
861. E. cassę sententiam; tum ex Epistola Concilii Parisiensis, eodem an. 360. ad

Orientales scripta. Concilium illud Parisense, eodem anno, quo Conciliabulum Constantinopolitanum celebratum else, ante redditum sancti Hilarii in Gallias, probant Monachi Benedictini in editione Operum S. Hilarii ad fragmentum 11. Operis Historici, p. 1353. in qua Epistola Episcopi Ariminenses dicuntur agnoscerre se Arianorum fraude delusos, nimia simplicitate in Asia silentium consensisse. Ergo quo tempore lapsi sunt in Oriente Episcopi illi, de quibus S. Gregorius Nazianzenus, fidem Catholicam publice ac palam propugnabant Episcopi Occidentales.

V. S. Gregorius aperte innuit se loqui de quibusdam dumtaxat Orientis Provinciis, decem scilicet Asianis, quas Georgius quidam Cappadox, Arianus Episcopus, in Sedem Alexandrinam intrusus crudeliter vexabat,

T. 1. p. Imperatoris auctoritate abusus. Egyptum, inquit paullo ante Objectionis  
385. C. verba, incursionibus vastat, atque impietatis robore Syriam populatur: Orien-

D. tis etiam, quantum potest, arripit ... Hujus potentiae opus Concilium illud fuit,  
ib. p. 386. B. quod Seleucia primum ... deinde in hac amplissima Civitate (Constantinopolita-  
na) coactum est, &c. Ergo nequidem Orientalium Episcoporum partem ma-

ximam lapsam fuisse, ex citatis sancti Doctoris verbis concludi facile potest.

VI. Quamvis illi Episcopi, quos tantopere culpat S. Greg. Nazianz. graviter deliquerint, subscribendo formula Conciliabuli Constantinopolitan, non tamen in haeresim lapsi sunt. Tum quia formula haec subdolis & sensum Catholicum pra se ferentibus verbis callide composita erat: supprimebat quidem voces substantiae & hypostaseos, quoniam multis erant offendit, nec in Scripturis leguntur; at Filio Divinitatem aperte videbatur asserere, dum ajebat, ipsum ante omnia secula, & ante omne principium ex Deo genitum esse ... Deum de Deo, similem Patri, qui se genuit secundum Scripturas. Haec porro verba, ut ait S. Gregorius, simplicioribus hominibus illecebra erant. Unde formulam istam sensu Catholicointellectam

T. 1. p. plerique approbaverunt; & id quidem ab ipsis economia quadam factum  
964. A. videbatur, inquit S. Athanasius, Epistola ad Rufinianum supra citata, ne impiissimi homines in ipsorum locum ad Episcopatum eveclii, Ecclesias corrum-  
perent, populosque perderent. Hinc ibidem ait S. Athanas. eos prava fide non

Vb. p. 963. B. fuisse corruptos. Tum quia S. Hieronym. hosce Episcopos haeresi nunquam adhaesisse testatur in Dial. adversus Luciferianos. Loquens enim de Sy-  
nodo Alexandrina in qua actum est de Episcopis in Oriente lapsis, Post

T. 4. p. z. p. 302. B. redditum Confessorum, inquit, in Alexandrina postea Synodo constitutum est, ut exceptis auctoribus haereseos, quos error excusare non poterat, penitentes Eccle-  
sie sociarentur: non quod Episcopi possint esse qui Heretici fuerant; sed quod conflare eos qui reciperentur, Hereticos non fuisse. Tum quia ipse S. Greg.

Nazianzen. plerosque illos Episcopos ab haeresi criminis purgat, loco  
T. 1. p. citato. Ea res, inquit, permulcos e nobis, invictos alioqui viros, in fraudem  
387. B. impulit; qui quam vis mente baudquam prolapsi fuerint, subscriptione ta-  
men transversi acti sunt ... ac, si non flammæ, sumi certe particeps fuerunt.

Hinc liquet quam plurimos ex illis Episcopis mente pueros fuisse ab omni  
haere.

hæresis contagione; tametsi fraudulentæ Hæreticorum formulæ subscribendo, quādām velut fuliginem ex camino contraxerint.

Idem S. Greg. Nazianz. Orat. 23. describens gravissimam persecutio- T. 1. p.  
nem quam Constantius in Catholicos excitabat, multos variis peccarum 415.C.  
generibus etiam Episcopos, divexatos fuisse non dissimulat; ergo non om-  
nes hæresi consensum præbuerant, sed multi in a vita fide constantes ac firmi  
steterunt. Quis, ait S. Doctor, temporis illius mala pro dignitate deplorare queat?  
*exilia, bonorum proscriptiones, ignominiae notas, infinitam hominum multitudinem,*  
atque adeo integras Civitates, quæ in desertis locis conventus habebant, & sub  
dio ærumnis premebantur... Quis, ut graviora proferam, cruciatus, mortes, actos  
de Episcopis, Monachis, viris, mulieribus, adolescentibus ac senibus triumphos?

Idem testatur qui vitam sancti hujus Doctoris scriptis præfixam Tomo  
primo Operum illius, *Plerique*, inquit, *Antistites in exilium acti sunt,*  
*multiplicibus tormentis calumniisque vexati*. Eandem persecutionem refert  
Sozomenus lib. 4. c. 26. Igitur nequidem in Oriente omnes Episcopi ad  
Arianam impietatem tunc temporis defecerant.

*Solvitur Objectio ex sancto Hilario.*

S. Hilarius Lib. de Synodis n. 63. testatur fidem Catholicam extintam  
pene fuisse in Oriente, atque omnes Orientales Episcopos, paucis ex-  
ceptis, in Arianam impietatem prolapsos esse tempore Conciliorum Se-  
leuciensis & Ariminensis. En verba sancti Doctoris: *Tantum Ecclesiarum P. 1186.*  
*Orientalium periculum est, ut rarum sit hujus fidei...* aut *Sacerdotes aut popu-*  
*lum inveniri. Male enim per quosdam impietati auctoritas data est;* & *exiliis C. D.*  
*Episcoporum...* vires auctæ sunt profanorum... Nam absque Episcopo Eleusio &  
paucis cum eo, ex majori parte Asiae decem Provinciæ, intra quas confitto,  
vere Deum nesciunt. Atque utinam penitus nescirent, cum procliviore enim  
venia ignorarent, quam obirent. Sed horum Episcoporum dolor se intrafi-  
lentum non continens, unitatem fidei hujus querit, quam jam pridem per alios  
anisti... Ubique autem scandala, ubique schismata, ubique perfidiae sunt. P. 1187.  
Hinc illud est, ut ad professionem subscribendæ fidei, aliqui eorum, qui ante A.  
alii scripserant, cogerentur.

Resp. I. Vincentium Donatistam hoc ipsum sancti Hilarii testimonium  
Augustino objecisse, ut efficeret veram Christi Ecclesiam ad paucos re-  
stringi posse. *Hilarii Libros*, ajebat S. August. Epist. 93. alias 84. c. 46. T. 2. p.  
n. 21. mibi opponis, ut neges Ecclesiam crescentem in omnibus gentibus usque 246.B.  
in finem seculi, quam Deus contra incredulitatem vestram cum juratione promi-  
fit... Sed Historicus doctus magnum aliquid invenisti, quod contra Dei testimo-  
nia proferendum putares. Dicis enim, *Quantum ad totius mundi pertinet partes,*  
*modica pars est in compensatione totius mundi, in qua fides Christiana nominatur.*  
Tum vero S. Augustinus Vincentii objectionem numeris 31. & 32. di-  
luit, respondendo non omnes per orbem Episcopos, imo nec omnes il-  
larum decem Asiae Provinciarum, de quibus sanctus Hilarius dumtaxat lo-  
quitur, hæresi consensisse; atque sancti Doctoris verba, tametsi de omni-  
bus dicta esse videantur, de quibusdam tantum esse accipienda: multos  
quippe Catholicos tunc temporis subdolis fidei professionibus Arianorum  
deceptos communionem cum eis iniisse, quod crederent illos a vera fi-  
de non esse alienos; dum interim alii acutiores, at numero pauciores, de-  
tectis

- n.b.p.244.* tectis Hæreticorum fraudibus, societatem illorum refugiebant. *Calumnia-*  
*A. B.* *ris docto viro*, ait S. Augustinus, n. 31. qui tardicordes & timidos graviter  
 increbat... *Quis enim nescit illo tempore obscuris verbis multos pravi sensus*  
*fuisse delusos*, ut putarent hoc credi ab Arianis, quod etiam ipsi credebant...  
*Ibid. C.* *Quamquam & illi*, qui tunc firmissimi fuerunt, & verba Hæreticorum insi-  
 diosa intelligere potuerunt, pauci quidem in comparatione ceterorum, sed ta-  
 men etiam ipsi quidam pro fide exultabant, quidam toto orbe latitabant. *Ac sic*  
*Ecclesia*, quæ per omnes gentes crescit, in frumentis Dominicis conservata est...  
*Ibid. D.* *Hilarius ergo decem Provinciarum Asianarum aut Zizania non triticum argue-*  
*bat*, aut etiam ipsum triticum, quod defectu quodam periclitabatur... *Hab-*  
*bent enim etiam Scripturæ Canonicae hunc arguendi morem*, ut tamquam om-  
*nibus dicatur, & ad quosdam verbum perveniat.*

Falso igitur Objectio supponit sanctum Hilarium loqui de omnibus Orientis Episcopis, siquidem, vel ipso judice Augustino, dumtaxat lo-  
 quitur de Episcopis decem Provinciarum Asianarum. Hæ porro Provin-  
 ciæ erant exigua portio Ecclesiæ Orientalis, nec nisi tertiam partem Pa-  
 triarchatus Constantinopolitani postea constituerunt. Constat autem ex testi-  
 moniis supra citatis S. Athanasii & Luciferi Calaritani, plerosque Episcopos aliarum Orientis Regionum fuisse tunc temporis Orthodoxos,  
 quod & ipse Hilarius innuit, cum agendi rationem & clementiam Episcoporum Orientalium erga lapsos approbat.

- P. 1284.* Et vero ex dictis antea constat, Episcopos Orientales, qui Semiaria-  
 ni appellantur, in Concilio Seleuciensi aliis Episcopis numero superio-  
 res fuisse. Aderant enim, teste Hilario, Lib. contra Constantium, n.  
*A.* 12. quinque supra centum, inter quos S. Cyrillus Hierosolymitanus;  
 Ariani vero non plures triginta quatuor, juxta Socratem, lib. 2. c. 39.  
 aut triginta septem, juxta Sozomenum, lib. 4. c. 22. reliqui circiter  
 quindecim ex Ægypto pro homousio retinendo cum S. Hilario constan-  
 ter pugnabant: illos porro Semiarianos tamquam fratres habebat S. Atha-  
 nasius, ut supra observatum fuit.

- P. 1186.* II. S. Hilarius, loco cit. testatur multos illarum etiam Provinciarum  
 Episcopos ob suam in fide constantiam exilio mulctatos esse: *Exiliis*  
*D.* *Episcoporum*, inquit, *vires autæ sunt profanorum*; non omnes ergo hæresi  
 confenserunt.

#### A D D I T I O.

(\*)

- III. *H*ilarium non loqui de Occidentalibus vel ex eo constat, quod ipso  
 illo loco Occidentales memoret fidem servasse. O vos beatos, in-  
 quir, in Domino & glorioſos, qui perfectam atque Apostolicam fidem  
 conscientiæ professione retinentes, conscriptas fides hucusque nescitis.

- IV. *P*erperam Hilarius ad tempus trabitur, quod Synodus Ariminensem conse-  
 quutum est, nam ut contendunt Erasmus & alii, liber hic ante illud Conci-  
 lium ab Hilario conscriptus est.

(\*)

- Ex eodem S. Hilario nobis opponunt hæc verba ex Libro de Trini-  
*P. 879.* *A.* *tate*, n. 1. Non sum, inquit, nescius difficillimo me tempore scribere hæc adversum  
 vespa-

*Vesperanam impiorum hæresim, Dei Filium creaturam esse affirmantem, aggressum fuisse; multis jam per omnes ferme Romani Imperii Provincias Ecclesiis morbo pestiferæ bujus prædicationis infectis. Ergo omnes fere Romani Imperii Provinciæ Arianae tunc temporis infectæ sunt.*

Resp. hoc unum ex his S. Doctoris verbis colligi posse, Arianam scilicet hæresim in omnibus fere Romani Imperii Provinciis tunc temporis serpsisse quidem, at constat ipsam non prævaluisse: Occidentalibus scilicet Episcopis (quorum vigilantiam & constantiam tantopere commendat S. Doctor) in id conspirantibus, ut pestiferam luem grassantem extinguerent. Hinc recte Monachi Benedictini in hunc locum: *Ne quis forte, inquiunt, ex Interno Libri bujus initio animum inducat, veram fidem tunc temporis in toto orbe fuisse rat. Non extinctam, recolendum est quod Socrates, ait L. 2. cap. 27. Achæz & Illirici <sup>ta a.</sup> Civitates & reliquæ Occiduarum partium Ecclesiæ, tranquillæ adhuc erant & inconcuse: tum quod inter se consentirent, tum quod fidei regulam a Nicæno Concilio traditam constantissime retinerent. Idem prorsus confirmat Lucifer Caritanus, Libro antea citato, Quod moriendum sit pro Dei Filio.*

*Solvitur Objectio ex Sancto Augustino.*

S. Augustinus Epistola paullo ante citata ad Vincentium Rogatistam, non dissimulat Ecclesiam aliquando multitudine scandalorum obscurari, quamvis semper in ea sint fortes aliqui ac strenui viri, qui audacter ac constanter fidem defendunt: verum, eos paucos esse præ aliorum multitudine, affirmat S. Doctor. Cap. 9. n. 30. sic loquitur: *Ipsa est, (Ecclesia) T. 2. p. quæ aliquando obscuratur, & tamquam obnubilatur multitudine scandalorum, & 243. F. n. 31. Quis nescit illo tempore obscuris verbis multos parvi sensus fuisse delusos, ibid. p. ut putarent hoc credi ab Arianis, quod & ipsi credebant: alios autem timore cef- 244. D. sisse & simulate consenserent ... Illi vero qui tunc firmissimi fuerunt, & verba Ibid. C. Hæreticorum infidiosa intelligere potuerunt, pauci quidem in comparatione ceterorum, sed tamen etiam ipsi quidam pro fide fortiter exulabant, quidam toto orbe latitabant ... Hilarius ergo decem Provinciarum Asianarum aut Zanzania non Ibid. D. triticum arguebat, aut ipsum etiam triticum, quod defectu quodam periclitabatur. Pauci ergo (concludunt) tunc temporis erant in fide firmissimi, in comparatione aliorum qui hæresim sequebantur.*

Resp. firmissimos illos ac constantes viros in fide retinenda & defendenda paucos fuisse, non quidem comparatione Hæreticorum, sed comparatione aliorum Catholicorum, qui vere quidem, licet non ita splendide ac publice, fidem prædicabant. Quatuor scilicet eo loci designat S. Augustinus Catholicorum Episcoporum ordines: 1. eos quos vocat *parvi sensus*; 2. alios *timidi*, qui simulate consenserunt; 3. eos qui firmissimi erant, in quibus eminebat Ecclesia; 4. denique, eos, qui tametsi firmissimi non essent, bonum tamen triticum erant, qui defectu firmitatis ac constantiae periclitabant; *triticum quod defectu quodam periclitabatur*, ait S. Doctor. Cum autem idem S. Augustinus affirmat firmissimos illos paucos fuisse in comparatione aliorum, de illis loquitur qui re ipsa Catholicæ erant in decem Provinciis Asia Episcopi, sed qui vel parvi erant sensus, vel timidi, vel qui defectu firmitatis periclitabantur. Ipsi porro re ipsa fidei Catholicæ adhærebant, imo & eorum aliqui exilio mulctabantur, alii vero dispersi latitabant, quos *triticum* appellat Sanctus Doctor. Ergo firmissimi in quibus eminebat Ecclesia, pauci

*Tournely de Ecclesia. Tom. V. Pars I.*

*Q*

*ab*

ab Augustino dicuntur, comparatione dumtaxat ad alios Catholicos minus firmos ac conspicuos, non vero ad Hæreticos.

*Solvitur Objectio ex Vincentio Lirinensi.*

Vincentius Lirinensis, Commonit. c. 6. sic loquitur de tempore Conciliorum Seleuciensis & Ariminensis. *Quando Arianaorum venenum, non jam T. 7. p. portiunculam quamdam, sed pene orbem totum contaminaverat, adeo ut prope 250. H. cunctis latini sermonis Episcopis, partim ei, partim fraude deceptis, caligo quædam mentibus offunderetur ... Tunc siquidem non solum parvæ res, sed etiam maximæ labefactatæ sunt.... Urbes, populi, Provincie, nationes, universum postremo Romanum Imperium funditus concussum & emotum est.* Et capite sequenti: *Quis ille tam demens est, qui eos... non exoptet sequi... quos pro religiosis vetustatis tenacitate tanto munere Dominus dignos judicavit, ut per eos... nefarias illas novellæ impietatis non litteras, sed litteras, infuso calitus Episcopis fidelium lacrymarum fonte, deleret? universum postremo jam pene mundum sæva repentina hæresos tempestate percussum, ad antiquam fidem a novella perfidia... revocaret. Ergo hisce temporibus cuncti prope Episcopi & universi pene mundus Ariana hæresi foedati sunt.*

Resp. Vincentium eo loci Oratorum more amplificare culpam, & numerum augere eorum, qui sive per vim sive per fraudem ab Ariani decepsi sunt. Quapropter verba ipsius interpretanda sunt ex iis quæ Veteres circa rem illam scriptis nobis tradiderunt. Et certe, si quæ ibi refert Vincentius ad verbum accipiantur, non solum omnes pene Episcopi, sed & cuncti prope fideles in hæresim consensisse dicendi sunt; quod si semel ita sit, *Ubi ergo erit proprietas Catholicæ nominis, ut verbis utar S. Optati Milevitani L. 2. de schismate Donat. nu. 1. cum inde dicta sit Catholicæ, quod sit rationabilis & ubique diffusa?* Nam si sic pro voluntate vestra in angustum coartatis Ecclesiam; si universas subducitis gentes, ubi erit illud, quod Filius Dei meruit? *Ubi erit quod libenter ei largitus est Pater in secundo Psalmo dicens, Dabo tibi gentes hereditatem tuam, & possessionem tuam terminos terræ?*

BIBL.PP. Et vero totus est Vincentius, c. 3. 4. & alibi, ut probet, hanc unam T. 7. p. fidem veram esse, quam tota per orbem terrarum confitetur Ecclesia: & si aliqua 250. Ecclesia particula se ab universalis fidei communione præciderit, tunc pestifero corruptoque membro sanitatem universi corporis esse anteponendam. Quomodo ergo sentire potuisset, nisi per summam contradictionem, Pastorum & fidelium maximam partem a vera fide defecisse tempore Ariana?

Additum Vincentium in loco qui opponitur, aperte innuere maximam Episcoporum & fidelium partem in avita fide firmam & constantem tunc temporis permanisse. *Tunc, inquit, temeratae conjuges... profanatae Virginies, dilacerata Monasteria, disturbati Clerici... æcli in exilium Sacerdotes; oppleta Sanctis ergastula... quorum pars maxima, interdictis urbibus, protusi atque extorres, inter deserta, speluncas... nuditate, fame, siti affecti, contriti & tabefacti sunt.* Et vero eadem sermonis exaggeratione dixit Vincentius, cunctos prope latini sermonis Episcopos hæresi consensisse, qua etiam dixit ducentos Episcopos, a quibus primum damnatus est Nestorius, esse omnes fere Orientis Episcopos. At certum est extitisse in Oriente Episcopales Sedes 722. Non absimili exaggeratione utitur Liberius S. P. in Epistola ad Orientales, ubi ait omnes Occidentis Episcopos Ariminum

con-

confluxisse; cum tamen certum sit 400. dumtaxat Synodo Ariminensi adfuisse. Apud Socratem Lib. 4. cap. 12. pag. 223.

Instabis 1. Quæ ibi refert Vincentius Lirinensis, ea stricte & ad verbum accipienda esse de generali Episcoporum pene omnium defectione, probat hujus Doctoris scopus & regula quam ibi statuit. Videlicet c. 4. Commonitorii expendit quid factò sit opus viro Catholicō, *Si quando novella aliqua contagio non jam portiunculam tantum sed totam pariter Ecclesiam commaculare conetur; universalisque hujus contagionis exemplum profert ex Historia Arianismi, Quando nempe, inquit c. 6. Arianorum Venenam, &c.* Hanc autem in tali casu, seu in tanta rerum confusione regulam sequendam tradit: *Tunc providebit (Christianus Catholicus, ) inquit c. 4. ut antiquitati inhæreat, quæ proorsus jam non potest ab ulla novitatis fraude seduci, & c. 6. loquens de Arianorum tempore: Tunc, inquit, quisquis verus Christi amator & cultor extitit, antiquam fidem novellæ perfidiae præferendo, nulla contagii ipsius peste maculatus est.* Ubi profecto supponit totam pene Ecclesiam hæresi posse fœdari; idque circa tempora Concilii Ariminensis contigisse generali quadam omnium prope Occidentis Episcoporum defectione; ergo, &c.

Resp. nego antecedens. Namque Vincentii verba ad litteram intelligi non possunt de universali omnium pene Episcoporum defectione, & de generali contagione, quæ totam pariter Ecclesiam infecerit, quin ille Doctor secum ipse manifeste pugnet, & principium, quod ibi statuit, funditus subvertat. Nimirum Vincentius ibi ante omnia hoc generale principium statuit, quo veritas Catholicæ ab errore secesserat: videlicet, nullum esse dogma vere proprieque Catholicum, quod tres simul characteres, seu tres notæ insignes non habeat; universitatem, hoc est, communem totius Ecclesiæ per orbem dispersæ professionem: antiquitatem, & in ipsa antiquitate, communem Patrum, qui diversis temporibus floruerunt, consensionem. *Quod, inquit c. 3. ubique, quod semper, quod ab omnibus creditum est, hoc est vere proprieque Catholicum: quod ipsa vis nominis ratioque declarat, quæ omnia fere universaliter comprehendit.* Sed hoc ita demum fieri, si sequamur universitatem, antiquitatem, consensionem. Sequemur autem universitatem hoc modo: si hanc unam fidem veram esse fateamur, quam tota per orbem terrarum constitutur Ecclesia, &c. Ut autem planiora fiant, que de tribus illis Catholicæ dogmatis characteribus præmisit, eos exemplis sigillatim illustrat. Ac primo quidem sectandam universitatem probat exemplo fidelium Africæ, qui Donati tempore, cum se multa illius Religionis pars Catholicæ nominis pariter & Religionis immemor, unius hominis sacrilegam temeritatem Ecclesiæ Christi præponeret: *Tunc, inquit, quicumque per Africam constituti, profano schismate detestato, universis mundi Ecclesiæ associati sunt ... egregiam profecto relinquentes posteris formam, quemadmodum scilicet deinceps bono more, unius aut certe paucorum vesaniae universorum sanitas anteferretur.* Atque hoc ipsum multoties repetit, & ab omnibus Catholicis diligenter observandum inculcat sub finem Commonitorii: *Catholicæ, inquit, Apostolicæque Ecclesiæ sequantur necesse est universitatem, antiquitatem, consensionem, &c.* Hinc idem Vincentius c. 4. Quid igitur faciet Christianus Catholicus, inquit, si se aliqua Ecclesiæ particula ab universalis fidei communione præciderit? *Quid utique, nisi ut pestifero corruptoque membro sanitatem universi corporis anteponat?* & cap. 38. Si



*Quando pars contra universitatem . . . rebellaverit: præferant portionis corruptioni universitatis integratatem.*

Hoc vero principio semel posito, totiesque inculcato, quis non videat Vincentium pugnantia locutum fuisse, si verba superius objecta ad literam accipiantur de integra omnium prope Episcoporum defectione, & de universalis contagione, qua totam pariter Ecclesiam commacula verit? Etenim si omnes pene Episcopi ab avita fide ad novellam perfidiam defiscere semel supponantur; si hæreſeos contagio totam pariter Ecclesiam commaculare, ubi erit *Universitas*, primus ille & præcipuus dogmatis Catholici character secundum Vincentium? Quid faciet Christianus Catholicus? An portiunculam universitati anteponet, membrum universo corpori? Ad antiquitatem, inquies, recurrat; antiquam fidem novellæ perfidiæ præferat. Verum 1. Novatores omnes antiquitatem, imo & Scripturam ipsam suis erroribus prætendere solent; 2. Quis Judge erit doctrinæ illius antiquæ? Privatus quilibet post privatum examen? At quam pauci hujus examinis ac discussionis capaces sunt! Quam privato Novatorum spiritui ac phanatismo favet hæc responſo!

Instabis 2. Quod ibi a Vincentio dicitur de tempore Arianismi, illud ab ipso non obiter & perfunctorie, aut quasi aliud agente dicitur, nec spectari potest ut ali quod verbum, quod huic Auctori incaute exciderit: namque loquitur ex systemate in omnibus secum cohærente; leges tradit, quibus in quovis casu veritas a falsitate discernatur; inter varios casus eum proponit, in quo novella aliqua contagio non jam Ecclesiæ portiunculam tantum, sed totam pariter Ecclesiam commacularet: hujus casus exemplum profert ex tempore Arianorum, quo cuncti prope Episcopi Latinī decepti sunt; atque in tali casu hanc regulam statuit, ut nempe antiquitas, *qua proſus jam non potest ab illa novitatis fraude seduci, consulatur*. Atqui hæc omnia aperte demonstrant: 1. fieri posse, juxta Vincentium, ut hæresis contagio generalis sit, & universam pene Ecclesiam commaculet; 2. id contingisse Arianorum temporibus, cum scilicet cuncti prope Latinī Episcopi decepti sunt; ergo, &c.

Resp. ad singulas minoris propositionis partes.

Ad primam, distinguo: fieri potest ut hæresis contagio generalis sit respectu omnium Christiani orbis regionum, per quas nova aliqua hæresis gravetur, concedo: respectu omnium, aut fere omnium Ecclesiæ Pastorum aut fidelium, quasi ii prope omnes ab avita fide ad hæresim possint deficere, nego. Hæresis contagio dupli sensu dici potest generalis: 1. si pestifera lues in omnes orbis Christiani regiones penetret, serpat, grassetur; etiamsi major fidelium & Pastorum pars in illis regionibus infectis firma, stabilis & inconcussa in fide permaneat: quo sensus S. Hilarius L. 6. de Trinit. n. 1. asserit omnes ferme Romani Imperii Provincias & Ecclesias morbo pestiferæ hæreſeos Filium Dei creaturam esse affirmantis, infectas fuisse; cum tamen S. Doctor in L. de Synodis circa hoc idem tempus exarato, laudibus ad cælum extollat Episcopos per omnes illas regiones dispersos, ob firmam, incorruſam & imperturbatam eorum in fide avita retinenda & propugnanda constantiam. Quo etiam casu, si morbus pestilens in Provincia aliquam invadat, solemus dicere, regionem illam universam peste infici, etiamsi non plus sextam partem morbus in illa regione afficiat. Secundo sensu dici potest hæreſ-

hæreos contagio esse generalis, si hæresis non solum per omnes regis regiones grassetur, sed insuper omnes aut fere omnes fideles & Pastores corrumperet. Jam vero Vincentius de contagione universali loquitur priore dumtaxat sensu; alias & secum ipse pugnaret, & unam e præcipuis Ecclesiæ notis, universitatem scilicet, ipsi detraheret, omnibusque adversaretur Patribus, qui Ecclesiam universalem esse debere, nec ad paucos restringi unquam posse, adversus Donatistas, Luciferianos aliosque veteres Schismaticos & Hæreticos data opera propugnaverunt. *Erit anathema*, inquit S. August. Epist. 93. ad Vincentium c. 7. quisquis annuncia-  
verit Ecclesiam præter communionem omnium gentium. Et certe Vincen-  
tius loco citato non ait, *Quid si novella aliqua contagio... totam pariter*  
*Ecclesiam commaculet?* Sed, *commaculare conetur?* Quæ sane verba sensum  
præferunt longe diversum ab eo, quem illi Doctori affingunt adversarii.

Ad secundam: Dum Vincentius ait cuactos prope latini sermonis Episcopos partim vi, partim fraude deceptos fuisse, hyperbolice loquitur, & verba ipsius, quamvis dicta videantur de omnibus Episcopis Latinis, restringenda sunt ad solos Episcopos Ariminenses, quorum numerus erat quidem absolute magnus, sed tamen minor numero Episcoporum, qui in Occidente Arianis, horumque formulis fortiter restiterunt, ut constat ex supra dictis, præsertim vero ex testimonio Luciferi Calaritani, quod nobis hac in re invictum videtur. Namque Episcopus ille ferventiori & amiori zelo accensus, omnes quotquot ab Arianis, sive per vim, sive per fraudem decepti, formulis subscriperant, velut apostatas semper habuit, nec eos unquam, etiæ penitentes, ad communionem suam admisit. *Luci- Bibl. PP.*  
*fer, inquit Severus Sulpitius, L. 2. Historia sacra, in tantum eos, qui Ari- T. 6. p.*  
*mini fuerant, condemnavit, ut se etiam ab eorum communione secreverit, qui eos 347. F.*  
*sub satisfactione vel pænitentia recepissent.* Nihilominus adversus Constantium scribens aliquot mensibus post lapsum Ariminensium, impio Imperatori exprobrat, quod cum is nihil non tentasset, ut Occidentem perverteret, vani tamen & irriti fuerint illius conatus. *Tua novella prædica- Bibl. PP.*  
*tio, inquit Lucifer, & recens Religio... non solum adhuc limitem Romanorum T. 4. p.*  
*peragare non valuit, & utique te satis agente; sed & ubi radices figere tentave- 243. G.*  
*rat, aruit, recentibus scilicet omnibus Dei famulis a te, atque paucis tuis....*  
*tecum manentibus.* Ex quibus verbis apertum est, numerum eorum, qui sive Arianismum aperte profitebantur, sive ab Arianis decepti erant, quales Ariminenses Episcopi, exiguum fuisse in comparationem eorum, qui in Occidente veram fidem tunc temporis constanter retinebant.

Sed, inquires, cur ergo in secundo illo casu, quem affert, ad solam antiquitatem, non ad universitatem provocat; nisi quia supponit universitatem tunc deficeret?

Resp. Vincentium voluisse singulas dogmatis Catholici notas exemplis explicare & illustrare, atque idcirco primum protulit exemplum, quo doceret semper sectari oportere universitatem, hocque desumptum ex fidelibus Africæ, qui tempore Donatistarum, profano schismate detestato, universi mundi Ecclesiæ ad sociati sunt, egregiam relinquentes posteris formam, quemadmodum deinceps paucorum vesania universorum sanitas anteferretur. Tum vero exemplum attulit, quo doceret adhærendum quoque semper antiquitati, atque istud exemplum repetit ex fidelibus, qui Arianorum ætate antiquam

*fidem novellæ perfidiae prætulerunt. Sicut autem dum priore exemplō universitatem sequendam docet nec excludit antiquitatem, sed supponit; sic pariter dum posteriore docet, antiquitate standum, non excludit universitatem. Hinc in fragmento Commonitorii secundi, summatis repetens quæ fusi ante explicaverat, utriusque simul, universitatis scilicet & antiquitatis sectandæ necessitatēm disertis verbis commendat:*

*Bibl. PP. Diximus, inquit, in ipsa rursus Ecclesia universitatis pariter & antiquitatis T. 7. p. consensionem spectari oportere.*

262. col.

1. B.

*Solvitur Objectio ex Theodoreto.*

*Theodoreto, L. 2. Hist. c. 21. aperte significat maximam Episcoporum partem circa tempora Concilii Ariminensis, formulæ fidei a Valente compvisa subscrisisse. Alii, inquit, metu perculsi, alii fraude inducti subscripserunt. Quotquot vero consentire bis recusarunt, in ultimos urbis fines relegati sunt.*

*Ibid.* *Resp. Theodoreto eo loci non de omnibus, sed de solis Episcopis Ariminensibus agere, quorum multos, eo quod nollent formulam Valentis approbare, Arimino in Nicen Civitatem Thraciæ jussu Constantii deductos esse refert Theodoreto, ubi alii metu perculsi, alii fraude inducti subscrisvere; ceteri vero, qui assentiri noluerunt, in ultimas terrarum oras relegati sunt. Addit Historicus initio Capitis sequentis, eamdem formulam ab universis veritatis propugnatoribus, maxime vero ab Occidentalibus reprehensam fuisse: tum subjicit Epistolam Damasi & aliorum Occidentalium ad Episcopos Illyrici scriptam.*

*Solvitur Objectio ex Marcellino & Faustino Presbyteris.*

*Bibl. PP. Marcellinus & Faustinus Presbyteri in Libello quem ad Imperatores T. 5. p. Valentinianum, Theodosium, & Arcadium obtulerunt, testantur omnes 653. Episcopos, exceptis paucissimis, tempore Conciliorum Seleuciensis & Ariminensis in Arianam hæresim lapsos esse.*

*Similiter Auxentius Mediolanensis Episcopus Arianus, ad Imperatores Valentinianum & Valentem, apud S. Hilarium, L. contra Auxentium, scribit, paucos fuisse Episcopos qui formulæ Ariminensi contradixerint.*

*P. 1270. Ego quidem, inquit, æstimo non oportere sexcentorum Episcoporum unitatem A. B. post tantos labores ex contentione paucorum hominum refricari ab abjectis ante P. 1272. annos decem, (loquitur de SS. Hilario & Eusebio Vercellensi) sicut & Scri- A. pta manifestant... Ut autem pietas vestra verius cognosceret ea quæ gesta sunt in Concilio Ariminensi, transmisi, & peto ut ea libenter legi præcipiat. Sic enim cognoscet Serenitas vestra, quia qui jam dudum depositi sunt, hoc est, Hilarius & Eusebius, contendunt ubique schismata facere.*

*Eadem quoque refert Julianus Eclanensis Episcopus, apud S. Augusti- T. 10. p. num, L. 1. Operis imperfecti contra Julianum, c. 75. Cum, inquit, sub 919. C. Ariano Principe vir plenissimæ fidei Athanasius Alexandrinus Episcopus, dilapsò a fide Apostolorum omni pene mundo, impietatis temporibus obstitisset... de sexcentis & quinquaginta, ut fertur, Episcopis, vix septem inventi sunt, quibus cariora essent Dei præcepta, quam Regis.*

*Resp. In præsenti causa non esse audiendos Marcellinum, Faustinum, Auxentium & Julianum. Etenim Marcellinus & Faustinus Luciferianorum Schismati pertinaciter addicti ab Ecclesia recesserant, quod ipsa in finum*

sinum suum & in gradum pristinum receperisset Episcopos tempore perse-  
cutionis lapsos: unde mirum non est, si his ceterisque Catholicis Epi-  
scopis a quibus schismate disjuncti erant, hærefoes crimen imposuerint.  
De duobus illis Schismaticis sic scribit S. Hieronymus, initio Dialogi T. 4. par.  
adversus Luciferianos: *Proxime accidit ut quidam Luciferi sectator, cum alio 2. p. 289.*  
*Ecclesiae alumno odiosa loquacitate contendens, caninam facundiam exercuerit.*  
*Asserebat quippe universum mundum esse diaboli; & ut jam familiare est eis*  
*dicere, factum est de Ecclesia lupanar.*

Quod spectat ad dictum Auxentii, recte Monachi Benedictini, in ad-  
monitione in Librum S. Hilarii contra hunc Hæreticum, *Ea verba, in-*  
*quiunt, sunt Heretici in aëtu disputationis, qui quo meliorem caussam suam n. 5.*  
*faciat, hyperbolice loquitur: quomodo proxime ante Ariminensis Concilii (quod*  
*Sulpitio teste, eique consentiente S. Athanasio, non multi supra quadragintos,*  
*imo juxta Maximinum Arianum, trecenti & triginta dumtaxat convenere, )*  
*sexcentorum Episcoporum unitatem jactitare non erubescit.*

Denique Julianus unus fuit e Pelagianorum antesignanis, quorum ma-  
xime intererat concessum Ecclesiæ non errandi privilegium denegare.  
Aliunde vero Hæreticus iste falsi manifeste convincitur, dum in loco Apud  
citato ait, Patres Ariminenses numero sexcentos & quinquaginta fuisse; 919. C.  
& ideo Trinitatis confessionem negasse, ne Athanasiani vocarentur.

*Solvitur Objectio ex Socrate & Sozomeno.*

Narrant duo illi Historici, etiam post finitum Ariminense Concilium  
& Episcoporum discessum, formulam Ariminensem in omnes Occidentis  
Ecclesiæ, iussu Imperatoris, ut subscriberetur, directam fuisse; ergo  
tunc temporis impietas Ariana omnes Occidentis Ecclesiæ occupavit.

Socrates, Hist. L. 2. c. 37. *Imperator, inquit, jam quidem antea in animo p. 140.*  
*habebat, opinionem Arii per omnes Ecclesiæ disseminare. Tum vero maxime stu- B. C.*  
*dens id perfidere, ut illa reliquis omnibus prævaleret, discessum Episcoporum*  
*contumeliam suam interpretatus est: contemptum ab illis se dicens, eo quod pre-  
ter ipsius sententiam Concilium dissolvisserent. Quapropter Ursacio ac Valenti eo-  
rumque asseclis, quidvis contra Ecclesiæ agendi liberam potestatem dedit. Expo-  
sitionem autem fidei quæ lecta fuerat Arimini, ad Ecclesiæ Italæ mitti jussit:*  
*mandans ut quicumque ei subscribere nollent, pellerentur Ecclesiæ, & in eorum*  
*locum alii substituerentur. Et primus quidem Liberius Romanae urbis Episco-  
pus, cum fidei illi consensum accommodare renuisset, in exilium mittitur, Fe-  
lice in ejus locum ab Ursacianis suffecto.*

Resp. I. deceptum fuisse Socratem, cum scripsit Episcopos Ariminenses  
soluta Synodo formulæ fidei Arianorum subscriptisse. Longe verisimilius  
est eos, stante adhuc Synodo, tædio variisque ærumnis affectos tandem  
subscriptisse formulæ, quam paullo ante constanter rejecerant. Namque  
constat ex S. Hieronymo, aliisque monumentis antea laudatis, Patres illos  
Ariminenses statim a Concilio, ubi Ursacianorum triumpho audivere,  
fraude detecta, errorem ejusasse, ceterosque per orbem dispersos Epi-  
scopos perfidiam Arianam multis in Conciliis proscriptississe. Id etiam  
manifeste constat ex Confessione Eustathi, Silvani ac Theophili apud  
Sozomenum, L. 6. Hist. c. 11. *Anathema præcipue dicimus (ajunt) Ario, & P. 651.*  
*iis quæ in Ariminensi Synodo gesta sunt contra prædictam fidem sancti Conci- D.*

*lui Nicæni, quibus ab oppido Thracie Nice allatis, dolo ac perjurio circumventi, Constantinopoli subscriptissimus.*

P. 568. C. Sozomenus, L. 4. c. 19. duplicem, eamque diversam hujuscce facti relationem commemorat. *Jam vero, inquit, quemadmodum formulæ a Valente & Ursacio prolatæ postea consenserint, commemorandum est; quod quidem diversimode relatum compéri. Narrat deinde, nonnullos sensuisse, stante Syndodo, alios vero, ea soluta, Episcopos dictam formulam approbasse. Prior vero narratio longe magis ad verum accedit, ut dictum est.*

Resp. 2. etiam admissa Socratis narratione, hoc unum sequi, nempe Constantium imperasse quidem ac tentasse, ut omnes Arianæ formulæ acquiescerent, sed frustra & incassum. Tot quippe Episcoporum, Presbyterorum, ac populorum resistentia, etiam intentatis exilii aliorumque suppliciorum poenis, & firmam ac constantem eorum in doctrina Catholica retinenda fidem, & Imperatoris impium ac irritum conatum clarissime demonstrant.

## A D D I T I O.

( \* )

Ceterum licet concederemus majorem partem Episcoporum lapsam in Ariminiensi Concilio in heresim esse, nihil hoc ad Jansenianorum intentum. Neque enim majorem partem Episcoporum a fide deficere posse inficiamur; hoc negamus, errare illam posse simul cum Romano Pontifice. Illud ergo ostendendum esset adversariis, & errasse tunc majorem partem Episcoporum, & fidem simul cum illis prodidisse Liberum ejus temporis Romanum Episcopum. At id falsissimum est. Nam quando Liberius errasse dicitur (quod tamen alibi falsæ criminacionis arguimus), ei non consenit major pars Episcoporum; quando autem errarunt Episcopi, illis repugnavit Liberius. Hoc facile demonstramus. Si Liberius formulæ hereticæ subscriptis, id contigit in Synodo Sirmiensi anno 357. duobus ante Ariminense Concilium annis: at tunc Liberius pauci admodum Episcopi consenserunt: etenim Occidentales illius subscriptio-nem abominati sunt; & Romana Ecclesia se ab eo divisi, & ad Felicem accessit; ex Episcopis quoque Orientalibus solum paucissimi Liberum sequuti sunt. Nam cum Constantius omni vi cogere Selenciam Episcopos ad subscribendum formulæ hereticæ, ex tot Orientis Episcopis solum potuit ad Concilium adducere 160. Episcopos, & ex iis quindecim summa constancia subscribere detrectarunt.

Jamvero quando in Concilio Ariminensi anno 359. Episcopi dolis irretiti sunt, iis non consenit Liberius. Etenim ille cum paucos post menses a suo lapsu (illum permittimus, eis quod nuper monui, commentitius est) jam rediisset ad orthodoxam sententiam, neque vocatus ad Synodus est, neque illi interfuit per suos legatos, neque illam confirmavit. Audiatur ejus successor S. Damasus in epistola ad Episcopos Illyrici: Neque enim præjudicium aliquod nasci potuit ex numero eorum, qui apud Ariminum convenerunt, cum constet neque Romanum Episcopum, cuius ante omnes fuit exoptanda sententia, neque Vincentium, qui tot armos Sacerdotium illibate servavit (Vincentium Capuanum designat Liberii legatum) neque alios hujusmodi consensum aliquem commodasse. Neque eo contentus Liberius expresse damnavit eam Synodus litteris ad Episcopos Italæ datis, quæ a S. Hilario referuntur. Igitur quando Episcopi Ariminenses errarunt, iis non consenit Liberius.

( \* ).

*Expenditur factum Honorii Summi Pontificis.*

Sergius Patriarcha Constantinopolitanus, datis ad Honorium Summum Pontificem Litteris refert, Cyrum Alexandrinum in reducendis ad unitatem fidei Hæreticis, qui in Ægypto, Thebaide ac Libya versabantur, feliciter allaborasse, propositis novem doctrinæ Capitibus, quorum septimum erat, unam dumtaxat in Christo operationem esse; Sophronium vero tunc simplicem Monachum, deinde Patriarcham Hierosolymitanum, adversus Cyrum strenue pugnasse pro duplice in Christo voluntate & operatione. Addit, periculum esse ne hujus noxæ quæstionis occasione pax & concordia Ecclesiæ turbetur, ac difficilior fiat Hæreticorum ad Ecclesiam reditus: sibi longe consultius videri, si ex utraque parte silentium imponeretur; quandoquidem nec Scriptura, nec ulla Ecclesiæ definitione constat, aut unam, aut duas in Christo dicendas esse voluntates, quas, ait Honorius Summus Pontifex, neque Evangelicæ vel Apostolicæ Litteræ, neque Synodalis examinatio super his habita, visæ sunt terminasse. Hujus silentii obtenu patentem ad errorem Monothelitarum adiutum disseminandum apertum fuisse, eventus ipse comprobavit. Viam hanc silentii a Sergio propositam probavit & amplexatus est Honorius: hinc in suspicionem erroris adductus, ac saltē velut hærefoes fautor a sexta Synodo, anno Christi 680. damnatus fuit.

*Epiſtolæ  
Honorii  
Tom. 6.  
Conc. p.  
932. A.*

Magnum ex illo Honorii factō cauſa ſuę præſidium repetunt, qui nobis hic adverſantur; ac duo inde probare nituntur: primum, longe maiorem Episcoporum tum Orientis tum Occidentis partem una cum Summo Pontifice Honorio, errori Monothelitarum conſenſisse: alterum, ex silentio Episcoporum Occidentalium circa Epistolam Honorii, male inferri eam probatam ab illis ac receptam fuisse; adeoque caſsum ac nullum esse argumentum, quo ex silentio Episcoporum tacitus illorum conſensus eruitur.

Tria ſunt quæ hic in quæſtione veniunt.

Primum, utrum Honoriū S. Pontifex in errorem Monothelitarum lapsus revera fuerit.

Secundum, utrum Epiftola Honorii ad Sergium vim habeat & auctoritatem Apoſtolicæ definitionis.

Tertium, utrum major pars Episcoporum Orientis & Occidentis dictam Epifolam cognoverit, ac tacito faltem, ut vocant, conſensu approbaverit.

*Virum Honoriū in errorem Monothelitarum lapsus reipſa fuerit.*

Theologi fere omnes Honoriū ab errore vindicant; quinquam faciantur, ſuo silentio ſeu intempeſtiva ſua diſſimulatione, errori impensis illum faviſſe.

Hoc certum: Honoriū a ſexta Synodo generali perſtričtum ac damina-  
tum fuiſſe. Qua vero præcise de cauſa? controvertitur. S. Maximus Honorio coaſtanus, id errore facti contigifſe arbitratur, nempe ex male redi-  
ta in Græcum sermonem, quæ latine ſcripta fuerat, Honoriū Epiftola, ſi-  
ve fraude, ſive infiſtia aliquorum Græculorum id obtigerit. *Veriſimile eſt,* T. 2. p.  
ait S. Maximus Tomo dogmatico ad Marinum Presbyterum, inter Opuscula 132.  
Theologica, eos mentiri ac ſubdere, quod ille in suis vere Sermonibus non scri-  
pſit; hocque moliri adverſarios, ut opinioni ſuę, quæ plane non optima ſit, ex  
viri

viri Litteris velamentum querant, quas contra ejus mentem male interpretantur. Unam scilicet dixit Honorius in Christo voluntatem, quia a Deitate assumpta est natura nostra, non culpa; ( sunt verba Honorii ) hoc est, ait S. Maximus, non ex peccato .... Hoc enim solum spectat, ut libidinosam ac vitiatam, non ut naturalem voluntatem a Salvatore eliminaret; quodque in naturali quoque ac humana illi cum Patre ac Deo voluntate conveniret, nulla cum eo ex repugnantia diversitate: atque hunc verum ac genuinum esse Honorii sensum ostendit tum ex Abbe Anastasio, tum ex amanuensi cuius opera usus est Summus Pontifex, ut suam ad Sergium Epistolam exararet. Ego quidem, pergit sanctissimus Martyr, sic se habere sensum existimo, ab omni plane suspicione purum. Certiorem autem ipsum reddidit sanctissimus Presbyter Dominus Abbas Anastasius, e seniore Roma reversus, vir, si quis alius, divina virtute ac prudentia ornatus; qui & dixit, diu se multumque cum magna illic Ecclesiae sacratissimis viris sermonem contulisse, ejus, quam ad Sergium scripserant, Epistolæ gratia: sciscitando, quid causæ esset, ac quomodo una illi voluntas inserta esset: invenisseque ejus rei causa dolentes, ac excusantes; prætereaque, qui jubente Honore hanc latine dictaverat, sanctissimum Abbatem Joannem, ei ab Epistolis adjutorem, affirmantem, nullo modo in ea per numerum unius prorsus voluntatis mentionem fecisse, licet hoc nunc ab eis confictum sit, qui Epistolam græce reddiderunt. At neque ullo modo abolendam seu excludendam censuisse naturalem Salvatoris, qua homo est, voluntatem; sed eam dumtaxat quæ nostra est, atque vitii labem habet, penitus eliminasse ac sustulisse.

Et in disputatione cum Pyrrho, respondens sanctus Doctor objectio-  
ni quam Pyrrhus ex Honorii Epistola ducebatur, vult legitimum illius  
sensum ab eo resciendum esse qui Honorii iussu Epistolam illam ador-  
navit. Quis, inquit, fide dignus istiusmodi Epistolæ interpres, is, qui eam  
ibid. p.  
181. ex persona Honorii scripsit, cum & adhuc vita superstes sit, ac qui cum aliis  
suis virtutibus, pietatis dogmatibus omnem Occidentem illustrat; an ii, qui  
Constantinopoli loquuntur quod in mentem venit? .... Is igitur ipse cum ad  
sanctum Constantiū Imperatorem, ex persona rursus sancti Joannis Papæ de  
hac Epistola scribebat, dixit: „ Unam voluntatem diximus in Domino,  
„ non Divinitatis ejus & humanitatis, sed humanitatis dumtaxat. Cum  
„ enim Sergius scripsisset, quod quidam duas voluntates in Christo  
„ contrarias dicent, respondit: Unam voluntatem diximus Christum,  
„ non duas contrarias voluntates habuisse, carnis scilicet & spiritus,  
„ sicut nos habemus post peccatum, sed unam tantum, quæ naturali-  
„ ter ejus humanitatem insigniret. „ Nihil certe ad sanam Epistolæ  
Honorii interpretationem aptius, commodius nihil ac illustrius profer-  
ri potest.

Verum quidquid sit de mente ac sententia Honorii, sive Monothelitarum errori consenserit, sive silentio tantum faverit, hac in præsen-  
tiarum missa controversia, dato & non concessso Honorum errasse, no-  
bis ad præsens institutum satis est demonstrasse, majorem Episcoporum  
tum Orientis, tum Occidentis partem, cum Honorio errorem contra-  
fidem non-propugnasse.

*Virum Epistolæ Honorii ad Sergium vim & auctoritatem babuerit  
dogmaticæ & Apostolicæ definitionis.*

Observa dogmaticam & Apostolicam estimari de fide vel moribus definitionem, quæ a Romano Pontifice, virtute & auctoritate suæ Sedis, fusis ad Deum precibus, consulta & sedulo expensa Ecclesiæ suæ Romanæ Traditione, rogata Cardinalium, seu Concilii sui ordinarii sententia, promanat, & toti Ecclesiæ velut regula ad observandum proponitur. *Pontifex quippe*, vel ipso judice Bellarmino, Lib. 1. de Conc. c. II. non debet solo suo iudicio fidere, aut *expectare divinam revelationem*, Tom. 2. p. 8. col. sed adhibere diligentiam quantum res tanta postulat, & ordinaria media; & tum 1. C. *demum expectare assentiam Spiritus sancti & directionem divinam.*

Dico igitur Honorii ad Sergium Epistolam, publicam & dogmaticam non continere fidei definitionem quæ ad omnes fideles pertineat, sed privatam dumtaxat, atque ex quadam œconomia & politia hujus Summi Pontificis de silentio imponendo sententiam.

Probatur: quia ea Epistola nec dogmatica est, nec publica, sed privata dumtaxat, & solus œconomia seu politia, quæ nec speciale aliquod dogma determinat, nec ad omnes fideles dirigitur: atqui talis est Epistola Honorii ad Sergium; ergo, &c.

I. Ad omnes fideles eam directam non fuisse, probat vel una inscriptio, quæ est ad Sergium: probat, quod Epistola Honorii non aliunde quam ex Scrinio Ecclesiæ Constantinopolitanæ deprompta fuerit, autographum ipsum Latinum cum Græca interpretatione: ad unum ergo Sergium missa fuerat, & ab eo recondita in Archivio Ecclesiæ suæ; unde tardius hinc educata, annis fere post mortem Honorii quadraginta, diu 928. incognita latuit, etiam in Oriente. Non ita certe est de iis Summorum Pontificum Litteris quæ ad fidem pertinent, videlicet, Anastasii, Innocentii, Zozimi, Cælestini, Leonis, &c. quæ licet ad aliquos nominatim dirigantur, quia tamen publicum dogma continent, per orbem totum Christianum, Orientem, Occidentem, diffunduntur, ac vim & auctoritatem publicæ legis obtinent. Accedit quod Summi Pontifices, sive ante, sive post Honorium, summo consensu affirmant, Ecclesiæ suæ Romanæ datum a Christo non errandi privilegium. Istud porro etiam tempore Honorii integrum perdurasse non aliter defendere possunt, quam quod Honorius in sua ad Sergium Epistola, non publicam ex auctoritate Sedis Pontificiæ, sed privatam dumtaxat Doctoris personam sustinuerit.

II. Epistolam Honorii dogmaticam non esse, sed dumtaxat œconomia ac politia cuiusdam.

Probatur 1. quia nullum novum dogma fidei proponit aut determinat, nisi hoc unum, quod verissimum est, & de quo nulla movebatur controversia; duas scilicet in Christo naturas esse distinctas, inconfusas & impermixtas, divinam nempe & humanam: Christum operari divina & humana; non tamen duas in ipso esse voluntates & operationes contrarias ac sibi multo adversantes; humanam, seu naturalem ejus voluntatem vitiatam non esse nec corruptam, qualis nostra est: *Quia, inquit, a Divinitate assumpta est nostra natura, non culpa.* Hoc capitali dogmate in tuto posito, cum intelligeret Tom. 6. Conc. p. Summus Pontifex, Cyrum Alexandrinum ex una parte, unam dumtaxat in 929. B. Chri-

Act. 12.  
Conc. 6.  
Tom. 6.  
Conc. p.

Christo voluntatem & operationem prædicare; Sophronium ex altera; duas; Sergium vero, nec unam nec duas dicendas, sed silentium eam in rem servandum esse putaret, Honorius œconomia causa & animo servandæ pacis, viam silentii, quam Sergius aperuerat, probavit & sequutus est, ratus novas esse vocum quæstiones; laudatque Sergium, novitatem

*Ibid. p. 928. B.* vocabuli auferentem; ac prohibet, ne quis vel duas energias, vel unam audeat

*Ibid. p. 932. A.* prædicare, quas, inquit, neque Evangelicæ vel Apostolicæ Litteræ, neque Sy-

nadalis examinatio super his habita, visæ sunt terminasse .... Neque equum sit, ad Ecclesiastica dogmata trahere, que unusquisque in sensu suo abundans videtur secundum propriam sententiam explicare. Quibus certe verbis aperte

*Ibid. B.* significat nihil se eam in rem definire. Quod Dominus Jesus Christus, per-

git ibidem Honorius, sit unus operator Divinitatis, atque humanitatis, plenæ

sunt sacræ Litteræ .... Utrum autem propter opera Divinitatis, & humanitatis,

una, an geminæ operationes debeat derivatæ dici vel intelligi, ad nos ista per-

tinere non debent, relinquentes ea grammaticis, qui solent parvulis exquisita de-

*Ibidem. D. E.* rivando nomina venditare. Addit ibidem: Secundum sanctiones divinorum elo-

quiorum oportet sapere vel spirare, illa refutantes, quæ novæ voces noscuntur

sanctis Dei Ecclesiis scandala generare, ne parvuli aut duarum operationum

vocabulo offensi, sectantes Nestorianos nos vesana sapere arbitrentur; aut certe,

si rursus unam operationem Domini nostri J. C. fatendam esse censuerimus, stul-

tam Eutychianistarum attonitis auribus dementiam fateri putemur. Hæ profecta

caussæ sunt & rationes, quibus motus est Honorius, ut œconomia cuiusdam

ac politiæ caussa, silentium utrique parti imponendum æstimaret.

Probatur 2. quia Sophronius ipse, strenuus ille erroris impugnator,

ac Catholicae fidei vindex acerrimus, missis ad Honoriū Legatis, re

diligenter expensa, Honorio silentium imperanti acquievit.

An porro acquievisset, si pro comperto habuisset silentium illud in ipso

Pontifice errorē tegere ac fovere? Non puto. Constat ista ex secunda

Honorii ad Cyrum & Sophronium Epistola quæ refertur, Actione 13.

*Ibid. p. 968. C.* Synodi sextæ generalis, ubi sic loquitur Pontifex: Scribentes etiam com-

munitibus fratribus Cyro, & Sophronio Antistitibus, ne novæ vocis, idest, unius

vel geminæ operationis vocabulo insistere, vel immorari videantur: sed abrasa

hujusmodi novæ vocis appellatione, unum Christum Dominum nobiscum in uruis-

que naturis divina vel humana prædicit operantem. Quamquam hos, quos ad

nos prædictus frater & Coepiscopus noster Sophronius misit, influximus, ne duarum

operationum vocabulum deinceps prædicare innitatur, quod instantissime

promiserunt prædictum virum esse fakturum, si etiam Cyrus frater & Coepi-

scopus noster, ab unius operationis vocabulo discesserit.

Probatur 3. Constat, ut jam vidimus, tum ex Anastasio Abate, tum

ex ipsomet Honorio, excitatam de una vel dupli in Christo volunta-

& operatione quæstionem, discussam Romæ fuisse simul & a Depu-

tatis Sophronii, & a Clero Romano, inter quos nullus reclamavit, nul-

lus fidem Pontificis in suspicionem adduxit; ne unus quidem ejus Epi-

stola vel sententiæ auctoritate ad sectam Monothelitarum attractus le-

gitur: non sub ipso, non sub Severino, non sub Joanne & Theodoro

eius successoribus, vel Romæ, vel in Italia, vel in Africa, vel in Oc-

idente, quisquam hujus erroris contagione infectus appetit; quod qui-

dem invicte probat, iis omnibus tunc temporis ante sextam Synodum

per-

persuasum fuisse , sanam & puram esse Honorii fidem , nec quidquam ab ipso in Epistola , quam ad Sergium scripsit , de dogmate pronuntiatum , sed uno dumtaxat pacis servanda studio ex cœconomia impo-  
situs circa excitata controvrsiam silentium .

Accedit ad confirmationem , quod multis in Conciliis damnati fue-  
rint , Cyrus , Sergius , Paulus , Pyrrhus , Primates Africani , Stephanus  
Numidiæ , Reparatus Mauritanicæ , Victor Carthaginensis , totidem Sy-  
nodos collegere , quibus mox appellatos Monothelitarum Coriphæos  
damnare ; de Honorio altum silentium : aliis dictum anathema , non  
item Honorio . Intempestiva profecto ac periculosa dissimulatione , si  
reipsa Honorius parem cum aliis errorem in sua Epistola docuisset , ac  
hæreticam evulgasset definitionem .

Dices 1. Ex mox dictis , quæstio de una vel dupli in Christo volun-  
tate Romæ quasi synodice ventilata & expensa fuit , tamquam dogmatica  
quæstio ad fidem pertinens ; & ita quidem eam nuncupat Synodus sexta  
generalis : Oportet , ait Actione 12. ad nos afferri regesta ac dogmatica scri- ibid. p.  
ptæ ... quæ sunt ab Honorio ad Sergium facta super præsenti quæstione dogmatica. 933. B.  
Et re ipsa Synodus scripta hæc hæretica pronunciat , & flammis jubet absurdi.

Resp. nego quæstionem in Epistola Honori expressam velut dogma-  
ticam habitam fuisse ab iis qui eam Romæ expenderunt ; quasi quæ ad  
disciplinam & cœconomiam pertinent , in examen & quæstionem adduci  
non deberent , an expediant , vel non . Evidem sexta Synodus errore  
facti decepta ob perversam Epistolæ Honori e Latino in Græcum ser-  
monem translationem , existimavit Honorium re ipsa unam in Christo  
voluntatem , non duas admisisse : at de facto , testantibus Anastasio Ab-  
bate , & ipso Honori amanuensi qui Epistolam scripsit , in primigenio  
autographo dictæ Epistolæ non legebatur unam esse in Christo volunta-  
tem , sed tantum duas non esse , nempe contrarias ac sibi repugnantes .  
Quapropter , licet ista quæstio in se considerata ad fidem revera perti-  
neat , ac sic judicaverit sexta Synodus ; non is tamen Honorio & aliis  
multis sensus & animus fuit , qui salva duplicitis in Christo inconfusa &  
impermixta natura distinctione , putavit in iis quibus versabatur cir-  
cumstantiis , abstinentium esse ab una vel dupli afferenda voluntate .  
Sexta quidem Synodus , inspecta , quam præ oculis habebat , Epistolæ  
Honori versione seu interpretatione Græca , quæ falsum & erro-  
neum sensum præferebat , jure ac merito tamquam hæreticam damna-  
vit Honori doctrinam : at , ut dictum est , error erat facti ; quia rei-  
psa talis expressa non erat Honori in suis autographis Epistolis Latine  
scriptis , sententia & doctrina .

Dices 2. Honoring idem omnino scripsit & eodem modo locutus est  
ac Sergius : uterque duas contrarias voluntates dumtaxat excludere vide-  
batur : uterque silentium imponendum censebat : atqui tamen jure ac  
merito damnatus fuit Sergius . Anathematizari prævidimus , ait sexta Sy- ibid. p.  
nodus in sententia adversus Sergium & Honorium , eo quod intenimus per 944. E.  
scripta ejus , quæ ab eo facta sunt ad Sergium , quia in omnibus ejus mentem  
secutus est , & impia dogmata confirmavit .

Resp. Perversam & hæreticam Sergii mentem aperte sati patuisse ex  
Conciliis quæ celebravit , ex infidiis quas struxit Dorensi Episcopo , quem Sa-  
phro-

phronius Rōmam destinaverat, ex persecutionibus, quibus Catholicos misere vexavit. Doli ergo ac fraudis plenū erat silentium quod Sergius seryandum esse contendebat; nempe ut tempori sese accommodaret, ac tñtiori & promptiori via posset subinde errorem disseminare: non ita Honorius, qui bono quidem, sed paullo faciliori, ac minus cauto animo, silendum ea in quæstione voluit; nondum satis in dolis ac fraudibus Hæreticorum detegendis eruditus & exercitatus. Neque enim Honorium ab omni culpa hic immunem omnino purgare volumus.

*Utrum major pars Episcoporum, tum Orientis tum Occidentis, Epistolam Honorii cognoverit, & probaverit expresso vel tacito consensu.*

Resp. 1. quæstionem istam inutilem plane ac otiosam videri erga illos Theologos quibus persuasum est Honorium non errasse. Esto, inquit, ad notitiam Orientalium & Occidentalium pervenerit illius genuina ad Sergium Epistola, eo magis accepta & probata inde dicenda erit, quo magis cognita & non reprehensa.

Et vero, eo devenient necesse est quotquot hoc ipso in primis Honorii exemplo utuntur, ut probent Ecclesiam in suo de factis dogmaticis Judicio falli & errare posse: sic enim illi præjudicant puram & ab omni erroris labo immunem fuisse Honorii fidem. At, inquires, nonne a 6. 7. & 8. Synodis damnatus est Honorius? Ita est, reponunt: sed errore faci, quia nempe adulterata & interpolata Honorii Epistola ipsis Patribus oblata fuit, pro genuina & sincera. At nonne educta illa fuit, inquires tursum, ex Archivio Ecclesie Constantinopolitana? Quid tum? Quasi a Græcis interpolari & corrumpi non potuerit in patrocinium erroris quem tuebantur? At saltem sexta Synodus hac sua in Honorium censura, tametsi errore facti lata supponatur, significat, existimare se Romanum Pontificem errare contra fidem, & censuræ subjici posse. Esto, inquit, ita sit: at de multitudine Episcoporum id nunquam sexta aut alia quælibet generalis Synodus pronunciavit. Hic vero quæstio movetur de majori Episcoporum numero; an simul cum Pontifice Romano possit a fide deficere.

Resp. 2. Ut sententia eorum qui Honorium contra fidem re ipsa peccasse, ac multo majorem Episcoporum partem ei adhæsse arbitrantur, dilucide intelligatur, duo sunt distinguenda tempora, nimirum ante, & post sextam Synodum. Honorius Epistolam ad Sergium scripsit, ann. 634. anno vero 638. moritur. Vacat per menses novemdecim Sedes Apostolica: Synodus vero sexta habita est, ann. 680. annis 40. a scripta Honorii Epistola.

Certum est 1. post sextam Synodum Epistolam Honorii omnibus Orientalibus & Occidentalibus pervulgatam & cognitam fuisse; atque Summos Pontifices, quotquot subsecuti sunt, censuræ in Honorium latæ adhæsse.

Certum est 2. ante ipsam sextam Synodum, Episcoporum multitudinem publice ac summo zelo adversus hæresim Monothelitarum insurrexisse; si-  
cure invicte probant bene multa Conciliorum, Episcoporum, Abbatum,  
Tom. 6.  
Presbyterorum monumenta, quæ referuntur in Concilio Lateranensi sub-  
Conc. p. Martino I. anno 649. Ab ista igitur ætate & aliquanto ante, ad sextam  
112. 121 usque Synodum generalem, fingi non potest, nisi per summam absurdita-  
128. 337 tem, majorem Episcoporum partem Monothelitis assensisse. Tota igitur  
diffi-

difficultas eo devolvitur, utrum spatio annorum circiter decem a scri-  
pta Honorii Epistola, prævaluerit Monothelitarum error apud omnes fe-  
re, paucis admodum exceptis, Orientales & Occidentales Episcopos

In quo  
posita sit  
præfens  
questio.

Baronius ad annum Christi 639. de Orientalibus affirmare videtur, *cum*  
refert fidei expositionem ab Heraclio editam, ab Episcopis Patriarchalium De Orië.  
Sedium ultro admissam fuisse. *Quam*, inquit, *cum multa satisfactione & talibus*  
*gratia excepérunt Patriarchalium Sedium Præfules, & grataanter ei consenserunt* Edit.  
.... *Cum in Oriente impietas prævaleret*. At longe abest Baronius ut dicat, Antuer.  
simul cum illis lapsum fuisse Honorium. Quamquam per illos *Sedium Pa-* T. 8. p.  
*triarchalium Præfules*, folios Patriarchas, non autem omnes, qui sub illis 352. D.  
erant, Episcopos, Baronium intellexisse, non immerito dici posset. Igno- P. 349.  
rat enim nemo, Episcopos interdum sententia discrepare ac dissidere a A.  
suis Patriarchis, Primitibus vel Metropolitanis, quibus subjiciuntur. Ne-  
que levis hæc conjectura est in præsenti Monothelitarum causa, sed certa  
probatio, quam suppeditat Theodorus Papa I. in Epistola Synodica ad  
Paulum Patriarcham Constantinopolitanum, ubi diligenter jubet inquiri  
in culpam Pyrri. *Primo quidem*, inquit, *quoniam Heraclium*, ( Imperato- Tom. 5.  
rem ) *qui anathematisavit inviolabilem Orthodoxorum Patrum fidem*, diversis Conc. p.  
*laudibus extulit, & sophisticam iussionem ipsius*, in qua quasi *Symbolum fidei com-*  
*posuit, subscribendo firmavit, furtivisque surreptionibus quosdam Sacerdotes apud* 1779. E.  
*se singulatim prædictam chartam* ( Ecthesim ) *roborare coegit. Quosdam*, ait,  
non omnes. Idem proflus colligitur ex Concilio Lateranensi sub Marti-  
no I. Actione seu Secretario primo, ubi de Sergio dicitur: *Sergius autem* Tom. 6.  
*illicite præsumens Ecthesim*, *quam præ foribus Ecclesiae suæ suspendens*, *divul-* Conc. p.  
*care studuit; & non solum hoc*, *sed & per suam sententiam cum quibusdam ab* 90. B.  
*eo subreptitiis modis deceptis Episcopis in scripto firmavit. Igitur per Præsu-*  
*les Sedium Patriarchalium Baronius intelligit Patriarchas ipsos*, non  
omnes, qui sub Patriarchatu sunt, Episcopos.

Et vero S. Maximus in Epistola ad Petrum Illustrum, testatur quo  
tempore Cyrus & Sergius primum impietatem suam evulgarunt, Eccle-  
siam tranquillam & pacificam fuisse. *Erat*, inquit, *domus omnium per di-* T. 2. p.  
*vinam concordiam & unanimitatem in unum Dei favente gratia in universita-* 75. col. 1.  
*te, que sub Sole consistit, pacifica & tranquilla fide munitis Ecclesiis. Hi ve-*  
*ro qui horum invidebant consonantie .... repente contra veram Christianorum*  
*fidem excogitaverunt Ecthesim.*

Quis porro facile intelligat, Episcopos omnes Orientis potuisse tam  
subito ab avita fide ad errorem traduci? Non ita profecto comparatus  
est hominis animus: paullatim serpit error, nec statim omnes occupat.  
Evidem, si ei non obstitut, magnos progressus facit: sed reipsa stre-  
nue ac constanter Cyro & Sergio obstitut Sophronius cum suis: obstite-  
re Summi Pontifices Severinus, Joannes, Theodorus: obstitere fideles  
omnes. Audiatur ideo S. Maximus, loco mox citato. *Quid autem, per-* Ibidem  
*git, & divinus Honorius; quid vero & post illum Severinus senex; quid de-* col. 2.  
*nique & is, qui post bunc exitit, sacer Joannes?* Porro is qui nunc præsidet  
beatissimus Papa, omisit quidquam supplicationi conveniens? Nonne Oriens to-  
tus & Occidens lachrymas, lamenta, obsecrations, deprecationes ex æquo tam  
Deo per orationes, quam bis per Epistolæ offerebant?

Stephanus Dorenensis Episcopus, quem Sophronius Romanum destinaverat,  
ut

ut Romanum Pontificem de his quæ in Oriente agebantur, certiorem faceret, narrat in prima Concilii Lateranensi Actione, quomodo Legationem illam urgente Sophronio suscepit; quot insidias tetenderint adversarii; quot ab ipsis mala perperitus. *Quintus*, ajebat Sophronius,  
*Tom. 6.* de finibus terræ ad terminos ejus (Romani Pontificis) deambula, donec ad  
*Conc. p.* Apostolicam Sedem, ubi orthodoxorum dogmatum fundamenta existunt, perver-  
*404. E.* nias, non semel, non his, sed multo sapienter aperiens sacris viris ibidem con-  
*Ibid. p.* flentibus omnia secundum veritatem, quæ in ipsis partibus mota sunt .... Quod  
*205. C.* addiscentes contrarii, non levibus me implicuerunt afflictionibus, præceptiones propter me per loca & Provincias dirigentes, quatenus comprehendendi, & ferris consrictus ad eos deberem destinari, sicut omnes cognoscunt.

At, inquit Auctor Libelli cui titulus, *Le Temoignage de la Verité*, ex hac ipsa Dorensis narratione evidens est, longe majorem tunc fuisse Hæreticorum quam Catholicorum numerum. Non ita: sed tunc prævaluisse Hæreticorum, qui gratia Principis abutebantur, ad quidlibet audendum, furorem & audaciam. Longe etenim major tunc erat Catholicorum, quam Monothelitarum multitudo: *Oriens totus & Occidens*, ait S. Maximus, *lachrymas, lamenta, &c. Deo offerebant*. Et ipsem Dorensis paullo ante verba mox citata, *Considerans*, inquit, *supplicationes omnium pene habitantium Orientalium, tractum Reverendissimorum Episcoporum & Christianorum populorum, consonanter prædicto beatæ memorie Sophronio ad hoc me invitantium ... buc properavi, &c.* An quælo verba hæc, *Oriens totus & Occidens: Omnia Episcoporum & Christianorum populorum supplicationes*, bene referunt ac exprimunt paucitatem, ut adversariis placet, quæ tunc erat, Catholicorum Episcoporum & Christianorum populorum; & non potius eorum longe majorem præ ceteris multitudinem?

Verum, inquires, Orientis nomine non omnes Orientales seu Græci intelligendi sunt, sed ii dumtaxat qui versabantur in speciali træctu seu regione, quæ *Oriens* dicebatur, & subjecta erat Episcopis Antiocheno & Hierosolymitano: porro isti aliis numero longe inferiores erant.

Respondeo, reipsa quidem per Orientem nonnunquam intelligi speciale illam regionem quæ suberat Antiocheno & Hierosolymitano Patriarchis; at longe frequentius Orientalis seu Græca generatim Ecclesia intelligitur, prout secernitur ab Occidentali seu Latina: quo sensu usurpatur a Baronio, loco paullo ante citato, & a sancto Maximo, ubi de Cyro Alexandrino & Sergio Constantinopolitano loquitur.

*Epistola Honorii* in Oriente non ita evulgatam & cognitam fuisse

Probatur dupli gravissimo momento; negativo uno, positivo altero.

Primo: si dicta Epistola in publicam apud Orientales venisset notitiam, haud dubie in defensionem erroris aliquo in Concilio adducta & laudata fuisset a Cyro vel a Sergio: eorum enim plurimum intererat, aperte tueri se auctoritate Romani Pontificis: at nullo in Concilio aut Episcoporum Conventu refertur & laudatur. Quin & in ipsa Heraclii Ecclesi, quæ errori tam impense favet, nulla dictæ Epistolæ mentio, quamquam utraque ad idem silentium conspiret. Summis laudibus extollit Sergius Heraclii Ecclesiæ; fraude, dolo ac violentia Episcopos ad ejus subscriptionem adigit; summum in ea erroris sui præsidium collocat: de Honorii autem Epistola ne verbum quidem.

Quæ

*Honorius*  
in Oriente  
te com-  
munitate  
incognita.

Quæ porro causa & ratio fingi potest? Non alia certe, nisi quod vel latet, vel inutilis ad errorem defendendum ipsis videbatur. Quippe si publica illa fuisse; si tamquam regula fidei habita, quomodo a Cyro, vel a Sergio neglecta & omista fuisse? Quomodo in Conciliabulis in quibus Heraclii E&thesim illi promulgarunt, de Honorio ejusque Epistola siluerint?

Secundo: Constat ex Joanne IV. Theodoro, Martino I. Summis Pontificibus, & ex S. Maximo, statim ac prodiit & promulgata fuit Heraclii E&thesis, commotum omnino ac perturbatum fuisse populum Constantinopolitanum, adeo certe ut ad illum sedandum ac placandum, necesse fuerit Paulum Patriarcham illius revocationem ab Imperatore impetrare. Porro ex ipsa Honori Epistola, si nota illa fuisse ac publica, non minus quam ex E&thesi Heraclii offensus ac turbatus fuisse populus Constantinopolitanus; quia par hinc & inde doctrina, par ex utraque parte silentium imponitur.

Dices: Constat ex ante dictis; tum ex Abate Anastasio, tum ex ipso-  
met Honorio, Epist. 2. questionem illam de una vel duplice in Christo  
voluntate, Romæ cum Deputatis Sophronii discussam fuisse.  
T. 2. Op.  
S. Max.  
p. 32.  
Tom. 6.  
Conc. p.

Constat 2. impiam E&thesim Heraclii a Cyro in Synodo Alexandrina,  
& a Sergio in Constantinopitana probatam & subscriptam fuisse; ergo  
tunc temporis multo major Episcoporum numerus errori subscriptis.  
968. C.  
969.

Constat 3. Epistolam Honori Sergio Constantinopolitano, ad quem  
scripta fuerat, imo & Cyro Alexandrino, & Sophronio Hierosolymitano  
apprise cognitam fuisse: quin & Cyrus & Sergius pro defensione E&thesis  
abusos illa fuisse, testatur Sanctus Maximus. In suis, inquit, contextis pro  
impia E&thesi actionibus secum magnum Honorum accepérunt, sue præsumptionis  
ostentationem ad alios facientes viri in causa pietatis maximam eminentiam.

Resp. ad primum: Fatemur Sophronii Deputatos cum Romanis de mo-  
ta quæstione unius vel duplicitis in Christo voluntatis, colloquium habui-  
se, atque ab ipsomet Honorio bene instructos, silentio, quod Pontifex  
nihil mali suspicatus imperabat, modo & illud Cyrus ac Sergius ser-  
varent, tandem consensisse. Sed quid inde? Hoc unum: ex silentio il-  
lo quod ex œconomia & politia dumtaxat erat impositum, nullum dog-  
mati Catholico circa duas in Christo voluntates præjudicium revera in-  
ferri; tametsi postea eo turpiter abusi fuerint Cyrus, Sergius, ceterique  
Monothelitæ, qui Honorum in partes suas, hujus imperati silentii præ-  
textu, trahere conati fuerunt.

Ad secundum: nego conseq. quia non ab omnibus, sed ab aliquibus dum-  
taxat Episcopis E&thesis subscripta fuit, quos violentia & furtivis moliti-  
nibus Cyrus & Sergius ad subscribendum coegerunt. Ita colligimus ex Theo-  
doro I. Papa in Epistola ad Paulum Constantinopolitanum, & ex Concilio  
Lateranensi sub Martino I. Actione seu Secretario primo, verba paullo su-  
perius retulimus. Non hæc profecto vera Concilia fuere in quibus E&thesis  
promulgata fuit, sed Conciliabula ac latrocinales Conventus. Subit me  
admiratio, dicebat Maximus, in sua cum Pyrrho disputatione, quomodo  
Synodus vocas, quæ non est habita ut Leges & Canones Synodici & jura Eccle-  
siastica jubent. Nec enim Epistola encyclica ex Patriarcharum consensu edita est;  
neque locus aut dies convenienti statutus. Non fuit aliquis actor aut accusator. Com-  
mendatitias Litteras non habuerunt, nec Episcopi a Metropolitis, nec Metropo-  
litæ a Patriarchis. Nullæ Epistole aut Vicarii ab aliis Patriarchis missæ  
Tournely de Ecclesia. Tom. V. Pars I. R. sunt.



sunt. *Quis igitur vel rationis mica præditus synodum vocare sustineat, quæ scandalis & discordia replevit orbem terrarum?*

Et in Epistola ad Petrum Illustrem, ea Conciliabula vocat latrocinales  
Ib. p. 75. *Synodos & concursus Episcoporum, non voto convenientium, sed violentia con-*  
*col. 1. tractorum; non exhortatione properantium, sed ex fuga Barbarorum peregre profi-*  
*ciscentium. Dein iussiones & minas hic atque illuc adversus pios transmissas.*

Hecce sunt Concilia, hi Episcopi a quibus dogma Catholicum de duplice in Christo voluntate generatim proclamatum fuisse adversarii ventitant? Qui nec numero superabant pios illos, quos persecutio vexabat; nec ea libertate fruebantur, quæ Episcopos decet in rebus ad Religionem spectantibus.

Ad tertium: Certum quidem est Epistolam Honorii Sergio & Cyro apprime cognitam fuisse: quis ea de re dubitat? At non minus etiam certum videtur, ab illis evulgatam illam non fuisse, sed occulte servatam, ne forte si eam male interpretati fuissent, statim falsitatis ab Honorio ipso redarguerentur.

Quapropter clanculum & in occulto dumtaxat sese hujus Epistole auctoritate tuebantur, non aperte, non publice, cuius in nullo publico Instrumento, in nullo Concilio, vel Episcoporum Conventu mentionem unquam fecisse leguntur. Eadem illis erat agendi ratio erga Honorium, quæ erga Sophronium, quem suas in partes se pertraxisse illi gloriabantur, non quidem aperte ac publice, sed clanculum & per occultas susurrationes. Ita testatur sanctus Maximus, citata ad Petrum Illustrem Epistola. *Deterior, inquit, illis mos est, & veluti speciale omnium 75. col. 1. universorum Hæreticorum indicium, quia & sua ipsius impietatis obnoxios, scribunt innoxios. Sophronium quippe, qui prudenter divisa perdocuit & prædicavit Ecclesiæ Catholice dogmata, se in errorem movisse bac illaque susurrant.*

Occidentalibus etiam Episcopis communiter incognita fuit Honorii ad Sergium Epistola, antequam Pyrrhus de illa fecerit mentionem. Quapropter mirum videri non debet, si de illa diu siluerint: unde ex tali eorum silentio approbatam ab illis eam fuisse saltem tacite, conclu-di merito non potest.

Probatur 1. ex Summo Pontifice Joanne IV. in secunda ad Constantium Imperatorem filium Heraclii Epistola, ubi testatur Occidentales offensos plurimum fuisse variis, quas Pyrrhus circumquaque spargebat, relationibus, quibus Honorium etiam suas in partes adducere nitebatur. *Quantum Tom. 5. Conc. p. enim, inquit, ex diversis suggestionibus, quæ ad nos ceteratim venerunt, quin 1759. A. imo & ex ipso quoque auditu didicimus, omnes Occidentales partes scandalizatæ turbantur, fratre nostro Pyrrho Patriarcha, per litteras suas hic atque illuc transmissas, nova quedam & præter regulam fidei prædicante, & ad proprium sensum, quasi sanctæ memorie Honорium Papam decessorem nostrum attrahere festinante, quod a mente Catholici patris erat penitus alienum. Cum hæc scribebat Joannes IV. tredecim jam anni effluxerant a scripta Honorii Epistola; ergo ante istud tempus communiter Occidentalibus incognita fuerat. Qua igitur ratione potuisset illa, tamquam regula fidei, tacito saltem consensu seu silentio ab illis approbari, de qua nihil audierant?*

Probatur 2. quia constat apud omnes, & Ethesim Heraclii, & Typum Constantii summo omnium consensu in Occidente damnatum ac proscriptum



ptum fuisse a Joanne IV. Theodoro ejus successore, Martino I. &c. ob hæresim Monothelitarum quæ in illis fidei expositionibus continebatur. Porro si Honorii Epistola in cognitionem Occidentalium tunc devenisset, censuram & publicam damnationem effugere profecto non potuisset, ob eam, quam in verbis habere videtur cum Ethesi Heraclii, & Constantii Typo similitudinem. Nihilominus tamen eam vendicat Johannes IV. missa ad Imperatorem illius apologia; qua tamen non obstante, ubi divulgata fuit Honorii Epistola, a sexta Synodi generali gravi & pari censura cum Cyro, Sergio, Pyrrho ceterisque Monothelitis confixa fuit. Ibid.

## ARTICULUS V.

*An & quæ unanimitas suffragiorum in Episcopis necessaria fit ad firmam & inconcussam ferendæ vel latæ definitionis auctoritatem.*

**T**antam affinitatem habet præsens Quæstio cum præcedenti, ut se jungi ab illa non possit.

Quippe si a vero aberrare nunquam potest, virtute promissionum Christi, Corpus Episcoporum qui Capiti suo Romano Pontifici adhaerent, consequens omnino est, definitionem dogmaticam Sedis Apostolicae, quæ a longe majori Episcoporum multitudine recipitur ac probatur, paucis admodum reclamantibus, illa paucorum resistentia infirmari non posse, adeoque perfectam unanimitatem absolute non requiri, ut lata definitio vim & auctoritatem supremæ legis obtineat. Necesse igitur est hic revocare animum ad ea quæ paullo ante fusiis disputata sunt circa auctoritatem pluralis numeri, seu multitudinis Episcoporum, ut plenior præsentis difficultatis discussio ac solutio habeatur.

Observandum autem i. duplarem generatim unanimitatem distingui; unam physicam & absolutam, alteram vero moralem. Physica dicitur & absoluta, quæ ex suffragiis omnium Episcoporum, ne uno quidem excepto; moralis vero, quæ ex suffragiis multo majoris partis, paucis admodum exceptis, coalescit. Solet hæc vulgo *Quasi unanimitas* appellari, ut distinguatur a physica & rigorose sumpta unanimitate. In moralibus quippe sola requiritur ac sufficit moralis unanimitas, seu suffragiorum consensio, cuius vim & auctoritatem imminuere ac labefactare non potest paucorum resistentia: alioqui nihil unquam fixum ac ratum in humanis Judiciis haberi posset.

Dixi, *paucis admodum exceptis*. Namque si tanta foret Episcoporum discordia, ut hinc & inde diversas in partes scinderentur numerosæ ac insigniores Ecclesiæ, sicut contigit in controversia de Baptismo ab Hereticis collato, tempore Stephani Summi Pontificis & S. Cypriani, tunc nequidem moralis adesset unanimitas, saltem completa & perfecta, adeoque ad Concilium generale recurrentum foret. Non quod in eo etiam majoris discordiae ac dissensionis casu, Ecclesia dispersa sufficienti auctoritate absolute careat ad rem ultimo finiendam ac terminandam: (fieri enim potest ut diu impossibilis evadat multis ex caussis Concilii Oecumenici congregatio; fieri vero non potest, Deo ita prudente, ut Ecclesia omni ope ac remedio destituta maneat ad errorem propulsandum, & stabiliendam fidei veritatem) sed quod in his cir-

cumstantiis generale Concilium commodior & aptior videatur ad elucidandam controversiam, & animos conciliandos via & ratio.

Observandum 2. nonnullos e recentioribus unanimitatem illam morallem subdividere in priorem & antecedentem, & in posteriorem seu consequentem: antecedentem vocant eam quæ definitionem præcedit; subsequentem vero eam quæ sequitur. Fatentur illi quidem, nec unanimitatem physicam, nec etiam moralam, quæ definitionem seu Judicium Ecclesiæ antecedit, necessariam esse, imo nec ordinarie nec moraliter loquendo possibilem: tanta nimis est ingeniorum & opiniorum diversitas, atque in istis tenacius propugnandis vulgo firmitas ac constantia; unusquisque enim sensu suo abundat: subsequentem vero unanimitatem sic necessariam esse arbitrantur, ut qui latæ definitioni reluctantur, nec sunt ab Ecclesia damnati ac præcisi, ii sua resistentia unanimitatem necessariam abrumpant; & consequenter omnem latæ sententia vim admant & auctoritatem. Adversus novum istud figuratum sit

### C O N C L U S I O.

Ad robur & firmitatem dogmaticæ definitionis sufficit moralis Episcoporum unanimitas, quam non impedit paucorum resistentia. Distinctio vero unanimitatis antecedentis & consequentis, sensu exposito, novum est figuratum.

Probatur 1. quia ea sufficit unanimitas, quæ est totius Corporis Ecclesiæ, cui a Christo Domino promissum est donum inerrantiae: *Vobis scum sum omnibus diebus. Portæ inferi non prævalebunt:* atqui unanimitas multitudinis Episcoporum qui Capiti suo Romano Pontifici adharent, est moralis unanimitas totius Corporis Ecclesiæ cui a Christo Domino promissum est donum inerrantiae; ergo unanimitas illa sufficit, nec paucorum resistentia nocere ipsis potest.

Utraque præpositio certa & evidens videtur. Prima quidem: namque consentiunt Orthodoxi omnes, veritatem fidei ita indissolubili nexu Corpori Ecclesiæ alligatam a Christo fuisse, ut nunquam deficere illa possit: *Portæ inferi non prævalebunt*, ergo ubi est Ecclesia, ibi est veritas. Atqui (qua secunda est præpositio) ubi est multitudo Episcoporum Capiti suo Romano Pontifici adharentium, ibi est Ecclesia Corpus ac totius corporis moralis unanimitas; ergo ibi est veritas. Ubi enim, quæso, esset Ecclesia, si non esset in ea Episcoporum simul cum Romano Pontifice multitudine? An in illis paucissimis qui reluctantur ac contradicunt? at quid absurdius? Nonne Ecclesia multitudine ac diffusione constat? Quis in animum unquam suum induxerit, Christum, postposita multitudine, paucis adesse; præsertim cum non uni aut alteri, sed omnibus Episcopis, sed toti Corpori Ecclesiæ omnibus diebus ad futurum se pollicitus fuerit?

Ita est, inquires, sed illi pauci Episcopi, qui resistunt, unam & eamdem simul cum aliis Ecclesiam componunt, a qua præcisi ac separati non sunt. Esto, externam illi cum Ecclesia unionem habeant: at certe non internam, quæ in consensione ejusdem fidei ac doctrinæ posita est. Semper ab illius Ecclesiæ quæ sine macula & ruga est, unitate divisus est, ait S. Augustinus lib. de Bapt. contra Donatistas, c. 17. n. 26. etiam qui congregati Sanctorum

Eorum in carnali obduratione miscetur. Præterea, illi pauci numero Episcopi qui multitudini resistunt, a qua tamen exterius se non separant, vel prætendunt sua resistentia posse se multitudinis unanimitatem necessariam impedire, vel non: si prius, prætendunt ergo impedire se posse, ne Christi promissio[n]es de perpetua Ecclesiæ inerrantia, in ipso Ecclesiæ totius Corpore impleantur? Quid absurdum magis ac ridiculum? Si posterius, ut quid resistunt auctoritati, qua nulla major in terris dari potest, & cui omnibus diebus adfuturum se Christus sollemniter promisit?

Non repeto momenta quæ supra duximus ex unitate, visibilitate & Catholicitate Ecclesiæ; sicut nec ea quæ ex Traditione prolatæ sunt: ea consulat, qui plenius de hocce argumento edoceri voluerit.

Addo dumtaxat Tertullianum, qui testatur in mente Catholicorum Ecclesiam ex multitudine Episcoporum coalescere. Lib. de pudicitia c. 21. Ecclesia, inquit, delicta donabit, sed Ecclesia spiritus per spiritalem hominem, P. 574. non Ecclesia numerus Episcoporum. Sigillat eo loci Tertullianus Montanista factus, sententiam Catholicorum, qui Ecclesiam in numero seu multitudine Episcoporum collocabant, quam Montanistæ in Trinitate, Patre, Filio, & Spiritu Sancto, positam arbitrabantur; ergo, vel ipso teste Tertulliano, Catholicæ tunc temporis agnoscebant, Ecclesiam, quæ docet, ac ministerium exercet, in numero seu multitudine Episcoporum residere.

Addo & suffragium ipsiusmet Constantii Imperatoris, in Colloquio quod habuisse dicitur cum Liberio Summo Pontifice apud Theodorenum. Quæ jam, inquietabat, formam excepero judicii, ea resolvi amplius non pos- Theod. l. 2. Hist. c. 16. p. 94. C. sunt. Valere enim debet plurium Episcoporum sententia.

Equidem fallitur Constantius Imperator, cum speciali facto Concilii Ariminensis perperam applicat commune istud ac tritum principium: tum quia Summus Pontifex Liberius non consenserat, imo potius damnaverat quæ eo in Concilio peracta sunt: tum quia per vim ac violentiam ad subscribendam formulam Arianam Episcopi Ariminenses coacti fuerant; at in ipso principio seu communi omnium sententia non fallitur Imperator.

Addo, ex usu ac praxi Concilii Tridentini aliorumque præcedentium, ea doctrinæ capita de quibus multo major pars Episcoporum convenerat, rata semper ac fixa prævaluisse, tametsi nonnulli contradixissent, aut etiam contradicerent. Narrat Pallavicinus, l. 18. Hist. Conc. Trid. c. 2. diu agitatam quæstionem istam, An Christus in ultima Cœna semetipsum in sacrificium Deo Patri obtulisset; divisa hinc &c inde suffragia fuisse. Que Tom. 3. His[tor. Concil. Trid. p. 109. n. 12. res, inquit, hunc exitum tulit. Cum initio complures repugnarent declarationi bujusc oblati, quo hic se Christus quocumque modo obtulisset, postremo contigit ad- versus quam evenire solet in subtilioribus disputationibus, in quibus sui quisque ingenii conceptus amans, in propugnata sententia inhæret firmius. Etenim fere omnes in primam sententiam (nempe Christum semetipsum obtulisse) abiere, etiam qui acerrime illi restiterant. Particula, fere, aperte innuit non omnes omnino Patres consensisse, sed extitisse aliquos qui repugnarent. Petrus Suavis, l. 6. Hist. Conc. Trid. ait, medium fere partem in aliam abiisse sententiam: nihilominus ea non obstante repugnantia, aliter conclusum a Patribus fuisse, licet, ut ait, p. 559. viginti tres Episcopi resisterent.

Ibidem p. 554, refert, Decretum de Missæ sacrificio ac Communione Tournely de Ecclesia. Tom. V. Pars I.

sub una vel utraque specie, quod Imperator in suspenso manere postulabat, tandem suffragiorum pluralitate prævaluisse, tametsi qui repugnabant, aperte intercederent. Idem repetit, p. 556. & 559.

P. 27. n.  
19. Addo denique, Illustrissimum bonæ memoriae Bossuetium Meldensem Episcopum in Epistola ad Moniales Portus Regii, quam Eminentissimus Cardinalis de Noailles publica data approbatione suam fecit, affirmare, nihil injustius esse, quo patentior ad manifestam rebellionem aditus appetiatur, quam si quis contendat Judicia Ecclesiastica vim omnem suam non sortiri, priusquam partes adversæ acquiescant.

Et vero Decreta Ecclesiæ adversus Arianos, Macedonianos, Novatianos, Nestorianos, Eutychianos, &c. firma semper & inconcussa permanerunt, tametsi nonnulli Episcopi pertinacius illis reluctati fuerint. Ita est, reponunt aliqui Recentiores; sed illi ab Ecclesia ejecti & anathemate percussi fuerant, cui cum Ecclesiam non audirent, velut Ethnici ac Publicani habebantur: qui vero multorum sententiæ obſtinent, nec ab unitate communionis excluduntur, ii non præsumuntur ipsimet Ecclesiæ reluctari, alias ab eis ſinu ejicerentur, sed aliquorum dumtaxat, licet numero plurium, sententiæ; atque hac ſua riferentia, unanimitatē etiam moralem conſequentem ac necessariam impediendo, casam & nullam reddunt quoad vim obligandi, latam ſententiam ſeu definitio- nem. Enfigmentum quod nonnulli Recentiores, desperatae cauſæ tuenda necessitate compulsi excogitarunt: figmentum, ſi quod unquam fuit, re- & rationi non minus quam ſaniori Theologiae repugnans; de quo jam di- ximus ubi de Deo ac divinis Attributis, T. I. p. 147. & seq. Non pigebit ea hic retexere, quæ ad praesens nostrum institutum maxime pertinent.

Probatur itaque 2. distinctionem unanimitatis antecedentis & conſequentis, ſenu anteа expoſito, putidum eſſe figmentum.

I. Distinctio hæc nova eſt, gratis ficta, imo absurditatis & contradic- tionis plena. Namque ſi unanimitas antecedens non eſt neceſſaria ut de- finitio condatur, multo minus conſequens neceſſaria videtur, ut lata definitio rata ſit & firma. Non enim ſatis intelligimus, qua ratione fieri poſſit, ut defectus unanimitatis non obſtet condendæ definitioni, & tamen conditam ſuspendat & infirmet: maniſta hic apparet contradic- tio ac pugna. Quippe, vel definitio quæ fit ſine unanimitate antece- dente, rata eſt ac firma, vel non: ſi rata eſt; ergo infirmari non po- test per ſubsequentem paucorum diſſenſum, ſeu non unanimitatē, ſicut non po- tuit impediri per antecedentem: eadem enim auctoritate ſtat lex & conſirmatur, qua primum condita euit. Sicut ergo Episcopi nu- mero plures legem ſtatuerunt, non obſtantे paucorum diſſenſu; ita pariter eam conſervare ac firmare poſſunt, tametsi nonnulli obloquantur & contradicant.

Si vero rata non eſt definitio cui nonnulli primum diſſentient, ergo antecedens unanimitas, velint, nolint, neceſſario requiritur ut definitio condi poſſit. Iſtud tamen fateri non auident, quos hic impugnamus; quod nempe ſatis intelligent futurum inde, ut omnia fere dogmatica Ecclesiæ Decreta ſubvertantur, quæ adverſantes nonnullos Episcopos frequenter habuiffe, Historiæ monumenta demonſtrant. Ergo distinctio illa unanimitatis prioris & posterioris, antecedentis & conſequentis,

ad hoc unum excogitata videtur, ut adversarii sicut faciant apud incautum & imperitum vulgus; rem tenebris involvant, atque quoquo modo e manibus Catholicorum elabantur.

II. Istud quoque ea in opinione absurdum ac ridiculum maxime videtur; paucos scilicet numero Episcopos qui latæ definitioni contumacius resistunt, si ab Ecclesia per tempus aliquod benigne tolerentur, nec statim damnati ejiciantur, vim omniem & auctoritatem latæ definitioni, defectu unanimitatis subsequentis, detrahere. Si ita est, juvat ergo & expedit, ut Ecclesia ad conservandam unanimitatem & auctoritatem suam, omni deposito clementie ac benignitatis sensu, Episcopos illos rebelles ac contumaces statim ac sine mora disperdat, condemnet, ejiciat e sinu suo, diris omnibus devoveat: ni enim fecerit, peribit simul cum unanimitate, auctoritas latæ sententia, & ipsam Ecclesiam clementia in præjudicium & ruinam auctoritatis ipsius tota convertetur. Quid absurdius & ridiculum magis?

Præterea: vix in principiis adversæ sententiæ intelligitur, qui fieri possit, ut Episcopi numero plures satis quidem auctoritatis habeant ad alios paucos daminandos & ejiciendos; non autem ad conferendam suæ definitioni vim legis supremam & irrefragabilem. Imo non satis intelligitur, quomodo Episcopi numero plures, alios paucos rebelles ac contumaces dannare & ejicere valeant, nisi prius supremo Concilio generalis Judiciorum terminata & definita fuerit: siquidem in adversa sententia, stante paucorum resistentia, tollitur unanimitas, consequens seu perfecta, ista vero sublata, quomodo remanet in aliis Episcopis, tametsi numero superioribus, satis virium & auctoritatis, ut absoluto & decretorio Judicio justam pronuncient excommunicationis sententiam? Male ista cohaerent secum invicem; nisi eo absurditatis tandem deveniatur, ut dicant (quod dicere hæc tenus ausi non fuere) sententiam excommunicationis eo in casu nonnisi a Concilio generali ferri posse.

III. Si defectus unanimitatis subsequentis irritam efficiat definitionem a multo majori Episcoporum numero latam; ergo pendebit ex nutu & arbitrio paucorum, qui suis occupantur præjudicis, suo dissensu legem infringere, aut saltem suspendere? Quo igitur, eo in casu, recidet Ecclesia auctoritas, cui Fidelis quilibet, nisi pro Ethnico & Publicano haberi velit, obtemperare tenetur? Ad quos Episcopos tunc temporis se convertent Fideles? Quos audient ac sequentur duces & magistros in rebus fidei? An liberum erit unicuique, quam voluerit, amplecti sententiam; ac posthabita Episcoporum multitudine, paucitati adhærere? Quæ inde confusio & recti ordinis perturbatio? Aut ergo tunc nulla agnoscenda erit auctoritas in Ecclesia, aut in multitudine collocanda: nulla etenim major in his circumstantiis assignari potest auctoritas, quam quæ in multitudine residet; majori autem auctoritati cedendum esse, ipsa æquitas & recta dicit ratio.

IV. Denique: Communis hæc semper fuit, ut supra jam dictum est, ac recepta omnium Tribunalium lex ac regula, ut ex plurali suffragiorum numero sententia pronuncietur. Si enim audiantur qui repugnant ac contradicunt; si expectetur eorum consensus, nec prius lata sententia vim & auctoritatem legis assequatur, quam sententiæ acquiescant,

nulla unquam finietur controversia, æternæ erunt ac interminabiles discordiæ: quanta inde & in Republica & in Ecclesia rerum perturbatio! Quod si in omni civili ac politico Tribunal iex illa locum habet, quanto magis in Ecclesiastico? Etenim multitudo Episcoporum qui Romanum sequuntur Pontificem, eam ipsam Ecclesiam repræsentant, cum suprema doctrinæ ac ministerii auctoritas a Christo concessa est; simul cum singulari inerrantiae seu infallibilitatis privilegio. *Vobiscum sum omnibus diebus, Portæ inferi non prævalebunt.*

Dices 1. Petrus Suavis, lib. 6. Hist. Conc. Trid. pag. 561. rationem reddens cur Decretum quod communionem Calicis spectat, simul cum aliis ad Sacrificium Missæ pertinentibus collocatum non fuerit, ait Patribus Tridentinis id observatum semper fuisse, ut in Decretis disciplinae ac reformationis, pluralitas suffragiorum sufficeret, non vero in Decretis quæ ad fidem pertinent, quando plures ex alia parte contradicunt & adversantur; ergo sententia Patrum Tridentinorum hæc fuit, non ex majori tantum suffragiorum numero, sed ex perfecta unanimitate decreta fidei efformanda esse.

Resp. perfectam reipsa esse unanimitatem, quando pauci tantum numero reclamant: si vero ante latam definitionem plures fuerint, qui reclament, ut fert textus Suavis; si auctoritate vel dignitate Sedis illustres ac conspiciui, ita ut periculum sit gravissimæ alicujus discordiæ ac dissensionis, ut contigit tempore S. Cypriani, tunc non ex una simpliciter ac mathemati ce sumpta pluralitate res ultimo dijudicanda est ac terminanda, sed maturius expendenda, donec vel ad unitatem & consensionem redeant, qui repugnabant, vel Ecclesiæ Judicio & auctoritate decretorie finiatur ac terminetur.

Dices 2. S. Augustinus perfectam & concordissimam postulat Ecclesiæ auctoritatem & unanimitatem, ubi de rebus fidei illa pronunciat. Sic loquitur sanctus Doctor, lib. 2. de Bapt. contra Donat. c. 4. n. 5. *S. 2. p. tis ostendit (S. Cyprianus) facillime se correcturum fuisse sententiam suam, si quis ei demonstraret Baptismum Christi sic dari posse ab eis qui foras exierunt, quemadmodum amitti non potuit cum foras exirent: unde multa jam diximus. Nec nos ipsi tale aliquid auderemus afferere, nisi universæ Ecclesiæ concordissima auctoritate firmati, cui & ipse sine dubio cederet, si jam illo tempore questionis hujus veritas eliquata & declarata per plenarium Concilium solidaretur.*

Resp. perfectam & concordissimam Ecclesiæ auctoritatem & unanimitatem, juxta S. Augustinum, paucorum resistentia non impediri. Et certe sanctum Doctorem non exigere ad plenam & perfectam latæ sententiæ firmitatem & auctoritatem, donec qui repugnant ac contradicunt ipsi tandem consenserint, patet manifeste exemplo Pelagianorum, quorum causam finitam esse affirmat, licet non ignoraret decem & octo inter illos pertinaces in errore suo permanisse, interposta ad Concilium generale appellatione, quos Imperator tamquam Ecclesiæ & Imperii perturbatores, in exilium deportari mandavit.

#### A R T I C U L U S . V I .

*Quale fit a Christo institutum regimen Ecclesiæ.*

**T**riplex a Philosophis distinguitur regiminis seu gubernationis species: Monarchia, quæ est imperium unius, cuius arbitrio & voluntate rerum

verum summa definitur: Aristocracia, id est, regimen Optimatum: cui opponitur Oligarchia, hoc est, factio paucorum: & Democratia, hoc est, populi totius imperium, quod in seditiones non raro degenerat.

*Quamquam autem, ait Bellarminus, lib. 1. de Romano Pontifice, c. 1. T. 2. p. tres tantum iste sint forme simplicis gubernationis, possunt tamen inter se illae quasi promisceri; ex qua permixtione quatuor aliae formae mixti regiminis producentur. Una, temperata ex omnibus tribus: altera, ex Monarchia & Aristocracia: tertia, ex Monarchia & Democratia; postrema, ex Democratia & Aristocracia.*

Non hic jam inquirimus quænam sit optima regiminis politici ac civilis species, de qua Philosophi in Moralibus; ubi monarchicum regimen solent ceteris anteponere.

De forma regiminis Ecclesiastici a Christo instituta & præscripta hic dumtaxat disputamus.

Supponimus 1. regimen Ecclesiæ sub Christo Summo ejus Capite & animarum Pastore, esse pure monarchicum, absolutum & omnino pendens ab ejus voluntate; atque hoc sensu Christum merito Regem appellari, juxta illud Ps. 2. v. 6. *Ego autem constitutus sum Rex ab eo super Sion montem sanctum ejus.* Quo etiam sensu Ecclesia Regnum ejus appellatur, Lucæ 1. v. 33. *Regni ejus non erit finis.*

Supponimus 2. regimen Pastorum Ecclesiæ esse dumtaxat ministeriale externum, legibus a Christo positis strictum, juxta illud S. Pauli 1. Corinth. 1. v. 1. *Sic nos existimet homo, ut Ministros Christi ac dispensatores mysteriorum Dei.*

Supponimus 3. tamquam rem inter Catholicos omnino certam & exploratam, regimen Ecclesiæ Democraticum non esse, hoc est, plebi & multitudini Christianæ non concessum: quia nusquam plebi dedit Christus claves Regni Cælorum, & auctoritatem ligandi ac solvendi, nusquam jus concessit Ministros ordinandi ac consecrandi, sicut ex professo ostendimus in nostro de Sacramento Ordinis Tractatu, ac demonstrat Bellarminus, lib. 1. de R. Pontifice, c. 6.

Supponimus 4. neque Principibus secularibus a Christo concessam Ecclesiæ regenda ac gubernanda auctoritatem. Sunt enim utriusque potestatis spiritualis seu Ecclesiastice, ac temporalis seu Regis fines ac officia plane distincta, ut etiam inferius demonstratur sumus, expendendo an Ecclesia ius aliquod directum aut indirectum habeat in res Principum temporales. Celebre est istud Osii Episcopi Cordubensis ad Constantium Imperatorem effatum: *Ne te rebus misceas Ecclesiasticis, neu nobis bis de rebus pracepta mandes; sed a nobis potius haec edicas. Tibi Deus imperium tradidit, nobis Ecclesiastica concredidit.* Ac quemadmodum qui tibi imperium subripit, *Deo ordinanti repugnat; ita metue, ne si ad te Ecclesiastica pertrahas, magni criminis reus fias.* Si aliquas ergo in tractandis Ecclesiæ negotiis aliquando partes habuere Imperatores ac Reges; si leges condiderunt ad fidei, morum, ac disciplina Ecclesiastice conservationem ac tutelam, certe non tamquam Religionis Judices, sed tutores dumtaxat, defensores Canonum, ac vindices disciplina Ecclesiastice id fecerunt.

Supponimus 5. vere Monarchicum esse Ecclesiæ regimen: siquidem unus est primus ac summus in Ecclesia Pontifex, cui, ut jam ostendimus, B.

Epist. ad  
Constanti-  
tium  
quam  
refert S.  
Athani-  
nus in Ep.  
ad soli-  
tarium  
vitam  
agentes.  
T. 3. p.  
371. A.

concessus a Christo fuit primatus honoris & jurisdictionis in alios Episcopos. Unde etiam sequitur Ecclesiasticum regimen pure aristocraticum non esse, seu penes solos Episcopos; utpote qui superiorem agnoscant Romanum Pontificem, cui omnes parere tenentur.

Tota igitur quæstio hic a nobis expendenda in eo est, an Ecclesiæ regimen sit pure monarchicum, quod ab unius Pontificis Romani arbitrio & imperio pendeat, an vero sit Aristocracia temperatum, ut Canonibus seu regulis Ecclesiæ subditum; quemadmodum declaravit Clerus Gallicanus, an. 1682. his verbis: *Hunc Apostolicæ potestatis usum moderandum per Canones Spiritu Dei conditos, & totius mundi reverentia consecratos: valere etiam regulas, mores, & instituta a Regno & Ecclesia Gallicana recepta, Patrumque terminos manere inconcusso, atque id pertinere ad amplitudinem Apostolicæ Sedis, ut Statuta & Consuetudines tantaæ Sedis, & Ecclesiarum consensione firmatae propriam stabilitatem obtineant.* Ita Clerus Gallicanus.

3. Propositio Cleri Gallica. ni an. 1682. Sacra etiam Facultas Parisiensis in ea declaratione, quam an. 1663. Regi Christianissimo obtulit, articulo 4. sic loquitur: *Quarto, eamdem Facultatem non probare, nec probasse unquam propositiones ullas Christianissimi Regis auctoritati, aut germanis Ecclesiæ Gallicane Libertatibus, & recepiis in Regno Canonibus contrarias. V. g. quod Summus Pontifex deponere possit Episcopos adversus eosdem Canones.* Itaque sit

### C O N C L U S I O.

Regimen Ecclesiæ pure monarchicum non est, sed Aristocracia temperatum; atque usus Apostolicæ potestatis moderandus est per Canones Spiritu Dei conditos & totius mundi reverentia consecratos.

Tres sunt Conclusionis partes. Prima, regimen Ecclesiæ vere monarchicum esse: secunda; non esse pure monarchicum, sed Aristocracia temperatum: tertia, usum potestatis Apostolicæ moderandum esse per Canones, quibus illa subdita esse debet.

Prima pars ex dicendis postea de primatu Summi Pontificis supra alios Episcopos, abunde demonstrabitur. Namque illud regimen vere monarchicum dicitur ac re ipsa est, in quo est aliquis superior cui omnes parere tenentur in iis quæ ad Ecclesiæ gubernationem pertinent. In hoc quippe distinguitur Aristocracia a Monarchia, quod in priori omnibus regendi munus incumbit, sint in auctoritate ac jurisdictione patres; in posteriori autem, penes unum aliquem sit potestas universalis regendi, & ceteris imperandi: atqui esse in Ecclesia Christi Romanum Pontificem ceteris Episcopis honore & jurisdictione superiorem, ex dicendis manifestum erit; ergo regimen Ecclesiæ vere monarchicum est ac dici potest, non vero simpliciter & absolute aristocraticum, ut vollebat Marcus Antonius de Dominis, qui suam hanc sententiam falsa faciat Falcati imponebat. *Parisiensium doctrina,* inquietabat ille, enucleate intellecta nihil discrepat a mea his Libris tradita doctrina, & ab ipsa veritate. Et pauclo post: *Schola itaque Parisiensis & nostra est, & re ipsa potestati studet aristocraticæ, non monarchicæ: quare ex ejus quoque doctrina Papatus nullo potest solido subsistere fundamento.* Ad quam propositionem sacra Facultas in sua contra quatuor priores Libros de Republica Ecclesiastica aucto-

auctore Marco Antonio de Dominis, an. 1617. n. 9. censura sic habet: *Mera est contra Facultatem Parisensem impostura.*

Et certe Germonius, Lib. de potestate Ecclesiastica, Consideratione 10. & 11. docet potestatem Ecclesiasticam in sua plenitudine esse formaliter & subjective in solo R. Pontifice quem appellat Monarcham primum.

Pariter Cardinalis Cameracensis Petrus de Alliaco, in Tractatu de auctoritate Ecclesiae, quem in ipsa Synodo Constantiensi scripsit, tertia parte, c. 1. distinguit triplicem modum quo res in alio esse potest: 1. tamquam in subjecto, sicut virtus est in anima, accidens in substantia; 2. tamquam in objecto, sicut aliquis effectus dicitur esse in causa sua vel in suo fine, quia in illum tendit tamquam in suum objectum finale; 3. tamquam in exemplo, ut res visa dicitur esse in speculo, vel aliqua doctrina in libro, quia ibi est representative. Primo modo, pergit de Alliaco; plenitudo potestatis est in Papa, tamquam in subjecto eam recipiente, & ministerialiter exercente. Secundo, est in universalis Ecclesia, tamquam in objecto ipsam causaliter & finaliter continente; tertio, est in Generali Concilio, tamquam in exemplo ipsam representante & regulariter dirigente. Hæc de Alliaco.

Secunda pars, nempe regimen Ecclesiae non esse pure monarchicum, sed Aristocracia temperatum, ab omnibus Catholicis Doctoribus admittitur, ait Bellarminus, lib. 1. de Romano Pontifice, c. 3.

Probatur 1. ex Scripturis, dupli argumento. Primum argumentum tale est: Illud regimen admittendum non est in Ecclesia, quod a Christo ipso reprobatum fuit, & nunquam Apostolorum tempore legitur usurpatum; atqui tale est regimen Ecclesiae pure monarchicum, & absolutum. Reprobatum quidem fuit a Christo, Matth. 20. v. 26. ubi occasione ambitionis filiorum Zebedæi sic loquitur: *Sicutis quia Principes gentium dominantur eorum, & qui majores sunt, potestatem exercent in eos. Non ita erit inter vos: sed quicumque voluerit inter vos major fieri, sit uester minister, & qui voluerit inter vos primus esse, erit uester servus,* & Lucæ 22. v. 25. *Reges gentium dominantur eorum . . . . vos autem non sic: sed qui major est in vobis, fiat sicut minor, & qui præcessor est, sicut ministratur.*

Usurpatum nonnunquam etiam fuit ab Apostolis. Nam 1. Cor. 4. v. 1. *Sic nos, ait S. Paulus, existimet homo, ut Ministros Christi, & dispensatores mysteriorum Dei.* Qui autem dispensatores sunt, ii absolutum non habent dominium.

I. Petri 5. v. 2. docet Princeps Apostolorum quo pacto Episcopi ac Præpositi subjectum sibi gregem pacere debeant. *Pascite, inquit, qui in vobis est gregem Dei; providentes non coacte, sed spontaneè secundum Deum: neque turpis lucri gratia, sed voluntarie: neque dominantes in Cleris, sed formafacti gregis ex animo.* Quæ quidem verba non ad solos particulares Episcopos, sed ad ipsum etiam Summum Pontificem pertinere censuit S. Bernardus, 1. 2. de Consideratione, c. 6. *Planum est, inquit, Apostolis interdictum dominatus.* T. 1. p. 419. E. *I ergo tu; & tibi usurpare aude, aut dominans Apostolatum, aut Apostolicus dominatum.* Plane ab alterutro prohiberis. *Si utrumque simul habere voles, perdes utrumque . . . Forma Apostolica hæc est: dominatio interdicitur, indicitur ministratio.* Paullo ante dixerat, loquens de iis quæ a sancto Petro suis Successoribus transmissa sunt: *Nec ille tibi dare potuit quod non habuit.* Ibid. D. *Quod habuit, hoc dedit, sollicitudinem supra Ecclesias, non dominationem.*

Secun-

Secundum argumentum istud est: Apostoli, communī consilio, non unius dumtaxat S. Petri, quamquam primatum obtinentis, imperio, res Ecclesię administrarunt, & controversias definierunt: persuasum igitur habuerunt, Ecclesiam non unius Monarchæ absoluto imperio regendam esse & administrandam.

Sic Actorum 1. v. 23. Duo ex Discipulis statuuntur communibus Ecclesię votis ac suffragiis, quorum alter in locum Judæ proditoris assumeretur; neque illis duobus fortis dedit S. Petrus, sed a toto cœtu das else observat S. Lucas.

Actorum 6. Duodecim, inter quos erat Petrus, convocarunt multitudinem Discipulorum, quibus Diaconorum institutio proposita est, ex postulatis etiam omnium votis. *Et placuit sermo coram omni multitudine,* quæ septem ex Discipulis constituit coram Apostolis, ut ipsis manus imponerent. Constant hæc ex versibus 2. 3. 4. 5. & 6. citati capitis.

Actorum 11. Cum Hierosolymis disceptaretur cum Petro, ex eo quod introisset ad viros præputium habentes, rationem ipse reddidit apud Apostolos ceterosque fratres, eorum omnium quæ gesserat, neque prius sedatus fuit tumulus, quam rem totam ex ordine narrasset: at qui supremum & absolutum tenet imperium, nemini tenetur rationem reddere; & apud supremos Principes temporales ( ut notum est ) sola ratio facti, est voluntas facientis.

Actorum 15. Caussam de Legalibus non solus definivit Petrus, sed convenerunt, ait Historicus facer, v. 6. Apostoli & seniores videre de verbo hoc; ac definitio, non unius Petri auctoritate, sed communī omnium Judicio fertur: *Visum est spiritui sancto & nobis,* ajunt v. 28. Ipsa denique Synodica Epistola non unius Petri, sed omnium nomine inscribitur v. 23. *Apostoli & seniores fratres, his qui sunt Antiochiae, & Syriae, & Ciliciae fratribus ex gentibus, salutem.*

Probatur 2. ex divina Episcoporum institutione, qua potestatem acceperunt a Christo de rebus fidei & Religionis judicandi, vel simul cum Pontifice Romano, vel ante, vel post ejus Judicium: unde necessario sequitur, regimen Ecclesię non esse penes unum Romanum Pontificem, nec pure Monarchicum, sed Aristocracia temperatum.

Divinam esse Episcoporum institutionem ac auctoritatem, ex professo demonstravimus anno superiori, cum de Sacramento Ordinis disserebamus.

Episcopos vero hac Christi institutione veros else caussarum fidei Judices, eamque auctoritatem ipsis tam intimam esse, ut ea spoliari numquam possint, demonstrat manifeste tum Scriptura, tum Ecclesię constans & perpetua praxis ac traditio.

Actorum 20. v. 28. *Attendite vobis & universo gregi,* ait S. Paulus, *in quo vos Spiritus Sanctus posuit regere Ecclesiam Dei.* Ad regendam vero Ecclesiam necessaria omnino est auctoritas cognoscendi ac judicandi caussas omnes quæ ad Religionem ac fidem pertinent.

Joannis 8. v. 21. Omnibus Episcopis in persona Apostolorum, quibus succedunt, dixit Christus: *Sicut me misit Pater, & ego mitto vos. Accipite spiritum Sanctum; quorum remiseritis peccata, remittuntur eis; & quorum retinueritis, retenta sunt.* Omnibus ergo Episcopis ligandi ac solvendi auctoritatem, omnibus claves Regni Calorum concessit Christus. Omnes

Episco-  
pi judi-  
ces in  
caussis  
fidei.

pro Christo legatione funguntur. Omnes sunt ipsius Ministri ac dispensatores <sup>2. Cor. 5.</sup>  
mysteriorum Dei. Ergo omnes veri Judices controversiarum fidei. <sup>20.</sup>

Autorum 15. in causa Legalium S. Jacobus, v. 19. tamquam Judex <sup>1. Cor. 4.</sup>  
sic pronunciat. *Ego judico non inquietari eos qui ex gentibus convertuntur ad  
Deum*, omnes vero Apostoli, v. 28. sic decretorie ac synodice pronun-  
ciant: *Vixum est Spiritui Sancto & nobis, &c.* Qua pronuncianda senten-  
tiae ratione evidenter declarant, se tamquam veros Judices, pro aucto-  
ritate sibi divinitus concessa decretorie fidei controversias definire.

Hanc Episcoporum dignitatem & auctoritatem in causis fidei dirimen-  
dis, aut simul cum Romano Pontifice, aut ante, aut post ejus Judicium,  
testatur constans omnium actatum Ecclesiarum praxis ac Traditio.

Primo, Judicium ac sententiam suam de rebus fidei protulisse Epi-  
scopos in Conciliis Oecumenicis congregatos, solus ille negaverit, qui <sup>1. Epi-</sup>  
celebrata aliquando fuisse Concilia inficiari ausus fuerit. Nihil enim <sup>scopi</sup>  
tam frequenter in eorum Actis legimus, quam hanc formulam judican-  
di ac pronunciandi qua Episcopi utuntur. *Ego N. consentiens, vel judi-*  
*cans, vel definiens subscripti; vel, placet mibi.* Legantur Acta Conc. Chal-  
cedonensis. Patres Chalcedonenses communis Judicio & acclamatione pro-  
bant & confirmant Epistolam dogmaticam S. Leonis. *Petrus*, inquiunt  
Actio 2. per Leonem locutus est. *Omnis ita credimus. Anathema ei qui ita* <sup>Tom. 4.</sup>  
*non credit.* Actio 4. *Qui non subscribit Epistola cui omnis sancta Synodus con-* <sup>Conc. p.</sup>  
*sentit, hereticus est.* Et Actio 3. Legati S. Leonis sic in Dioscorum pro-  
nunciant: *Sanctissimus & Beatus Archiepiscopus senioris Rome Leo per* <sup>368. B.</sup>  
*nos & per presentem sanctam Synodum, una cum ter beatissimo & omni laude* <sup>514. A.</sup>  
*dignissimo B. Petro Apostolo, qui est petra & crepido Catholicæ Ecclesie, &* <sup>Ibid. p.</sup>  
*rectæ fidei fundamentum, nudavit eum Episcopatus dignitate, &c.* Audis ju-  
dicare Synodum una cum S. Petro. Et in Epistola ad S. Leonem, iidem  
Patres Chalcedonenses rogant ut suum velit honorare Judicium. *Rogamus,* <sup>Ibid. p.</sup>  
inquiunt, *& tuis Decretis nostrum honora Judicium; & sicut nos Capiti in bonis* <sup>857. D.</sup>  
*adjecimus consonantiam, sic & summitas tua filii quod delet adimpleat.*

Et anno Christi 314. Patres Concilii Arelatensis in Epistola Synodica  
ad Sylvestrum Summum Pontificem, de gestis in ea Synodo sic loquun-  
tur, *Judice Deo & Matre Ecclesia, quæ suos novit & comprobat, aut damnati* <sup>Tom. 1.</sup>  
*sunt aut repulsi (Donatistæ.) Et utinam, frater dilectissime, ad hoc tantum spe-* <sup>Conc. p.</sup>  
*ficulum interesse tanti fecisses. Profecto credimus, quia in eos severior fuisse* <sup>1425. E.</sup>  
*sententia prolata, & te pariter nobiscum judicante, cœtus noster majore letitia*  
*exultasset. Ibidein narrant quos de moribus ac disciplina, Canones sta-*  
*tuerint. Quid autem sit, inquiunt, quod senserimus, scripto nostræ mediocrita-* <sup>Ibid. p.</sup>  
*tiis subjunximus ... Censemus ergo Pascha Domini per orbem totum una die observa-* <sup>1426. A.</sup>  
*ri, &c. Sic de rebus ad Religionem pertinentibus statuebant ac judica-  
bant Patres nostri Gallicani; ac se pariter cum Episcopo Romano ju-  
dicandi jus habere testantur.*

Gelasius II. S. P. anno 1118. in Epist. ad Gallos, agnoscit Episco-  
pos causarum Ecclesiasticarum Judices esse a Deo constitutos. *Liben-* <sup>T. 10.</sup>  
*ter, inquit, acquiescamus fratrum nostrorum iudicio, qui a Deo sunt Judices* <sup>Conc. p.</sup>  
*in Ecclesia constituti, & sine quibus haec causa tractri non potest.* <sup>817. B.</sup>

Secundo, Episcopos in Conciliis particularibus de subortis erroribus ac  
controversiis fidei statim cognovisse, ac sententiam prius dixisse, quam <sup>II. Epi-</sup>  
dicant <sup>scopi in-</sup>  
aut

**ante R.** aut Romanum consulerent Episcopum, aut ad eum rem totam deferrent, Pontifi- innumeris propemodum Ecclesiae præsertim nostræ Gallicanæ exemplis cem. promptum foret demonstrare.

Eusebius lib. 5. Hist. c. 3. refert circa annum Christi 177. ab Episcopis Gallicanis damnatum Montanum; & cap. 24. quid a S. Irenæo aliisque Gallicanis Præfulibus statutum fuerit circa diem celebrandi Paschatis commemorat.

S. Hiliarius Lib. de Synodis testatur a Gallis Potamii & Osii blasphemiam, seu Sirmensem fidei formulam plane erroneam rejectam fuisse.

In Burdigalensi Synodo, an. 485. iidem Gallicani Præfules, Priscillianistarum; & an. 425. Leporii Monachi, & an. 529. in Concilio Araucano II. & Valentino, Semipelagianorum errores proscripti erunt. Pariter hæresim Monothelitarum, priusquam de ea quidquam statutum fuisse a Synodo Lateranensi & VI. Generali Concilio, admoniti a Martino I. S. Pontifice; per Epistolam quam ad S. Amandum Trajectensem Episcopum scripserat, damnarunt. Sic an. 794. Synodus Francofordiensis Elipandi & Felicis hæresim, & Carisiaca, an. 853. Gottescalchi Capitula; & Parisiensis, an. 1050. Berengarii errores, & an. 1120. Sueffionensis, anno vero 1140. Senonensis, Abaelardi; & anno 1148. Remensis, Gilberti Porretani errores damnarunt. Quo certe constanti ac perpetuo usu comprobarunt nostri Episcopi, ad se jure divino pertinere rerum Ecclesiasticarum cognitionem ac Judicium: atque hac ipsa ratione agendi Episcopi Apostolos imitantur, qui, ut supra retulimus, nihil fere, quod esset alicujus ponderis, egerunt, nisi Synodice ac communicato Concilio. Synodice Matthiam instituunt: Synodice eligunt Diaconos: Synodice denique componunt motam adversus Paulum Judæorum querelam.

Hoc ipsum jus Episcoporum agnovere vel ipsi SS. Pontifices, qui initivum dumtaxat Judicium ad se referendum esse, pro dignitate & auctoritate Sedis Romanae, contenderunt. Ita

**Innocentius I.** Epistola 2. ad Victricum Rothomagensem Episco-  
Tom. 2. pum. *Si maiores cauſæ, inquit, in medium fuerint devolutæ, ad Sedem Conc. p. Apostolicam, sicut Synodus statuit, post Episcopale Judicium referantur.*

**1250.D.** Et in Epist. 24. quæ est ad Patres Conc. Carthaginensis, agnoscit eos Traditionis regulas sequitos fuisse, sive cum pronunciarunt circa Pelagianam hæresim, sive cum suam sententiam ad Judicium Romani Pontificis

**Ibid. p.** consulendo detulerunt. *Inquirendo de his rebus, inquit, quas omni cum soli-  
1283. E. litudine decet a sacerdotibus, maxime a vero iustoque & Catholico tractari*

*Concilio, antiqua Traditionis exempla servantes, & Ecclesiastice memores discipline, vestræ religionis vigorem non minus nunc in consulendo, quam antea cum pronunciaretis: vera ratione firmatis, qui ad nostrum referendum approbasitis*

**Ibid. p.** *Judicium, & paullo post: Quidquid (Patres nostri) quamvis de disjunctis remotis  
1284. E. que Provinciis ageretur, non prius ducerent finiendum, nisi ad hujus Sedis notitiam perveniret, ut tota hujus auctoritate, (justa quæ fuerit) pronunciatio firmaretur.*

**Siricius S. Pontifex,** cum Synodi Capuensis Patres, tum Episcopos ab ea Deputatos in causa Bonosi, Judices agnoverit, Epist. ad Anysium & ceteros

**Tom. 2.** Illyrici Episcopos. *Accepi, inquit, Litteras vestras de Bonoso, quibus vel pro*

**Conc. p.** *veritate vel pro modestia nostram sententiam sciscitani voluistis. Sed cum hujusmodi*

**1033. A.** *fuerit Concilii Capuensis judicium, ut finitimi Bonoso atque accusatoribus ejus judicet*

tri-

tribuerentur, & præcipue Macedones, qui cum Episcopo Thessalonicensi de ejus factis cognoscerent, advertimus quod nobis judicandi forma competere non posset ... *Vestrum est igitur qui hoc recepistis judicium, sententiam ferre de omnibus, nec refugiendi, vel elabendi, vel accusatoribus, vel accusato copiam dare.*

Cum in Synodo Arauficana II. an. 529. Pelagiana hæresis damnata fuisset; Cæsarius Arelatensis data ad Bonifacium II. Epistola, eum rogarvit ut quæ ea in Synodo fuerant definita, sua auctoritate confirmaret. Annuit S. Pontifex, ac latum Judicium approbando suum fecit, ut patet ex ipsius ad Cæsarium Epistola. Tom. 4. Conc. p. 1688.

Alexander III. cum audivisset in Scriptis Petri Lombardi, olim Parisiensis Episcopi, nonnullos errores esse, scripsit ad VVillelum Senonensem Archiepiscopum, mandans ut convocatis sua Provinciæ Episcopis errores illos proscriberet, ac curaret ne in Scholis docerentur.

Tertio, Episcopos post Summi Pontificis Judicium, etiam pro suo jure pronunciasse, patet ex jam citato Concilio Chalcedonensi, Actione 2. & 4. ubi summo plausu ac sollempni Judicio, Epistola dogmatica S. Leonis ad Flavianum contra Eutychetem, approbata fuit ac recepta.

Et ipse S. Leo Epistola 52. vel 77. juxta editionem Quenellii, Gallicanorum Præfulum rogarvit sententiam de celebri illa sua Epistola, eosque etiam Judices in causa fidei agnovit. Optassemus, inquit, fraternitatis vestrae Litteras, eo tempore, quo promiseratis, accipere, ut profecturis ad Orientem fratibus nostris, quos ad sanctam Synodum vice nostra, pro Catholicæ fidei defensione direximus, etiam vestrae sententiae professio jungeretur.

Et in Epist. ad Theodoretum. n. 93. ait: Ea qua Dominus Vicarii sui prius ministerio definierat, universæ fraternitatis irretractabili firmat assensu; ut vere a se produisse ostendat, quod prius a prima omnium Sede formatum, totius Christiani orbis Judicium receperit ut in hoc quoque Capiti membra concordent.

Fatetur hic S. Leo, id quod. definierat, rursus Judicio universæ fraternitatis, hoc est, totius Ecclesie Synodice congregatæ, discussum & approbatum fuisse; illudque Judicium vocat irretractabile, quod nempe supremum sit & infallibilis auctoritatis.

Martinus I. S. Pontifex ac Martyr etsi Monothelitarum hæresim in Synodo Lateranensi damnasset, non tamen Episcoporum Galliæ subsequens Judicium detrectavit, imo postulavit, data ad S. Amandum Trajectensem Episcopum Epistola, Confirmantes, inquit, atque consentientes iis quæ pro orthodoxa fide & destructione hæreticorum vesaniæ nuper exortæ a nobis statuta sunt.

Pariter etsi Adrianus I. S. Pontifex sententiam dixisset adversus Elipandum & Felicem, nihilominus Carolus Magnus Synodum Episcoporum convocavit, in qua sententia hæc S. Pontificis approbatur & confirmatur: atque in sua ad illos duos Episcopos Epistola significat eos pro hæreticis habendos, si post Synodi Judicium, ad veram fidem non redierint: Post hanc vero, inquit, correptionem, sive admonitionem Apostolica auctoritatis, & Synodalis unanimitatis, si non resipiscitis ab errore vestro, scitote omnino vos pro hæreticis haberet, nec ullam vobis cum communionem pro Deo audemus habere.

Denique, ut ad nostra tempora proprius accedamus, Episcopi Galliani Constitutiones Innocentii X. contra Jansenii Propositiones, Innocentii XII. contra Librum cui gallice titulus, *Explication des Maximes des Saints sur la Vie Intérieure*, Clementis XI. contra famosum conscientiæ Casum,

Casum, non cæco quodam obsequio receperere, sed prævia rei cognitione ac judicio; nec executorum dumtaxat partes egerunt, sed Judicium, sive sententiam suam in Actis relationis ponant, sive non, prout libuerit, sicut ipsimet Episcopi Gallicani loquuntur in citata ad Innocentium X. Epistola. Quia in re non se propterea Judicii Summorum Pontificum arbitros ac Judices constituerunt, ut supra illos se extulerunt, sed suo dumtaxat jure dignitati Episcopali annexo usi sunt; nec de Judicio Pontificis, sed de re eadem sententiam dixerunt. Perinde enim est, ut jam diximus, sive ante, sive post sententiam Summi Pontificis suam proferrant: neque sibi injuriam fieri, suamque violari auctoritatem conquesti unquam leguntur Leo I. Martinus I. Adrianus I. quod de rebus a se jam definitis subinde judicaverint Episcopi Gallicani.

Prætermittere hic non possumus sacræ Facultatis sententiam, cuius nomine Petrus de Alliaco postea S. R. E. Cardinalis, cum aliis ab cultus Pa- eadem deputatis Doctoribus, contra fratrem Joannem de Montefono, scri- rifiensis contra Jo. de Montefono. bebat hanc propositionem. *Ad solum Pontificem pertinet eorum quæ tangunt fidem, examinatio & decisio, continere manifestam hæresim, imo multas hæreses. Primo, quia per illam exclusionem excluditur universalis Ecclesia, & Generale Concilium eam repræsentans, quod est hæreticum... Secundo, per illud excluditur Sedes Apostolica, quo l est contra ipsum, & manifeste hæreticum... Tertio, excluduntur Episcopi Catholici ab omnimoda cognitione, examinatione, & decisio- fione eorum quæ sunt fidei, quod est contra jus tam divinum, quam humanum.*

Eadem sacra Facultas, an. 1429. istas fratris Joannis Sarrazin propositiones confixit.

*Hist. U-niv. T. 5. p. 387.* 1. Omnes potestates Jurisdictionis Ecclesiæ, aliae a Papali potestate, sunt ab ipso Papa, quantum ad institutionem & collationem.

2. Hujusmodi potestates non sunt de jure divino, nec immediate instituta a Deo.

3. Non invenitur Christum tales potestates, scilicet alias a Papali, expressisse, sed tantum supremam, cui commisit Ecclesiæ fundationem.

*Ib. p. 388.* 4. Quandocumque in aliquo Concilio aliqua instituuntur, tota auctoritas dans vigorem statutis, in solo Summo residet Pontifice.

Dictus autem F. Sarrazin judicio sacræ Facultatis se subjicit, atque suas has propositiones revocare compulsus est, & hanc inter ceteras: *Quandocumque in aliquo Concilio aliqua instituuntur, tota auctoritas dans vigorem statutis residet non in solo S. Pontifice, sed principaliter in Spiritu Sancto, & Ecclesia Catholica.*

Istam vero: Omnes potestates jurisdictionis Ecclesiæ, aliae a Papali potestate, sunt ab ipso Christo, sic exposuit: sunt ab ipso Christo quantum ad institutionem & collationem primariam, a Papa autem & ab Ecclesia, quantum ad limitationem & dispensationem ministerialem.

*P. 744.* Et an. 1482. rogata a Capitulo Tornacensi quid sentiret de aliquibus Fratris Angeli Minoritæ propositionibus, inter quas ista erat, n. octava, *Posset Papa totum Jus Canonicum destruere, & novum constituere;* Respondit hanc propositionem esse scandalosam, blasphematoriam, notorie hæreticam & erroneam.

Et an. 1655. cum Magister Franciscus Gouillon Baccalaureus quasdam in sua Minor Ordinaria propositiones propugnasset quæ sacro Ordini minime probabantur, earum explicationem ac declarationem jubente Facultate

sic

sic emisit: Agnosco & fateor Episcoporum Jurisdictionem esse juris divini, & esse immediate a Christo, eosque in Conciliis generalibus vere esse Judices, atque in iis, ex eorum Judiciis S. Pontificem pronunciare.

Et anno 1664. die 1. Aprilis eadem sacra Facultas propositiones Jacobi Vernantii, qui de Romano Pontifice scripserat, *Eius est unius emergentia circa fidem dubia infallibilis veritatis oraculo tollere & explanare, &c.* hac censura confixit: *Hæ propositiones quatenus excludunt ab Ecclesia infallibilitatem activam, seu auctoritatem emergentia circa fidem dubia infallibilis veritatis oraculo tollendi & explanandi, falsæ sunt, temeraria, scandalosa, & hereticae.*

Probatur 3. quia si status Ecclesia esset undequaque & absolute monarchicus, hæc necessario supponeret & includeret tale regimen: 1. solus S. Pontifex esset divinae institutionis, atque omnis Ecclesiastica auctoritas esset a Deo in uno solo Pontifice Romano; nec aliam haberent seu Episcopi seorsim, seu Ecclesia ex iis in Concilio collecta, quam quæ ab illo fluenter: sicut tota civilis & politica potestas a Deo in uno Rege, qui vere est Monarcha; nec aliam habent seu Magistratus & Proceres in Regno, seu Regni Ordines congregati, quam quæ a Monarcha in eos derivatur.

2. Non alia esset in Ecclesia, quam supra probavimus indefectibilem & nunquam interituram, infallibilitas, quam passiva; totaque activa unius esset Pontificis Romani, qui hanc quasi caput in corpus immitteret.

3. Ecclesia universalis etiam congregata esset pariter inferior, a quæ vim suam omnem mutuaretur; non secus ac Regnum ac Regni Comitia Regi subsunt, a quo scilicet totum robur suum obtinent.

4. Appellare nunquam liceret a Pontifice ad Concilium, sicut nefas est a Monarcha ad Conventum Imperii provocare.

5. Concilia in Ecclesia nunquam essent absolute necessaria ad veritatis seu notitiam, seu definitionem, sed eo spectaret tantum eorum convocatio, ut consilium caperet Pontifex, ad cujus tamen observationem non adstringeretur, quæ est conditio Monarchia; sicut ea tantum conditione Comitia convocat Rex, ut maturius sibi consulat, nullis interim Consultorum votis adstrictus, nec ad majorem suffragiorum partem sequendam vincitus: quo etiam modo Bellarminus sibi contradicens, & una manus delens quod altera scripserat, licet agnoscat Episcopos in Concilio tamquam veros Judices, Pontificem tamen Concilii Præsidem scribit suffragiorum calculis addictum non esse, sed supremum votorum moderatorem, atque cuiuslibet sententiæ ferendæ jus habere.

Quæ certe omnia sequi necessario ex statu ac regimine pure monarchico probat Laynesius, in Oratione quæ refertur a Pallavicino in Historia Concilii Trid. Lib. 18. cap. 15. & a Soavi Polano in sua ejusdem Concilii Historia; quarum quidem probationum quot sunt periodi, tot ferme sunt errata, seu in ipsis assertionibus, seu fictitiis & a vero maxime alienis Scripturarum, Conciliorum & Patrum interpretationibus. Quam vero hæc omnia absurdâ sint, atque universæ antiquitati contraria, ex dictis partim jam colligi potest, & magis ex dicendis patebit.

Si vero quæquieris an regimen Ecclesia magis monarchicum sit quam aristocraticum; respondebo plus monarchicum dici, si attendatur ad communem, ordinarium & consuetum regendi morem; quia non semper sunt

*Tournely de Ecclesia. Tom. V. Pars I.*

S

co-

Lib. 1.  
de Con-  
ciliis 1.  
18. ad  
finem.

coacta Concilia, semper autem est Summus Pontifex. Plus vero dici posse Aristocraticum, si attendatur ad supremam, primariam & infallibilem regendi auctoritatem; quia haec in una Ecclesia universali seu coacta seu dispersa residet.

Tertia pars Conclusionis, usum scilicet Pontificia potestatis per Canones moderandum esse, quibus illa subdita esse debet, probatur ex ipsamet Summorum Pontificum declaratione ac confessione.

**An.336.** Julius I. S. Pontifex in Epistola ad Orientales. Id vero, inquit, ad Syn. Conc. p. nodi & Episcoporum, qui in Synodo (Nicæna) fuere, contumeliam vergeret, 499. C. si quæ illi tenio studio & cura, veluti Deo presente egissent, a nobis ut vana ibid. D. futilaque abrogarentur .... Nos omnia secundum Canonem facimus.

**To. 12.** Liberius in Epistola ad Constantium. Nunquam, inquit, mea statuta, sed An.352. Apostolica, ut essent semper firmata & custodita, perfeci, secutus morem ordinemque majorem, nihil addi Episcopatui Urbis Romæ, nihil minui passus sum.

**Ibid. p.** **746. B.** Zozimus in Epistola ad Episc. Prov. Vienn. & Narbon. Quod contra statuta Patrum, inquit, concedere aliquid, vel mutare, ne hujus quidem Se-  
ibidem dis possit auctoritas. Apud nos enim inconvulsis radicibus vivit antiquitas, cui p. 1570. de cœcta Patrum sanxere reverentiam.

**C.** Bonifacius I. in Epistola ad Hilarium Narbonensem: Quod, inquit, nequaquam possumus ferre patienter, quia convenit nos paternarum sanctionum An.418. diligentes esse custodes. Tum refert Canonem Nicænum, quo per unam-  
Ibidem p. 1585. quamque Provinciam jura Metropolitanorum definiuntur.

**E.** Cœlestinus I. in Epistola ad Episcopos Illyrici: Dominentur nobis regu-  
An.422. lae, inquit, non regulis dominemur; sumus subjecti Canonibus, cum Canonum Epist. R. precepta servamus.

**Pontifi-** Leo I. Epistola 53. nunc 80. ad Anatolium, cap. 3. Nimis ergo, cum, inquit, haec improba, nimis sunt prava, quæ sacratissimis Canonibus inveniun-  
1721. tur esse contraria.

**T. 1. p.** **1064. B.** Et in Epistola ad Pulcheriam 55. nunc 79. sic loquitur: Quoniam contra statuta paternorum Canonum, quæ ante longissimæ ætatis annos in Urbe Tom. 1. Nicæna spiritualibus sunt fundata decretis, nihil cuique audere conceditur; ita p. 600. ut si quis diversum aliquid decernere velit, se potius minuat, quam illa cor-  
Ibid. p. rumpat. Quæ si, ut oportet, a cunctis Pontificibus intemerata serventur, per 597. universas Ecclesiæ tranquilla erit pax & firma concordia.

**Ibid. p.** **595.** Et in Epistola ad Martianum Imperatorem. In quo opere, ait, auxiliante Christo, fideliter exequendo, necesse est me perseverantem exhibere famulatum; quoniam dispensatio mibi credita est; & ad meum reatum tendit, si paternarum Regulæ Sanctionum, quæ in Synodo Nicæna ad totius Ecclesiæ regimen, spiritu Tom. 4. Dei instruente, sunt conditæ, me (quod absit) connivente violentur.

**Conc. p.** Simplicius in Epistola ad Acacium ait, contra definitiones Conc. Chalce-  
**1040.C.** donensis nihil retractari posse, quia per universum mundum insolubili observa-  
An.492. tione retinetur quod a Sacerdotum universitate constitutum est.

**Ibid. p.** **1200.D.** Gelasius I. in Epistola ad Episcopos Dardanæ, ait, Synodi constitutum, quod universæ Ecclesiæ probavit assensus, non aliquam magis exequi Se-  
ibid. p. dem oportere, quam primam.

**1093. B.** Idem ait Felix 3. Epistola 15. Apostolica, inquit, Sedes executrix est Concilii Chalcedonenfis.

**An.604.** Gregorius Magnus Epistola 25. alias 24. Libri primi, quæ est ad Joannem Epi-

Episcopum Constant. *Sicut*, inquit, *sanc*t*i Evangelii quatuor Libros*, sic T. 9. p. quatuor Concilia suscipere & venerari m*o* fateor... Cunctas vero quas praefata <sup>515.</sup> *veneranda Concilia personas respuunt, respuo, quas venerantur, amplector:* <sup>Ibid. D.</sup> quia dum universal*i* sunt consensu constituta, se & non illa destruit, quisquis pr*ae*sumit aut solvere quos religant, aut ligare quos solvunt.

Martinus I. in Epistola ad Joannem Episcopum Philadelphiae. De- An. 619. fen*tores*, inquit, *divinorum Canonum & custodes sumus, non pr*ae*varicatores,* <sup>Tom. 6.</sup> & in Epistola ad Amandum Trajectensem. Ideo, ait, *necess*e* habuimus...* <sup>Conc. p.</sup> <sup>22. C.</sup> c*o*rum generalem fratrum & Coepiscoporum nostrorum in hac Romana Civitate** <sup>Ibid. p.</sup> <sup>384. E.</sup> *congregare.*

Leo III. in Dialogo cum Missis a Carolo Imperatore, de additione An. 794. particul*æ*, *Filioque, Symbolo facta, negat quidquam se posse Symbolo Tom. 7.* adjicere, *Quia, inquit, me illis (Patribus Constantinopolitani Concilii)* <sup>Conc. p.</sup> <sup>1195. D.</sup> *non dico pr*ae*feram, sed etiam illud absit mihi ut co*equare pr*ae*sumam.**

Nicolaus I. Epistola 8. ad Michaelem Imperatorem: *Necessaria, in-* An. 858. *quit, rerum dispositione constringimur, & Apostolica Sedi moderamine con-* <sup>Tom. 8.</sup> *venimur sic Canonum paternorum decreta librare, &c.* & in Epist. ad Photium ait, *Ecclesiam Romanam omnium Ecclesiarum esse Caput, ex qua uni-* <sup>Conc. p.</sup> *versitas credentium integritatem fidei depositit ... atque ordinem in cunctis utilitatibus & Ecclesiasticis institutionibus, quas, inquit, secundum Canonicas &* <sup>319. C.</sup> *Synodicas sanctorum Patrum Sanctiones inviolabiliter ac irrefragabiliter retine-* <sup>Ibid. p.</sup> *ret, exquirere ac sectari.* <sup>183. C.</sup> <sup>Ibid. D.</sup>

Denique, ut unico momento omnium Pontificum, qui post octo priora Concilia vixerunt, auctoritatem concludam, in sollemini sacramento seu jurejurando quod in die sua inaugurationis emittunt, sicut legitur in Libro Pontificum qui *Diurnus* dicitur, obstringunt se ad religiosam <sup>Pag. 28.</sup> *Conciliorum & Canonum observationem.* Profiteor, ait consecrandus Pontifex, *me sancta universalia Concilia usque ad unum apicem pari honore & veneratione digna babere, & quæ pr*ae*dicaverunt & statuerunt, oranino sequi pr*ae*dicare; quæque condemnaverunt, condemnare ore & corde, & infra: p. 321.* *Sacrosque Canones & sacerorum Pontificum constituta custodire.*

Atque ex tot egregiis SS. Pontificum testimoniosis, prodiit effatum, quod a majoribus nostris summa semper religione custoditum fuit, Ecclesiam nempe regi, *Canone, non absoluta potestate.* Inde est quod, anno 878. Gallia & Belgii Praesues in Conc. 2. Tricassino postulanti Joanni VIII. Summo Pontifici, ut quam in Lambertum excommunicationis sententiam tulerat, approbarent, his verbis responderunt: *Judicium vestra* <sup>Tom. 9.</sup> *auctoritatis, quod privilegio Beati Petri, & Sedi Apostolicae... juxta sacros* <sup>Conc. p.</sup> *Canones Spiritu Dei conditos, & totius mundi reverentia consecratos, & secundum ejusdem Romana Sedi Pontificum decessorum vestrorum Decreta protulisti; voto, voce, &c. persequimur.* Audis non alias conditione Episcopos nostros Judicio Romani Pontificis acquiescere, quam quod ipsis videatur ad sacerorum Canonum normam exactum.

Atque hinc Immunitatum, seu Libertatum Ecclesie nostræ Gallicanæ solidissima fundamenta, quæ in firma & constanti juris antiqui & communis, sacerorum Canonum, qui Spiritu Dei conditi sunt & totius mundi reverentia consecrati, adhæsione versantur. Ab hac veterum Canonum custodia nunquam se dismoyer patienter tulerunt Episcopi nostri Gallicani, quo-

ties contra ipsos innovare aliquid tentarunt Pontifices Romani. Bemultis Historiæ nostræ monumentis istud demonstrare promptum foret, nisi rerum quæ dicendæ nobis supersunt, multitudo, brevitati consulendum esse admoneret. Unum silentio præterire non possumus exemplum quod est recentioris memoriae, scilicet cum an. 1632. aliqui Episcopi criminis lœsa Majestatis accusati fuissent, ac Summus Pontifex quatuor in Gallia Episcopo deputasset, ut nomine suo causam hanc cognoscerent ac ultimo judicarent, Clerus Gallicanus in Comitiis generalibus congregatus, anno 1650. adversus hanc innovationem reclamavit, nec nisi a duodecim Episcopis posse Episcopum juxta Canones judicari, protestatus est. Audiantur Gallicani Episcopi in Epistola quam ea de re eodem anno scripserunt

*Mémoires du Clergé, T. 2. p. 446.* ad Innocentium X. Anno 1632. exiit Breve, inquiunt, quo quatuor, non amplius inter nos Episcopis, de causa nonnullorum ex nostris liquido cognoscendi & plane judicandi fas & jus tribuebatur. Ad eam totius Ecclesiæ plagam, nemo non obſtupuit attonitus; altis vero ingemuere suspiriis, quotquot illius legitimi aut patres aut filii. Quippe inauditum haud minus quam invisum, adeo inquis artibus Romanæ Sedis integratatem circumveniri, Cleri privilegia violari, temerari nostra omnium jura, Ecclesiæ vero universæ imminui majestatem .... Publica lex est, tritum & obvium ubique oraculum, nullum ex Episcopis accusari debere nedum posse damnari, nisi ante legitimum numerum Episcoporum, qui mystico Apostolis duodenario clauditur; ut omnis accusatio intra Provinciam ibid. p. audiatur, & a Comprovincialibus terminetur ... & postea .... Ulro vestre 447. supremæ Sedis amplectimur Tribunal, quoties nimirum de majoribus crimen intentatur. Sed enim ea omnia ut rite, ut legitimate peragantur, ad sacrorum, quos diximus, Canonum normam & amissim exigenda esse, jam olim ab Ecclesia, id est a nobis, imo & a vobis præcipue ipsis præscriptum est. Ita Episcopi nostri ab Innocentio X. Canonum strictam observationem restitui postulabant, quos ab ipsis prædecesore violatos fuisse conquerebantur. Horum vestigiis inhærens Clerus Gallicanus, an. 1682. declaravit, ut antea retulimus, usum Apostolicæ potestatis per Canones Spiritu Dei conditos & totius mundi reverentia consecratos, esse moderandum.

*P. 311.* Frivolum est quod Auctor anonymous Tractatus de Libertatibus Ecclesiæ Gallicanæ, L. 6. c. 1. hanc Declarationem vellicans, observat, nempe, potestatis usum non potestatem ipsam Summi Pontificis moderandam censure illustrissimos Antisistites; quia nimirum, inquit, auctoritati a Christo ipso collata solus qui contulit potest modum ponere, ac limites præfigere. Sed videtur, pergit, quemadmodum potestatem, ita & potestatis usum, solus qui concessit, posse moderari. Quorsum enim hæc tam intempestiva & a scopo verbisque Cleri Gallicani tam aliena observatio? An ab alio quam a Deo ipso esse & potestatem ipsam & potestatis Pontificiæ legitimum usum unquam afferuit Clerus Gallicanus? Quid aliud, quælo, sonant hæc ipsis Declarationis verba, Apostolicæ potestatis usum moderandum per Canones Spiritu Dei conditos? Non ergo humana dumtaxat, sed divina auctoritate, qua dirigente ac presidente Canones illi conditi sunt, moderandum esse Apostolicæ potestatis usum censet Clerus Gallicanus.

Non Gallicana modo, sed & Africana Ecclesia, supremi, quod penes unius Pontificis arbitrium esset, imperii impatiens fuit; atque suarum Liberatorum non minus quam nostri, studiosi vindices Africani Episcopi, nullum ipsis

ipsis vulnus a Romana Sede inferri passi sunt. Testes appello Africani Concilii sexti Patres, inter quos sedebat Augustinus, qui graviter apud Cælestium expostularunt, quod Apiarum Presbyterum in Africana Syndo damnatum ac gradu suo dejectum, appellantem Romana Sedes suscepisset, ac Faustinum Legatum in Africam direxisset, ut causæ cognitionem iterum susciperet. *Impendio deprecamur, inquit, ut deinceps ad vestras aures hinc venientes non facilius admittatis, nec a nobis excommunicatos in communionem ultra velitis excipere: quia hoc etiam Nicæno Concilio definitum facile advertet Venerabilitas tua. Nam & si de inferioribus Clericis vel Laicis videtur ibi præcaveri, quanto magis hoc de Episcopis voluit observari, ne in sua Provincia communione suspensi, a tua Sanctitate vel festinato, vel præpropere, vel indebit videantur communioni restitui: Presbyterorum quoque & sequentium Clericorum improbra refugia, ( sicut te dignum est ) repellat Sanctitas tua; quia & nulla Patrum definitione hoc Ecclesiæ derogatum est Africanae, & Decreta Nicæna sive inferioris gradus Clericos, sive ipsos Episcopos, suis Metropolitanis apertissime commiserunt. Prudentissime enim justissimeque providerunt, quecunque negotia in suis locis, ubi orta sunt, finienda. Sic Episcopi Africani Jura sua & Libertates Ecclesiæ suæ vindicant contra innovationem a Zozimo in gratiam Apiarii inductam.*

Eodem fere stylo ad eundem Cælestium scribit S. Augustinus Epistola alias 261. nunc 209. occasione Antonii Episcopi Fuscalensis, qui administratione Ecclesiæ suæ ob scelera privatus, appellaverat ad Apostolicam Sedem: atque Pontificem obtestatur Augustinus, ut latam in Antonium sententiam vigere sinat.

Quid porro auctor jam appellatus Tractatus de Libertatibus Ecclesiæ Gallicanæ, ad tot Pontificum, quæ mox laudavimus testimonia?

Libro 6. jam citato, cap. I. *Absit, inquit, ut ego putem debere Summum Pontificem divinas illas & ubique receptas regulas perfringere. Et in prefatione jam dixerat, quod si tertia Cleri Gallicani Proposito eo tantum spectet, ut Summus Pontifex usum Apostolicæ potestatis Canonibus Spiritu Dei condit, & totius mundi reverentia consecratis, quantum per temporum, personarum, & negotiorum circumstantias liceat, accommodet; utque statuta & consuetudines sanctæ Sedis, & Ecclesiæ consensu firmatas absque causa necessaria non immutet, prorsus necessaria non erat; quippe cum res sit per se nimis nota.*

Bene est: Non putat auctor ille debere Summum Pontificem divinas & ubique receptas regulas perfringere; ergo merito Clerus Gallicanus asserit, usum Apostolicæ potestatis moderandum esse per Canones; ac valere regulas, mores, instituta a Regno & Ecclesia Gallicana recepta, Patrumque terminos manere inconcusso. Ergo inutilis non est, ut ipse dicit, hujuscæ doctrinæ declaratio, si forte vellet Pontificum aliquis eos terminos concutere, eas regulas, mores, institutaque convellere: neque ab iis dispensandi ulla fingi potest justa causa, cum non modo dispensationem non postulant Episcopi, sed adversus illam reclamant potius ac intercedunt.

Idem Auctor, Lib. 5. cap. 18. ad alia se recipit effugia, ut eludat citata Pontificum testimonia. Ait,

I. His testimoniis significare dumtaxat Summos Pontifices, se Canonum acerrimos esse custodes ac vindices.

II. Cum dicunt se Canonibus derogare non posse, usu consueto debet Tournely de Ecclesia. Tom. V. Pars I. P. 304. intel-

*Tom. 2.  
Conc. 1.  
1676. B.*

*Ibidem.* intelligi, uno ex quatuor istis modis accommodate ad subjectam materiam; nempe, aut *valide*, aut *licite*, aut *boneste*, aut *utiliter*.

III. Subjectionem illam qua se Canonibus obstrictos esse testantur, peti ex rerum decretarum iustitia: *Cum enim Canones aliquid divini aut*

*P. 307. naturalis juris admixtum plerunque habeant, tenetur quilibet ex ipsa iustitia naturali aut ex lege divina, observare quod juris naturalis aut divini est.*

*P. 218. IV.* Addit eodem Libro, c. 1. Pontificem non magis dici posse Canonibus ac Conciliis subditum & inferiorem, eo quod eorum definitionibus circa fidem derogare non possit, quam unum Concilium generale esse altero inferius, quod non possit pariter derogare alterius de fide Canonibus.

Verum hæc levia sunt & plane infirma.

Ad primum: Quis negat SS. Pontifices ex officii sui ratione acerrios esse debere Canonum vindices? At vel hæc ipsa ratio demonstrat, eos Canonibus observandis arctiori vinculo adstrictos esse, quorum ma-

*Epiſt. RR. PP. T. 1. p. Canonum præcepta servamus.*

*1064.B.* Ad secundum: Canonibus totius Ecclesiæ reverentia consecratis nullatenus derogare possunt SS. Pontifices, nisi iis in casibus, in quibus dero-

garet ipsam Ecclesia, si congregata foret. Dispensare quippe a Cano-

num observantia certis in casibus posse SS. Pontifices, nemo nostrum in-

ficiatur: dispensatio autem non est legis infraactio, sed declaratio facta cum

auctoritate, qua palam sit legem locum non habere in his vel illis cir-

cumstantiis. Cum enim Legislator, quando legem statuit generalem, non

possit animo casus omnes prævidere, in quibus legem relaxari necesse est,

oportet esse in Ecclesia Superiores, ad quos pertinet jus interpretandi le-

gem & ab ea dispensandi. Inter Superiores illos dignitate & potestate

eminet Romanus Pontifex, ad quem de jure vel consuetudine multis in

casibus recurrimus, cum dispensatione aliqua indigemus. Non est igitur

quod dictus anonymous Libertatum nostrarum impugnator Clero Gallica-

*P. 312.* no exprobret, Lib. 6. c. 1. *eum vix alia in re, quam in jure dispensandi, agno-*

*scere R. Pontificis auctoritatem, quandoquidem tam frequenter eam implorat.* Il-

lustrissimo ac doctissimo Clero proterve imponit auctor ille, siquidem

Clerus Gallicanus spiritualium rerum plenam potestatem, primatum honoris &

jurisdictionis divinitus Romano Pontifici datam agnoscit ac profitetur, cuius

esse in questionibus fidei præcipuas partes, ejusque decreta ad omnes & singulas

Ecclesias pertinere, expresse declarat in his ipsis Comitiis generalibus, an-

ni 1682. Dispensandi quidem interdum a Canonibus, non vero Canones

abrogandi, potestatem in Romano Pontifice & vere & reverenter agnoscent

Præfules Gallicani; sciunt quippe datam ipsi a Christo potestatem in adifica-

tionem, non vero in destructionem, ut loquitur S. Paulus, II. ad Corinth. 13.

Ad tertium: Valeret quidem hæc anonymi evasio, si Summi Pontifices,

*Tom. 2.* dum se Canonibus subditos esse fatentur, unam obtenderent naturalem vel

*Conc. p.* divinam illorum æquitatem; sed ipsam etiam Majorum, seu Ecclesiæ au-

*499. C.* toritatem maxime proferunt. *Id*, ait Julius I. Summus Pontifex, Epistola

3. ad Orientales, ad Synodi, & ad Episcoporum qui in Synodo fuere, contume-

*Ibid. p.* liam vergeret, si quæ illi tanto studio & cura veluti Deo præsente egissent, a nobis

1570. C. ut vana futiliaque abrogarentur. Et Zozimus, Epist. 7. ad Episcopos Provinciæ

Viennensis & Narbonensis, *Contra statuta Patrum*, inquit, concedere aliquid vel mutare, ne hujus quidem Sedis potest auctoritas. *Apud nos enim inconveniens radicibus vivit antiquitas*, cui decreta Patrum sanxere reverentiam. Et certe nonnulla sunt disciplinæ generalis statuta quæ a divino aut naturali jure non fluunt, sed ab una Ecclesiæ auctoritate ac libera voluntate; qualia sunt v. g. ea quæ Metropolitanorum jurisdictionem, Episcoporum accusationem ac depositionem, Sacramentorum publicos ritus, &c. spectant, in quibus tamen Majorum decreta sibi observanda esse affirmant Pontifices. Ita Bonifacius I. in Epistola ad Hilarium Narbonensem, de violatis juribus Metropolitanorum dicebat: *Nequaquam possumus ferre patienter, quia convenit nos paternarum sanctionum diligentes esse custodes*. Ibid. p. 1585. E. In publica etiam Sacramentorum administratione, ea forma, iisque ritus sunt retinendi quos præscribit Ecclesia, nec ab iis recedere potest Summus Pontifex, nisi facultatem ac licentiam habeat ab Ecclesia. Sic Concilium Tridentinum, Ses. 21. in fine, prudentia ac sapientia R. Pontificis reliquit, ut usum duplicitis speciei Eucharisticae aliquibus, si expediret, concederet: qua libertate usus Pius IV an. 1563. Germanis Episcopis indulxit, ut servatis legibus, quas Patres Basileenses Boemis præscriperant, Calicis usum permitterent.

Ad quartum, fallacia est. Comparare enim unum Concilium generale cum alio, quid aliud est quam comparare Ecclesiam cum semetipsa? una enim & eadem semper est Ecclesiæ auctoritas; licet diversis temporibus, ac variis in Conciliis generalibus congregata spectetur: ac comparare summum Pontificem cum generali Concilio, est comparare inferiorem cum superiori; partem cum suo toto, membrum præcipuum ac nobilissimum, imo & caput, cum toto corpore. Rechte igitur infertur unum Concilium altero inferius non esse, licet ejus decretis, circa fidem derogare non possit: (Ecclesia enim nec sibi contraria esse potest, nec semetipsa inferior aut superior dici) at recte infertur Summum Pontificem Concilio esse inferiorem, eo quod ejus decretis derogare non possit; quia non eadem est Pontificis ac Concilii generalis auctoritas: hæc superior, altera inferior est; nec Pontifex est tota Ecclesia, sed illius membrum nobilissimum, seu Caput.

#### Solvuntur Objectiones.

Objicies 1. Christus est Summus Monarcha totius Ecclesiæ: atqui Pontifex Romanus est Vicarius Christi in terris; ergo est Summus etiam Ecclesiæ Monarcha.

Resp. distingo min. Pontifex Romanus est Vicarius Christi in terris, potestate ministeriali, concedo: potestate supremæ auctoritatis aut excellentiæ, nego. Christus procul dubio est Monarcha supremus & absolutus totius Ecclesiæ, quam acquisivit Sanguine suo, quam regit ac moderatur suprema sua voluntate, ac interiori gratia & aliorum auxiliorum submissione: at ea ratione Romanum Pontificem esse Christi Vicarium ac Ecclesiæ præfici, nemo Catholicus agnoscit. Est enim dumtaxat exterior Minister, inter ceteros quidem Ministros primus ac præcipuus, sed cuius ministerii potestas intra eos limites continetur, quos ipsi assignavit Christus, qui, ex dictis, voluit non supremo unius imperio, sed communis Pastorum consilio suam regi ac gubernari Ecclesiam.

Instabis. Si vere monarchicum est, ut concedimus, regimen Ecclesiae; ergo supremum & absolutum, ac penes unum est Romanum Pontificem.

Resp. Distinguo ant. Si est vere & pure monarchicum, concedo: si vere quidem, sed non absolute ac simpliciter monarchicum, sed Aristocracia temperatum, ut ostendimus, nego.

Objecies 1. Ecclesiae Christi tribui debet regimen omnium præstantissimum & perfectissimum: atqui regimen pure & absolute monarchicum omnium est præstantissimum & perfectissimum; ergo, &c.

Deinde, ut observat Laynesius in Oratione citata, Ecclesia statum & regimen sibi non delegit, sed a Christo accepit, cum Caput ejus visibile instituit, adeoque supremum in illam habet dominium istud Caput, quemadmodum habebat Christus, & illius est serva, perinde ac Christi Capitis; cum hoc ipsi præficiendum definierit Christus, prius quam illam efformaret: in quo differt a quavis Republica, quæ ipsa sibi Regem assumit, & ita auctoritatem Principi suo impertitur, & tamen in sinu suo eam servat.

Resp. 1. non aliud Ecclesiae regimen esse tribuendum, quam quod Christo ejus auctori placuit: neque alia hic quærenda facti ratio, quam voluntas facientis. Sit ergo regimen pure & absolute monarchicum omnium perfectissimum in civili ac politica societate, non ita in spirituali & Ecclesiastica: neque enim ex illa debet ad istam argumentum duci, quandoquidem, ut jam diximus, conditio ac status Ecclesiae ab una Christi constituentis voluntate pendet. Quamquam nec desunt congrua rationes propter quas voluerit Christus regimen Ecclesiae suæ non esse pure mon-

Rationes propter narchicum: 1. quia dominium unius absolutum superbiam concitare potius tuisset aut alere, aut in tyrannidem degenerare: unde ministeriale potius officium instituere voluit Christus, quod animæ demissæ saperet magis ac faveret; 2. quia gubernatio Ecclesiae tota spiritualis est, in qua communio Ecclie Sanctorum vi & externa coactione per absolutum & monarchicum imperium fieri non potest, cum tota in actibus liberis Religionis & pietatis Monar- consistat: non ita in Monarchia pure temporali quæ exterius cogit ad ea chicum, quæ jubet; 3. quia corpus Ecclesiae totum ex charitate & Sanctorum communione opera Spiritus sancti compactum est, adeoque non privato cuiusquam motu aut imperio supremo & absoluto, sed communi & Catholicico consensu, qui communionem Sanctorum constituit, debuit gubernari.

Resp. 2. ad confirmationem, eam in pluribus peccare: 1. et si Christus prius designasset caput Ecclesiae, quam ipsum Ecclesiae corpus formasset, non sequitur dominium absolutum concessisse illi capiti: concessit dignitatem ministerialem, quæ ceteris regendis incumbit; sed eamdem, licet inferiorem, aliis pariter concessit, quibus Ecclesiae curam cum debita Capiti subordinatione demandavit; 2. indignum est, nec confutationem meretur quod ait Laynesius, Ecclesiam esse servam R. Pontificis: imo vero, licet ipse sit Caput Ecclesiae, est tamen servus & Minister Ecclesiae, cuius ministerium & officium in eo potissimum est, ut filios ejusdem matris in unitate fidei, morum & communionis conservet; 3. quod dicit de Republica Regem sibi assumente & auctoritatem in eum suam conferente, apud nos certe novum est ac inauditum: tum quia apud nos Gallos non eliguntur, sed nascuntur Reges; tum quia habent quidem electi tum primum Reges ab eli-

eligionibus, quod assumantur ad imperandum; at cum semel assumti sunt & imperant, a Deo ipso auctoritatem regendi accipiunt, neque populo etiam coacto possunt unquam subjacere. Si vero contingat eos a recto deflectere, solæ ipsi supersunt lacrimæ & preces quibus eos fletant; solum Dei præsidium, quo eos ad meliorem frugem revocet, implorandum. *Per me, inquit Deus, Proverb. 8. v. 15. Reges regnant.*

Et certe non minus habent Reges a Deo ut regnent, et si electi sint a subditis, quam Pontifex a Deo ut in Ecclesia sedeat, licet electus sit a Cardinalibus, cum Christus ipse jus Pontificium instituerit in Petro.

Objicies 3. Sunt inter nostros Theologos qui, licet minus Romano Pontifici blandiantur, eum tamen vocant supremum status Episcopalis Monarcham. Ita Gerson ipse de statu Prælatorum, Consideratione 13.

Resp. vix esse inter Theologos a propugnanda absoluta Summi Pontificis Monarchia Gersonio magis alienum: siquidem totus ille est ut probet Romanum Pontificem Ecclesiæ universalis, seu Concilio generali quod illam repræsentat, subjici, a quo emendari, corrigi, excommunicari, ac deponi potest. Legendus prædictus Doctor, Consideratione 4. de Potestate Ecclesiastica, ubi docet Christum dedisse quidem claves Petru, sed principalius Ecclesiæ, tum ratione *indeviabilitatis*, quia deficerre non potest ejus fides; tum ratione *regulabilitatis*, quia ipsius est usum potestatis Papalis regulare, idest moderari; tum ratione *obligabilitatis*, quia potest Ecclesia condere leges obligantes ipsum Papam, tum quoad ejus personam, & tum quoad usum potestatis.

Objicies 4. quasdam similitudines quibus exprimitur Ecclesia in Scripturis, & quæ videntur Monarchiam astruere; ut cum comparatur Navi, vel vocatur Acies ordinata, aut Domus: Namque in navi, acie, & domo est Rector qui ad nutum gubernat & regit.

Resp. ex illis comparationibus nihil inferri posse pro regimine pure monarchico: tum quia in omnibus Evangelii parabolis, attendendum est ad illarum scopum, non vero ad omnes illarum circumstantias, ex quibus saep concluderetur nobis licere, quod tamen esse illicitum novimus, ut patet ex parabola villici. Tum quia si Ecclesia dicitur Navis, non hocce nomine adumbrata est, ut hinc inferamus Romanum Pontificem esse illius Navis unicum rectorem, qui ad nutum illam dirigit; sed tantum, ut exponunt SS. Patres, quod sicut qui extra navim est, in profundum mergitur, sic quicunque est extra Ecclesiam, salutem non potest assequi. Pariter cum dicitur Acies ordinata, nobis innuitur, quod sit terribilis potestatibus tenebrarum, & portis inferi quæ nunquam prævalebunt adversus illam. Denique cum dicitur Domus, nobis exprimitur suavior illa œconomia, qua res in ea peraguntur, sub auspiciis scilicet Patris nostri cœlestis, qui nos omnes habitare facit in domo.

Probat aliqui Romanum Pontificem supremum esse Ecclesiæ Monarcham, eo quod sit Caput Ecclesiæ totius, cui propterea universalis Ecclesia etiam in Concilio generali congregata subjicitur. Verum, infra, ubi de superioritate Concilii supra Papam, commodius illa momenta referemus ac solvemus.

Objicies 5. Cum anno 1148. in Concilio Remensi a S. Bernardo & non nullis Episcopis Gallicanis conditum fuisset, symbolum adversus errores *Alexan.* *T. 19. p. 137.*  
Gil-

Gilberti Porretani, Cardinales qui tunc præsentes aderant una cum Eugenio III. Summo Pontifice, valde improbarunt hanc Episcoporum agendi rationem, cauissati ad solum Romanum Pontificem pertinere cauſarum fidei Judicium; atque graviter ea de re apud Eugenium expostularunt. Ita narrat Otto Frisingensis, L. I. de gestis Friderici I. cap. 57. *Quid fecit, inquit Eugenium alloquentes, Abbas tuus, (Bernardus) & cum eo Gallicana Ecclesia? Qua fronde, quo ausu cervicem contra Romanæ Sedis primatum & apicem erexit? Hac est enim sola quæ claudit, & nemo aperit; aperit, & nemo claudit. Ipsa sola de fide Catholica discutere habens, a nullo, etiam absens, in hoc singulari honore pati præjudicium potest.*

Resp. non ideo Cardinales illos improbasee nostrorum Episcoporum agendi rationem, quod de fidei controversia suum protulissent pro jure suo Judicium, sed quod se & Romano Pontifice inconsultis, symbolum illud condidissent; & ita veluti ultimam ac definitivam hujusce controversiae sententiam sibi arrogassent. Quod si ita fuisset, ut opinabantur illi Cardinales, non immerito conquesti fuissent: non enim pertinet ad privatos Episcopos symbolum fidei condere ac toti Ecclesiae credendum proponere, & ultimum rerum fidei Judicium sibi assūmere, inconsulta Romana Sede. Non aliam porro fuisse querimoniarum cauſam, demonstrant ista verba quæ post citata immediate sequuntur apud Ottонem Frisingensem: *Sed ecce Galli isti, etiam faciem nostram contemnentes, pergit Cardinales, super Capitulis, quæ bis diebus, nobis assidentibus, agitata sunt, tamquam finitima sententia ultimam manum apponendo; nobis inconsulis fidem suam scribere præsumperunt.*

Verum non ea mens fuit Episcopis nostris Gallicanis, qualem existimabant illi Cardinales, nec symbolum eo animo considererunt, ut, inconsulta Sede Romana, totam hanc controversiam ultimo ac supremo Judicio terminarent, sed tantum ut roganti Gilberto Porretano fidem suam confignant. Ita rem Eugenio postulanti exposuit S. Bernardus: *se nempe (sunt ipsius verba apud Ottонem, loco citato), vel Dominos Episcopos nihil de præfatis Capitulis definisse; sed quia ab Episcopo Pictavino audierat ut fides sua scriberetur: idcirco, quia solum nolle, illorum auctoritate ac testimonio simpliciter se quod sentiret exposuisse.... Ita ramen ut præfatum Scriptum, tamquam inconsulta Curia prolatum, velut auctoritatis pondere carrens, pro symbolo in Ecclesia, quod in Conciliis contra haereses congregatis fieri solet, non haberetur. Quo quidem tam humili quam modesto responso, ait Otto, prædicta Cardinalium indignatio conquievit.*

### Q U Æ S T I O Q U A R T A.

*De Membris Ecclesie.*

**E**cclæsia corpus est, cuius Christus est Caput, Fideles membra. Ephesiorum I. v. 22. *Omnia subiecit sub pedibus ejus, & ipsum dedit Caput supra omnem Ecclesiam quæ est corpus ipsius, &c. 4. v. 15. Veritatem autem facientes in charitate, crescamus in illo per omnia, qui est Caput Christus: ex quo totum corpus compactum & connexum per omnem iacturam subministracionis.*

Sensus propositæ questionis est, qui sint illi homines quos sinu suo complectitur Ecclesia, vel a se repellit. Inter illos vero sunt baptizati, & non ba-

baptizati. Et russus inter baptizatos, sunt prædestinati; sunt justi & perfecti; sunt peccatores; sunt hæretici sive publici sive occulti; sunt apostatae; sunt schismati; sunt excommunicati. Inter non baptizatos, sunt infideles sive publici sive occulti; sunt Catechumeni: de iis sigillatim agendum.

In ipso præsentis Quæstionis limine observandum cum Bellarmino, L. 3. de Ecclesia c. 2. quod dicendis lucem maximam afferet, Ecclesiam esse corpus vitum in quo est anima & corpus; & quidem anima sunt interna dona Spiritus sancti, fides, spes, charitas, &c. Corpus sunt externa professio fidei, & communicatio Sacramentorum. Ex quo sit, ut quidam sint de anima & corpore Ecclesiæ, & proinde uniti Christo Capiti interius & exterius, & tales sunt perfectissime de Ecclesia; sunt enim quasi membra viva in corpore, quamvis etiam inter istos aliqui magis, aliqui minus vitam participant, & aliqui etiam solum initium vitæ habeant, & quasi sensum, sed non motum, ut qui habent solam fidem sine charitate. Rursum aliqui sint de corpore, & non de anima, ut Gatechumeni, vel excommunicati, si fidem & charitatem habeant, quod fieri potest. Denique aliqui sint de corpore, & non de anima, ut qui nullam habent internam virtutem, & ramen spe, aut timore aliquo temporali profitentur fidem, & in Sacramentis communicant sub regimine Pastorum, & tales sunt sicut capilli aut unguies, aut mali humores in corpore humano. His suppositis,

### ARTICULUS PRIMUS.

*An soli prædestinati sint vera Ecclesiæ membra.*

**A**ffirmant Novatores V्वiclefitæ, Lutherani & Calvinistæ, de quibus initio hujus Tractatus, cum Ecclesiæ definitionem expendebamus.

### CONCLUSIO.

Nec omnes, nec soli prædestinati sunt in Ecclesia Christi.

Duae sunt partes.

Prima pars probatur: 1. Multi sunt prædestinati, aut saltem possunt esse prædestinati, qui ad tempus nec ad animam nec ad corpus Ecclesiæ pertinent aut pertinere possunt, si nempe in hæresim manifestam labantur, quam postea ejurent singulari Dei misericordia; sicut & multi reprobi sunt in Ecclesia. Quo sensu dixit S. August. Tract. 45. in Joan. T. 3. par. Secundum præscientiam Dei & prædestinationem, quam multæ oves foris, quam multi lupi intus; & quam multæ oves intus, & quam multi lupi foris. A. 2. p. 600.

2. Prædestinatio non est ratio formaliter constituens in Ecclesia, aut saltem necessaria non est ut aliquis ad Ecclesiam pertineat. Primo, non est ratio formaliter constituens in Ecclesia: hæc enim visibilis est & conspicua, velut Civitas supra montem posita; illa vero tota interior & invisibilis: unde fieret ut illi prædestinati, qui soli dicuntur esse de Ecclesia, nec seipso cognoscerent, nec ipsam Ecclesiam: atqui tamen factentur adversarii, plurimum interesse ut cognoscamus & Ecclesiam cui adunari debemus, & eos qui non sunt de Ecclesia, ut cum ipsis societate non jungamur in iis quæ pertinent ad Religionem & cultum Dei. Non est etiam necessaria prædestinatio ut aliquis pertineat ad Ecclesiam, cum & ipsi reprobi ejus sinu contineantur, ut postea demonstrabimus.

Se-

Secunda pars probatur.

Primo, tum ex variis nominibus, figuris & parabolis quibus in Scripturis Ecclesia designatur, de quibus initio hujus Tractatus. Comparatur scilicet Agro Dominico, Matth. 13. In agro autem inter nitentia culta, lappæque, & tribuli, & steriles dominantur avenæ. Comparatur Area, Matth. 3. In area vero paleæ frumentum operantur. Comparatur Sagenæ missæ in mare, in qua boni & mali pisces concluduntur, Matth. 13. Comparatur Convivio nuptiali, ad quod intrarunt boni & mali, postea vero mali non habentes vestem nuptialem projiciuntur in tenebras exteriore, unde concludit Christus, Matth. 22. *Multi sunt vocati, pauci vero electi*: idest, multi sunt in Ecclesia, quæ est evocatio quædam, sive cœtus vocatorum, qui tamen non sunt de electis. Comparatur, Matth. 25. decem Virginibus, inter quas quinque sunt prudentes, quinque vero fatuæ. Comparatur ibid. Ovili, in quo sunt oves & hædi; & illæ, Christo interprete, significant electos, isti reprobos. Ex quibus omnibus manifestum est hac in vita bonos cum malis, prædestinatos cum reprobis simul confundi & permisceri, donec veniat discretionis tempus, quo boni, justi, prædestinati in vitam æternam, mali vero & reprobi in ignem æternum mittendi separabuntur.

Probatur secundo ex SS. Patribus: Cypriano, Epist. 51. ad Confessores & 52. ad Antonianum, quas sæpe laudat S. Augustinus contra Donatistas; S. Hieronymo, Dial. adversus Luciferianos post medium; S. Augustino, Tract. 45. in Joan. & L. 2. contra Cresconium Grammaticum; S. Fulgentio, Lib. de fide ad Petrum, c. 43. S. Gregorio Magno, Hom. 33. in Evangelia, qui omnes ex iisdem mox indicatis Scripturæ testimoniis nostram probant & confirmant Conclusionem: Sufficiat hic retulisse verba ex Breviculo Collationis cum Donatistis tertia die, c. 9. n. 16. ubi S. Augustinus & plus quam trecenti Episcopi in famosa Collatione, anni 411. Donatistis multa Scripturæ loca opponentibus, ut ostenderent peccatores membra Ecclesiæ non esse, nec ad eam ulla-  
T. 9. p.  
52. G. nus pervenire, sic loquuntur: *Hæc duo tempora Ecclesiæ, quæ nunc est, & qualis tunc erit, significata sunt etiam duabus pescationibus: una ante resurrectionem Christi, quando mitti jussit retia, nec sinistram nec dexteram nominans partem, ut nec solos malos, nec solos bonos, sed commixtos bonis malos intra retia suorum Sacramentorum futuros doceret: post resurrectionem autem quando jussit retia mitti in dexteram partem, ut post resurrectionem nostram solos bonos in Ecclesia futuros intelligeremus.*

Probatur 3. nonnullis momentis Theologicis.

I. S. Paulus dum Ecclesiam Christi velut atrox lupus persequebatur, haud dubie non erat in illa; erat tamen prædestinatus. Unde S. Augustinus, Sermone primo de Conversione S. Pauli, recte docet Paulum licet prædestinatum, prius fuisse lupum, deinde ovem. Econtra Judas erat reprobos, & tamen ad Apostolatum vocatus simul cum aliis Apostolis, ad eamdem pertinuit Ecclesiam.

II. Si Ecclesia ex solis prædestinatis constaret, foret invisibilis, & a nemine certo dignosci posset; adeoque excusaretur quisquis ab ejus diligentí inquisitione abstineret, quod est maxime absurdum & contra ipsorum Protestantium principia, qui volunt nemini licere sectam privatam instituere.

III. Se-

III. Sequeretur Paganos, Judæos, Hæreticos & quoslibet impios, si prædestinati sint, jam esse de Ecclesia; econtra vero quoslibet fideles baptizatos, atque etiam sanctioris vitæ homines, si prædestinati non sint, non esse de Ecclesia: atqui utrumque absurdissimum est; cum exploratum esse debeat, Baptismum januam esse per quam aditus sit ad Ecclesiam, & eos qui a fide defecerunt, non amplius esse in Ecclesia; & econtra omnes baptizatos, licet non sint prædestinati, esse de Ecclesia, juxta Apostolum dicentem in Epistolis ad Corinthios & Galatas, *eos omnes qui baptizati sunt, Christiani induisse;* quamquam verisimiliter afferi potest, eos omnes Corinthios & Galatas qui baptizati fuerant, non fuisse de numero prædestinorum.

*1. Cor.  
12. &  
Galat. 3.*

IV. Sequeretur ex adversa doctrina, omnem penitus auctoritatem Superiorum, ac debitam ipsis reverentiam & obedientiam labefactari, quippe cum nec oves Pastores suos, nec Pastores oves suas cognoscerent. Nutabit ergo auctoritas non solum ipsius Ecclesiæ & clavum quas accepit a Christo, sed etiam ipsius fidei & Scripturæ sacræ, omniumque Sacramentorum: nemo quippe sciret quæ sit vera fides, quæ vera Scriptura, quæ vera Sacra menta, cum a sola Ecclesia tuto possit ea omnia accipere; unde autem habebit hanc esse veram Ecclesiam, si tota lateat in prædestinatis?

V. Denique, vera Christi Ecclesia est maxime diffusa, ut supra ostendimus: at ubi erit illa Ecclesiæ amplitudo ac diffusio, si solis concludatur prædestinatis, quos, reproborum comparatione, constat esse paucos, & gregem pusillum, juxta verbum Christi, Matth. 20. & Lucæ 12.

#### *Solvuntur Objectiones.*

Objicies 1. Arca Noe figura fuit Ecclesiæ, sicut docet S. Augustinus, Lib. 5. de Baptismo, capite ultimo. At in Arca Noe non fuerunt nisi qui salvandi erant ex aquis diluvii; ergo etiam in Ecclesia non sunt nisi qui salvandi sunt, idest prædestinati.

Resp. distingo maj. Arca Noe figura fuit Ecclesiæ quantum ad aliqua, concedo: quantum ad omnia, nego. In duobus maxime Arca typus fuit Ecclesiæ: primo, sicut in Arca includebantur cujuscumque generis animalia, munda & immunda, &c. ita in Ecclesia continentur boni & mali, prædestinati & reprobri; secundo, sicut extra Arcam nemo potuit salvus esse ab aquis diluvii, ita pariter extra Ecclesiam nulli patet ad salutem aditus: atque in hoc potissimum stare comparationem Arcæ cum Ecclesia docent S. Cyprianus L. de unitate Ecclesiæ, S. Hieronymus in Epistola ad Damasum de tribus Symbolis, S. August. L. 5. de Baptismo capite ultimo. In aliis vero urgenda non est comparatio Arcæ cum Ecclesia, alioqui sequeretur omnem baptizatum esse prædestinatum: cum enim S. Petrus 1. Epist. c. 3. v. 21. comparet Baptismum cum Arca Noe; sequeretur omnes malos, immundos, peccatores, salvandos esse, quia immunda animalia pariter ac munda in Arca salvata sunt, quas consecutiones non admittunt nostri adversarii.

Objicies 2. Ecclesia quæ est vere Christi Sponsa, Canticorum 4. v. 12. dicitur: *Hortus conclusus, Fons signatus, Puteus aquarum viventium:* quæ omnia propter electos & prædestinatos dicta de Ecclesia fuisse docet S. Augustinus, L. de Baptismo, cap. 27.

Resp. ea omnia intelligi de Ecclesia vel triumphante, vel militante. Si pri-

primum, nobis non adversantur, cum in ea soli electi & prædestinati contineantur: hanc autem esse mentem S. Augustini, vel ex uno ejus testimoniis, L. 2. Retractionum, c. 18. inferri potest, in quo sic loquitur:

*T. 1. p. 48. C. Ubicumque Ecclesiam commemoravi non habentem maculam neque rugam, non sic accipiendo est quasi jam sit, sed quæ preparatur ut sit quando apparebit etiam gloria. Si secundum, potuit etiam Ecclesiam militans vocari hortus conclusus & fons signatus, propter electos & prædestinatos quos suo sensu complectitur, tametsi non omnes qui ad eam pertinent sancti sint & prædestinati: quemadmodum solet sæpe Scriptura per synecdochen tribuere aliquid toti, quod tantum convenit parti. Velo etiam dici potest hortus conclusus & fons signatus, non quasi solos contineat electos; sed hoc sensu quod solis occludatur alienis & extrancis a fide. Sicut ergo in horto etiam concluso vepres simul admixti reperiuntur cum floribus, & spinæ cum rosis; sic & in Ecclesia simul cum sanctis & prædestinatis sunt reprobati.*

Adde, quod ait hic Bellarminus, L. 3. de Ecclesia militante, cap. 7. ea, quæ in Canticis de sponsa dicuntur, non necessario intelligenda esse de Ecclesia. Quidam enim ea intelligunt de Ecclesia, quidam de Beata Virgine, quidam de qualibet anima perfecta, quod ultimum Bellarmino videtur probabilius.

*A. Objicies 3. Ecclesia est unum Ovile, ut ait Christus, Joan. 10. v. 16. atqui istius Ovilia oves sunt soli & omnes prædestinati. Sunt, inquam, foli: nam S. August. Tract. 45. in Joan. expresse docet, per oves intel- 2. p. 600. ligi eos quos Dominus per præscientiam suam novit esse suos. Sunt etiam omnes: nam in aliis Scripturæ locis prædestinati dicuntur oves & filii Dei, etiam cum in errore Gentilitatis versantur. Joan. 10. v. 16. Alias oves habeo quæ non sunt ex hoc ovili. Joan. 11. v. 52. Jesus moriturus erat pro gente; & non solum pro gente, sed etiam ut filios Dei, qui erant dispersi, congregaret in unum. 1. Joan. 2. v. 19. Ex nobis exierunt, sed non erant ex nobis: nam si fuissent ex nobis, manifissent utique nobiscum. Igitur etiam antequam exirent non erant ex nobis, sed videbantur esse.*

*T. 10. p. 761. A. Confirmatur ex S. Augustino, Lib. de corrept. & grat. c. 9. ubi tra- 762. A. Etans citata loca sic ait: Sunt quidam, qui Filii Dei propter suscep- tam vel temporaliter gratiam dicuntur a nobis, nec tamen sunt a Deo .... Ex nobis exierunt, sed non erant ex nobis; hoc est, & quando videbantur in nobis, ibid. p. 762. G. non erant ex nobis, & rursus: Quia ergo non habuerunt perseverantiam; si- cut non vere discipuli Christi, ita nec vere filii Dei fuerunt, etiam quando esse videbantur & ita vocabantur.*

Resp. neg. min. quoad utramque partem.

Quoad primam quæ dicit per oves intelligi solos prædestinatos: nam licet in Scripturis interdum nomen ovis significet prædestinatos, ut Matth. 25. v. 33. ubi separantur oves ab hædis, & Joan. 10. v. 27. Oves meæ vocem meam audiunt; attamen interdum etiam significat alios quam prædestinatos, omnes scilicet tam bonos quam malos, qui externa saltem fidei professione pertinent ad Ecclesiam: quo sensu Christus alloquens Petrum, Joan. 21. v. 18. dicit, Pasce oves meas, & Psal. 73. v. 1. dicitur: Irratus est furor tuus super oves pascae tuæ, & Ezechielis 34. ubi describuntur oves Dei aliae pingues, aliae macilentæ, aliae sanæ, aliae ægrotæ.

Ad auctoritatem S. Augustini, respondeo eum expresse observare, citato loco

loco, secundum præscientiam Dei & prædestinationem multas oves foris esse, & multos lupos intus; similiter & multas oves intus, multos vero lupos foris: quod multi qui blasphemant Christum, sint in ipsum credituri; & multi qui eum intus laudant, sint postea blasphematuri.

Ad secundam partem dico nec omnes prædestinatos esse in Ecclesia; cum multi Infideles, Pagani & Hæretici sint extra Ecclesiam, licet aliquando convertendi sint & ad ejus finum adducendi.

Ad Scripturæ testimonia quæ objiciuntur, non alio titulo oves Christi & filii Dei ii appellantur, quam prædestinationis; non autem quasi actu sunt oves Christi & filii Dei. Hoc sensu dicitur, 2. ad Timot. 2. v. 19. *Novit Dominus qui sunt ejus*: ubi sermo est de illis qui sunt ejus per prædestinationem, non autem de tota Ecclesia; ibidem enim subjungit, v. 20. *In magna domo sunt vasæ aurea & argentea, & lignea, & fictilia*. Et similiter dicuntur reprobri, qui exierunt de Ecclesia, non fuisse ex nobis; quia non fuerunt ex nobis secundum prædestinationem, licet fuerint secundum Sacramentorum communionem. Ita intellexisse S. Augustinum patet ex L. 4. de Baptismo, cap. 2. & L. 2. contra Cresconium, cap. 21.

*Altera distinctio est*, ait Bellarminus, loco mox indicato, posse aliquem dici vere filium Dei, aut membrum Corporis Christi duobus modis: uno modo veritate essentiæ sive forma; altero modo veritate finis, vel, ut alii dicunt, veritate permanentiæ. Veritate essentiæ est filius Dei, qui habet charitatem. 1. Joan. 4. Omnis qui diligit, ex Deo natus est. Et similiter veritate essentiæ est membrum Christi, qui de eodem spiritu vivit 1. Corinth. 12. In uno spiritu omnes vos in unum corpus baptizati estis. At veritate finis dicitur filius Dei, qui assequetur hereditatem; & qui non assequetur, videtur filius, sed non est: finis enim filiationis est hereditas. Quod si filius; & heres per Deum, Galat. 4. Sic etiam veritate finis est membrum, qui salvabitur; nam ad hoc univit sibi Christus Ecclesiam, tamquam corpus Capiti, ut eam salvaret, ut dicitur Ephes. 4. Itaque qui est in gratia, & tamen non est prædestinatus, est vere filius & membrum veritate essentiæ; non autem est filius & membrum veritate finis. Econtra, qui non est in gratia & tamen est prædestinatus, non est vere filius nec membrum veritate essentiæ; & tamen est vere utrumque veritate finis. De prima veritate intelligitur illud 1. Joan. 2. Qui servat verbum ejus, vere in hoc charitas Dei perfecta est. De secunda intelligitur illud Joan. 8. Si manseritis in sermone meo, vere discipuli mei eritis.

Quibus notatis, facile intelligentur loca S. Augustini, ubi dicit justos non prædestinatos non esse vere filios nec membra. Loquitur enim de veritate finis, non de veritate essentiæ. Nam ipse in iisdem locis se explicat. L. de corrept. & grat. c. 9. postquam dixit probos non prædestinatos non esse vere filios, subjungit: Non quia justitiam simulaverunt, sed quia in ea non manserunt. Et L. 3. de doctrina Christiana, c. 32. reddens rationem cur dixerit, non vere pertinere ad Corpus Christi eos qui cum illo non erunt in æternum: Nunc, inquit, in uno sunt, non tamen semper in uno erunt: ipse est quippe ille servus commemoratus in Evangelio, cuius Dominus cum venerit, dividet eum, & partem ejus cum hypocritis ponet. Hactenus Bellarminus.

Objicies 4. Apostolus Hebræorum 3. postquam comparatione facta inter Christum & Moysen, hunc asseruit esse servum, illum vero filium Dei in domo sua, sic loquitur v. 6. *Christus vero tamquam filius in domo sua, quæ dominus sumus nos, si fiduciam & gloriam spei usque ad finem, firmam retineamus*.

Qui-

Quibus verbis innuit Apostolus, nos ad domum Dei, hoc est Ecclesiam non pertinere, nisi firmam fidem & spem retineamus : atqui soli prædestinati retinent firmam fidem & spem usque ad finem.

Resp. eo loci hortari Apostolum Hebreos ut in fide & vita Christiana perseverent, neque propter varias tentationes & Judæorum persecutio-nes animo frangantur, & a fide deficiant ; adeoque agere tantum de perseverantia in domo Dei, quasi hinc concludere deberent Hebræi, pa-rum esse, quod fuissent membra Ecclesiæ, nisi usque in finem perseverarent.

Addi potest, nos esse domum Dei, seu ipsius Ecclesiæ membra per-fecta, si perseveremus in fide & charitate ; quia tunc non tantum su-mus in corpore Ecclesiæ, sed etiam ipsius animæ hisce fidei & charita-tis vinculis conjungimur.

Objicies 5. Christus non est Caput nisi ejus Ecclesiæ quam salvabit : atqui ad ejusmodi Ecclesiam soli pertinent prædestinati, cum soli sal-vi futuri sint ; ergo, &c.

Resp. distinguo maj. Christus non est Caput nisi ejus Ecclesiæ quam salvabit, aut efficienter, aut saltem sufficienter, concedo : quam effi-cienter dumtaxat salvabit, nego'. Eodem quippe modo Christus caput est Ecclesiæ, quo dicitur Salvator : at Christus Dominus Salvator est non tantum prædestinatorum, sed etiam omnium hominum, saltem suf-ficienter. Pro omnibus enim mortuus est, qui mortui sunt in Adam : at omnes in Adam mortui sunt ; ergo pro omnibus mortuus est suf-ficienter saltem : omnibus enim dat aut saltem offert & præparat media necessaria ad salutem, ut docent Theologi ubi de Gratia.

## A R T I C U L U S S E C U N D U S.

*An soli justi & perfecti sint Ecclesiæ membra.*

**Q**uestio est utrum Ecclesia ex solis justis ac perfectis constet ; an non etiani peccatores admittat & contineat.

Novatianorum & Donatistarum sententia fuit, quam amplexi sunt Confessionis Augustanae Lutherani, Ecclesiam solis constare bonis, ju-stis, & sanctis hominibus, qui Christo conjuncti sunt, non solum per fidem, sed etiam per charitatem & gratiam sanctificantem ; ac proinde Ecclesiam sive suo non complecti peccatores, saltem magnos, sive graves & manifestos.

Pelagiani vero, ut observat S. Augustinus L. de hæresibus, non tan-tum excludebant peccatores, sed etiam imperfectos, itaut Ecclesia dici non posset sine ruga & macula, si homines imperfectos, hoc est, vel levioribus etiam peccatis obnoxios admississet.

Constans est Orthodoxorum doctrina peccatores ratione verae fidei & spei quam retinent, etsi charitatem non habeant, ad animam Ecclesiæ imperfekte pertinere. Unde cum nonnulli ex Theologis videntur quandoque docere, peccatores ad solum corpus non ad animam Ecclesiæ per-tinere ; id eo dumtaxat sensu exponendum est, quod charitate careant in qua præcipue posita est anima Ecclesiæ : eumdem loquendi modum ut brevitati consulamus, subinde usurpabimus. His præmissis, sit

CON-

## C O N C L U S I O .

Non ex solis perfectis & justis constat Ecclesia, sed etiam admixtos habet homines imperfectos & peccatores, etiam manifestos.

Duae sunt partes.

Prima pars, nempe Ecclesiam non constare ex solis justis & imperfectis, sed admixtos habere homines etiam imperfectos,

Probatur: quia perfectorum nomine duo possunt intelligi hominum genera, vel eorum qui nullam unquam contraxerunt peccati etiam levioris maculam; vel eorum, qui licet peccatis mortalibus non fuerint inquinati, nihilominus propter humanam fragilitatem quilibet venialia declinare non potuerunt: atqui Ecclesia non constat ex solis illis perfectis, seu priori, seu posteriori modo consideratis.

Non priori; alioquin enim ad solum Christum Dominum & beatissimam ejus Matrem contrahenda foret Ecclesia: solus enim Christus ex natura, beatissima autem Virgo ex gratia & privilegio nullum unquam vel tenuissimum commisit peccatum: de ceteris mortalibus generatim pronunciat S. Joan. Epistolæ suæ primæ, c. 1. v. 8. *Si dixerimus quoniam peccatum non habemus, ipsi nos seducimus, & veritas in nobis non est.* Non posteriori; mox enim ostendimus insignes etiam & manifestos peccatores esse in Ecclesia.

Secunda pars, scilicet peccatores etiam insignes & manifestos, bonis & justis in Ecclesia permixtos esse.

Probatur 1. ex Scripturis argumento multiplici.

Primum dicitur ex variis nominibus, figuris & parabolis, quibus Ecclesiam adumbratam fuisse jam ostendimus: ex iis etenim cuique palam esse debet, hanc esse præsentis Ecclesie militantis sortem, ut simul habeat admixtos prædestinatos & reprobos, bonos & malos: Hoc autem potissimum argumento Catholici invicte debellarunt Donatistas, ut observat S. Augustinus in Breviculo Collationis.

Secundum petitur ex cap. 18. vers. 15. & seq. S. Matth. ubi Christus tradens præceptum correctionis fraternæ, jubet ad Ecclesiam deferri peccatores, qui privata correptione emendari non possunt, & ab ejus finu removendos si eam non audierint: Supponit igitur Christus ejusmodi peccatores in Ecclesia contineri, a qua ejici non debeant nisi propter contumaciam.

Tertium colligitur ex c. 23. v. 3. S. Matth. ubi Christus loquens de malis Præpositis & Doctoribus, jubet ut faciamus quod dicunt, non vero quod faciunt: sunt igitur illi in Ecclesia, quorum vita verbis non consentit.

Quartum eruitur ex eodem S. Matth. cap. 24. v. 9. ubi sub nomine mali servi percurrentis conservos & bibentis cum ebriosis, describit Christus malos Ecclesiæ Præpositos, qui dum comensationibus & voluntatibus indulgent, officia sua negligunt, & patrimonia dissipare non pertimescent, ut docent SS. Hilarius, Hieronymus, Chrysostomus ad hunc locum.

Quintum denique petitur ex Epistola 1. ad Cor. cap. 1. ubi postquam præmisit Apostolus se scribere Ecclesiæ Dei, quæ est Corinthi, mox v. 11. ait, *esse contentiones inter ipsos;* & cap. 5. acrem & severam subjugavit

*Tournely de Ecclesia.* Tom. V. Pars I.

T ob-

objurgationem, non tantum incestuosí, qui tantum facinus admiserat, sed etiam Ecclesia Corinthiorum, quæ hoc sciebat & impunitum relinquebat non sine gravi culpa negligentia. Hæc porro Corinthiorum Ecclesia vera erat Christi societas, in qua tam insignis & manifestus fuit peccator incestuosus, quem satanæ tradidit S. Paulus, idest gravissimæ pœnitentia subjecit, ut spiritus ejus salvus esset in die Domini nostri Jesu Christi.

Probatur 2. ex constanti ac perpetua Ecclesiæ fide & traditione, quam Pelagianis ac Donatistis, statim ac exortus est circa præsens argumentum eorum error, opposuere SS. Patres, in primis Sanctus Augustinus cuius opera & labore usq; est feliciter Ecclesia, in illis Hereticis debellandis. Ita

In tribus Libris contra Epistolam Parmeniani, ubi passim ostendit multos esse in Ecclesia improbos, eorumque impietatem nulli debere esse ostendiculo.

In tribus itidem Libris contra Epistolam Petiliani, ubi probat Præsumum nequitiam Ecclesiæ sanctitati & integritati non obesse; & l. 3. c. 12. ita subiungit: *Homo, inquit, sum de Ecclesia Christi; palea, si malus; granum, si bonus. Non est hujus area ventilabrum lingue Petiliani.*

*Ibid. p. 358. & seq.* In L. de unitate Ecclesiæ, c. 12. & 13. dicit innumera suppeterere Scriptura testimonia de mixtione Ecclesiæ, de ejus multitudine ac frequentia; atque in hunc finem affert dicta Prophetarum & facta.

*Ibid. p. 100.* Lib. 2. de Baptismo, cap. 6. ostendit communione malorum non posse perire Ecclesiam Christi, aut temporibus Cypriani eam periisse, & *Ibid. p. 127. C.* Lib. 4. c. 7. *Distinguamus, inquit, inter eos qui mali foris sunt, & eos qui intus mali sunt.*

Et L. 7. c. 51. postquam observavit quosdam ita esse in domo Dei, ut sint etiam ipsi eadem domus Dei, scilicet bonos & sanctos, dicit alios esse, qui licet ad compagem domus, seu ad societatem justitiae non pertineant, *Ibid. p. 201. A.* sunt tamen in Ecclesia sicut paleæ sunt in frumentis. *Istos enim, ait, esse in domo negare non possumus, dicente Apostolo, in eadem domo esse vasa alia in honorem, alia in contumeliam.* Ibidem ait eos qui in Ecclesia vivunt carnaliter & animaliter, esse ab illa spiritualiter separatos: supponit igitur eos vere, realiter & corporaliter, ut ita dicam, esse in Ecclesia.

Libro denique de vera Religione, postquam, c. 5. ab Ecclesia Ethnicos, Judæos, Hereticos, & Schismaticos procul alienos esse pronunciavit, improbos Catholicos diserte in ea ponit. *Neque enim in confessione Patrum, neque in purgamentis Hereticorum, neque in languore Schismaticorum, neque in cætitate Judæorum querenda est Religio, sed apud eos solos, qui Christiani, Catholicæ, vel Orthodoxi nominantur, idest, integritatis custodes & recta sectantes, & postea, cap. 6. de improbis Catholicis sic habet: Carnales autem suos, idest viventes aut sentientes carnaliter, tamquam paleas tolerat, quibus in area frumenta tutiora sunt, donec talibus regnibus exuantur. Sed quia in hac area pro voluntate quisque vel palea, vel frumentum est, tamdiu sustinetur peccatum aut error cuiuslibet, donec aut accusatorem inveniat, aut pravam opinionem pertinaci animositate defendat.*

Probatur 3. aliquot rationibus Theologis.

Prima est, quia Sacramentum Pœnitentie aliorum non est quam qui sunt in Ecclesia: atqui Sacramentum Pœnitentia justorum non est ac sanctorum, sed peccatorum, ad quorum peccata quælibet post Baptismum admissa cluenda & expianda est a Christo Domino institutum; ergo, &c.

Secun-

Secunda, si morum pietas & justitia ad Ecclesiæ conditionem requiri-  
ratur, visibilis non esset & conspicua Ecclesiæ, atque incertum omni-  
no foret quinam essent de Ecclesiæ: sanctitatis enim & virtutis conditio  
latet nos perinde ac prædestinationis arcanum, cum scriptum sit, *nemi-*  
*Ecli. q.*  
*nem scire utrum odio vel amore dignus sit.* *v. 1.*

Tertia, quia illi sunt vere & simpliciter in Ecclesiæ, qui sunt membra  
Ecclesiæ saltem imperfecta: atqui peccatores sunt membra Ecclesiæ saltem  
imperfecta: qui enim pertinent ad corpus Ecclesiæ, licet animam ejus per-  
fecte non participant, sunt saltem membra Ecclesiæ imperfecta. Quemad-  
modum enim membrum in homine, licet sit mortuum, modo tamen cum  
ejus corpore conjunctum sit, est adhuc membrum hominis licet imperfec-  
tum: ita similiter qui conjunctus est cum corpore Ecclesiæ, licet ejus ani-  
ma sit expers, est tamen membrum Ecclesiæ, quamvis imperfectum: at-  
qui peccatores pertinent ad corpus Ecclesiæ, scilicet per professionem fi-  
dei externam, quamvis ejus animam perfecte non participant: quia licet  
fidem internam habeant, quæ pertinet ad animam Ecclesiæ, charitatem ta-  
men non habent, quæ est potissima & nobilior illius pars; ergo sunt  
membra Ecclesiæ, quamvis arida, mortua, & imperfecta.

#### Solvuntur Objectiones.

Objicies 1. cum Pelagianis duo Scripturæ testimonia: alterum ex Lib.  
Canticorum, c. 4. v. 7. ubi de Ecclesiæ dicitur: *Tota pulchra es amica mea*  
*& macula non est in te.* Alterum ex Epist. S. Pauli ad Ephesios, c. 5. v. 27. ubi,  
Iouens de Ecclesiæ, ait, *Christum se ipsum tradidisse pro ea ut exhiberet eam*  
*gloriosam, non habentem maculam, aut rugam, aut aliquid ejusmodi, sed ut sit*  
*santa & immaculata.* Quem Apostoli textum de Ecclesiæ Catholica hujus  
temporis intelligi debere, docet Concilium Tolitanum VI. cap. 1.

Resp. ad primum: 1. textum illum de Ecclesiæ triumphante intelligi  
posse, sicut expresse docet S. Augustinus, L. 1. Retractionum, c. 19. &  
L. 2. c. 18. quæ certe explicatio nobis hic non nocet; 20. intelligi pos-  
se de Ecclesiæ militante, & quidem sensu multiplici eoque plane ortho-  
doxo: scilicet, Ecclesiæ praesentis temporis tota pulchra dicitur & sine  
macula, vel propter doctrinæ veritatem, ac sanctitatem morum, quam  
præcipit & commendat, non autem propter vitæ justitiam quæ sit in sin-  
gulis ejus membris: ad hanc autem denominationem plane sufficit sanctam  
esse in se Ecclesiæ doctrinam circa fidem & mores, neque enim suorum vi-  
tiis aut erroribus inquinari aut labefactari unquam potest, cum perpetuo af-  
fistentem sibi habeat Spiritum Sanctum. Vel tota pulchra dicitur & sine ma-  
culâ, quod sit mysticum Christi corpus variis distinctum membris & ordini-  
bus, qui ad tam præclarri corporis compaginem etiamque dispositionem per-  
tinent, idque ea proportione quam ejus pulchritudo requirit, per omnem  
juncturam subministracionis in eximia ac pene incredibili ministrantium  
& ministracionum varietate, quam egregie describit Apostolus, 1. Corin-  
th. 12. Vel tota pulchra dicitur, comparative ad veterem Synagogam  
& alias societas Hæreticorum aut Ethniconum; quo sensu intelligendus  
videtur S. Augustinus, Lib. 2 de Civitate Dei, cap. 28. Vel denique tota  
pulchra dicitur, sumpta denominatione a parte Ecclesiæ nobiliori, ani-  
ma scilicet ipsius, quæ in fide, charitate, ceterisque virtutibus positâ est.

Ad secundum: Duplex est hujus loci expositio: alia S. Augustini toto fere Libro de perfectione justitiae contra Cœlestium, & pluribus aliis in locis, ubi docet textum Apostoli intelligendum esse de Ecclesia quæ sanctificatur quidem ac mundatur in hoc seculo per Baptismum, fidem & charitatem; sed tamen non ita perficitur haec mundatio, ut prorsus immaculata dici possit, donec Christus eam sibi exhibeat in altero seculo gloriosam sine macula & ruga. Græci ferme omnes interpretantur de Ecclesia hujus saeculi: at neque hic eorum sensus nobis officit; cum non alia ratione praesens Ecclesia dicatur immaculata, quam quod in præstantioribus suis membris nullam prorsus habeat hujusmodi maculam. Ad Conc. Toletanum, dico ita quidem intellexisse Patres hujus Conclitii verba Apostoli; non tamen exclusisse aliam interpretationem, neque definitissime uno potius quam alio modo esse intelligenda.

Objicies 2. cum Donatistis aliquos Scripturae textus, ex quibus inferri posse videtur malos & peccatores non esse in Ecclesia Christi.

Isaiæ 52. v. 1. de Sion, hoc est Ecclesia Christi dicitur: *Non adjicet ultra, ut pertranseat per te incircumcisus & immundus, & v. 11. Recedite, redate exinde, pollutum nolite tangere, exite de medio ejus.* Quem locum expolnens Apostolus, 2. Corinth. 6. v. 18. addit: *Et recipiam vos, dicit Dominus.* Quibus verbis videtur effici, Deum in Ecclesiam non admittere nisi eos qui se ab immundis peccatoribus separant: cuius rei rationem, loco citato, v. 14. & 15. reddit Apostolus his verbis: *Quæ enim participatio justitiae cum iniquitate, aut quæ conjunctio Christi cum Belial?*

1. Ad Corinth. 10. v. 17. loquens Apostolus de universo fidelium cœtu, ait: *Quoniam unus panis, unum corpus multi sumus; omnes qui de uno pane participamus.* At panis ex frumento dumtaxat perficitur, non vero ex paleis admixtis.

Roman. 8. v. 9. *Si quis autem Spiritum Christi non habet, hic non est ejus,* & 1. Cor. 12. v. 13. *In uno spiritu omnes nos in unum corpus baptizati sumus:* atqui improbi non habent Spiritum Christi; ergo non sunt in Ecclesia.

Resp. ad singula.

Ad primum respondet 1. S. Aug. L. contra Donatistas post Collationem, c. 8. & 20. & in Breviculo Collationis dici 3. verba haec Prophetæ, *Non adjicet ultra, ut pertranseat per te incircumcisus & immundus,* intelligenda esse de Ecclesia triumphante. Quod vero additur, *Recede, exite, &c.* intelligi de separatione, quæ debet fieri animo & moribus, non autem corporali discessione ab eodem Templo & Sacramentis. Ita pariter exponi debet Apostolus, 2. ad Cor. 6. ubi absolute & simpliciter non prohibet quocumque cum Infidelibus commercium; neque enim Corinthii, ad quos scribebat, verabantur habitare cum Infidelibus, aut cum iis cibum sumere, &c. alioquin ex hoc mundo excludum ipsi fuisset, aut etiam habere conjuges infideles & cum iis manere, sicut constat ex cap. 7. v. 12. sed iis prohibetur tantum tam arcta cum Infidelibus societas, ut inde oriatur periculosa necessitas communicandi cum iisdem in moribus & Religione.

*Bell. I. 3. de Eccel. s. 9. T. 2. p. 52. col. 1. G.* Respondet 2. S. Cyrillus in citatum Isaiæ locum, juxta sensum historicum agi de temporali persecutione Judæorum, ut sensus sit: Cum a captivitate re- dieris non adjicet ultra, idest in longum tempus, aliquis infidelis persecutor

per

Per terras tuas eas vastando pertransire: secundum autem mysticum sensum, sermonem esse de Ecclesia, & prædicere Isaiam, fore, ut portæ inferi non prævaleant adversus eam; incircumcisæ enim & immundi hostes Ecclesiæ præcipue sunt dæmones. Pari ratione quod sequitur, *Recedite, recedite, &c.* secundum historicum sensum intelligitur de Judæis, quos hortatur Isaías ut exeat de Babylone, cum finitum fuerit tempus captivitatis: secundum mysticum sensum intelligitur de Christianis, qui debent post Baptismum separari ab Infidelium cœtibus, templis, sacrificiis, conjugiis, & ceteris rebus, quæ quoque modo ad Religionem pertinent: atque hoc modo locum hunc intellexit & citavit S. Paulus, 2. Cor. 6. non enim de commercio cum quibusvis peccatoribus, sed solum cum Infidelibus agit: *Nolite, inquit, jugum ducere cum Infidelibus: quæ pars fidei cum infidei?* *Quis autem consensus templo Dei cum idolis?*

Ad secundum: 1. comparationes & similitudines non sunt in omnibus urgenda. In hoc stat adducta comparatio, quod sicut ex multis granis per aquam fit unus panis, ita ex multis hominibus per gratiam Baptismi & Spiritum Sanctum fit unus populus Dei; 2. panis non tantum ex puro frumento constat, sed etiam interdum ex malitia eorum a quibus conficitur, admiscentur grana lolii aut alia quædam hujusmodi a tritico diversa; 3. certum est, juxta doctrinam Apostoli, non solum bonos in Ecclesia, sed etiam malos & sacrilegos participare de uno pane Eucharistico; alias enim non arguerentur tam acriter quicunque de illo pane indigne manducarent, quos ait judicium sibi manducare ac bibere.

Ad tertium: qui spiritu Dei aguntur, & habent in se diffusam charitatem per Spiritum Sanctum, ii ad Christum pertinent tamquam viua membra, & palmites fructuosi in vite; adeoque perfecte sunt in Ecclesia: mali vero seu peccatores sunt membra Christi mortua, arida, imperfecta, quæ tamen motum aliquem habent, tum propter externam unionem cum reliquo corpore quod movet spiritus Christi, a quo nunquam Ecclesia deseritur; tum propter internam fidem quæ motum aliquem exercet.

Objicies 3. auctoritatem S. Augustini, qui passim in suis contra Donatistas Libris probat immerito ab iis repeti Baptismum qui ab Hæreticis collatus est, eo prætextu quod illi in Ecclesia non sunt, cui soli data sunt Sacra menta: quandoquidem nec datum a facinorosis & grayioribus peccatoribus Baptismum repeatant; licet tam isti quam Hæretici in Ecclesia non deputentur. Qua in re doctrinam & praxim Donatistarum pugnare secum ostendit S. Doctor, ac parem omnino supponit esse conditionem Hæreticorum & malorum, quantum ad eorum ab Ecclesia exclusionem.

Ita vero passim arguit contra Donatistas.

Tractatu 6. in caput primum Evangelii S. Joannis, num. 12. *Hoc ergo T.3 par. quæro, inquit, si columba est simplex, innocens, sine felle, pacata in oculis, 2. p.335: non sæva in unguibus; quæro utrum ad hujus columba membra pertineant ava- C. ri, raptiores, subdoli, ebriosi? &c. Abst., inquit (de Donatista loquitur) Et revera, fratres, quis hoc dixerit? Ut nihil aliud dicam, raptiores solos si dicam, membra accipitris possunt esse, non membra columbae: milvi rapiunt, accipitres rapiunt, corvi rapiunt: columbae non rapiunt, non dilaniant: ergo raptiores non sunt membra columbae. Non apud vos fuit vel unus raptor? Quare manet Baptis- Tournely de Ecclesia. Tom. V. Pars I.*

*mus quem dedit accipiter, non columba? Quare non baptizatis apud vosmet ipsos post raptiores & adulteros & ebriosos & avaros? An isti omnes membra columbae suni? Sic de honestatis columbam vestram, ut ei membra vulturina faciatis.*

T. 9. p. Lib. de unitate Ecclesiae, c. 21. n. 60. *Cum igitur, inquit, boni & mali dent & accipient Baptismi sacramentum, nec regenerati spiritualiter in corpus & membra Christi coadificantur nisi boni; profecto in bonis est illa Ecclesia cui diciatur: Sicut lumen in medio spinarum, ita proxima mea in medio filiarum. In his est enim qui adificant super petram, idest, qui audiunt verba Christi, & faciunt.... Non est ergo in eis qui adificant super arenam, idest, qui audiunt verba Christi & non faciunt.... Qui ergo compage charitatis incorporati sunt adiutorio super petram constituto, & lilio inter spinas carenti, ipsi usque possidebunt regnum Dei. Qui autem super arenam adificant, vel in spinis depitantur, quis dubitaverit quod regnum Dei non possidebunt?*

Ibid. p. Et c. 22. ejusdem Libri loquens de illis de quibus Apostolus ait, Gal. 379. D. 5. *Qui talia agunt, regnum Dei non possidebunt. Omnes itaque isti, inquit, non sunt in lilio, nec super petram: inter hos autem heretici positi sunt. Cur ergo vos, ut omittam cetera, non baptizatis post ebriosos, luxuriosos, invidos, qui regnum Dei non possidebunt, & ideo in petra non sunt; & quia in petra non sunt, proculdubio in Ecclesia non depitantur; quia super hanc petram, inquit, adificabo Ecclesiam meam: & vos vultis ut baptizemus post hereticos, qui inter easdem spinas regnum Dei non possesuras enumerati sunt.*

Ibid. p. contra Cresconium Grammaticum, cap. 21. *Tingere ergo possunt, inquit, boni & mali; abluere autem conscientiam non nisi ille qui semper bonus est. Ac per hoc etiam nesciente Ecclesia propter malam pollutamque conscientiam damnati a Christo, iam in corpore Christi non sunt quod est Ecclesia, quoniam non potest Christus habere membra damnata. Proinde & ipsi extra Ecclesiam baptizant. Omnia quippe ista monstra absit omnino ut in membris illius columbae unicæ computentur; absit ut intrare possint limites horti conclusi, enjus ille custos est qui non potest falli.*

Ibid. p. Lib. 3. de Baptismo, cap. 18. ait Ecclesiam in malis non esse, *five fuisse tumultuantur, five intus cum gemitu tolerentur. Et L. 4. c. 3. ait improbos ibid. p. videri esse in Ecclesia, ad quam tamen omnino non pertinent.*

123. B. *Resp. distingo. S. Augustinus parem supponit esse improborum & hereticorum conditionem quantum ad potestatem valide baptizandi, & maxime in principiis Donatistarum, quos argumento ad hominem, ut dicitur, premit, concedo: supponit parem esse improborum & hereticorum conditionem quantum ad exclusionem ab Ecclesia, subdistingo: ab Ecclesia inadæquate sumpta, hoc est ab anima Ecclesiae, quæ illius pars est nobilior, & qua una constare Ecclesiam volebant Donatistæ, concedo: ab Ecclesia adæquate sumpta, tam pro corpore ipsius quam anima, nego.*

*Cum itaque S. Augustinus tam frequenter urget adversus Donatistas comparationem improborum & hereticorum, & contendit non magis improbos, quam hereticos esse in Ecclesia, argumentatur, ut ajunt, ad hominem, & in ipsa Donatistarum sententia, ut ostendat immerito ab illis rejici Baptismum datum ab hereticis, quandoquidem non rejicerent datum ab improbis, quorum tamen eadem debet esse conditio in ipsis metis principiis Donatistarum, quantum ad validam Baptismi administrationem.*

Scilicet docebant illi, valorem Sacramenti pendere ex personali probitate Ministri, & Spiritum Sanctum ab eo dari non posse, qui eum uon haberet; atque toties nullum esse Sacramentum, quoties suo careret effectu. Docebant pariter, Ecclesiam solis justis & sanctis constare, & ab iis solis valide conferri Baptismum, qui soli membra sunt Ecclesiae, quæ tota sancta est sine macula & ruga, in qua una vera reperiuntur Sacraenta: consequenter Baptismum ab hæreticis datum rejiciebant illi, ac iterabant; Baptismum vero datum ab improbis, raptoribus, homicidis, adulteris, nec rejiciebant, nec iterabant: qua in re parum sibi constare Donatistarum doctrinam recte ostendit S. Augustinus, argumento ad hominem; atque ab illis debere aut admitti pariter, aut pariter rejici Baptismum datum ab hæreticis & improbis ministris; quia scilicet non magis improbus habet Spiritum sanctum, quam hæreticus; non magis pertinet ad eam Ecclesiam quæ tota sancta est sine macula & ruga, quam hæreticus; ergo non plus valet datus ab eo Baptismus, quam valet datus ab hæretico: atqui tamen istum rejicunt Donatistæ, illum vero admittunt: quomodo hæc conciliantur? ergo, concludit S. Doctor, sicut valet Baptismus datus ab improbo, quia non ipsius, sed Christi Baptismus est; ita pariter valet Baptismus datus ab hæretico, quia non ipsius, sed Christi Baptismus est. Hoc esse S. Doctoris ratiocinium & argumentum ad hominem contra Donatistas, patet ex omnibus locis quæ hic adducta sunt, præsertim ex c. 22. Libri de unitate Ecclesiae, & ex cap. 4. Libri 4. contra Donatistas, ubi sic arguit: *Sicut;* T. 9. p. 124. A. *surgeri videor cum mihi dicitur, Ergo hæreticus dimittit peccata: Sic & ego ur-*

*go cum dico, Ergo quia cœlestia mandata non servat avarus, raptor, fænector, invidus, verbis non factis sæculo renuncians, dimittit peccata? Si per vim Sacramenti Dei; sicut ille, ita & ille. Si per meritum suum; nec ille, nec ille. Illud enim Sacramentum & in malis hominibus Christi esse cognoscitur; in corpore autem unicæ columbæ, incorruptæ, sanctæ, pudicæ, non habentis maculam aut rugam, nec ille, nec ille invenitur. Et quomodo accipienti non prodest Baptismus ei qui sæculo verbis non factis renunciat, sic non prodest ei qui in hæresi vel schismate baptizatur: utrique autem correctio prodesse incipit, quod ante non proderat. Hactenus S. Augustinus.*

Distingui pariter debent istæ, quæ apud S. Augustinum frequenter occurruunt propositiones: Improbi non sunt in Ecclesia, licet videantur esse: Non sunt membra columbæ puræ, sanctæ, immaculatæ, &c. Distinguimus: improbi non sunt in Ecclesia, tamquam viva ipsius membra animata per sanctitatem & charitatem, & ad sensum Donatistarum, qui non alia agnoscabant vera Ecclesiae membra, concedo: non sunt in Ecclesia tamquam membra arida, mortua, imperfecta, quæ ad corpus dumtaxat Ecclesiae pertinent, non vero ad animam, nego. Apposite igitur ad scopum suum & ad doctrinam Donatistarum sèpius repetit S. Augustinus, improbos non esse in Ecclesia, non esse membra columbæ unicæ, sanctæ, & impollutæ; ut nempe inde arguat Donatistas contradictionis & erroris. Si enim Ecclesia ex solis justis constat, ut illi contendebat; si illi soli valide baptizant, qui sunt membra columbæ unicæ, &c. non tantum hæretici, sed nequidem improbi valide baptizant: non enim (ut diximus) magis isti, quam illi sunt, ad sensum Donatistarum, Ecclesiae membra: atqui tamen non baptizabant illi post improbos, sed tantum post Hæreticos; ergo erroris simul & con-

traditionis rei illi erant. Unicum igitur S. Doctoris institutum, in his contra Donatistas Libris, est ut ostendat, valere Baptisnum datum ab Hæreticis, perinde ac ab improbis; quia necesse non est ad validam Baptismi administrationem, ut Minister sit vivum Ecclesiæ membrum animatum per charitatem, ut putabant Donatistæ, sed satis est quod Christi Sacramentum administret, cuius veritas & sanctitas tota fluit a Christo; *Hic enim est qui baptizat.* Non itaque comparat S. Doctor improbos cum Hæreticis, quantum ad exclusionem ab Ecclesia universalí adæquate sumpta tam pro corpore, quam pro anima; sed dumtaxat quantum ad exclusionem ab anima Ecclesiæ, & potestatem valide administrandi Baptisnum, de qua una erat ipsi cum Donatistis controversia.

S. Aug.  
Instabis 1. S. August. l. 5. contra Donat. c. 27. refellit S. Cyprianum qui scripserat improbos intus esse, hoc est in Ecclesia, adeoque validum esse datum ab illis Baptisnum; non autem datum ab Hæreticis qui foris sunt. Quo porro sensu dicere potuit S. Cyprianus, improbos esse intus? Non sane per charitatem; noverat enim eam cum peccato mortali non cohædere: voluit ergo improbos saltem pertinere ad corpus Ecclesiæ, quod sufficit ut valide baptizent. Istud tamen refellit S. Augustinus, ergo existimat improbos penitus excludi ab Ecclesia.

Resp. Nusquam S. Angustinium improbabse quod scripserat S. Cyprianus, nempe improbos intus esse; imo ex professo hanc ipsius sententiam probat, lib. 4. contra Donat. c. 12. Verum ex illa ipsius sententia argumentum dicit S. Augustinus, ut ostendat non debuisse Cyprianum rejicere Baptisnum Hæreticorum, sicut non rejiciebat Baptisnum improborum, aut debuisse utrumque pariter rejicere: quia scilicet idcirco Cyprianus rejiciebat Hæreticorum Baptisnum, quia non sunt intus; non sunt autem intus, quia non habent Spiritum Sanctum, quem proinde aliis dare non possunt: atqui pariter hoc sensu improbi non sunt intus, non enim habent Spiritum Sanctum: quomodo igitur illum alias dare possunt? quomodo ergo illorum Baptisnum admittit Cyprianus? Quo in argumeto non ait simpliciter & absolute S. Augustinus, improbos non esse intus, hoc est in Ecclesia, sed juxta sententiam & doctrinam Cypriani, eos intus non esse; quandoquidem illi dumtaxat, juxta Cyprianum, intus sunt & valide baptizant, qui habent Spiritum Sanctum: atqui improbi non habent Spiritum Sanctum; ergo non sunt intus; ergo eorum Baptisnum, si sibi constare voluisset S. Cyprianus, admittere non debuisset, sicut non admittebat propter eamdem rationem & causam Baptisnum Hæreticorum. Sic contradictionis, ac parum secum cohærentis doctrinæ Cyprianum arguebat Augustinus. Non igitur in sua propria, sed in sententia dumtaxat S. Cypriani, S. Augustinus negat improbos esse in Ecclesia, quos tamen, non sine contradictione, intus esse scripserat Cyprianus.

Instabis 2. Sequitur in sententia S. Augustini duas esse distinguedas Ecclesiæ, unam mixtam ex bonis & malis, alteram vero constantem ex solis justis.

Resp. ita quidem olim, non sine calunnia objecisse Donatistas, ut patet ex Breveculo Collationum in Collatione diei tertiae; quibus Catholicæ respondebant, se nasquam duas, sed unicam admisisse Ecclesiam, cuius quidem distingui possunt partes varia & tempora diversa.

Partes quidem; quia aliter boni, aliter mali ad Ecclesiam pertinent: boni enim sunt quasi anima & pars interior Ecclesiae, mali autem quasi corpus & pars exterior: sicut dum loquimur de homine interiori & exteriori, tametsi diversa sint quae significantur, constat tamen non dici, nec esse duos homines.

Tempora etiam distinguenda esse asserebant Catholici: nunc in praesenti saeculo Ecclesiam admixtos habere malos & bonos; tunc autem, hoc est in futuro saeculo, non habituram nisi bonos: non tamen duas esse Ecclesias, sicut non sunt duo Christi, eo quod Christus semel mortuus fuerit, postea non moriturus. Verba Sancti Doctoris paulo ante laudavimus ex Breviculo Collat. cum Donatistis tertia die, cap. 9. num. 16.

Instabis 3. S. Aug. Lib. 3. de Bapt. cap. 18. & Lib. 7. c. 51. & alibi passim docet solos Sanctos esse illam Ecclesiam quae est fundata super petram, cui datae sunt claves regni celorum, & de qua dicitur, *Si Ecclesiam non audierit, sit tibi sicut Ethnicus & Publicanus.*

Resp. distinguo ant. Soli Sancti sunt de Ecclesia, in genere causae finalis, hoc nimirum sensu, quod omnia privilegia quae a Deo concessa sunt Ecclesiae universae, propter solos Sanctos concessa sint & in eorum utilitatem ac salutem, ut nempe vitam consequantur aeternam, concedo: in quocumque alio genere, scilicet efficientis, materialis, aut formalis, quasi nimirum Ecclesia pro statu hujusce vita ita fuerit instituta, ut solis debeat constare Sanctis, neque ejus Sacra menta per alios possint administrari quam per Sanctos, nego. Adde, sensu non incongruo posse dici eos ad Ecclesiam non utcumque pertinere, qui ejus partem nobiliorem ac praecipuam, nempe animam, non participant, quales sunt improbi, spiritu vita interioris seu sanctitatis destituti.

Objicies denique aliquot rationes Theologicas: 1. Ecclesia est sancta: ergo non constat nisi ex Sanctis; 2. qui non habent Deum Patrem, non possunt habere Ecclesiam matrem: at improbi non habent Deum patrem; 3. si mali essent Ecclesiae membra, in eos aliquid influeret Christus, qui ipsius Caput est: at Christus nihil influit in malos.

Resp. ad primum: Ecclesiam esse quidem sanctam in se formaliter, quia quaecumque ad eam constituant concurrunt, sancta sunt; non autem esse sanctam materialiter & subjective, quasi omnes homines ex quibus coalescit, sint sancti.

Ad secundum: quamvis daremus improbos non habere Ecclesiam matrem, non tamen hinc colligendum foret, eos non esse in Ecclesia. Indo mo quippe seu familia non tantum filii sunt, sed etiam familiares & servi; licet famuli non maneat in domo in aeternum, sed soli dumtaxat filii, ut dicitur, Joan. 8. Deinde cum dicitur improbos non habere Deum patrem, hoc sensu intelligi debet, quod scilicet non sint Filii Dei vel per imitationem, vel per regenerationem seu gratiam adoptionis; licet sint filii Dei adeoque & Ecclesiae per institutionem & doctrinam.

Ad tertium, dico non aliud esse Christi Ecclesiae Capitis in improbos influxum, preter fidem & spem habituales, gratiasque actuales quibus ipsis resistunt, cum sint Ecclesie membra arida: que charitatem in qua precipue posita est anima Ecclesie, intus a capite non suscipiunt; sed pro sui cum aliis membris

conti-

continuitate exteriori capiti subsunt, & ab eo motu quodam externo simul cum aliis moventur.

## ARTICULUS III.

*An Hæretici, sive publici sive occulti, sint in Ecclesia.*

**S**anctus Augustinus, Lib. 7. de Baptismo, cap. 51. hæreticos in duos ordines generatim distribuit, in manifestos & publicos, qui disruptis retibus sunt extra domum; & in occultos ac latentes, qui nondum disruptis retibus in domo remanent, alicujus commodi temporalis desiderio retenti. Itos magis de domo esse, quam in domo esse affirmat; ut potest qui non pertineant ad compagem domus, hoc est fidem & charitatem.

De utrisque queritur, sintne vera Ecclesiæ membra. Quæ quidem controversia; si ratio habeatur sententia Novatorum, in primis Jurii, gravissima: si vero nonnullorum ex nostris sentiendi ac loquendi ratio attendatur, exigua & nullius fere ponderis ac momenti esse videtur.

Jurius scilicet existimat, ut jam observavimus, Ecclesiam universalem finu suo complecti omnes hæreticorum sectas, qui nec errant in articulis fidei fundamentalibus, quique idcirco, hæresi non obstante, salutem æternam possunt assequi. Quo sensu, gravissima est præfens quæstio, ac jam maxima ex parte a nobis superius explanata, cum demonstravimus Ecclesiam ita esse unam, ut unica communione eaque Romana consistat, in qua sola salus obtineri potest; quapropter omnes alias sectas seu societas plane rejicit. Afferere igitur Novatorum sensu, hæreticos esse in Ecclesia, seu vera esse Ecclesiæ membra, hæresis est manifeste pugnans contra unitatem Ecclesia.

*Alphon-*  
*sus a Ca-*  
*stro L. 2.*  
*de justa*  
*hæreti-*  
*corum*  
*punitio-*  
*ne c. 24.*  
*Bellar.*  
*L. 3. de*  
*Ecclesia*  
*Milit.*  
*cap. 2.*  
*3. & 10.*  
*Sylvius*  
*L. 3. con-*  
*trover-*  
*siarum*  
*q. 1. ar. 7*

Sunt autem inter nostros nonnulli, qui existimant apertos & manifestos hæreticos aliquo sensu dici posse Ecclesiæ partes seu membra, nempe propter Baptismum, ac alia nonnulla Sacra menta quæ retinent. Sunt qui hæreticos occultos esse quidem membra corporis Ecclesiæ a quo separati nondum sunt, ad animam vero ipsius nullatenus eos pertinere volunt, unde imperfecte & secundum quid partes seu membra Ecclesiæ dicuntur. Sunt qui eos nequidem membra corporis Ecclesiæ dici debere contendunt, nempe propter defectum fidei, quæ plane necessaria ipsis videtur, ut quis etiam exterius dumtaxat ac corporaliter sit in Ecclesia. Quæ profecto nostrorum sentiendi varietas rem Catholicam non attingit, ac salva fide in verbis magis, quam in sensu positâ videtur. Itaque sit

## PRIMA CONCLUSIO.

Hæretici publici ac manifesti nullatenus sunt in Ecclesia, in qua una salus haberi potest.

Probatur 1. ex Scriptura. Ad Titum 3. v. 10. *Hæreticum bominem, inquit S. Paulus, post unam & alteram correptionem devita, sciens quia subversus est, qui ejusmodi est, & delinquit, cum sit proprio judicio condemnatus.* Si autem vitandus ille est, haud dubie in Ecclesia non est; Pastor quippe non vitare debet, sed curare eos qui ad suum gregem pertinent. Rationem reddit Apostolus, quod nempe sit proprio judicio condemnatus; hoc est,

inter-

interprete S. Hieronymo, seipsum ab Ecclesia ejicit, ipsam quodammodo Episcopi sententiam atque judicium præveniens.

Primæ Joann. 2. v. 19. *Ex nobis prodierunt, sed non erant ex nobis: nam si fuissent ex nobis, mansissent utique nobiscum.* Idest, ex nobis exierunt, quia erant nobiscum in eadem Ecclesia, sed non erant ex nobis secundum divinam electionem, sicut exponit S. August. Lib. de dono perseverantiæ, c. 8.

Probatur 2. iis omnibus momentis quibus supra, Quæstione secunda, Articulo 2. probavimus Ecclesiam ita esse unam, ut excludat quascumque alias hæretorum societas qui errant in articulis etiam non fundamentalibus. Tum quia ignota fuit toti Antiquitati Jurii opinio: nomine quippe Ecclesiæ Catholicæ semper intellectere Christiani unicam communionem a qua excluderentur Hæretici. Tum quia alias nemo per tota saecula intellectisset suum Symbolum, illusoriae fuissent fidei professions, atque injusti Episcopi omnes sive Orientis, sive Occidentis, qui a sua societate & communione hæreticos amandassem. Tum denique quia ita, fatente ipsomet Jurio, censuere Patres quatuor priorum Ecclesiæ saeculorum, tum cum purissima erat Ecclesiæ doctrina, nec ullos adhuc progressus fecerat antichristus, ut ipsi loquuntur Reformatores. Dicere autem cum eodem Jurio, Patres illos sibi falsam efformasse Ecclesiæ ideam & notionem, absurditas est non ferenda; quasi Jurio potius, quam illis egregiis fidei defensoribus fides esset adhibenda.

Probatur 3. quia illi nullatenus sunt in Ecclesia Christi, nec possunt esse ullo modo ejus membra, qui nec corpus ejus nec animam participant; quemadmodum quod non pertinet ad animam vel corpus hominis, non potest dici pertinere ad hominem: atqui hæretici manifesti nec corpus Ecclesiæ, nec ejus animam participant. Non quidem corpus: tria enim constituant Ecclesiæ corpus, scilicet externa fidei professio, Sacramentorum communio, Pastoribus legitimis debita subiectio: atqui hæretici manifesti nec ejusdem fidei professionem externam, nec eorumdem Sacramentorum communionem habent, nec tandem legitimis Ecclesiæ Pastoribus adhærent, sicut omnes norunt.

Non etiam Ecclesiæ animam participant. Duo enim sunt præcipua in quibus posita est anima Ecclesiæ, scilicet fides vera, & charitas non ficta: atqui hæretici manifesti non habent fidem veram, ut probant vulgo Theologi, ubi de fide; non enim Ecclesiam audire volunt quæ est custos depositi: qui autem Ecclesiam non audit, is tamquam Ethnicus Tom. 9. & Publicanus haberi debet. Non habent etiam charitatem: *Charitas enim p. 265. C. Christiana*, ait S. Augustinus, Lib. 2. contra Litt. Petil. cap. 77. nisi in unitate Ecclesiæ non potest custodiari.

### SECUNDA CONCLUSIO.

Hæretici occulti, sunt in Ecclesia, sed imperfecte dumtaxat, & quantum ad corpus ejus, seu partem externam & visibilem.

Duae sunt partes.

Prima pars probatur: 1. Quia non minus occulti hæretici sunt in Ecclesia, quam peccatores & improbi Catholici; neque enim charitas minus essentialis est Ecclesiæ, quam fides, cum utraque constituat ejus animam, que

qua est nobilissima pars Ecclesiae : atqui etiamsi hypocritæ & improbi careant charitate , censentur tamen & vere sunt in Ecclesia , quamvis imperfecte & tantum quoad ejus partem visibilem & exteriorem ; 2. si præcise propter defectum fidei internæ aliquis non est in Ecclesia , nequidem imperfecte , duo sequentur absurdia .

Primum est , quod statim ac Pastor aliquis seu Episcopus , aut ipse Summus Pontifex , in aliquam hæresim occultam incident , omni destituetur auctoritate , nullamque prorsus in Ecclesia obtinebit amplius jurisdictionem ; ac proinde invalidi erunt ac nulli omnes actus qui a vera jurisdictione dimanare debent : quod quidem quam sit absurdum satis intelligitur . Constantissimum enim est in doctrina SS. Patrum , eos omnes qui sunt extra Ecclesiam , nullam omnino habere in Ecclesia auctoritatem & jurisdictionem . Ita S. Cyprianus passim in suis Epistolis , S. Optatus , Lib. 1. contra Parmenianum , S. Ambrosius , Lib. 1. de pœnit. c. 2. S. Hieronymus , Dialogo contra Luciferianos , S. Augustinus in Enchiridio , c. 65. Et ratio est , quia intelligi non potest quomodo qui nequidem membrum est imperfectum Ecclesiae , possit esse ipsius Caput , ejus Pastor ac Doctor .

Alterum absurdum istud est , quod nemini unquam constare poterit quinam hominum cœtus sit vera Ecclesia . Quomodo enim dignosci poterit in quibus sit vera & interior fides ? Unde sequeretur invisibilem fore Ecclesiam . Eadem igitur argumenta , quibus antea probavimus peccatores esse vere in Ecclesia , probant pariter occultos Hæreticos ejus esse partes seu membra , quamvis imperfecta , præcisa quidem interius , ut loquitur S. Augustinus mox referendus , sed omnino exterius non præcisa .

Secunda pars , nempe occultos Hæreticos esse in Ecclesia tantum imperfecte , seu , ut alii loquuntur , secundum quid , eo fere modo quo , ait T. 2. p. Bellarminus , Lib. 3. de Ecclesia militante , c. 2. capilli aut ungues , aut 44. G. mali humores sunt in corpore humano . Probatur : Quia illi sunt tantum imperfecte in Ecclesia & quoad partem ejus visibilem , qui ejus fidem exterius saltem profitentur , ejus Sacra menta participant , atque ejus Pastribus subjiciuntur , fidem autem non habent , adeoque nec charitatem : atqui tales sunt Hæretici occulti .

Atque propter istum fidei & charitatis defectum dixit S. Augustinus ejusmodi Hæreticos jam esse ab Ecclesia præcisos , ( non quidem exteriori , ut per se patet , præcisione , cum occulti illi sint , & Ecclesia de occultis non judicet ) sed interiori , quod nempe de anima Ecclesiae exclusi omni vita spiritualis sensu sunt destituti . Ita exponi debet sanctus Doctor , L. 4. de T. 9. p. Baptismo , contra Donatistas , c. 16. ubi sic loquitur : Si quisquam idem sentiat quod ille ( Photinus , ) & esse noverit hæresim ab unitate Catholica separatam ubi hoc docetur & disicitur , sed alicuius secularis emolumenti causa in Catholica unitate baptizari voluerit , vel in ea baptizatus propter hoc exire inde noluerit , non solum separatus habendus est , verum etiam tanto sceleratus , quanto magis errori hæresis , & divisioni unitatis fallaciam adjungit , ( quia nimisrum hac obducta exteriori larva fidei , occulti Hæretici facilis incertos fideles decipiunt ac seducunt , a quibus non ita sibi cavere facile ipsis est , sicut ab apertis & manifestis . ) Rursus , Lib. de unitate Ecclesiae , capite ultimo : Multi , ait , sunt in Sacramentorum communione cum Ecclesia , & tandem jam non sunt in Ecclesia , ( nempe ratione animæ ipsius . ) Alioquin , si

Ibid. p. 386. B. C. tunc

tunc quisque praeciditur, cum visibiliter excommunicatur; consequens erit, ut tunc rursus inseratur, cum visibiliter communioni restituitur. Quid si ergo fitius accedit, atque adversus veritatem & Ecclesiam cor inimicissimum gerat, quamvis peragatur in eo illa sollemnitas, numquid reconciliatur, numquid inseritur? Absit. Sicut ergo jam denuo communicans nondum insertus est; sic & antequam visibiliter excommunicetur, quisquis contra veritatem, qua convincitur & arguitur, inimicum gestat animum, jam praecisus est. Supple, interius ab anima Ecclesiae, non vero exterius ab ejus corpore, sicut totus contextus demonstrat. Atque hac ratione facile conciliabis nonnulla sancti Doctoris testimonia, quae in speciem pugnare secum videntur, quae tamen re ipsa non pugnant. Cum enim aliquando ait malos & Hæreticos occultos esse in Ecclesia, de corpore Ecclesiae loquitur; cum vero aliquando ait eos esse præcisos, nec esse in Ecclesia, intelligit animam Ecclesiae.

Et certe, Tract. 3. in Epist. S. Joan. n. 4. Hæreticos in Ecclesia esse & non esse (diverso respectu mox exposito) affirmat. *Omnes Heretici, in-*  
Tom. 3.  
part. 2.  
p. 844. E
*quit, omnes Schismatici ex nobis exierunt, idest, ex Ecclesia exeunt: sed non exirent, si ex nobis essent. Antequam ergo exirent, non erant ex nobis. Si ante-*  
p. 845.
*quam exirent, non erant ex nobis; multi intus sunt, non exierunt, & tamen antichristi sunt. Et infra: Et sunt qui intus sic sunt in corpore Domini nostri Jesu Christi; quandoquidem adhuc curatur corpus ipsius, & sanitas perfecta non erit nisi in resurrectione mortuorum: sic sunt in corpore Christi, quomodo humores mali. Quando evomuntur, tunc relevatur corpus; sic & mali quando exeunt, A.*  
A.
*tunc Ecclesia relevatur. Et dicit, quando eos evomit, atque projicit corpus, ex me exierunt humores isti, sed non erant ex me. Quid est, non erant ex me? non de carne mea præcisi sunt, sed peccati mihi premebant cum inessent. Quibus verbis exponit sanctus Doctor, occultos Hæreticos esse in Ecclesia quantum ad corpus, & non esse quantum ad animam.*

#### Solvuntur Objectiones.

Objicies 1. contra primam Conclusionem, parabolam quæ extat apud S. Matth. cap. 13. in qua dicitur homo bonum semen in agro seminasse, *Cum autem dormirent homines, venit inimicus ejus, & superseminavit zizania in medio tritici.* Qua in parola 1. ager Ecclesiam significat, ut interpretantur S. Hieronymus, in caput 13. S. Matth. S. August. tum in Breviculo Collationis diei tertie contra Donatistas, cap. 8. & 9. tum Lib. 2. contra Cresconium, cap. 34. tum Sermone 18. de verbis Domini, nunc 88. capite 19. 2. in illo agro seu Ecclesia tria inveniuntur, scilicet, granum, paleæ & zizania. Granum significat bonos Catholicos, paleæ malos, zizania vero Hæreticos. Ita exponunt SS. Hieronymus, loco mox citato, Augustinus Sermone 88. alias 18. de verbis Domini, cap. 19. Chrysostomus in caput 13. S. Matth. Theophilaetus Hom. 48. in Matth. Igitur juxta hanc interpretationem, Hæretici sunt in Ecclesia simul cum bonis & malis Catholicis.

Resp. 1. dato & non concessso quod per agrum Ecclesia, per zizania vero Hæretici intelligendi sint, parabola hæc aperte demonstrat, Hæreticos (quamquam exterius & secundum quid in Ecclesia forent) non posse salutem asequi, sed igni æterno cruciandos reservari. *Quod enim dixit Christus,*  
ait

*Tom. 4. ait hic S.Hieronymus, Zizaniorum fasciculos ignibus tradi, & triticum congre-  
part. 1. gari in horrea, manifestum est Hæreticos quosque & hypocritas fidei, gehennæ  
P. 59. ignibus concremandos: sanctos vero, qui appellantur triticum, horreis, idest  
mansionibus cælestibus, suscipi. Itaque ex ista parabola habemus, ( quod  
hac in quæstione præcipuum esse jam observavimus ) Hæreticos salutem  
æternam assequi non posse, nisi hæresi deposita, ad unitatem Ecclesiæ  
Catholicæ se se receperint .*

Resp. 2. non consentire inter se SS. Patres in explicatione hujus para-  
bolæ. Alii enim per Agrum intelligunt mundum ipsum, non vero solam  
Ecclesiæ: in mundo autem Hæreticos esse quis dubitat? Huic interpre-  
tationi favet in primis ipse Christus, citato capite 13. S. Matth. ubi v.37.  
parabolam hanc rogantibus Discipulis sic exponit: *Qui seminat bonum se-  
men, inquit, est filius hominis. Ager autem est mundus. Bonum vero semen, bi-  
filii sunt regni. Zizania autem, filii sunt nequam. Inimicus autem qui semina-  
vit, est diabolus, &c.* Aliis vero placet per agrum intelligere Ecclesiæ,  
& per zizania Hæreticos, qui occulti sunt aut manifesti. Si occulti, fate-  
mur eos esse in Ecclesia saltem imperfecte; si publici, longe accuratori  
sensu dicuntur esse extra Ecclesiæ. Si tamen aliqui Scriptores Catholicæ  
eos utcumque in Ecclesia esse, ratione scilicet Baptismi, & aliquorum Sa-  
cramentorum, quæ retinent, scripserint, non multum movemur; levis  
enim est ista quæstio ac tota de nomine, præsertim cum ( quod rei caput  
est ) iidem Scriptores agnoscant Hæreticos extra salutis viam aberrare,  
& velut zizania in fasciculos colligendos esse ut comburantur .

Objicies 2. ex Apostolo, II. ad Timoth. c.2. v.20. *In magna domo non  
solum sunt vasæ aureæ & argenteæ, sed & ligneæ & fictilia; & quædam quidem  
in honorem, quædam autem in contumeliam.* Quo in loco nomine domus in-  
telligit Apostolus Ecclesiæ; & nomine valorum ligneorum & fictilium,  
Hæreticos. Dixerat enim paullo ante: *Sermo eorum ut cancer serpit, ex qui-  
bus est Hymenæus & Philetus, qui a veritate exciderunt.* Ita interpretantur  
SS. Cyprianus Epistola 51. & 52. Ambrosius seu Auctor Commentariorum  
in omnes S. Pauli Epistolas, qui sub nomine Ambrosii circumferuntur; Au-  
gustinus Lib. 4. contra Donatistas, cap. 12. & Lib. 7. cap. 51. ac profite-  
tur se ad ita sentiendum compullum fuisse auctoritate S. Cypriani .

Resp. multos ex SS. Patribus præsertim Græcis, per domum, non Ec-  
clesiam, sed universum mundum intellexisse, quæ certe interpretatio ne-  
bis non nocet. Inter Latinos vero sunt qui per domum, Ecclesiæ; per vasæ  
fictilia, malos Catholicos, & Hæreticos intelligunt: ex quorum interpreta-  
tione hoc unum colligi dumtaxat potest, Hæreticos, si occulti sint, & ante-  
quam separati vel sponte exeant vel expellantur, esse in Ecclesia, ut jam di-  
ximus, imperfecte secundum quid, & ratione communionis dumtaxat ex-  
terioris; si vero sint publici & manifesti, improprie & latiori quodam sensu  
dici posse in Ecclesia, ratione Baptismi & aliorum Sacramentorum. Il-  
los magis de domo quam in domo esse asserit S. Augustinus, qui utramque  
hanc responsionem nobis suppeditat, L.3. de Baptismo, c.19. his verbis:

*T. 9. p. Dicit Apostolus Paulus de quib[us]dam qui circa veritatem aberraverant, & fidem  
119. F.F quorundam subvertiebant, quorum sermo ut cancer serpebat, quos cum evitando  
esse diceret, in una tamen magna domo eos fuisse significat, sed tamquam vas in  
contumeliam. Credo quod nondum foras exierant. Aut si jam exierant, quomodo*

eos dicit in eadem magna domo cum vasis honorabilibus? nisi forte propter ipsa Sacraenta, quæ separatis etiam Hæretorum conventiculis non mutata sunt, ad unam magnam domum dicit omnes, sed diversis meritis pertinere, alios in honorem, alios in contumeliam. Et Lib. 7. c. 51. distinguit, ut initio observa-  
virus, Hereticos duplicitis generis, alios qui nondum disruptis retibus  
sunt in domo, alios qui retibus disruptis sunt extra domum,  
*Ibid. p. 200. & 201.*

S. Cyprianus per vasæ lignæ & fictilia nullatenus Hæreticos intellexit, sed infirmos dumentaxat & malos Catholicos: siquidem in hac ipsa Epistola 52. qua est ad Antonianum, aperte asserit Novarianum, utpote Hæreticum, extra Ecclesiam esse. Et vero agit in illis Epistolis adversus Novatianos qui contendebant Ecclesiam ex solis justis & sanctis constare, quos summæ redarguit arrogantiæ, qui zizania a frumento, hoc est, improbos a justis discernere se posse confidebant, quod ne Apostolis quidem concessum est. Scopus igitur sancti Doctoris est ut ostendat improbos esse in Ecclesia, non vero Hæreticos, in quibus nequidem agnoscebat potestatem valide baptizandi. Cum igitur S. Augustinus ait se auctoritate Sancti Cypriani impulsum fuisse ut per vasæ lignæ & fictilia intelligeret Hæreticos qui sunt in domo, hoc est, Ecclesia, non satis videtur (pace dixerim) attendisse ad verba S. Cypriani, quæ nihil tale profecto sonant.  
*Bullar. Lib. 3. cap. 4. Eom. 2. p. 46. B.*

Auctor vero Commentariorum in Epistola S. Pauli, nullius est auctoritatis, quem non Ambrosium fuisse, sed vel Pelagium, aut Hilarium Luciferianum eruditæ fatentur.

Objecies 3. auctoritatem S. Hieronymi, Dial. adversus Luciferianos, *Tom. 4.* ubi sic loquitur: *Arca Noe Ecclesiæ typus fuit .... Ut in illa omnium animalium genera; ita & in hac universarum & gentium, & morum sunt homines. P. 305. Ut ibi pardus & hædi, lupus & agni; ita & hic justi & peccatores: idest, vasæ aurea, argentea cum ligneis & fictilibus commorantur.*

Et circa finem urget Hilarium Diaconum alio argumento: *Est, inquit, Ibid. p. præterea aliud quod inferemus, adversum quod ne mutare quidem audeat Hilarius. Si enim Hæretici Baptisma non habent, & ideo rebaptizandi sunt ab Ecclesia, quia in Ecclesia non fuerunt; ipse quoque Hilarius non est Christianus. In ea quippe Ecclesia baptizatus est, quæ semper ab Hæreticis Baptismum recepit.*

Ex quibus sancti Doctoris verbis, Jurius, in suo fidei systemate, c. 9. hæc tria colligit in rem suam argumenta.

I. Disputabat, inquit, Hieronymus adversus Luciferianos qui laicos redeuntes ab Hæresi Ariana recipiebant, Episcopos autem nolebant recipere. Ostendit autem quod si recipiendi sint laici absque novo Baptismo, debeat etiam recipi Episcopi sine nova Ordinatione; tamque licere Episcopis penitentibus permanere in Sacerdotio, quam laicis in Baptismo: adeoque supponit Hieronymus habuisse Arianos jus & auctoritatem ordinandi Presbyteros & Episcopos; eorum Baptismum fuisse legitimum, adeoque potuisse dare Spiritum sanctum: atqui ii in quibus est talis potestas & quorum validus est Baptismus, sunt in Ecclesia; ergo censebat Hieronymus Arianos esse in Ecclesia.

II. S. Hieronymus per illos peccatores seu lupos & hædos quos ait esse in Ecclesia, intelligit Hæreticos, siquidem inde concludit Baptisma Hæretorum recipiendum esse.

III. Idem est apud Hieronymum, esse Christianum, & esse in Ecclesia:

*pro-*

probaverat autem antea Hæreticos esse Christianos, ergo censer eos esse in Ecclesia.

Resp. stupendam esse Jurii cæcitatem, qui ex iis S. Hieronymi verbis aduersus nos arguit, quibus aperte ipsius novum systema exploditur. Scilicet fatetur Jurius, Hæreticos qui peccant in articulos fundamentales, non esse in Ecclesia: atqui loquitur, citato in loco, S. Hieronymus de Hæreticis hujusmodi, nempe Arianis, Simonianis, Menandrianis, Basiliidianis, &c. quos nemo ignorat, impugnasse capitale ac fundamentale dogma Divinitatis Christi; eos igitur in Ecclesia sua haud dubie collocabit Jurius. Deinde Ecclesia, secundum Jurium in suo novo systemate, non docet, non instruit, nihil definit: atqui tamen Ecclesia quam agnoscit S. Hieronymus, & docet, & instruit, & definit, unde de ipsa dicit, *Poteram omnes propositionum ritulos uno Ecclesiae Sole siccare.* Denique, Ecclesia quæ in novo Jurii systemate omnes sectas complectitur, non potest dici antichristi Synagoga: atqui tamen, juxta S. Hieronymum sub finem citati Dialogi, omnes Hæretici non sunt Ecclesia Christi, sed antichristi Synagoga; igitur systema Jurii e diametro opponitur doctrinæ S. Hieronymi.

Ad primum Jurii argumentum: Hieronymus putabat validum esse Baptismum datum ab Arianis, & ab ipsis dari Spiritum Sanctum; ergo putabat eos esse in Ecclesia: falsa prorsus ac neganda consecutio. Baptismum enim Ecclesiæ secum asportarunt, eumque extra Ecclesiam verum & dant & accipiunt, quia non ipsorum Baptismus est, sed Christi; unde distingui potest eadem consecutio: Hæretici sunt in Ecclesia quoad jus & potestatem baptizandi, de qua una disputat S. Doctor, concedo: sunt vere in Ecclesia per unionem aut internam, aut externam, nego. Similiter distinguenda hæc propositio, Hæretici dant Spiritum Sanctum; ergo sunt in Ecclesiæ: dant Spiritum Sanctum iis qui eorum hæresi non consentiunt, concedo: iis qui consentiunt, nego.

Ad secundum: Nihil cogit ut dicamus per injustos & peccatores intellectisse S. Hieronymum Hæreticos; imo argumentatio duæ ex improbis qui valide baptizant, magis urget eos cum quibus disputabat. Si scilicet rejiciebat Baptismum ab Hæreticis datum, hac ratione quod cum Spiritum Sanctum non haberent, illum aliis dare non possent: at similiter & ad hominem urget Hieronymus; Improbi Catholici Spiritum Sanctum non habent, eorum tamen Baptismus ratus & validus habetur: quare igitur pari ratione ratus non erit Baptismus datus ab Hæretico?

Ad tertium: Nego esse Christianum, & esse in Ecclesia, unum & idem esse apud S. Hieronymum. Hic nempe est S. Doctoris sensus: si Hæretici Baptisma non habent, ac proinde Christiani non sunt, quia soli baptizati sunt Christiani, & ideo rebaptizandi sunt, quia non fuerunt baptizati in Ecclesia, utpote qui apud Hæreticos Baptismum percepint; sequitur ipsummet Hilarium non esse Christianum, quia baptizatus est in ea Ecclesia, quæ semper admisit Baptismum ab Hæreticis collatum. Hic est genuinus ac litteralis S. Hieronymi sensus, qui non tantum non favet Jurio, verum etiam aperte demonstrat supponere S. Doctorem Hæreticos non esse in Ecclesia.

Objicies 4. cum eodem Jurio, testimonium S. Augustini, depromptum

ex Libro primo de Baptismo contra Donatistas, c. 10. ubi postulantibus Donatistis, *Utrum Baptismus in parte Donati generet filios*, ait: *Qua- T. 9. p.  
si vero ex hoc generet unde separata est, & non ex hoc unde conjuncta est. 87. E.  
Separata est enim a vinculo charitatis & pacis, sed adjuncta est in uno Ba-  
ptismate. Itaque una est Ecclesia, quæ sola Catholica nominatur, & quidquid  
suum habet in communionibus diversorum a sua unitate separatis, per hoc quod  
suum in eis habet, ipsa utique generat: atqui, inquit Jurius, Ecclesia Do-  
natistarum quæ erat hæretica, erat tamen per Baptismum Ecclesia Ca-  
tholica conjuncta, ac generabat filios; adeoque mater erat: si mater,  
sponsa Christi; ac proinde falsum est societatem hæreticam separaram  
esse ab Ecclesia Catholica & universali.*

Resp. I. ex hoc testimonio manifeste colligi contrâ ipsummet Jurius, societatem hæreticam ab Ecclesia separatam esse vinculo charitatis & pacis, ut ait S. Augustinus, unde sequitur tales Hæreticos salutem asse-  
sequi non posse: nisi contendat Jurius, sine charitate & pace posse il-  
lam obtineri; atque, ut jam sèpius a nobis dictum fuit, de hoc ma-  
xime hic disputamus. An vero propter Baptismum, cuius dandi jus &  
auctoritatem retinent Hæretici, dici possint aliquatenus Ecclesiæ con-  
juncti, nostro quidem judicio tanti momenti non est quæstio.

II. Ex eo quod dixerit S. Augustinus, Ecclesiam Donatistarum per Baptismum conjunctam esse veræ Christi Ecclesiæ, male omnino infert Jurius, eam non esse omnino ab illa Christi Ecclesia separatam. Namque passim asserit sanctus Doctor, Hæreticos omnino ad Ecclesiam non pertinere, tametsi cum Catholicis in multis fidei ac Religionis capitib-  
us convenient: non enim in parte, sed in toto debent Ecclesiæ obse-  
quentes esse; ac ni fecerint, omnino separati & præcisi sunt. Ita Lib-  
de unitate Ecclesiæ, c. 4. lib. 2. contra Petilianum, cap. 77. lib. 3. de Baptismo contra Donatistas, c. 41.

III. Male quoque infert Jurius, Ecclesiam hæreticam esse Christi spon-  
sam, quia generat filios, namque ut ancillæ generant, non ut sponsæ,  
sicut expresse docet Augustinus, lib. 1. de Baptismo, c. 15. Ecclesia, in-  
quit, omnes per Baptismum parit, sive apud se, id est, ex utero suo; sive E. ib. p. 91.  
extra se de semine viri sui, ( sive de se, sive de ancilla.) Et c. 10. dixe-  
rat: Ergo ipsa generat, & per uterum suum, & per uteros ancillarum sua-  
rum, ex iisdem sacramentis, tamquam ex viri sui semine. In doctrina igi-  
tur sancti Augustini, societates Hæreticorum generant quidem filios per Baptismum; sed quia sibi non generant, sed Ecclesiæ Catholice, an-  
cillæ sunt, non sponsæ: sibi autem non generant, quia eos tantum pa-  
riunt per Sacra menta, quæ ad solam Ecclesiam Catholicam pertinent.

Sed, inquires, si societates Hæreticorum ita corruptæ sunt, qua ratio-  
ne filios Christo generare possunt?

Resp. nunquam existimat sancutum Augustin. Baptismum ab Hæreti-  
cis collatum gratiam justificationis conferre adultis qui eorum hæresi con-  
sentiant; imo nec licite ab iis administrari posse censuit. *Sicut enim*, in-  
quit, *non recte foris habetur & tamen habetur; sic non recte foris datur, & ta- D. 1b. p. 79.  
men datur.* In casu autem necessitatis justificari posse Catholicum Baptis-  
mo in communione hæretica percepto docet, tum lib. 1. de Baptismo, c.  
2. tum 1. 7. c. 5. Unde sequitur parvulos qui ab Hæreticis baptizantur,

gratiam Sacramenti accipere; quia nempe licet improbi sint & corrupti Ministri, non minus tamen sancta sunt & pura Sacra menta quæ ab illis conferuntur, utpote quæ non a Ministro, sed a Christo vim suam & efficaciam habeant.

Objicies 5. aliquot rationes.

Prima: Ecclesia jus habet tantum in suos, non in alienos: *Quid enim mibi est de iis qui foris sunt, judicare*, ait Apostolus, 1. Corinth. 5. v. 12. atqui Ecclesia jus habet in Hæreticos quos punit & anathemate percellit; ergo Hæretici ad illam pertinent.

Secunda: Baptizati & Sacerdotes sunt Ecclesiæ membra: atqui remanet in Hæreticis character Baptismi & Sacerdotii.

Tertia: Apostolus, 1. ad Corinth. 11. v. 18. asserit in Ecclesia Corinthiorum fuisse hæreses. *Convenientibus vobis in Ecclesiam*, inquit, *audio scissuras esse inter vos, & ex parte credo. Nam oportet & hæreses esse, ut & qui probati sunt, manifesti siant, & c. 15. v. 12.* notat aliquos inter Corinthios negasse resurrectionem: *Si autem, inquit, Christus prædicatur quod resurrexit a mortuis, quomodo quidam dicunt in vobis quoniam resurrecio mortuorum non est?*

Quarta: Qui vera habent apud se Sacra menta quibus multi gratiam consequuntur, ii certe sunt in Ecclesia Christi, cui soli vera tradidit Sacra menta: atqui Hæretici vera habent Sacra menta quibus multi gratiam consequuntur; ergo, &c.

Resp. ad primam, Ecclesiam jus habere in eos omnes qui ad illam aut pertinent aut pertinere debent. At Hæretici titulo Baptismi quem perceperunt, ad Ecclesiam pertinent, licet eos e sinu suo ejiciat: quemadmodum, ovis pertinet ad ovile, unde fugit; & servus fugitivus ad dominum quem deseruit; & transfuga ad Regem seu Duxem cui nomen dederat.

Ad secundam: Dico 1. in Hæreticis, etiam qui negant articulos fundamentales, perseverare characterem Baptismi; an eos vera esse Ecclesiæ Christi membra concedet Jurius? Non certe. Dico 2. remanere quidem in Hæreticis characteres Sacramentorum; at isti non sufficiunt, ut quis dici possit esse in Ecclesia. Et ratio est, tum quia in damnatis etiam remanent illi characteres, & tamen sanctus Thomas, tertia parte q. 8. art. 3. dicit damnatos nec actu, nec potentia esse membra Christi. Tum quia character sacramentalis per se non habet vim uniendo hominem cum Christo Capite, sed est merum signum potestatis & unionis cuiusdam quæ antea præcessit, nec amplius perseverat. Possunt quidem Hæretici potestate sua abuti, sicut servus fugitivus secum defens pecuniam domini sui, aut miles asportans vexillum Imperatoris, at sicut illi non sunt de familia, aut exercitu, ita nec Hæretici de Ecclesia.

Ad tertiam: Vel intelligendus est Apostolus de aliquibus qui erant inter Catholicos, quamvis de Ecclesia non essent; vel de iis qui inter Catholicos sic perverse vivebant, quasi nulla futura esset resurrectio, vel de iis qui clam ita sentiebant, & ideo nondum ejecti erant ab Ecclesia; vel denique de iis qui palam quidem negabant, in Templum tamen simul cum Catholicis conveniebant, quia nondum facile poterat Ecclesia eos e sinu suo ejicere.

Ad.

Ad quartam: Neganda est major propositio quoad primam partem, nempe eos omnes esse in Ecclesia, qui vera habent apud se Sacra menta: siquidem haeretici Ariani, Simoniani, Sociniani, & alii quotquot fundamentalem fidei veritatem negant, vera habent Sacra menta, nec eos tamen audet Jurius veræ Christi Ecclesiaz deputare. Et ratio est, quia Sacra menta illa ad veram Ecclesiam pertinent, ex qua discedentes Haeretici ea secum asportarunt: neque tamen propterea ad Ecclesiam pertinere dicendi sunt, nisi sensu maxime impro priο, & cum hac restrictione, ratione Baptismi & aliorum Sacra mentorum. Ad alteram vero ejusdem propositionis partem, nempe per Sacra menta in haereti suscep ta multos gratiam assequi, respondeo cum distinctione: multi gratiam assequuntur qui haereti non consentiunt, sed necessitate quadam ab Haereticis Sacra menta percipere coguntur, quales sunt v. g. infantes ab Haereticis procreati; quales sunt adulti qui simplici corde veritatem quaerunt, parati ei adhærere ubi primum eam cognoverint, concedo. Istos enim sibi generat Ecclesia per uterum ancillarum suarum, ut ait S. Augustinus antea laudatus. Multi gratiam assequuntur qui haereti consentiunt, nec tantum materialiter; ut ajunt, sed etiam formaliter sunt haeretici, nego.

Objicies 6. contra secundam Conclusionem: fides est fundamentum & quasi forma Ecclesiaz, sicut innuere videtur S. Paulus 1. Corinth. 3. v. 10. ubi ait: *Ut sapiens architectus fundamentum posui, & ad Ephes. 4. v. 6. Unus Dominus, una fides, unum Baptisma.* Quæ omnia conveniunt fidei internæ; neque enim de sola externa possunt intelligi. Ergo qui fide interna destitutus est, ille vere non potest dici pertinere ad Ecclesiam.

Resp. 1. fidem quidem objective sumptam, scilicet pro Christo qui est objectum fidei, esse fundamentum Ecclesiaz, non autem fidem sumptam formaliter, pro actu vel habitu per quem creditur in Christum. Namque Apostolus diserte ait, citato cap. 1. Corinth. v. 11. Christum esse *fundamentum præter quod aliud statui non potest.*

2. Etsi textus Apostoli intelligeretur de fide formaliter sumpta, nihil tamen inde inferri posset contra nostram Conclusionem: namque fides prædictis locis non dicitur fundamentum Ecclesiaz, sed justitiae & perfectionis, vel doctrinæ quæ est in Ecclesia.

3. Etsi diceretur etiam fundamentum Ecclesiaz, intelligendum esset quantum ad totum Ecclesiaz corpus collective sumptum: neque enim stare potest Ecclesia universa sine fide interna & charitate; essentiales enim sunt toti Ecclesiaz illæ virtutes. Non autem intelligendum foret, quantum ad unum quoque distributive sumptum Ecclesiaz membrum, quasi sine fide interna nullus possit esse verum, quamquam mortuum, Ecclesiaz membrum. Quippe si potest quis absque charitate interiori ad Ecclesiam adhuc pertinere, quidni & absque fide pariter interiori? Utraque enim virtus ex æquo toti Ecclesiaz necessaria est ac essentialis.

Objicies 7. aliquot rationes.

Prima: Ecclesia definitur societas fidelium, & a sancto Augustino dicitur populus fidelis per universum orbem dispersus: atqui Haeretici occulti licet fidem profiteantur exterius, non sunt vere fideles, sicut nec hypocritæ sunt vere justi.

Contra  
secun-  
dam  
Conclu-  
sionem.

Secunda: Non sufficit ritus exterior Baptismi sine vero Baptismo; ergo nec fidei exterior professio sine vera fide.

Tertia: Qui non habent unionem internam cum Capite Ecclesie, non sunt veræ Ecclesie membra: atqui Hæretici occulti non habent unionem internam cum Capite Ecclesie.

Quarta: Qui excommunicatus est excommunicatione, ut ajunt, latæ sententia, non amplius est in Ecclesia: atqui quicumque incidit in hæresim, saltem expresse damnatam ab Ecclesia, etiamsi in occulto dumtaxat, ipso tamen facto incidit in excommunicationem latæ sententia; ergo, &c.

Resp. ad primam: Certum est Ecclesiam esse societatem fidelium, non tantum eorum qui fidem exterius profitentur, sed qui interius fideles sunt; nusquam enim potest Ecclesia esse sine vetis & sinceris Catholicis: at necesse non est ut quodlibet ipsius membrum veram & interiore habeat fidem, sicut necesse non est ut veram habeat charitatem; sed sufficit exterior conjunctio cum Ecclesie corpore, qua sit ut Hæretici nondum separati ad eam pertineant, quamquam, ut diximus, valde imperfecte.

Ad secundam: Certe necessarius est verus Baptismus ut aliquis sit in Ecclesia, quia saltem vinculis externis cum ea debet conjungi; & qui exterius ritu legitimo baptizatur, ille presumitur vere baptizatus: pariter qui exterius fidem profitetur, hac professione, & Sacramentorum communione colligatur Ecclesie corpori.

Ad tertiam: Falsum est eos qui non habent unionem internam cum capite Ecclesie, non esse ipsius membra, quamquam arida sint, imperfecta, mortua: quia tamen nondum amputata, vera membra sunt.

Ad quartam: Intelligenda est propositio de excommunicatione publica: nam excommunicati occulti, ut postea dicemus, aliquo modo sunt de Ecclesia, numero, non merito; de facto, non de jure: unde juxta communem ac receptam Theologorum sententiam, quidquid pauci e contra dixerint, constat occultum Hæreticum, si Episcopus fuerit aut etiam S. Pontifex, non ideo amittere dignitatem & jurisdictionem suam, donec aut ipsi Ecclesiam publice deseruerint, aut convicti hæreses, ab ea publice separati fuerint.

#### ARTICULUS IV.

##### *Virum Schismatici sint in Ecclesia.*

**O**bserendum 1. nomine schismatis generatim significari quamlibet animorum scissuram seu dissensionem sive in fide, sive in disciplina. Unde Apostolus, 2. ad Corinth. c. 1. v. 10. obsecrat fideles ut non sint apud ipsos schismata & contentiones. Proprie schisma significat separationem ab Ecclesia unitate, non sine contemptu auctoritatis Ecclesie.

Hinc observat S. Thomas 2. 2. q. 39. art. 1. ideo schisma speciale peccatum esse, quod intendat se separare ab unitate quam charitas facit ... Schismatici ergo dicuntur qui propria sponte & intentione se ab unitate Ecclesie separant, quæ est unitas principalis. Est igitur schisma, spontanea ac voluntaria separatio ab Ecclesia.

Obser-

Observandum 2. Etsi schisma & hæresis in eo convenient quod violent unitatem & communionem Ecclesie, multum tamen origine ac natura sua discrepant: Hæresis quippe fidem, schisma charitatem & disciplinam impedit. *Hæretici*, ait S. Augustinus, lib. de fide & symbolo, c. T. 6. p. 10. de Deo falsa sentiendo ipsam fidem violant; *Schismatici autem dissensionibus inquis a fraterna charitate disiliunt*, quamvis ea credant quæ credimus. Hinc S. Basilius, Epistola ad Amphilochium. Can. 1. Manichæos, Valentianos, Marcionitas & Pepuzenos recenset inter Hæreticos, quia de ipsa in Deum fide controversiam movebant, & a ceteris Christianis dissentiebant: Novatianos autem Schismaticis adscribit; quia de disciplina tantum Ecclesiastica contendebant, nempe an lapsi ad pœnitentia beneficium admittendi essent.

Discrimen inter hæresim & schisma suo more accurate explicat S. Th. art. 1. citatæ quæstionis ad 3. ubi dicit distinguenda esse secundum ea quibus utrumque per se & directe opponitur. *At hæresis, inquit, per se opponitur fidei: schisma vero per se opponitur unitati Ecclesiastice charitatis.* Et ideo sicut fides & charitas sunt diverse virtutes . . . ita schisma & hæresis sunt diversa via.

Observandum 3. ideo sapissime Veteres afferere in veteratum schisma in hæresim definere, quia cum Schismatici violatae charitati per secessionem, addant pertinacem contumaciam adversus Ecclesie decreta, ejusque auctoritatem contemnunt, ac sacras Scripturas que illam commendant; mirum non est si schisma hujus generis in hæresim definere dicatur. Hinc post sententiam Concilii Nicæni, Concilium secundum, quemadmodum & Ephesinum, non solum Novatianos, sed etiam Quartodecimanos recensent inter Hæreticos, licet ob nudam disciplinæ quæstionem discessissent ab Ecclesia.

Ex quibus patet eos omnes esse vere Schismaticos, qui separant se ab unitate Ecclesie Catholicæ & universalis, vel ejus auctoritatem in aliquo disciplinæ universalis capite contemnendo, vel ab ejus capite, quod est centrum unitatis & communionis Ecclesiastice, recedendo, vel cum aliis Pastoribus Ecclesiarum & fidelibus non communicando, vel societas novas cum novis Ministris, ut fecerunt nostri Reformatores, instituendo. Unde non tantum fieri schisma dicendum est, cum aliqua membra se a capite separant, sed etiam si caput seipsum a membris divideret, sicut diserte docet S. Cyprianus, Epist. 52. ubi probat Novatianum schismaticum esse dupli de causa, tum quia electo jam legitime Cornelio, ipse Episcopatum Romanum a desertoribus ambivit, tum quia a suis Coepiscopis & a Sacerdotum Collegio se separavit.

Hæc de schismate præmittere necesse fuit, ut aliqua certa Schismaticorum idea haberetur, antequam de ipsis inquireremus an sint in Ecclesia. Affirmat Jurius eos sicut & Hæreticos vera esse Ecclesie membra: contra ipsum sit

### C O N C L U S I O.

Schismatici nullatenus sunt in Ecclesia.

Probatur 1. quia Ecclesia una est, ut antea demonstravimus: est unum Ovile, unum corpus Christi, una Domus, &c. atqui huic unitati plane *Tournely de Ecclesia. Tom. V. Pars I.* V 3 oppo-

opponitur schisma, quod divisionem & separationem importat. Unde scite S. Cyprianus, lib. de unitate Ecclesiae, dicit Ecclesiam significari per vestem Christi inconsutilem quæ scissa non fuit; ut intelligeremus Ecclesiam scindi posse, sed non eo modo quo scindi possunt vestes, ita ut omnes partes æque maneant partes vestis; sed quo modo scinditur ramus ab arbore, qui statim moritur arbore vivente; & rarus a fonte, qui mox arescit fonte fluente; & radius a Sole, qui continuo deficit; Sole, ut erat, permanente. Quod si volueris partem scissam ab Ecclesia, esse pariter Ecclesiam quamdam, multas Ecclesias induces, contra manifestam Scripturæ doctrinam.

Probatur 2. ex SS. Patribus.

*ib. p. 118.* S. Cyprianus, Epist. 69. postquam dicit Ecclesiam esse plebem sacerdoti adunatam, & Pastori suo gregem adhaerentem; addit, *Episcopum in Ecclesia esse, & Ecclesiam in Episcopo,* & quicumque cum Episcopo non est, in Ecclesia non esse; frustraque eos sibi blandiri, qui pacem cum Dei Sacerdotibus non habentes obrepunt, & latentur apud quosdam se communicare credunt, quandoquidem Ecclesia, quæ Catholica est, una est, scissa non est, nec divisa, sed utique connexa, & coherentium sibi invicem Sacerdotum gluius copulata. Scripsit S. ille Martyr Opus integrum de Unitate Ecclesiae, ubi ex professo demonstrat eos extra Ecclesiam esse, qui hanc impugnant unitatem.

*P. 10.* S. Optatus, lib. contra Parmenianum, de Schismaticis sic loquitur, n. 11. *Deserta matre Catholica, impii filii dum foras exeunt, & se separant (ut vos fecistis) a radice matris Ecclesiae, invidie falcibus amputari, & errando rebelles abscedunt.* Et lib. 2. Schismaticos comparat cum ramis, rivilis, & radiis præcisis ab arbore, fonte, & Sole, quæ comparationes a S. Cypriano adductæ jam fuerant, in lib. de Unitate Ecclesiae.

S. Chrysostomus, Hom. 11. in Epistolam ad Ephes. docet Schismaticos similes esse manui a corpore præcisæ, quæ mox definit esse membrum. Ibidem dicit Schismaticos esse in altera Ecclesia, licet in fide & dogmatibus cum vera Christi Ecclesia consentiant.

*Edit. vet.* S. Hieronymus, in c. 3. Epistole ad Titum: *Inter haeresim & schisma, T. 3. p. inquit, hoc interesse arbitramur, quod haeresis perversa dogma habeat, schisma propter Episcopalem dissensionem ab Ecclesia pariter separat.* Quo loco maxime notandum est istud pariter, quo S. Doctor parem facit Schismatum & Hæreticorum ab Ecclesia dissensionem & separationem.

S. Ambrosius, lib. 1. de excelsu fratri sui Satyri, n. 47. hæc narrat: *T. 2. p. Advocavit ad se Episcopum, nec ullam veram putavit nisi veræ fidei gratiam, 1126. E. percontatusque ex eo est utrumnam cum Episcopis Catholicis, hoc est, cum Romana Ecclesia conveniret? Et forte ad id locorum in schismate regionis illius Ecclesia erat: Lucifer enim se a nostra tunc temporis communione diviserat, & quanquam pro fide exulasset, & fidei sue reliquisset heredes, non putavit tamen fidem esse in schismate. Nam eti fidem erga Deum tenerent, tamen erga Dei Ecclesiam non tenebant, cuius patiebantur velut quosdam artus diuidi, & membra lacerari. Etenim cum propter Ecclesiam Christus passus sit, & Christi corpus Ecclesia sit, non videtur ab his exhiberi Christo fides, a quibus evanescatur ejus passio, corpusque distractabitur. Quo in testimonio S. Doctoris hæc habes: 1. Satyrum sollicite quæsiuisse num forte Episcopus loci in quo erat*

erat, esse schismaticus; nec cum Episcopis Catholicis, hoc est, cum Ecclesia Romana communicaret. Unde autem hæc viri pii sollicitudo & anxietas? nisi quod cum Schismaticis ab Ecclesia separatis communicare non posset; 2. signum Catholicitatis esse communionem cum Ecclesia Romana, ceterarum Ecclesiarum Matre ac Magistra; 3. in schismate fidem non esse: unde confirmatur quod paullo ante observatum a nobis fuit, proclive admodum esse ut schisma inveteratum in apertam hæresim desinat.

S. Augustinus tam diserte Schismaticos non esse in Ecclesia cuius unitatem disruptunt, passim in Operibus suis adversus Donatistas demonstrat, ut fateatur Jurius hunc fuisse Africanorum errorem. Intertot testimonia unicum sufficiet jam ex parte laudatum; ex lib. de fide & symbolo, c. 10. *Credimus*, inquit, *sanctam Ecclesiam utique Catholicam*. Nam T. 6. p. 161. F. & Heretici & Schismatici congregations suas Ecclesias vocant: sed Heretici 161. F. de Deo falsa sentiendo, ipsam fidem violent, Schismatici autem dissensionibus inquis a fraterna charitate dissiliunt, quamvis ea credant que credimus. Quapropter nec Heretici pertinent ad Ecclesiam Catholicam, quæ diligit Deum, nec Schismatici, quoniam diligit proximum. Mitto plura alia & S. Augustini & aliorum SS. Patrum testimonia, ex quibus manifeste colligitur hanc constantem & perpetuam fuisse Ecclesiæ traditionem, Schismaticos scilicet non esse in Ecclesia, quapropter eadem Ecclesia in die Parasceves orat pro Hæreticis & Schismaticis, ut eos Deus ad Ecclesiam Catholicam revocare dignetur; quod certe non faceret, si eos crederet in Ecclesia esse.

Denique ratio manifesta est: Namque, ut recte ait Bellarm. lib. 3. de p. 47. col. Ecclesia Militante, c. 5. de ratione Ecclesiæ est ut sit una unione membrorum 1. A. inter se, & cum suo capite; hanc autem unionem Schismaticus tollit, dum se a communione capitii & aliorum membrorum separat. Neque vero ille dici potest pertinere aut ad animam, aut ad corpus Ecclesiæ: non ad animam, siquidem violat pacem & charitatem; non ad corpus, quod scindit & a quo recedit, vel non obediendo Pastoribus legitimis, vel privatos confessus instituendo.

### Solvuntur Objectiones.

Objicies 1. In divisione decem Tribuum Israel a Tribu Juda, facta a Jeroboamo, nemo est qui non agnoscat verum & perfectum schismam cum Deus publicum aliquod unitatis centrum in Jerusalem, ubi erat Tabernaculum, Arca, Templum, magnum Sanhedrim, statuisset, certe schismatici erant quicunque ab hoc unitatis centro recedebant; proindeque vere schismaticæ fuerunt decem Tribus Israel: atqui tamen fuisse extra Ecclesiam veterem illas Tribus asseri merito non potest; tum quia a duabus Tribubus Juda & Benjamin fratres appellantur; tum quia ad eos mittebat Deus Prophetas Eliam, Elisæum & multos alios, quorum primi interficti sunt a Jezabele.

Reip. inter illos qui a partibus Jeroboam stabant, alios ejus schismati adhaesisse, & vitulum aureum ac Baal adorasse; isti vero non tantum schismatis, sed etiam idolatriæ rei fuere, quos procul dubio in vera Ecclesia fuisse non asseret Jurius: alii autem nec vitulum nec Baal, sed unum verum Deum semper colierunt, qui etsi Jerosolymam non pergerent singulis annis sacrificia oblaturi, non propterea tamen tamquam

3. Reg. c.  
12.2. Pa-  
ral. c. 13.

vere schismatici traduci debent, quia nec sponte nec animo, sed co*et*i propter Edictum Principis, eo Religionis officio non defungebantur, atque desiderio saltē & animo communicabant cum Juda & cēn-tro Religionis: quēmadmodum nemo diceret schismaticos esse Catholicos, qui nullum haberent Religionis exercitium propter Edictum Principis; quia scilicet societati Catholicorum animo semper essent con-junctissimi. Et certe Elias, Eliseus & alii Prophetae Israel veri erant & fideles Dei servi ac cultores, non tamen ipsi pergebant Jerusalem, sci-liset exceptis sacrificiis non videntur interdicta fuisse alia Judaicæ Reli-gionis exercitia; id quod vel solum Prophetarum, & Abdiæ exemplum demonstrat. Certum est enim quod nunquam illi Prophetæ comitaren-tur Achab ad templum Baal, neque tamen id Principem latere poterat. Quapropter viri pii ac fideles illarum decem Tribuum diebus sab-bati ad ædes Prophetarum Religionis caussa conveniebant, sicut non obscure colligitur, ex lib. 4. Reg. c. 4. v. 23. ubi dicitur: *Quam ob causam vadis ad eum? (Elisœum) Hodie non sunt Kalendæ, neque Sabbatum.*

Objicies 2. Nascente Christi Ecclesia & Apostolorum ætate, visæ sunt duæ societates seu communiones in Ecclesia Christi, Gentilium scilicet & Judaorū qui ad Christum convertebantur: posterior autem hæc, Ju-dæorum scilicet conversorum societas, plane separata erat a priori, nez in ullo etiam exteriori vinculo cum ipsa conjuncta erat: servabat enim circumcisionem, festa & sollemnitates ceterosque alias Judaicos ritus, imo & Gentes conversas jugo circumcisionis subjecere volebat, ut legimus, c. 15. Actuum Apostolorum. Erant ergo illi vere schismatici, & tamen nusquam velut ab Ecclesia præcisi & alieni habiti sunt ab Apostolis. Ita Jurius.

Resp. duplicis generis distinguendos esse Judæos qui ad fidem Christi tunc convertebantur: alii emulatores quidem erant Legis, hoc est, ipsam observabant; sed Gentibus conversis jugum hoc non imponebant; tales erant ii de quibus fit mentio, Act. 21. v. 20. Eos autem tolerabat Ecclesia, quia licet inutilis tunc foret Legalium observatio, nondum tamen erat mortifera; atque ut etiam facilius Evangelium audirent, nolue-runt Apostoli tam cito veterem Legem abrogare & interdicere. Quam-vis ergo in hoc de Legalibus momento different a Gentilibus conver-sis, in ceteris tamen cum ipsis conveniebant; habebant eos ut fratres, eosdem Apostolos & Pastores sequebantur; ac proinde si sermo sit de il-lis Judæis, ac de licita solummodo, non vero necessaria (quæ duplex quæstio hic distingui debet) Legalium observatione, falso prorsus supponit Jurius illos nullo vinculo Religionis inter se conjunctos fuisse.

Alii vero erant Judæi qui contendebant non tantum utilem, sed plāne ad salutem necessariam esse circumcisionem, ac Genteshuic jugo sub-jiciendas esse: eos autem nusquam toleravit Ecclesia, ac statim in Con-cilio Jerosolymitano repressit; atque cum etiam post Decretum hujus Concilii in eodem errore nonnulli persisterent, scripsit S. Paulus Epistolam ad Galatas, in qua dicit, tales evertere Evangelium Christi, ac Christum nihil ipsis profuturum; & comparat eorum doctrinam cum fermento quod totam massam corruptit. Ejusmodi ergo Judæi non tantum schis-matici, sed etiam post definitionem Conc. Jerosolymitani vere heretici fuere ab Ecclesia præcisi & separati. Si ad hæc attendere vel minimum

voluisset Jurias, non ita in tot levibus argumentis proferendis animo exultasset.

Instabis 1. Judæi nullam societatem cum Gentibus conversis habebant, nequidem cibum cum illis capere dignabantur, ut patet ex Epistola ad Galatas c. 2. ergo vere erant schismatici, neque tamen separati ab Ecclesia.

Resp. distinguendo aut. Judæi aliqui, ii maximè qui Legalium observationem plane Gentibus necessariam esse contendebant, & idcirco ab Apostolis damnati sunt, concedo: qui Legalia quidem observabant, nec tamen necessaria esse contendebant, subdistinguuntur: ii erant schismatici, improprie & abusive, quia nempe hac Legalium observatione a Gentibus distinguebantur & quodam modo se segregabant, concedo: erant schismatici proprie, nego. Quod igitur nonnulli Judæi, imo & ipsem etiam Apostolorum caput Petrus, sese a mensis Gentilium retraherent, nec cum illis cibum capere vellent, vitium certe fuit in illis conversationis, ut ait S. Augustinus, & imprudentie, quod palam & publice atque in faciem redarguit S. Paulus, ut patet ex citato c. 2. Epistolæ ad Galatas.

Instabis 2. Judæi æmulatores Legis, de quibus mentio fit, Act. 21. v. 20. ab Apostolis tolerabantur in Ecclesia; ii tamen Apostolum ex Templo ejecerunt tamquam Legis Mosaicæ desertorem ac contemptorem, ut patet ex eodem capite.

Resp. eos Judæos, a quibus e Templo ejectus est S. Paulus, ex Asia fuisse, ut patet ex v. 27. & quidem nondum ad Christum conversos. Aliorum enim Judæorum Legis æmulatorum offensioni & præjudiciis satisfecerat Paulus, cum se in Templo purificavit, ut narratur eodem capite v. 26.

Instabis 3. Paræsi & Saducæi haud dubie erant hæretici vel saltæ schismatici: nihilominus simul cum aliis Judæis in Templo congregabantur officio Religionis.

Resp. 1. ex Phariseis plerosque formaliter ac proprie non fuisse hæreticos, et si quamdam sectam constituerent, quemadmodum ostendit Serarius; Saducæos vero hæreticos fuisse, nihilominus a Judæis toleratos, sive quia potentes erant, & gratia volebant plurimum apud Principes; sive quia difficile fuisset eos e Templo non sine periculo seditionis ejicere; sive denique quod timidiores ac negligentiores essent tunc Judæi, nec quidquam adversus illos tentare auderent.

Objicies 3. Multi nunc sunt & olim fuerunt Schismatici a communione R. Pontificis separati, quos tamen extra veram Christi Ecclesiam fuisse nemo dixerit.

I. Schismaticæ sunt omnes Sectæ Orientales: atque in iis maxime universa Ecclesia Græca: atqui vere sunt in Ecclesia; aut si non sunt, certe aut crudelissima est Ecclesia Romana, quæ tot societates condemnat, aut non est diffusa, nec eam habet universalitatis notam, quæ propria est Ecclesiæ Christi; siquidem Sectæ illæ Orientales magnam occupant.

II. Omnes Asianæ Ecclesiæ quas S. P. Victor in causa Paschatis excommunicavit secundo saeculo; SS. Cyprianus & Firmilianus, quos similiter tertio saeculo excommunicavit Stephanus S. P. propter errorem rebaptizantium, fuere vere schismatici, & a communione Romani Pontificis præcisi, an propterea extra veram Christi Ecclesiam fuere? Non certe.

Inter Sanctos enim referuntur Cyprianus & Firmilianus, quos tamen Romanæ communioni restitutos fuisse dum viverent, non legimus.

III. Celebre fuit schisma inter Orientales ex una parte, & Occidentales ex altera, occasione Ecclesie Antiochenæ. Duos nempe habebat Episcopos, Meletium, & Paulinum: Orientales Meletium, Occidentales vero Paulinum agnoscebant, & Meletio quidem nunquam isti communicarunt, utpote qui ab Arianis fuisse ordinatus, & Arianæ formulæ ab Acacio Cæsariensi in Synodo Seleuciensi editæ subscriptissimæ, sicut refert Socrates, lib. 2. Hist. c. 11.

IV. Joannes Antiochenus & nonnulli Orientales Episcopi haud dubie fuere schismatici, qui a Concilio Ephesino recedentes, separatum habuere Conventum; neque tamen illi tamquam ab Ecclesia universalis præcisi ac extorres habitu sunt a Patribus Ephesinis, ann. Christi 431. alias eos excommunicasset perinde ac Nestorium ipsum cui favebant.

V. Acacius Patriarcha Constantinopolitanus fuit aperte schismaticus: nunquam enim voluit obsequi Simplicio Pontifici Romano monenti ut a Petri Moggi communione recederet, ac Synodo Chalcedonensi & Epistolæ S. Leonis subscriberet: atqui tamen cum ipso semper communionem habuerunt Orientales, & ipse semper in Episcoporum numero habitus est, atque Ecclesiam Constantinopolitanam rexit.

VI. Euphemius & Macedonius successores Acacii ejusdem schismatis rei fuerunt: nam Orientales, inter quos ipsi erant, ad Symmachum R. Pontificem scripsierunt, ut eos anathemate solveret, quo propter Accium constricti tenebantur; & præterea, jubente Hormisda, Euphemii & Macedonii nomina ex Dypticis expuncta sunt: ii tamen extra Ecclesiam non fuere.

VII. Cum ortum est sæculo decimo quarto gravissimum schisma inter Urbanum VI. & Clementem VII. erant identidem mutuæ amborum istorum Pontificum excommunications. Tota Gallia & Hispania schismatica fuit, cum adhæsit Clementi VII. ipsum vero Urbanum legitimum Pontificem rejecit. An omnes Galli & Hispani tunc ab Ecclesia Christi præcisi erant & separati? Quis credat?

VIII. Patres ipsi Basileenses schismatici fuere, utpote qui Eugenio IV. obedire recusarunt, & eo invito Synodum Basileensem protraxerunt, imo & ipsum Eugenium deposituerunt. An illi præterea velut extorres ab Ecclesia habitu sunt? minime. Hæc fere sunt exempla & facta historica quæ Jurius in suo Ecclesiæ systemate concessit contra necessitatem unius Catholicæ communionis. Antequam ad hæc singula facta sigillatim respondeamus,

Observa 1. ex jam dictis, schisma voluntariam esse separationem ab Ecclesiæ unitate.

Observa 2. schismaticum esse quicumque a communione R. Pontificis recedit: cum enim R. Pontifex sit centrum unitatis & communionis Catholicæ, qui ab ipso recedit, unitatem deserit, proindeque hoc ipso schismaticus est.

Observa 3. schismaticum pariter esse, non solum qui se separat, sed etiam qui separatur a communione universalis Ecclesie, aut R. Pontificis,

cis, modo adhuc sufficiens auctoritas & legitima causa, causa scilicet quæ fidem aut religionem spectet. Ut id plenius intelligas,

Observe 4. varias excommunicationis species distinguendas esse.

Prima, eaque Antiquis usitatissima, ea est qua Episcopi Collegarum & Coepiscoporum charitate & communione Ecclesiastica priabantur.

Communio illa Ecclesiastica quatuor fere capitibus continebatur: mutua visitatione; Sollemnium in Collegarum Diaecesi, dum in ea morarentur, tamen praesente Collega, celebratione; Litterarum formatarum & commendatitiarum reciproca missione & acceptione; in Conciliis denique auctoritate, suffragiis & consensu.

Hujus excommunicationis exemplum occurrit in Episcopo sine justa causa non accedente ad Synodum Provincialem: hunc enim Synodus V. Carthaginensis, Can. 19. jubet Ecclesie sue communione contentum esse. Ita etiam synodus Arelatensis, Can. 10. & Tarragon. Can. 6.

Altera excommunicationis species apud Antiquos etiam frequentissima, in nuda communionis subtractione aut denegatione posita erat, qua Episcopi aut Ecclesie a mutua se communione separabant, atque ita una alteram quasi excommunicabat, licet sibi minime subiectam.

Ita Sanctus Epiphanius Salamina Episcopus Joanni Jerosolymitano nullo titulo sibi subdito communionem denegavit, ut constat ex Epist. 60. inter Hieron.

Hæc a communione separatio, a Veteribus excommunicatio dicebatur: attamen excommunicatio proprie dicta non erat, utpote quæ a potestate & usu clavium minime dependeret, atque etiam circa non subditos exerceretur.

Tertia excommunicationis species ea est, qua quis totaliter absconditur a corpore Ecclesie, habeturque sicut Ethnicus & publicanus. Hæc olim mortalis & vulgo anathema dicebatur, nunc vero communiter excommunicatio major dicitur.

Observe 5. inter excommunicationes quæ juridice feruntur, alias esse quæ plenum & integrum sortiuntur effectum, non reclamante Ecclesia, id est Episcoporum Collegio; alias vero quarum effectus aut cassus est aut suspensus, sive quod Episcopi contra sententiam excommunicationis reclament, quam aut minus justam, aut saltē minus necessariam reputant: sive quia Summus Pontifex sua agendi ratione censetur plenum & perfectum excommunicationis jam ab ipso latæ effectum suspendere, & denegare dumtaxat communionem specialem Ecclesiasticam & charitatis de qua mox diximus, non vero Catholicam & universalem.

His jactis fundamentis facile diluentur quæ hic opponuntur exempla.

Resp. itaque ad primum de Ecclesiis Orientalibus: 1. eas vere schismaticas esse, si centro unitatis non adhærent; non adhærente autem, si Romanum Episcopum Caput Ecclesie a Deo constitutum non agnoscant; 2. non omnes plane ac singulos illarum societatum Fideles esse proprie schismaticos, quia plurimi sunt in his societatibus, qui animo & affectu Capiti Ecclesie adhærent quod fuit a Christo institutum; atque quod de hereticis societatibus dixit S. August. Epist. 43. alias 162. schismatici pariter accommodari potest: Qui sententiam suam, ait S. Doctor, <sup>T. 1. p.</sup> quamvis falsam atque perversam, nulla pertinaci animositate defendunt, <sup>præ 88. F.</sup> ser-

sertim quam non audacia præsumptionis suæ pepererunt, sed a seductis atque in errorem lapsis parentibus acceperunt; querunt autem cauta sollicitudine veritatem, corrigi parati cum invenerint, nequaquam sunt inter haereticos depu-tandi; 3. Argui non debet Romana Ecclesia crudelitatis, quæ asserit eos omnes salvos esse non posse qui deserunt Ecclesiam; aut certe ejusdem crudelitatis accusandi sunt omnes SS. Patres; 4. diffusa nihilominus est ac catholica Romana societas, ac longe magis patens & exten-sa quam alia quælibet.

Ad secundum: respondeo 1. equidem Victorem & Stephanum com-minatos fuisse anathema in Asiaticos & Africanos; at uterque ultra mi-nas non perrexit. Id testantur de Victore, Firmilianus, Epist. ad S. Cypr. Euseb. lib. 5. c. 24. S. Hieronym. in Catalogo Script. Eccles. c. 46. Idem dicendum de S. Stephano, judice S. Augustino, lib. 5. de Ba-ptismo, contra Donast. c. 25. Stephanus, inquit, ablinendos putaverat, T. 9. p. 158. A. qui de suscipiendis Hæreticis priscam consuetudinem convellere niterentur . . . Vicit tamen pax in cordibus eorum, ut nullum inter eos schismatis malum ori-rettur. At pax inter SS. Stephanum & Cyprianum abrupta fuisset, si Cy-prianum, ipsique adhærentes Episcopos anathemate confixisset Stephanus. Vide quæ de eo facto suo loco disseruimus, ubi de Sacra-men-tis in genere.

Resp. 2. ex mox observatis constare, quoddam olim in usu fuisse ex-communicationis genus, quo R. Pontifex per quamdam dispensationem omni sua potestate non usus, aliquos Episcopos a sua communione spe-ciali charitatis ita separavit, ut eos interim vellet Ecclesia suæ com-munione esse contentos, non autem a totius Ecclesiae communione id-circo alienos. Sic Leo Magnus, Epist. 60. ad Anatolium, vult Episco-pos Latrocinii Ephesini Ecclesiæ suarum communione aliquamdiu contentos esse. Eadem excommunicatione partiali usæ sunt Africanæ Synodi. Hujus generis fuisse excommunicationem, quæ Victori & Ste-phano tribuitur ( si tamen vere eam tulerunt ) merito dici potest.

Resp. 3. Quamvis supponeretur a Victore & Stephano anathema la-tum fuisse in Asiaticos & Africanos, tamen cum obliterint his decre-tis ceteri Episcopi, non mirum si illius anathematis effectus aut casus fuerit aut suspensus: fatemur enim decreta & anathemata R. Pontifi-cis posse rescindi a ceteris Episcopis communi consensu agentibus, cum illa minus expedire Ecclesia utilitati existimantur.

Quod autem ceteri omnes Episcopi intercesserint adversus Victorem, constat ex Eusebio lib. 5. Hist. c. 24. Verum hæc, inquit loquens de Vi-tori anathemate, non omnibus placebant Episcopis. Proinde Victorem ex adverso bortati sunt, ut ea potius sentire vellet quæ paci & unitati charita-tique erga proximum congruebant. Extant etiamnum eorum Litteræ, quibus Vi-torem acerbius perstringunt. S. Cyprianus cum significat, Epist. ad Ju-bajanum, se in concordia & unitate cum omnibus Collegis manere, non obscure indicat, alios Episcopos anathemati a S. Pontifice inten-tato obstitisse.

Ad tertium de schismate Meletiano, jam supra, quæst. 2. art. 6. respondimus. Esto Meletius ante initam cum Paulino pacem & concor-diam Damaso suspectus fuerit, & ejus communione privatus: at sal-tem

tem subinde occasione initæ pacis Damaso acceptus, & in communionem ejus admissus fuit. Vide momenta quibus id demonstratum est, loco mox indicato.

Ad quartum: A culpa excusari non potest Joannes Antiochenus cum suis, cum separatum a Concilio Ephesino Conventum habuerunt; sed cum pax inter illos & S. Cyrillum brevi fuerit restituta, mirum esse non debet, si amice cum illis subinde egerint Patres Ephesini.

Ad quintum de schismate Acacii: Fateor illum vere schismaticum fuisse; imo & a pluribus inter Hæreticos recensetur, quia communionem habebat cum Hæreticis manifestis. Sæpe monitus a Pontificibus Simplicio & Felice, illorum Hæreticorum communionem noluit deserere; Zenoni auctor fuit conscribendi Henotici; Catholicos Episcopos affixit, & Hæreticos dudum damnatos in eorum Ecclesiæ intrudi passus est; Simplicio monenti ut a communione Petri Moggi recederet, nisi subscriberet Synodo Chalcedonensi, nunquam parere voluit. Hæc patent ex Epistola 6. Felicis III. ex Liberato in Breviario, c. 17. & 18.

At alii Orientales qui cum Acacio communicabant, stabant dumtaxat ab ejus partibus, quia existimabant non posse Episcopum Constantinopolitanum damnari nisi in Concilio generali, non autem vel ex eo quod primatum R. Pontificis negarent, vel Ecclesiæ universalis auctoritatem contemnerent.

Ad sextum: Euphemius & Macedonius nullatenus schismatici fuerunt: nam R. Pontificis primatum semper venerati sunt; synodicas ad ipsum Epistolas scripserunt, vel scribere voluerunt, sed vi externa prohibiti sunt; modis omnibus communionem Sedis Apostolicæ quasi-verunt; ipsis propitii fuerunt SS. Pontifices; cum iis viri sancti & Sedis Apostolicæ conjunctissimi communicarunt, nempe S. Flavianus Antiochenus Episcopus, S. Elias Jerosolymitanus, S. Sabas & alii sanctitate celebres Monachi, qui his temporibus in Palæstina florebant: quæ omnia constant ex Liberato, c. 18. Breviarii, & Nicephoro, lib. 16. Hist. c. 19.

Ad septimum de schismatibus Occidentis: Certe nulli ex his qui adhærebat partibus Urbani vel Clementis, erant schismatici; omnes enim illi bona fide adhærebat ei quem pro legitimo Pontifice habebant; omnes in eo dubio ac contentione, debita reverentia expectabant Ecclesiæ universalis Judicium circa verum ac legitimum Pontificem. Aderant ex utraque parte rationes probabiles, adeo ut certe ab omnibus sapientibus & erga Catholicam unitatem bene affectis cognosci non posset, quis esset verus ac legitimus Pontifex: inutiles igitur ac vanæ erant mutua ex utraque parte excommunicationes, cum non constaret de legitima auctoritate qua ferebantur. Si quis igitur error erat, in mero facto versabatur, non in ipso dogmate: omnes enim in eo consentiebant, legitimo Pontifici obsequendum esse; illum esse Caput Ecclesiæ, ac primatum habere honoris & jurisdictionis in alios Episcopos; omnes animo & affectu unitatem quærebant, vere igitur schismatici non erant. Consule Gersonium Academiæ Parisiensis Cancellarium, in Tractatu de modo se habendi tempore schismatis, sanctum Antonium Archiepiscopum Florentinum, tertia parte Chronici, titulo 22. c. 2. & tit. 23. c. 8. §. 4.

Cardinalem a Turre cremata, in Summa de Ecclesia, lib. 4. parte 1.  
cap. 14.

Ad ultimum: Quidquid sit de Patribus Basileensibus cum Eugenii IV. depositionem attenterunt, Papa Felix quem ipsi creaverant cessit tandem Nicolao Eugenii successor, & Patres Basileenses qui Lausannam Concilium transtulerant, eidem Nicolao legitimo Pontifici paruerunt. Constant hæc ex Epist. Nicolai V. Itaque hujusmodi exemplum adver-  
sarios non juvat.

Objicies 4. auctoritatem S. Augustini, lib. 1. de Baptismo contra Do-  
natistas, c. 1. ex quo, ut loquitur Jurius, fulminans erui potest argu-  
mentum. Scilicet, ut dixit s. Doctor, impie agere Donatistas qui re-  
baptizant eos qui sunt in unitate, & rectius agere Catholicos qui Dei  
Sacramenta etiam in ipso schismate non improbant, rationem hanc sub-  
T. 9. ps  
80. D<sup>o</sup>  
jungit: *In quo enim nobiscum sentiunt, in eo etiam nobiscum sunt: in eo au-  
tem a nobis recesserunt; in quo a nobis dissentunt: non enim accessus iste at-  
que discessus corporalibus motibus, & non spiritualibus est metiendus ... Si ergo  
qui recessit ab unitate, aliquid aliud agere voluerit quam quod in unitate  
percepit, in eo recedit atque disjungitur: quod autem ita vult agere, sicut in  
unitate agitur, ubi hoc accepit & didicit, in eo manet atque conjungitur.* Ex  
quibus verbis hæc inferri posse contendit Jurius.

I. Unitatem Ecclesiæ positam non esse unitate locorum & congrega-  
tionis, sed in unitate Sacramentorum & doctrinæ: adeoque qui com-  
munione sunt separati, voluntatum consensione posse esse conjunctos.

II. Qui recesserunt ab unitate, ut Schismatici, esse adhuc in unita-  
te, modo agant quod agitur in unitate: *In eo enim quod didicit, ma-  
net atque conjungitur,* ait S. Augustinus:

Resp. Parum nos terrent hæc Jurii fulmina: neque enim unquam ne-  
garunt Catholici, Schismaticos imo & Hereticos cum Ecclesia Catholi-  
ca in plurimis convenire; sed hoc utrum contendunt, ea in quibus con-  
veniunt non sufficere, ut vere sint in Ecclesia: imo supponit in citato  
loco S. Augustinus, Donatistas unitatem deseruisse. Atqui, in mente  
sancti hujus Doctoris, separatio ab unitate excludit & a corpore & ab  
anima Ecclesiæ; ab anima, quia maximum est flagitium; a corpore,  
quia separat a communione Ecclesiæ.

Ad primum quod infert Jurius: Intelligi non potest quid sit illa vo-  
luntatum consensio, per quam unitas extra communionem Ecclesiæ con-  
servari potest. An convenientia in aliquibus capitibus? At sufficere hanc  
convenientiam ut aliquis sit in unitate Ecclesiæ, centies negavit Augusti-  
nus: unionem habere Schismaticos in aliquibus cum Ecclesia fatetur, at  
unitatem habere pernegat. *Quicumque,* inquit, Lib. de unit. Eccl. c. 4.  
ibid. p. de ipso Capite Scripturis sanctis consentiunt, & unitati Ecclesiæ non communicant,  
342. A. non sunt in Ecclesia; quia de Christi corpore, quod est Ecclesia ... dissentunt.

Ad secundum: Hæc verba, *in eo manet atque conjungitur*, non significant  
apud Augustinum Schismaticos esse in unitate, aut non esse extra uni-  
tatem Ecclesiæ; sed iis dumtaxat cum Ecclesia commune esse, quod  
Sacramenta valide administrent & conservent.

Objicies 5. Qui servant essentiale Ecclesiæ Catholicæ communio-  
nem, ii vera sunt Ecclesiæ membra: sed Schismatici illam servant;  
consi-

consistit enim in communione cum Christo per exteriorem fidei professionem.

Resp. dist. maj. Qui servant essentialem communionem Ecclesie Catholicae, qualem Christus instituit & exigit Ecclesia, hoc est, communionem cum Christo per fidem, & cum legitimis Pastoribus per obedientiam & subjectionem ipsis debitam, concedo: sine tali subjectione, nego. Porro Schismatici hanc excludunt, & idcirco Schismatici sunt, & extra Ecclesiam.

## ARTICULUS V.

*Utrum excommunicati sint in Ecclesia.*

**S**UPPONENDA hic sunt quae de excommunicatione tradunt Theologi, ubi de Censuris.

I. Esse in Ecclesia veram excommunicandi auctoritatem quae virtute clavium exercetur.

II. Excommunicationem esse censuram seu poenam Ecclesiasticam, per quam Christianus bonis Ecclesiae communibus privatur, suffragiis, sacrificiis, Sacramentis, &c.

III. Non nisi ob gravissimam culpam eamque exteriorem, & in rebelles & contumaces poenam hanc decerni solere.

IV. Veram esse ac justam excommunicationem; non tantum a societate seu particulari quadam Ecclesia, sed ab universali, cum nempe, ut antea observavimus, omnes Ecclesiae, expresso vel tacito consensu latæ sententia acquiescunt.

V. Si quis injuste ab Ecclesia appelleretur, ille interius ad Ecclesiam pertineret: imo nec de illo, qui justa excommunicatione plectitur, desperandum esse docet S. Augustinus, lib. 1. de Baptismo contra Donatistas, c. 17. n. 26. *De nullo tamen desperandum est*, inquit, *sive qui intus talis appetit, sive qui foris manifestius adversatur. Spiritales autem sive ad hoc ipsum pio studio proficientes, non eunt foras: quia & cum aliqua vel perseveritate vel nequitia hominum videntur expelli, ibi magis probantur, quam si intus permaneant: cum adversus Ecclesiam nullatenus eriguntur, sed in solidâ unitatis petra fortissimo charitatis robore radicantur.* His suppositis, queritur an qui sunt excommunicati vera sint Ecclesiae membra.

## CONCILIO.

*Excommunicati vere non sunt in Ecclesia.*

Probatur 1. ex Scripturis. Matth. 18. v. 17. Christus jubet rebelles & contumaces Christianos qui Ecclesiam audire nolunt, habendos tamquam Ethnicos & Publicanos: *Si Ecclesiam non audierit, si tibi sicut Ethnicus & Publicanus.* Hanc autem ferenda excommunicationis sententia auctoritatem Ecclesiae vi clavium competere, demonstrant haec sequentia Christi verba: *Amen dico vobis quicumque alligaveritis super terram, &c.* Hac auctoritate usus est Apostolus erga Corinthium incestuosum quem satanæ tradidit, 1. Corinth. 5. v. 11. & 13.

Pro.

Probatur 2. ex SS. Patribus.

Tertullianus Apologet. c. 39. loquens de excommunicatione, ipsam appellant censuram divinam, eamque esse futuri Judicij prejudicium :  
 P. 31.B. *Cum nempe, inquit, si quis ita deliquerit, ut a communione orationis, & conventus, & omnis sacri commercii relegetur.*

S. Cyprianus Epistola 62. ad Pompejum excommunicationem appellat gladium spiritalem: *Spiritali gladio, inquit, superbi & contumaces ne-cantur, dum de Ecclesia ejiciuntur. Neque enim vivere foris possunt, cum domus Dei una sit, & nemini salus esse nisi in Ecclesia possit.*

Eusebius lib. 5. Hist. c. 24. referens quanam ratione Victor S. P. egerit adversus Asiaticos propter dissidium de celebratione Paschatis, sic loquitur: *His ita gestis, Victor Romanæ Urbis Episcopus, illico omnes Asiæ vicinorumque Provinciarum Ecclesias tamquam contraria recte fidei sentientes, a communione absindere conatur; datisque Litteris, universos qui illic erant fratres, proscribit, & ab unitate Ecclesiæ prorsus alienos esse pronunciat. Quibus verbis significat hunc esse excommunicationis effectum, ut ab Ecclesiæ unitate faciat prorsus alienos.*

T. 4. p. S. Hieronymus in c. 3. Epistola ad Titum, *Fornicator, inquit, adulterer, homicida: & cetera vitia, per Sacerdotes de Ecclesia propelluntur. Heterici autem in semetipso sententiam ferunt suo arbitrio de Ecclesia recedentes.*

T. 9. p. S. Augustinus Lib. de unitate Ecclesiæ, capite ultimo ait, *excommuni-386. nicari esse visibiliter praecidi a corpore Ecclesiæ, & lib. de corrept. & gratia T. 10. p. c. 15. dicit per excommunicationem separari ab omnibus sanis ovem morbidam, 775. F. ne per plures serpentis dira contagia, & quæstione 39. in Deuteronomium T. 3. p. 1. ait, hoc nunc agere in Ecclesia excommunicationem, quod agebat tunc interficio; & confert quod dicebatur, Deuteronomii 24. v. 7. *Ausferes malum p. 170. A. de medio tui, cum eo quod dicit Apostolus 1. Corinth. 5. v. 13. Ausfer- te malum ex vobismetipsis.**

Probatur 3. rationibus Theologicis.

I. quia per excommunicationem privantur Christiani omni commercio spirituali quod habent tamquam unius & ejusdem Ecclesiæ partes & membra inter se, quemadmodum intelligi potest ex Tertulliano Apologeticu c. 39.

II. quia excommunicationis poena eum locum habet in Ecclesia Christi, quem habebat poena mortis in veteri Testamento, & quem etiamnum habet in Regnis & ditionibus Principum temporalium, sicut observat S. Augustinus, citata quæst. 39. in Deuteronomium.

III. quia omnium peccarum quæ infligi possunt ab Ecclesia, nulla gravior est excommunicatione, sicut expresse docet S. Augustinus Lib. de corrept. & grat. c. 15.

IV. denique, quia excommunicati nec ad corpus, nec ad animam Ecclesiæ pertinent. Non ad corpus, a cuius communione exteriori praecisi sunt, non ad animam, cum supponantur contumaces in suis delictis.

Dices 1. S. Augustinus Lib. contra Donatistas post Collationem cap. 20. ait: *A populo Dei non separamus, quos vel degradando vel excommuni-597. G. cando ad humiliorum penitendi locum redigimus: atqui per populum Dei intelligi debet Ecclesia; ergo, &c.*

Resp.

Resp. hic agere sanctum Doctorem vel de separatione perpetua quæ est sine spe salutis & reditus ; vel per Ecclesiam intelligere numerum salvandorum ; vel, quod probabilius est, non separari a populo Dei , idem esse ac a bonis & sanctis hominibus non separari , qui maxime sunt populus Dei & viva Corporis Christi. membra : quia nempe excommunicatio per se & directe nunquam hominem privat interiori communione quæ fit per gratiam & charitatem.

Dices 2. Excommunicatio est medicina quædam spiritualis instituta in utilitatem eorum qui excommunicantur : atqui non esset in utilitatem eorum si ejicerentur ab Ecclesia.

Resp. dist. min. si ita ejicerentur ab Ecclesia ut nulla spes iis relinqueretur & potestas reducendi ad Ecclesiam , concedo : secus, nego . Porro tantum abest ut hanc spem eis eripiat Ecclesia , quin potius non alio fine excommunicat , quam ut hac medicinali pena suos emendet , ac invitet ut in sinum suum redeant , omni deposita rebellione ac contumacia .

## A R T I C U L U S VI.

### *Utrum Infideles sint in Ecclesia.*

**Q**Uæstio moveri potest de Infidelibus publicis ac manifestis , & de occultis : & isti rursus vel sunt baptizati , vel non sunt , qui sese fidelium cœtui exterius admiscent , fidem profitentur exterius , Sacra menta percipiunt , &c.

Ac primo quidem de Infidelibus publicis non baptizatis idem plane dicendum quod antea de publicis Hereticis diximus , eos nullatenus ad Ecclesiam pertinere . Quid enim mibi de iis qui foris sunt , judicare ? ait Paulus , 1. Cor. 5. v. 12.

De Infidelibus vero occultis ; si baptizati sint , idem quoque sentiendum quod de occultis Hereticis supra exposuimus : consule , ne sapienter eadem recoquere teneamur .

De Infidelibus vero occultis non baptizatis , qui alicujus temporalis commodi causa sese fidelium cœtibus admiscent , &c. sunt qui putant eos ad Ecclesiæ corpus pertinere , propter exteriorem illam fidei professionem & Sacramentorum perceptionem ; ita Joannes Driedo . Alii tamen melius dicunt eos nequidem ad corpus Ecclesiæ vere pertinere , sed tantum secundum exteriorem speciem , putative ac ficte ; quia nempe carent Baptismo , per quem patet aditus ad Ecclesiam . Videntur ergo illi esse in Ecclesia , sed vere non sunt , in quam admissi nunquam fuerunt ; unde statim ejicerentur , si constaret illos nunquam Baptismo initiatos fuisse . Lege Bellarminum , Lib. 3. de Ecclesia militante , cap. 10. Sed de hoc argumento plura dicere necesse non est , siquidem quæ superius circa Hæreticos disputata sunt , accommodari hic facile posunt ,

## ARTICULUS VII.

*Vtrum Cathecumeni sint in Ecclesia.*

P. 101. Catechumenus idem est ac auditor, ex sancto Isidoro Hispalensi,  
lib. 7. Originum, c. 14. Catechumenus, inquit, est ille qui adhuc fidei  
col. 2. A. doctrinam audit, neandum tamen Baptismum percepit.

Varias Catechumenorum Clasles, functiones, exercitia exponemus ubi de Baptismo. Hoc unum hic queritur, sintne vera corporis Ecclesiae membra: corporis dico; de corpore enim Ecclesiae agere nos non semel monimus: posse vero Catechumenos ratione internae fidei ac charitatis ad animam Ecclesiae pertinere, etiam antequam actu & de facto baptizentur, adeoque illos desiderio, affectu & animo ad Ecclesiam tunc pertinere, & salvos fieri posse, hic tamquam certum supponimus. Itaque sit

## CONCLUSIO.

Catechumeni non sunt actu & perfecte vera Ecclesiae membra.

Probatur quia illi non sunt actu & perfecte vera Ecclesiae membra, qui nondum Christo inserti sunt per Baptismum, qui nullum jus habent ad Sacraenta Ecclesiae, aliaque quæ fidelibus omnibus Christianis Bellarm. sunt communia, quos denique SS. Patres semper a Fidelibus distinxerunt: atqui tales sunt Catechumeni.

I. Nondum Christo per Baptismum inserti sunt, ut per se patet: & idcirco inter auditores, seu candidatos fidei ad Baptismum aspirantes recensentur. Porro nemo fieri potest membrum Christi Ecclesiae sine Baptismo, per quem aditus aperitur ad Ecclesiam, & sollemnis fit Christianæ Religionis professio.

II. Catechumeni nullum jus habent ad Sacraenta Ecclesiae, & alia quæ communia sunt ceteris fidelibus. Est enim Baptismus primus gradus omnino necessarius ut quis jus acquirat ad omnia Sacraenta, per illum enim homo inter Christianos inscribitur, & publice nomen suum dat militiae Christi. Unde S. Augustinus Tractatu 12. in Joan. ait Catechumenos similes esse Judæis illis de quibus Joan. 2. capite dicitur, quod multi crediderunt in nomine ejus, ipse autem Jesus non credebat semetipsum eis: id est, non credit Sacraenta sua, præsertim Corporis & Sanguinis sui. Sed quare, inquit? Quia nondum erant nati ex aqua & Spiritu.

III. SS. Patres Catechumenos semper distinxerunt a Fidelibus, P. 227. Tertullianus Libro de Præscriptionibus, c. 41. reprehendit Hæreticos quod nulla esset apud eos inter Catechumenos & ceteros Fideles distinctione, & promiscue cum Fidelibus adesse Sacrificiis & Orationibus parterentur.

T. 1. p. 647. G. S. Gregorius Nazianzenus Orat. 40. in sanctum Baptisma: Quamdiu, inquit, in Catechumenorum numero es, in pietatis vestibulo es. Intrare te oportet, atrium pertransire, Sancta contueri, in Sancta Sanctorum prospicere, cum Trinitate conjungi.

S. Chrysostomus Hom. 24. in Jo. dicit Catechumenum alienum esse a Fidei, & nihil habere cum ipso commune.

S. Cyrillus lib. 12. in Jo. observat Catechumenos esse apud Christianos, id quod erant incircumcisi apud Judæos, qui non poterant vesci Agno Paschali. P. 119.

Ex his igitur colliges, Catechumenos non esse in Ecclesia actu & proprie, sed tantum in potentia; quomodo homo conceptus, sed nondum formatus & natus non dicitur homo nisi potentia.

Dices 1. Extra Ecclesiam nemo salvare potest: sed Catechumeni in quibus est fides vera ac ardens charitas salvare possunt, etiam ante perceptum actu Baptismum; ergo non sunt extra Ecclesiam.

Resp. disting. maj. extra Ecclesiam sumptam tam pro anima quam corpore, nemo salvare potest, concedo: sumptam pro corpore, subdivisitudo: si ex sua culpa quis non sit in illo Ecclesiæ corpore, concedo: si absque ulla sua culpa, nego. Pariter distinguo consequens: ergo Catechumeni non sunt extra Ecclesiam, ratione animæ ipsius, si nempe fidem habeant & charitatem perfectam, concedo: non sunt extra Ecclesiam, ratione corporis, iterum distinguo: non sunt extra Ecclesiæ corpus ex culpa sua, sed ex necessitate qua premuntur, concedo: non sunt, licet absque ulla ex parte sui culpa, extra Ecclesiæ corpus, nego. Licet autem actu & de facto sint extra corpus Ecclesiæ, ad illud tamen animo & affectu pertinent, & propter fidem ac perfectam charitatem, quam supponuntur habere, salvi esse possunt, si ante perceptum actu Baptismum ex vivis rapiantur.

Dices 2. Non minus Catechumeni sunt de Ecclesia, quam improbi Catholici; neque enim minus, imo magis esse debent de Ecclesia, qui ad animam ejus pertinent, quam qui ad ejus corpus: atqui plures Catechumeni pertinent ad animam Ecclesiæ, improbi vero pertinent tantum ad corpus Ecclesiæ.

Resp. ex dictis sèpius nos hic agere de corpore Ecclesiæ: ad illud autem magis pertinent improbi Catholici quam Catechumeni; qui, si fidem habeant & charitatem, ad animam pertinent Ecclesiæ actu & de facto, ac corpus vero tantum voto & desiderio: improbi vero ad animam Ecclesiæ non pertinent. Quare si sermo sit de illis Catechumenis qui non voluntate sed necessitate Baptismo privantur quem desiderant, fateor posse dici illos magis pertinere ad Ecclesiam, quam improbos Catholicos; siquidem ad animam Ecclesiæ pertinent, improbi autem ad solum corpus: nobilior autem Ecclesiæ pars est anima.

Dices 3. Quamvis olim pœnitentes publici ab aliis fidelibus secerrentur, ab Ecclesiæ etiam ingressu arcerentur, neque Sacrificiis aut Orationibus publicis interesse ipsis permitteretur, non tamen dicuntur fuisse extra sinum Ecclesiæ; ergo licet Catechumeni distinguerentur a ceteris Fidelibus, non tamen inde sequitur eos fuisse extra Ecclesiam.

Resp. hoc esse discrimen inter pœnitentes & Catechumenos, quod illos haberet Ecclesia tamquam filios quos corrigebat & emendabat, atque in pœnam peccatorum suorum Sacramentis privabat, unde jus habebant ad Sacraenta percipienda post labores pœnitentia adimpletos: at Catechumeni, ut habet S. Augustinus Tractatu 12. in Joan. confide-


ran-


rantur quidem ab Ecclesia tamquam filii quos concipit, sed quos non dum parturiūt, edendos postea in lucem cum sancto lavacro regenerabuntur, adeoque nullum jus adhuc in bona filiorum acquisierunt.


Dices 4. S. August. Tractatu 4. in Jo. videtur in Ecclesia reponere T.3.p.2.  
Catechumenos, sic enim loquitur: *Intendat charitas vestra: Futuri erant p.317.C. aliqui in Ecclesiæ excelsioris gratiæ Catechumeni.*

Resp. distinguo, futuri erant in Ecclesia impropie, in potentia & voto, concedo: proprie, actu, quasi fuerint vera Ecclesiæ membra, nego. Fundamentum habet in sancto Augustino hæc distinctio: tum quia Lib. 2. de symbolo ad Catechumenos, c. 1. & Tractatu 12. in Jo. dicit eos qui nondum per Baptismum renati sunt, esse tantum in utero Ecclesiæ per Crucis signum conceptos: tum quia in eo ipso loco unde petitur Objectio, loquitur de Catechumenis, qui meliores se aliis arbitrantes dedignabantur venire ad Baptismum. At certum est ejusmodi Catechumenos proprie non esse in Ecclesia, sed tantum hoc sensu, quod cum nomen suum dederint, ut ejus albo inscriberentur, censebantur in voto ad eam utcumque pertinere.

F I N I S.







T  
E  
C  
T

